





John Carter Brown  
Library  
Brown University

The John Carter Brown Library


Brown University

Purchased from the  
Louisa D. Sharpe Metcalf Fund





















APPARATUS  
**ERUDITIONIS**

AD  
JURISPRUDENTIAM,  
P R Æ S E R T I M  
E C C L E S I A S T I C A M,

In quo reviso, auctoque

Præter Juris Universalis Principia,

**JUS NATURÆ, GENTIUM, DIVINUM,**  
APOSTOLICUM, & PONTIFICIUM, JUS SYNODALE  
OECUMENICUM, NATIONALE AC PROVINCIALE,  
Unacum

Provinciarum ac Regnorum Ecclesiastico & Politico Statu,  
Disciplina Ecclesiæ, Hæresibus exortis &c. continua sæculorum serie ad  
præsens usque tempus deductum, insertisque in hac præsertim nova  
editione pro re nata multis observationibus criticis, ac controversiis  
Juridicis, Publicis, ac Polemicis,

**METHODO HISTORICO-DOGMATICA COLLIGUNTUR,**  
**ET BREVI AC CLARA IDEÆ DELINEANTUR,**

In utilitatem eruditionis amantium, quibus vasta Conciliorum, Decretorum,  
Historiarum &c. volumina perlegendi aut occasio aut tempus deficit,

A U T H O R E

**P. JOSEPHO BINDER, S. J.**

SS. Theol. & SS. Canonum Doctore, horumque in alma Casareo - Leopoldina  
Universitate Oenipontana, ac in celeberrima Episcopali Academia Dillingana  
antehac Professore Ordinatio ac Publico.

**P A R S I.**

*De Jure in genere.*

**Editio Quinta auctior.**

**CUM FACULTATE SUPERIORUM.**



*Augustæ Viaticorum & Friburgi Brisingæ,*

Sumptibus Fratrum IGNATII, & ANT. WAGNER Bibliop. MDCCLXVII.



# APPARATUS CRUDITIONIS

AD  
JURISPRUDENTIAM  
ECCLESIASTICAM.

In quo textus, antiquus  
Præter Juris Universalis Principia,  
IUS NATURÆ, CIVILIS, DIVINUM,  
APOSTOLICUM, & MONASTICUM, IUS SYNODALE,  
SECTARIUM, NATIONALIS AC PROVINCIALE,  
Censuræ  
Provinciarum, & Regni Ecclesiæ de Populo, Statu,  
Dignitate, Beneficiis, & c. continetur. Insuper præter  
prædicta, quædam præcepta, interdicta in hoc præfatum  
condemnatione rebus, & c. continentur, ac controversiis,  
Iuris, & c. de Iusticiis,  
METHODO HISTORICO-DOCTRINARIO COLLIGITUR.  
ET BREVI DE CANONICA IDEÆ DELINEATUR.  
In ultimam, & ultimam præfationem, quibus vestis Conciliorum, Decretorum,  
Historiam, & c. præfationem præfationis, ac temporis, & c.

AUTHOR  
P. JOSEPHO BIERER, S.J.  
S.J. Theol. & S.J. Canonice Doctore, hactenus in hunc Censuræ, & c. præfationem,  
Lipsiensi Universitate, ac in ceteris huiusmodi hactenus in  
censuræ, & c. præfationem, & c.



PARS I.  
De Jure in genere.  
Iuris Quæstiones.

UNIVERSITATE SUPERIORI





## PRÆFATIO AD LECTOREM.

**P**rovisum abunde est, ut Reipublicæ Litterariæ universim, ita quam maxime Jurisprudentiæ, libris innumeris, qui, tum variis in compendiis, tum spissis etiam voluminibus, Titulos in corpore Utriusque Juris contentos, eodem ferme, paucis mutatis, tenore pertractant, adeo quidem, ut qui unum auctorem legerit, alios etiam plures legisse censi possit.

Supervacaneum proin duxi, tritam illam toties viam velle ulterius complanare, meliusque de re litteraria meritorum me putavi, si ulteriori Candidatorum Jurisprudentiæ eruditioni subservirem, ac nova aliquantum methodo *Apparatum* quendam *Eruditionis* ad Jurisprudentiam, præsertim Ecclesiasticam,

X

con-



conscriberem; quo videlicet Doctrinæ Juridicæ sociaretur crisis Historica, & Canonum Legumque severitas eruditionis amœnitate temperetur: quo genere studiorum nihil videtur esse jucundius, atque erudita hac ætate nihil utilius, nihil æstimatius.

Quamvis autem blandiri mihi nullatenus possim, me in erudita hac disciplina aliquid assecutum, amatorem tamen ejusdem & æstimatorem profiteor; conatumque saltem, ut ut materiæ dignitati imparerem, Lector Benevole, habebis ratum.

Atque hoc quidem primo volumine tres partes, de *Jure in genere*, tanquam fundamento omnis Jurisprudentiæ, de *Jure Naturæ & Gentium*, de *Jure Divino & Apostolico*, atque de *Jure Synodali Universali*: In secundo vero volumine & seqq. itidem sex partes, de *Jure Synodali Particulari*, de *Nationali* videlicet, *Provinciali*, & *Diocesano*, cum Ecclesiastici & Politici Status descriptione Historica, per singula sæcula continuata, Tibi porrigo; Parte XI. *Jus Pontificium* in genere & specie &c. ac demum Parte XII. Historiam ecclesiasticam & politicam Asiæ, Africæ & Americæ complexurus.

Quoad Canonum Doctrinam ipsum Synodorum textum, ea, qua fieri poterat brevitate & claritate, proponere studui, ut, quibus numerosos amplosque Conciliorum Tomos perlegendi aut otium, aut occasio non suppetit, succincta epitome doctrinæ substantiam, tanquam nucleum, sub unum velut aspectum ponat.



# PARS PRIMA

## DE LEGIBUS IN GENERE.



ummi momenti non tantum in utroque Jure sed etiam in Theologia est titulus ille Juris Canonici, qui *de Constitutionibus* inscribitur. Dum enim legum naturam, varietatem, causas, effectus, ac proprietates examinat, generalia Jurium principia ob oculos ponit. Ut autem in tantarum ubertate servetur ordo, incipendum a legibus in genere: tum vero ad varias legum species descendendum. In omni autem re, quæ tractanda assumitur, ea videtur esse aptior ad docendum discendumque ratio, si a definitione & divisione ducatur initium, tum vero ad causas ejusdem, proprietates, & effectus enucleandos progressus fiat. Sic enim & ordini & memoriæ quam optime videtur consuli.

### CAPUT I.

*De natura, varietate, & causis Legum.*

#### SUMMARIUM.

- |   |  |
|---|--|
| 1. Quid sit lex.                            | 10. Legislatores Ecclesiastici potest præcipere actum mere internum,                 |
| 2. Quotuplex sit lex.                       | 11. Et jam sapius præcepit.  |
| 3. Causa efficiens legis.                   | 12. 13. 14. Solvuntur objectiones.   |
| 4. 5. Causa finalis.                        | 15. Non tamen legislator politicus, propter diversitatem finis utriusque Potestatis. |
| 6. 7. 8. Causa materialis & objectum legis. | A  |
| 9. Controversia de actu interno.            | 16. De   |
| Pars I.                                     |  |



16. De causa formali legis.

17. 18. Promulgatio constituit essentialiter legis.

19. Probabiliter non requiritur, ut lex Pontificia in Provinciis solenniter promulgetur.

20. Rationes hujus assertionis.

21. 22. 23. Solvuntur objectiones.

24. Et per se statim obligat.

15. Acceptatio populi non requiritur ad constituendam legem, sed tantum ad stabilitatem.

## Q U Æ S T I O I.

*Quid sit lex?*

I.

**R**espondetur: Est ordinatio rationis in bonum commune, ab eo, qui curam communitatis habet, promulgata. Ita auctores passim ex S. Thoma 1. 2. q. 90. art. 4. in c.

Dicitur 1. *Ordinatio rationis*, seu rationabilis dispositio superioris, obligans subditos ad aliquid faciendum vel omittendum. Per quod differt a consilio, quod nullam imponit obligationem, sed tantum suadet.

Dicitur 2. *Ad bonum commune*. Per quod indicatur finis legis: quæ semper tendere debet ad bonum commune, seu ad bonum communitatis, moraliter unitæ sub una gubernatione. Per quod differt lex a præcepto strictè sumpto: nam lex fertur pro communitate, & afficit territorium legislatoris: præceptum vero imponitur personis singularibus, & adhæret personis ipsis. Sæpe tamen lex, præceptum, statutum, jus &c. in eadem significatione accipiuntur. Unde leges Ecclesiæ dicuntur præcepta Ecclesiæ, licet in bonum communitatis sint lata.

Dicitur 3. *Ab eo, qui curam communitatis habet*. Indicatur hic legislator, qui nempe non tantum habet curam & potestatem dominativam, aut æconomicam, qualem habet dominus in servum, pater in filium, maritus in uxorem, sed politicam, gubernativam & jurisdictionem sublimem, quæ se extendat ad communitatem perfectam regendam.

Dicitur 4. *Promulgata*. Nam ut decretum, statutum, præceptum, aut quæcunque dispositio obliget subditos, debet iis sufficienter esse intimata.

Colliges 1. Sententiam Judicis per se non esse legem: tum quia datur personis particularibus; tum quia non omnis Judex habet jurisdictionem sublimem ad ferendam legem requisitam. Unde sententia est potius lata juxta legem, & sic declaratio legis, quam lex.

Coll. 2. Omnem legem ad aliquid obligare. Unde etiam lex irritans obligat, actum irritatum habere pro nullo. Et lex permittens, licet non obliget eum, cui aliquid permissum est, obligat tamen alios, ne eum impendant, & respectu horum est lex.

Idem dicendum de Privilegiis, quæ sunt quædam lex permittens, obligans alios, ne privilegium impendant ab usu privilegii. Cedit autem in

Legis natura.



in bonum publicum, non impediunt eos, qui habent privilegium pro se, aut legem permittentem.

## Q U Æ S T I O II.

*Quotuplex sit lex?*

**R**esp. Cum infra ad leges in specie simus descenduri, hic tantum obiter & in genere insinuat aliquam legis divisionem. Igitur

1. Lex alia est *Naturalis*, ab ipso nempe auctore naturæ scripta in cordibus creaturarum rationalium, & per lumen rationis promulgata.

Alia *positiva Divina*; quam Deus in sacra scriptura veteris, ac novi testamenti complexus est.

Alia *Humana*, quæ nempe hominem habet legislatorem. Eaque in *Ecclesiasticam* & *civilem*, *publicam* & *privatam* subdividitur, ut postea uberiorius declarabitur.

2. Dividitur in *Affirmativam* & *Negativam*. *Affirmativa* præcipit Legis vadium ponere; e. g. audire Missam die festo: & hæc obligat quidem *semper*, sed non *pro semper*. *Negativa* prohibet actum, e. g. furti: & hæc dicitur obligare *semper pro semper*. Hinc non teneris audire Missam *pro semper*; teneris tamen omittere furtum *pro semper*.

3. Alia est *Præceptiva*, quæ simpliciter & absolute aliquid præcipit aut prohibet, atque sub culpa in conscientia etiam obligat. Alia *Pœnalis*, quæ multa imponitur. Si præcise pœnam statuit ponenti aliquid actum, quin illum prohibeat, dicitur *pure pœnalis*. Tales dicuntur esse præcepta regulæ religiosorum, & juxta aliquos etiam leges imponentes pœnam reprobis, toribus aut feripetis, aut non solventibus telonia, aut exportationibus ex provincia certas merces. E. g. Si lex ita sonet: *qui exportaverit frumentum, centum imperiales solvat*.

Si autem simul sit præceptiva & pœnalis, dicitur *mixa*: e. g. Si Princeps dicat: *nemo exportet frumentum: qui autem exportaverit, solvet centum imperiales*.

4. Præter istas datur etiam lex *Irritans*, quæ nempe irritat seu annullat actum. E. g. Lex irritans matrimonium clandestinum, contractum pupilli &c. Verum de his plura deinceps.

5. Dividitur in legem *odiosam*, quæ directe & principaliter tendit in odium alicujus, licet secundo cedat in favorem alterius. Et in *favorabilem*, quæ directe & principaliter lata est in alicujus favorem, licet secundo cedat in alterius odium.

## Q U Æ S T I O III.

*De causa efficiente Legis.*

**C**ausa efficiens legis est Legislator. Talis non potest esse persona privata,



Quis legis-  
lator?

vata, aut quæ tantum habet potestatem dominativam aut æconomicam, qualem habet dominus in servos suos, aut paterfamilias in suam familiam, licet illa mille capitibus confet: quia illis per se non imperat in bonum communis, sed in bonum suum privatum: debet igitur legislator habere potestatem jurisdictionis in communitatem sibi subditam, & quidem in communitatem *perfectam*: qualis non est quælibet multitudo, sed moraliter unita sub gubernante cum potestate publica ad bonum ipsius communis. Unde etiam non omnis, qui habet potestatem jurisdictionis, habet etiam potestatem legislativam, sed debet habere jurisdictionem publicam & sublimem. Nam quilibet iudex, etiam delegatus habet jurisdictionem, non tamen potestatem ferendi leges.

Talem autem potestatem jurisdictionis publicam & sublimem in ordine ad gubernandam communitatem perfectam sibi subditam ad bonum ipsius communis, habet imprimis Deus, & quidem universalem respectu totius generis humani. Et ab hoc Divino legislatore descendit jus geminum, naturale videlicet, commune omnibus per orbem hominibus, & positivum Divinum, quo aut jus naturale magis declaratur, promulgatur, & inculcatur, ut contingit per præcepta decalogi; aut ea etiam præcipiuntur a Deo, quæ intra sphaeram juris naturalis non comprehenduntur.

Cum autem non sit potestas nisi a Deo, omnis jurisdictio ac potestas legislativa in ordine ad gubernandos populos, qua homines fulgent, est participata quædam & velut delegata potestas a Deo, immenso velut oceano, rivos suos per terras diffundente.

Ab hoc igitur fonte potestas legislativa derivatur in humanum genus; five dein illa, consentiente populo, sit monarchica, in uno principe collecta; five aristocratica, ad optimates delata; five democratica, communitati populi adhærens, five ex his mixta aliqua reipublicæ forma, volente ita populo libero, conflata resultet.

Quia autem duplex potissimum potestas est collata mortalibus, *Ecclesiastica & Politica*, seu sæcularis, ideo etiam Deus Ecclesiasticos legislatores dedit (quos inter eminet summus Pontifex, Christi in terris Vicarius) & Politicos, Reges videlicet & Principes, aut liberas per orbem Respublicas. De quibus postea in specie tractandum occurret.

#### Q U Æ S T I O I V.

*De causa finali Legis.*

Cum sapiens illa ac provida æterna Mens, consulens humanis rebus, derit terris Principes, & Rectores populis, ut honeste, rite, & ordinate omnia fiant, sicque bene gubernentur humanæ per orbem societates atque respublicæ, facile datur intelligere, Principes non tam sibi quam po-  
pulis



pulis vivere, neque tam suam privatam, quam publicam communis utilitatem spectare in ferendis legibus oportere.

Quare finis tam legislatorum quam legum alius esse non potest, quam *bonum commune*, seu bonum communis, quod per legem intenditur, quæritur, procuratur conservatur ac promovetur. Imo ex hac ad bonum commune promovendum aptitudine suam lex *rationabilitatem* desumit. Finis legis bonum publicum.

Unde dispositio Principis injusta, inutilis, noxia publico, non est lex, ex defectu finis.

Verum doctrinæ huic aliqua se opponere videtur difficultas. Nam 1. multæ leges respicere videntur bonum privatum singularium duntaxat hominum, ut pupillorum, minorum, clericorum, nobilium, mulierum. 2. Leges tributorum & vestigialium cedunt in bonum Principis. 3. Privilegium est lex privata, cedens in bonum privatum privilegiati. 4. Lex præscriptionis pluribus est damnosa. Ergo non omnis lex debet tendere ad bonum commune, tanquam ad suum finem.

Resp. Omnes etiam hæ leges respiciunt bonum commune: cum intersit reipublicæ has leges ferri. Nam ad 1. interest reipublicæ certo personarum generi, ut pupillis, minoribus, mulieribus &c. legum auxilio subveniri. Deinde etiam hæ leges feruntur in pupillo &c. sub ratione pupillis communi, & prout constituunt communis pupillorum. Ad 2. lex tributorum subditis imponitur, ut Princeps cum necessariis suis administris recte gubernare, & si opus, defendere etiam contra hostes possit reipublicam. Ad 3. pariter exigit bonum publicum, ut privilegiati non impediatur inique ab usu sui privilegii. Ad 4. eadem est responsio: nam lex præscriptionis conducit ad tollendas lites, & incertitudines bonorum, ad acuendam industriam & curam civium, adeoque ad bonum publicum.

Dices 1. Jus dividitur in publicum & privatum. Ergo dantur aliquæ leges, quæ respiciunt bonum publicum, & aliæ, quæ respiciunt privatum. R. N. c. etiam jus privatum intendit bonum commune civium; & objectum formale, seu motivum & ratio, sub qua in illud fertur, semper est bonum totius reipublicæ. Unde jus *privatum* dicitur, quatenus immediate versatur circa bonum civium: *publicum* vero, quatenus immediate versatur circa regimen & statum reipublicæ.

Dices 2. Datur lex prohibens mendacium, licet illud esset necessarium ad conservationem reipublicæ. Atqui talis lex non haberet pro fine bonum reipublicæ. Ergo non omnis lex debet habere pro fine bonum commune. Resp. Hæc difficultas non est modica, ejusque solutio ex altioribus petenda principis, quæ parte secunda, ubi de jure naturali disputabitur, proponitur. Interim breviter dico, summum humanæ reipublicæ bonum esse, si ad Deum creatorem ac gubernatorem suum sapientissimum

5.

Difficultas.



atque sanctissimum, tanquam finem suum ultimum, bene sit comparata, ejusque perfectiones commendet. Atqui non esset talis, si non daretur lex prohibens mendacium, utpote intrinsece malum, deturpativum naturæ rationalis, ac perfectioni Divinæ veracitatis ac sanctitatis contrarium: nam si Deus licitum faceret mendacium, redundaret imperfectio in ipsam infinitam veracitatem & sanctitatem Divinam, quæ sicut mentiri non potest, sic neque licitum facere mendacium. Consequenter, si humanæ reipublicæ ullo in casu licitum esset mendacium, illa pessime esset constituta, quia non amplius apta ad suum finem ultimum, nempe ad commendandam sapientiam, sanctitatem, & veracitatem sui conditoris & gubernatoris; imo huic fini suo esset opposita, turpis, ac male gubernata. Unde lex prohibens mendacium, pro omni casu possibili tendit ad bonum rationalis reipublicæ: meliusque esset, rempublicam humanam non existere, quam male eam a Deo gubernari, in præjudicium sanctitatis, veracitatis, & aliarum Divinarum perfectionum: quas commendare per rectam sui gubernationem & constitutionem, finis ultimus, intrinsecus & essentialis est humanæ reipublicæ.

## QUÆTIO V.

### *De causa materiali Legis.*

6. **M**ateria, seu objectum materiale legis sunt actiones humanæ, quæ a legislatore vel præcipiuntur, vel permittuntur, vel puniuntur, vel irri-  
tantur.

Et quidem legis præceptivæ objectum debent esse actus saltem negative honesti, hoc est, non inhonesti: nam inhonesti præcipi non possunt: quia talis lex non esset rationabilis. Possunt tamen præcipi actus de se indifferentes, quando bonum publicum exigit eos præcipi: e. g. ut cives se exercent in armis, ut evadant apti ad defendendam patriam. Et talis lex vere est rationabilis; nam licet illius objectum materiale sit de se indifferens, tamen finis, e. g. defensio patriæ, est quid positive honestum, & reddit etiam objectum materiale, quod de se est mere indifferens, positive honestum.

Deinde objectum legis præceptivæ debet esse possibile: nam ad impossibile nemo tenetur. Neque tantum debet esse possibile physice, sed etiam moraliter. Hoc est, objectum legis humanæ præceptivæ non debet esse nimis arduum & difficile, ut spectata fragilitate humana non adeo difficulter possit lex observari. Alias non esset rationabilis, & plus mali ex illa oriretur quam boni; unde Ecclesia non posset præcipere, ut omnes omnino, etiam infirmi & debiles, toto anno jejunent; ut omnes sequantur consilia Evangelica; ut omnes publice confiteantur peccata &c.

*Legis*



*Legis prohibitive* objectum sunt omnes actus mali, & quandoque etiam *de se* indifferentes, imo etiam *de se* boni, si sint impedimentum majoris boni, aut reipublicæ noxii, aut certo fini contrarii. Sic militibus, imo & mulieribus prohiberi potest, ne toto die in templo hæreant, cum neglectu militiæ aut rei domesticæ. Item prohibetur labor servilis die festo, licet *de se* bonus sit.

*Legis permittentis* objectum sunt actus indifferentes: & quandoque etiam mali, ad evitandum majus malum. Sic alicubi permittuntur (vel actus lex potius tolerantur) extrui lupanaria: quin tamen malum a lege permittente approbetur. Sic etiam Deus in lege veteri permisit conjugii dare libellum repudii, quin præceperit aut approbarit positive.

*Legis punientis* objectum sunt actus criminosi & culposi; & quidem si detur mere puniens seu mere pœnalis, punit culpam aliquam juridicam, vel politicam, ut communiter docetur.

Lex denique *irritans* fertur in actus malos, & indifferentes, & quandoque etiam in actus *de se* bonos: e. g. quando irritat donationem pupilli, aut Prælati Ecclesiastici, factam in causas pias. Imo irritari etiam & rescindi possunt per legem actus *jam præteriti* (sicut etiam puniri possunt) non tamen possunt prohiberi, aut præcipi, aut permitti per legem; factum siquidem esset præcipere actus præteritos.

Dices 1. Actus honesti & inhonesti sunt objectum legis naturalis: ergo non possunt præcipi vel prohiberi lege positiva. R. n. c. potest enim eadem res esse objectum plurium legum: sic, quæ continentur in decalogo, sunt materia juris naturalis & positivi.

Dices 2. Lex debet esse rationabilis, & tendere ad bonum publicum. Ergo non potest versari circa actus indifferentes. R. d. c. non potest versari circa actus indifferentes, qui neque ex se neque ex fine suo sunt boni, c. c. si saltem ex fine suo sint boni, n. c. actus, qui *de se* sunt mere indifferentes, e. g. exercitatio in armis, potest præcipi in ordine ad defendendam patriam; & sic ex fine bono ac publico, quem lex intendit, fiunt boni. Sic etiam lex prohibens, permittens, & irritans actum *de se* indifferentem, ex fine bono & honesto potest fieri rationabilis.

Dices 3. Lex civilis varia permittit inhonesta, e. g. patri vel marito interficere adulterum cum filia vel uxore deprehensum. R. Jus civile talia non proprie permittit, tanquam licita; imo non potest sic permittere, quæ sunt contra jus naturale, Divinum, aut Ecclesiasticum in re spiritali: sed ea tantum tolerat, & non punit. Si autem quædam ejusmodi per legem voluisset licita facere, e. g. dissolutionem matrimonii propter causam fornicationis, præscriptionem cum mala fide, aut prohibere secundas nuptias &c. correctum esset per jus Canonicum.

Quæ-



8.  
An Prin-  
ceps au-  
ferre possit  
subditis  
bona?

Quæres, an lex principis se etiam extendat ad auferenda subditis sua jura ac bona? R. negative: excepto tamen casu, quo bonum reipublicæ id exigeret. Ratio est: quia juris naturalis principia sunt: *alterum non ledere, cuique suum tribuere*. Atqui summi etiam Principes obligantur jure naturali. Sic injuste Achab abstulit vineam Naboth.

Deinde Princeps potestatem suam totam habet immediate a populo §. 6. *Inst. de I. N. G. & C.* populus autem non habuit adeo absolutam & illimitatam potestatem in civium bona, ut absque gravi ac justa causa potuerit illa auferre. Ergo neque Princeps.

Dices 1. Talis potestas a Deo est data Sauli Regi, & a Samuele Propheta promulgata populo, 1. Reg. 8. R. Samuel ibi non proponit jus regi vere competens: sed prædicit populo usurpationem iniquam, ut eos a petendo rege absterreat: ut interpretatur S. Thomas cum communi.

Dices 2. Princeps est supra leges, & dominus omnium. Ergo pro arbitrio potest de omnibus disponere. R. Est supra leges civiles, non autem supra leges naturales. Deinde non habet plenum rerum singularem dominium proprietatis, sed tantum dominium altum & eminentiale: quatenus a republica accepit potestatem de iisdem disponendi pro necessitate publica.

Dices 3. Papa in spiritualibus plenissimam habet potestatem. Ergo etiam rex in secularibus. R. Neque Papa potest pro mero arbitrio, & absque justa causa personis Ecclesiasticis res suas & jura jam quæsitauferre.

## CONTROVERSIA.

*An actus interni sint objectum legis humanæ?*

9.

Non est dubium, quin actus etiam mere interni humanæ voluntatis sint materia seu objectum legis naturalis, & positivæ Divinæ. Magna tamen est disceptatio, an iisdem præcipi aut prohiberi possint etiam per legem humanam?

Actus in-  
ternus in-  
directe  
præcipi  
potest.

Et quidem, quod legislator Ecclesiasticus saltem *indirecte* præcipere possit actum internum, quando nempe actus externus sine interno rite poni non potest, aut actum mixtum ex interno, & externo, passim admittitur: sic enim lex humana præcipit devotam & attentam orationem, aut recitationem Divini officii, validam administrationem Sacramentorum, votum castitatis ordinandis, consensum internum, sine deceptione, in contractibus. Tota igitur difficultas eo recidit, an legislator humanus etiam *directe* præcipere aut prohibere possit actum *mere internum*.

CON-



## CONCLUSIO I.

*Legislator Ecclesiasticus probabilius potest etiam directe præcipere actum mere internum.*

**I**ta Glossa in can. 14. de penit. dist. 1. & in Clem. 1. de hæret. §. verum v. eo ipso. Ubi plures canones pro hac sententia citat. item Medina c. de orat. q. 15. Rosella v. absolutio 1. n. 28. & 29. Baldus, Adrianus, Clarus, Cardenas, La Croix, Söll, &c. contra communioem. 10.  
Imo etiam  
directe.

Prob. 1. *negative*. Quia adversarii probare deberent, Ecclesiam aut summum Pontificem non posse præcipere, prohibere, aut punire actus mere internos: præsertim cum Deus ei dederit potestatem illimitatam ligandi & solvendi, quæcunque non sunt juris naturalis aut Divini, aut aliunde, nempe vel ex sacris litteris, vel ex Conciliis aut Patribus noscuntur potestati Ecclesiæ esse substracta. Atqui probare non possunt, actus internos ab universali illa potestate esse substractos.

Prob. 2. *ex fine legis Ecclesiasticæ*; nam Deus dedit Ecclesiæ potestatem gubernativam, non politicam sed sacram, ad finem supernaturalem, perducendi nempe homines ad æternam beatitudinem ac Dei possessionem, tanquam ultimum finem suum. Ad hunc autem multo magis conducunt, suntque necessarij actus interni: sine quibus Ecclesia non potest esse bene constituta. Cum actus externi sine internis sint velut corpus sine anima, cortex sine nucleo. Quis ergo credat, Deum Ecclesiæ suæ tantum dedisse potestatem legislativam in actus minus conducentes ad finem.

Conf. 1. Si quis die jejunii in animo suo dicat: *hodie non jejunabo*, peccat graviter, licet mutata postea voluntate jejunet. Contra qualem autem legem est hoc peccatum mere internum, nisi contra legem Ecclesiasticam? si hunc actum internum prohiberi potest Ecclesia, cur non etiam alios? quid directe hic aliud prohibetur, nisi actus internus? &, si indirecte præcipi aut prohiberi potest, cur non etiam directe? si una cum externo præcipi potest, quare non etiam sine illo? Plane, si concedatur, uti passim conceditur, quod Ecclesia possit præcipere actum externum & internum e.g. recitationem Breviarii, & attentionem seu devotionem internam, nulla amplius est ratio, cur non etiam præcipere possit solum internum, e.g. meditationem seu orationem mentalem, quam pluribus Religiosis de facto leges suæ præscribunt? Unde

Conf. 2. Ecclesia potest prohibere & punire actus externos, etiam occultissimos, e.g. hæresin per excommunicationem latæ sententiæ, ipso facto incurrendæ, licet pro foro externo probari non possit. Potest exercere jurisdictionem in actus mere internos, absolvendo a peccatis internis, dispensando in votis &c. Potest irregularitatem & censuram ferre in deli-



Etiam occultissima; datque Tridentinum Episcopis facultatem ab iis absolvendi. Ergo etiam actus internos eodem jure præcipere, prohibere ac punire potest. Unde

It.  
Et sapius  
jam sunt  
præcepti.

Prob. 3. Ecclesia jam sapius præcepit, prohibuit, & punivit directe actus pure internos. Ergo potest. a. p. Concil. Trid. S. 13. in decreto de S. Euch. interdicat, ne quis aliter credat de S. Eucharistia. Innocentius XI. mandavit in virtute sanctæ obedientiæ, ne quis ullam ex 65. propositionibus, ab eo damnatis, in praxin deducat. Multæ autem ex illis concernunt actus mere internos, e. g. fidem internam, spem, dilectionem Dei & proximi. Hoc ipsum prohibet etiam Alexander VII. in damnatione 28. propositionum.

Innocentius X. in Bulla damnationis propositionum Jansenii mandat, ut nemo aliter sentiat. Atqui sentire est actus mere internus. Denique Clemens XI. in Bulla *Vineam Domini Sabaoth*, decernit, non satisfieri præcepto Ecclesiæ per silentium, sed requiri, ut etiam interius obsequantur, & propositiones Jansenii in animo pro vere hæreticis habeant; hanc esse veram orthodoxi hominis obedientiam, etiam interius obsequi. Quæ aliter senserint, tanquam Apostolicarum constitutionum transgressores habendos esse, ac omnibus censuris in hæreticos latis subiacere.

Ubi notandum, Jansenistas, ne ab Ecclesia separentur, & tamen doctrinæ Jansenii adherere possint, variis technis ac figmentis Pontificia decreta eludere conatos esse. Modo quippe dicebant, propositiones illas quinque in libro Jansenii non reperiri, aut saltem, non in eo sensu, in quo sunt damnatæ, modo aliis confictis interpretationibus, lubrici instar colubris gyantes elabuntur, aut hydræ instar nova itidem capita protruderunt. Cum autem summi Pontifices novis mox constitutionibus ac decretis confestim nova eorum effugia & versipelles conatus eliderent, tandem dicebant, decretis Pontificiis satisfieri per obsequiosum silentium, ut ipsi vocabant: ad obedientiam Apostolicis constitutionibus debitam non requiri, ut quis propositiones Jansenii ut hæreticas interius damnet, sed satis esse, si de iis nihil loquatur.

Igitur Clemens XI. anno 1705. edita Bulla *Vineam Domini*, etiam hoc offugium præcludit, decernendo, ut dictum, non satisfieri constitutionibus Pontificiis per ejusmodi silentium, sed propositiones Jansenii vere interius in animo esse habendas pro hæreticis: hanc esse veram obedientiam, voci Ecclesiæ interius obsequi: qui secus faciunt, transgressores esse constitutionum Apostolicarum, & omnibus hæreticorum pœnis obnoxios.

*Responsiones Adversariorum.*

Respondent 1. Pontifices hic tantum declararunt legem naturalem, aut Divinam, contra quam pugnant propositiones Jansenii. Ergo non proba.



probatur, quod Ecclesia præceperit actus internos. Resp. n. a. Nam licet illæ propositiones sint contra jus Divinum, tamen etiam Ecclesia vere illas prohibet, & interius etiam in animo pro hæreticis haberi jubet, requirendo obedientiam, decretis Pontificiis præstandam, & adjiciendo pœnam excommunicationis transgressoribus.

Certe obedientia Ecclesiæ præstanda præsupponit præceptum aut legem Ecclesiæ: & transgressor legis Ecclesiasticæ esse non potest, nisi detur lex Ecclesiastica. Et quidem hæc lex versatur circa actus mere internos, nempe circa internam damnationem propositionum Janfenii, & judicium quod sint hæreticæ.

Licet igitur etiam lex Divina, aut etiam naturalis eas propositiones prohibeat, non tamen ex eo sequitur, quod non etiam ab Ecclesia sint prohibita: sicut ex eo, quod ea, quæ in Decalogo continentur, jure naturali sint prohibita, non sequitur, quod non etiam jure positivo, Divino & humano sint prohibita: quid enim notius, quam eundem actum pluribus legibus prohiberi, aut præcipi posse? Certe Ecclesia quoad hoc obedientiam sibi vult præstari? & inobedientes dicuntur transgressores constitutionum Apostolicarum.

Deinde Pontifex in eos, qui interius in animo propositiones illas non habent pro hæreticis, licet externe nihil faciant, sed omnino fileant, pœnam excommunicationis decernit, tanquam in inobedientes transgressores Pontificiarum constitutionum. Hanc autem pœnam jus Divinum aut naturale non decernit. Habemus ergo hic humanam legem punientem actus mere internos pœna præcise Ecclesiastica.

Respondent 2. Ecclesia hic actus internos tantum indirecte prohibet. R. Hoc falsum esse, patet ex eo, quod prohibeat illas propositiones in animo foveri, & præcipiat eas serio intus in animo damnari, etiam tunc, quando nullus adest actus externus, quem prohibeat, aut præcipiat, aut puniat. Ergo non indirecte, sed directissime actum mere internum præcipit, prohibet, & punit. Quid enim aliud est actum directe præcipere aut prohibere?

Respondent 3. Ecclesia nomine Dei actus internos directe præcipit, non autem suo nomine.

R. Quid deinde? an non etiam actus externos sic præcipit? sive nomine DEI, sive suo præcipiat, tamen vere præcipit directe actus mere internos, quod solum petit nostra sententia. Deinde summus Pontifex gubernat Ecclesiam tanquam Vicarius Christi: quascunque ergo leges condit pro spirituali gubernatione Ecclesiæ, sive circa actus externos, sive internos, id facit nomine Christi, & tanquam ejus Vicarius. Unde non satis apparet, quam vim habeat hæc replica ad infringendam nostram sententiam;



licet totum concedatur, quod hic obijcitur. Videndum igitur, an reliqua adversariorum argumenta sint firmitiora.

*Solvuntur argumenta Adversariorum.*

13.

**O**bjic. 1. *authoritas.* Nam sententia docens actus mere internos non esse objectum legis humanæ, est communis, aut ferme communis. 2. Innocentius III. c. tua nos 34. de simonia ait: *Nobis datum est, de manifestis tantummodo judicare.* 3. *Can. cogitationis dist. 1. de pœnis.* dicitur: *Nemo patitur cogitationis pœnam.*

Respond. ad. 1. Etiam nostra sententia munita est sufficienti auctoritate, præsertim summorum Pontificum, quorum constitutiones, ac præcipue Clementis XI. si quis bene perpenderit, non multum alienus erit a nostra sententia. Neque dubito, quin multi ex antiquioribus nostram essent amplexi sententiam, si tot propositiones damnatas, & Bullam *Vineam Domini*, hoc primum sæculo emanatam, videre potuissent.

Explicatur  
c. Tua nos.

Ad. 2. Papain illo cap. tantum rescribit, quod si Clericus tradat bona sua ad fundandum canonicatum, sine pacto, ut sibi conferatur, tunc posse ipsum absque simonia assumi in Canonicum, ipsique hæc ipsa præbenda, quam fundavit, conferri. Si vero fundationi præbendæ pactum adjiceret, ut illa sibi conferatur, fore pactum simoniacum. Tum vero addit Pontifex; licet constare non possit de quæstione facti, an scilicet animum simoniacum habeat, si tamen externe illum non prodit, posse eum assumi, quamvis forte interne sit simoniacus: quia in executione procedimus secundum externa in casibus particularibus. Ex quo tamen non sequitur, quod Papa circa interna judicare non possit iudicio latæ jam sententiæ, per ipsum factum internum incurrendæ. Unde d. a. Pontifici tantum de manifestis datum est judicare iudicio ferendæ sententiæ c. a. iudicio sententiæ latæ jam ipso jure n. 2. & c.

Retorqueri etiam posset. Ecclesia jurisdictionem suam exercet in actus etiam occultissimos e. g. hæresis: licet de iis judicare non possit per ferendam a iudice sententiam. Ergo etiam in actus internos. Certe actus occulti tam parum sunt manifesti, quam interni. Taceo, quod argumentum probaret, actus internos ne quidem concomitanter cum externis aut indirecte posse præcipi.

Ad. 3. eodem modo responderi potest: Nam nemo patitur cogitationis pœnam, hoc est, nemo punitur propter cogitationem per sententiam specialiter in ipsum a iudice ferendam. Potest tamen puniri per sententiam ipso jure jam universaliter latam, e. g. in omnes, qui propositionem Jansenisticam in animo foverint.

Unde Glossa ad hunc ipsum textum ait, sæpius actum cogitationis puniri,



puniri, ut hæresin internam. Taceo, quod Gratianus Canonem illum desumpserit ex jure civili, quod tantum loquitur de suo foro; non autem de foro canonico.

Ob. 2. ratio. Nam potestas humana est sensibilis, & nil cognoscit nisi sensibile. Ergo actus insensibiles, quales sunt mere interni, sunt extra sphaeram & limites potestatis humanæ. Conf. Modum gubernandi Ecclesiam oportet esse sensibilem. Unde actus interni per se nec profunt, nec obsunt Ecclesiæ.

Resp. Potestas & modus gubernandi Ecclesiam est fini, a Christo intento ac præfixo, proportionatus. Cum igitur finis Ecclesiæ sit, non tantum per actus externos, sed etiam per internos ad æternam beatitudinem tendere; potestas a Christo generaliter collata ligandi ac solvendi ad actus internos etiam se extendit. Modo autem sensibili Ecclesia procedit promulgando sensibiliter legem, ad actus etiam internos se extendentem. Retorqueri rursus argumentum potest in actus externos quidem, sed tamen ita occultos, ut Ecclesiæ de iis constare non possit.

Dices: Potestas legislativa debet esse conjuncta cum potestate coactiva, seu punitiva transgressorum: alias est inefficax. Ergo judex ferens legem debet posse cognoscere de delicto.

R. Argumentum rursus probaret nimium, quod nempe lex Ecclesiæ se non extendat ad actus occultos: imo neque ad internos indirecte prohibendos, quia tales non possunt puniri ab Ecclesia. Licet igitur Ecclesia non possit actus internos & occultos judicare & punire per cognitionem & processum judicialem, sufficienter tamen vim coactivam exerit ferendo legem, etiam in conscientia obligantem sub culpa, & pœna a Deo infligenda, vel sub censura ipso facto incurrenda: prout fecit circa propositiones Jansenii.

Falsum etiam est, quod vis legislativa semper conjuncta sit cum vi coactiva: ut rursus patet in actibus, externis quidem, sed tamen occultis, & absque arbitrio commissis. Deinde Ecclesia plura præcipit, & sic potestate legislativa ac vi directiva utitur, quin utatur potestate ac vi coactiva. Quot enim sunt Canones, quibus nulla pœna est annexa? An non posset Princeps Præfecto alicujus provinciae dare potestatem directivam, reservata sibi coactiva seu punitiva? Sic etiam sufficit Ecclesiæ sæpius sub culpa præcipere, & in conscientia obligare: pœnam vero sumendam propter legem violatam relinquit Deo, scelerum vindici. Deinde si potest dari lex humana mere pœnalis, quæ tantum sub pœna obliget, quare non etiam mere directiva, quæ tantum sub culpa obliget, ita, ut legislator humanus transgressori nullam pœnam imponat? Et quas pœnas per se imponunt leges naturales?

14.  
An potestas  
coactiva de-  
beat esse  
conjuncta  
cum direc-  
tiva.



## CONCLUSIO II.

*Princeps tamen secularis seu legislator politicus non potest præcipere actus mere internos.*

15.

Alius finis  
potestatis  
politice.

**D**isparitas desumenda est ex fine utriusque potestatis, Ecclesiasticæ scilicet & politicæ. Illa siquidem pro fine habet rectam gubernationem ecclesiasticæ reipublicæ in ordine ad finem supernaturalem, beatitudinem nempe æternam: ad quem finem actus interni comprimis opportuni sunt & necessarii. Finis vero potestatis & jurisdictionis politicæ est recta gubernatio reipublicæ sæcularis in ordine ad felicem ejusdem statum quoad externa procurandum ac conservandum: ut nempe per salubres leges pax & tranquillitas civium foveatur, administretur justitia, nemo ab altero lædatur, & suum cuique tribuatur.

Ad hunc autem finem consequendum sufficit, si omnes reipublicæ cives quoad actus externos bene sint comparari. Atque hinc illud axioma invaluit: *De internis non judicat Prætor.* Et certe aliam potestatem in populum non habet Princeps, nisi quæ a populo in ipsum est translata; sed populus non habuit potestatem & jurisdictionem in actus sibi omnino incognitos, & in quibus civis cum cive nullam habet communicationem.

Ex quo altera elucet disparitas. Nam summus sacrorum Antistes & Ecclesia potestatem suam ecclesiasticam non accepit a populo sed a Christo: qui dare illam potuit, & dedisse censendus est generalibus omnino promissis in ordine ad spiritualem animarum gubernationem: quæ vel maxime ad internum eorum statum in flore suo conservandum promovendumque tendere debet.

Dices: Princeps etiam sæcularis per leges suas obligare potest in conscientia. Ergo præcipere potest actus internos. R. n. c. Aliud longe est obligare in conscientia, aliud obligare ad ponendos actus mere internos. Princeps sæcularis præcipiendo vel prohibendo actus externos obligat in conscientia seu sub culpa ad ponendos vel omittendos actus externos, non vero ad internos.

Probabiliter  
neque in-  
directe.

Dices 2. Respublica, dum fert leges contrarium, præcipit simul consensum internum, prohibet vero, ne quis alterum decipiat, aut dolo inducat. Ergo actus internos præcipit & prohibet. Respondent aliqui, rempublicam *indirecte* & *concomitanter* præcipere actus internos, quia præcipit, contrarium rite iniri, quod fieri non posset, si non poneretur consensus internus, & omitteretur dolus. Sed forte ne sic quidem indirecte legislator politicus præcipit actus internos. Certe Vasquez 1. 2. d. 120. Hurtadus, Sylv. Diana & alii docent, apud Filiucium *Tract.* 23. n. 253. humanum legislatorem neque indirecte & concomitanter cum externis posse

posse actus internos præcipere aut prohibere. Quanto magis id alius dicere posset de legislatore seculari? cur non sufficiat, consensum internum in contractu jure naturali requiri, ne contrahens mentiatur & alterum decipiat, quod jure naturali est prohibitum?

## Q U Æ T I O VI.

### De causa formali Legis.

**F**orma legis sunt verba vel alia signa externa, quibus legislator voluntatem suam manifestat & promulgat communitati, sibi subditæ, aliquid præcipiendo, prohibendo, permittendo, aut irritando.

Unde etiam ex tenore verborum colligi debet, an graviter vel leviter obligare, an vero tantum consilium dare seu suadere velit. Si autem omnibus consideratis dubium maneat, an verba præceptum grave vel leve, vel tantum consilium importent, mitiora præsumenda sunt: quia libertas subditorum est in possessione.

Dubitari posset, an sententia prolata a Principe in causa aliqua particulari decidenda sit habenda pro forma constitutiva legis? *Per se non* 16.  
facit legem universalem talis sententia particularis; præsertim si legislator non examinavit ipse totam causam: ut patet ex l. 2. C. de leg. ubi Imperator ait: *Quæ ex relationibus vel suggestionibus judicantium Procerum statui-* Sententia  
Judicis non  
est lex.  
*mus, generalia jura non sent.* Et ratio est: quia talis particularis sententia non fertur propter bonum commune, ac sæpe nititur particularibus circumstantiis. Aliud esset, si Princeps signo aliquo proderet, se velle instar legis eam sententiam haberi, ut fecit Justinianus l. fin. C. de leg. ubi ait: Si imperialis Majestas causam judicialiter examinaverit, & sententiam dixerit, omnes judices scire debere, hanc esse legem, non tantum illi causæ, pro qua producta est, sed & omnibus similibus.

Ad formam legis spectat etiam ejusdem *Promulgatio*, & quidem publica, per vocem. Præconis, aut publicum programma, ut communitati innotescat legaliter. Ratio est: quia lex est locutio legislatoris publica ad totam communitatem. Unde l. 9. C. de leg. dicitur: *legēs sacratissimæ, quæ constringunt hominum vitas, intelligi ab omnibus debent.*

Duplex tamen adhuc superest controversia circa promulgationem legis. Prima: an promulgatio publica sit pars constitutiva legis, ita, ut ad essentiam formæ pertineat; an vero tantum sit applicatio legis & conditio sine qua non obligaret: sicut e.g. applicatio ignis ad passum non constituit vim ustivam ignis, sed tantum est conditio, ut ignis vim suam, quam ex se habet, in actu secundo exerat. Altera adhuc major est quæstio, quo loco & tempore fieri debeat promulgatio.

CON.



## CONTROVERSIA I.

*An promulgatio constituat ipsam formam & vim obligativam legis?*

17.

**R**esp. cum communi affirmative. Et probatur ex ratione jam insinuata. Nam lex est *locutio publica* Principis ad communitatem sibi subjectam: seu potius, est voluntas legislatoris communitati publice manifestata ac notificata, quæ tanquam vivendi regula communitatem subjectam dirigat. Atqui hæc essentialiter involvit promulgationem hujus voluntatis. Ergo promulgatio est de essentia legis.

Conf. Promulgatio se habet ad legem, sicut revelatio Divina ad motivum fidei. Atqui juxta communem Theologorum sententiam revelatio non tantum est conditio ad fidem prærequisita, & applicatio Divinæ auctoritatis in loquendo, sed est partiale motivum fidei. Ergo etiam promulgatio non tantum est mera conditio ad legem prærequisita & illius applicatio, sed est partiale constitutivum legis.

Lex privata  
tantum  
concepta  
necdum  
obligat.

Colliges, non sufficere ad legem, ut illa in aula Principis in præsentia consiliorum sit concepta, sed requiri insuper, ut populo seu communitati sit promulgata & notificata: quia lex est locutio publica ad communitatem & directio publica populi.

Unde licet consiliarius sciat, in aula Principis esse conceptam legem, ut frumenti vel pecuniæ valor minuatur, potest adhuc pretio majore currente frumentum vendere, vel pecuniam erogare. Quia lex necdum est plene constituta; consequenter necdum habet vim obligandi. Et licet sic majori pretio emens patiatur damnum, tamen id non est imputandum venditori ad culpam, utpote qui usus est jure suo: dum rem tanti vendidit, quanti tunc valuit.

Neque tamen ex hoc sequitur, quod lex singulis debeat promulgari. Nam sufficit illam vel per vocem præconis, vel per publicum programma, in loco publico & consueto affixum promulgari.

Postquam autem ita promulgata est, obligat omnes & singulos in actu primo; licet forte aliqui promulgationem non audierint, & sic legem adhuc ignorent. In actu secundo vero eos tantum obligat, ad quos legis notitia pervenit: non autem eos, qui illam adhuc invincibiliter ignorant. Pro foro tamen externo post factam semel publicam promulgationem præsumuntur omnes legem scire, nisi positive probent, se illam inculpabiliter ignorasse. Ante promulgationem vero publicam neminem obligat, neque in actu primo, neque in actu secundo.

*Solvuntur Objectiones.*

**O**b. I. c. I. de potest. præl. dicitur, legem obligare, si sollemniter editur, aut publice promulgatur. Ergo non requiritur determinate, ut publice promulgetur, sed sufficit, si in consistorio Principis concipiatur.

¶. n. c. Nam per solennem editionem legis hic nihil aliud intelligitur, quam publica promulgatio. Neque tamen frustra idem bis repetitur: nam nihil est novi, idem prius verbis obscurioribus proponere, ac deinde clarioribus, ut sub pluribus nationibus exprimatur.

Ob. 2. Jam ante promulgationem datur lex: sic enim dicitur: *lex non promulgata non obligat*. Ergo promulgatio non constituit formam legis, sed tantum est conditio requisita, ut lex in actu secundo obliget, sicut juxta nos particularis notitia legis est talis conditio.

¶. d. a. Ante promulgationem datur lex incompleta & improprietas c. a. completa & proprie talis n. a. & c. Etiam dicitur: *ante infusionem animæ homo non sentit, aut intelligit*: nec tamen sequitur, quod ante infusionem animæ detur homo completus aut proprie talis.

Ob. 3. Sicut applicatio ignis tantum est conditio, ut ignis urat, sic promulgatio legis est tantum applicatio & conditio, ut lex in actu secundo obliget. Ergo sicut applicatio ignis non constituit virtutem usivam ignis, sic neque promulgatio constituit virtutem obligativam legis.

¶. n. a. Disparitas est, quia lex ex sua essentia est locutio publica Principis ad communitatem, seu voluntas Principis publicata. Ergo neque existere, neque intelligi potest lex aut virtus obligativa legis ante promulgationem. Econtra ignis jam ante applicationem habet calorem & virtutem usivam, ut per se patet.

Retorqueri etiam potest. Nam revelatio Divina est quædam promulgatio veritatis: sicut ergo revelatio constituit motivum fidei & virtutem obligativam credendi, sic promulgatio constituit motivum, virtutem obligativam obediendi.

Dices. Lex est voluntas legislatoris. Ergo nihil aliud requiritur ad constituendam legem. ¶. Ex hoc sequeretur, quod sola volitio Principis, mente retenta, jam esset lex: quod nemo facile dicet. Unde d. a. Lex est voluntas Principis publica: seu sufficienter communitati manifestata c. a. voluntas Principis privata, aut necdum manifestata n. a.

## CONTROVERSIA II.

*An lex Pontificia obliget, si in Provinciis non sit promulgata?*

Quæstio solennis est, qualis debeat esse promulgatio, an scilicet sufficiat eandem factam esse in urbe primaria, an vero requiratur, ut in singulis provinciis aut diocesis fiat.

19.

Et quidem de promulgatione legis civilis non adeo magna est disceptatio. Satis enim aperte Novell. 66. c. 1. decernitur, ut leges civiles obligent, requiri, ut in singulis provinciis promulgentur. Quamvis enim Novella illa ex instituto tantum loquatur de legibus testamentariis, pro-

Jure civili

lex pro-

mulgari

Pars I.

C

pter



debet in  
singulis  
provinciis,

pter rationem tamen aliis etiam legibus communem, ad reliquas etiam leges passim extenditur, & usu servatur. *Zoëjus ff. de leg. n. 12.*

Major autem inter authores est controversia de legibus Ecclesiasticis: an scilicet sufficiat, eas Romæ esse promulgatas, an vero requiratur, ut in singulis diœcesibus promulgentur.

Non tamen  
de Jure Ca-  
nonico.

Dicendum: probabile est (speculative saltem loquendo, & abstra- hendo a praxi & consuetudine diœcesium, quæ nullatenus est culpanda) ad legem Ecclesiasticam sufficere promulgationem Romanam, ut omnes per orbem fideles obliget, postquam authentica illius notitia ad eos pervenit. Ita Suarez de LL. lib. 4. c. 15. n. 1. seq. Sylvester, Palao, Sant- Gallenses, Rading, Mezger, Layman. Bart. Bald. Barb. Salas. Gomez- Menoch. Bonac. Vasq. Cardenas, Azor. Farinac. Pirhing. Wex. Wiest. Krimer. Schmalzgruber. Söll. Lacroix. Denique pro hac sententia stant Decisiones Rotæ apud Cardinalem de Luca de Benef. p. 1. disc. 76. n. 7. Imo Cardenas in Crisi Theol. tract. 1. disp. 9. art. 11. c. 12. putat senten- tiam oppositam non amplius esse probabilem post decretum Alexandri VII. quo varias propositiones damnavit, nitentes eo fundamento, quod lex in provinciis non promulgata in iisdem non obliget. Alii censuris eandem notant, quas nullatenus approbo, imo frivolæ esse censeo. Nam faten- dum omnino est, oppositam etiam sententiam, licet non tantam, quan- tam nostram, magnam tamen pro se habere auctoritatem, ac vere esse pro- babilem, cum rationibus nitatur gravibus. Tenet illam Molina de J. & J. tract. 2. disp. 395. a n. 6. Less. Medina, Sotus, Marchantius, Sannig. Felin. Zypæus, Gibalin. Gletle, Sometingus, Engel, König, apud clariss. P. Schmier, qui in eandem propendit *Jurispr. Can. civ. l. 1. tr. 1. c. 5. sect. 1. §. 2.* ac novissime eandem amplexus est R. P. Vitus Pichler, colendis- simus Professor meus, in *Cand. Jurispr. ad tit. de Constit. n. 20.* ubi insuper citat Gloss. Armil. Becan. contra quos, tanquam probabilior aliquanto

Probatur conclusio nostra 1. Summus Pontifex potest omnes fideles obligare per constitutionem aut decretum Romæ publice promulgatum; & ex altera parte censendus est velle obligare omnes fideles per consti- tutionem ad eos directam post promulgationem Romæ factam, nisi ex- primat, se tunc primum velle fideles obligatos, postquam in Diœcesibus aut Provinciis etiam facta fuerit promulgatio. Ergo sufficit promulgatio legis ad fideles directæ facta Romæ.

20.  
Potest Papa  
obliga e post  
promulga-

Prima pars, quod scilicet Pontifex possit sic obligare, si velit, proba- tur imprimis negative: quia adversarii non probant, quod non possit sic ligare & solvere; non enim probant, quod ex natura rei seu ad essentiam legis requiratur promulgatio in Provinciis. Imo teste Cardenas nullum unquam

unquam auctor dixit, legem ex sua natura requirere promulgationem in Provinciis singulis: & merito. Cur enim ad naturam legis plus requiratur, quam ut in urbe primaria publice communitati ita promulgetur, ut in tanto commercio urbis & orbis legislatoris voluntas per Diœceses & Provincias facile innotescat?

Et hinc sufficit ad legem, pro amplissimo etiam regno ferendam, si in urbe primaria publice promulgetur, & Rex omnes subditos obligare velit. Neque, ut equidem credo, ad legem Imperialem quisquam requireret promulgationem in singulis Provinciis, nisi id jure positivo, Novella nempe 66. citata satis aperte sanciret Imperator. Quo tamen non obstante posset hodie dum Imperator cum Statibus per Recessum Imperii post factam in urbe, in qua comitia habentur, promulgationem, omnes cives Romani Imperii, ad quos ejus notitia pervenerit, obligare, sine speciali promulgatione per Provincias.

Atque ex hac doctrina, quæ videtur certa, & ab adversariis negari non solet, colligitur, quodsi Pontifex in aliqua Bulla aut constitutione expresse addat clausulam, se post factam Romæ promulgationem omnes undique fideles, ad quorum notitiam Bulla & illa promulgatio Romæ facta pervenerit, velle obligatos, eos haud dubie esse obligatos, licet specialiter per Diœceses non promulgetur. Idem dicendum, si usus & praxis suppleant vicem promulgationis particularis, ut supplet in Bulla Cœnæ, reg. Cancell. religionum &c.

Probatur igitur altera pars primi antecedentis, in qua major est difficultas, quod scilicet post promulgatam Romæ constitutionem, ad omnes fideles directam, atque in acie Campi Floræ, & ad valvas Basilicæ Apostolorum more consueto affixam, Pontifex censendus sit velle omnes fideles (nisi aliud addiderit) absque ulteriori publica promulgatione obligatos. Nam ex una parte ad legem per se & ex natura rei non requiritur promulgatio in singulis Provinciis, & nulla exstat Ecclesiastica constitutio, quæ universim talem promulgationem requirat: ex altera parte satis patet mens legislatoris, dum constitutionem in urbe sua primaria publice promulgat, eaque omnes subditos suos vult obligatos: sicut patet mens Episcopi, si in sua metropoli, aut Ecclesia cathedrali constitutionem promulget.

Aut quis dicat, quod solam urbem Romam per constitutiones suas ecclesiasticas, e. g. per Bullam Cœnæ, aut quando prohibet certas propositiones, Pontifex velit obligatam? & quanta difformitas in Ecclesia, si una Diœcesis obligetur constitutionibus Apostolicis (in qua nempe est promulgata) altera non obligetur? Cur Pontifex in aliquibus constitutionibus addit, se velle fideles obligatos, postquam in earum respective Diœcesibus fuerint promulgatæ? nunquid tam specialis expressio & exceptio firmat

tionem Romanam,

Et vult obligare.



regulam in contrarium circa non excepta, quod scilicet velit obligatos etiam post solam promulgationem Romanam? Unde Cardinalis Petra in Comment. tr. 1. f. 13. n. 32. ait: *Papa, quando vult in constitutione restringere obligationem tantum in Italia, id dicit expresse in eadem constitutione, ut in Constit. 83. Clementis VIII. &c.*

Ut probat  
stylus curiæ  
Romanæ.

Et quid aliud loquuntur praxis & consuetudo curiæ Romanæ, in qua causæ omnes deciduntur secundum jura Romæ promulgata, sive deinde in aliis Diœcesibus sint promulgata, sive non: de quo Romana curia non solet quærere. Quam iniquum autem foret, causas aliarum Provinciarum decidere secundum jura, quæ in illis nullam vim habent? quam ab omni æquitate abhorrens punire ut transgressorem legis, quæ non obligat transgressorem? imo quam paradoxum haberi transgressorem legis, quæ non existat in Provincia transgressoris? aut igitur iniquam curiam Romanam dicere necesse est, aut fateri, Romanam promulgationem secundum stylum curiæ Romanæ haberi pro sufficiente ad inducendam apud exteras etiam Provincias obligationem.

Quod autem hic sit stylus Romanæ curiæ, satis exemplis constat. Sic Suarez l. c. n. 5. ex Joanne Andreæ testatur, electionem, in quadam Provincia factam contra constitutionem, tantum Romæ promulgatam, irritam esse declaratam.

Idem testantur Azor l. 5. c. 3. q. 3. Layman, alique plures, de multis Pontificum rescriptis, ac Bullis, quæ non sunt inserta Corpori juris canonici: nihilominus tamen censentur obligare propter solam promulgationem Romæ factam. Et ubinam multi Canones, Corpori juris canonici inserti, sunt promulgati solenniter, præterquam Romæ?

Neque alia est persuasio fidelium. Quis enim existimat, se absque piaculo posse aliquam ex propositionibus damnatis tenere, docere, aut in praxin deducere: licet ea damnatio Romæ tantum sit promulgata? quod alias constitutiones Pontificias, Bullas, decreta, regulas cancellariæ, etiam in Germania vim suam habere cernimus, quamvis non constet, eas unquam in Diœcesibus Germaniæ esse promulgatas solenniter ab Episcopis?

Neque dicas, Pontifices, dum certas propositiones damnarunt, tantum declarationem dedisse juris naturalis, aut Divini. Nam hoc falsum esse, ex eo patet, quod multæ propositiones damnatæ loquantur de iis, quæ non subjacent juri naturali, aut Divino, e. g. de jejuniis, de labore altissime causis excusantibus a jejuniis, de ovibus & lacteiniis, in quadragesima comedendis, de horis canonicis recitandis, de privilegiis Regularium, de libris prohibitis &c. adjectis insuper censuris, antea nunquam latis: ut patet vel solas propositiones ab Alexandro VII. anno 1666. damnatas legenti. Conf. denique nostra sententia ex eo, quod, si ad legem ecclesiasticam.

siasticam per se & ex natura rei requireretur, ut in singulis Provinciis promulgetur, facile esset Principibus sæcularibus aut hominibus potentibus enervare potestatem ecclesiasticam, ejusque constitutiones frustraneas reddere, impediendo earum promulgationem in suis Provinciis cum maximo præjudicio potestatis ecclesiasticæ.

*Solvuntur argumenta contraria.*

**O**bjic. 1. c. 1. de N. O. N. & can. 7. d. 10. deciditur, in iis casibus, in quibus nihil clare disponit Jus canonicum, bene autem civile, istius dispositionem admitti posse, vel debere, in re, quæ non est spiritualis, nec contra immunitatem ecclesiasticam, nec concernit peccatum. Atqui lex civilis nov. 66. cit. statuit non obligare legem in ea Provincia, in qua non est promulgata: Jus autem canonicum de hoc nihil statuit.

Resp. Dist. hoc ultimum. Jus canonicum scriptum de hoc nihil statuit, transeat. Jus canon. consuetudinarium nihil statuit, nego. Usus, praxis, disciplina, & consuetudo curiæ Romanæ, præterquam quod sit lex non scripta, satis declarat, quæ sit mens & voluntas Pontificis, summi in terris legislatoris ecclesiastici, dum constitutionem aliquam, ad omnes fideles directam, publice Romæ promulgat. Pro qua in testem Romæ præsentem adduximus Cardinalem Petra, quod scilicet Pontifex solet clausulam addere, si constitutionem suam velit ad solam Italiam restringere: ubi igitur talem clausulam non addit, sed universaliter ad omnes fideles loquitur, omnes vult obligatos. Consentire videtur sensus & persuasio fidelium existimantium, circa propositiones Romæ damnatas obsequendum esse Pontifici, atque se subiacere censuris in decreto statutis, si propositiones ejusmodi doceant, aut defendant, quamvis censuræ illæ nulla lege anteriore sint statutæ.

Dices. c. 13. de pœnit. & remiss. statuitur, pœnam in medicos ibidem decretam non incurri, antequam Prælati locorum particularium hanc legem promulgaverint. Cont. ex Bulla Pii IV. Sicut ad sacrorum, ubi Pontifex vult, decreta Concilii Trident. non obligare, nisi in singulis Parochiis sint promulgata prius.

Resp. Ex hoc ipso, quod c. cit. Pontifex addat clausulam specialem, pœnam in medicos statutam non incurri in locis particularibus ante promulgationem ibidem factam, habetur argumentum, quod, ubi talis clausula non additur, legem velit valere post promulgationem Romanam, & postquam sufficienter fuerit intimata. Cur enim adderetur aliquando illa clausula, si de jure communi lex non obligaret in provinciis, nisi postquam ibidem fuisset promulgata? esset utique frustranea talis clausula. Plane exceptio tam specialis, seu additio ejusmodi clausulæ firmat regulam in



contrarium quoad non excepta, seu quoad eas leges, quibus talis clausula non additur. Falsum enim est, quod ejusmodi clausula sit instar regulæ, aut exempli, quo doceamur, legem nullam obligare in provinciis ante promulgationem ibidem factam: nam non est regula, sed exceptio a communi regula, quæ ostendit, legem Romæ publice promulgatam habere vim obligandi etiam in aliis provinciis, nili in lege specialis addatur clausula, ut ex Card. Petra probavimus. Cæterum argumentum est simile huic: Concilium Tridentinum irritavit contractum matrimonialem clandestinum: ergo etiam alios contractus clandestinos.

Eadem responsio serviret ad confirmationem, si verum esset, Pium IV. in Bulla cit. decrevisse, Tridentinum non obligare, nisi in singulis Parochiis prius sit promulgatum. Verum in tota Bulla nihil horum dicitur.

Ob. 2. Motivum, quod Imperatorem impulit, requirendi Promulgationem in singulis provinciis, æque pugnat pro lege Ecclesiastica; ut videlicet videtur confusio, dum in eodem loco alii obligarentur lege, qui nempe illius notitiam habent, alii vero nondum obligarentur. R. 1. Hanc inordinationem majorem fore in adversariorum sententia: nam in una provincia daretur obligatio legis, in altera non daretur. R. 2. Hoc esse per accidens, & omni ferme legi commune, etiam naturali: nam scientes illam obligantur, ignorantes inculpabilitur non obligantur in actu secundo. Deinde, si ex ejusmodi diversitate inordinatio aliqua sequeretur, facile posset lex etiam aliis intimari, ut fiat conformitas: denique, licet vitatio inordinationis potuisset Pontifici esse motivum requirendi promulgationem in singulis provinciis, sicut Imperator eam requisivit, tamen non probatur, quod defacto sufficiens ipsi fuerit motivum: cum usus & praxis declaret contrarium: & lex per solam publicam promulgationem Romæ factam jam plene videatur constituta, cum sit locutio publica Principis ad suos subditos.

Ob. 3. Pontifices frequenter præcipiunt promulgationem suarum constitutionum in diocelibus singulis. Atqui hoc esset frustraneum, si jam ante ejusmodi promulgationem obligarent.

22.  
Cur aliquando Papa requiratur promulgationem in provinciis?

Respond. Retorq. Pontifices frequenter addunt clausulam, quod nolint obligare ante promulgationem in provinciis factam. Atqui talis clausula esset frustranea, si absque illa jam per se lex in provinciis non promulgata non obligaret. Igitur Pontifices sæpius injungunt promulgationem in singulis provinciis, ut eo citius, certius, & facilius in omnium notitiam perveniat: & ne quis ob probabilitatem oppositæ sententiæ ab observatione legis se excusare possit, prætexendo, legem non esse sufficienter promulgatam. Et hinc, licet Pontifices universim præciperent, leges suas in diocelibus publicari, tamen non sequeretur, id per se requiri ad obligationem

tionem legis, sed tantum, ut sic suavius, facilius & efficacius in notitiam fideium & observantiam veniant, atque ordo hierarchicus melius observetur, ex Ecclesiæ capite per Episcopos, magnas veluti venas, in membra etiam minora defluente salubri succo.

Ob. 3. Promulgatio est locutio publica ad communitatem. Ergo debet non tantum fieri apud Romanos & Italos, sed in omnibus per orbem Christianum diœcesibus. Conf. videtur durum, statim remotissimas gentes obligare per promulgationem tantum Romæ factam.

Resp. Locutio summi Pontificis satis est publica, si Romæ, totius orbis urbe principe publice fiat, præsertim cum ibi non tantum Regum legati, sed Episcoporum etiam Procuratores atque omnium ferme nationum homines degere consueverint: qui de omnibus constitutionibus, totam Ecclesiam concernentibus facile edocere possunt Principes, Episcopos, & populares suos, transmissis ad eos authenticis copiis. Mittre etiam solet curia Romana novas constitutiones ad Nuntios Apostolicos, & Episcopos, non tam ut solenniter promulgentur in diœcesibus, quam ut fidelibus innotescant, & usu in praxin eant. Deinde argumentum probaret, quod Papa ne quidem posset ante promulgationem in provinciis factam obligare: quod adversarii non asserunt.

Ad conf. d. a. durum est statim omnes obligare, etiam eos, qui legem adhuc invincibiliter ignorant, c. a. obligare omnes, qui sufficientem illius notitiam acceperunt, n. a. Licet post promulgationem Romæ publice factam lex jam sit de se constituta, & virtutem obligandi habeat, tamen, antequam fidelibus innotescat, necdum eos obligat, ex defectu conditionis, subiecti videlicet apti: sicut ignis, licet ex se omnem virtutem ustivam habeat, tamen necdum urit, neque proxime potest urere illa subiecta, quibus necdum est applicatus. Duri autem nihil habet, quod lex statim incipiat obligare eos, qui sufficientem illius notitiam hauserunt.

Faciunt hic aliqui discrimen inter leges: & de lege præcipiente ac prohibente asserunt, eas post promulgationem Romanam obligare; ad legem vero irritantem, rescindentem, auferentem privilegia concessa, jurisdictionem &c. requirit etiam promulgationem in diœcesibus. Verum consequentia doctrinæ videtur exigere, ut de omnibus idem doceatur, eas nempe post promulgationem Romanam obligare eos, qui sufficientem earum notitiam acceperunt.

Ob. 4. Licet lex Evangelica Jerosolymis festo Pentecostes solenniter fuerit promulgata, tamen deinde ab Apostolis per omnes orbis provincias est promulgata, juxta mandatum Christi: *Ite in mundum universum, prædicate Evangelium omni creature.* Ergo etiam lex Ecclesiastica, licet

Romæ

Promulga-  
tio Romana  
latis publica.

Lex ignorata  
non obligat  
in actu se-  
cundo.



Romæ sit promulgata, tamen etiam ab Episcopis per diœceses est promulganda.

Resp. Lex Evangelica hodiedum prædicatur ubique, non quod per hanc prædicationem lex constituatur, aut ejus vis obligativa: sed ut omnibus sufficienter notificetur. Idem contigit per prædicationem Apostolorum. Et in hoc sensu etiam leges Ecclesiasticæ tum per Episcopos, tum in scholis a Doctoribus SS. Canonum intimantur, notificantur, & explicantur; quin tamen hæc notificatio sit proprie promulgatio, vim obligativam legis necessario constituens.

Dices: Episcopi melius norunt, quam Romana curia, quid Diœcesibus suis particularibus, genio, indoli ac moribus Provinciarum sit magis conveniens & accommodatum. Ergo censendus est Papa nolle obligare, donec Episcopi constitutiones Papales expenderint, & postquam convenientes esse cognorunt, promulgarint.

Resp. Si Episcopi constitutionem aliquam Pontificiam Diœcesi suæ inutilem aut noxiam existimant, patet illis via ad informandam de hoc sedem Apostolicam. Cæterum voluntas summi Pontificis certius dignosci non potest, quam ex stylo & consuetudine ipsius curiæ Pontificiæ, de qua testatur Card. Petra, curiæ Romanæ ejusque styli scientissimus. Testatur experientia: qua constat, quod, si Romam appelletur, causæ ecclesiasticæ secundum constitutiones sedis Apostolicæ decidentur, sive deinde illæ sint in Provinciis promulgatæ, sive non. Quis enim credat, Pontificem nolle, ut constitutiones, Romæ tantum promulgatæ, vim obligandi in Provinciis habeant, & tamen lites ibidem exortas secundum easdem decidere? cur decadat, electionem, præsentationem &c. esse nullam, si ibidem, ubi facta est, sit legitima?

Objic. 5. Multæ sunt constitutiones & Bullæ Pontificiæ, Romæ promulgatæ, quæ tamen extra Italiam, e. g. in Germania & Gallia vim nullam habent. Atqui hoc videtur provenire ex defectu promulgationis.

23.  
Cur plures  
Bullæ Papa-  
les in pro-  
vinciis non  
vigeant?

Resp. Varias esse posse causas, cur aliquæ constitutiones Pontificiæ in variis Provinciis non vigeant: nempe vel ex eo, quod Episcopi vel Nuncii Apostolici Pontificem informarint de difficultate legis respectu alicujus Provinciæ, aliisque circumstantiis, sicque Pontifex acquieverit, & constitutiones nunquam sint receptæ, vel per consuetudinem contrariam iis sit derogatum accedente consensu, saltem legali, sedis Apostolicæ; vel quod Reges, Principes, aut etiam quidam Episcopi privilegium aliquod speciale ab ipso Pontifice acceperint, quo indulget, ut constitutiones non obligent, nisi in eorum regnis & Episcopatibus promulgentur: vel denique, quod Provinciæ sequantur sententiam vere probabilem, quod scilicet, sicut leges Imperiales, sic etiam constitutiones Pontificiæ

ficiæ non obligent in Provinciis & Diœcesibus, si in iisdem non sint promulgatæ. Nam fateor iterum, hanc sententiam valde esse probabilem, tum ab authoritate tum ratione, ut ex hæcenus allatis satis patet; quibus equidem aliquam solutionem adhibere conati sumus, neutiquam tamen tanquam certam aut convincentem venditamus.

Loquor autem semper de casu, quo constitutio aliqua, omnes fideles concernens, atque ad omnes fideles directæ, simpliciter emanat, quæ promulgationem in Provinciis neque expresse requirit, neque expresse non requirit. Nam si Pontifex velit, ut constitutio statim absque ulteriori promulgatione obliget, non dubito, quin ea statim omnes obliget, ad quos sufficiens notitia illius pervenerit. Idem dicendum, si Papa vel Concilium propositionem aliquam fidei, aut ad fidem pertinentem edat, aut propositionem aliquam, tanquam legi naturali, Divinæ, aut humanæ, contrariam damnet. Nam tunc non fertur lex, sed declaratur lex jam præexistens. Unde sufficit, quomodocunque ea damnatio & declaratio fidelibus certo innotescat. Sæpius etiam usus & praxis, aut doctrina in scholis recepta, vicem promulgationis in Provinciis subeunt, ut circa Bullam Cænæ & regulas cancellariæ loquuntur.

Sicut igitur non dubito, pro his casibus non requiri aliam specialem ac solennem promulgationem in Provinciis, ita subsisto, an extra illos requiratur. Hoc certum, ut constitutio, quantumvis Romæ promulgata, actu obliget in Provinciis, debere de ea authentice constare; quod fieri potest per transmissam ad Episcopos vel alios authenticam copiam constitutionis, aut aliud testimonium authenticum. Et hinc Pontifices in Bullis suis solent addere, ut transumptis & copiis authenticis eadem fides habeatur, quæ litteris ipsis originalibus haberetur, si exhiberentur. Dixi *Limitatio.* autem: *speculative loquendo, & abstrahendo a praxi & consuetudine Diœcesum:* nam si talis vigeat, ut fideles censeant, se non obligari ad servandas leges Pontificias, nisi a proprio Episcopo ipsis sint intimatæ, neque antea ipsas observent, talis consuetudo nequaquam est reprobanda; cum sit conformis doctrinæ plurium gravium Doctorum, gravibus omnino rationibus nixæ. Imo etiam abstrahendo a consuetudine, possunt fideles sequi sententiam vere probabilem, & expectare, donec lex Pontificia nova ab Episcopo ipsis intimetur, cujus est constitutiones Apostolicas, si ad ipsum mittantur a Papa, Diœcesanis suis intimare ac promulgare, si Diœcesi suæ congruere videantur: secus vero sanctam sedem de difficultate, & causis easdem constitutiones non urgendi, aut circa eas dispensandi, aut eas pro tali loco omnino tollendi, informare.



*Quo tempore leges obligare incipiant?*

24.

**R**esp. Leges civiles, sicut non obligant in Provinciis, nisi in iisdem sint promulgatae, ita a facta promulgatione non obligant, nisi bimestre sit elapsum, ut habetur nov. 66. cit.

Non requiritur lapsus duorum mensium.

De legibus canonicis dicendum videtur, quod sicut per se non requiritur solennis & jurisdictionalis promulgatio in Diocesibus, ita (nisi aliud in constitutione exprimitur) non requiratur lapsus duorum mensium ante earum obligationem, sed statim obligare incipiant singulos fideles, postquam authentica earum notitia ad eos pervenerit, quia nihil tunc deest, quo minus obligatio incipiat, cum sufficienter constet de lege & voluntate legislatoris promulgata. Siquidem dispositio juris civilis quoad hoc non videtur attendi in foro canonico, ut praxis ipsa videtur declarare.

Equidem Pius IV. in Bulla *sicut ad sacrorum* decernit, decreta Concilii Tridentini non obligare ante Calendas Maji, hoc est, antelapsum trium mensium a promulgatione facta sub finem Januarii, subjungens hanc rationem inter alias: quia *jure etiam communi sancitum est, ut constitutiones novarum non nisi post certum tempus obtineant.* Verum hæc dispositio specialis circa decreta Tridentini non debet extendi ad omnes alias leges: tum quia Romæ ut transgressores puniuntur, etiam ante lapsum duorum mensium, ut testatur Suarez de leg. lib. 4. c. 15. Vasq. disp. 156. c. 3. Navarrus &c. apud Suarez l. c. tum quia circa decreta Tridentini Pontifex aliam specialem insuper adducit rationem, nimirum, quia post promulgationem factam, *non parum temporis in eis Romæ diligenter emendateque imprimendis necessario consumptum fuit.* Unde Pontifex merito interea suspendit obligationem, ne in tanta decretorum & reformationum multitudine oriatur in Ecclesia confusio. Unde non fuit unica ratio, obligationem suspendendi, dispositio illa civilis, quam obiter Pontifex refert: imo neque ipse circa Tridentini decreta dispositionem illam servavit: cum illa bimestre tantum indulgeat, Papa vero trimestre concesserit, quo durante decreta Tridentini circa reformationem morum ac disciplinæ non obligent. Unde referendo illam dispositionem Juris civilis aliud insinuare non voluit Pontifex, quam nihil esse novi in Jure, indulgere aliquam temporis moram, a promulgatione facta, intra quam decreta necdum obligent. Verum hæc ipsa tam specialis expressio circa decreta Tridentini videtur firmare regulam in contrarium circa alias leges ecclesiasticas, quibus similis clausula, obligationem aliquamdiu suspendens non adjungitur.

Cur Tridentinum non statim obligavit.

### CONTROVERSIA III.

*An ad legem requiratur acceptatio populi?*

25.

**A**liqui ex Juristis cum Nav. & Cov. existimant, acceptionem populi esse

esse necessariam, vel tanquam constitutivum legis (ut de promulgatione diximus) vel tanquam conditionem (sicut requiritur cognitio legis) ut lex obliget: ex his fundamentis:

1. Quia *Can. 3. d. 4.* dicitur: *Leges instituuntur, cum promulgantur: fir-* Rationes  
dubitandi.  
*mantur, cum moribus utentium approbantur.* Et *l. 32. ff. de LL. cum ipsæ leges*  
*nulla alia ex causa nos teneant, quam quod iudicio populi receptæ sint.* Ergo ac-  
ceptatio populi est de essentia legis, vel saltem necessaria conditio.

2. Quia multæ sunt constitutiones, quæ præcise ideo in multis locis non obligant, quod ibi non sint receptæ: ut patet in decretis reformato-  
riis Tridentini. Unde illud: *Lex non acceptata non obligat.*

3. Quia consuetudo contraria potest tollere legem. Ergo potest etiam eandem impedire, ne inducatur. *Confir.* Supplicando vel appellando a lege potest suspendi obligatio legis. Ergo etiam non acceptando tolli.

4. Leges feruntur sub tacita conditione acceptance: quia sic sua-  
vius & ad bonum communis aptius proceditur.

5. Si Princeps habet plenam potestatem ferendi leges, regimen facile degenerat in tyrannidem. Ergo prudentius requiritur acceptatio populi.

6. Ecclesia Græca legem ecclesiasticam de continentia Sacerdotum non acceptavit. Ergo etiam aliis populis liberum est, leges acceptare.

His tamen non obstantibus communis & certa ferme est sententia, extra statum democraticum ad legem ejusque obligationem non requiri acceptance populi, sed postquam lata & promulgata est, eandem jam integre esse constitutam, ac perse statim obligare.

Ratio est, quia potestas legislativa ecclesiastica Pontificis est immed- 26.  
Rationes  
decidendi.  
iate a Deo; civilem vero omnem populus transtulit in Principem per legem regiam, ut dicitur *l. 1. ff. de constit. Princip.* in statu vero aristocratico eandem transtulit ad optimates. Ergo legislator non tenetur requirere aut exspectare consensum aut acceptance populi, sed potest observantiam legis promulgatæ statim urgere, & transgressores punire, prout de facto contingit.

Hinc Alexander VII. merito damnavit hanc propositionem: *Populus non peccat, etsi absque ulla causa non recipiat legem, a Principe promulgatam.*

Et ratio ulterior est, quia inefficax esset & enervis potestas legislativa in Principe aut optimatibus, si ad legem ferendam requireretur consensus & acceptatio populi: nam sic plebs libertatis cupida posset omnes leges eludere iisque, tribunitiæ illius instar potestatis, intercedere, cum perturbatione reipublicæ, & ruina disciplinæ.

Imo tot essent Con-legislatores, quot homines; & Principes ac reges potius regerentur a subditis, si isti velut approbare ac confirmare deberent



Principis voluntatem. Sicque nulla amplius esset in mundo monarchia & aristocratia.

27.  
Resp. ad ra-  
tiones du-  
bitandi.  
Quomodo  
leges mori-  
bus firmen-  
tur?

Neque aliquid probant ea, quæ pro opposita sententia sunt allata. Nam ad 1. resp. Leges non firmari utentium moribus in hoc sensu, quod utentium mores seu actualis observantia legem constituat, aut sit conditio necessaria, ut obliget: sed dicuntur leges utentium moribus firmari, quatenus observantia est necessaria ad legum stabilitatem ac durationem longiorem. Si enim non observentur, desuetudine, aut contraria consuetudine tolluntur: ut titulo de consuetudine dicetur. Et hinc Can. 3. cit. adduntur hæc verba: *Sicut enim moribus utentium in contrarium nonnullæ leges hodie sunt abrogatæ, ita moribus utentium ipsæ leges confirmantur.* Hoc est: Sicut consuetudine contraria leges tolluntur, sic usu & observatione stabilitatem accipiunt. Unde receptio seu acceptatio non est necessaria ad ipsam legem, bene vero ad stabilitatem legis. Quo sensu aliqui dicunt, acceptationem esse necessariam ad perfectionem accidentalem legis, non vero ad substantialem. Cæterum verba, in objectione allata, non sunt verba Canonis 3. sed sunt tantum Glossæ & adjectio Gratiani, adeoque non habent maiorem auctoritatem, quam ipse Gratianus. Alter textus ex l. 32. ff. de LL. eodem sensu est intelligendus. Præterquam quod loquatur de tempore antiquo, quo potestas legislativa adhuc erat penes populum.

Ad 2. eadem est responsio: Nam lex non acceptata dicitur non obligare amplius, tum quia desuetudine tollitur, ut primi quidem peccent, qui illam non recipiunt, & observant, posteri vero non amplius illa obligentur: tum quia legislator quandoque non vult obligare, nisi illos, qui legem ultro recipiunt: vel tacite saltem connivet, & legem illis remittit, qui eandem non recipiunt, ut circa reformationes Tridentini in aliquibus locis contigisse videtur. Tum denique, quia lex quandoque est implicite conditionata, ut legislator nolit obligare, si iusta causa subsit legem non recipiendi.

Ad 3. Si legislator statim absolute vult obligare, subditi legem non acceptando neque legem neque illius obligationem possunt impedire, sed statim incipit obligare. Si tamen populus legem non observet per decem annos, & legislator conniveat, censetur legem remisisse. Et sic, ut dictum, primi transgressores peccant non vero posteriores, quia lex per non observantiam, accedente tacito saltem aut legali consensu legislatoris est sublata.

Ad conf. Appellando ad superiorem, suspenditur interea obligatio legis, ab inferiore legislatore latæ; non tamen suspenditur supplicando: nam donec legislator vel ejusdem superior supplicationi annuat, & supplicantem

cantem a lege eximat, aut legem omnino remittat, tenetur eam observare, quia lex interea est in possessione.

Ad 4. Aliquando leges feruntur sub conditione acceptationis, non tamen semper, imo neque ordinarie. De cetero regimen non tantum debet esse suave, sed etiam efficax, non autem esse tale, si in arbitrio subditorum esset positum, an velint obligari legibus.

Ad 5. Quod aliquando potestas gubernativa degeneret in tyrannidem, est per accidens. Majora tamen sequerentur mala in humana republica, si Principes in ferendis legibus dependerent a suis subditis: quia sic esset inefficax atque enervis potestas gubernativa, cum ruina reipublicæ ac morum disciplinæ.

Ad 6. Vel Ecclesia legem de continentia sacerdotum non extendit ad Græcos, vel primi transgressores peccarunt. Consequenter neque ad illam legem constituendam requirebatur acceptatio Græcorum, sed tantum ad illius stabilitatem.

Dixi autem 1. *Extra statum democraticum*. Nam in republica democratica, in qua penes totum populum est potestas gubernativa ac legislativa, non datur lex, nisi a maiore parte populi sit lata. Si autem ita sit lata, reliqui etiam eandem acceptare & servare tenentur.

Dixi 2. Quod lex *per se* statim obliget. Nam per accidens contingere potest ex variis causis, ut subditi non statim obligentur. E. g. 1. Si Princeps ultro concedat spatium legem experiendi, aut procedatur secundum probabilem sententiam, quod ante duos menses non obliget, aut quod lex Romæ tantum promulgata, non obliget in Provinciis.

2. Si major pars populi illam non observet, connivente & acquiescente legislatore: nam tunc neque minor pars amplius obligatur. 3. Si onus iniquum imponat, e. g. nimia tributa. 4. Si sit nimis gravis aut contra particularem consuetudinem alicujus loci, quam legislator præsumit ignorasse. Pro tali enim casu non censetur legem tulisse. Securius tamen est, tunc legislatori difficultatem aut consuetudinem contrariam proponere, ut ipse legem tollat, aut mitius interpretetur. Lex enim, etiam dura, si certo constat esse latam & promulgatam, nec constat esse injustam, est in possessione, ac interim servari debet, juxta illud Ulpiani l. 12. ff.

qui & a quibus manumissi: *Quod quidem perquam durum est;*

*sed ita lex scripta est.*





## CAPUT II.

*De effectu seu obligatione Legis.*

## SUMMARIUM.

## QUÆSTIO I.

*De effectu legis in genere.*

1. *Effectus omnis legis est obligatio: & quidem in conscientia;*
2. *Quia parendum,*
3. *Etiam legi permittenti.*

## QUÆSTIO II.

*De effectu legis pœnalis.*

4. *Quid lex mere pœnalis?*
5. *Talis proprie non datur,*
6. *Sed est instar legis imperantis solutionem teloniorum.*
7. *Regulariter non incurruntur pœne ante sententiam Iudicis, si requirant actionem positivam delinquentis difficilem, aut privent jure jam quæsito.*

## QUÆSTIO III.

*De effectu legis tributariæ &c.*

8. *Non sunt mere pœnales; obligant in conscientia.*
9. *Quomodo ferantur?*

## QUÆSTIO IV.

*De lege fundata in falsa præsumptione.*

10. *Nunquam obligat. Ostenditur exemplis.*
11. *Fundata tamen in periculo universali omnes obligat.*

## QUÆSTIO V.

*De lege ignorata.*

12. *Invincibiliter ignorata nullum parit effectum, nisi sit irritans.*

13. *Secus de ignorata culpabiliter.*14. *Sciens culpam incurrit reatum pœne: licet hanc nesciat esse annexam.*15. *Nam in quantum cognoscit culpam, incurrit penam.*16. *Aliud forte de pœna censurarum.*17. *Ignorantia facti alieni regulariter excusat, ac prodest: non vero ignorantia juris manifesti.*18. *Quia ignorantia juris præsumitur esse vincibilis, facti alieni autem invincibilis.*19. *Facilius autem præsumitur ignorantia invincibilis, cum eam allegans certat de damno vitando, quam si certet de lucro captando.*20. 21. *Per ignorantiam juris inculpabilem indebite solutum repeti potest.*22. *&c. Gaillii, Zoësi, & Menochii hac de re doctrina.*

## QUÆSTIO VI.

*De lege dubia.*25. *Lex negative dubia non obligat.*26. *Major controversia circa legem positive dubiam.*27. *Bene notandum discrimen inter probabilitatem tantum speculativam, versantem e. g. circa valorem actus, & inter practicam, versantem circa licentiam actus. Unde*28. *Probabilissimus nihil commune habet cum propositionibus damnatis;*29. *Quia*

29. Quia non infert ex probabilitate speculativa practicam,  
30. Sed neque sufficit tenuis probabilitas.

31. Aliquem tamen probabilissimum omnes debent defendere.

32. Argumentum primum probabilissimo ab auctoritate, etiam antiquorum, præsertim Dominicanorum.

33. &c. Si dubium potest deponi, licite agitur: si non potest deponi, non potest formari iudicium de existentia legis: adeoque hæc invincibiliter ignoratur.

35. Dubium practicum semper potest deponi, formarique dictamen certum.

36. Discrimen inter legem antecedentem & consequentem.

37. Nullus contemptus legis.

38. Variæ formulæ dictaminis.

39. Hoc non semper debet esse positive certum.

40. Neque necesse est examinare gradus probabilitatis, modo constat de vera probabilitate.

41. Semper tutiora sequi est impossibile.

42. An probabilissimus inducat laxitatem morum?

43. Propositiones damnatæ non sunt ortæ ex probabilissimo.

44. Via salutis nec nimium dilatanda, nec nimium coarctanda.

45. Pontifices, Theologi & Juristæ supponunt probabilissimum.

46. Quomodo verum, in dubio partem tutiorem esse eligendam.

47. Synopsis argumentorum.

48. Libertas in possessione.

49. Praxis Rigoristarum benignior, quam doctrina.

50. Quam difficile redderetur Sacramentum penitentiae.

### QUÆSTIO VII.

An obliget lex in dubio, an sit abrogata aut impleta.

51. Videtur esse in possessione: adeoque servanda.

52. Probatur ab inductione.

### QUÆSTIO VIII.

An lex obliget in gravi metu, periculo, difficultate?

53. Naturalis negativa semper obligat; non tamen humana, imo neque Divina aut naturalis affirmativa.

54. Excipitur duplex casus: quo transgressio cederet in contemptum Dei aut potestatis Ecclesiasticæ: aut in præjudicium boni publici. Excipitur etiam lex irritans.

55. An teneatur ad partem, qui non potest implere totum?

### QUÆSTIO IX.

De effectu legis irritantis.

56. Tribus modis potest lex irritare. Aliquando tamen requiritur adhuc sententia declaratoria.

57. Metus aut ignorantia non tribuunt valorem.

58. &c. Discutitur controversia, an lex simpliciter irritans irritet pro utroque foro. Defenditur affirmativa sententia.

63. &c. Altera controversia, an omnis lex prohibens sit etiam irritans. Eligitur



gitur negativa saltem quoad leges canonicas.

69. &c. De irritatione pœnali.

### QUÆSTIO X.

Quomodo lex obliget?

72. Quando graviter obliget?

73. An requiratur intentio legi satisfaciendi?

74. An uno actu impleri possint plura præcepta, & quot sint peccata, si uno actu violantur plures leges: aut unus actus feratur in plura objecta totalia?

Post explicatas legum causas effectus earum sunt subjungendi. Est autem effectus omnis legis obligatio observandi legem, e. g. faciendi, quod lex præcipit facere, omittendi, quod prohibet &c. Sed quoniam hæc materia in plures ramos se explicat; dividere eandem oportet in suas partes. Unde sit

### QUÆSTIO I.

De effectu legis in genere.

1.  
Omnis lex obligat in conscientia.

Effectus omnis universim legis est obligatio in conscientia, hoc est, sub culpa coram Deo. Si enim est lex præcipiens, teneris facere id, quod præceptum est: si prohibens, oportet omittere, quod prohibetur: si lex permittens, nemo impediendus aut turbandus in eo, quod sibi lege permisum est: si lex irritans, nemini licitum est, actum irritatum pro valido alteri objicere, aut effectum ex eo velle consequi. Si denique lex est pœnalis, obligat judicem ad infligendam pœnam statutam, & transgressiorem ad eandem sustinendam: ut proin omnis omnino lex, siue civilis, siue ecclesiastica, ad aliquid obliget in conscientia. In quo differt a consilio, quod quidem suadet id, quod est decens ac melius, non tamen obligat; ut patet in consiliis Evangelicis.

Quia tenemur obedire superiori.

Et ratio hujus asserti est: quia quilibet tenetur obedire superiori suo legitime imperanti, & quidem jure Divino ac naturali, ut docemur a S. Paulo ad Rom. 13. ubi ait: Omnis anima sublimioribus potestatibus subdita sit: non est enim potestas nisi a Deo; itaque qui resistit potestati, Dei ordinationi resistit: qui autem resistunt, ipsi sibi damnationem acquirunt. Et mox addit: Dei minister est (potestas seu legislator) vindex in iram ei, qui male agit: ideo necessitate subditi estote, non solum propter iram, sed etiam propter conscientiam. Consonat illud 1. Petri 2. Subiecti igitur estote, ut, siue regi, quasi præcellenti, siue Ducibus, tanquam ab eo missis ad vindictam malefactorum, laudem vero bonorum: quia sic est voluntas Dei.

Ex

Ex quo ulterius sequitur, impossibilem esse legem, quæ non obliget in conscientia: nam lex est rationabile præceptum superioris impositum subditis. Atqui tale dari non potest, nisi subditi obligentur parere præcepto. Adeoque licet Princeps non intenderet per legem suam obligare in conscientia, tamen re ipsa lex obligaret, non quidem ex intentione principis, legem ferentis, sed ex voluntate Dei, præcipientis obedire superiori: cum juris naturalis & positivi Divini lex sit, omni superiori legitime præcipienti obediendum esse. 2. Et quidem necessario.

Unde licet in potestate legislatoris humani sit, an lex existat, vel non existat: supposito tamen, quod eam velit existere, ex lege Divina ac naturali consequente ac veluti reflexa necessario obligabit in conscientia.

Et hinc transgressio legis humanæ semper est etiam mediate transgressio legis Divinæ ac naturalis, quæ videlicet præcipit legi humanæ parere. Verissima proin manet illa definitio peccati, a S. Augustino proposita: quod scilicet sit *dictum, factum, vel concupitum contra legem Dei*: nam licet aliqua peccata sint immediate contra legem humanam, mediate tamen sunt contra legem Dei. Quia etiam lex Divina præcipit.

Ex quo pariter sequitur, licet legislator non possit cognoscere ea, quæ in subditorum conscientia contingunt, neque possit directe penam inferni imponere, tamen utrumque potest Deus, graviter præcipiens observare legem humanam graviter præcipientem: etiam tunc quando hæc tantum versatur circa bonum commune politicum. Unde etiam leges Imperatorum ethnicorum, aliorumque legislatorum infidelium obligabant in conscientia, & sub pœna æterna in re gravi quamvis forte de his non cogitarint. Et punit. Etiam transgressiones legum civilium.

Atque in hoc sensu potissimum intelligendum est receptum illud juris principium: *Lex justa pro foro externo, est etiam justa pro foro interno*; quatenus nempe etiam pro foro interno, seu in conscientia obligat.

Obstrepunt quidem huic doctrinæ, ex sacra Scriptura manifeste adeo comprobata, hæretici, persuadere conantes, nullam legem humanam ligare posse conscientias, & abutentes illo Pauli 1. Tim. 1. *Iusta lex non est posita*, de cuius tamen non est alius sensus, quam, quod iusto non sit invito posita, & tanquam onus: quia non metu pœnæ, sed charitate ad illam observandam allicitur. Hæreticorum error.

Dices: Lex permittens ad nihil obligat eum, cui aliquid permissum est: sic qui acquirit privilegium, quod est lex privata, non tenetur eo uti. Deinde constitutiones plurium Religiosorum ordinum sunt leges, permittens & tamen non obligant sub culpa. R. Lex permittens non quidem obligat eum cui aliquid permittitur: obligat tamen alios, ne eum jure permissio privent, aut impendant, e. g. ne privilegium impendant uti fac



Quomodo  
regulæ re-  
ligioſæ?

privilegio. Hinc permiſſio & privilegium proprie tantum eſt lex reſpe-  
ctu aliorum, qui non habent privilegium.

Conſtitutiones religioſas, quæ non obligant ſub peccato, P. Schmalz-  
gruber ad tit. de conſtitut. num. 31. cenſet, eſſe aliquid medium inter legem  
& conſilium. Nam conveniunt cum conſilio in hoc, quod non obli-  
gent ſub culpa: cum lege vero & præcepto, quod videantur tendere  
modo imperativo: leges tamen proprie non ſunt.

Difficultatem majorem habent, quæ opponi hic poſſent circa legem  
pœnalem, irritantem, dubiam, fundatam in falſa præſumptione. Ve-  
rum hæc juvat ſpeciali tractatione examinare. Unde, ſit

## Q U Æ S T I O II.

De effectu legis pœnalis.

4.  
Quid mere  
pœnalis?

Mixta.

**L**ex pœnalis dicitur, quæ decernit pœnam. Si nihil præcipiat aut pro-  
hibeat, ſed præciſe ſtatuat pœnam, dicitur *pure pœnalis*, aut *mere pœ-*  
*nalis*. Atque ſic e. g. ſonat: *Qui exportaverit frumentum ex provincia, centum*  
*florenos pendet.* Aut: *qui ſeram in ſylva trajecerit, multabitur.* Si vero præ-  
cipiat aut prohibeat aliquid, ſimulque in transgreſſorem pœnam ſtatuat,  
dicitur *pœnalis mixta*: ut ſi dicat: *Nemo exportet frumentum: qui autem ex-*  
*portaverit, multabitur 50 florenis.* Et de hac mixta non eſt dubium, quin  
obliget in conſcientia ad actum præceptum ponendum, & prohibitum  
omittendum, ſimulque ad multam ſtatutam ſolvendam poſt judicis  
ſententiam.

Sed difficultas eſt non exigua circa legem pure pœnalem, an nempe  
talis detur, & an in conſcientia obliget ad ſubeundam aliquam pœnam?  
Communis equidem eſt ſententia, dari legem pure pœnalem, eamque  
obligare ad ſubeundam pœnam ſtatutam, qualem eſſe dicunt e. g. legem,  
quæ in feripetas, exportatores frumenti, vini &c. aut in exteros, telo-  
niorum defraudatores, aut in transgreſſores regularum in religioſo ordi-  
ne, abſque prohibitione, pœnam ſtatuit.

Nam, ut inquirunt, licet talis lex nihil præcipiat aut prohibeat, ta-  
men juſte ſtatuit pœnam, e. g. in feripetas &c. Ergo eſt lex mere pœnalis,  
obligatque in conſcientia ad ſubeundam pœnam, a judice inſlictam.

5.  
Nulla lex  
mere pœna-  
lis proprie  
loquendo.

Verum legem pure pœnalem, in ſenſu proprio & ſtriſto acceptam,  
nullam exiſtere arbitror, imo neque eſſe poſſibilem: ex hac ratione.

Vel lex aliqua quæcunque præcipit aliquid, aut prohibet, directe  
vel indireſte, explicite vel implicite, formaliter aut virtualiter? vel ni-  
hil omnino præcipit aut prohibet? Si primum, jam non eſt amplius lex  
pure pœnalis, ſed mixta, non tantum obligans ad pœnam, ſed etiam  
ad

ad faciendum, quod est præceptum, & omittendum, quod est prohibetum: ut per se patet: nam transgressio legis prohibentis aut præcipientis non est lex mere pœnalis, ut omnes fatentur.

Si autem nihil omnino, nec directe nec indirecte, præcipit aut prohibet, nulla omnino datur transgressio legis, nulla prorsus culpa, nullum delictum. Ergo neque potest puniri pœna proprie dicta. Sic si venatio nullo modo est prohibita, feripeta nullam legem est transgressus, nullum omnino delictum, aut quasi-delictum commisit, consequenter nullam omnino culpam contraxit. Quomodo igitur meruit pœnam? quid pœna proprie tali dignum commisit? quid in eo punitur? certe omnis pœna supponit aliquam culpam: alias pœna est injusta. Nam pœna est *noxæ, delictorum & peccatorum vindicta & coercitio*, ut dicitur l. 131. ff. de verb. signif. & S. Augustin. l. 1. retract. c. 9. ait: *Omnis pœna peccati pœna est, & supplicium nominatur*: unde tritum illud: *Supplicium est pœna peccati*. Adeoque nulla dari potest rationabilis lex mere pœnalis: utpote quæ puniret actionem permissam & licitam, consequenter innocentem, sine omni delicto & culpa.

Neque dicas, quod lex mere pœnalis puniat aliquod quasi-delictum, aut aliquam culpam juridicam, vel politicam. Nam ubi nihil prorsus ullo modo prohibetur aut præcipitur, ubi nulla negligentia aut incuria, nec vera nec præsumpta, nec a se nec ab alio commissæ, intercedit, profecto neque quasi-delictum, neque culpa juridica vel politica locum habet. Ergo neque potest puniri propter talem culpam. Si autem datur aliqua prohibitio, jam non est amplius lex mere pœnalis.

Dixi autem, non esse possibilem legem pure pœnalem proprie ac stricte talem, quæ videlicet pure statuatur pœnam proprie sumptam, abs-  
que omni prohibitione. Non enim nego, posse Principem aut rempu-  
blicam statuere per legem præcipientem, ut, qui exportat frumentum, statuta vi le-  
certam pecuniam solvat (sicuti leges contractuum, gabellarum, peda-  
giorum, teloniorum, quæ non sunt pœnales, statuit) cui legi se subjicit,  
qui frumentum exportat: sicut peregrini etiam se subjiciunt legibus con-  
tractuum, teloniorum &c. igitur solvere tenetur taxatam pecuniam, si  
frumentum exportet. Hæc tamen solutio non habet rationem pœnæ  
proprie sumptæ, sicut solutio teloniorum, accisorum pro vino e.g. im-  
portato, vectigalium &c. non habet rationem pœnæ. Quidquid sit, an  
solutio facta propter exportatum frumentum dicatur pœna improprie  
ac late talis: de quo non disputo. Ejusmodi pœnam improprie sum-  
ptam videtur agnoscere regula Juris 23. in 6. dum ait: *sine culpa, nisi*  
*subsit causa, non est aliquis puniendus.* Videtur etiam eandem agnoscere

6.

Solvi tamen  
debet taxa

In sensu mi-  
nus proprio



admitti po-  
test lex mere  
Pœnalis.

communis modus loquendi, quo lex pœnalis dividitur in pœnalem mixtam, & pure pœnalem. Nam in hac divisione, ut ostensum, non potest pœna proprie sumi. Unde etiam, quando quis propter delictum alienum dicitur puniri, e. g. Clericus propter simoniam, ab altero commissam, aut filius propter crimen patris, non habet respectu innocentis, proprie rationem pœnæ, sed hic ferre debet incommodum ratione legis vel statuti, etiam in filio punientis culpam patris: & hinc potius pater, aut simoniacus punitur.

7.  
An pœna  
incurratur  
ante sen-  
tentiam?

Cæterum convenit inter DD. legem mere pœnalem, si detur, non obligare ante sententiam judicis: cum nequidem lex pœnalis mixta antea obliget, si sit ferendæ sententiæ, aut quando requirit aliquam executionem externam: non enim tenetur quis sui ipsius esse accusator, judex & executor. Igitur si sit pœna ferendæ sententiæ, non incurritur ante sententiam *condemnatoriam*: si autem latæ sit sententiæ, & pœna sit *positiva*, ad cujus executionem requiritur aliqua actio delinquentis, valde difficilis, regulariter non incurritur ante sententiam *declaratoriam* criminis. Quia nimis difficile foret, si quis ante omnem sententiam deberet in se ipso exequi pœnam valde difficilem, e. g. ire in exilium, in carcerem infamem, aut valde durum, ad triremes, addicere bona sua fisco &c. Imo ordinarie neque ad pœnam *privativam*, qua videlicet delinquens privatur bono aut jure aliquo jam quæsito, datur obligatio ante sententiam declaratoriam. Dixi *ordinarie*: excipiuntur enim censuræ, & inhabilitates; item nullitates matrimoniorum, electionum, collationum, & provisionum beneficialium; quæ pœnæ sæpe incurruntur ante omnem sententiam. Nam hæ posteriores non privant jure jam quæsito, sed primum quærendo. Quando autem privationes sunt mere negativæ, hoc est, quando non privant bono jam acquisito, facilius incurruntur ante omnem sententiam, ut inhabilitates ad beneficia ecclesiastica, irregularitates &c.

Cæterum, quando verba legis sunt dubia, censendum est, quod contineant pœnam *ferendæ sententiæ*, adeoque quod ante illam non incurrantur: quia pœnæ in mitiorem partem sunt interpretandæ. Hinc si lex tantum comminetur pœnam, dicendo, e. g. *sub pœna quadrupli, sub pœna inhabilitatis &c.* censetur tantum esse ferendæ sententiæ. Aliud esset, si lex adderet, *ipso jure*, vel *ipso facto* incurrere pœnam; tunc enim esset *latæ sententiæ*; regulariter tamen requireretur sententia declaratoria criminis, nisi addatur clausula, quæ etiam istam excludat. Cæterum post sententiam non potest quis judici positive resistere: imo tenetur quis etiam positive exequi pœnam, si non sit nimis gravis.

QUÆ.

## Q U Æ S T I O III.

*An leges tributorum, vectigalium & aliarum exactionum obligent in conscientia?*

Quidam cum Navarro in Summa c. 23. n. 6. docent, has leges esse mere pœnales, ita scilicet, ut nihil præcipiant, sed tantum ad multam persolvendam obligent, si quis tributa & vectigalia solvere neglexerit.

Verum communis & certa est sententia, has leges, si tributa iusta imponant, non esse pure pœnales, sed obligare in conscientia ad tributa solvenda, & exactiones præstandas: nam non tantum Principes & Magistratus præcipiunt illa solvi, sed etiam Deus ad Rom. 13. *Reddite ergo omnibus debita, cui tributum, tributum, cui vectigal, vectigal.* Et ratio est, quia obligatio solvendi tributa fundatur in iustitia commutativa. Nam subditi suis Principibus & Magistratibus debent præbere congruam sustentationem, ex quasi contractu, quo princeps se obligavit ad gubernandam ad commune bonum, ac defendendam rempublicam, administrandam iustitiam, atque ad populi felicitatem meliori modo procurandam: subditi vero se obligarunt ad compensandos labores & curas regiminis, atque ad ea suppeditanda, quæ ad dignitatem sui Principis sustinendam atque ad rectam gubernationem ei sunt necessaria. Unde l. c. dicitur: *Ideo & tributa præstatis, Ministri enim Dei sunt, in hoc ipsum servientes.* Et idem de reliquis exactionibus, quæ iuste imponuntur ac præcipiuntur, dicendum: quas etiam exteri, merces invehentes vel evehentes, tenentur præstare, ex quodam quasi contractu & æquitate, ut, qui sentit commodum viarum, pontium &c. sentiat etiam onus solvendi vectigalia, pedagia, gabellas.

Dixi: Si tributa iustè imponant. Nam si sint iniusta e.g. nimis multa aut nimis gravia, atque de iniustitia constet, non tenentur subditi ea præstare; quia Princeps non habet jus tributa & exactiones iniustas imponendi: cum in bona subditorum non habeat jus proprietatis, sed tantum jurisdictionis; ac proinde non pro arbitrio, sed prout bonum communis sibi subjæctæ postulat, disponere de illis potest. Si sunt iusta.

Si autem dubium sit, an sint iniusta, debent solvi: quia major ac fortior præsumptio stat pro Principe ac iustitia legis: & sic Princeps atque ipse lex est in possessione, atque elidit possessionem libertatis ea solvendi. Aliud esset, si major & sanior pars populi prudenter censeret, tributa esse iniqua & iniusta. Aliud item, si dubitaretur de ipsa potestate simpliciter imponendi tributa, & imponerentur ab aliquo, qui prius non erat in possessione, tunc enim libertas ea solvendi esset in possessione, donec constet, eum habere potestatem.



9.  
Nova tribu-  
ta.

Nova autem tributa a Magistratu imponi possunt propter novas causas & necessitates emergentes: puta, propter defensionem Reipublicæ, exstructionem munimentorum, sumptus in opera publica viarum, pontium, in opera religionis, pietatis, in iter aut profectionem Principis necessariam, in bellum necessarium &c.

Modus, quo  
feruntur le-  
ges tributa-  
riæ.

Oppones. Magistratus statuit pœnam non solventibus tributa, defraudantibus vectigalia, a via recta deviantibus, occultantibus merces &c. ergo leges tributorum, & præsertim vectigalium, pedagiorum, & gabel-  
larum sunt pure pœnales. R. Hoc non sequi: nam triplici modo leges tributariæ &c. possunt ferri, sicut etiam aliæ leges. Nempe vel præcise imperando tributum, sine adjectione pœnæ: & tunc dicuntur leges *mora-  
les*: præceptivæ nempe aut prohibitivæ tantum: & tunc nullo modo di-  
cuntur pœnales. Vel præcipitur tributum, simulque statuitur pœna non solventibus: & tunc sunt leges *mixtæ* ex lege morali & pœnali. Vel præcise statuitur in defraudantes telonia, gabellas &c. confiscatio mercium, aut certa pecunia solvenda, absque ulla præceptione solvendi gabellas, & neque tunc datur proprie & stricte lex mere pœnalis, ut quæst. præcedente dictum est; sed solvi tunc debet statuta pecunia propter legem *mo-  
ralem*, quæ præcipit illam solutionem absque ulla culpa illius, qui non solvit gabellas. Quamvis confiscatio mercium &c. tunc dici possit *quasi  
pœna*, & lex eam statuens, *quasi-pœnalis*. Cæterum obligationem sol-  
vendi vectigalia, pedagia & gabellas mitigant authores quoad pauperes, circa ea, quæ ad victum necessaria invehuntur aut importantur; item quoad externos, quibus non incumbit alere alienum principem: ut adeo tantum ratione sumptuum in parandis & reparandis viis, pontibus &c. ex quibus commodum percipiunt, videantur obligati.

#### Q U Æ S T I O IV.

*An obliget lex fundata in falsa præsumptione?*

10.

R esp. non obligat: si nempe sit lata ex præsumptione facti aut delicti alicujus commissi: quod tamen factum vel delictum hic & nunc non datur.

Non obli-  
gat.

Ratio est: quia factum illud vel delictum præsumptum est unica cau-  
sa motiva ac fundamentum legis. Unde cessante illo cessat etiam lex: imo pro casu illo lex nunquam fuit lata: cum sit implicite conditionata: *si factum vel delictum subsistat*.

Ostenditur  
exemplis  
matrimonii.

Sic si uxor putatitia sciat, matrimonium esse contractum cum impedi-  
mento dirimente, non tenetur reddere debitum conjugale, imo neque po-  
test, licet præceptum Ecclesiasticum etiam sub pœna excommunicationis  
redditionem debiti præcipiat. Quia scilicet hoc præceptum fundatur in præ-

præsumptione falsa, facti scilicet particularis, nempe matrimonii valide hic & nunc contracti. Adeoque præceptum est quodammodo conditio-  
natum: *si matrimonium sit valide contractum.*

Item: si falsis testibus oppressus, per sententiam judicis condemne-  
ris Cajo ad solvendo centum, quos certo scis, te non debere, per se non  
teneris eos solvere: quia scilicet tam sententia judicis, quam lex, præci-  
piens obedire judici, hic fundatur in præsumptione facti particularis, con-  
tractæ scilicet obligationis solvendi centum: quod tamen factum non sub-  
sistit. Dixi autem, quod *per se* non tenearis solvere: nam si non potes  
probare te nihil debere, debes obedire judici, exequenti sententiam, la-  
tam secundum conscientiam suam, & secundum allegata, & probata pro  
foro externo. Posses tamen in hoc casu occultam compensationem fa-  
cere, si certo scis, te nihil debere, & alter mala fide egit in judicio.

Sic etiam, licet in Novell. 1. cap. 2. lex præcipiat, ut hæres, non con-  
ficiens inventarium, etiam ultra vires hæreditatis creditoribus testatoris  
solvat: tamen, quia hæc lex fundatur in præsumptione delicti commissi,  
quod scilicet hæres aliqua ex massa hæreditatis subtraxerit, juxta commu-  
niorem DD. non tenetur in conscientia solvere ultra vires hæreditatis,  
licet non confecerit inventarium, si nihil subtraxit: eo quod lex hic &  
nunc fundatur in præsumptione falsa, commissæ nempe fraudis. Putant  
quidem aliqui, legem cit. fundari potius in quasi-contractu aditæ hære-  
ditatis, quo hæres censeatur creditoribus promittere plenam solutionem,  
adeoque eum ex hoc quasi-contractu in conscientia obligari, ac proin præ-  
sumptionem legis non esse falsam. Verum non potest præsumi, quod  
aliter se voluerit per quasi-contractum obligare, nisi prout naturalis æqui-  
tas suadet. Unde, quando lex jubet, etiam supra facultates hæreditatis  
solvere, probabilius fundatur in præsumptione fraudis, quod scilicet hæ-  
res aliqua subtraxerit, aut occultaverit: ut ipsa lex cap. 2. indicat per  
verba: *Et non per ea, quæ forte furripiunt, aut malignantur.* Quæ perfum-  
ptio si falsa sit, lex non obligat in conscientia.

Idem sentiendum puto de lege Aquilia, quadrupedaria, & noxalibus; Legis  
eas videlicet fundari in præsumptione alicujus commissæ culpæ, nempe  
alicujus negligentiae, incuriae, aut alterius delicti, aut quasi-delicti. Quæ  
præsumptio si in casu particulari sit falsa, lex Aquilia &c. in conscientia  
probabiliter non obligat.

Denique, ut alia exempla omittam, *Instit. de litter. oblig.* habetur,  
quod si Cajo e.g. dederis chirographum, in quo te accepisse pecuniam  
fateris, quam tamen re ipsa non accepisti, ultra biennium te non posse  
opponere exceptionem *non numeratæ pecuniæ*, sed ad solvendum te condem-  
natum iri. Quia autem hæc lex fundatur in præsumptione numeratæ  
pecu-



pecuniæ, ideo si hoc factum re ipsa non subsistat, non obligaris in conscientia Cajo aliquid restituere. Adeoque si compellaris a iudice ad restituendum, (quod te debere scripsisti) eo quod vel non possis probare pecuniam non esse numeratam, vel per biennium distuleris opponere exceptionem, potes occultam facere compensationem, si certe tibi constet de non numerata pecunia: quia scilicet lex in hoc casu fundatur in præsumptione falsa alicujus facti, nempe numeratæ pecuniæ: quæ tamen non est numerata.

11.  
Lex fundata  
in scientia  
vel præsum-  
ptione peri-  
culi univer-  
salis omnes  
obligat.

Econtra, quando lex fundatur in præsumptione *periculi universalis*, seu frequenter, aut communiter contingentis, e.g. fraudum, peccatorum, incommodorum &c. & sic in præsumptione *periculi in genere*, obligat omnes, licet respectu alicujus vel aliquorum, aut in casu aliquo particulari non subsit periculum.

Ratio est, quia tunc lex non fundatur in præsumptione falsa: nam lex universaliter in omnes est lata propter periculum communiter aut frequenter præsens; & sic propter periculum in genere: hoc autem periculum in genere manet, licet respectu aliquorum, vel in casu particulari cesset periculum aliquod in specie: adeoque manet causa motiva & fundamentum legis universalis, nempe periculum morale in genere, communiter aut frequenter præsens, propter quod lex universaliter in omnes est lata.

Ut lex ve-  
rans libros  
hæreticos,

Sic e.g. lex prohibens lectionem librorum hæreticorum fundatur in præsumptione periculi perversionis, quod periculum est frequens. Quare, licet aliqui sint tam docti & probi, ut respectu ipsorum non sit periculum, lex tamen etiam ipsos obligat, sine facultate non legere ejusmodi libros: quia lex non fundatur in præsumptione periculi particularis respectu personæ singularis, sed in præsumptione periculi in genere, frequenter & communiter præsentis.

Idem dicendum de legibus prohibentibus nocturna conventicula aut circumvagaciones cum armis &c.

Lex irritans  
matrimoni-  
um clande-  
stinum,

Idem etiam de legibus irritantibus certos actus propter periculum frequens in genere. Sic lex Tridentini propter tale periculum prohibet & irritat universaliter matrimonia clandestina: licet ergo in casu particulari re ipsa non subsit periculum peccatorum, & incommodorum, tamen etiam pro tali casu irritat ex præsumptione periculorum frequentium, in genere; quæ præsumptio semper vera est.

Contractus  
pupilli, testa-  
menta &c.

Propter eandem rationem lex irritat contractus pupillorum, absque autoritate tutorum, Professionem Religiosam ante 16. ætatis annum, alienationes rerum Ecclesiasticarum, electiones, testamenta, sine debitis solennitatibus facta: propter periculum generale videlicet & frequens immaturi adhuc iudicii, damnificationis Ecclesiarum, fraudum facile irrepen-

pentium &c. quæ causa irritandi manet, licet respectu aliquorum, aut in casibus aliquibus particularibus non subsit periculum specificum: quia scilicet lex non fundatur in præsumptione periculi determinati in specie, aut respectu personæ alicujus singularis, sed in præsumptione periculi in genere, & frequenter contingentis, quæ præsumptio vera est: semper enim verum est dicere: *hoc periculosum est*. Quæ pariter est ratio, cur parens possit irritare vota, a filio adhuc impubere emissa; licet constet, eum perfectum habuisse judicium: quia scilicet lex universaliter patribus dat hanc potestatem propter morale periculum in genere, imperfecti adhuc judicii. Nam leges attendunt id, quod frequentius contingit.

Quando autem lex fundetur in præsumptione periculi universalis, seu frequentis, aut tantum in præsumptione facti alicujus, desumi debet ex materia & verbis legis, item ex usu & communi legis interpretatione.

Illud adhuc notandum, quod hætenus dictum est, de lege positiva Aliud de intelligendum esse; nam lex naturalis non fundatur in ejusmodi præsumptionibus, sed eum tantum obligat, respectu cujus est periculum. Hinc rali. occasio peccandi respectu unius potest esse remota, respectu alterius vero proxima. Suarez de leg. lib. 5. c. 14. improbat modum loquendi, quo dicitur, leges fundari in præsumptione falsa: ait enim eas fundari in certa scientia periculi, non vero in præsumptione, seu conjectura: e. g. legem Tridentini, qua irritantur matrimonia clandestina, fundari in scientia periculi, eo quod certum sit, existere periculum. Quæ doctrina Suarezii vera quidem est, non tamen recedendum a modo loquendi, communiter recepto, quo dicitur, ejusmodi leges fundari in præsumptione periculi universalis, seu communiter præsentis: non enim præsumptio hic tantum pro conjectura sumitur, sed aliquando latius: ita, ut sensus sit, quod leges supponant periculum.

## QUÆTIO V.

*An obligat lex ignorata?*

### §. I.

*An excuset ignorantia invincibilis.*

**D**uplex est ignorantia, altera *invincibilis* seu *antecedens*, quæ etiam *probabilis* aut *inculpabilis* dicitur; quia vitari aut deponi hic & nunc non potest. Atque hac ignorantia lex sive sit naturalis, sive Divina, sive humana, ignorata non obligat, saltem proxime & in actu secundo; consequenter excusat a formali culpa & pœna: a culpa quidem, quia tollit voluntarium, facitque transgressionem legis, invincibiliter ignoratæ, involuntariam. A pœna vero talis ignorantia excusat, quia ubi nulla est culpa, <sup>12.</sup> Lex invincibiliter ignorata non obligat.

*Pars I.*

*F*

*culpa,*



culpa; neque pœna locum habet: quid enim aliud punitur, nisi culpa? unde culpa est causa pœnæ: cessante autem causa cessat etiam effectus.

Aliud de lege  
irritante.

Dixi autem, quod lex *invincibiliter* ignorata non obliget, nempe præceptiva vel prohibitiva: nam lex irritans, etiam *invincibiliter* ignorata (saltem si non sit pœnalis) habet suum effectum: sic licet inculpabiliter ignoretur lex irritans matrimonium clandestinum, aut lex irritans testamentum, electionem aut alienationem rerum ecclesiasticarum, absque solennitate substantiali factam, tamen obtinet suum effectum, quia ignorantia non potest supplere defectum substantialem alicujus essentialis requisiti ad actum. Idem contingit in lege statuente aliquam inhabilitatem, e. g. irregularitatem, quæ etiam ab ignorante incurritur. Quia talis inhabilitas non statuitur in pœnam, saltem principaliter, sed in reverentiam Eucharistiæ, & propter decentiam status clericalis. Si igitur quis *invincibiliter* ignoret, defectui aut delicto alicui esse annexam irregularitatem, aut aliam inhabilitatem, non peccat quidem formaliter suscipiendo sacros ordines, re ipsa tamen est irregularis. Et si postea ipsi constiterit de irregularitate, tenetur in conscientia interim abstinere ab exercitio SS. Ordinum, donec obtinuerit dispensationem. Idem dicendum circa leges, statuentes impedimenta dirimentia matrimonii; nam licet *invincibiliter* ignoretur e. g. impedimentum consanguinitatis, affinitatis aut erroris substantialis circa personam, tamen matrimonium re ipsa est nullum, quamvis licite contrahatur & consummetur, ac licite in ejus usu pergatur, quamdiu manet ignorantia *invincibilis* impedimenti.

## §. II.

An excuset ignorantia vincibilis?

13.  
Vincibilis  
ignorantia  
non excusat.

**A**ltera ignorantia dicitur *vincibilis*, *consequens* ac *culpabilis*, quam nempe hic & nunc quis potest ac debet deponere, estque rursus alia *crassa & supina*, orta ex magna negligentia in inquirenda veritate; alia *affectata*, quam studiose aliquis quærit, amatque. Porro legis ignorantia vincibilis non excusat ab observatione legis, sed obligat sic ignorantem, adeoque hic peccat eam non observando, quia potest & debet ignorantiam deponere. Neque tantum contrahit reatum culpæ, sed etiam pœnæ a lege statutæ: excepto casu, quo lex imponeret pœnam cum hujusmodi expressione: qui *scienter*, vel *temere*, vel *presumptuose*, vel *contumaciter*, hoc vel illud fecerit; nam tunc ignorantia etiam *crassa & supina* excusaret a pœna: non tamen ignorantia *affectata*, quæ per omnia æquiparatur scientiæ ac dolo.

## §. III.

An incurrat pœnam, qui scivit legem, sed ignoravit pœnam?

**I**llud autem solet disputari, an lex obliget ad pœnam statutam eum, qui scivit quidem legem, pœnam tamen adjectam ignoravit. Et quidem certum est, quod pœnam statutam incurrat, si ignorantia pœnæ sit vincibilis & culpabilis; nisi lex illam tantum in eos statuerit, qui scienter, aut temere, aut præsumptuose, aut contumaciter illam transgressi fuerint; nam tunc ignorantia etiam crassa excusaret ab incurrenda pœna, ut paulo ante dictum est.

Igitur dubium in eo tantum verti videtur, an incurrat pœnam, a jure humano statutam, qui legem quidem scivit, eamque transgrediendo culpam contraxit, invincibiliter tamen ignoravit, annexam esse pœnam. In qua quæstione dicendum existimo, *quod etiam talis, modo sufficienter cognoscat gravitatem præcepti ac culpæ, incurrat pœnam; exceptis forte pœnis censurarum;* (quamvis non teneatur in se ipso pœnam exequi; ne-  
Sciens culpam incurrat pœnam.

Ratio est, quia pœna simpliciter statuta est pro culpa in delinquentem: neque jura, ordinarie saltem, requirere solent scientiam pœnæ, sed simpliciter statuunt pœnam in eos, qui culpabiliter legem transgrediuntur. Ergo modo lex sit cognita, aut culpabiliter ignorata, illam transgrediens incurrat reatum pœnæ, in transgressores statuta. Et quidem de pœna a Deo infligenda id certum est; nam Deus infligit pœnam inferni omni graviter delinquenti ac non pœnitenti, licet nesciverit, hanc pœnam esse statutam, modo sciverit legem naturalem, Divinam, vel humanam graviter præcipientem vel prohibentem, eamque transgressus fuerit.

Idem patere videtur etiam de pœna, a judice humano infligenda; nam fur condemnatur ad patibulum, saga ad ignem, homicida ad gladium, latro ad rotam, licet nesciverint, hanc pœnam delicto suo esse statutam. Certe judices non solent multum inquirere, an sciverint delinquentes hanc vel illam pœnam delicto suo esse a legibus statutam, an sciverint ordinationem criminalem Carolinam, legem Julianam de adulteriis, legem Corneliam de sicariis, aut de falsis, aut S. C. Libonianum, aut legem Pompejam de parricidiis &c. Ratio est, quam dixi, quia leges statuunt simpliciter & absolute pœnas delictis in bonum publicum, non autem scientiæ pœnarum: adeoque ad eas merendas & incurrendas sufficit deliquisse.

Nam lex jubet punire delictum, tum ad castigationem delinquentis (cum supplicium sit pœna peccati) tum ad correctionem ejusdem, ut etus sapiat, tum etiam, ut horrore pœnæ inflictæ alii absterreantur a delictis committendis, & ad leges servandas moveantur. Qui finis statuendi



pœnam obtinetur, licet delinquens nesciverit, pœnam illam esse statutam. Taceo, quod in multis pro foro externo ne quidem toleretur ignorantia juris, seu legum: multo minus excusabit ignorantia pœnæ, cum sciuntur leges, & tamen malitiose violantur. Deinde videtur fieri non posse, ut quis legem sciat, eamque malitiose transgrediatur, quin, virtualiter saltem, simul cognoscat, se pœna dignum reddi: ut autem in specie sciat pœnam illam determinatam, quam lex in transgressores statuit, non requiritur ad illam merendam & incurrendam: saltem si aliunde sufficienter cognoscat gravitatem præcepti & culpæ suæ. Secus vero si hanc non sufficienter cognoscat, tunc enim vel nullam incurrit pœnam, vel minorem, quam a lege alias sit statuta. Sic si invincibiliter nescias matrimonium complicitis, non incurris pœnam, pro adulteris statutam, cum tantum simplicem fornicationem committas, ut docet Suar. *de leg. l. 5. c. 12. n. 9.* Sic etiam, qui occidit Clericum, invincibiliter ignorans esse Clericum, non incurrit pœnam Canonis, licet mortaliter peccarit, & vere sit homicida: unde ut homicida est puniendus, non autem ut percussor Clerici: quia in tantum quilibet puniri meretur, in quantum culpabilis ac reprehensibilis est: in tantum autem est culpabilis, in quantum de culpa advertit, vel advertere potuit; cum præcise in tantum culpa ei sit voluntaria & imputabilis.

15.  
In quantum  
cognoscit de-  
lictum &  
culpam, in-  
currit pœ-  
nam.

Explicatur  
sap. ut ani-  
marum 2. de  
constit. in 6.

Neque obstat c. 2. de constit. in 6. ubi dicitur: *Sententiis per statuta quorumcunque ordinariorum prolati ligari nolumus ignorantes, dum tamen eorum ignorantia crassa non fuerit aut supina.* Hoc, inquam, non obstat: nam Pontifex hic non voluit, quod scientes statutum, & ignorantes præcise pœnam, eandem non incurrant: sed decidit, quod ignorantes simpliciter, nempe tam statutum quam pœnam, ignoratis statutis ordinariorum non ligentur: qui sensus tum ex verbis Pontificis, loquentis de ignorantia simpliciter, tum ex casu ipsi proposito videtur erui. Nam Clericus ille non erat in Diœcesi, quando Episcopus sub pœna excommunicationis prohibuit, ne Clerici gestarent arma, aut comam nutrent, unde nescivit statutum illud novum Episcopi, quo arma & comam tam graviter prohibuit.

16.  
Aliud forte  
de censuris.

Deinde casus ille loquitur de pœna excommunicationis, quæ forte nunquam incurritur ab eo, qui invincibiliter ignorat, delicto suo illam esse annexam: quia excommunicatio, uti etiam aliæ censuræ, feruntur in delinquentes propter eorum contumaciam, & contemptum potestatis ecclesiasticæ ac legum ecclesiasticarum; videntur autem non esse contumaces, aut contemptores legum ecclesiasticarum, qui inculpabilem habent ignorantiam annexæ censuræ. Unde in conclusione addidi: *excep-  
tis*

*ptis forte pœnis censurarum.* Et hinc multi docent, pœnas *vindicativas* incurri ab ignorante, non autem *medicinales*, quales sunt censuræ.

Dixi: *forte*; nam ut Suarez ait *tract. de legibus l. 5. c. 12. n. 11. magna est controversia, an ignorantia censuræ excuset illam.* Neque est adeo improbabilis sententia Covarruvæ in *cap. Alma mater. p. 1. §. 10.* aliorumque, quos ibi citat, censuras latas a jure communi incurri ab eo, qui contumaciter detrectat servare leges ecclesiasticas, graviter præcipientes aut prohibentes, licet nesciat censuras delicto suo annexas. Videtur enim pluribus DD. in tali casu inveniri tota ratio ac definitio censuræ. Contumacia enim sufficiens, imo & contemptus potestatis ecclesiasticæ habetur per hoc, quod sciens legem ecclesiasticam, graviter prohibentem, pertinaciter detrectet eidem parere. Et quomodo alias rudiores, qui nesciunt censuras, possent illas incurrere? cur in Confessione sacramentali ante absolutionem a peccatis semper præmittenda absolutio a censuris, etiam tunc, quando pœnitens nihil scit de censuris, si non esset probabile, censuras incurri posse etiam ab ignorante? Taceo, SS. Canones simpliciter statuere censuras pro quibusdam gravibus delictis, cum pertinacia patrat, non requirendo notitiam censuræ. Ita illius sententiæ patroni de censuris latis a jure communi, cujus ignorantia alias etiam non toleratur.

Excipiunt enim censuras specialiter ab homine in aliquem latas aut ferendas; nam cum istas regulariter præcedere debeat monitio & comminatio censuræ, non incurruntur regulariter ab omnino ignorante. Sicut autem certum videtur, istas ordinarie non incurri ab ignorante (nisi crimen & contumacia sint notoria) ita certum videtur, ignorantiam crassam & affectatam nunquam excusare ab incurrenda censura, lata a jure communi. Cæterum facile concedo, universim pœnam commensurandam esse culpæ: unde si quis absque cognitione pœnæ, a lege statutæ, non satis advertat gravitatem culpæ, hoc ipso etiam minorem meretur pœnam. Nam omnis ignorantia, quæ minuit culpam, minuit etiam pœnam. Unde si tantum ex gravitate pœnæ desumatur gravitas præcepti, minuitur utique pœna, si fuit ignorata.

#### §. IV.

An ignorantia juris & facti prosint pro foro externo?

Jurisconsulti in ordine ad forum præcipue externum aliam adhuc considerant divisionem notabilem ignorantie, nempe *ignorantiam juris*, & *ignorantiam facti*. Per illam ignoratur, quid jura seu leges statuant, per hanc vero, quid factum sit, ut ex ipsis vocibus elucet.

Jam vero de ignorantia facti alieni dicunt, quod profit ignorantem, 17.

Ignorantia  
juris non  
prodest pro  
foro externo;



eumque excuset: nisi factum sit notorium, valetque hic reg. 47. in 6. *Ignorantia præsumitur, ubi scientia non probatur.* De ignorantia vero juris manifesti ajunt, eam nocere ignoranti. Unde dicitur reg. 13. in 6. *Ignorantia facti, non juris excusat.* Et l. regula 9. ff. de J. & F. J. *Regula est, juris ignorantiam cuique nocere, facti vero ignorantiam non nocere:* & paulo post in eadem l. §. 5. *Sciant, ignorantiam facti, non juris prodesse.* Item l. 12. c. C. eod. *Constitutiones Principum nec ignorare quemquam nec dissimulare permittimus.* Hinc quasi regulæ instar traditur, *juris ignorantiam non tolerari.* Ratio disparitatis, cur toleretur & profit ignorantia facti, non autem ignorantia juris, datur l. 2. ff. eod. *Cum jus finitum & possit esse & debeat* (adeoque facile scire possit & debeat) *facti vero interpretatio etiam prudentissimos fallat.*

Ex his autem juris principiis videri posset convelli, quod ante diximus, eum videlicet, qui legem invincibiliter ignorat, nec culpam nec pœnam incurrere. Nam si juris ignorantia cuique nocet, confectaneum plane est, ignorantiam juris non excusare a pœna incurrenda.

Quia jura  
præsumunt  
scientiam  
juris ma-  
nifesti, aut  
ignorantiam  
vincibilem.

Verum hæc combinari posse videntur. Nam allatæ regulæ supponunt (saltem quando allegans ignorantiam certat *de lucro captando*) ignorantiam juris manifesti ac clari (de quo solo intelligendæ sunt) esse vincibilem ac culpabilem, cum jus clarum & manifestum nemo ignorare permittatur, eo quod facile sciri possit. Atqui ignorantiam juris culpabilem transgredienti legem nocere, eumque pœnæ obnoxium facere, nos ipsi diximus. Si tamen pro foro externo sufficienter probari posset, ignorantiam juris in aliquo casu fuisse omnino invincibilem atque inculpabilem (quæ tamen probatio est admodum difficilis, & fere ex circumstantiis & conjecturis tantum, aut etiam aliquando ex juramento argui potest) excusaret ignorantem etiam in eo foro a pœna, neque alias eadem regulariter noceret (extra præscriptionem) quia scilicet tunc præsumptio scientiæ, aut ignorantia vincibilis, deberet cedere veritati.

Et hinc in quibusdam personis, ut impuberibus, minoribus, fœminis, militibus, aliisque rudibus, facilius toleratur ignorantia etiam juris, alias clari, saltem si certent de damno vitando: quia scilicet propter eorum rudicatem, aut infirmitatem judicii stat præsumptio pro eorum ignorantia inculpabili.

18.  
Ignorantia  
vero facti  
alieni tole-  
ratur &  
prodest,

Propter hanc ipsam præsumptionem, in dubio ignorantia facti *alieni* toleratur ac prodest ignoranti, etiam docto alias viro; quia nimirum in dubio præsumptio stat, quod ignorantia sit inculpabilis, cum facta aliena etiam doctissimis & prudentissimis possint esse incognita. Econtra cum factum proprium cuique notissimum esse debeat, præsumptio stat pro scientia facti; saltem si factum non sit antiquum, aut si talis sit naturæ,

aut

aut in talibus circumstantiis peractum, ut non facile in oblivionem possit venire.

Ex quibus patet, rationem cur juris ignorantia regulariter noceat in foro externo, ignorantia autem facti profit ignorantem, hujus, inquam, rationem esse *præsumptionem*: quia scilicet contra allegantem ignorantiam juris clari & manifesti stat præsumptio scientiæ aut ignorantia vincibilis ac culpabilis, quam leges regulariter præsumunt. Econtra pro allegante ignorantiam facti alieni stat præsumptio, quod invincibiliter & consequenter inculpabiliter ignoraverit illud factum. Cum autem præsumptio debeat cedere veritati, ideo etiam ignorantia juris excusat, quando constat, eam fuisse invincibilem; & econtra ignorantia facti etiam alieni nocet, si constet fuisse vincibilem, præsertim si crassa sit & affectata, quæ nunquam excusat.

Cæterum jura magis præsumunt ignorantiam culpabilem, quando allegans ignorantiam certat de lucro captando, quam si certet de damno vitando. Hinc dicitur l. 7. ff. de J. & F. J. *Juris ignorantia non prodest acquirere volentibus: suum vero petentibus non nocet.* Et l. 8. ibid. *Error facti nec maribus quidem in damnis vel compendiis obest: Juris autem error nec fæminis in compendiis prodest.* Cæterum omnibus juris error in damnis amittendæ rei non nocet.

Videtur proin in his aliisque legibus supra citatis se prodere aliqua contraditio. Nam quædam simpliciter dicunt, ignorantiam juris cuique nocere: aliæ volunt, ignorantiam juris nemini nocere, quando certat de damno vitando. Aliæ faciunt discrimen inter viros & fæminas; at l. 8. cit. confunduntur, parique quoad hoc conditione censentur. Aliæ volunt, laboranti ignorantia juris non competere conditionem indebiti, aliæ vero hanc ei adstruunt.

Sic l. 23. ff. de condi. ind. habetur, quod repeti possit, quod ex transactione de jure invalida datum est. Et l. 12. ibid. quod si quis usumfructum dederit, falso existimans eum deberi, conditionem competere, & ad hæredem etiam transire. Ubi videtur lex supponere, usumfructum ex ignorantia juris esse datum. Sic etiam l. 54. eod. dicitur, solum indebitum ex causa, quæ jure non valuit, repeti posse. Ratio datur l. 14. ib. *nam hoc natura æquum est, neminem cum alterius detrimento fieri locupletiores.* Neque æquitas permittit, ut solum sine causa maneat apud accipientem. Unde etiam lex 7. & 8. ff. de J. & F. J. aperte dicit, ignorantiam & errorem juris non nocere illi, qui certat de damno vitando: sed, qui repetit, quod non debebat, vult reparare suum damnum, quod passus est. Deinde solutio indebiti est quasi contractus, quo accipiens tacite se obligat ad restituendum, si res sibi non sit debita.

Contra

19.  
Ignorantia  
præsumitur  
vincibilis,  
quando agitur  
de lucro  
captando.  
Secus quando  
agitur de  
damno vitando.

20.  
Contrariæ  
leges de conditione  
indebiti.



Contra vero habentur etiam satis claræ leges, quod repeti non possit, quod ex ignorantia juris est solutum. Sic l. 10. C. de J. & F. J. habetur: *cum quis jus ignorans indebitam pecuniam solverit, cessat repetitio: per ignorantiam enim facti tantum repetitionem indebiti competere, tibi notum est.* Et l. 9. C. ad leg. falcid. solvens ex errore juris integra legata non permittitur uti beneficio legis Falcidiæ, in ordine ad ea repetenda. Sed neque repe titio datur, quando quis ex testamento imperfecto solvit legata, aut fidei - commissa: si scivit, testamentum esse imperfectum: si autem hoc nescivit, competit ei repetitio; quia solvit ex ignorantia facti alieni: quæ non nocet, nisi sit crassa, aut affectata.

Combinan-  
tur.

Ad hanc igitur apparentem legum contrarietatem evitandam, censeo 1. ignorantiam invincibilem sive juris sive facti semper excusare a culpa & pœna.

Censeo 2. Regulariter neque pro foro externo nocere ignorantiam invincibilem, si sufficienter constet, esse invincibilem; nam hoc suadet æquitas naturalis, ut non noceat, quod sine omni culpa contingit. Unde leges, quæ asserunt, ignorantiam juris nocere, intelligunt id de ignorantia, quæ est, vel præsumitur esse vincibilis ac culpabilis. Nam hæc nunquam prodest, si de ea constet. Dixi regulariter: nam in præscriptione, transactione, & fortassis etiam in re judicata, ignorantia etiam invincibilis nocet.

Censeo 3. Pro foro externo, in dubio præsumi vel scientiam juris, vel ignorantiam juris *culpabilem*, quando allegans ignorantiam certat *de lucro captando*, propter expressa verba l. 7. & 8. cit. adeoque tunc ignorantia nocet: quia præsumitur culpabilis. Quando vero allegans ignorantiam certat *de damno vitando*, in dubio præsumitur ignorantia *invincibilis* & inculpabilis. Quod Menochius *de præsumpt. lib. 6. c. 23. n. 37.* extendit etiam ad allegantem ignorantiam in facto proprio. Quia vero aliquæ leges supra citatæ simpliciter & absque distinctione inter lucrum captandum aut damnum evitandum absolute & generaliter dicunt, ignorantiam juris cuique nocere, id intelligendum est de ignorantia, quam constat esse culpabilem: vel intelligendum pariter est ad mentem legis 7. & 8. cit. de casu, quo allegans ignorantiam vult lucrari: pro tali enim casu præsumitur ignorantia vel error culpabilis; & quidem, ut vult Menochius loc. cit. n. 24. etiam in rustico, muliere, milite.

21.  
Solutum per  
ignorantiam  
invincibilem  
potest re-  
peti.

Censeo 4. Etiam solutum per ignorantiam inculpabilem juris posse repeti, ut ex l. 23. cit. aliisque videtur probabilius. Talis enim certat de damno vitando, quod solvendo indebitum incurrit: alter autem certat de lucro captando, retinendo rem, quam nullo iusto titulo retinet. Certe æquitas naturalis non permittit rem apud alterum existere sine causa, aut

aut fieri locupletiores cum alterius detrimento. l. 14. cit. unde l. 66. ff. de cond. ind. dicitur: *Hæc conditio ex bono & æquo introducta quod alterius apud alterum sine causa deprehenditur, revocare consuevit.* Quando autem l. 10. cit. dicit, quod non detur repetitio indebitæ pecuniæ, cum ignorantia juris solutæ, id intelligendum est de casu, quo ignorantia est culpabilis, vel præsumitur talis esse: & idem dicendum de solvente integra legata: aut solvente legata ex testamento imperfecto: nam præsumitur scientia juris, quod concedit falcidiam detrahare, vel irritat testamentum imperfectum, adeoque solvens legata, censetur donasse, vel saltem absolute voluisse transferre dominium. Vel saltem præsumitur, quod culpabiliter jura ista ignoraverit: consequenter non habet repetitionem. Hinc ait regula juris 53. ff. *cujus per errorem dati repetitio est, ejus consulto dati donatio est.*

## §. V.

Confirmatur præcedens doctrina ab authoritate.

Atque ex doctrina, in materia hac obscura hætenus tradita DD. <sup>22.</sup> varias decidunt quæstiones, in utroque jure occurrentes. Sic Andreas Gaill. *Prædictarum observationum lib. 2. observ. 48.* infert, quod ignorantia excuset hæredem emphitevtæ, si non solvat Canonem intra biennium, eo quod ignoraverit rem esse emphitevticam. 2. Tempus quadriennii post perfectam ætatem, petendi restitutionem in integrum, non currere ignorantia læsionem, (*verum hæc sententia Gaillii est contra communem*) 3. Ignorantiam operari, ut filii, nati ex illegitimo matrimonio, sint legitimi & sui hæredes. 4. Tempus anni & diei petendi renovationem investituræ, non currere ignorantia, sed incipere a tempore scientiæ, quod feudum vacet. 5. Renuntiantem beneficio vel privilegio per ignorantiam juris, sibi non præjudicare, e. g. mulierem renuntiantem S. C. Velleiano, dum putat, se posse renuntiare. 6. Dari restitutionem in integrum ex capite ignorantia contra præscriptionem. Aitque, hanc sententiam esse communem, (at hoc falsum est) si autem aliqua publice nota sunt, præsumi scientiam, vel saltem ignorantiam vincibilem: paria siquidem esse, scire, & scire debere. Adeoque tantum ignorantiam verisimilem excusare. Facti autem proprii ignorantiam non esse verisimilem (saltem ordinarie, nisi nempe factum proprium sit antiquum, aut valde intricatum, sicut est calculus rationum reddendarum) si tamen de damno vitando certetur, præsumi etiam ignorantiam facti proprii. Ignorantiam autem facti alieni excusare, saltem regulariter, nisi sit notorium, aut tale, quod quis ratione officii debuit indagare, ut in electione Episcopi prius indagandum est a Canonicis, an sit legitime natus, nec



alio impedimento laboret. Nec est Pastoralis excusatio, si lupo comedit, & Pastor nescit: quia scilicet tenetur inquirere.

Econtra ignorantiam juris regulariter non excusare (quia nimirum præsumitur scientia juris communis, clari & manifesti, vel saltem præsumitur, ignorantiam fuisse vincibilem) nisi vel sexus imbecillitas, ut mulieri, vel simplicitas, ut rustico, vel ætas, ut minori, aliquid indulgeat, vel de damno vitando agatur. Quia nempe tunc facilius præsumitur ignorantia invincibilis. Sic etiam facilius præsumi ignorantiam statutorum particularium, quam juris communis, præsertim si allegetur a peregrino aut cive novitio: econtra a cive antiquo ignorantiam statuti allegari non posse.

Quandoque autem admitti juramentum, quo ignorantia probetur: e. g. in vasallo, allegante ignorantiam feudi vacantis: item res peregrini non solventis gabellas non cadere in commissum, si juret, se ignorasse gabellam ibi esse constitutam; nec alias pœnas ab eo incurri.

23.  
Zoesii.

Sic etiam Zoesius in *comment. ad ff. de J. & F. J. n. 4.* ait, ignorantiam invincibilem juris excusare etiam pro foro externo, si sufficienter probetur. n. 7. minori etiam in acquirendo non obesse ignorantiam juris; unde dicitur l. 11. C. de J. & F. J. *Quamvis in lucro nec faminis, jus ignorantibus subveniri soleat, attamen contra ætatem adhuc imperfectam locum hoc non habere, retro Principum statuta declarant.* Idem arguitur ex l. 2. eod. idem dicitur de milite l. regula 9. ff. eod. & n. 8. ait, ignorantiam facti alieni nec in damno evitando nec in lucro captando obesse, modo crassa aut supina non sit. Ignorantiam autem facti proprii lucrum captanti obstare, non tamen agenti de damno vitando. n. 9. Probationem ignorantie incumbere illi, qui eam allegat, nisi præsumptio juris sit pro ignorante, veluti in facto alieno, & iis, quæ sciri non debent. Illam autem non facile probari, nisi per verisimilia signa, conjecturas aut jusjurandum: quæ enim ab animo pendent, vix aliter probari possunt.

Ex quibus apparet, hos authores pariter tenere, excusare ignorantiam invincibilem, non autem vincibilem: an autem sit vincibilis aut invincibilis, nisi aliunde constet, haberi ex præsumptionibus, ita quidem, ut regulariter præsumatur scientia juris aut ignorantia vincibilis, uti etiam scientia facti proprii, non autem alieni.

24.  
Menochii.

Quam eandem doctrinam tradit Jacobus Menochius in præclaris suis commentariis de præsumptionibus. Unde lib. 6. præsumpt. 23. n. 10. ait: *Pro regula statuendum est, neminem præsumi juris ignorantia aut errore aliquid fecisse.* Ac subdit, culpam latam esse, ignorare juris dispositionem, quam omnes scire debent, vel per se, vel per alios, quos con-

fulere possunt : hanc autem præsumptionem locum habere multo magis in actu geminato , aut quando actui adjecta est clausula *ex certa scientia*.

Ab hac autem regula recedendum esse docet a n. 15. quando contrariæ sunt conjecturæ , & præsumptiones. Ut 1. quando tales sunt personæ , quæ probabiliter juris dispositionem nesciunt , ut rudes , ac rustici simplices , de his enim regulariter præsumi ignorantiam aut errorem juris. Facilius etiam præsumi eundem in muliere , milite , minore &c. & quidem etiam tunc , quando adjecerunt clausulam , quod *ex certa scientia* actum aut contractum conficiant : quia eadem facilitate , qua contractum ineundo se obligant , eadem patiantur addi illam clausulam. Hoc tamen locum non habere , quando prædictæ personæ tractant de lucro captando , tunc enim præsumi scientiam , uti etiam si aliæ circumstantiæ adsint , e. g. si clam agant.

2. Præsumi ignorantiam , quando actus contra legem positivam sit palam ac publice. Aut 3. Quando constat de persuasione personæ , cui ignorantiam alleganti , prudenter fides haberi ac credi possit. Uti etiam 4. Quando agitur de excludenda donatione , aut excludendo dolo , ac mala fide : tunc enim præsumi potius ignorantiam aut errorem : præsertim in Judice , Notario , Milite.

Deinde a n. 32. tractat de errore facti , atque , circa factum proprium non præsumi ignorantiam sed scientiam : sic præsumi dominum scire quantitatem & valorem sui patrimonii , diu possessi ( nisi sit valde amplum , aut læsio enormissima. ) Hanc tamen regulam non procedere , quando agitur de damno evitando , aut quando factum est obscurum , involutum & intricatum aut antiquum , aut gestum ab aliquo , multis negotiis abstracto : in his enim casibus præsumi potius ignorantiam in tali facto etiam proprio.

In facto autem alieno præsumi ignorantiam ( invincibilem ) adeoque illam alleganti non incumbere probationem illius : hinc præsumitur ignorare , rem esse alienam , qui eam cum titulo & bona fide possidet. Et successor vel hæres , licet repræsentet personam defuncti , præsumitur ignorare illius factum : sicut etiam filius factum patris , e. g. testamentum præsumitur ignorare : nisi ex conjecturis aliud appareat , e. g. si publice constaret , testamentum esse factum , & quale : vel si testamentum inveniretur apud ipsum filium , vel præsens fuisset , quando testamentum est factum.

Contra vero circa factum etiam alienum præsumi scientiam ( aut ignorantiam culpabilem ) quando quis tenetur & potest illud scire. Sic præsumi , quod tutor sciat facta pupilli : uti etiam quando est publicum aut notorium factum , aut valde notabile.



Hos authores adducere placuit in hac quæstione adeo intricata, ut appareat, quam frequens sit locus præsumptionibus, ubi de juris aut facti ignorantia est dubium. Parum autem refert, an præsumatur scientia vel ignorantia vincibilis ac culpabilis, præsertim crassa aut affectata; cum hæc quoad effectum regulariter æquiparetur scientiæ. Cæterum ubi constat de ignorantia vel scientia, nullus est locus præsumptionibus: cum præsumptio cedere debeat veritati.

## QUÆSTIO VI.

*An lex dubia aut tantum probabiliter existens obliget?*

### §. I.

De lege positive dubia.

25.

In duplici sensu lex dubia potest intelligi: nam alia est *negative dubia*; quando scilicet intellectus est hæsitans & suspensus circa existentiam legis, neque pro existentia legis, neque contra illam habet rationem gravem, quæ virum prudentem possit movere ad assensum.

Lex negative dubia non obligat.

Et quoad hoc satis conveniunt authores, legem ita negative dubiam non obligare. Cum enim existentia talis legis nullo motivo probabili nitatur, æquivalet ejusmodi dubium ignorantia invincibili: utpote quæ nulla ratione vinci potest.

Et quomodo lex dici potest sufficienter promulgata aut intimata, de cujus existentia ne quidem ulla habetur ratio probabilis? profecto sic gravissima imposeretur obligatio servandi innumeras leges, quæ tamen neque existunt, neque unquam extiterunt. Sicut igitur non teneris solvere, quando de debito contracto nulla probabili ratione constet, sic neque teneris lege, quam latam esse nulla probabili ratione innotescit.

Sed & dubium practicum circa licentiam, non servandi ejusmodi legem dubiam facillime deponi potest, formarique dictamen ultimum conscientia moraliter certum (manente licet dubio speculativo circa existentiam legis antecedentis) cum libertas evidenter sit in possessione certa adversus legem, quam neque latam neque promulgatam esse ulla probabili ratione constat, sed invincibiliter ignoratur: sicut est in possessione adversus legem humanam sic negative dubiam.

### §. II.

De lege negative dubia.

26.

Major autem multo celebriorque per orbem, hoc præcipue tempore est controversia circa legem *positive dubiam*: quando nempe intellectus, hæsitans & suspensus circa existentiam legis, tam pro existentia legis,

gis, quam pro non existentia habet rationem probabilem seu gravem, quæ virum prudentem & constantem de se ad assensum movere possit. Eadem fere est quæstio, si intellectus circa existentiam legis non manet suspensus, sed amplectens motivum probabile, accedende imperio voluntatis, judicet, legem non existere. Pro utroque enim casu quæritur, an lex obliget: nempe an obliget, quando intellectus judicat (pro ut forsan potest in concursu duorum motivorum probabilium utrilibet adhærere) legem non existere, & quando suspendendo assensum nihil judicat de existentia legis, aut tantum sub modo judicat; videlicet probabile esse eam non existere.

Notandum autem diligenter, duplicem hic probabilitatem bene distinguendam. Alteram *circa existentiam legis*, præcipientis aut prohibentis, seu, quod idem est, versantem *circa licentiam actionis*, quam propterea probabilitatem *practicam* vocant: alteram *speculativam*, quæ non versatur circa existentiam legis, seu circa licentiam actionis, sed *circa actionis*: aliquid aliud, e. g. circa valorem Sacramenti, justitiam causæ, in iudicium deductæ, bonitatem medicinæ &c. quas duas probabilitates Rigo-

27.  
Probabilitas  
alia practica  
versans circa  
licentiam  
actionis:

rissæ aut inscite, aut non satis sincere solent confundere. Non enim ita argumentantur Probabilistæ: hoc probabiliter est valida materia Sacramenti: ergo etiam ubi habetur materia certa, licet eam adhibere. Actor habet causam probabilem: ergo iudex potest ei totum adjudicare: hæc medicina probabiliter est bona, ergo medicus potest eam dare ægroto. Hoc animal probabiliter non est homo, sed fera. Ergo licet illud occidere. Hoc probabiliter Titio debetur. Ergo potest occultam facere compensationem.

Alia tantum  
speculativa.

Non ita, inquam, arguunt Probabilistæ: non inferunt illi ex probabilitate mere speculativa, quæ non versatur circa existentiam legis, seu circa licentiam actionis, quod hoc vel illud sit licitum: sed dicunt, tunc tantum fas esse sequi sententiam probabilem, quando probabilitas versatur *circa ipsam licentiam actionis*; quod in allatis exemplis non contingit: non enim est probabile, quod in Sacramentis liceat adhibere materiam dubiam, seu tantum probabiliter validam, si potest haberi certa. Neque est probabile, quod iudex possit uni totum adjudicare, si alter æque probabile aut probabilius jus habet &c.

Quæ non  
sufficit ad  
licite agendum.

Quare non satis perite videntur loqui, qui dicunt, licere sequi sententiam vere probabilem, non tamen Confessario, Judici, ac Medico: nam etiam istis licitum est, sequi sententiam vere ac solide probabilem, si probabilitas versetur circa licentiam actionis: quando autem dubium est de valore Sacramenti, de justitia causæ, bonitate medicinæ &c. probabilitas, ut dictum, non versatur circa licentiam actionis: sed certum



est, quod debeat adhiberi materia certo valida, & medicina certo bona, si haberi potest.

28.  
Probabilis-  
mus nihil  
habet com-  
mune cum  
propositio-  
nibus dam-  
natis;

Unde neque tangit Probabilitas propositio illa ab Innocentio XI. merito damnata: *Non est illicitum in Sacramentis conferendis sequi opinionem probabilem de valore Sacramenti, relicta tutiore, nisi id vetet lex, aut conventio, aut periculum gravis damni incurrendi: hinc sententia probabiliter tantum utendum non est in collatione baptismi, ordinis sacerdotalis aut Episcopalis*, quia probabiliter non docent, quod quis licite possit adhibere materiam vel formam, quæ tantum probabiliter sufficit ad valorem Sacramenti, quando haberi potest certo sufficiens: non enim probabile est, quod hæc actio sit licita, nempe adhibitio materiæ aut formæ dubiæ, seu tantum probabiliter sufficientis ad valorem: adeoque probabilitas non versatur circa licentiam alicujus actionis, sed tantum circa valorem.

Et ratio ulterior est, quia licet nec lex specialis, neque conventio, nec periculum gravis damni incurrendi vetaret adhibere materiam dubiam, reverentia tamen Sacramento debita id vetaret, ne periculo frustrationis exponatur. Dixi autem, *quando haberi potest materia certa*: nam in casu necessitatis potest adhiberi dubia, si non possit haberi certa, e.g. aqua rosea in baptismo, dolor in pœnitente, qui probabiliter sit supernaturalis: quomodo enim positive certum fiet Confessario, pœnitentem eliciisse verum dolorem *supernaturalem*? imo, quomodo ipsi etiam pœnitenti hoc positive certum fiet? Si autem haberi possit materia certo valida, non est probabile, quod liceat adhibere aliquam dubii valoris, ut dictum.

Quia illæ  
non loquun-  
tur de pro-  
babilitate  
practica.

Sic etiam, quia non est probabile, quod iudex possit ferre sententiam pro eo, qui habet causam minus probabilem, ideo idem Innocentius merito damnavit etiam alteram hanc propositionem: *Probabiliter existimo, iudicem posse judicare juxta opinionem etiam minus probabilem*. Imo ne quidem est probabile, quod totum possit adjudicare uni, quando utraque pars habet æqualem probabilitatem causæ. Nam tunc vel debet rem controversam partiri, vel æstimationem dimidii alteri adjudicare.

Pariter neque est probabile, quod infidelis possit adhærere suæ sectæ, quando hæc ipsi est minus credibilis, aut probabilis, quam religio catholica. Unde omni jure ab eodem summo Pontifice proferri meruit hæc propositio: *Ab infidelitate excusabitur infidelis non credens ductus opinione minus probabili*. Unde talis tenetur in veritatem diligenter inquirere, additis ad Deum precibus: qui facienti, quod est in se, non denegat gratiam. Ad credendum enim fide supernaturali veritatem religionis catholicæ non sufficit probabilitas revelationis; ut constat ex ista pro-  
posi-

positione, pariter ab Innocentio XI. damnata: *Affensus fidei supernaturalis, & utilis ad salutem stat cum notitia solum probabili revelationis, imo cum formidine, qua quis formidat, ne non sit locutus DEUS.*

Habetur autem certitudo de veritate Religionis catholicæ ex motivis credibilitatis, puta ex antiquitate, visibilitate, infallibilitate, unitate, sanctitate, catholicitate Ecclesiæ, ex mirabili ejusdem propagatione, aliisque evidentibus miraculis, ex sanguine tot Martyrum, concordia doctrina SS. Patrum &c. quæ adeo manifesta sunt, ut religionem catholicam, si non evidenter veram, certe evidenter credibilem, & credendam proponant, atque adeo de illius revelatione dubitari nulloatenus possit: dum econtra pro aliis sectis nullum omnino signum veritatis, nullum motivum credibilitatis, nulla prorsus habetur probabilitas, sed earum errores, atque miseriæ adeo patenter bene consideranti se ingerunt, ut evidenter sint incredibiles. Adeoque nulla ratione est probabile, quod excusetur infidelis non credens, ductus opinione probabili; imo negatur suppositum, quod ullam probabilitatem infidelis secta habere possit.

Quod autem dictum modo est de valore Sacramenti, de sententia judicis, de infideli, idem de aliis pariter exemplis, in quibus non habetur probabilitas practica circa ipsam licentiam actionis, sed tantum speculativa quædam circa aliquid aliud, intelligendum venit.

Sic non est probabile, quod medico liceat adhibere medicinam du-  
biam, aut tantum probabiliter bonam, si suppetat certo bona. Non  
est probabile, quod possis occidere animal, quod probabiliter tantum  
non est homo. Non est probabile, quod possis auferre possessori,  
quod tantum probabiliter tuum est: aut quod possis pro vera & genui-  
na gemma vendere, quod tantum probabiliter talis est. Non est pro-  
babile, quod possis occultam facere compensationem, quando debitum  
est dubium, aut tantum probabile. Neque est probabile, quod Rex  
possit ob jus tantum probabile inferre bellum, & alterum de possessione  
dejicere.

29.

Ex probabi-  
litate specu-  
lativa & re-  
mota non  
potest infer-  
ri practica.

Ratio horum est, quam sæpius dixi, quia in his aliisque ejusmodi  
exemplis probabilitas non versatur circa existentiam legis præceptivæ  
aut prohibitivæ, aut circa honestatem actionis, seu quod idem est, cir-  
ca licentiam actionis. Probabilistæ autem dicunt, quod tunc tantum  
liceat sequi sententiam probabilem, quando probabilitas versatur circa  
ipsam licentiam actionis vel omissionis, seu quando probabile est, actio-  
nem esse licitam.

30.

Non sufficit  
tenuis pro-  
babilitas.

Sed neque sufficit ipsis quæcunque probabilitas circa licentiam, sed  
requirunt probabilitatem veram ac solidam, fundatam in motivo gravi,  
quod



quod virum constantem prudenter ad assensum movere possit, idque non tantum absolute, sed etiam comparative & respective, ita, ut motivum, & in eo fundata probabilitas, non elidatur aut enervetur a motivis contrariis, sed maneat etiam in eorum concursu, & sic comparative grave.

Non enim docti & cauti Probabilistæ docent vagum illum, laxumque probabilissimum, qui merito damnatus est a sapientius memorato Innocentio XI summo Pontifice in hac propositone, ordine tertia: *Generatim dum probabilitate, sive intrinseca, sive extrinseca, quantumvis tenui, modo a probabilitatis finibus non exeat, confisi, aliquid agimus, semper prudenter agimus.* Merito, inquam, profligata est absurda hæc propositio: quia non distinguit inter probabilitatem practicam circa licentiam, & speculativam, versantem circa aliquid aliud, sed *generatim* loquitur: Probabilistæ autem inter ista diligenter distinguunt, distinguendumque semper esse, solícite monent.

Deinde dicta propositio vult, sufficere quamcunque probabilitatem, *quantumvis tenuem*, hoc est, quæ non est vera, solida ac comparativa probabilitas, seu nixa fundamento gravi, sed enervata a motivis contrariis, aut quæ tantum est dubia, incerta, aut tantum probabiliter talis, aut tantum nixa motivo tenui vel levi.

Malefanam hanc doctrinam rejiciunt Probabilistæ: atque ad hoc, ut quis licite sequi possit sententiam probabilem, requirunt, ut probabilitas versetur circa licentiam actionis, ut certe sit probabilis, & quidem vere, solide, practice, non tantum absolute, sed etiam comparative & respective, in concursu oppositæ probabilitatis ejusque motivorum. Unde *tenuis* probabilitas proprie loquendo, in alio quam dicto sensu, juxta ipsos ne quidem datur, cum per probabilem sententiam intelligant illam, quæ nititur motivo ac fundamento vere, absolute & comparative gravi. Tenuis proin seu levis probabilitas non est probabilitas, saltem vera ac proprie talis: nam quod est tenue, ac leve, non est grave.

### §. III.

Crisis circa usum opinionum probabilium.

**H**is jam limitationibus & cautelis circumseptus probabilissimus, nequamquam dignus est iis convitiis, quæ in eum effudit P. Contenson ex sanctissimo & illustrissimo Ordine Prædicatorum; ex zelo utique optimo? quin imo gravissimis rationibus nititur, quorum aliquas insinuare potius lubet, quam pro dignitate pertractare: cum laborem istum more jam recepto Theologi sibi vendicent, ab intentione tamen & munere jurisprudentiæ, præsertim sacræ (cum de obligatione legum agatur) non alienum.

Atque

Atque imprimis notandum, in aliquo sensu omnes debere probabilissimum defendere: cum Alexander VIII damnaverit hanc propositionem, numero tertiam: *Non licet sequi opinionem vel inter probabiles probabilissimam*. Quæ propositio docuit, non esse licitum sequi probabilissimam relicta tutiore: nemo enim tam demens unquam fuit, ut diceret, illicitum esse sequi probabilissimam, si simul sit tutior. Ergo omnes oportet fateri, non semper tutiorem esse eligendam, neque requiri certitudinem, sed sufficere opinionem, ac probabilitatem aliquam; nam opinio probabilissima non egreditur fines probabilitatis. Quod prænotare placuit, tum, quia sic plura argumenta in Rigoristas retorquentur: e. g. quod in dubio tutior pars sit eligenda, quod operans se exponat periculo, quod non possit formare distamen ultimum practicum moraliter certum &c. tum etiam, ut pateat, quam inepte quibusdam imperitis vel ipsum nomen probabilissimi nescio quid maligni sonare videatur; cum tamen omnes eundem sub aliqua ratione tenere necesse sit, & tutiorissimum illum universalem rejicere.

## Argumentum I. ab autoritate.

Afferunt deinde Probabilistæ pro sua sententia ingentem authorum numerum, quorum vel solus Rasklerus in *Norma recti disp. 3. quest. 32.* Imo etiam 9. art. 2. ultra 250. enumerat. Et Esparza in append. a. 232. testatur, vere probabilissimam ex supputatione Rigoristarum, singulis authoribus sententiæ rivalibilem. Uti-  
gidioris decem alios respondere benignioris sententiæ Patronos. Stephanus Spinola ait, eandem *Recentiorum omnium calculo, & universali fere populorum usu confirmatam esse*. Gabriel Boyvin, omnes fere DD. etiam sanctissimi & eruditissimi eandem tenere. Mastrius, communissimam, & in omni  
schola receptissimam vocat. Tot autem auctores, virique ex omni hominum genere doctissimi utique nos potuerunt docere præcepta Dei. Utique hi non omnes ignoraverint legem naturæ universalem, atque ad omnes homines pertinentem.

Neque verum est, quod Rigoristæ jactitant, primum parentem probabilissimi fuisse Bartholomæum de Medina, Dominicanum, qui scripsit circa annum 1577. nam licet hic auctor, & plurimi post ipsum, viri doctissimi ac toto orbe celeberrimi, eruditore ævo, hanc questionem novo studio atque ex instituto, & in propriis terminis, examinarint, & plerique probabilissimum defenderint, falsum tamen omnino est, omnes Medina antiquiores stetit pro sententia rigida. Certe Gabriel Vasquez, gravissimus & eruditissimus Scriptor 1. 2. D. 62. c. 4. asserit, sententiam benignam jam multo ante Medinam fuisse in scholis communem: eamque, ut videre est apud laudatum Rasklerum *loc. cit. art. 4.* nominatim tenuerunt, Albertus Magnus, Panormitanus, Alexander de Imola,

Pars I.

H

Jafon,

Etiam anti-  
quorum.



Janſon, Dominicus Sotus, Landulphus a Corduba, Martinus de Ledefma, Mercado, Turrecremata, Vigucrius, S. Antoninus, Joannes Nider. Plures citantur ab aliis: imo Terillus *tract. de confe. prob. quæſt.* 21. & 22. prope omnes antiquos pro benigniore ſententia ſtetiſſe contendit.

Qui autem pro oppoſita rigidiore citantur, intelligi poſſunt loqui vel de ultimo dictamine conſcientiæ practico, quod per ſe moraliter certum eſſe debet, vel de probabilitate aliqua tenui, dubia, aut non comparativa, ſed oppoſitis argumentis enervata, quæ non ſufficit: vel de probabilitate, quæ non verſatur circa licentiam actionis &c. Aliqui autem non ſatis conſtantes fuiſſe videntur in ſua doctrina, aut quæſtionem hanc parum examinaviſſe, aut etiam falſis principiis nixos fuiſſe, e. g. quod ſemper tutior pars ſit eligenda, conſequenter, quod nec probabiliffimam liceat ſequi relicta tutiore: aut quod nulla dari poſſit invincibilis ignorantia juris naturalis, aut quod non excuſet a peccato formali.

Adhuc apertius falſum eſt, ſententiam benignam probabiliffimi eſſe propriam Doctorem Societatis, atque ab his in ſcholas introductam, quod aliqui, ex Janſenii potiſſimum ſectatoribus, perſuadere conati ſunt ( ſaltem rudioribus ) cum manifeſte conſtet, communem illam jam in ſcholis fuiſſe ante, quam ullus eorum typis aliquid vulgaſſet de probabiliffimo. Raſſlerus in præclaro atque eruditiffimo ſuo opere de *Norma recti* diſp. 3. quæſt. 10. art. 1. n. 924. numeroſum catalogum textit eorum, qui ex illuſtriſſimis familiis S. Dominici & S. Franciſci non tantum probabiliffimum abſolute & ſimpliciter ſunt amplexi, ſed determinate docuerunt, quod etiam liceat ſequi ſententiam minus tutam, ſimulque notabiliter minus probabilem: quam eandem doctrinam plurimi alii ex omni literatorum ordine, & in quibuſcunque orbis Chriſtiani Univerſitatibus celeberrimi Doctores amplexi ſunt.

Præſertim  
Dominica-  
norum.

Hanc ſententiam nominatim docuerunt ex illuſtriſſimo Ordine PP. Prædicatorum, Dominicus Sotus, Thomas Mercado, Barthol. de Medina, Barthol. de Ledefma, Domin. Bannez, Didacus Alvarez, Petrus de Ledefma, Navareta, Barnabas de Gallego, Didacus Nugnus, Cabezedo, Franciſcus Lobeſ de Texeda, Gregorius Martinez, Hyacinthus Donatus, M. Caſalas, Joannes Bapt. Ildephonſus Cæſar Auguſtinus, Joannes a S. Thoma, Marcus Serra, Paulus Nazarius, Vincentius Candidus, Paulus de Blanchis, Thomas Villar, Ludovicus de la Cruz, alique plures: quos inter ſunt Sylveſter Prieras, Joannes Bapt. Haquet, Ludovicus Lopex, Franciſcus Viſtoria, ut videre eſt apud clariffimum D. Collegam Paulum Joſephum Riegger in eruditiffimo opere de *ſyſtemate jurisprudentiæ naturalis cap. 6. in Notis ad §. 13 ubi*

ubi simul plures ex Doctoribus Sorbonicis recenset, qui eandem sententiam docuerunt, ac subdit: *Hos vel ideo nominare volui, ut pateat, hanc sententiam nec novam, nec Doctoribus Soc. Jes. propriam esse: quod tamen Pascalius in suis litteris provincialibus hunc in finem editis, innumeris convitiis & calumniis refertis, Christiano orbi persuadere omnibus nervis contendit, ut mirum non sit, has litteras provinciales Aquis Sextiis sententia Parlamenti, V. Id. Febr. 1657. lata, ad subeundas infames carnificis flammam fuisse condemnatas.* Magis mirum videri potest, virum Religiosum quemdam vicinum nuper admodum Pascalii conatus prosequendi animum potuisse suscipere, quos conatus nec ulla quidem probabilitas excusare potest. Et cur in rivos bilem effundit, fontes absolvit?

Certe Michaël Solonius de *Iust. & Jure art. 4. p. 63.* jam anno 1592. testatur, doctrinæ, quæ dicit, licitum esse sequi sententiam minus probabilem, minusque tutam, multos ac gravissimos, ac maxime ex Discipulis S. Thomæ suffragari: Bartholomæus autem de Ledefma, Dominicanus, jam anno 1585. ubi nemo adhuc ex Societate de probabilismo scripserat, eandem de probabilismo doctrinam appellavit *verissimam*, atque ex *usu universali omnium* comprobavit. Qui plura desiderat de scriptoribus Dominicanis circa hanc quæstionem, consulat Stephanum de Champs in famosa sua quæstione facti c. 3. & 5. item Matthæum de Moya tract. 1. de opinione probabili q. 6. §. 2. Raflerum l. c. Videri etiam hac de re meretur liber eruditissimus, italice scriptus, cujus hic titulus: *Avvertenze Contraposte alla storia del Probabilismo* in Einsidlen anno 1744. editus, in quo præsertim *Avverdenza sesta* ostendit author, antiquos Thomistas docuisse probabilismum in eo sensu, quo hodie docetur.

Cæterum utique norint, ex qua Familia fuerint Michaël Elizalde, Paulus Comitulus, Ignatius de Camargo, Estrix, Munieffa, Taberna, Thyrsus Gonzalez aliique plures, qui rigidior sententiam sunt amplexi.

#### Argumentum II. ex ratione.

*Si dubium potest deponi, licite agitur; si non potest deponi, datur ignorantia invincibilis.*

**R**atione Probabilistæ multiplici, eaque gravi sententiam suam confirmant, atque ita ferme argumentantur: vel ille, qui tam pro quam contra existentiam legis (prohibitivæ aut præceptivæ) habet rationem probabilem, potest dubium deponere, atque directe ac prudenter judicare, legem non existere; vel hoc non potest? Si potest dubium deponere, atque prudenter judicare, non existere legem ullam obligantem, prudenter etiam judicabit, se nulla lege obligari. Ergo tunc li-



bertas manifeste est in possessione: neque obligatur lege, quam prudenter judicat, nunquam exstitisse: sicut nemo tenetur debito, quod prudenter judicat, nunquam esse contractum. Certe, si obligaremur legibus, quas prudenter judicamus, nunquam exstitisse, obligaremur innumeris legibus, quæ nunquam exstiterunt; atque sic difficultatibus gravissimis, scrupulis, anxietatibus, confusionibus, perplexitatibus, & perturbationibus plena essent omnia: neque lex divina amplius esset jugum suave, & onus leve, sed intolerabile, ac via salutis impossibilis. Accedit, quod sic in immensum multiplicarentur peccata formalia, & offensiones Dei. Et quam misera esset conditio rudium, quales sunt innumeri, & major longe pars humani generis? Certe rusticus non amplius posset facere, quod Parochus licitum esse asserit, ut ut prudenter judicet, id sibi licere, nullamque legem prohibentem existere.

Potest autem  
dubium  
deponi,

Sed neque apparet, cur intellectus non possit assentiri veritati probabili, licet etiam in oppositum habeatur probabilitas: cum in probabilibus intellectus quoad assensum vel dissensum subiaceat imperio voluntatis, ut passim est receptum. Unde sicut voluntas pro sua libertate ex duobus bonis potest alterutrum pro lubitu eligere, sic etiam potest intellectui imperare assensum, utrilibet ex duabus propositionibus contradictoriis probabilibus præstandum. Et plane constat ab experientia, facile nos judicare vera esse, quæ optamus vera esse, licet tantum probabiliter sint vera (imo licet tantum apparens probabilitas habeatur, ut patet in hæreticis & temere judicantibus.)

Et pruden-  
ter judicari,  
legem non  
existere;

Quod autem etiam prudenter hoc fieri possit, suadetur imprimis ex eo, quod non agat imprudenter, qui nititur motivo seu fundamento solido, gravi ac prudenti, nempe vere probabili. Deinde, quando assensus, parti minus probabili præstitus vel ipsi assentienti vel etiam alteri cuidam est melior atque optabilior, tunc voluntas prudenter imperat assensum, præstandum parti æqualiter, aut etiam aliquando minus probabili.

Quia intel-  
lus habet  
rationem  
gravem, &  
voluntas  
majus suum  
bonum.

Sic jubemur facta aliena in bonam partem interpretari, & ut S. Thomas docet, debemus proximum nostrum bonum judicare, nisi manifesta habeantur indicia de illius malitia. Ergo possumus & debemus proximum judicare bonum, licet probabilius sit malus, quia scilicet tale imperium voluntatis & assensus intellectus melior est ipsi assentienti & proximo.

Propter eandem rationem jubetur subditus judicium suum conformare judicio superioris, ita, ut non tantum idem velit, sed etiam idem sentiat, & sic propriam judicium, quod ipsi est probabilius, imo etiam tutius, deponat ac corrigat, licet ipse sit doctior quam superior, & pro  
judi-

judicio suo speculativo graviore etiam rationes habeat: quia scilicet tale iudicium cedit in bonum & meritum subditi.

Hinc illa S. Ignatii aliorumque doctrina, quod in iis, in quibus manifesta veritas intellectum non rapit ad assensum, voluntas suo imperio ac pondere intellectum magis in unam, quam alteram partem inclinare possit, utique prudenter. Nam

Licet ex parte intellectus non detur gravior ratio pro assensu, quam pro dissensu, datur tamen diversa ratio, quæ non datur pro dissensu: poterit igitur intellectus unam rationem seu motivum amplecti, quin amplectatur alterum: cum semper habeat motivum pro veritate, quod non habet pro falsitate; quamvis aliud diversum habeat pro falsitate. Ex parte voluntatis autem datur gravior etiam ratio, inclinandi intellectum ad assensum, nempe major utilitas, propria vel aliena, quæ datur in consensu, non autem in dissensu. Ergo voluntas, cujus obiectum est bonum, prudenter poterit imperare consensum præ dissensu, propter hanc ipsam nempe majorem utilitatem & bonitatem, quæ est in consensu: ut ex exemplis allatis de iudicio subditi, & de alienis moribus judicandis patet.

Verum nullatenus est necessarium philosophicæ huic doctrinæ probabilissimum superstruere. Sit illa dubia atque incerta, imo sit etiam falsa, nullam tamen inde probabilissimam doctrinam infertur præiudicium. Nam si stante æquali utrinque probabilitate pro existentia & non existentia legis, præcipientis aut prohibentis, intellectus non potest prudenter judicare, legem non existere, tunc neque potest prudenter judicare, legem existere; quia æqualis pro utroque ponitur esse probabilitas: si autem non potest prudenter judicare legem existere, habet profecto invincibilem ignorantiam legis, utpote quæ vinci non potest. Quomodo enim vincatur, cum prudenter judicari non possit, legem existere? Atqui lex, quæ invincibiliter ignoratur, non obligat ignorantem; cum ei non sit sufficienter intimata. Certe libertas est in possessione contra legem ejusque obligationem, si non potest prudenter judicare, eandem existere; ut patet ab inductione de legibus humanis. Licet igitur a parte rei existeret lex, prohibens e. g. pingere die festo, si tamen non sit sufficienter promulgata, aut intimata & applicata, non obligat in actu secundo, utpote invincibiliter ignorata. Si autem adversarius pertinaciter inlamarer, sufficienter constare de existentia legis, eodem jure regeri potest, non sufficienter constare de lege, cum tanta habeatur probabilitas pro non existentia legis, quanta habetur pro ejusdem existentia. Consequenter libertas nullo modo dimovetur a sua possessione. Instantia rursus habetur in legibus humanis.

H 3

Et

34  
Si autem  
non posset  
dubium de-  
poni, daretur  
ignorantia  
invincibilis  
legis.



Et confirmari potest ex casu, quo quis negative dubitat de existentia legis: tale enim dubium æquiparatur ignorantia invincibili; quia non potest vinci ac deponi: ergo etiam dubium positivum eidem æquivaleat, si non potest vinci aut deponi.

### Argumentum III.

*Deponi potest dubium practicum, & formari dictamen conscientia moraliter certum.*

35.

Possum sequi sententiam probabiliorē: sed sententia probabiliorum est mihi probabilior. Ergo possum eam sequi.

**R**atio autem ulterior, cur liceat sequi sententiam, solide ac certe probabilem, est, quia, licet iudicio directo, remoto ac speculativo nihil iudicetur de legis existentia vel non-existentia, sed intellectus circa hoc maneat suspensus, formari tamen poterit ultimum dictamen conscientia practicum moraliter certum, sicque dubium practicum omne circa licentiam actionis deponi potest, si non ex directis, ex principiis saltem reflexis, discurrendo e.g. in hunc modum: *Licite possum me conformare in praxi atque in actionibus meis sententia, quæ consideratis omnibus mihi est probabilior. Sed consideratis omnibus probabilior est mihi sententia, quæ dicit, quod liceat sequi sententiam æqualiter aut etiam aliquanto minus probabilem, vere tamen ac solide probabilem. Ergo licite possum me in praxi atque in actionibus meis huic sententia conformare.*

In hoc discursu præmissa mihi sunt moraliter certæ, consequenter etiam conclusio. Possum deinde hunc discursum applicare particularibus materiis, atque actionibus, subsumendo e.g. atqui, quod census germanicus sit licitus, est sententia vere probabilis: aut: quod circumstantia intra eandem speciem aggravantes non sint necessario in confessione exponendæ: ergo licite possum banc sententiam sequi; ac pecuniam ad censum elocare, & circumstantias illas non exponere. Hæc jam conclusio est ultimum dictamen practicum, supposito priore discursu, moraliter certum: sive dein formem iudicium directum ac speculativum de non-existentia legis, prohibentis censum germanicum &c. sive iudicium suspendam: modo sciam esse vere ac solide probabile, quod non existat lex, prohibens illum censum, & consequenter vere probabile esse, quod sit licitus. Nam ultimum dictamen seu iudicium practicum non connectitur, neque præsupponit iudicium remotum ac speculativum ut absolutum, quod dicat: *non existit lex prohibens*, sed tantum ut modale, quod dicat: *vere probabile est, non existere legem prohibentem*. Sic enim jam formari potest allatus paulo ante discursus, & dependenter ab eo dictamen practicum moraliter certum: quia scilicet certum mihi est, quod licite me possim conformare sententia probabiliori: per propriam autem experientiam certus sum, quod sententia illa mihi sit probabilior, quæ docet, quod liceat in praxi sequi senten-

sententiam vere ac comparative probabilem. Ergo quodcumque vere ac solide probabile est, actionem esse licitam, possum illam licite exercere.

Licet enim re ipsa daretur lex prohibens censum germanicum tantquam usurarium, quia tamen vere probabile est, talem legem prohibentem non existere, Deus illum mihi hic & nunc licitum facit: quia Deus non vult, ut lex me obliget in actu secundo, quando illa mihi non est sufficienter applicata & intimata. Atqui, quando grave fundamentum habeo, quod lex non existat, non est mihi sufficienter intimata & applicata. Ergo, licet re ipsa daretur lex, tamen me hic & nunc non obligat. Atque hunc sensum habet illa auctorum quorundam, ac præsertim Raskeri frequens expressio, qua distinguunt inter legem antecedentem & consequentem, dicuntque: licet lege antecedente prohibitus esset census germanicus (& idem de aliis sententiis vere probabilibus ac versantibus circa licentiam actionis) lege tamen consequente esset licitus: quia scilicet Deus lege quadam universali ac consequente in praxi vult licitum, quando vere probabile est, quod sit licitum. Idem etiam respondere debent ipsi adversarii, quando docent, ut docere debent, licitum esse sequi sententiam probabilissimam relicta tutiore. Nam licet re ipsa daretur lex aliqua antecedens, prohibens e. g. census germanicos: quia tamen probabilissimum est, eam non dari, Deus lege consequente vult eos esse licitos. Idem evenit in casu conscientie invincibiliter erroneæ, in casu ignorantie invincibilis, in casu perplexitatis: ut adeo hæc doctrina prorsus nihil novum, aut in Theologia aut jure peregrinum afferat. Quis neget, peccari aliquando tantum materialiter, non vero formaliter? Atqui hoc contingit tunc, quando lege antecedente aliquid est præceptum aut prohibitum, non vere lege consequente. Idem volunt, qui dicunt, legem promulgatam obligare in actu primo eos etiam, qui illam adhuc invincibiliter ignorant, non tamen in actu secundo.

Ex quo patet, quam vana sit illa Tutoristarum, & Rigoristarum obiectio, qua dicunt, illos, qui docent probabilissimum, aut sequuntur sententias probabiles, contemnere leges Divinas, agere contra reverentiam Deo debitam, atque in dubio practico, ac si perinde ipsis esset, an sit licitum vel illicitum, eos se exponere periculo peccandi, dum relictis tutoribus sectantur probabilia; eos non legem Divinam, sed probabilissimum statuere pro regula actionum moralium, ac norma vivendi &c.

Hæc enim omnia sunt falsa. Nam qui sequitur sententiam aliquam vere probabilem, atque versantem circa licentiam actionis, dubium omne practicum deponit, formatque dictamen conscientie moraliter certum, quod nulla lex Divina hic & nunc actionem ipsi prohibeat; & consequenter,

36.

Lex antecedens &amp; consequens

37.

Non spernit legem.

Neque exponit se periculo.



ter, quod actio sit licita: unde nullatenus contemnit aut parvi pendit legem Divinam, sed eidem se conformat, paratus actionem omittere, si sufficienter ei constaret, existere legem aliquam prohibentem. Unde neque periculo peccandi, saltem formaliter, aut Deum offendendi se exponit, eo quod per dictamen reflexum & practicum sit certus, quod Deus hic & nunc actionem istam tanquam licitam permittet: licet fortassis lex aliqua de se prohibens, operanti tamen non sufficienter intimata & applicata, existeret.

Nulla paritas  
cum medici-  
na dubia.

Quare nulla est paritas cum ægroto, fumente medicinam dubiam, relicta tutiore, aut cum viatore, eligente viam latronibus obnoxiam præsecuriore. Nam hi imprudenter agunt, quia nullo iudicio aut dictamine intellectus possunt periculum avertere, aut medicinam vel viam securam reddere: dum econtra in nostro casu operans per ultimum dictamen moraliter certum omne periculum, Deum offendendi ac peccandi avertit, hoc ipso, quod certus sit, nulla lege se hic & nunc (in actu secundo) obligatum esse ad omittendam actionem.

Falsum etiam est, quod probabilissimum statuamus pro regula moralitatis prima & objectiva: hæc enim est sola lex Divina, cui omnes actiones nostræ conformari debent: dictamen autem conscientie, ex principiis genuini probabilissimi efformatum, est regula tantum subiectiva, applicans nobis legem Divinam, hanc vel illam actionem nobis certo permittentem.

38.  
Variæ for-  
mule dicta-  
minis.

Cæterum non unicum illud, de quo dixi, dictamen practicum moraliter certum, probabilissimum suppeditat, sed varie illud formari potest, etiam a rudibus: dicens e. g. *Multo major Doctorum pars docet, licitum esse sequi sententiam vere probabilem.* Ergo ego prudenter me conformo ipsorum doctrinæ. Vel: *licitum est Doctoribus in scholis docere, quod liceat sequi sententiam vere probabilem: ergo mihi licitum est eam sequi.* Vel: *Parochus meus, homo doctus & pius, dicit, hoc mihi esse licitum: ergo hoc mihi, homini rudi, est licitum.* Vel: *Non constat mihi sufficienter de hac lege: ergo hic & nunc me non obligat.*

Imo poterit aliquis, cui certum est, quod liceat sequi probabiliorem & quod sententia, docens licere sequi vere probabilem, sit probabilior, ita se resolvere: *Hæc sententia est vere ac solide probabilis: ergo licite eam sequor.* Quia scilicet jam aliunde est persuasus, probabiliorem esse sententiam docentem, quod liceat sequi sententiam vere probabilem: certum autem esse, quod sequi liceat probabiliorem.

39.  
Non semper  
requiritur  
dictamen  
certum:

Aliquando nequidem requiritur, ut quis expresse & positive formet dictamen aliquod moraliter certum, nempe quando non dubitat de licentia actionis: talis enim non agit in dubio practico, neque formidat, hoc ipso, quod non dubitet. Et hunc casum non infrequentem, præsertim apud rudiores, esse existimo; qui utique non semper agunt reflexe, sed bona

bona fide ex principiis directis, aut ex persuasione, qua jam sunt imbuti, exercite procedunt.

Sed nequerequirendum existimo, ut quis multum examinet, an hæc vel illa ex oppositis sententiis sit probabilior, modo certus sit, sententiam, quam sequitur, esse vere, solide, absolute & comparative probabilem; quanta enim difficultas, anxietas, imo sæpe impossibilitas in distinguendis ejusmodi gradibus probabilitatis, cum sæpe ne quidem docti post longum ac diligens examen certo deprehendere possint, quid magis, quid minus sit probabile.

40.  
Non est necesse examinare gradus probabilitatis,

Sic e. g. dubium valde ac controversum est, an hæreditas ex testamento, non solenni, in conscientia debeatur hæredi instituto, an vero hæredi ab intestato: utraque sententia est vere probabilis. Quanta autem difficultas, determinare gradus probabilitatis, quænam sit probabilior, & quantum sit probabilior? Quid igitur faciendum in hoc, aliisque casibus, tam in Theologia, quam jure utroque passim occurrentibus, si non licet simpliciter sequi sententiam vere ac solide probabilem?

Modo consideret de vera probabilitate.

Neque dicas, tutiorem tunc esse sequendam: nam contra hoc pugnant omnia argumenta hactenus allata. Deinde quænam in hoc casu sententia est tutior? pro hærede ab intestato est tutius, si hæreditatem relinquat hæredi instituto; huic vero est tutius, si hæreditatem non acceptet, sed relinquat hæredi ab intestato: probabilitas vero pro utroque videtur æqualis, vel saltem pro neutro notabiliter minor, quia discerni non potest. Quid igitur? an neuter potest acceptare?

Et hoc ipso confirmatur nostra sententia: nam ut l. c. c. 8. §. 16. ex Gletle advertit Clariss. D. Riegger, si in conflictu opinionum probabilium teneremur sequi tutiorem, obtringeremur ad aliquid impossibile. Si enim in testamento, ratione solennitatum imperfecto, Titio relictum sit legatum, & ideo mihi titulo successionis ab intestato hæreditas obveniat, ego tenebor præstare legatum, quia tutius est solvere legatum: Titius vero tenetur illud non acceptare, quia tutius est illi non acceptare. Tenentur igitur ad contraria & impossibilia. Et hoc semper contingeret, quando duo pro jure, vel re acquirenda æqualem habent probabilitatem: quia uterque deberet tutiorem sequi. Tutius enim est alteri totum dare, quod probabiliter ipsius est: imo tutius est, petenti tunicam etiam pallium relinquere.

41.  
Semper tutiora sequi est impossibile.

#### §. IV.

An probabilissimo debeatur laxitas disciplinæ?

At ingens per Probabilissimum in orbem Christianum inducitur laxitas, ut Rigoristæ conquerantur, enervatio disciplinæ, morumque corruptio. Ex hac enim vitiosa radice pullularunt tot luxurantium ingeniorum.

42.  
Querela Rigoristarum.



rum monstra, tot, inquam, propositiones, Romanis merito percussæ fulminibus. Deinde Alexander VII. anno 1655. pertæsus novarum opinionum, quibus disciplina Evangelica resolvitur, ac conscientis cum gravi animarum periculo illudatur, RR. PP. Dominicanos in comitiis Romæ congregatos hortatus est, ut ex severiore & tuta doctrina S. Thomæ hanc morum licentiam, in dies grassantem, cohibeant.

Cum idem Pontifex anno 1665. propositiones quasdam, nimium laxas configeret, dicitur, eum non sine magno animi mæore audiisse, complures opiniones, Christianæ disciplinæ relaxativas, & animarum perniciem inferentes, partim antiquatas iterum suscitari, partim noviter prodire, & summam illam luxuriantium ingeniorum licentiam in dies excrecere, per quam in rebus ad conscientiam pertinentibus modus opinandi irrepserit, alienus omnino ab Evangelica simplicitate, sanctorumque Patrum doctrina, & quem si pro regula in praxi fideles sequerentur, ingens eruptura esset vitæ Christianæ corruptela: arctam esse salutis viam, quæ non debeat dilatari in perniciem animarum, per spatiosam latamque viam iri ad perditionem: ut proin ad rectam semitam fideles revocet, eum 28. propositiones damnaſſe ad minimum tanquam scandalosas.

Resp. Si Alexander VII. vel alius Pontifex judicasset, quod nimia laxitas, aut propositiones, quas damnarunt, oriantur ex Probabilismo, ante omnia debuissent Probabilismum damnare, ut, excisa radice vitiosa, maligni fructus excrecere non possent, aut obstructo fonte rivuli exarescerent. Hoc nunquam fecerunt, sed aperte demonstrarunt, laxitatem, quam detestati sunt, consistere in propositionibus, quas damnarunt. Hinc Alexander VII. ait, se, ut fideles ad rectam semitam revocet, damnare certas propositiones, inter quas nulla est de Probabilismo; ergo judicavit, hunc non abducere a recta semita. Deinde ait complures opiniones laxas *partim antiquatas iterum suscitari, partim noviter prodire.* Probabilismus autem neque antiquatus fuit, neque noviter prodiit. Cum jam dudum, antequam Alexander VII. nasceretur, fuerit in scholis communis.

Damnabit is propositiones, quibus dicitur, hominem nunquam teneri elicere actum fidei, spei & charitatis: virum equestrem posse acceptare duellum, ne timiditatis notam incurrat: eum, qui facit confessionem voluntarie nullam, satisfacere præcepto Ecclesiæ: non peccare maritum, qui occidit uxorem in adulterio deprehensam: molliem, sodomiam, & bestialitatem esse ejusdem speciei infimæ: populum non peccare, si absque ulla causa non acceptet legem, a Principe promulgatam: duplicatum stipendium pro missa licite accipi: beneficiatos non recitantes non teneri ad restitutionem ante sententiam declaratoriam judicis, eo quod sit pœna: aliasque plures.

Sed,

Sed, quæso! quid pestiferæ ejusmodi propositiones ad Probabilismum, seu ad benigniorem circa opiniones probabiles sententiam? Probabilismus illas nunquam docuit, neque ex eo ullo modo sequuntur. Probabilismus id duntaxat contendit, licitum esse sequi sententiam, solide, vere, absolute & comparative probabilem, seu nixam fundamento vere gravi, ac versantem circa licentiam actionis: quænam in particulari sententia sit probabilis, Probabilismus non definit. Propositiones damnatæ non sunt probabiles. Igitur nimia laxitas, quæ displicuit Pontificibus, consistit in ejusmodi laxis propositionibus in materiis particularibus, hanc laxitatem, ut RR. PP. Dominicani impugnarent, Pontifex monuit: hanc impugnamus etiam nos, licet non moniti. Cesset hæc, Casuistarum præsertim, laxitas, ac præcepti facilitas, in decidendis questionibus moralibus, nec probabile dicatur, nisi quod vere gravi fundamento nititur, & cessabit querela de doctrinæ laxitate. Certe Probabilismus, iis circumscriptus terminis, quos posuimus, cum hac nihil commune habet, cum tantum conditionate loquatur, licitum nempe esse sequi sententiam, si non tantum tenuiter, sed vere, solide, absolute, & comparative sit certo probabilis, verseturque hæc probabilitas, gravi ac prudente ratione nixa circa ipsam licentiam actionis: an vero hæc vel illa in particulari sententia sit vel non sit ita probabilis, ut dictum, nullatenus determinat. Unde scriptores, qui in ejusmodi propositiones laxas ac damnari meritas, sunt prolapsi, ex doctrina Probabilismi, de quo hic est sermo, aut ex ejus principiis, illas nullo modo potuerunt inferre, sed ex aliis principiis, aut falsis, aut male applicatis: unde sæpius contigit, ut ii etiam auctores in materiis particularibus in laxas præcipitati sint sententias, qui circa Probabilismum magnum rigorem præferunt.

Cæterum auctoribus propositionum damnatarum doctrina sua probabilior visa est quam opposita, cum nemo facile absolute doceat, quod ei non videtur probabilius: quare, si doctrinæ de opinionibus sequendis ascribenda esset nimia laxitas, potius Probabiliorismo quam Probabilismo esset ascribenda.

Illud adhuc notandum, quod sicut aliqui Pontifices, ut Alexander VII. & Innocentius XI. damnarunt plures propositiones, nimium laxas, sic alii, ut Alexander VIII. & Clemens XI. varias damnarunt nimium rigidas. Profecto uterque scopulus est vitandus, ne dum toti sumus in uno devitando, impingamus in alterum. Media proin incedendum semita, ac rigor disciplina cum suavi Christi jugo ita miscendus, temperandusque, ut via salutis non nimium dilatetur, neque etiam nimium coarctetur.

43.  
Propositio-  
nes damna-  
tæ non sunt  
ortæ ex pro-  
babilismo.

44.  
Via salutis  
nec nimis di-  
latanda, nec  
nimis coar-  
ctanda.



Hoc temperamentum assequi nos putamus, si ex una parte rejiciamus vagum illum nimisque laxum Probabilissimum, qui contentus est generatim quacunq[ue] probabilitate, quantumvis tenui, incerta, nixa motivo levi, aut per contraria motiva enervata, aut non versante circa licentiam actionis, sed circa aliquid aliud, e. g. circa valorem actus &c. ex altera vero parte faveamus probabilitati vere ac solide tali, certæ, nixæ fundamento gravi ac prudente, etiam in comparatione contrariæ probabilitatis solide subsistenti, ac versanti immediate ac directe circa licentiam actionis: absque obligatione tamen solícite ac laboriose dimetiendi gradus probabilitatis, utpote quod in praxi esset difficillimum ac sæpe impossibile: unde obligatio certos gradus probabilitatis dimetiendi ac supputandi esset, spectata humana infirmitate, nimium ardua, plena anxietate, perturbatione, & periculis peccandi formaliter; cum humanæ mentes certæ reddi non possent, an sufficientem diligentiam adhibuerint in discernendis ac dimetiendis gradibus probabilitatis, an debitum ejusdem gradum attigerint, ac proin onus Christi leve nimium quantum aggravaretur. Sufficiat igitur, nos certos esse, hanc vel illam sententiam, versantem circa licentiam actionis, absolute, & comparative etiam, seu in comparatione contrariæ probabilitatis ejusque motivorum esse probabilem vere ac solide.

## §. V.

Sedes Apostolica, Theologia, & Jurisprudentia supponunt licitum esse usum opinionum probabilium.

Hanc viam tenuisse video ipsos summos Pontifices non raro, dum e. g. in matrimonio rato, aut professione Religiosa dispensarunt: aut dum matrimonia hæreticorum cum impedimento Juris Ecclesiastici contracta invalida decernunt. Aut dum Urbanus VIII. respondit, Missionarios in India posse procedere cum conversis ad fidem Catholicam secundum sententias probabiles, ipsis magis favorabiles.

45. Imo hanc viam videntur inire passim Theologi ac Jurisconsulti, dum Sententiæ docent, in dubio juris posse nos sequi sententias probabiles, e. g. ini-  
 probabiles. re matrimonium cum pacto castitatis, aut cum impedimento criminis invincibiliter ignorato: Judicem posse secundum allegata, & pro foro externo probata occidere eum, quem privata scientia scit innocentem: eum, qui, sub promissione ficta matrimonii, usum corporis obtinuit a puella, non debere eam determinate ducere, sed posse illi dotando satisfacere: sponsam resilire posse a sponsalibus, si sponsus in fornicationem incidat: Clericum reconveniri posse a laico coram judice laico actione reali in causa temporali, ubi ea consuetudo viget: præscriptionem inchoari

choari posse cum fide positive dubia: reum in conscientia non teneri stare sententia iudicis, licet jam transferit in rem iudicatam, si postea manifesta instrumenta invenerit de iustitia suæ causæ; possessorem bonæ fidei, re evicta, non teneri restituere fructus virtualiter exstantes: possessorem bonæ ac malæ fidei posse rem furtivam reddere furi ad se indemnandum: hæredem ab intestato non obligari solvere legatum profanum, aut relinquere fidei commissum ex testamento ratione solennitatum imperfecto: neminem teneri lege aquilia, aut legibus noxalibus, qui nullam commisit culpam theologicam: reum non obligari iudici interroganti fateri crimen capitale: ex contractu, metu gravi iniuste extorto, neminem in conscientia obligari: filium familias vi senatus consulti Macedoniani non obligari in conscientia reddere mutuum, licet illud adhuc formaliter existet: confitentem non teneri facere confessionem materialiter integram exprimendo complicem consanguineum Confessario notum: filium naturalem, per matrimonium secundum legitimatum, posse succedere in primogenitura præ fratre minore, ex primo matrimonio nato: indebitum, ex ignorantia juris solutum, posse repeti: Clericos non teneri ad restitutionem, si bona beneficalia superflua erogaverint ad causas profanas: Ecclesiasticum privilegiatum simpliciter ad decimas colligendas in aliquo districtu, posse illas etiam ex novalibus colligere præ Parocho: matrimonium non debere validari coram Parocho & testibus, si prius coram illis invalide fuerit contractum: item: si ex defectu consensus matrimonium fuerit nullum, in certis circumstantiis iustificare, si illa pars sola renovet consensum tacite, quæ illum prius non præstitit: valide & licite contrahi matrimonium cum opinione probabilis de non existentia impedimenti dirimentis: Confessarium posse absolvere cum jurisdictione probabilis: in mortis articulo posse sacerdotem, etiam non approbatum, absolvere in præsentia parochi: moribundum in praxi posse absolvi, licet nulla signa determinata doloris edat: non teneri nos confiteri peccata negative dubia, aut circumstantias intra eandem speciem notabiliter aggravantes: non teneri nos lege, Romæ tantum promulgata.

Has ego quidem assertiones non omnes facio meas, video tamen, licet sint mere probabiles, eas a multis tam in scholis, quam in libris editis doceri. Et quamvis fortassis suis auctoribus probabiliores videantur, quis tamen facile gradus probabilitatis discernat? supponunt plane istæ opiniones, quod liceat in praxi sequi sententiam vere probabilem, relictâ tutiore, quando agitur de licentia actionis. Supponunt etiam quod non obstante probabilitate sententiæ oppositæ formari possit ultimum dictamen conscientiæ sufficienter certum, atque excludens dubium



practicum: alias istas sententias, utpote minus tutas, non liceret in praxi sequi.

Atque ex hoc ipso confirmatur veritas nostræ doctrinæ: nam si principia probabilissimi non sint solida, tolli de medio debet valde magna pars Theologiæ ac jurisprudentiæ, omnes videlicet eæ disputationes, quibus de licentia actuum humanorum, quales sunt ferme innumeri, in utramque partem probabiliter disceptatur. Cessat enim disputatio, ubi probabilitas locum non habet. Duobus velut vocabulis absolvenda erit omnis de obligationibus humanis disputatio: *Tutius est: ergo eligendum.*

46.  
An in dubio  
tutior pars  
sit eligenda.

At enim, opponunt adversarii, ipsi SS. Canones in dubio tutiorem partem esse eligendam statuunt; hoc enim dicitur c. ad audientiam 12. & c. petitio 24. de homicidio. c. Juvenis 3. de Spons. &c.

Resp. Sacri Canones nunquam principium illud statuunt pro lege aliqua universali, alias enim ne quidem probabilissimam sententiam liceret sequi, relicta tutiore: quod certo falsum, damnatumque est: deinde etiam in dubio negativo de existentia legis deberemus semper eligere tutiorem, stantem pro existentia legis. Imo nullam ex paulo ante enumeratis sententiis liceret amplius docere, aut in praxi sequi, cum oppositæ sint tutiores. Imponerentur innumeræ gravissimæ obligationes, quæ nunquam existerunt, ac suave Christi jugum fieret intolerabile humanæ infirmitati. Duo habentes jus æque probabile obligarentur ad contraria & impossibilia, ut supra est demonstratum. Pontifices ipsi sæpius responderunt aut dispensarunt secundum sententias vere probabiles, relicta tutiore. Et cur tota dubia ab Episcopis aliisque Prælati ad varios Pontifices identidem ad decisionem sunt missa, si universalis datur obligatio, tutiorem semper partem in dubio eligendi.

Nullatenus igitur est credibile, voluisse Pontifices obligationem universalem imponere, tutiorem semper partem in dubio eligendi: sed pro casibus quibusdam particularibus responderunt, consultius esse, ut pars tutior eligatur, & sic indicant vel consilium tantum, vel debitum decentiæ ac convenientiæ, non autem debitum præcepti seu strictæ obligationis. Deinde in dubio practico semper pars tutior debet eligi, etiam debito strictæ obligationis, non autem in dubio speculativo, quod versatur circa licentiam actionis; & in hoc etiam sensu intelligi possunt Canones, & veteres quidam Scholastici, quando dixerunt, vel supposuerunt, in dubio partem tutiorem eligendam esse.

Ceterum bene advertunt DD. sententias rigidas, mere probabiles, non semper esse tutiores, cum scilicet legem Dei, de qua David, *latum mandatum tuum nimis*, ita coarctant & exasperant, atque suave Christi jugum

jugum ita aggravant, ut spectata humana infirmitate, infinita propemodum hominum, & actuum humanorum varietate, atque in rebus moralibus frequentissima incertitudine, durum ac difficile nimium redderetur, sicque Dei (qui nos de se sentire jubet in bonitate) offensionibus, ac peccatis formalibus, vel saltem periculis eorum frequentissimis homines nimium exponerentur. Qua enim ratione tutius sit id, quod frequenter adeo infirmis mortalibus esset lapis offensionis, & occasio ruinæ?

## §. VI.

## Synopsis argumentorum.

Unde tandem ita licet colligere: Deus potuit nobis permittere, ut in casu veræ ac solidæ probabilitatis, & consequentis inde dubii invincibilis de existentia legis, eadem nondum proxime obligaremur. Ergo censendus est id etiam voluisse. 1. Quia hoc censent innumeri Doctores sapientes ac Deum timentes, re bene expensa atque in propriis terminis examinata, pleræque per orbem catholicum Academiæ, & scholæ publicæ, Directores animarum &c. Authoritas.

2. Quia hoc magis commendat suavem Dei gubernandi rationem, ac commodatam magis humanæ infirmitati: minuit scrupulos, anxietates, perturbationes, imo etiam peccata formalia. Minus difficilem reddit usum & administrationem Sacramenti poenitentiae, conversionem ac directionem animarum, & universam salutis negotium reddit magis expectatum, ac religionem nostram magis acceptabilem, tanquam onus leve & suave Christi jugum. Difficultas.

3. Quia periculum, ne multæ leges, re ipsa existentes, amittant vim proximam obligandi, & sic augeantur peccata materialia, non est magnum adeo incommodum, cum sine offensione Dei hoc fieret, & absque detrimento salutis: multo autem majus malum est multiplicatio peccatorum formalium, quæ in sententia Rigoristarum contingeret. Multiplicatio peccatorum.

4. Quia, si vere, solide ac comparative probabile sit, legem non existere, stante etiam dubio speculativo de illius existentia, formari nihilominus poterit dictamen ultimum conscientiae moraliter certum de licentia actionis, hic & nunc ponendæ, si non ex principiis directis, saltem ex reflexis, ut ostensum est, sicque saltem ex lege Dei consequente est licitum, quod fortassis lege antecedente per se est prohibitum. Unde nullum est periculum Deum offendendi (utpote qui solo peccato formalis offenditur) neque operans se exponit periculo salutis. Dictamen.

5. Quia probabilioristæ argumenta sua, quod tutior pars sit eligenda, quod operans ageret in dubio, quod non possit formare dictamen certum, Retorsio.



tum, quod exponeret se periculo offendendi Deum, & incurrendi ruinam salutis &c. ipsimet debent solvere in dubio negativo, item in dubio positivo, quia etiam ipsi tutiorismum rejiciunt, & ex principiis directis meras habent probabilitatem & opinionem de licentia actionis. Unde pleraque argumenta possunt in ipsos retorqueri. Sic etiam ipsi debent admittere, quod sæpius lege consequente sit permissum, quod lege antecedente est prohibitum, e. g. in casu conscientie invincibiliter erroneæ, aut invincibilis ignorantie; aut perplexitatis, aut in casu dubii negativi, aut majoris probabilitatis suæ opinionis, si ea non obstante lex prohibens re ipsa existeret. Et sic etiam admittere debent, quod stante dubio speculativo, aut probabilitate de existentia legis antecedentis prohibentis, haberi nihilominus possit certitudo practica de licentia actionis vi legis consequentis hic & nunc ponendæ, ut manifeste patet in casu, quo poneretur, quod Deus expresse significaret, se nolle eum hic & nunc obligare ad omittendam actionem, cui probabile est ex principiis directis, non existere legem prohibentem, licet re ipsa talis existeret, & ipsi etiam probabile aut probabilius sit, eam legem existere. Plane in hoc casu stante dubio, aut etiam probabilioritate de existentia legis per se prohibentis, certus tamen esset, quod hic & nunc vi legis consequentis permissa sibi sit actio, ac consequenter quod eam exercendo non peccet.

Paritas cum  
lege huma-  
na.

6. Quia leges humanæ non obligant proxime; seu in actu secundo, quando habetur grave ac solidum fundamentum judicandi, eas non existere: nam leges humanæ, ut obligent, debent esse claræ, sufficienter promulgatæ, intimatæ, ac notæ. Atque in dubio sequendum, quod est humanius, & benignius: ac in obscuris sequendum, quod est minimum: contraque eum, qui legem clarius dicere potuit, & non dixit, interpretatio est facienda, ut ipsæ leges monent: uti etiam, quod favores sint ampliandi, odia vero restringenda. Unde principii instar habetur a JCtis, quod lex non clara, nec certa, sed dubia, vel ambigua habeatur instar invincibiliter ignoratæ, ac proin neque ad decisionem causæ possit allegari, nec operetur effectum legis.

48.  
Possessio li-  
bertatis.

7. Deinde nemo a certa possessione libertatis moralis deturbandus est propter merum dubium superveniens. Atqui homo ante exortum dubium de existentia legis prohibentis aliquam actionem est in certa possessione libertatis moralis illam ponendi. Ergo per dubium ab hac sua possessione deturbari non debet: sicut a possessione non debet deturbari per dubium superveniens de contractu inito.

Unde, cum dubitatur de existentia legis aut obligationis, pars illam adstruens est instar *Actoris*, qui petit & urget debitum: pars autem altera est instar *Rei* negantis debitum, ac defendentis suam libertatem seu immu-

immunitatem ab obligatione. Sed ex dispositione juris, *Actori*, aliquid asserenti ac prætendenti, incumbit probare suam intentionem; alias absolvendus est reus: in dubio vero favorabiliores sunt partes rei.

Ratio ulterior est: qui vocat alterum ad *servitutem*, debet probare suam intentionem, alias pronuntiandum est pro libertate. At volens imponere obligationem vocat alterum ad servitutem. In dubio proinstandum pro libertate; cum alter suam intentionem non sufficienter probet.

Eodem modo discurrendum etiam propter paritatem rationis de legibus Divinis dubiis, de quarum non-existentia habetur grave ac solidum fundamentum. Non enim Deus, de quo sentiendum in bonitate, minus benignus est legislator. Sicut ergo legislator humanus non censetur velle proxime obligare in dubio invincibili de existentia, aut eos, qui gravem ac solidam rationem habent de non-existentia legis, sic neque legislator Divinus.

Denique 8. illud notandum, quod etiam Rigoristæ in praxi non raro sequantur sententiam benigniorem; memorabile hujus rei exemplum habemus in R. P. Constantino Roncaglia, qui in Theologia sua Morali tom. 1. tract. 1. de act. Hum. q. 1. c. 2. sic scribit: *Confessarius postquam diligenter Theologiæ Morali studuit, me auctore, non anxius sit circa illam tam agitatam questionem: an licitum sit sequi minus probabile in conspectu probabilioris. Probabiliora sequenda docuit me meus Præceptor, & pariter ego pluribus abhinc annis eandem docui sententiam. At experimento vidi nihil ad praxin deservire. Quis enim vel studendo, & præcipue dum audit confessiones, potest omnia momenta utriusque partis librare, & inde definire: hoc est minus probabile: hoc probabilius? hoc esset onus intolerabile. Satis mihi fuit in praxi sequi sententias, quas rationabili fundamento innixas putavi, & ita credidi satisfacisse meæ conscientiæ, absque eo, quod iudicem me constituerem inter minus probabilem & magis probabilem. Ita vir ille religiosissimus, quem usus & experientia docuit.*

Optandum plane esset, ut severi Tutorissimi ac Rigorissimi defensores, antequam scribere incipiant, atque acerba crisi alios proscindant, prius per aliquot annos in loco aliquo, ad quem frequentes peregrinationes instituantur, confessiones excipiant. Fortassis experirentur, quam intolerabile sibi ac pœnitentibus onus imponant. Difficile non raro est speciem & numerum peccatorum ex pœnitente elicere: quid? si omnes circumstantias, circa peccata etiam dubia oporteret singillatim exquirere? quid? si oporteret habere certitudinem positivam de contritione perfecta elicitam a pœnitente, certoque ejus gradu? post omnia examina, torturas, instructiones, exhortationes, confessarius non haberet certitudinem positivam

49.  
Praxis Rigoristarum benigna, & doctrina eorum contraria.

50.  
Pœnitentiæ Sacramentum intolerabile redunt.



de elicito perfecto amore Dei, ac certo ejus gradu, imo neque de actu supernaturali, utpote quem a naturali, ordinarie saltem, non discernimus. Unde ergo certitudo positiva de dispositione pœnitentis? oportet igitur peccatores passim sine absolutione dimittere, aut rigorismum aliquantum temperare, & sequi praxin, a viris doctis & timoratis probatam.

Videas etiam fortassis rigidæ doctrinæ Sacerdotes a Confessionibus audiendis se subducere. Christus ipse dixit olim de quibusdam: *Alligant onera gravia & importabilia, & imponunt in bumeros hominum, digito autem suo nolunt ea movere.* Matth. 23. Dicunt nempe, & non faciunt: aliis rigidi, sibi faciles. Quod de iis etiam dictum intelligi potest, qui severitatem & rigorem doctrinæ magnum præferunt, & concionatorie ex cathedris, aut editis libris zelose declamantes, viros doctissimos, de re litteraria & Ecclesia bene meritos indignis sane modis proscindunt. Mirum! si talis loquendi scribendive modus certo aut probabilius ipsis licitus videatur, quam oppositus, qui mansuetudinem, humilitatem, ac charitatem suadet.

### QUÆTIO VII.

*An lex obliget in dubio, an sit abrogata, vel dispensata, vel jam impleta?*

51.

**R**esp. Si dubium sit tantum negativum, omnino obligat. Ratio est: quia lex est in possessione, cum certo constet eam existisse ante exitum dubium: neque prudenter judicari possit, eam esse abrogatam, aut dispensatam, aut impletam: cum hoc judicandi nulla habeatur ratio probabilis, hoc ipso, quod tantum negative dubitetur.

Major autem est difficultas, quando dubium est positivum: nam tunc habetur positiva probabilitas seu ratio gravis judicandi, quod lex sit abrogata, vel dispensata vel impleta, adeoque videtur hoc prudenter judicari posse. Ergo etiam prudenter judicari poterit, quod non amplius obliget: consequenter juxta principia Probabilissimi videtur licitum, talem legem non observare. Conf. Legi probabiliter jam est satisfactum: ergo probabile est, quod non amplius obliget, consequenter, quod oppositum sit licitum. Sed

**R**esp. Si vere ac solide est probabile, quod licitum sit ejusmodi legem non observare, locum etiam hic habet doctrina Probabilissimi, dicendumque, quod non obliget. An autem vere probabile sit, legem non obligare, quando probabiliter est abrogata aut impleta, ad Probabilissimum definire non pertinet.

Lex, de cu-  
jus abroga-  
tione aut

Videtur autem dicendum, talem legem adhuc obligare, si æqualis habeatur probabilitas, quod lex non sit abrogata, aut impleta. Quia videtur

tur adhuc esse in sua possessione: nam ante exortum dubium, aut probabilitatem de abrogatione aut impletione lex certo erat in possessione, per superveniens autem dubium aut probabilitatem de impletione, non depellitur a possessione, cum etiam habeatur vel major vel æqualis probabilitas de non- impletione. Alias non posset in dubio melior esse conditio possidentis, si per dubium depelleretur a possessione.

impletione  
dubitatur,  
servanda  
est.

Conf. Qui nititur contra ejusmodi legem, prius certo existentem, debet probare, eam aut esse abrogatam, aut dispensatam, aut jam esse ei satisfactum. Atqui si tam pro abrogatione aut impletione, quam pro non abrogatione habetur æqualis probabilitas, non sufficienter probat abrogationem &c. Sic si certum est, te mutuum accepisse, & positive dubitas, cum probabilitate in utramque partem æquali, an restitueris, non sufficienter probas, te restituisse: adeoque mutuans manet in possessione exigendi debitum, tuque teneris adhuc illud solvere. Sic etiam, si certo tibi constat de commissio gravi peccato, & positive cum æquali probabilitate in utramque partem dubitas, an confessus fueris, non sufficienter probas, te præcepto confitendi satisfecisse, adeoque manet illud adhuc in sua possessione, urgetque confessionem. Neque hoc est contra principia probabilissimi, prius posita, sed est illis quam maxime conforme; nam sicut libertas manet in possessione, quando dubitatur, seu positive seu negative, an lex unquam existerit, quia scilicet ante exortum dubium libertas fuit in certa possessione, per dubium autem superveniens ab ea non depellitur, cum non sufficienter probetur legis existentia; ita e contrario lex prius certo existens non depellitur a possessione per dubium superveniens, seu positivum illud sit, cum probabilitate æquali in utramque partem, seu negativum, sine tali probabilitate.

Nam lex  
manet in  
possessione.

Ex quibus patet etiam responsum ad argumentum contrariæ sententiæ: nam licet prudenter judicari posset, legem non amplius existere, aut jam esse impletam, tamen etiam æque prudenter judicari potest oppositum, scilicet, legem adhuc existere, aut necdum esse impletam, hoc ipso, quod æque probabile sit, illam non esse abrogatam, aut impletam. Ergo manet illa in sua possessione, in qua ante fuit. Non enim sufficit, ad eam a possessione sua depellendam, ut tantum probabiliter ei sit satisfactum: si æque probabile est, ei nondum esse satisfactum: adeoque manet lex adhuc in possessione certa, in qua ante fuit.

Hinc Theologi ac Canonistæ passim docent: si dubium sit, an dies jejunii, aut festi sit finitus, abstinendum adhuc a comestione & labore servili: quia tunc adhuc præceptum manet in possessione, utpote a qua per dubium superveniens non depellitur. E contra, si dubium sit, an dies jejunii aut festi jam sit inchoatus, nondum dari obligationem ad abstinendum

52.  
Constat in-  
ductione.



dum a coactione aut labore servili: quia nempe tunc libertas adhuc est in possessione, in qua fuit ante exortum dubium. Propter eandem rationem, si dubites, an 21. ætatis annum expleveris, nondum teneris jejunare: si dubites, an votum emiseric, non teneris; bene vero, si de voto emissio constet, dubites autem, an impleveris: idem, si dubites, an recitaveris Breviarium; quia scilicet præceptum manet in possessione. E contra si dubites, an ante medium noctis aliquid comederis vel biberis, licet sacram Communionem sumere: quia libertas communicandi, quæ ante hoc dubium existit, per superveniens dubium non privatur sua possessione: quæ etiam ratio est, cur post contractum bona fide matrimonium petere & reddere possis debitum, licet dubium superveniat de valore matrimonii, si dubium adhibita diligentia in inquirenda veritate non possis depellere; quia scilicet matrimonium, & in eo fundatum jus petendi & reddendi debitum manet in possessione: ac melior est conditio possidentis. Oppositum autem dicendum, si dubium facti, e.g. circa affinitatem contractam antecedit matrimonium: tunc enim matrimonium non est in possessione, sed præceptum abstinendi a copula, donec probetur sufficienter, matrimonium esse legitime contractum. Ergo idem dicendum universaliter de legibus, eas videlicet obligare, si de earum existentia constet, dubitetur vero, an sint impletæ, dispensatæ, receptæ, aut abrogatæ; quia tunc manent in sua possessione, in qua fuerunt ante exortum dubium: meliorque est conditio possidentis. Adeoque videtur non esse probabile, quod tunc licitum sit eas non observare. Quamvis aliqui, ut Salas, Azor putent, legem non obligare, si dubium sit positivum, hoc est, si vere ac solide sit probabile, legem non esse acceptatam, aut esse abrogatam, dispensatam, vel jam impletam.

*Limitatio.*

Quorum sententiæ hoc potest tribui, quod lex non obliget, si probabilius sit, quod sit abrogata, aut jam impleta; nam per maiorem probabilitatem videtur lex dimoveri a possessione, vel saltem tunc non est melior conditio possidentis, cum tantum in pari causa melior sit ejusdem conditio. Idem dicendum, si unice probabile sit, quod sit abrogata, aut impleta, hoc est, si grave fundamentum habeatur judicandi, quod sit abrogata aut impleta, nullum vero habeatur fundamentum in oppotum, judicandi nempe, quod non sit abrogata, aut non impleta. Nam etiam tunc lex non amplius manet in possessione, aut saltem non est melior conditio possidentis.

Hinc si probabilius tibi sit, aut unice probabile, quod certam aliquam horam Breviarii jam recitaveris, non teneris illam amplius recitare, nec solvere debitum, si probabilius tibi sit, vel unice probabile, quod jam solveris, nec votum implere, aut confiteri, si probabilius vel unice probabile sit, te votum aut præceptum confitendi jam impleisse.

Atque

Atque ex doctrina hæcenus tradita solvitur etiam illa quæstio, an lex obliget in dubio, an eam ferens habeat legitimam potestatem aut jurisdictionem. Nam si sit in possessione potestatis, & non constet de illegitima potestate, obligant illius leges, licet æqualem habeas probabilitatem de legitima & illegitima possessione: quia præsumptio fiat pro legitima, donec per gravius aliquod fundamentum sufficienter probetur, quod sit illegitima. Aliud esset, si non esset in possessione potestatis ferendi leges; tunc enim libertas esset in possessione, donec probabilius fiat, eum pollere potestate.

Quando autem sufficienter constat, eum legitimam habere potestatem, & dubium superveniat, an lex sit justa, obligantur illa subditi, quia præsumptio & possessio fiat pro legislatore, quamvis æqualis detur probabilitas pro justitia & injustitia legis. Et idem dicendum de casu, quo dubitatur, an non sit nimis difficile, quod præcipitur. Verum de hoc sit

### Q U Æ S T I O VIII.

*An lex obliget in gravi metu, aut periculo gravis damni?*

Certum est, quod lex naturalis *prohibitiva* semper, ac pro semper obliget, non obstante quocunque metu aut periculo, etiam mortis, incurrens do per illius observationem. Ratio est: quia lex naturæ prohibens seu negativa vetat ea, quæ sunt intrinsece mala, ac nullo casu possunt esse licita: quare nec ad mortem evitandam licita est irreverentia erga Deum, aut sacra, negatio fidei, mendacium, fornicatio, molities &c.

53.

Lex natura-  
lis negativa  
semper ob-  
ligat.

Contra vero lex mere humana regulariter non obligat, quando obser- Aliud de le-  
vari non potest sine certo periculo gravis mali vel damni, aut jactura in vi- ge humana  
ta, membris, fama, aut fortunis magni momenti. Sic non teneris audire Missam, jejunare, recitare horas canonicas, communicare in Paschate cum adeo magna difficultate, ut colligitur ex c. 2. de observat. jejun.

Ratio est, quia legislator humanus neque vult prudenter, neque regulariter potest obligare subditos cum tanto incommodo ac difficultate maxima. Legislator enim aut respublica non habet jus in vitam aut famam civis innocentis, nec in bona ipsius, extra causam gravem ac publicam. Ergo neque potest terre legem adeo difficilem, qua eum obliget ad amittendam vitam, famam, aut bona fortunæ magni momenti. Accedit, quod observatio talis legis videatur, spectata humana infirmitate, moraliter impossibilis: consequenter videtur non esse rationalis, aut prudenter ferri posse. (Ex quo inferunt aliqui, reum non teneri judici crimen capitale fateri.)

Imo etiam  
de lege di-  
vina posi-  
tiva

Atque hinc ex sacris etiam litteris nobis constat, ne quidem divina præcepta positiva cum tanta difficultate obligasse: sic Davidem, in defe-



Stu aliorum, *panes propositionis* comedisse legimus, & Machabæos sabbato pugnasse; quod tamen utrumque lege divina erat vetitum. Sic etiam licet integritas materialis confessionis divina lege sit præcepta, passim tamen docent Theologi, legem illam non obligare, ubi magna se offert difficultas illam observandi, ac materialem confessionis integritatem procurandi, ut contingit e.g. tempore pestis, aut quando confessio fieri non potest sine interprete &c.

Et naturali  
affirmatiya.

Imo ipsa etiam lex naturæ *affirmativa* non obligat pro certis casibus gravis difficultatis: sic aliquando non teneris proximo indigenti succurrere, aut fervare depositum, aut statim restituere cum maxima tua difficultate, ac gravissimo periculo vitæ, aut maxima jactura rerum tuarum. Idem docetur de aliquibus votis e.g. recitandi certas preces, dandi elemosynam &c. si servari non possint sine extremo vitæ periculo. Multo ergo minus obligabit lex mere humana, sive ecclesiastica illa sit, sive civilis, si observari non possit sine maxima difficultate, aut metu gravissimo.

Oppones 1. Quod est contra legem humanam, est peccatum, sed peccatum nunquam est licitum. 2. Omnis lex fertur propter bonum commune. Ergo servanda est non obstante mortis periculo: quia homo tenetur pro bono communi vitam perdere. Resp. ad 1. In casu metus aut difficultatis, de qua loquimur, nihil fit contra legem: quia pro illo non datur lex. Ad 2. Sufficit ad bonum commune, servari legem humanam ordinarie, & extra casum gravissimi metus aut maximæ difficultatis. Imo non esset ad bonum commune, si legislator etiam pro casu maximæ difficultatis vellet obligare.

54.  
Excipitur  
duplex  
casus,

Dixi autem, *regulariter* hoc procedere. Nam duo præcipue sunt casus, in quibus humana lex cum præsentissimo etiam vitæ periculo obligat. Et primo quidem, quando ex circumstantiis transgressio fit intrinsece mala, scandalosa, aut divino honori vel religioni injuriosa. Sic non licet die sabbati comedere carnes, si jubearis id facere in contemptum religionis catholicæ, vel legis ecclesiasticæ. Sic etiam Clemens XI. præcepit Siculis servare interdictum, non obstante certo periculo fortunarum aut exilii. Quia illius violatio visa est cedere in contemptum ecclesiasticæ potestatis. Eodem modo explicandum est, quod dicitur c. 5. *de his, quæ vi*, nempe incurri excommunicationem ab eo, qui metu inductus communicat cum excommunicato.

Alter casus est, cum bonum reipublicæ aut publica necessitas exigit observationem præcepti; sic potest quis obligari ad assistendum pestiferis, ad custodiendam aut conservandam civitatem vel patriam, ad non deferendam stationem in militia &c. etiam in præsentis moris discrimine.

In quo lex  
humana

Neque dicas, in his casibus obligare legem naturalem, quæ dicat, bonum

num publicum esse præferendum privato. Nam licet hæc possit concurrere, non re, præsertim in priore casu, ubi comestio carnis vergeret in contemptum religionis, tamen dici potest, legem etiam ecclesiasticam pro tali casu obligare: sicut lex divina obligavit Judæos ad non vescendum carne porcina, in contemptum religionis a tyranno imperata. In altero vero casu lex naturalis non obligat aliquem determinate hominem ad assistendum pestiferis, ad custodiam civitatis &c. si plures id possunt facere: consequenter præceptum humanum personam istam determinat, quæ deinde obligatur præcepto, non obstante mortis periculo.

Et de his casibus, vel etiam de iis, in quibus sola lex naturæ obligat, intelligendum est, quod dicitur *c. 5. de his, quæ vi: licet metus attenuet culpam, non tamen eam prorsus excludit*. Metus enim etiam gravis minuit quidem voluntarium, non tamen illud omnino tollit. Unde *l. 21. §. 5. ff. quod metus causa habetur: coacta voluntas est voluntas*: sufficiens nempe ad peccatum contra præcepta naturalia, divina, & aliquando etiam humana, ut dictum. Cæterum quæ, & quanta difficultas, metus, aut periculum excuset ab obligatione legis humanæ, aut quando non observatio vergat in contemptum legis ecclesiasticæ, item quando publica necessitas exigit observationem legis, regula universalis dari vix poterit; sed ex circumstantiis, usu, Doctorum placitis est colligendum. In dubio tamen semper stat præsumptio pro potestate legislatoris, & obligatione legis, simpliciter existentis.

Quæ autem dicta sunt hætenus, intelligenda sunt de lege humana præcipiente vel prohibente. Nam lex humana irritans non cessat propter metum aut periculum etiam gravissimum. Sic non cessant impedimenta dirimentia matrimonii; licet mortis comminatione adigaris, ducere e.g. consanguineam aut affinem: aut contrahere clandestine. Quo casu docet Suarez *l. 3. de leg. cap. 3. n. 13.* licitum tibi quidem esse ad evitandam mortem actum externum materialiter ponere, sine intentione matrimonium vere celebrandi aut conficiendi sacramentum (quia tali casu nulla irreverentia fieret sacramento, & mendacium amphibologia evitari posset, aut restrictione mentali) nullus tamen metus, etiam præsentissimæ mortis licitum tibi faceret usum ejusmodi matrimonii, per signa externa sic materialiter, & in speciem tantum initi; quia esset fornicatio: cum matrimonium, cum tali impedimento contractum, re ipsa esset nullum.

Colliges ex dictis, multo magis excusare ab observatione legis impotentiam; cum ad impossibile nemo teneatur, quod etiam procedit pro casu, quo impossibilitati per peccatum prius causam dedisti: modo de hoc doleas. Sic non teneris recitare Breviarium, quod in navigatione proficisci in mare, si nullum aliud habere possis, nec memoriter recitare

Lex irritans  
vero semper  
irritat.

55.

An non potens implere totum teneatur ad partem?



tare possis, modo de perversa illa voluntate serio doleas: eamque retrahes, cum animo recitandi, si posses.

Illud autem dubitari potest, an ille, qui non potest implere totum, quod præceptum est, teneatur saltem partem illius implere. Circa quod hæc datur regula: si res præcepta potest ac solet dividi, atque in una parte, quæ potest impleri, salvatur adhuc ratio seu finis præcepti, tunc quoad hanc partem servari debet, licet non possit impleri totum. Hinc qui non potest jejunare tota quadragesima, debet jejunare diebus, quibus potest. Qui non potest abstinere ab altera refectione, tenetur abstinere a carnibus, si possit. Qui non potest totum Breviarium recitare, tenetur recitare horas, quas potest. Quia hæc sunt divisibilia, & finis præcepti urget implere partem, quæ impleri potest.

Si autem res præcepta est indivisibilis, aut non soleat dividi, aut in parte non salvetur ratio, seu finis præcepti, tunc, qui non potest totum implere, neque ad partem obligatur. Sic si vovisti peregrinationem ad Christi sepulchrum Jerosolymam, non teneris partem itineris conficere, si scias, te non posse Jerosolymam pervenire.

## QUÆTIO IX.

### *De effectu legis irritantis.*

36.  
Tribus modis actus irritatur ipso jure.

Aliquando requiritur adhuc sententia declaratoria.

**L**ex censetur actum irritare, & quidem *ipso jure*, seu *ipso facto*, nempe ante sententiam judicis. 1. Si inhabilitet personam ad actum valide ponendum, e. g. pupillum. 2. Si lex det formam actui, hoc est, si certam solennitatem per modum formæ substantialis ad actum requirat, e. g. ad testamentum, electionem, alienationem rerum ecclesiasticarum. Aut etiam, si lex simpliciter ad actus valorem requirat aliquid tanquam conditionem, *sine qua non*. 3. Si actum directe irritet per verba, nullitatem & irrationem absolutam significantia, qualia censentur: *Pro infecto habetur: nullam obligationem parit: non valet: irritus est: nullus est momenti: robur non habet. Tenetur acceptum restituere in conscientia: Fructus non facit suos &c.* In his proin tribus casibus actus ex ipsius legis dispositione, ante omne ministerium judicis, declarantis nullitatem, aut irritantis, in se ipso est irritus, invalidus, ac nullus, atque pro tali habendus; saltem si irritatio non est pœnalis. Aliquando tamen contingit, ut actus quidem ipso jure sit irritus, lex tamen requirat declarationem judicialem nullitatis. Quo casu ante declarationem judicis nondum habetur pro irritato quoad effectum; quod contingeret, si lex requireret declarationem judicis, aut actum irritaret vel unice, vel saltem principaliter in pœnam; ut quidam fieri putant in irratione matrimonii propter impedimen-

dimentum criminis: item in Religioso consentiente in sui electionem ad Prælaturam absque consensu superioris &c.

Econtra quando lex ipsa non irritat actum, sed tantum jubet eum irritari, aut rescindi, dicendo e. g. *irritetur, annulletur, rescindatur* &c. Aliquando lex jubet irritari aut rescindi actum. tunc non est ipso jure irritus, sed validus, usque dum per sententiam judicis irritetur, aut rescindatur. Hinc irritatio aut rescissio judicialis superponit, actum prius fuisse validum: si enim jam ipso jure esset irritus, non posset a judice irritari aut rescindi, sed tantum declarari irritus. Exemplum est in venditione ultra dimidium justii pretii: hæc enim valet, donec rescindatur: & quamvis jam ante rescissionem detur obligatio naturalis rescarciendi damnum injuste illatum; ad procurandam tamen irritationem nemo tenetur. Neque retrahitur irritatio ad tempus contractus, in quo est disparitas cum sententia declaratoria nullitatis; quæ retrahitur ad tempus contractus: unde cum re etiam fructus interea percepti sunt restituendi.

Cæterum quando lex actum simpliciter irritat, nullus metus, nullaque ignorantia facit illum validum, ut jam supra insinuatum est. Sic Metus & ignorantia cum impedimento dirimente, e. g. clandestinitatis aut consanguinitatis contractum, invalidum est, licet invincibiliter atque inculpabiliter ignoraveris impedimentum, aut metu gravi ad contrahendum fueris adactus. Et idem dicendum de aliis actibus, a jure simpliciter irritatis e. g. de testamento imperfecto, alienatione rei ecclesiasticæ, aut fundi dotalis; in actu pupilli, professione religiosa ante 16. ætatis annum &c.

Ratio est, quia vel est defectus potestatis in agente, vel defectus solennitatis aut requisiti ad substantiam actus, vel actus ipse simpliciter & absolute propter bonum commune est irritatus a jure. Nihil autem horum supplere potest ignorantia, metus, vel necessitas, ut passim omnes agnoscunt; ac patet ab inductione in allatis exemplis. Unde neque potest quis cum effectu renunciare legi, actum irritanti in ejus favorem, & sic actum validum celebrare. Quia scilicet per renuntiationem non potest supplere defectum substantialem. Aliud esset, si de mente legislatoris constaret oppositum. Epikie autem hic non videtur esse locus.

Excipiunt tamen casum, quo irritatio actus vel unice, vel principaliter statuta esset in pœnam. Nam tunc non incurreretur pœna irritationis sine culpa; quia cessante causa cessaret effectus, consequenter ab ignorante invincibiliter culpam & pœnam non incurreretur pœna. Item, si metus aut necessitas excusaret a culpa, hoc ipso etiam excusaret a pœna nullitatis. Sufficeret tamen ad incurrendam irritationem pœnalem, agnoscere culpam, cui pœna est statuta: nam delicto & culpæ statuitur pœna, ut supra diximus. Aliquando autem leges actum irritant, simulque



imponunt pœnam delinquenti, ab irritatione distinctam. Quo casu dici potest pœnam illam statui propter delictum; irritationem vero non intendi principaliter ut pœnam, vindicativam delicti, sed propter alios fines, puta propter bonum publicum, e. g. matrimonium cum impedimento criminis contractum irritatur, ut securitati conjugum consulatur, & alii a tali crimine absterreantur. Electio Religiosi sine consensu superioris irritatur, ut jura superioris firma persistant &c. Adeoque in his casibus actus est irritus, licet ignoretur pœna adjecta. His igitur positis, quæ in hac re potissimum occurrunt celebres quæstiones, an videlicet actus a jure irritatus etiam pro foro conscientiæ censeatur irritatus: item, an lex prohibens actum, illum etiam hoc ipso irritet?

Prænotandum autem 1. Quod, si actum jure naturæ validum lex positiva nec approbet, nec improbet, non detur actio; datur tamen naturalis obligatio, & in foro externo exceptionem parit; ut circa pactum nudum contingit.

Prænot. 2. Quod lex humana possit actum invalidare *civiliter* tantum, negando nempe actionem, vel concedendo rescissionem, manente interrim obligatione naturali, usque dum actus per sententiam rescindatur, e. g. si minor, cum consensu curatoris læsus, petit postea restitutionem in integrum. Tunc enim, qui contraxit cum minore, potest acceptum retinere usque ad sententiam judicis rescissoriam; dummodo nihil egerit contra justitiam, e. g. excedendo justum pretium, aut inferendo metum. Qui vero in tali casu aliquid promissit, & necdum tradidit, nec in externo, nec in interno foro obligatur tradere: quia habet justam exceptionem; nam cui competit actio ad dati repetitionem, vel contractus rescissionem, ei multo magis datur exceptio ad retinendum, & *dolo petitur, quod mox restitui debet.* vide P. Engel. de constit. n. 51.

### CONTROVERSIA I.

*An actus a jure irritatus simpliciter, pro foro etiam interno sit irritatus?*

53.  
Sententia  
negans.

Magna quoad hanc quæstionem est DD. dissensio. Multi enim docent, actum a jure simpliciter irritatum censi irritatum tantum pro foro externo, & sic *civiliter* tantum, pro foro autem conscientiæ non esse irritum: sed naturalem obligationem imponere, saltem ante sententiam judicis condemnatoriam, aut declaratoriam. Pro hac sententia citantur Panormit. Innoc. Felin. Wading. Molin. Navar. Sichard. Clarus. Laym. Less. Nantica. Fachin. Wiest. Pich.

Fundamenta eorum sunt 1. Quia irritatio pro foro interno & externo sunt effectus legis separabiles: ergo lex irritans non debet extendi  
ad

ad forum internum, cum recedat a jure naturali, quo actus foret validus pro utroque foro, adeoque est odiosa & strictæ interpretationis. Deinde in obscuris minimum est sequendum, seu quod minus obligat vel gravat. Et finis legis sic obtinetur, cum iudex teneatur actum pronuntiare invalidum. Denique aliquæ leges addunt clausulam, irritantem etiam pro foro interno: hæc autem esset frustranea, si jam aliunde actum irritaret.

Contrarium tenent Covarr. Menoch. Vasq. Bonac. Dicast. Azor. Arnoldus Rath, Engel, ac teste Pichler recentiores Juris-Consulti passim.

Hanc ego sententiam probabiliorē judico, ac dico: Lex, irritans actum simpliciter, irritat illum pro utroque foro. Sic contractus pupilli, in quantum ipsi est noxius, neque in conscientia illum obligat, si absque tutoris autoritate sit initus: quia scilicet lex illum simpliciter irritat. Propter eandem rationem beneficiatus non recitans officium, ante omnem sententiam in conscientia tenetur fructus beneficiales restituere: quia nempe lex simpliciter irritat acquisitionem dominii. Sic etiam professio religiosa ante 16. ætatis annum, aut ante finitum annum novitatus, matrimonium clandestinum, aut cum alio impedimento dirimente contractum, est nullum pro utroque foro. Idem de testamento imperfecto, electione, alienatione rerum ecclesiasticarum, absque debita solennitate celebratis.

59.  
Affirmans.

Et ratio est: quia jura satis exprimunt voluntatem legislatoris, dum simpliciter, & absque ulla exceptione, limitatione, aut distinctione inter forum internum & externum, actum irritant. Aut cur potius pro foro externo, quam pro interno irritatum esse dicamus?

Quia lex  
satis ex-  
primit,

Deinde leges non obtinerent suum finem, si actus simpliciter irritatus, Nec obtine-  
in conscientia tamen obligaret. Volunt enim jura prospicere indemnitati rei finem.  
& infirmati certarum personarum, e. g. irritando contractum pupilli, alienationem rei ecclesiasticæ &c. qui finis plane non obtineretur, si pupillus in conscientia obligaretur contractui, sibi damnofo, sicque inefficaces atque enerves essent leges. Quid enim homini probo, Deum ac conscientiam curanti, prodesset, actum pro foro externo esse irritum, si nihilominus graviter in conscientia obligaretur? Quid prodest hæredi ab intestato, testamentum imperfectum pro foro externo esse irritum, si in conscientia tenetur hæreditatem hæredi instituto extradere, eo quod testamentum pro foro interno valeat? Certe sic irritatio tantum prodesset hominibus sceleratis, qui nec Dei nec conscientiæ rationem habent. Isti enim, ut ut obligarentur in conscientia, pro foro tamen externo, quod solum curant, tuti essent; sicque peccatis praberetur occasio.

Neque dicas, patere viam judiciorum, ut sententia judicis actus declararetur irritus, qua declaratione facta, neque pro foro interno amplius obli-



obliget, sicque satis consuli pupillo, aliisque, quorum actus pro foro externo sunt irritati. Nam

Non opus  
sententia  
judicis.

Respondetur: Quid opus ire per ambages, difficiles, dubias, ac pretiosas, ubi breviori, certiori ac faciliore compendio finis legum obtinetur? dicamus, actum simpliciter a jure irritatum, simpliciter esse nullum, neque ullam in conscientia obligationem parere: & res tota est salva: neque opus erit tribunalia obruere tot inutilibus litibus. Præstat utique, jura sua intacta servare, quam post vulneratam causam remedium querere. Est hæc siquidem simplex ac recta legum indoles, breviori, faciliori ac certiore calle tendere ad suos fines.

60.  
Non facien-  
dum divor-  
cium inter  
forum inter-  
num & ex-  
ternum.  
Cur judex  
deberet de-  
clarare  
irritum?

Unde aversari solent leges divortium inter forum internum & externum, enatumque celebre illud axioma: *Lex justa pro foro externo est etiam justa pro foro interno.* Cur a communi hoc juris principio excipiantur solæ leges irritantes? cur in istis recurrendum ad tribunal judicis, ut obligationem conscientie tollat.

Deinde, cur judex illam obligationem naturalem pro foro interno tollat, si leges eam intactam relinquunt? cur pronuntiet invalidum, quod jura ut validum agnoscunt? profecto judex secundum leges ferre debet sententiam: si ergo leges agnoscunt valorem actus pro foro interno, cur judex declarat actum invalidum pro foro interno. Quis eum jubet hoc facere? quomodo potest declarare irritum & invalidum, quod jure est validum? lex tantum irritat actum pro foro externo, ut tu quidem ais: ergo tantum pro illo foro potest declarare invalidum. Declarando autem actum irritum pro foro externo, tam parum irritat illum pro foro interno, & tam parum tollit obligationem naturalem in conscientia, quam parum lex irritans actum pro foro externo, juxta te illum irritat pro foro interno, aut obligationem naturalem conscientie tollit: imo declaratio nullitatis pro foro externo multo minus potest actum irritare pro foro interno, aut conscientie obligationem tollere: quam irritatio, a lege simpliciter facta. Certe non video, cur judex debeat Titio adimere, quod Cajus ei dare in conscientia fuit obligatus: cum in nostro casu nulla lex hoc ei præcipiat, imo neque potestatem concedat. Dixi in nostro casu: nam aliud esset, si lex actum prius validum juberet rescindere, aut irritare.

61.  
Irritatio est  
omnino  
universalis  
& illimitata.

Hæc argumenta, ut ut per se valida, ex eo tamen magis adhuc confirmantur, quod jura pro eo casu, quo simpliciter actum aliquem irritant, uti consueverint his vel similibus expressionibus. *Actus non valet: nullus est momenti: nullius roboris: nullum effectum parit.* Atqui si pro foro interno valeret, & obligationem conscientie induceret, hæc expressiones essent falsæ: ut tum per se patet, tum ex ipsis etiam premis supposito.

sitionis atque scientiarum principiis; ex quibus constat, ejusmodi propositiones, signo universaliter negativo *nullus* affectas, universaliter omnino supponere, & particulam *non* præpositam, omnia negare. Dicitur plane non potest simpliciter, actum nullius esse momenti, nullius roboris, pro infecto esse habendum, nullamque obligationem parere, si pro foro interno est magni momenti, magni roboris, validus, gravemque obligationem pariens. Sicut, si pro foro externo valeret, non autem pro foro interno, non posset simpliciter dici, quod nullius sit momenti, roboris, valoris &c. Impertinens est proin in præfenti quaestione, & a tenore legum aliena illa distinctio inter forum internum & externum, utpote cujus nullum in jure habetur fundamentum: sicut absque fundamento quis diceret, ejusmodi actus esse invalidos ante prandium, non autem post illud. Hinc *c. 20. de elect.* satis clare deciditur, quod illegitime natus, sine dispensatione electus, non possit bona conscientia dignitatem acceptare. Et in *extrav. ambitiosa de reb. Eccles. non alien.* non tantum alienas res ecclesiasticas sine solennitate, sed etiam alienatas recipiens excommunicationem incurrit. Quod fieri non posset, si non peccaret, & quidem graviter, in conscientia. Consequenter lex irritans simpliciter electionem illegitime nati, & alienationem sine solennitate non tantum irritat pro foro externo, sed etiam pro interno.

Accedit, quod leges simpliciter irritantes, ipsum agentem simpliciter inhabilem faciant ad agendum valide, aut solennitatem aliquam, quæ per modum formæ substantialis dat esse actui, simpliciter requirant; atqui actus ab inhabili gestus aut sine forma sua substantiali pro nullo foro potest esse validus.

Rursus: Ipsimet adversarii admittunt, varios actus simpliciter irritatos, pro utroque foro esse irritatos, licet lex non addat clausulam, specialiter exprimentem, quod etiam pro foro interno velit esse irritos, e. g. contractum pupilli, matrimonium cum impedimento dirimente contractum, professionem religiosam ante legitimam ætatem &c. Ergo majori cum consequentia doctrinæ dicitur, quoad hoc omnes actus simpliciter irritatos esse ejusdem conditionis.

Afferunt quidem disparitatem inter matrimonium, & alios actus, quod illud semel validum non possit amplius rescindi, adeoque pro utroque foro debere esse invalidum, si cum impedimento sit contractum. Verum hæc disparitas videtur non esse sufficiens, cum etiam alii actus sæpe vel omnino non, vel non nisi difficulter rescindantur, vel ex defectu probationum pro foro externo, vel aliis causis, non raro occurrentibus. Deinde matrimonium non tantum ex allata causa est invalidum, sed ex multis aliis, quas adduximus, quæ æqualiter



pugnānt contra valorem aliorum etiam actuum, qui simpliciter a jure sunt irritati.

*Respondetur ad rationes dubitandi.*

62.  
Non est ratio  
distinguen-  
di.

Sed neque difficulter solvi videntur, quæ pro opposita sententia sunt allata. Nam licet irritatio pro foro interno & externo absolute possent separari, tamen hic absque sufficienti fundamento separantur: cum nec lex eas separet, nec magis de irritatione pro foro externo, quam interno loquatur, sed simpliciter absque ulla limitatione aut exceptione irriteret. Absque causa autem sufficiente distinguere non debemus, ubi lex non distinguit: præsertim cum lex iusta pro foro externo sit etiam iusta pro foro interno: hoc est, quando præcipit, prohibet, aut irritat aliquid pro foro externo, idem simul facit pro foro interno.

Nihil contra  
jus natura-  
ræ.

Neque sic recedit a jure naturali: nam hoc tantum jubet fidem valide datam servari. An autem hic actus, vel hoc pactum sit fides valide data, jus naturale non decernit, sed decernendum humanis potestatibus relinquit. Hæ autem, quando actum aliquem simpliciter irritant, satis aperte decernunt, hanc vel illam fidem non esse valide datam, non distinguendo inter forum internum & externum.

Non fit exten-  
sio legis.

Unde non extendimus irritationem nisi quo lex ipsa eandem extendit: comprehenditur enim sub tenore legis, simpliciter irritantis, non minus forum internum, quam externum, sicut sub tenore legis præcipientis aut prohibentis utrumque comprehenditur. Quare

*Si in obscuris minimum est sequendum*, seu, ut P. Pichler hanc regulam explicat, *quod minus obligat vel gravat*, dicendum plane est, actum pro utroque foro esse nullum: nam sic utique minus obligat, quam si pro foro interno obligaret. Deinde minimum est sequendum *in obscuris*: quando autem lex dicit, actum nullius esse momenti, nullius roboris aut valoris, pro infecto habendum esse, non obscure loquitur, sed satis clare utrumque forum comprehendit, ut probavimus. Adeoque licet lex irritans sit strictæ interpretationis, tamen ultra ipsa verba comprehensiva legem non extendimus, consequenter illam strictè interpretamur, aut potius in sensu suo & tenore satis claro accipimus.

Quod autem lex finem suum non obtineret, si actus ab ipsa irritati pro foro interno obligarent, pariter ostensum est. Neque apparet, cur iudex deberet pronuntiare ac declarare invalidum, quod jura ut validum agnoscunt, neque ut invalidum declarari præcipiunt.

Clausula  
non fru-  
stranea,

Sed neque clausula, aliquando addita, est frustranea; qua dicitur e. g. *etiam pro foro animæ non suffragetur: quod obtentum est, non valeat retineri: viribus careat absque omni alia declaratione*. Nam ejusmodi clausulam quandoque  
lex

lex addit, ne quisquam adversariorum sententiam sequi possit; cum enim illa sit vere probabilis, posset quis in praxi illam sequi, e. g. non restituendo fructus beneficiales &c. hoc ne fiat, ad majorem cautelam addit quandoque lex illam clausulam.

Dices. Jura sæpe faciunt discrimen inter forum internum & exter- Aliud irrita-  
num. Sic pro foro externo negatur actio ob læsionem infra dimidium re, aliud  
justi pretii, item actio *quanti minoris*, vel *redhibitoria*, ultra annum vel negare assi-  
medium extensa: & tamen datur obligatio pro foro interno reparandi stentiam  
damnum. Ergo lex justa pro foro externo, non semper est justa pro foro juris.  
interno. &. Omnis lex, præcipiens, prohibens aut irritans actum aliquem  
simpliciter, præcipit, prohibet, aut irritat illum etiam pro foro interno:  
& in hoc sensu verum est dictum axioma. Lex autem denegans actionem  
nihil præcipit, prohibet, aut irritat; sed tantum denegat assistentiam ju-  
ris, relicta obligatione naturali pro foro interno.

## CONTROVERSIA II.

*An omnis lex prohibens sit etiam irritans?*

### §. I.

Rationes dubitandi.

Videri posset certa sententia, quam tenent plerique Theologi ac Cano-  
nista: videlicet non omnem legem, quæ actum aliquem prohibet, Aliud illicitum,  
hoc ipso illum etiam irritare; ac consequenter non omnem actum illicitum, aliud  
tum esse etiam invalidum. Nam prohibere actum, & irritare actum sunt invalidum.  
effectus legis valde diversi, atque a se invicem separabiles, ac sæpe se-  
parati. Nam

Multi actus sunt a legibus irritati atque invalidi, quin tamen sint pro-  
hibiti, atque illiciti; sic testamentum facere tantum in præsentia quatuor  
vel quinque testium non est prohibitum, quamvis sit irritatum. Idem pa-  
tet in contractu pupilli, fidejussione mulieris, aut renuntiatione facta  
paternæ hæreditati &c. quæ sunt de jure invalida, non tamen prohibi-  
ta, aut illicita.

Contra vero multi sunt actus prohibiti atque illiciti, quin tamen sint  
irriti & invalidi. Sic ordinatio irregularis est illicita, non tamen invali-  
da; Sacerdos excommunicatus illicite consecrat, non tamen invalide.  
Matrimonium cum impedimento tantum impediens contractum, e. g.  
cum voto simplici castitatis, aut stantibus sponsalibus cum alia, est illicitum,  
non tamen invalidum. Idem contingit in donatione rei, alteri pro-  
missæ, aut in venditione secunda, facta traditione rei, jam alteri prius ven-  
ditæ, sed absque traditione. Hæc enim donatio & venditio secunda est  
quidem



quidem prohibita ac illicita, non tamen irrita aut invalida. Sic etiam sententia sub conditione ferri prohibetur, ac tamen sic lata est valida.

Unde c. 16. de regular. dicitur: *Multa fieri prohibentur, quæ, si facta fuerint, obtinent roboris firmitatem.* Accedit, quod irritatio actus sit odiosa: adeoque lex prohibens non debet ad hunc effectum extendi, si de irritatione nihil meminit; præsertim, cum *prohibere* non significet *irritare*, neque prohibitio ex sua natura connectatur cum irritatione. Et licet dubium esset, an legislator prohibens aliquem actum velit etiam eundem irritare, tamen in obscuris minimum esset sequendum: ac contra eum, qui legem clarius dicere potuit, interpretatio facienda.

64. Quamvis autem hæc argumenta certam omnino videantur reddere  
Difficultas ex hanc sententiam, fateri nihilominus oportet, gravissimam contra eam ori-  
1. non du- ri difficultatem ex jure civili, ac præsertim ex l. non dubium §. Cod. de leg.  
bium. ubi expresse dicitur: *Nullum enim pactum, nullam conventionem, nullum contra-  
ctum inter eos videri volumus subsecutum, qui contrahunt lege contrahere prohibente.* Quod ad omnes etiam legum interpretationes tam veteres, quam novellas trahi genera-  
liter imperamus, ut legislatori, quod fieri non vult, tantum prohibuisse sufficiat, cæte-  
raque quasi expressa ex legis liceat voluntate colligere: hoc est, ut ea quæ lege fieri pro-  
hibentur, si fuerint facta, non solum inutilia, sed pro infectis etiam habeantur, licet legis-  
lator fieri prohibuerit tantum, nec specialiter dixerit, inutile esse debere, quod factum  
est. Sed & si quid fuerit subsecutum ex eo, vel ob id, quod lege interdicente fa-  
ctum est, illud quoque cassum atque inutile esse præcipimus. Secundum itaque præ-  
dictam regulam, qua ubicunque non servari factum, lege prohibente censuimus,  
certum est, nec stipulationem hujusmodi tenere, nec mandatum ullius esse momenti,  
nec sacramentum admitti.

Hanc legem integram apponere placuit: quia quot verbis, tot solari-  
bus radiis scripta esse videtur, ut adeo omne effugium sit præclusum. Hinc  
caus. 13. q. 2. can. 13. dicitur: *Constitutione Imperiali aperte sancitum est, ut,  
quæ contra leges fiunt, non solum inutilia, sed etiam pro infectis habenda sint.* Et  
l. 6. C. de pactis: *Pacta, quæ contra leges constitutionesque fiunt, nullam vim  
habere, indubitati juris est.* Videtur consentire reg. 64. in 6. ibi: *Quæ contra  
jus fiunt, debent utique pro infectis haberi.* Qui textus adeo clari sunt, ut mirum  
non sit, plurimos Legistas cum Baldo, atque non paucos Canonistas in  
eam abiisse sententiam, omnem legem prohibentem esse etiam irritantem.

## §. II.

### Rationes decidendi.

65.  
Lex natu-  
ræ prohi-

In tanta doctrinæ, legumque, ut apparet, contrarietate cenfeo. 1. Quod  
lex naturalis non omnem actum irritet, quem prohibet. Sic enim pro-  
hibet

hibet matrimonium stante voto simplici castitatis, aut stantibus sponsa-  
libus cum alia, uti etiam venditionem ejusdem rei secundo factam, &  
tamen hæc non irritat. Quia tale matrimonium aut venditio non est ex  
se vel suo objecto turpe, sed tantum ratione circumstantiarum extrinse-  
carum, nempe ratione voti, vel sponsalium, vel prioris venditionis, quæ  
non adimunt potestatem contrahendi. Igitur tunc tantum jus naturale  
actum irritat, quando in agente est defectus potestatis: ut si quis donet  
rem alienam. Aut quando actus perpetuam continet malitiam intrinse-  
cam, vel objectum ipsum actus vel contractus de se sit turpe: ut pactum  
de fornicatione committenda, accipiendis usuris &c. & ejusmodi actus  
nullum jus positivum potest validare: quia jus naturale positive eos  
invalidat.

Censéo 2. Quod jus Canonicum varios actus prohibeat, quos ta-  
men non irritat, & hoc probant rationes & exempla allata pro prima sen-  
tentia. Nam ante Tridentinum matrimonium clandestinum a jure Ca-  
nonico erat prohibitum, non tamen irritatum, uti etiam professio Reli-  
giosa ante absolutum annum Novitiatus. Et hodieum susceptio SS.  
Ordinum omnibus irregularibus a jure Canonico est prohibita, uti etiam  
matrimonium, non præmissis denuntiationibus, & tamen tam susceptio  
ordinum, quam tale matrimonium est validum. Et habetur clara deci-  
sio juris Canonici cap. 16. cit. quod nempe multa prohibeantur fieri, quæ  
tamen facta obtineant roboris firmitatem.

Unde quando reg. 64. dicitur, quod debeant pro infectis haberi, quæ  
contra jus fiunt, id intelligendum est de jure irritante: nempe pro infe-  
ctis habenda esse, quæ fiunt contra jus irritans, vel quæ fiunt contra jus  
naturale prohibens intrinsece mala.

Censéo 3. Per se & ex natura rei per meram prohibitionem positi-  
vam actum nunquam irritari. Nam etiam hoc probant rationes pro pri-  
ma sententia allatæ: nam verbum *prohibere* non significat *irritare*: cum val-  
de diversa, & per se non connexa sint: sicut etiam esse *illicitum* & esse  
*invalidum*, omnino diversa sunt: ut patet in exemplis allatis. Cumque  
irritatio actus sit odiosa, utpote auferens potestatem & libertatem vali-  
de agendi, a jure naturali permissam: verbum *prohibendi* per se est stri-  
ctæ interpretationis, adeoque non debet extendi, per se loquendo, ad  
effectum *irritandi*, quem non significat. Dixi autem *per se loquendo*,  
nam

66.  
Per se aliud  
est prohibere  
aliud irritare.

Censéo 4. De jure civili, quæ prohibentur, irrita esse, nisi aliunde  
constet de mente legislatoris, quod tantum voluerit prohibere, non au-  
tem irritare. Hoc enim evincunt clarissimi textus ex jure civili allati,  
præsertim ex lege non dubium: ubi manifeste dicitur, actum pro infe-  
ctis habenda esse, quæ fiunt contra jus irritans, vel quæ fiunt contra jus  
naturale prohibens intrinsece mala.

67.  
De jure ta-  
men civili  
quæ prohi-  
bentur regu-  
latur.



lariter etiam  
irritantur.

Non esse habendum, licet legislator prohibuerit tantum, nec specialiter dixerit in utile esse debere, quod factum est. Ergo vi hujus legis, nisi aliunde constet, quod legislator voluerit tantum prohibere & non irritare, censendum est, eum prohibendo, simul velle irritare; licet alias prohibitio non significet irritationem. Hinc Imperator præmisit hæc verba: *Non dubium est, in legem committere eum, qui verba legis amplexus contra legis nititur voluntatem.* Quasi diceret: verbum prohibendi non quidem significat irritationem, mens tamen legislatoris est, simul etiam irritare dum prohibet: nempe, nisi aliunde constet, quod noluerit actum irritare. Sicut constat, quod noluerit irritare sententiam sub conditione latam, licet illam prohibuerit. Et sic semper constat, quod noluit irritare, quando habetur lex, quæ actum aliquem in specie prohibet, agnoscit tamen ut validum.

Putant quidem plures DD. per legem *non dubium*, aliasque, non irritari actus prohibitos, sed tantum præcipi iudicibus, ut irritentur per sententiam, hocque existimant, se colligere ex verbis hujus legis: *Nec penas insertas legibus evitabit* (per sententiam iudicis infligendas) nullum contractum inter eos *videri volumus subsecutum* (nempe iudici) pro *infectis habeantur* (a iudice) *casum esse præcipimus* (hoc est cassari in iudicio) verum an lex cit. non plus velit, ex eo videtur dubium, quod in fine dicit, si lex prohibet, *nec stipulationem tenere*, nec mandatum *ullius esse momenti*. Et l. 6. *cod. de pact.* quæ contra leges, constitutionesque fiunt, *nullam vim habere*. Quæ expressiones viderentur falsæ, si actus a lege civili prohibiti, essent validi, donec per sententiam irritentur: tunc enim *tenere*: non essent nullius momenti, haberent vim. Plane similes expressiones videntur indicare irritationem ipso jure.

68.  
Requiritur  
tamen sen-  
tentia decla-  
ratoria iudi-  
cis.

Fortassis melius salvaretur lex *non dubium*, aliæque, si diceretur, quæ a jure civili prohibentur, regulariter ipso jure esse irrita (nempe nisi aliunde constet, quod legislator noluerit irritare actum aliquem specialem) quia tamen irritatio ista videtur esse pœnalis, ut docet Suarez l. 5. *de leg. c. 28.* cum ex prohibitione violata procedat, requiri sententiam declarationem iudicis, qua nempe non irritet, sed irritos esse declararet. Sic enim salvantur, per mediam velut viam, verba illa legis actus prohibitos *non tenere*: nullius esse momenti: nullam vim habere: cum sint ipso jure irriti, & sententia declaratoria retrahatur ad ipsum tempus contractus initi, sicque omnes effectus contractus enervet. Simul tamen etiam salvantur alia, quibus dicitur: *Pœnas insertas legibus non evitabit* (post declarationem iudicis) *nullum contractum videri volumus subsecutum* (quia ipso jure est nullus, & volumus illum a iudice declarari nullum) *pro infectis habeantur* (per sententiam declaratoriam nullitatis) *casum esse præcipimus* (cassum

(cassum declarari præcipimus). Plane legum contrarietas optime videtur evitari, si dicatur, quæ contra legis prohibitionem fiunt, inutilia, infecta & sine viribus æstimanda ac declaranda esse a iudice, ita quidem, ut ipso jure sint nulla, sustineantur tamen interim quoad effectum usque ad sententiam declaratoriam: quæ omnes effectus etiam præteritos enervat.

## §. III.

Respondetur rationibus dubitandi.

**N**eque dicas: Si contractus ipso jure est nullus, nullum dat jus, nec transfert dominium: adeoque, qui per talem contractum aliquid accipit, vel possidet, tenetur ante omnem sententiam illud tanquam alienum restituere. Nam

Resp. Si pænæ, ipso jure latæ (qualis est irritatio ex prohibitione proveniens) externam aliquam executionem requirant, ad obligationem in conscientia inducendam, requiritur sententia declaratoria: usque ad quam lex suspendit effectum irritationis: ut contingit regulariter in amissione domini, privatione beneficii aut fructuum beneficialium, confiscatione bonorum juxta *c. cum secundum leges 19. de heret. in 6.* ubi bona hæreticorum ipso facto dicuntur amissa, & tamen executio suspenditur usque ad sententiam judicis ecclesiastici declaratoriam criminis. Ergo simile quid videtur etiam dici posse in casu nostro, in quo irritatio pariter est pœnalis propter prohibitionem. Unde accipienti aliquid ex tali pacto permittitur interea detentio & usus rei, præsertim si alter non repetat, donec judex ferat sententiam declaratoriam. Alias enim frustra jura hanc sententiam declaratoriam criminis requirerent, si jam antecederet daretur obligatio legem irritantem pœnalem exequendi.

Dices: Licet jus civile eum, qui aliquid accipit ex pacto, a jure irritato in pœnam, non obliget directe ad restitutionem ante sententiam declaratoriam criminis, jus tamen naturale jam ante illam in conscientia obligat ad restitutionem, quia detinet rem alienam, cujus dominium nunquam est consecutus.

Respondetur ad hanc difficultatem: Licet lex pœnalis ipso facto actum prohibitum irritet, tamen hæc irritatio nondum est omnino absoluta & completa ante sententiam declaratoriam criminis; sed decernitur irritatio pro casu & tempore, quo judex declarabit, crimen esse commissum, cui a jure annexa est irritatio. Quare ante hanc declarationem accipiens aliquid ex pacto, lege prohibito, consequitur interim jus, nec tenetur restituere ante sententiam judicis declaratoriam criminis; quia videlicet



irritatio actus respicit hunc eventum & hoc tempus, & est quodammodo conditionata, si nempe de delicto juridice constiterit.

Quo tamen non obstante *ipso jure* talis actus dicitur irritus: quia non requiritur sententia condemnatoria, qua iudex actum irriter, sed pro casu, quo iudex declarat, crimen esse commissum, ab ipsa lege est irritatus: & ita quidem, ut sententia declaratoria, facta a iudice, & irritatio facta a lege, fictione juris retrahatur ad tempus commissi criminis, atque ad rem una cum fructibus restituendam pro utroque foro obliget. Unde merito dici potest, poenam incurri *ipso jure*, aut *ipso facto*. Deinde licet lex prohibens actum (a jure naturali non annullatum, de quo solo loquimur) ante declarationem delicti non obliget ad rem restituendam, per ejusmodi actum acceptam, vel ad abstinendum ab ejus usu, diminuit tamen & infirmat potestatem illa utendi pro lubitu, e. g. illam destruendi, alienandi &c. quia scilicet tenetur in casum sententiæ declaratoriae rem cum emolumentis restituere, ut fuse docet Suarez de leg. lib. 5. per plura capita.

#### Exempla.

Exempla hujus doctrinæ ipsum etiam jus Canonicum nobis supple-  
ditat. Sic *c. cum secundum leges* 19. de Hæret. in 6. dicitur, licet bona hæreticorum *ipso jure* sint confiscata, non tamen licitum esse dominis temporalibus ipsorum bona fisco inferre ante sententiam declaratoriam criminis, a Iudice Ecclesiastico factam. Ex quo DD. passim inferunt, hæreticos posse interim bona retinere, donec pronuntietur sententia declaratoria criminis.

Aliud exemplum affert Suarez l. c. cap. 8. ex Conc. Trid. sess. 22. c. 11. de reform. ubi fertur *ipso jure* poena privationis juris patronatus contra laicos patronos, & privationis beneficiorum contra usurpantes bona Ecclesiarum; & tamen per illam legem non obligantur statim hi delinquentes ad se spoliandos.

71.  
Aliud si lex  
irritans ex-  
cluderet  
etiam sen-  
tentiam de-  
claratoriam.

Et videtur confirmari usu & praxi, qua constat, non statim oriri obligationem ad poenæ executionem, quatenus ex ministerio delinquentis pendet; licet lex dicat, poenam *ipso jure*, vel *ipso facto* incurri. Hæ enim voces tantum excludunt sententiam condemnatoriam iudicis, non autem declaratoriam. Aliud esset, si adderentur voces, etiam sententiæ declaratoriae exclusivæ, quibus e. g. diceretur, actum *ipso jure* esse nullum absque ulla declaratione: ante omnem sententiam: sine omni ministerio iudicis: sine omni monitione &c. tales enim clausulæ satis indicant, mentem legislatoris esse, ut actus statim sit nullus, statimque *ipso facto* lex obligatio-  
nem imponat, nulla expectata sententia.

Exemplum habemus ex *c. licet canon de elect. in 6.* ubi recipiens benefi-  
cium parochiale, si intra annum sua culpa non suscipiat ordinem pres-  
byte.

byteratus, nulla etiam monitione præmissa privatus esse decernitur Ecclesia sibi commissa. Unde statim tenetur renunciare beneficio. Sic etiam in *extrav. ambitiose de reb. Eccles. non alien.* bona suarum Ecclesiarum alienantes privantur suis beneficiis ipso facto, & absque alia declaratione.

Si autem ejusmodi clausulæ speciales non adduntur, regulariter irritatio pœnalis non incurritur, nisi post sententiam declaratoriam, si executio pœnæ requirit exercitium positivum delinquentis. Dico *regulariter*; excipiuntur enim, ut alias dictum, censuræ latæ sententiæ &c. item si lex fieret inutilis, nisi statim ante omnem sententiam irritet vel obliget, fatendum utique est, illam statim irritare. Sic irregularitas statim incurritur, licet lex non addat specialem clausulam: imò licet utatur his vocibus, *fiat aut fiet irregularis*. Quia irregularitas regulariter tantum a jure statuitur, non autem ab homine. Item si lex diceret: *usurarius sit infamis*, juxta multos ipso facto fieret infamis, cum per sententiam judicis non posset irrogari infamia; eo quod solvens usuras non posset agere actione famosa, sed tantum conditione indebiti. Sic etiam leges statuentes impedimenta matrimonii dirimentia, licet tantum utantur verbo *prohibendi*, ex mente tamen Ecclesiæ statim ante omnem sententiam irritant: quia si matrimonium aliquando valeret, per nullam amplius sententiam posset irritari, rescindi, aut irritum declarari.

Haftenus autem dicta intelligenda sunt de casu, quo executio pœnæ requirit actionem positivam delinquentis, aut privat jure jam quæsito. Si enim lex inducit aliquam inhabilitatem, e. g. lex statuens irregularitatem, quæ facit inhabilem ad suscipiendos sacros ordines, & ad usum susceptorum, aut lex inhabilitans ad acquirendum beneficium Ecclesiasticum &c. regulariter ante omnem sententiam habet suum effectum, si lex dicat, inhabilitatem incurri ipso jure, aut ipso facto. Quia talis lex non privat jure jam quæsito, sed primum acquirendo.

## Q U Æ S T I O X.

*Quomodo lex obliget.*

**R**esp. Lex eo modo obligat, quo legislator eam vult obligare; nam ab ejus voluntate dependet vis obligativa legis. Mens autem legislatoris colligitur ex tenore legis, ex fine, materia, pœna adjecta, judicio prudentum &c.

In materia autem gravi regulariter censetur graviter obligare. Posset tamen lex positiva leviter obligare, etiam in materia gravi. Cum enim legislator posset nullam legem ferre, posset etiam ferre legem, tantum leviter obligantem. Dixi autem *lex positiva*: nam lex naturalis in materia gravi

72.

Irritatio pœnalis regulariter non incurritur ante sententiam, si requiritur exercitium positivum.

Aut quando privat jure jam quæsito.

73.

Quando graviter obliget.



gravi necessario obligat graviter. Imo in multis ne quidem potest dari parvitas materiæ, e. g. in blasphemia, in odio aut contemptu formali Dei, in perjurio, in simonia stricte dicta, in actibus venereis &c. quia semper manet ratio & necessitas graviter prohibendi.

In materia autem levi lex per se obligat leviter; nisi nempe ex fine legis, aut circumstantiis aliud colligatur. Sic præceptum datum Adamo de non comedendo pomo, & sigillum sacramentale etiam circa rem de se levem, graviter obligat. Cæterum in dubio, an graviter vel leviter obliget, præsumi potest, quod leviter obliget: quia libertas est in possessione.

Quæres, an lex obliget, ut ejus materia ponatur cum intentione satisfaciendi legi, aut eam implendi.

74.  
Non requiritur intentio satisfaciendi legi.

Resp. Hanc intentionem non esse necessariam. Quia lex tantum præcipit positionem materiæ seu actus. Unde licet nescias esse diem festum, si tamen audisti missam, satisfecisti præcepto illam audiendi. Quia lex non aliud præcipit, quam auditionem missæ. Hinc etiam satisfaceres, licet nolles per illam auditionem satisfacere. Non enim est in potestate operantis non satisfacere, si faciat id, quod præceptum est. Licet ergo alias dicatur, quod actus non operentur ultra intentionem operantium, tamen hoc tantum verum est tunc, quando in potestate operantis est satisfacere, vel non satisfacere. Sic e. g. per donationem non solvis debitum. Econtra ebrius solvendo satisfacit debito. Quando autem lex præcipit actum poni modo humano, nempe cum applicatione intellectus & voluntatis, ut lex de audienda Missa, recitando Breviario, administratione Sacramentorum &c. non sufficeret ista ponere in ebrietate.

75.  
Uno actu impleri possunt plura præcepta.

Quæri etiam solet, an uno actu possit satisfieri pluribus legibus, talem actum præcipientibus? Ad quod respondetur, per se loquendo satisfieri, nam si quis ponat actum, quem plures leges jubent ponere, ponit totum id, quod præcipitur. Sic si incidat festum in Dominicam, satisfacis audiendo unam Missam: sicut etiam uno jejunio, si privilegium incidat in quadragesimam. Imo etiam eodem tempore satisfieri potest pluribus diversis legibus, diversos actus præcipientibus: si e. g. audiendo Missam die festo recites Breviarium.

Nisi aliud constet de mente legislatoris.

Dixi autem *per se*: nam si de mente legislatoris aliud constaret, quod e. g. intendat præcipere actum specialem, ad quem alias nulla detur obligatio, tunc non satisfieret pluribus legibus per unum actum. Uti etiam si per unum actum non satisfieret motivo legum, aut rationi formali, sub qua obligant. Sic, si debes centum ex mutuo, & centum ex empto, non satisfacis debito utrique solvendo centum: quia scilicet non satisfacis utrique motivo seu causæ debendi.

Cæterum leges universim specificantur, seu speciem suam & naturam acci-

accipiunt [ab] objecto suo formali, seu a motivo, propter quod feruntur. Et hinc etiam transgressiones legum, seu peccata specificantur ultimato per motiva legum, ita ut illa peccata specie morali differant, quæ sunt contra diversas leges, sub diverso motivo ac ratione formali obligantes.

Quando autem uno actu violantur plures leges, probabilius unum tantum peccatum committitur, idque non tantum, quando plures leges sub eodem motivo obligant, ut quando lex naturalis, positiva Divina, ecclesiastica & civilis furtum simplex prohibent, sed etiam quando leges sunt diversæ, sub diversa ratione formali obligantes, tunc enim pariter unum tantum peccatum committitur, quod per contrarietatem cum diversis legibus speciem suam moralem accipit, e. g. furtum in templo, quod ex contrarietate cum præcepto prohibente furtum, & cum præcepto prohibente sacrilegium constatur, ita ut tertia species furti sacrilegi resultet, ac proin necessario in confessione explicanda.

Sic etiam plures insignes Theologi docent, si actus sit unicus, licet feratur in plura objecta totalia, unicum committi peccatum, e. g. si uno actu decernat, centum homines occidere, aut actu uno occidat centum, una e. g. tormenti explosione. Non enim apparet, unde multiplicitas moralis oriatur? cum neque subiectum peccati, nempe actus, neque forma illius, seu libertas multiplicetur; & alias dicendum videretur, quod etiam uno actu furatus centum aureos, centum peccata committat, quod nemo facile dixerit.

### CAPUT III.

*De subiecto legis.*

#### SUMMARIUM.

1. Lege naturali obligantur omnes & soli rationis compotes: Ecclesiastica vero soli baptizati: etiam hæretici.
2. Non tamen pueri ante septennium: a penis vero ordinariis regulariter excusantur ante pubertatem.
3. Legislator neque vi directiva obligatur a suis legibus: obligatur tamen regulariter a jure naturali, decencia & equitate eas servare.
4. Aliud tamen est in statu republicæ aristocratico aut democratico, in quo quisvis conlegislator obligatur.
5. Eodem fere modo, quo legislator, obligantur etiam Clerici legibus civilibus, quæ eorum statui non repugnant.
6. Peregrini non obligantur legibus particularibus sui domicilii.
7. Exeundo in locum dispensatum potest se quis eximere ab obligatione legis.
8. Non



8. Non tamen licet observationi legis impedimentum ponere.
9. Præcepta tamen personalia comitantur personam.
10. Tenemur statutis particularibus in loco etiam quasi domicilii.
11. Etiam peregrini tenentur legibus communibus, licet in eorum patria sint abrogatæ.
12. Peregrini variis titulis sunt subditi, & obligantur variis statutis particularibus.
13. Imo videntur regulariter obligari omnibus statutis localibus seu territorialibus, quia legislator vi superioritatis territorialis habet in eos jurisdictionem.
14. Conformitas & ordo reipublicæ id exigit.
15. Et legislator videtur satis exprimere suam intentionem generaliter ferendo legem: sicut si fert legem interdicti localis.
16. Subjiciunt etiam se ipsos peregrini jurisdictioni territoriali, ingrediendo alienum territorium.
17. Explicatur L. hæres. permittique potest, quod mere transiens non obligetur statutis localibus.
18. Quoad aliqua autem e. g. ad conferendos sacros Ordines, requiritur ex dispositione juris specialis subiectio.
19. A fortiori obligantur vagi statutis locorum, per quæ transeunt.
20. Præter modos speciales sortiendi forum, ratione domicilii, contractus, delicti, rei sitæ, dantur etiam generales; qualis est ingressus in territorium.

<sup>1.</sup>  
Quinam ob-  
ligentur lege  
naturali, Subjectum legis sunt subditi, qui per legem obligantur. Et quidem *legem naturalem* omnes obligantur, rationis compotes, postquam nempe per *lumen* rationis lex ipsis est promulgata: non vero infantes & amentes (qui usu rationis carent) propter defectum promulgationis, ac libertatis moralis.

Legibus ecclesiasticis.

Obligantur etiam hæretici.

Legibus item ecclesiasticis ne quidem in actu primo obligantur Ethnici, Mahometani, Judæi: alique infideles, non baptizati, quia non sunt subditi Ecclesiæ: tenentur tamen jure Divino baptismum petere, & per eum ingredi Ecclesiam. Econtra hæretici, qui per baptismum ingressi sunt Ecclesiam, obligantur ejus legibus, licet per hæresin se separarint ab Ecclesia: quia rebellio non eximit eos a subiectione: nec digni sunt, ut Ecclesia eos eximat. Quod autem leges Ecclesiæ non servant, sed contemnant, sicque sibi noceant, est per accidens, & nequaquam legibus, quæ sunt rationabiles, sed ipsorum culpæ ac perverfitati est adscribendum. Ipsa præcepta Decalogi violantur a pluribus, nec tamen desinunt obligare, & esse rationabilia.

Pueri vero, licet forte jam ante ad usum rationis pervenerint, non obligantur ante septennium completum legibus humanis. Imo nec im-  
 pto septennio (quo usus rationis alias præsumitur) obligantur statim  
 omnibus, sed iis, quæ eorum ætati ac judicio discretionis conveniunt.  
 Sic ad Sacramenta confessionis & communionis annuæ non statim pro-  
 miscue omnes admittuntur.

Minus adhuc incurrunt pœnas ordinarias, a jure statutas, saltem to-  
 tas, utpote quæ secundum jus civile regulariter mitigandæ sunt, quam-  
 diu sunt minores. De jure Canonico vero pœnas regulariter non  
 incurrunt ante annos pubertatis, excepta irregularitate propter homici-  
 dium, & excommunicatione propter percussione Clerici, & ingressum  
 in monasterium Monialium.

Disputari solet, an & quomodo legislator teneatur suis legibus? Do-  
 cent aliqui, eum teneri *vi directiva* suarum legum, quatenus obligant sub  
 culpa; non autem *vi coactiva*, quatenus obligant sub pœna. Verum neu-  
 tro modo obligatur legislator a suis legibus: eo quod soli subditi per le-  
 ges, etiam quoad vim directivam, obligari possint; legislator autem non  
 est suus subditus, nec suus superior, cum erga se ipsum nec superiorita-  
 tem, nec subjectionem habeat. Unde summus Pontifex per se ac dire-  
 cte non obligatur a legibus ecclesiasticis & SS. Canonibus: quia nec re-  
 spectu sui ipsius, nec respectu alterius Pontificis, qui legem tulit, est sub-  
 ditus: cum par in parem non habeat jurisdictionem. Ex quo inferunt,  
 validum fore matrimonium Pontificis, cum impedimento juris tantum  
 ecclesiastici contractum: sicut validum esset testamentum summi Princi-  
 pis, sine solennitate, a jure civili requisita, confectum.

Quamvis autem legislator non obligetur, saltem per se ac directe lege  
 sua, obligatione immediate orta ex lege, obligatur tamen eam servare ju-  
 re quodam naturali, atque ex decencia & æquitate, ut non præbeat scanda-  
 lum, sed exemplo præeat, & ut caput reipublicæ se conformet corpori,  
 æquitatem justitiæ commutativæ servet in contractibus initis, in quibus  
 privati instar habetur. Unde licet matrimonium Papæ esset validum, esset  
 tamen illicitum propter indecentiam & scandalum.

Caterum quando potestas legislativa communis est pluribus, ut in  
 republica aristocratica, aut democratica, aut in concilio vel capitulo ali-  
 quo contingit, quilibet conlegislator tenetur lege, a toto corpore lata; quia  
 quilibet est subditus totius corporis.

Eodem ferme modo, quo leges proprie legislatorem non obligant, di-  
 cuntur etiam Clerici non obligari legibus civilibus, neque *vi directiva* nec  
 coactiva, atque ne quidem tunc, quando ipsis sunt favorabiles, nisi quate-  
 nus Pontifex illas acceptavit, & approbavit per SS. Canones. Ratio est:

Pars I.

N

quia



quia Clerici non sunt subditi Potestatis secularis, tenentur tamen ex decen-  
tia & æquitate naturali se conformare communitati in commerciis, in taxa-  
to rerum pretio, contractibus, aliisque, quæ eorum statui, SS. Canonibus,  
& immunitati ecclesiastica non repugnant, uti etiam concurrere ad  
communes impensas, conservationes viarum, pontium &c. si pro bonis  
suis temporalibus commodum ex iis hauriant.

Et Religiosi?

Pariter Religiosi exempti legibus Episcopalibus per se non obligan-  
tur, hoc ipso, quod a jurisdictione Episcopi sint exempti; exceptis iis ca-  
sibus, in quibus non sunt exempti, quorum plures refert Chockier. Dixi,  
*per se*, nam si ratio scandali, aut boni publici observationem legis exige-  
ret, jure naturali obligarentur.

Disputari autem hic maxime solet, an, & quomodo peregrini obligen-  
tur. Et quidem certum, indubitatumque est, eos obligari legibus natu-  
ralibus ac Divinis, ubicunque versentur, uti etiam legibus ecclesiasticis  
communibus, pro tota Ecclesia latis; nisi versentur in loco, ubi sunt abro-  
gata vel dispensata. Possunt enim se conformare incolis loci, ad quem  
perveniunt, ac favore locali frui. Verum hoc magis examinandum est.

### CONTROVERSIA I.

*An peregrini obligentur legibus sui domicilii?*

6.  
Peregrini  
non obligan-  
tur legibus  
particulari-  
bus sui  
domicilii.

**R**esp. Non tenentur legibus particularibus sui domicilii: nam illæ se  
non extendunt extra territorium legislatoris; quod solum statuta lo-  
corum respiciunt. Ratio est: quia legislator extra suum territorium non  
habet jurisdictionem, unde c. 2. de constit. in 6. dicitur: quod *extra ter-  
ritorium jus dicenti impune non pareatur*. Ubi quidem explicite tantum dici  
videtur, quod egressus extra territorium legislatoris a pœna sit immunis,  
passim tamen a DD. intelligitur de immunitate etiam a culpa: cum sit ea-  
dem ratio, nempe defectus jurisdictionis in legislatore extra ejusdem ter-  
ritorium; propter quem defectum extra suum territorium neque sub cul-  
pa neque sub pœna obligare potest.

An possit se  
conformare  
loco, in quo  
versatur.

Ex quibus inferitur, non obligari te ad Missam audiendam, aut jeju-  
nandum, si in loco, in quo versaris, non sit dies festus aut dies jejunii, li-  
cet in patria tua sit talis. Item, licitum esse Germano, Mediolani qua-  
tuor primis diebus quadragesimæ, & in Belgio sabbatis intra festum Nati-  
vitatibus Domini, & festum Purificationis B. V. vesci carnibus, quia ibidem  
est licitum.

7.  
Licitum est  
exire in lo-  
cum di-  
spensatum,

Imo si in Diœcesi tua, e.g. Brixinensi non esset dispensatum tempore  
quadragesimæ in comestione carnis, esset autem dispensatum in Diœcesi  
Tridentina aut Curienfi, posses eo te conferre, ut carnibus vesci possis.  
Qui enim utitur jure suo, non agit in fraudem legis, legislator autem non  
prohi.

prohibet egressum ex Diœcesi Brixinensi, nec intentionem, in Diœcesi dispensata vescendi carnibus. Propter eandem rationem, si in loco tui domicilii esset dies festus, posses exire in locum, ubi non est, ibique vacare labori servili, neque teneberis ibidem audire Missam: quia scilicet ibi non est dies festus.

Dices: Non licet impedimentum ponere legi, ejusque observationi; alias liceret die festo toto tempore antemeridiano somnum capere & sacerdoti naviganti licitum esset, Breviarium in mare projicere, ea intentione, ut observatio legis fiat impossibilis. Ergo neque licitum est, exire ex loco tui domicilii, ut obligationem jejunandi evadas.

Resp. n. c. disparitas est: quia dormiens, & Breviarium projiciens manent legi subiecti, utpote quæ publice est promulgata, & ad omnes fertur: adeoque non licet impedimentum ponere observationi legis; imo datur obligatio adhibendi media ordinaria & necessaria, ut lex observetur. Econtra egressus in locum, ubi non est dies jejunii, aut festi, non manet subiectus legi, cum nulla lex jejunii pro eo loco sit lata, aut sit abrogata, vel dispensata, consequenter in eo loco non tenetur jejunare. Et hinc longe aliud est, facere aliquid, per quod te omnino eximas a lege, ita ut respectu tui omnino cesset, e. g. petendo dispensationem, exeundo e loco, in quo lex obligat, ita laborando ac te defatigando, ut non amplius tenearis jejunare &c. Et aliud, manente lege respectu tui, voluntarie ponere impedimentum ejus observationi; quod nunquam licet. Verbo: licet facere, ut lex cesset: non licet facere, ut stante lege, eam non possis implere: seu, licet legem evitare, non licet contra illam agere. Et hinc etiam teneris legis impletionem antevertere, si prævideas postea non posse impleri, ut contingit in audienda Missa, recitando Breviario, Communione paschali &c. quia scilicet impedimentum superventurum non tollit legem.

Aliud esset, si legislator universalis prohiberet specialiter exire ea intentione, ut lex evitetur, prout Urbanus VIII. speciali decreto prohibuit exire ad locum, ubi Tridentinum non est promulgatum, ad contrahendum ibidem clandestine matrimonium: nam tale matrimonium irritavit.

Aliud item esset, si præceptum non esset *locale*, seu afficiens certum locum ac territorium, sed *personale*, inhærens ipsi personæ, in quam legislator habet jurisdictionem, non præcise ratione territorii, sibi subiecti, sed ita, ut persona ipsi immediate sit subdita: nam tunc præceptum superioris personam, ubicunque esset, afficeret. Sic, si aliquis ab Episcopo excommunicetur, licet egrediatur ex illius Diœcesi, manet

8.  
Non tamen  
licet obser-  
vationi legis  
impedimen-  
tum ponere.

9.  
Aliud est de  
præceptis  
personalibus.



Hæc enim  
comitantur  
personam.

tamen excommunicatus, debetque a communione cum fidelibus abstinere. Idem dicendum, si Episcopus alicui Clerico imponat præceptum non ludendi aleis, aut absenti Clerico præcipiat, ut redeat, & in loco sui beneficii resideat: aut si superior regularis imponat Religioso præceptum. Nam in his casibus ipsa persona *ratione sui* (& non tantum ratione territorii) superiori est subdita, adeoque etiam absenti præceptum imponi potest, eumque comitatur, quocunque se conferat.

Idem contingit etiam in præceptis, particularibus personis impositis a superiore sæculari; nam hæc obligant illas etiam extra territorium Principis, ut patet in militibus, legatis &c. qui tenentur exequi mandata sui Principis, licet extra illius territorium existant: sicut filius tenetur obsequi mandato patris sui, etiam absentis. Quia scilicet in his, aliisque ejusmodi casibus, persona ipsa ratione sui specialiter est subiecta superiori, utpote qui in personam habet potestatem dominativam vel jurisdictionem specialem.

Contra vero, quando aliquis non ratione suæ personæ, sed ratione loci vel territorii tantum est subditus, extra territorium illud non obligatur statutis aut legibus particularibus illius territorii. Et hinc quia leges feruntur, regulariter saltem, a Principibus vi superioritatis & jurisdictionis territorialis, non egrediuntur extra limites territorii.

Imo, si quis præcise ratione territorii est subditus, extra illud non manet subditus: (quia cessante causa cessat effectus) nisi superior universalis, e.g. summus Pontifex quoad aliquos effectus faciat subditum; sicut e.g. peregrinum in ordine ad suscipiendos sacros ordines facit subditum Episcopo suæ originis, aut domicilii; vel, nisi superior territorialis, dando tacite vel expresse potestatem delegatam, faciat subditum, uti censetur contingere, quando e.g. civis Oenipontanus, cum suo Parocho extra Parochiam & Diœcesin peregrinatus, ab eodem absolvitur.

## CONTROVERSIA II.

*An peregrini obligentur statutis particularibus loci, in quo versantur?*

10.  
Teneris statutis loci, in quo habes domicilium aut quasi-domicilium.

Certum est primo, quod illi, qui ex sua patria alio migrarunt, ibique stabile fixerunt domicilium, teneantur statutis etiam & consuetudinibus particularibus illius loci. Quia non sunt peregrini, sed incolæ ac subditi illius loci ratione *domicilii* ibidem fixi, cum animo stabiliter in eo habitandi. Idem extenditur etiam ad eos, qui in aliquo loco habent *quasi-domicilium*, hoc est cum animo, per notabile tempus, e.g. per majorem anni partem ibi habitandi, ut studiosi, ad Academiam aut Gymnasium

sum aliunde adventantes, Milites præfidiarii, Mercatores quidam & Opifices. Nam etiam isti obligantur statutis localibus illius territorii, nisi specialiter eximantur.

Certum est secundo, quod etiam peregrini, qui nempe nec domicilium, nec quasi-domicilium in loco aliquo habent, sed præcise trans-eunt, aut brevi tempore ibi morantur, obstringantur legibus communibus seu universalibus, ecclesiasticis & civilibus, si in loco, ad quem perveniunt, usu receptæ vigeant: sive deinde in eorum patria, aut in loco eorum domicilii vigeant, sive non vigeant. Ratio est quia legibus communibus omnes tenentur, nisi in loco, in quo quis verietur, sint obrogatæ, aut dispensatæ. Licet ergo in patria tua sint abrogatæ, ibique degens iis non stringaris; si tamen e loco illo excedis, non poteris amplius frui favore locali patriæ tuæ, tenerisque legibus communibus, si in loco, ad quem pervenis, vigeant. Sic licet in Diœcesi tua pro quadragesima in comestione carnis sit dispensatum, si tamen in aliam Diœcesin prævenias, in qua non est dispensatum, teneris a carne abstinere ac jejunare ratione legis communis jejunii. Item Mediolanensis transiens per Germaniam tenetur etiam primis quatuor diebus quadragesimæ abstinere a carnibus, uti etiam Belga sabbatis intra Nativitatem Domini, & festum Purificationis: licet in ipsorum patria contraria consuetudo vigeat.

Certum est tertio, quod etiam peregrini possint fieri subditi illius loci, per quem transeunt, ratione contractus, delicti, ac rei sitæ. Unde si ratione horum ibi conveniantur, tenentur judicem illius loci agnoscere, ac judiciis secundum illius loci statuta, ac consuetudinem se sub-jicere.

Certum est quarto, quod etiam peregrini teneantur legibus particularibus & consuetudine locorum, quibus regulantur contractus, taxantur pecuniæ, ac rerum pretia. Item illis, quibus prohibentur inferri aut efferri certæ merces, aut rebus invehendis aut evehendis imponuntur certa vestigalia, telonia &c.

Certum denique est quinto posse a Magistratibus locorum specialia statuta condi pro peregrinis, quibus isti obligantur.

Quamvis autem in istis DD. facile conveniant, magna tamen inter eos fervet disceptatio, an allata tantum sint exceptiones a communi regula; an vero potius statuenda sit regula contraria, quod nempe peregrini simpliciter obligentur peculiaribus legibus ac consuetudinibus loci, in quo ad breve tempus morantur. Nam obligari eos docent Suarez, Vasquez, Navarrus, Palao, Salas, Henriquez, König, Schmier, Zoesius *de constit. n. 33.* Schambogen *eod. tit. n. 31.* atque in eandem propen-

II.  
Etiam peregrini tenentur legibus communibus.

Licet in patria eorum sint abrogatæ, aut dispensatæ,

12.  
Peregrini sunt subditi ratione contractus, delicti & rei sitæ. Multisque etiam particularibus legibus tenentur. Possuntque specialia statuta condi pro peregrinis.



pendet Covarr. lib. 4. var. c. 20. n. 8. imo Suarez lib. 3. de LL 33. n. 3. hanc sententiam vocat communem: citatque pro eadem Innoc. Hostiens. Panormit. Gemin. Sylvest. & ipsum etiam S. Augustinum, qui ut referatur Can. illa 11. §. at ille dist. 12. ad Januarium scribit: *Ad quamcunque Ecclesiam veneris, ejus morem serva.*

Pro sententia autem negativa citantur Rosella, Azor, Less. Sayr. Sanch. Laymann, Engl, Wiestner, Schmalzgruber, Pichler, Söll.

13.  
Imo peregrini obligantur omnibus statutis territorialibus.

Possit fortassis utrisque aliquid dari, ac dici, quod peregrini obligentur statutis territorialibus seu localibus, quæ nempe ratione territorii feruntur, sicque locum ipsum respiciunt & afficiunt, non vero statutis personalibus, quæ ratione civium aut incolarum feruntur, sicque non tam territorium, quam cives & incolas respiciunt & afficiunt.

Ratio ita distinguendi est: quia sicut potest Princeps vel Magistratus leges particulares ferre *personales* pro solis peregrinis, sic potest ferre leges *personales*, aut quasi personales, tantum pro civibus & incolis, quæ nimirum tantum cives & incolas concernant, non vero advenas & peregrinos; & tales defacto varias dari, non est dubium legenti statuta civitatum ac provinciarum. Alia enim concernunt incolas, alia peregrinos.

Contra vero statuta *realia* seu *localia*, quæ immediate respiciunt & afficiunt territorium, eique quodammodo adhærent, ac tantum ratione territorii personis indefinite & illimitate imponuntur, ista, inquam, statuta localia promiscue omnes obligant, sive sint incolæ, sive peregrini: nisi aliqui specialiter sint excepti & privilegiati. Ratio est, quia tales leges immediate respiciunt & afficiunt territorium: ergo mediante illo comprehendunt omnes in illo existentes.

Quia vi juris territorialis Princeps habet in eos potestatem jurisdictionis.

Neque opponas, peregrinos non esse subditos, neque Magistratum in eos habere jurisdictionem: nam imprimis dici potest, quod Magistratus habeat jurisdictionem ratione sui territorii in omnes existentes in suo territorio, si non sint specialiter exempti, peregrinos autem non esse specialiter exemptos. Et cur non possit Princeps simpliciter omnibus hoc vel illud in suo territorio prohibere vel præcipere? Deinde, quomodo potest Parochus peregrinum, in suam parochiam venientem absolvere in confessione, si non sit ei subditus, si nullam in eum habet jurisdictionem? quomodo potest Episcopus prohibere alieno sacerdoti, ne celebret Missam in loco, a se interdicto in sua Diœcesi? an non interdictum locale etiam peregrini servare debent? Si dicas, hoc interdictum esse locale, dico & ego, nobis sermonem esse de lege locali, quæ nempe directe ac immediate respicit territorium legislatoris, & mediante territorio omnes in eo existentes: nisi, ut sæpius dictum, aliquæ personæ specialiter sint exem-

exemptæ & privilegiatæ: sicut Clerici & Religiosi sunt exempti a jurisdictione territoriali Magistratuum sæcularium.

Rursus: quomodo sunt subditi peregrini, quando pro illis speciales leges feruntur, aut quando indefinite feruntur leges, quibus præscribitur forma contractuum, taxatur pecuniæ valor, ac rerum pretium, quibus prohibentur inferre, aut efferre frumentum, vinum, certasque merces, aut quibus imponuntur vectigalia aut telonia pro evehendis aut invehendis rebus?

Sicut ergo Adversarii hic dicere debent, quod Princeps vi juris territorialis possit his legibus etiam peregrinos obligare, & actu obliget, vel quod peregrini, ingredientiæ alienum territorium, censeantur se ipsos his legibus subicere. Sic etiam nos idem dicere possumus respectu omnium legum localium, quæ vi juris territorialis indefinite ac sine limitatione feruntur, atque immediate territorium respiciunt & afficiunt.

Aliud esset, si leges ferrentur immediate ratione certarum personarum, puta, civium aut incolarum, aut intentio legislatoris vel ex forma & tenore legis, vel ex materia præcepta, vel ex aliis circumstantiis colligeretur esse restricta ad solos incolas.

Si autem hoc colligi non possit, & lex illimitate loquatur, non apparet sufficiens ratio peregrinos excipiendi, cum verba legis non minus proprie eos comprehendant. Et cur, qui sentiunt favorem & commodum loci, non sentiant etiam onus? sed peregrini gaudent immunitate & commodo loci, e. g. dispensatione locali in jejuniis. Si dispensatio e. g. circa comestionem carnis, aut laborem servilem die festo, ita afficit locum, ut ea comprehendantur etiam peregrini, quamvis sit actus jurisdictionis, cur non etiam aliæ leges possunt locum ac territorium ita afficere, ut omnes in eo existentes comprehendant?

Neque dicas, dispensationem esse tantum actum jurisdictionis voluntariæ: nam satis ostensum est, jus territoriale non tantum jurisdictionem voluntariam complecti, sed etiam contentiosam, & quidem etiam respectu peregrinorum, ut patet in legibus contractuum, taxatione rerum & pecuniarum, impositione vectigalium, prohibitione evehendi frumentum &c.

Et quanta difformitas in una provincia, Diocesi, imo in una urbe &c. quando aliqui legibus obligantur, alii iis sunt soluti, alii diem festum debent agere, alii non, alii abstinere a labore servili, alii eidem vacare? quid magis difforme & conveniens, quam si aliquis peregrinus festo S. Cassiani aut S. Antonii Abbatis Oeniponti labore servili, triturando e. g. frumentum in area, aut findendo ligna in foro perstreperet?

14.  
Pax, ordo,  
& conformitas exigunt.



peret? an hoc conveniens, an licitum putem? At ratione scandali hic labor peregrino est illicitus, inquis. Ego vero non video, cur scandalum oriri aut possit, aut debeat, si populo constet, streperum ejusmodi hominem esse peregrinum, cui festo illo locali vacare fervili labori nequaquam sit interdictum. Si scandalo est, ex eo provenit, quod homines sint persuasi, omnibus in urbe esse prohibitum festo illo laborem fervilem exercere: sicut persuasi esse videntur, non esse licitum homini peregrino Catholico Oeniponti comedere carnes, si ibidem esset dies junii, quamvis tantum Diocesano statuto esset præceptum.

Certe ad uniformitatem, ordinem ac decentiam & ædificationem publicam plurimum facit, si etiam peregrini in actionibus suis se accommodent loco, ad quem perveniunt. Unde merito S. Augustinus loc. cit. dixit: *Ad quamcunque Ecclesiam venias, illius morem serva.* Ex quo etiam orta est illa gnome: *Si vivis Romæ, Romano vivito more.* Plane ista uniformitas, ordo ac decencia, contraria vero confusio, atque inconvenientia sufficiens ratio est, leges locales ferendi pro omnibus, in loco illo versantibus, adeoque censendum est, legislatorem lege sua omnes comprehendere, in quos jurisdictionem localem potest exercere: cum eadem sit ratio pro omnibus. Imo propter uniformitatem ipsi etiam Religiosi exempti obligantur servare festa Diocesana.

Unde hic locum non habent illa juris axiomata, quod in dubiis minimum sequi oporteat; quod contra eum, qui legem clarius dicere potuit, sit interpretatio facienda; quod in odiosis mitior pars sit eligenda: quod nulla obligatio sit asserenda, nisi probetur &c.

15.  
Legislator  
satis clare  
videtur in-  
tentionem  
suam expri-  
mere,

Nam si est statutum locale respiciens territorium, ac publice promulgatum, illimitate & absque omni exceptione latum, satis clare significat legislator, quod velit omnes obligare, etiam peregrinos, in suo territorio existentes, præcipue cum bonum publicum non minus exigit, eos lege comprehendere, quam incolas, & ex difformitate agendi oriatur confusio in republica. Sicut, qui fert interdictum locale, satis significat, etiam peregrinos teneri illud servare; consequenter neque peregrinum sacerdotem posse ibidem Missam celebrare. Sicut enim hoc interdictum respicit certum locum, sic etiam leges locales.

Sicut exprimit respectu incolarum, quamvis eos non nominet speciatim.

Plane si ejusmodi axiomata hic locum haberent, posset eodem jure dici, quod statutis particularibus obligentur tantum cives, non autem omnes incolæ, licet habeant ibi domicilium: neque ii, qui tantum habent quasi domicilium; nam istos lex non magis exprimit quam peregrinos. Ergo si minimum sequendum, si interpretatio facienda contra legislatorem, si mitior pars eligenda, dicere omnino oportet, solos cives lege

com-

comprehendi, non vero reliquos incolas. Quod cum nemo dicat, satis apparet, ejusmodi parœmias non bene applicari, quando lex est illimitata, fundata in jure territoriali, ac territorium respiciens, simulque bonum publicum, non minus exigit legem ferri etiam pro peregrinis, quam pro incolis. Nam quando lex non excipit, neque distinguit, neque nos debemus id facere. Unde relate ad omnes leges locales, vel peregrini ipso ingressu se subjiiciunt legibus loci, atque sic judici loci quasi prorogant in se jurisdictionem, vel legislator vi juris territorialis potest leges universales fere in omnes existentes in suo territorio, etiam independenter a propria subjectione peregrinorum: cum hoc ipso, quod alienum territorium ingrediantur, legibus illius localibus, & consuetudinibus receptis subjecti esse videantur: sicut ingrediens locum interdicto subjectum, hoc ipso obligatur servare interdictum.

Dicta proin axiomata locum habent, quando verba legis non sunt 16.  
*comprehensiva*, tunc enim in odiosis non debent extendi. In nostro autem Peregrini in-  
casu sunt comprehensiva; cum, ut dictum, omnes in territorio existentes gredientes  
eodem prorsus modo comprehendantur, & insuper ratio legis pro omni- territorium  
bus æqualiter pugnet. Non igitur hic sit extensio legis, sed illius acceptio tacite se sub-  
juxta literalem ac propriam omnino significationem & sensum, qui ad jiciunt juris-  
uniformitatem, ordinem ac publicam ædificationem est convenientior, & dictioni ter-  
consequenter legislatoris bonum publicum spectantis, intentione dignior, ritoriali.  
atque jurisdictioni territoriali honorificentior.

Sed oppones cum P. Antonio Söll l. *hæres absens* 19. ff. de *Judic.* ubi Neque obstat  
expresse dicitur, viatores non fortiri forum loci, per quem transeunt. l. *hæres.*

Resp. Hoc omnibus solvendum esse: nam certum est, quod peregrini  
fortiantur forum ratione delicti, & rei sitæ. Igitur in illa lege tantum  
modificatur aliquantum forum contractus, ac dicitur, quod, si quis aliquid  
emerit a mercatore advena, quem scit confestim inde discessurum, debeat  
illius domicilium sequi, si velit eum convenire: si vero mercator pergu-  
lam aut officinam ibi habeat, posse eum ibi conveniri. Illud ad summum 17.  
sequitur, quod si quis mere transeat, ita, ut nè quidem per breve tempus Permitti po-  
in loco moretur, sed, ut lex ait, *confestim* inde sit profecturus, non teneat- testi, quod  
ur legibus particularibus illius loci, quod facile concedere possumus. mere tran-  
Nam si *confestim* sit recessurus, non datur occasio servandi ibidem statuta: sensus non ob-  
cum censei vix possit, fuisse moraliter in illo loco: cum brevissima mora ligetur.)  
pro nulla mora habeatur. Dixi autem *ad summum* hoc sequi; nam cit.  
lex *hæres* non dicit, quod peregrinus non debeat servare leges particula-  
res aut statuta loci, ad quem pervenit, sed tantum, quod emptor non possit  
ibi convenire venditorem, quem scivit, confestim inde profecturum:  
nullum autem credo esse statutum particulare alicujus loci, quo contra-



rium statuatur. Consequenter potest peregrinus hanc legem juris communis servare, licet teneatur servare statuta locorum. Et si daretur in eo loco statutum aut consuetudo contraria, derogans limitationi illi juris communis, teneretur etiam transiens illo statuto & consuetudine locali.

Dices: Licit illis, qui in loco aliquo habent quasi domicilium, ut sunt studiosi, milites, famuli &c. possint ibidem omnia Sacramenta conferri (præter ordines sacros) peregrinis tamen non potest Episcopus alia Sacramenta conferre, quam Pœnitentiæ & Eucharistiæ, & hoc solum ex proprii Episcopi licentia. Ergo signum est, quod peregrini non fiant subditi loci illius, ad quem perveniunt.

Resp. retorq. Peregrini debent servare interdictum locale: debent servare leges locales circa contractus, taxationem rerum, pecuniæ, mercium, circa telonia, vectigalia, exportationem vel importationem mercium, fructuum, pecudum, aliarumque rerum: debent servare leges, specialiter pro peregrinis latas: & si delinquant, puniuntur &c. Ergo Magistratus locales habent in eos jurisdictionem: & quidem non tantum ex contractu aut delicto; nam antecedenter ad omne delictum possunt ferri speciales leges pro peregrinis; & defacto ante omnem contractum aut delictum feruntur promiscue pro incolis & peregrinis leges, regulantes contractus, in futurum ineundos, leges pro delictis futuris, leges taxantes valorem pecuniæ, pretia rerum, vectigalia &c. Atqui lex non potest ferri in eum, aut pro eo, qui nullo modo est subditus.

18. In ordine ad aliquos actus exercendos requiritur major subiectio.

Quod autem Episcopi non possint licite peregrinis alterius Diœcesis conferre omnia Sacramenta, absque consensu tacito vel expresso Episcopi eorum domicilii, aut originis, inde est, quod Ecclesia hoc specialiter prohibuerit, requiratque specialem subjectionem: quod usus ipse confirmat. Unde specialis hæc exceptio firmat potius regulam in contrarium circa non excepta. Sic male argueres: quasi domicilium non facit sufficienter subditum in ordine ad conferendum Sacramentum Ordinis, sed requiritur, ut sit subditus vel ratione originis, vel ratione domicilii. Ergo quasi domicilium neque facit sufficienter subditum in ordine ad conferenda alia Sacramenta, quod est falsum. Quare non requiritur semper ad omnia æqualis subiectio, sed in ordine ad aliquos actus major, in ordine ad alios vero sufficit minor.

19. A fortiori obligantur vagi.

Et quod de peregrinis dictum est hætenus, de *vagis* pariter intelligendum venit: hoc est, de iis, qui nullibi stabile habent domicilium, sed per provincias circumvagantur, ut quidam circumforanei, mendicabula &c. nam & isti tenentur legibus locorum, ad quæ perveniunt; licet brevi tantum tempore in eo morentur, propter easdem rationes, ex quibus peregrinos obligatos esse diximus. Nam, ut Suarez loc. cit. ait, leges illæ sunt uni-

Hinc c. *que contra 2. dist. 8. S. Augustinus ait: Gentis consuetudine, vel lege firmatum non la civis aut peregrini libidine violetur. Et addit rationem: turpis enim omnis pars est, suo universo non congruens. Et quid æquius, quam ut peregrini & vagi, sicut, quam primum ex patria sua egrediuntur, jure illius statuario obligari desinant, ita loci illius consuetudine & legibus obligentur, ad quem perveniunt.*

Neque dicas, quod nemo fiat subditus, nisi vel ratione originis, vel domicili, aut quasi-domicili, vel delicti, vel contractus, vel rei sitæ. Hoc enim falsum esse, patet ex hæcenus dictis. Nam quando peregrinus ingreditur territorium aliquod, vel se ipsum subijcit legibus ac consuetudinibus localibus, vel Princeps aut republica jure territoriali statim accipit in eum potestatem ac jurisdictionem, ut ostensum est: & patet in potestate ferendi leges specialiter pro peregrinis, item in potestate ferendi leges contractuum, vestigialium &c.

Reip. Licet jura modos illos, quibus quis fiat subditus, specialiter assignent, tamen certum est, quod dentur insuper etiam alii: quomodo enim alias posset dominus territorialis leges ferre pro peregrinis? quomodo eos obligare, ut servant leges taxantes pecuniæ valorem, ac rerum pretia, imponentes vestigialia, prohibentes invehi aut evehi frumentum &c. Si dicas, intervenire pactum tacitum inter peregrinum & dominum territorialem, potero utique & ego hoc ipsum dicere: quod nem

20.  
Præter mo-  
dos specia-  
liter acqui-  
rendi juris-  
dictionem  
dantur etiam  
generales.



pe Princeps peregrino concedat ingressum in suum territorium sub pacto tacito, ut se subiciat in ordine ad servanda statuta & consuetudines locales.

Igitur modi illi fortiendi forum in jure specialiter exprimuntur, ut pateat, posse aliquem ex plurimis titulis, & in pluribus locis conveniri, nempe vel in loco domicilii, vel quasi domicilii, vel contractus, vel delicti, vel rei sitæ, ita, ut penes actorem stet, in quonam ex istis locis velit reum convenire.

## C A P U T IV.

### De Interpretatione Legis.

#### SUMMARIUM.

- |  |   |
|--|---|
| 1. Interpretatio authentica, usualis, doctrinalis.   | 9. Privatus non potest legem extendere: licet videatur par aut similis ratio. |
| 2. Spectanda mens legislatoris.  | 10. Declarare tamen potest, casum comprehendendi in lege.                     |
| 3. Sensus proprius verborum.   | 11. Judex tamen sapientius debet judicare secundum casum similem.             |
| 4. Vitandum absurdum.  | 12. Communis interpretatio vim legis habet.                                   |
| 5. Leges concordandæ.  | 13. Quando Eptikæ locus.  |
| 6. Causa legis consideranda.   | 14. 15. Eptikæ Exempla.   |
| 7. Quenam lex odiosa, ac favorabilis. Spectanda materia & subjectum legis, cui aliquid præcipitur. |   |
| 8. Odiosa sive interpretanda: favorabilia large.   |   |

#### §. I.

Quid, & quotuplex sit interpretatio legis?

1. Interpretatio legis est declaratio, quomodo lex sit intelligenda, an hunc vel istum casum comprehendat.
- Authentica.** Alia est *authentica*, quæ sit ab ipso legislatore, vel ejus successore, vel ab illius superiore, vel ab alio, qui ab his potestatem habet, sicut Christus dedit summo Pontifici, tanquam suo Vicario potestatem interpretandi, & declarandi legem naturalem ac divinam; & hæc declaratio est authentica, habetque in effectu vim legis.
- Usualis.** Alia est *usualis*, per usum nempe & consuetudinem introducta: habetque pariter vim legis, si sufficienter de ea constet. Unde *consuetudo l. 37. ff. de leg. dicitur: optima legum interpres.*
- Doctrinalis.** Alia denique vocatur *doctrinalis*, quam faciunt DD. Juris Consulti, ac Judices inferiores. Hæc equidem non habet vim legis, licitum tamen est

est eam sequi. Estque vel *extensiva*, quando ad casum vel personam non expressam extenditur: vel *declarativa*, seu *comprehensiva*, quando nempe vel verba obscura explicantur, vel declaratur, quod persona, vel casus, non expressus in lege, comprehendatur tamen secundum legislatoris intentionem in lege. Vel *restrictiva*, quando propter circumstantias benigne interpretamur, hunc casum sub lege, alias universaliter lata, ex mente legislatoris, non contineri. Et hæc interpretatio restrictiva dicitur *Epiikia* seu interpretatio legis secundum æquum & bonum: nam *ἐπιεικείας* æquitatem significat.

Jam vero circa interpretationem doctrinalem tradi solent

## §. II.

## Aliquot Regulæ.

**Regula 1.** Legis interpretatio semper fieri debet juxta mentem legislatoris. Ratio est: quia mens & intentio legislatoris est anima legis, <sup>2.</sup> Mens legis, & mensura obligationis, ex ea ortæ. Hinc *can. humana* 11. *causa* 22. q. 5. latoris. dicitur a Gregorio M. *Non debet aliquis verba considerare, sed voluntatem & intentionem, quia non debet intentio verbis deservire, sed verba intentioni. Et c. uti. de R. J. in 6.* Certum est, quod is committat in legem, qui legis verba complectens contra legis nititur voluntatem. Idem omnino dicitur *l. non dubium* 5. *cod. de legibus.*

**Regula 2.** Verba tamen legis sumenda sunt in propria significatione, <sup>3.</sup> Sensus proprius, in qua communiter sumuntur a jurisperitis: nisi aliud constet de mente legislatoris. Ratio est, quia ex verbis legis regulariter colligitur mens legislatoris. Et si quisque pro lubitu posset verba legis in sensu improprio sumere, etiam tunc, quando in proprio sumi possunt, nihil amplius esset in jure certum. Aliud esset, si ex verbis proprie sumptis sequeretur absurdum &c. Si autem verba sunt dubia, intelligenda sunt secundum sensum magis usitatum inter jurisperitos.

**Regula 3.** Quamvis odia sint restringenda, favores autem ampliandi, <sup>4.</sup> Vitandum absurdum, omnis tamen lex, etiam pœnalis & odiosa, ita est accipienda, ut non evadat inutilis, otiosa, imprudens, absurda.

**Regula 4.** Lex posterior, si fieri potest, ita est explicanda, ut priorem <sup>5.</sup> Legum contraria, non abroget, aut ei non deroget, quia correctio legis vitari debet, quantum potest. Hinc si lex prior sit specialis pro aliquo casu, non censetur <sup>6.</sup> Cordia, correctæ per posteriorem generalem, nisi id exprimat. Quamvis alias sub genere censeatur comprehendendi omnis species: & ubi lex non distinguit, neque nos distinguere debeamus.

**Regula 5.** Cessante tota & adæquata causa legis, legem etiam cessare censendum est; cum cessante causa cesset etiam effectus. *C. cum cessante* <sup>6.</sup> *Causa legis,* 60. *de appell. l. adigere ff. 6. de Jure Patronat.*



## §. III.

## De Interpretatione legis odiosæ &amp; favorabilis.

1.

**Q**UÆRES 1. An & quomodo lex odiosa sit, restringenda, favorabilis vero extendenda? Resp. Si verba legislatoris sint clara, aut de ejus mente aliunde constet, nullus est locus interpretationi, sive lex sit odiosa sive favorebilis.

Quando autem verba legis sunt dubia, æquivoca, aut dubium est, an hic vel ille casus sub lege comprehendatur, tunc si lex est odiosa, non est ad illum extendenda: secus vero, si sit favorabilis. Ratio est: quia odia restringi, & favores convenit ampliari. c. 15. de R. F. in 9. Unde etiam passim dicitur, quod lex odiosa sit stricta, favorabilis vero amplæ interpretationis. Sic in lege favorabili nomine civium veniunt etiam Clerici, & nomine Clerici etiam Religiosi, non autem in odiosa.

Quenam lex  
odiosa?

Sed unde desumendum est, an lex aliqua sit odiosa, an vero favorabilis? ratio dubitandi est, quia lex sæpe uni imponit onus, alteri affert favorem; igitur respectu unius videtur esse odiosa, respectu alterius vero favorabilis. Sic lex imponens tributa videtur esse favorabilis principi, odiosa vero respectu subditorum: sic etiam lex statuens excommunicationem in percussores Clericorum est favorabilis Clericis, percussori autem est odiosa. Neque dici potest, attendendum esse, quid lex principaliter intendat, an favorem, an odium: nam hoc ipsum in praxi sæpe difficile erit discernere, an lex principaliter odium, an favorem intendat.

Spektandum  
subiectum  
legis & ma-  
teria.

Quare attendendum, an materia præcepta illi, cui aliquid præcipitur aut conceditur, afferat gravamen an favorem. Nam si illi est onerosa, licet aliis faveat, tamen simpliciter videtur esse dicenda odiosa. Sic leges pœnales, ac tributariæ censentur odiosæ, quia gravamen afferunt ei, cui aliquid per illas præcipitur, licet cedant in bonum publicum, aut in bonum Principis. Nam in ordine ad hanc denominationem non debet attendi finis legis: alias omnis lex esset favorabilis dicenda, cum omnis tendat ad bonum publicum. Attendendum proinde, an materia legis ei faveat, in quem lex fertur; & quia leges præcipientes, prohibentes & irritantes communiter subditis, in quos feruntur, imponunt obligationem, libertatem restringunt, ipsorumque actus prohibent, aut irritant, vel onus actus exercendi imponunt, ideo leges istæ ut plurimum odiosæ sunt censendæ, præfertim, si sint pœnales aut irritantes: nam in has duas species potissimum lex odiosa dividitur.

Contra vero leges permissivæ, privilegia, gratiæ ac beneficia Principum sunt favorabilia illis, quibus conceduntur, adeoque simpliciter censenda sunt favorabilia; licet aliis, qui privilegia tolerare debent, sint onerosa.

In

In dubio tamen, an leges sint odiosæ, an vero favorabiles, dicendæ sunt potius favorabiles: quia de Principe beneficium potius, quam dium præsumendum est.

Jam vero, ut dixi, leges odiosæ sunt *strictæ interpretationis*, præferuntur si sint pœnales aut irritantes: adeoque non sunt extendendæ ultra <sup>8.</sup> *Odiosæ strictæ interpretationis*, quod lex aperte comprehendit; & quidem etiam tunc, quando pro personis & personis non expressis militat similis aut eadem ratio: aut quando non expressa cum iis, quæ sunt expressa in lege, sunt aliquo modo correlativa aut connexa: modo lex de solis expressis, salva verborum propria significatione, possit intelligi.

Contra vero favorabiles leges dicuntur esse *amplic interpretationis*, ita, Favorabilis est multo facilius præsumatur, casus etiam non expressus comprehendi *amplic*. b lege. Verum hoc ulterius examinandum est. Unde

## §. IV.

An lex extendenda ad casum similem?

Quæres 2. An lex sit extendenda ad personam aut casum non expressum propter *similitudinem* seu *paritatem rationis*, aut etiam propter *analogiam rationis*? Resp. Regulariter ne quidem lex favorabilis ab homine privato extendi debet. Ratio est: quia, licet pro casu, a lege non expresso, sit similis, vel par, aut etiam eadem ratio: tamen non potest de inferri, quod legislator illum voluerit inclusum in lege: cum poterit pro lubitu rationem pro uno casu assumere, non autem pro altero; ne nimis multa simul prohibeat, aut præcipiat, aut irritet.

Sic licet Princeps uni ex suis Provinciis varias leges odiosas, aut favorabiles imponat, non sequitur, quod etiam ad alias ejusdem Provincie sint extendendæ; licet par aut similis aut eadem ratio pro iisdem agnet. Nam si leges sunt odiosæ, hoc ipso non sunt extendendæ, sed potius restringendæ. Si autem sunt favorabiles, subintrat aliud principium juris, nempe, *quod alicui gratiose conceditur, non esse ab aliis trabendum* *exemplum Reg. 74. in 6.* <sup>9.</sup> *Privatus non potest legem extendere.*

Unde si Pontifex uni Ordini Religioso aliquid prohiberet, aut speciale privilegium conferret, in neutro casu fieri posset interpretatio extensiva ad alios ordines, licet par ratio, aut etiam eadem pro aliis pugnet. Unde enatum illud axioma: *ratio legis non est lex.*

Dixi autem 1. *regulariter*. Nam aliud esset, si verba legis aliquo modo essent universalis, ut censeri possent, alios etiam casus, pro quibus est par vel eadem ratio, comprehendere: tunc enim, lex non tam restringeretur, quam declararetur, alios etiam casus, licet non adeo clare expressos, comprehendere: sicque interpretatio non tam esset *extensiva* <sup>10.</sup> *Declarare tamen potest casum comprehendere in lege,* (quam



(quam homo privatus, utpote carens jurisdictione non facere potest) sed *comprehensiva*.

ut in rela-  
tivis,

Et idem dicendum de *correlativis*, quæ videlicet habent relationem mutuam: nam, quod lex dicit de uno correlativo, censetur etiam de altero dicere: si sit identitas rationis. Sic quando lex dicit, quod maritus lucretur dotem, si uxor committat adulterium, censetur etiam dicere, quod uxor lucretur donationem propter nuptias, si maritus fiat adulter. Et quia maritus non tenetur reddere debitum uxori adulteræ, neque uxor tenetur illud reddere marito adultero: cum ad imparia judicari non debeant. Valetque hic illud axioma: *ubi est eadem ratio, debet esse eadem juris dispositio*.

Connexis,

Idem pariter contingit in *connexis*, quando scilicet unum connectitur cum altero, vel ab eo dependet, vel in eo includitur; uti includitur pars in toto, contentum in continente, minus in majore. Nam *cui licet quod est plus, licet utique, quod est minus*. Reg. 53. in 6. hinc, qui potest dispensare cum illegitimo ad sacerdotium, potest etiam dispensare ad minores ordines. Qui potest condere testamentum, potest etiam condere codicillum. Denique datur locus huic interpretationi *comprehensiva in æquiparatis a Jure*. Unde si excommunicatio sit lata in eum, qui aufert centum florenos, censetur etiam lata in eum, qui aufert calicem ejusdem valoris.

Æquiparatis.

II.  
Aliud est de  
judice,

Dixi, ab *homine privato* regulariter non posse fieri extensionem legis ad casum non expressum, licet pro eo sit par, aut eadem ratio. Nam judex in ferenda sententia potest, imo debet quandoque legem extendere, vel potius interpretari pro casibus & personis non expressis, si sit par, vel eadem ratio: uti etiam, si in judicio contradictorio in causâ simili vel eadem jam sit: ita pronuntiatum.

Ratio datur l. 10. 11. 12. 13. ff. de legib. quia non possunt omnes casus & causæ singillatim exprimi in legibus: cum ergo Judices debeant omnes causas & casus decidere, debent a casu simili, qui exprimitur in jure, vel a paritate rationis juvari ad legis interpretationem. Unde axioma: *casus similis expresso non censetur omissus*. Apud privatos autem non datur talis necessitas.

Aliud de pri-  
vato.

Unde hi, licet detur paritas aut etiam identitas rationis, non possunt facere interpretationem extensivam circa non expressa in lege, nisi ut dictum, verba sint aliquo modo *universalia*, aut *indefinita*, aut expressa cum non expressis sint *correlativa*, aut *connexa*, aut in jure *æquiparata*, aut sequeretur iniquitas, vel absurdum, si lex non etiam intelligeretur de non expressis. In his igitur casibus censendum est, casum in lege pos-

situm

fitum tantum exempli causa esse adjectum, legem autem etiam intelligendam de aliis ejusmodi casibus.

Ex dictis patet, per *interpretationem doctrinalem*, videlicet a privatis DD. factam, non posse legem proprie extendi ad personas & casus non expressos aliquo modo in lege. Quia ex defectu jurisdictionis non possunt legem extendere ad id, ad quod legislator eam non extendit. Sed tantum possunt *interpretatione comprehensiva* declarare, casum non expressum, saltem implicite & secundum mentem legislatoris, in lege comprehendi: sicque non tam ipsi legem extendunt ad casum non expressum, quam declarant, legem ex mente legislatoris se ad eundem extendere. Atque hoc modo, & pro casibus allatis, nempe correlationis, connexionis, æquiparationis, intelligendum est, quod dicitur *l. ideo 27. ff. de L.L. semper hoc quasi legibus inesse credi oportet, ut ad eas quoque personas, & ad eas res pertinerent, quæ quandoque similes erunt.*

Cæterum si communiter jurisperiti plerique legem aliquam ita explicant, ut sub illa casus etiam non expressos comprehendant, jam non amplius est interpretatio mere *doctrinalis* sed *usualis*, quæ habet vim legis, estque optima juris interpres. Sic e. g. quia Juristæ Novellam 66. c. 1. ubi Imperator decernit, ut leges testamentariæ non obligent, nisi in provinciis Romani Imperii sint promulgatæ, neque tunc ante lapsum duorum mensium, communiter extendunt ad alias etiam leges Imperiales, hocque usu ipso observatur, dici potest, quod hæc interpretatio jam sit *usualis*, & vim legis habeat.

12.  
Communis interpretatio non est tantum doctrinalis.

## §. V.

De Interpretatione per *epiikiam*.

Quæres 3. An etiam per *epiikiam* interpretari legem liceat? Resp. affirmative. Nam leges universales vel admodum rigorosæ aliquando benigna aliqua interpretatione juxta verisimilem mentem legislatoris secundum *bonum & æquum* explicandæ sunt, & ab his aliqui casus in specie excipiendi, quos ipse legislator excepisset, si fuisset interrogatus: non enim possunt omnes casus legibus exprimi, sed illi, qui plerumque atque ordinarie contingunt. Fundatur igitur *epiikia*, seu benigna hæc interpretatio restrictiva in præsumpta mente legislatoris, quod sit incredibile, eum in his circumstantiis voluisse obligare; licet casus in verbis legis videatur comprehendi.

13.  
Potest aliquando declarari, quod lex hunc casum non comprehendat.

Favent autem *epiikiæ* ipsæ leges: nam placuit in omnibus rebus præcipuam esse justitiæ æquitatisque, quam stricti juris interpretationem. *L. 8. C. de Judic.* Item: in omnibus quidem, maxime tamen in jure æquitas spectanda est. *L. 90. ff. de R. J.*



14.  
Exempla.

Sic e.g. licet Moniales legem habeant strictæ clausuræ, in casu tamen incendii per epikiam possent hanc legem interpretari, quod in his circumstantiis non obliget ad manendum in monasterio. Sic etiam Machabæi interpretati sunt legem, quod liceat Sabbato contra hostes pugnare. Lex jejunii non obligat infirmum, licet lex ipsum non excipiat. Neque lex procurandi integritatem materialem confessionis pro omnibus circumstantiis obligat. Item lex jubens reddere depositum, non jubet reddere gladium, quando alter se ipsum vel alium illo prævidetur occisurus. Ex quo patet, non tantum circa jus humanum, sed etiam Divinum ac naturale locum esse epikiæ.

Difficultatem tamen movent alia juris effata: nam l. 1. C. de leg. ait Imperator: *Inter æquitatem jusque interpositam interpretationem nobis solis & oportet & licet inspicere.* Ubi plane sibi soli reservavit interpretationem per epikiam. Et in l. *prospexit* 12. ff. *qui & a quibus manumissi* J. C. vult, legem etiam *duram* observandam esse, si ita scripta sit. Item can. 3. dist. 4. S. August. ait: *Non de legibus, sed secundum leges judicandum esse.* Ergo videtur omnis locus epikiæ esse sublatu.

15.  
Non tamen,  
si verba sunt  
clara.

Resp. Hæc tantum probant, quod lex dura servanda sit, quando verba legis ac mens legislatoris adeo clara sunt, ut non admittant aliam interpretationem: non tamen probant, quod epikiæ non possit esse locus, quando verba sunt generalia, quæ in particulari casu, salva adhuc verborum generalitate, admittunt interpretationem ex bono & æquo. Si autem dubitatur, quid justum aut æquum sit, tunc juxta d. l. 1. C. de leg. Princeps est consulendus. Vide P. Engel l. 1. tit. 2. §. 4. n. 77.

Cæterum circa leges irritantes, & quæ formas substantiales actibus præscribunt, epikia non habet locum. Sic non valet matrimonium clandestinum, quacunque urgente necessitate, nec contractum cum alio impedimento dirimente. Quia hic attenditur ad agendi rationem uniformem, non autem ad bonum alicujus privati.

## CAPUT V.

*De cessatione Legis.*

### SUMMARIUM.

1. Lex cessat cessante causa.
2. Per abrogationem, revocationem, legem, vel consuetudinem contrariam. Species autem derogat generi, non contra.
3. An abrogari possit lex, a superiore confirmata?
4. Quid sit dispensatio?
5. An sufficiat præsumptio?
6. Jus naturale indispensabile.
7. Quis

7. *Quis possit dispensare?*  
 8. *Episcopus dispensare non potest in lege Pontificia, nisi ei tacite vel expresse sit permissum.*  
 9. *Permissum autem est in variis casibus: ut in frequentibus: urgente necessitate: in levioribus: in dubiis: si consuetudo, privilegium, vel lex ipsa concedat.*  
 10. *Quinam alii dispensare possint?*  
 11. *Superior etiam secum ipso potest dispensare.*  
 12. *Non tamen se ipsum absolvere, aut instituere: nec tutor in rem suam fieri auctor.*  
 13. *Prælatus in lege sua etiam absque*  
*causa justa dispensat valide: non tamen licite.*  
 14. *In lege superioris vero nec valide nec licite.*  
 15. *Causa dispensandi in impedimentis matrimonii.*  
 16. *In voto castitatis aut Religionis.*  
 17. *Dispensatio cessat per revocationem, lapsum temporis præfixi, cessante causa.*  
 18. *Praxis petendi dispensationem a Dataria.*  
 19. *A S. Penitentiaria.*  
 20. *Praxis scribendi pro dispensatione.*  
 21. *Praxis exequendi dispensationem.*

**L**ex cessare potest vel totaliter, vel tantum partialiter. Totaliter cesset abrogatione, vel cessante adæquata causa finali: item cessante materia vel objecto legis, vel cessantibus circumstantiis, pro quibus est lata. Partialiter cessat derogatione, dispensatione, & cessante partiali causa finali. De quibus jam dicendum.

## §. I

Quando lex cesset cessante illius causa?

**R**espond. Lex cessat ex integro, quando cessat totus illius finis intrinsecus, seu causa finalis, nempe bonum communis, quod lex intendit tanquam finem suum essentialem, ut patet ex ipsa definitione legis. Ex hoc defectu cessarunt leges cæremoniales veteris testamenti, utpote figuræ Christi, ac legis Evangelicæ.

Si autem tantum cessaret finis extrinsecus, aut intrinsecus quidem, sed non totus, nempe in una tantum vel altera parte legis, lex non cessaret totaliter, sed tantum quoad illam partem, cujus finis cessat, quia utile per inutile non debet vitari c. 37. de R. J. in 6.

Quando vero lex fundatur in periculo communi, ne quidem partialiter cessat lex, licet respectu alicujus determinati cesset periculum. Quia finis talis legis est præcavere periculo communi, ac frequenter contingere solito: hic autem finis non cessat. Sic lectio librorum hære-



ticorum prohibetur etiam illi, respectu cujus nullum est periculum per-  
versionis: quia propter commune periculum hæc lex est universali-  
ter lata.

## §. II.

Quando Lex cesset abrogatione vel derogatione?

**R**esp. Quando vel tollitur lex totaliter a legislatore, aut ejus superiore,  
aut successore, per revocationem, vel per novam legem aut consue-  
tudinem contrariam, tunc lex dicitur *abrogari*. Quando vero lex tantum  
quoad partem aliquam revocatur aut tollitur, dicitur ei *derogari*.

Lex poste-  
rior gene-  
ralis non  
abrogat  
priorem  
particula-  
rem.

Porro per legem posteriorem generalem non censetur abrogata  
lex prior *particularis* seu *specialis*, nisi in posteriore aliqua illius mentio fiat:  
erit igitur tunc lex prior aliqua exceptio & limitatio posterioris generalis  
legis. Si autem prior lex sit *generalis*, clausa in corpore juris, (quam  
proin legislator præsumitur scire) obrogatur per posteriorem genera-  
lem contrariam, vel si posterior sit *particularis*, priori derogatur, licet  
non fiat mentio prioris. Et universim species derogat generi, non ge-  
nus speciei.

3.

An lex a  
superiore  
confirmata  
abrogari  
possit ab  
inferiore.

Quæres, quis possit abrogare legem? *℞.* Certum est, quod eam abro-  
gare (saltem valide) possit ipse legislator, ejus superior ac successor.

Dubitatur autem 1. An inferior possit legem suam propriam abroga-  
re, quando a superiore est confirmata? *℞.* Si superior confirmationi clau-  
sulam adjecit, qua irritat abrogationem, aut derogat derogationi, ab in-  
feriore faciendæ, non potest inferior legem suam propriam abrogare, vel  
per novam legem ei derogare. Idem dicendum, si superior legem infe-  
rioris simpliciter confirmavit & autorizavit, sine ejusmodi clausula irri-  
tante, aut derogante; nam etiam tunc non potest inferior legem suam  
abrogare (quia confirmatio autoritativa, ut distincta a mera approba-  
tione, censetur esse lex superioris) nisi lex inferioris cedat in bonum  
ipsius: tunc enim posset eam abrogare, quia non censetur superior velle  
ei invito beneficium obtrudere: adeoque tunc probabilius posset infe-  
rior legem suam abrogare; pro hoc enim casu videtur confirmatio su-  
prioris esse facta sub tacita conditione: *si inferior non velit abrogare legem  
sibi faventem*. Ita Abb. Palao, Wiestner, Schmalzgruber.

Dubitatur 2. An Episcopus abrogare possit constitutiones factas in  
Synodo Diocesana? *℞.* Potest per se loquendo eas abrogare, si viderit  
expedire. Ratio est, quia solus Episcopus habet potestatem legislativam,  
Clerici vero non habent votum decisivum, sed tantum consultivum. Unde  
Episcopus his non aliter obligatur, quam si ab ipso solo essent latæ, nempe  
ex decentia naturali, ad vitandum scandalum, & in quantum bonum com-  
mune

mune exigit. Dixi autem *per se loquendo*, nam si constitutiones synodales essent confirmatæ a sede Apostolica, aut in pactum transissent, Episcopus non posset eas abrogare: imo neque in iis dispensare, aut eis derogare.

## §. III.

Quando & quomodo lex cesset per Dispensationem?

Dispensatio definitur, quod sit *relaxatio legis publicæ auctoritate facta pro aliquo particulari casu vel persona manente interim aliorum obligatione*. Unde Quid sit dispensatio? <sup>4.</sup> dispensatio est tantum cessat respectu eorum, cum quibus dispensatur, non autem respectu aliorum. Quare dispensatio ab aliquibus definitur, quod sit *exemptio alicujus vel aliquorum a communi lege*.

Quamvis autem fieri possit nuda superioris voluntate; non sufficit <sup>5.</sup> tamen voluntas, quæ tantum daretur, si superior rogaretur. Nam voluntas, quæ tantum daretur, hic & nunc non datur (quamvis tunc aliquando <sup>Non sufficit præsumpta.</sup> sit locus epiikæ, qua præsumitur voluntas superioris absolute existere) si tamen consensus superioris tantum requireretur, ut actus aliquis fiat cum dependentia a voluntate superioris, dispensatio valeret etiam cum consensu conditionate præsumpto: quia tunc superior non est invitus quoad substantiam, sed tantum quoad modum; qua ratione Religiosi aliquando excusantur a gravi peccato, licet non petant licentiam a superiore. Proprietamen loquendo superior concedens Religioso facultatem aliquid accipiendi, dandi aut retinendi, non dispensat in lege: utpote quæ non absolute & simpliciter prohibet aliquid retinere, sed tantum prohibet, illud retinere sine licentia superioris: sicut pœnitens dans facultatem Confessario peccata exposita evulgandi non dispensat in lege sigilli, eamque non tollit, sed tantum ponit conditionem, sub qua nunquam obligavit lex sigilli. Econtra præceptum jejunii e.g. simpliciter & absolute obligat, nisi legislator per dispensationem respectu ipsam legem tollat.

Sic etiam in jure naturali nemo, & in jure divino nullus mortalium dispensat, nec potest dispensare; sed eam tantum ponit materiam, easque <sup>6.</sup> circumstantias & conditiones, sub quibus jus naturale nunquam obligavit: <sup>Jus naturale indispensabile.</sup> quin habeat jurisdictionem ad omnem dispensationem requisitam, ut in secunda parte hujus tractatus dicetur. Aliud est, quod summus Pontifex aut Concilium generale interpretari possit (interpretatione etiam *authentica*) jus naturale ac divinum positivum, an nempe hoc vel illud in his circumstantiis comprehendatur sub lege naturali aut divina.

Quod objici solet, Papam dispensare in voto solenni Professionis, in matrimonio rato, in Sacramento confirmationis conferendo a simplici sacerdote &c. solidum non est, quia vel ista sunt juris humani: vel si essent juris divini, Deus censeretur dare potestatem Ecclesiæ, ex rationibus gravissimis



vissimis in iis dispensandi, sicut aliquando Papa censetur Episcopis dare facultatem dispensandi in jure communi, ac lege Pontificia, ut mox dicetur. Quando autem Papa dispensat in voto, non dispensat in jure naturali; quia facere non potest, ut stante voto non detur obligatio, sed dispensat in actu, quo quis vovit (quique est veluti lex privata) eumque moraliter tollit.

7.  
Quis possit  
dispensare?

Quæstio igitur solum superest, quis dispensare possit in lege humana? Ad quam respond. Dispensare posse ipsum legislatorem, ejusque superiorem & successorem, eosque omnes, quibus hi potestatem dispensandi delegant. Unde sequitur, dispensare posse Papam in omnibus legibus ecclesiasticis, etiam a Concilio generali latis: Episcopum in constitutionibus synodi diœcesanæ: non tamen Archi-Episcopum in legibus Concilii provincialis, quia non sunt latæ a solo Archi-Episcopo, sed a Concilio provinciali, illius superiore.

## §. IV.

An Episcopus dispensare possit in lege Pontificia?

Potissimum autem disputatur, an Episcopus, vel alius Prælatus dispensare possit in lege Pontificia? Rationes dubitandi sunt 1, quia c. *nuper* 29. de sent. excomm. Innoc. III. rescripsit Episcopo Uratislaviensi: *Quando conditor Canonis (excommunicationis) absolutionem sibi specialiter non retinuit, eo ipsa concessisse videri facultatem aliis relaxandi.* Ergo idem dicendum de legibus, quando Papa dispensationem sibi non reservavit.

2. Quia Episcopus potest in sua Diœcesi, quod Pontifex in tota Ecclesia.

3. Quia constat ex praxi, quod Episcopi passim dispensent in observatione festorum, jejuniorum &c.

4. Quia sine hac potestate Episcopi non possent recte gubernare suas Diœceses, ac subditorum necessitatibus consulere.

8.  
Episcopus  
dispensare  
per se non  
potest in  
lege Ponti-  
ficia.

Sed dicendum, quod in legibus Ecclesiæ universalibus Episcopi dispensare non possint, extra casus, tacite vel expresse ipsi permisso. Ratio est: quia inferior non potest tollere aut mutare legem superioris. *Clement. 2. ne Romani de elect.* tolleretur autem, saltem partialiter & mutaret, si dispensaret.

Neque difficilis est responsio ad argumenta contraria. Ad 1. Absolutio a censura non reservata, non prohibetur a lege: adeoque per absolutionem nullum jus violatur. Per dispensationem autem violatur jus superioris.

Ad 2. Axioma illud non est universaliter verum, sed tunc tantum, quando dispositio Episcopi non est contra jus commune, aut constitutiones sedis Apostolicæ, vel pro casibus, in quibus Pontifex tacite vel expresse

esse dat potestatem Episcopo in jus commune. Cæterum Episcopus non potest canonizare Sanctos, confirmare ordines Religiosos, definire articulos fidei &c.

Ad 3. Potestatem dispensandi in jejuniis & festis, cum sint casus frequentes, habent inferiores Prælati ex tacita concessione Pontificis, ut consuetudo declarat, vi cuius Episcopus & ejus Vicarius, item capitulum sede vacante, atque Prælati, potestatem quasi Episcopalem in suo territorio exercentes dispensant etiam in impedimentis impediendis matrimonii, quæ sunt juris ecclesiastici.

Ad 4. Est eadem responsio: Nam ut necessitati fidelium consulatur, sufficit, Episcopos habere facultatem dispensandi in certis casibus & circumstantiis ex tacita vel expressa concessione sedis Apostolicæ. Sed

Quæres 1. Quando Episcopis & Prælati inferioribus censeatur esse concessa potestas dispensandi in lege Pontificia? Resp. 1. In casibus frequentibus occurrentibus in aliqua materia: ut de observatione festorum & jejuniorum diximus, quia nimis difficile esset fidelibus, in his semper eandem recurrere.

2. Quando in casu extraordinario urget necessitas dispensandi, & periculum est in mora, neque ad superiorem facile recurri potest; tunc enim censeatur inferiori concessa facultas dispensandi: cum hoc suave Ecclesiæ regimen exigit. Unde plures gravissimi DD. censent, posse Episcopum dispensare etiam in voto perfectæ castitatis, aut ingrediendi Religionem, alias Papæ reservatis, in casu extraordinario gravissimæ & urgentissimæ causæ, ubi difficilis esset recursus ad Papam, & in mora periculum. Imo pro tali casu non videri reservatum Pontifici; probabilius tamen Religiosis, etiam mendicantes, neque pro tali casu dispensare in eo posse. Aliud esset, si emissum esset votum castitatis non perfectæ.

3. Si materia est levis, & lex non obligat sub mortali. Hæc enim levibus, minora cum ipsa jurisdictione concessa esse præsumuntur.

4. Cum dubium est, an casus indigeat dispensatione: tunc enim vel dubiis, nulla requiritur, vel sufficit dispensatio Episcopi.

5. Si consuetudine sit præscripta facultas dispensandi in lege superioris: nam consuetudo legitime præscripta confert jurisdictionem.

6. Cum in lege dicitur, dispensari posse. Hoc enim intelligendum est de Episcopis & inferioribus Prælatiis.

7. Si habeatur ex speciali privilegio. Sic aliqui Episcopi Germaniæ privilegio, a sede Apostolica varia obtinent privilegia, singulis quadrienniis vel quinquenniis petenda ac renovanda; e. g. ut tanquam delegati sedis Apostolicæ pro utroque foro dispensare possint cum pauperibus in tertio vel quarto

9. In pluribus tamen casibus est ipsi concessum, ut in frequentibus, necessariis.

consuetudine,



quarto gradu consanguinitatis & affinitatis in ordine ad contrahendum matrimonium, aut permanendum in jam contracto; dispensare item in impedimento publicæ honestatis, orto ex sponalibus de futuro: in impedimento criminis, si neuter conjugum machinatus est in mortem: in amisso jure petendi debitum &c.

Iure.

Quandoque etiam jus ipsum dat nominatim Episcopis potestatem dispensandi. Sic Conc. Trident. *sess. 24. cap. 6. de Reform.* Episcopis amplam dat potestatem in irregularitatibus omnibus & suspensionibus, ex delicto occulto provenientes; excepta ea, quæ oritur ex homicidio voluntario & exceptis aliis, deductis ad forum contentiosum. Item potestatem in foro conscientię per se vel per Vicarium, ad id specialiter deputandum, subditos suos absolvendi a quibuscunque casibus occultis, etiam sedi Apostolicę reservatis.

ro.  
Etiam alii,

In specie autem quoad casus sibi permisos in lege etiam Pontificia dispensare possunt non tantum Episcopi, sed etiam *Legati Apostolici* cum habitantibus in sua provincia, capitulum sede vacante, Prælati habentes jurisdictionem quasi Episcopalem, & Prælati regulares cum suis Religiosis, saltem si sint exempti, quia obtinent jurisdictionem quasi Episcopalem. Imo in quibusdam casibus etiam *Parochi*, saltem ex consuetudine, uti in jejuniis quoad personas particulares, quoad laborem servilem die festo &c. per se tamen Parochi jurisdictionem non habent pro foro externo. Neque tantum cum incolis, sed etiam *vagis* potest superior loci dispensare; *Archi-Episcopi* autem non possunt dispensare cum subditis suorum suffraganeorum, saltem extra suam propriam Diœcesin; quia extra actualem visitationem non habent in eos jurisdictionem, nisi in causa appellationis. Imo etiam in actuali visitatione habere *Archi-Episcopum* jus absolvendi subditos sui suffraganei, non autem cum eis dispensandi, docet Suarez cum aliis. De peregrinis dubium est, an Episcopus cum eis dispensare possit; probabilius potest cum illis dispensare saltem quoad constitutiones particulares suę Diœcesis.

## §. V.

An quis secum ipso dispensare possit?

**R**atio dubitandi est, quia dispensatio est actus jurisdictionis, nemo autem, proprie loquendo, habet in se ipsum jurisdictionem, utpote quæ tantum in subditos exercetur. Et hinc superior non potest seipsum absolvere a censuris, vel aliis pœnis & inhabilitatibus. Deinde de jure Canonico nemo potest se ipsum instituere in beneficio: & de jure civili tutor in rem suam auctor fieri non potest. Verum

ff.  
Superior  
etiam se

Dicendum, quod superior etiam secum ipso possit dispensare, vel indirecte, quatenus e. g. cum tota Diœcesi dispensat in jejuniis, vel alteri delegan-

legando potestatem dispensandi, e. g. Confessario; sicut e. g. Papa suo cum ipso po-  
Confessario dat jurisdictionem in se ipsum: vel etiam probabilius directe test dispen-  
se ipsum eximendo a lege. Ratio est, quia ex una parte Prælatus non sãre,  
debet esse deterioris conditionis, quam subditi: ex altera vero parte di-  
spensatio est actus jurisdictionis voluntariæ, quæ non semper requirit  
distinctionem personarum: & dum superior e. g. Papa ipsi dedit potesta-  
tem dispensandi, censetur etiam illam concessisse quoad se ipsum. Imo  
tunc dispensatio potius ipsi Papæ adscribenda est.

Neque obstat, quod nemo se ipsum absolvere possit a censura: quia <sup>12.</sup>  
hæc absolutio fit per sententiam judicalem, quam nemo in se ipsum ferre Non tamen  
potest. Quoad alias pœnas, si per sententiam sint in ipsum latæ, non po- se ipsum ab-  
test secum dispensare. Econtra quoad pœnas, quas ipso jure incurrit, solvere,  
potest secum ipso, sicut cum aliis dispensare, ut docet P. Schmalzgr. de  
constit. n. 61.

Quod autem nemo possit se ipsum instituere in beneficio ecclesiasti- Aut insti-  
co, specialiter pro illa materia beneficii statutum est; quia turpe vide- tuere.  
tur, & vel avaritiam, vel ambitionem sapere, si Prælatus sibi ipsi benefi-  
cium ecclesiasticum conferat, vel voto suo se ipsum eligat. Aliter se  
habet in electione Imperatoris, ubi Elector voto suo se ipsum potest eli-  
gere. Et Prælatus ecclesiasticus concedens subditis indulgentias, cense-  
tur etiam sibi ipsi illas concedere. Unde retorquetur

Similiter, ne tutor in rem suam author fiat, specialiter statutum est,  
& merito, quia alias pupillus periculum incurreret damni in bonis suis.

Cæterum cum dicimus, Prælatum posse secum ipso dispensare, id non  
intelligimus de summo Prælato, seu de Papa: nam hic non potest secum  
ipso dispensare: non in lege naturali vel divina, ut per se patet: sed ne-  
que in lege humana, quia illa non obligatur. Propter quam rationem  
neque Prælatus inferior potest secum ipso dispensare in lege sua propria,  
vel sui antecessoris; quia videlicet iis non obligatur. Igitur tota quæstio  
recidit ad casum, quo Prælatus habet potestatem dispensandi in lege supe-  
rioris, e. g. Episcopus in lege summi Pontificis.

## §. VI.

An Prælatus possit dispensare sine causa?

Resp. 2. Legislator in lege sua propria absque causa dispensare potest <sup>13.</sup>  
*valide*, non tamen *licite*. Quod *valide* possit, ratio est, quia eadem In lege pro-  
potestate, qua legem tulit, potest illam vel ex integro, vel ex parte rur- pria valide  
us tollere; cum legis existentia ab ipsius voluntate dependeat: conse- dispensat  
quenter potest etiam, quos lubet, ab ea eximere. Quod autem *licite* non sine causa,

Pars I.

Q

possit



non tamen  
licite.

possit sine justa causa dispensare, ratio est, quia est per se indecens & imprudens, aliquem sine causa a rationabili lege eximere: dum sic Princeps inæqualitatem faciendo vitium acceptionis personarum incurrit, & occasionem præbet querelis eorum, qui soli portare debent onera, aliis sine causa exemptis. Neque dicas, quod lex dependeat a voluntate legislatoris; nam ita ab ea dependet, ut tamen teneatur prudenter uti sua potestate. Hinc Tridentinum sess. 24. c. 5. de Reform. matrim. ait: *In matrimoniis contrahendis vel nulla omnino detur dispensatio, vel raro, idque ex causa & gratis concedatur. In secundo gradu nunquam dispensetur, nisi inter magnos Principes, & ob publicam causam.* Sess. 25. cap. 18. de Reform. vero universim in dispensationibus justam causam requirit. Sic enim loquitur: *Sciant universi, sacratissimos Canones exacte ab omnibus, & quoad ejus fieri poterit, indistincte observandos. Quodsiurgens, justaque ratio, & major quandoque utilitas postulaverint, cum aliquibus dispensandum esse, id causa cognita, ac summa maturitate, atque gratis a quibuscunque, ad quos dispensatio pertinebit, erit præstandum, aliterque facta dispensatio subreptitia censeatur.*

Sed neque aliquid probant, quæ contra objici solent: nam legislator nequidem ferre legem potest sine causa boni communis. Et quamvis Princeps remittere alicui possit tributa absque causa, tunc tamen se habet instar personæ privatz: in dispensatione vero agit personam publicam. Licet autem in petendis dispensationibus non semper assignetur causa, non tamen sine causa conceduntur: qualis e. g. sunt merita erga Ecclesiam, vel præterita, vel futura, & exinde speranda. Notant tamen DD. quod si legislator in lege propria sine justa causa dispense, secluso scandalo, & notabili damno aliorum, solum committat peccatum veniale: eo quod non videatur gravis deformitas in eo, quod pars se non conformet toti. Hinc quando Trident. l. cit. graviter prohibet dispensationem sine causa, eamque pro subreptitia vult censi, intelligendum id est pro casu, quo gravis inordinatio, & publici boni damnum ex dispensatione oritur.

14.  
In lege vero  
superioris  
neque va-  
lide.

Resp. jam 2. Inferior in lege superioris nec valide nec licite dispensat absque justa causa, quia superior non potest censi dare facultatem dispensandi sine rationabili causa. Consequenter dispensans egrediens limites suæ potestatis nulliter agit *c. cum dilecta 22. de rescript. & l. diligenter 5. ff. mandati.*

Cæterum justæ causæ dispensandi censentur, necessitas, utilitas, pietas, misericordia, æquitas, gratitudo, &c. Censent autem DD. valide & licite dispensari, modo dispensans rationem vere probabilem de sufficientia & justitia causæ habeat: subditum autem, qui bona fide proponit causas dispensandi, posse esse securum de obtenta dispensatione. Licet  
alias

alias dispensationes, utpote vulnera legum, sint strictæ interpretationis, nec extendendæ, nisi ad accessoria & inseparabiliter connexa. Ipsa tamen potestas dispensandi dicitur esse amplæ interpretationis: unde dispensatio in dubio censetur valida & licita, possuntque ii, qui habent potestatem dispensandi *ordinariam*, eam alteri delegare.

Quæres 1. Quænam in specie sint causæ justæ, dispensandi in impedimentis matrimonii? R. 1. Evitatio peccati, scandali, infamiæ, gravis inimicitia. 2. Defectus dotis competentis ut non possit nubere extra-neo æqualis conditionis: aut si femina 24. annorum alium virum paris conditionis non inveniatur. 3. Angustia loci; si vere omnes sint consanguinei aut affines. 4. Conservatio familiæ illustri, aut bonorum in familia magnatum. Item dignitas personarum, ac nobilitas, vel excellentia officiorum. 5. Præclara merita in Ecclesiam, etiam tantum consanguineorum, vel intercedentis pro obtinenda dispensatione. Tridentinum tamen decernit, *in contrahendis matrimoniis vel nulla omnino detur dispensatio, vel raro, idque ex causa, & gratis.*

Quæres 2. Quænam causæ dispensandi in voto castitatis aut Religionis? R. 1. Periculum valde magnum incontinentiæ, seu frequentis lapsus carnalis. 2. Difficultas valde notabilis exequendi votum. 3. Majus bonum publicum, quod speratur ex nuptiis, e.g. ad pacem publicam, ad conservandam familiam valde illustrem, vel ad avertendum grave malum propriæ domus. 4. Cessatio causæ, propter quam vovisti. E.g. vovisti castitatem ex spe ingrediendi religionem: nunc autem non potes impetrare susceptionem. 5. Quando supervenit dubium, an materia voti non sit facta inutilis, mala, aut majoris boni impeditiva. 6. Si metu, etiam levi, aut dolo est extortum. 7. Si dubites, an satis deliberate sit emissum.

## §. VII.

## De Cessatione Dispensationis.

Quæritur, quando & quomodo dispensatio, legitime facta, cesset? R. Cessat per revocationem dispensantis, aut ejus superioris ac successoris, item per lapsum temporis præfixi, ac per cessationem causæ finalis adæquatæ. Hinc dispensatus in jejuniis præcise propter morbum, eo cessante rursus subiectus est legi communi. Unde etiam cessat, cessante quacunque causa, cui dispensans voluntatem suam determinate ac præcise noscitur alligasse.

Aliud est, si dispensatio jam esset redacta ad actum irrevocabilem. Sic licet causa dispensandi cesset post contractum jam matrimonium, editam



tam professionem religiosam, obtentum beneficium &c. non tamen cessat dispensatio, aut ejus effectus.

Cessat etiam dispensatio, si sit alligata certo loco, tu vero ex illo egrediaris. Sic licet legatus Apostolicus per Helvetiam impertiverit mihi dispensationem circa lectionem librorum prohibitorum, quia tamen illam tantum pro sua Provincia concessit, ex illa egresso nova dispensatione opus fuit. Non tamen per se cessat morte dispensantis, nisi nempe ad tempus suæ vitæ eam restrinxisset; aut a successore revocetur.

Sicut autem per se non tenetur superior dispensare (quia est gratia) nisi videlicet gravis necessitas vel utilitas publica exigit, vel lex dicat, dispensari debere: sic potest etiam cum invito dispensari, quia liberum est legislatori legem ponere, & positam rursus tollere. Non tamen censetur invito obtrudere velle dispensationis beneficium: adeoque regulariter dispensatio cessat etiam per resignationem aut renuntiationem ipsius dispensati.

#### §. VIII.

Quomodo dispensato petenda a Sede Apostolica?

18.  
Modus petendi dispensationem a Dataria.

**R**esp. Pro dandis dispensationibus duplex Romæ erectum esse tribunal. Alterum ex iis vocatur *Dataria*, quæ dispensat etiam pro foro externo: debetque *Oratoris* seu supplicantis proprium nomen, simulque *Diœcesis* (vel *Diœcesium*, si plures sint supplicantes e. g. circa dispensandum in impedimentis matrimonii) exprimi: solutis simul expensis ac taxa pecuniaria, nisi expetatur & expediatur dispensatio *in forma pauperum*. Quando scilicet oratores veram paupertatem allegant, quod nempe ultra sustentationem statui suo convenientem non habeant, ac insuper sint *miserabiles*, hoc est, qui proprio labore & industria tantum vivant: debentque hujus paupertatis testimonium ab Ordinario petere, ac Romæ exhibere.

Litteræ autem supplices diriguntur ad Papam, exponendo veras causas petendi dispensationem, sine ob & subreptione. Exterior pariter fit inscriptio summo Pontifici, qui deinde dispensationem, per Cardinalem Datarium expeditam, dirigit ad Vicarium Generalem Diœcesis, eique mandat, ut servatis certis clausulis, ibi expressis dispenset cum Oratoribus, idque gratis omnino; nam tantum Dataria *compositionem*, ut vocant, seu taxam pecuniarum debent persolvere.

Porro Dataria adhuc alia duo tribunalia sub se complectitur, in quibus expediuntur dispensationes in impedimento consanguinitatis & affinitatis, videlicet *Cancellariam*, ubi in secundo & tertio gradu, & *Præfaturam*

*Curam Brevium*, in qua in primo affinitatis gradu dispensatur ad matrimonium contrahendum, aut in contracto persistendum.

Alterum tribunal est *sacra Pœnitentiaria*; a qua datur dispensatio pro solo foro interno, idque circa triplicem materiam, nempe 1. circa vota e. g. castitatis ad petendum debitum post matrimonium contractum, aut Religionis ineundæ propter vires debiles, aut gravem metum incontinentiæ. 2. Circa *impedimenta occulta matrimonii* contrahendi vel contracti (excepto impedimento consanguinitatis, in quo non dispensat Pœnitentiaria ad contrahendum, sed tantum ad permanendum in contracto: & quidem tantum in tertio vel quarto gradu.) Denique 3. Circa *varias censuras & irregularitates occultas*, item ad condonandam obligationem restitutionis ob neglectas horas canonicas, aut ad commutandum onus recitationis horarum in aliud opus pium. *Occultum* autem delictum est, quod neque factum neque iure est notorium.

Si autem a S. Pœnitentiaria petatur dispensatio, non exprimuntur vera nomina dispensandorum, sed tantum ficta, e. g. *Cajus, Bertha, &c.* aut per litteras A. B. C. neque ullæ solvuntur expensæ aut taxa.

Litteræ vero (in quibus exprimendum factum cum necessariis circumstantiis ac causis dispensandi, nihil addendo falsi, aut reticendo veri per quod absterri a dispensando posset) diriguntur vel ab ipso oratore, vel ab alio ejus nomine, ad Majorem Pœnitentiarium, seu Cardinalem Pœnitentiarium, cum titulo: *Eminentissime ac Reverendissime Domine Domine*. Exterior autem sic fit inscriptio: *Eminentissimo ac Reverendissimo Domino Domino S. R. E. Cardinali Majori Pœnitentiaro. Romæ.*

In fine litterarum additur: *Dignetur sua Eminentia responsum dirigere Onipotentum ad me infra scriptum.*

Litteræ autem dispensatoriæ (involucro clausæ) Roma mittuntur ad eum, qui pro se, vel pro alio vel aliis dispensationem petit, cum inscriptione exterius facta: *Discreto viro Confessario ex approbatis ab Ordinario, per latorem (vel latricem) presentium eligendo.* Litteræ autem Romanæ una cum litteris supplicantis ad confessarium missæ, quando e. g. petita est in restituendis fructibus ob non recitatas horas dispensatio, ita circiter sonabunt: *Sacra Pœnitentiaria tibi Confessario, a Latore electo, concedit facultatem, ipsum latorem, si ita sit, audita prius ejus sacramentali confessione ob omissionem recitationis præfatarum horarum canonicarum auctoritate Apostolica absolventi, illicque fructus ex dicto beneficio hætenus male perceptos, mediante aliqua elemosyna, arbitrio tuo taxanda, gratiose condonandi.* Debet autem Confessarius per se esse doctor Theologiæ aut SS. Canonum (nisi Roma aliter ordinaverit, aut aliis etiam hujusmodi litteras aperiendi privilegium dederit,



derit, ut dedit Gregorius XIII. PP. Societatis Jesu, a superioribus suis specialem ad id licentiam habentibus.)

21.  
Modus exe-  
quendi di-  
spensatio-  
nem.

Postquam autem ille, ad quem Roma missæ sunt, litteras accepit, debet eas (referato involucro sibi inscripto) sigillatas tradere oratori (vel oratrici) potestque orator eligere Confessarium, quemcumque velit, modo prædictas qualitates habeat: huic igitur a se electo confessario orator tradit litteras obsignatas, referandas ab eo & legendas, atque apud eum deponit confessionem sacramentalem, in qua Confessarius examinat, an preces veritate niteantur, & omnia ita se habeant (quia non est merus executor, sed iudex delegatus) debetque credere oratori, nisi aliunde sciret, esse falsæ, potestque opera præscripta secundum circumstantias moderari, sed non omnino condonare. Tum vero data prius secundum formam consuetam sacramentali absolutione, post illa verba: *Ego te absolvo a peccatis tuis in nomine &c.* addere debet (e.g. si petita sit dispensatio in impedimento matrimonii jam contracti) *Et eadem auctoritate declaro, te in dicto matrimonio manere, debitum conjugale reddere posse & debere: dispenso etiam tecum, ut idem debitum petere licite possis, in nomine Patris &c.*

Data autem absolutione & dispensatione debet litteras S. Pœnitentiariæ lacerare, vel alio modo, e.g. amoto sigillo destruere, ut ad probandum pro foro externo nihil omnino valeant: alias incurrit excommunicationem, quia pro solo foro interno Pœnitentia concedit dispensationem. Unde si postea impedimentum e.g. matrimonii innotesceret, & deduceretur ad forum contentiosum, deberent separari, nisi nova dispensatio pro foro externo a Dataria obtineatur. Cæterum dispensatio Romæ dimissa non expirat, licet re adhuc integra moriatur Pontifex aut Cardinalis Pœnitentarius.

Illud adhuc notari potest, præter Majorem Pœnitentiarium, qui semper est Cardinalis, constitutos esse Romæ in tribus præcipuis Basilicis alios quoque Pœnitentarios subordinatos ac *Minores*, nempe in Vaticana PP. Societatis Jesu, in Lateranensi PP. Franciscanos Reformatos, & ad Mariam Majorem PP. Dominicanos, quibus executos, si supplicantes existant Romæ, sæpius committi solet. Ad quos, si non placeret immediate ad Cardinalem Pœnitentiarium scribere, pro dispensatione procuranda scribi potest, vel ad Procuratorem Generalem alicujus Religiosi ordinis Romæ degentem.

Qui plura desiderat de forma & praxi dispensationum tam pro foro interno tantum, quam etiam pro foro externo, consulat Thomam Sanchez lib. 8. de matrim. præsertim disput. 34. Pyrrhum Corradum in *Praxi dispen*

*dispensat. lib. 7. & 8. Anacletum Reiffenstuel in append. lib. 4. Decret. & Vitum Pichler ad tit. de matrim. contracto contra &c. §. 2. & 3.*

## CAPUT VI.

## De Rescriptis.

## SUMMARIUM.

1. Rescripta publice promulgata habent vim legis.
2. Alia gratiæ, alia iustitiæ.
3. Quis dare possit.
4. An excommunicati possint accipere.
5. Stylus Curia Romanæ.
6. Quid exprimendum.
7. Datum motu proprio sanat regulariter vitium subreptionis.
8. Quid operentur clausulæ: si preces veritate nitantur: salvo jure tertii, non obstantibus &c.
9. Vitiosum rescriptum quando censeatur.
10. 11. Ob-vel sub-reptitiæ per dolum obtentum est ipso jure nullum.
12. Licet dolus non sit causa concessionis.
13. Et quidem ante omnem sententiam, saltem pro foro interno: & de jure Canonico.
14. Valet tamen quoad judicem delegatum de jure civili. Qui de causâ etiam principali potest cognoscere & judicare.
15. Quando sub-vel ob-reptio non est dolosa, valet rescriptum, si Princeps tamen daturus fuisset: puta, si subsistat causa finalis, ac principalis, nec deficiat forma substantialis.
16. De præsentatione rescripti.
17. An incipiat valere a die datæ vel acceptæ.
18. Rescripta regulariter sunt strictæ interpretationis.
19. Quibus committenda eorum executio.
20. Quando expiret potestas per illa delegata.
21. Quid? si quis plura de eadem re obtinuit rescripta.
22. De rescriptis moratoriis.

## §. I.

Quid, & quotuplex sit Rescriptum?

**A**d tractatum de Legibus pertinent etiam Rescripta Principum, data quidem ad consultationem, vel supplicationem alterius, quæ tamen vim legis sortiuntur, quando publice promulgantur, aut corpori juris interponuntur.

Ut patet ex libris Decretalium & Codicis, qui majori ex parte compositi sunt ex rescriptis Pontificum aut Imperatorum, initio quidem ad privatos missis, dein vero per insertionem in corpus juris canonici vel civi-

1.  
Rescripta publice promulgata habent vim legis.



civilis, ac publicam promulgationem vim legis nactis. Secus vero jus quidem illi rescriptum affert, cui datur: non autem parit jus commune.

Sicut autem consuetudo alia est contra jus, alia præter jus, alia secundum jus, sic etiam rescriptum. Præcipua tamen ejus divisio est in *Rescriptum gratiæ*, & *Rescriptum justitiæ*. Rescripta gratiæ dantur ex liberalitate Principum, quibus nempe favor aliquis, beneficium, privilegium, dispensatio, exemptio, vel indulgentiæ conceduntur.

2.  
Rescriptum  
gratiæ &  
justitiæ.

*Rescripta justitiæ*; sive ad lites vocantur, quæ dantur in ordine ad declarandum jus dubium, aut justitiam administrandam, e.g. quando Princeps causæ alicujus ad se delatæ cognitionem delegat alteri.

Inter hæc assignant aliqui quasi medium seu *mixtum*, quando simul gratiam & justitiam complectitur.

In dubio autem præsumitur potius esse Rescriptum justitiæ: nam gratia tanquam donatio aliqua debet probari.

## §. II.

### De causa efficiente Rescripti.

3.  
Quis dare  
possit?

Rescriptum dare potest Princeps, præsertim supremus, ut Papa, Imperator, Rex, aliique superiorem non agnoscetes, ut respublicæ independentes: cum enim polleant suprema potestate legislativa, ac dominio alto, rescripta gratiæ & justitiæ possunt concedere contra jus humanum, præter jus, & secundum jus. Imo inferiores etiam Principes ac legislatores, in quantum eorum potestas se extendit; quamvis horum litteræ non ita proprie vocentur *rescripta*, sed potius *responsa*, *litteræ commissionis* &c.

Ad causam efficientem rescripti reduci etiam potest orator, seu is, qui petit & obtinet illud. Omnis autem est capax obtinendi pro se Rescriptum, qui non specialiter prohibetur.

4.  
Quis acci-  
pere?

Prohibentur autem a sede Apostolica rescriptum petere hæretici, item excommunicati, excommunicatione majore, etiam tolerati, ita quidem, ut rescriptum, a tali impetratum regulariter sit omnino invalidum, & ipso jure nullum. *c. i. h. t. in 6.* quia regulariter excommunicatio facit omnino inhabilem. Hodie autem de stylo Curiae Romanæ plerisque rescriptis solet inferi absolutio a censuris, quoad effectum illius rescripti duntaxat consequendum.

An excom-  
municatus?

Dixi autem *regulariter*, nempe extra casus, a jure exceptos. Sic *i.* valet rescriptum, obtentum ab aliquo in ipsa causa suæ excommunicationis: alias non haberet medium ad sui defensionem, & impetrandam absolutionem. *c. i. cit.*

2. Si Papa sciens excommunicationem rescribit: nam tunc præsumitur dispensasse. Et hinc, ut dictum, curia Romana rescriptis ordinarie inserit absolutionem a censuris, ut rescripta sint valida, & effectum sortiantur.

3. Si excommunicatio sit lata sub conditione necdum impleta, aut primum post acceptum rescriptum iustitiæ incidat in excommunicationem: tunc enim valeret, licet impetrans per exceptionem repelli posset.

4. Si rescriptum sit concessum ab Episcopo, vel alio ordinario Pa-pa inferiore, quia non est adeo proprie rescriptum, aut si concessum sit a Principe sæculari, quia dispositio juris Canonici ad hoc non est extendenda, utpote odiosa.

Cæterum potest quis etiam pro alio impetrare rescriptum gratiæ, si-ne speciali mandato: imo etiam iustitiæ personis conjunctis, e. g. consanguineis vel affinibus.

## §. III.

## De causa formali Rescripti.

Forma rescripti consistit in legitima illius expeditione, ad quod requiritur 1. Ut observetur stylus curiæ: nempe, ut præponatur nomen Pontificis vel Imperatoris, annus Christi, Pontificatus vel Imperii, dies, locus: atque ut Papa Episcopos nominet *Venerabiles Fratres*, Reges autem, Principes & alios *Dilectos Filios*. Item ut rescripta gratiæ ornentur filo serico rubri coloris: iustitiæ vero filo cannabino, a quo dependet plumbum.

2. Ut habeat tres partes, nempe 1. Narrationem supplicantis, velut speciem facti. 3. Conclusionem Principis seu dispositionem, cum consuetis clausulis. Semper tamen subintelliguntur istæ: *Salvo jure tertii: si preces veritate nitantur*. Imo *l. fin. C. de divers. rescript.* expresse requiritur hæc clausula ad rescripta Imperialia.

3. Ut exprimatur jus tertii, rescriptum jam prius in eodem negotio obtentum, & quidquid moveret ad rescriptum non dandum, vel non dandum hoc modo. Specialiter vero in rescripto iustitiæ exprimi debet, an lis jam pendeat, & coram quo iudice, iudicis petiti distantia ultra diætam, seu decem horas a Diœcesi adversarii: non enim præsumitur Pontifex in tam distantem locum velle vocare partes, nisi id exprimat. Exprimi etiam debet, si jam lata sit sententia, aut interposita appellatio vel deserta, facta transactio, laudum &c.

In rescripto autem *Beneficiali* exprimi debet beneficium, quod jam possidetur: item illud, quod petitur: item jus ad illud, qualitas ejusdem,

Pars I,

R

modus

5.

Servandus  
stylus curiæ.

6.

Quam ex-  
primenda?



modus, quo vacat, quis sit in illius possessione, vel detentione, redditus illius, nomen Sancti Ecclesiæ, in qua vacat, aut petitur, nisi sit Ecclesia cathedralis.

Notandum tamen, Canonicatus omnes Germaniæ & Hispaniæ a Romana curia taxari tantum ad 24. aureos. Adeoque etiam quoad rescripta hi tantum redditus sunt significandi.

Porro, si rescriptum petatur in *forma pauperum*, seu in *forma communi*, quando nempe petitur beneficium a Clerico paupere, ipsique confertur, debet fieri mentio illius patrimonii.

7. **Datum motu proprio.** Datur autem rescriptum aliud *motu proprio*, aliud *ad instantiam*. Motu proprio dicitur concedi gratia, quando illa non est petita, aut quando quidem est petita, princeps tamen in rescripto addit, se motu proprio illam concedere. Hæc autem verba sanant vitium subreptionis, si non sit contra justitiam jam quesitum, aut persona sit inhabilis, e. g. irregularis, aut laborans impedimento, aut taceatur qualitas intrinseca beneficii, e. g. quod sit curatum. In his enim tribus casibus per clausulam *motu proprio* non tollitur jus tertii, inhabilitas, impedimentum, nisi id exprimat.

**Ad instantiam.** *Ad instantiam* rescriptum concedi dicitur, quando Princeps inductus est precibus impetrantis, & ita concessum præsumitur, quoties in litteris non exprimitur, id concedi motu proprio. c. 23. de præbend. in 6.

Aliæ insuper rescriptis addi solent clausulæ, vel saltem subintelligi: quales sunt 1. *Si preces veritate nitantur.* L. 7. C. de diversis rescriptis. Nam hæc clausula invalidum reddit rescriptum, si res non ita se habeat in puncto aliquo substantiali, quia Princeps censetur alligare suam voluntatem narrationis veritati, præsertim in rescriptis gratiæ & quoad substantialia.

8. **Varia clausula.** 2. Additur, vel subintelligitur clausula *salvo jure tertii*: quia Princeps non censetur derogare juri alterius, nisi id exprimat. Unde rescriptum est ipso jure nullum, quod cedit in damnum tertii.

3. In rescripto beneficii clausula: *Si is, cui confertur, dignus sit*, hoc est, si non labore impedimento canonico, facit rescriptum invalidum, si sit indignus.

Clausulis derogatoriis, quibus e. g. dicitur: *Non obstantibus quibuscunque privilegiis, sub quacunque forma concessis*, non censetur derogatum privilegiis in corpore juris clausis, bene tamen aliis privilegiis ac prioribus dispositionibus, quæ non sunt in corpore juris; nisi essent munitæ clausula prægnante, seu derogatarum derogatoria, hoc est tali, qua privilegia adeo firmiter conceduntur, ut per nullam constitutionem revocata censi debeant, nisi expressa & specifica mentione iis derogetur. Nam talia

alia ex mente concedentis non includuntur in generali revocatione. Idem dicendum de privilegiis, concessis per modum pacti, e. g. in compensationem meritorum; nam ut istis derogetur, requiritur eorum specialis mentio.

## §. IV.

## De vitiis Rescripti.

**V**itiosum censetur rescriptum, quando forma prædicta juxta stylum curiæ non observatur, ac necessaria non exprimuntur, e. g. si sit contra jus commune, sine clausula ejusdem derogatoria c. 15. 25. *quæst. 2. ibi: Rescripta, contra jus elicitæ, ab omnibus judicibus præcipimus refutari: nisi forte est, quod non lædat alium, & prosit petenti, vel crimen supplicantibus indulgeat.* Ratio est: quia præsumitur Princeps non velle uno rescripto tollere jus, tam maturo judicio insertum corpori juris, nisi id exprimat. Sicut etiam non censetur derogare consuetudini legitime præscriptæ, nisi exprimat.

Sic etiam censetur vitiosum, si non exprimat jus tertii: si impetretur post transactionem jam initam, aut post appellationem desertam: si delegetur judex incertus, ad arbitrium petentis eligendus, aut in præjudicium judicis ordinarii delegetur judex pro omnibus causis & negotiis, aut si committatur aliquid insolitum ac nimis durum, aut contra bonum publicum. Item si contineat manifestos errores, rasuram, lituram, cancellationem in loco suspecto, aut parte substantiali, præsertim in conclusione, quam non sit credibile in curia Principis irrepsisse, aut contigisse. Sæpius tamen ejusmodi nævi præsumi possunt in curia contigisse, si litteræ adhuc clausæ & sigillatæ offerantur.

Præcipue autem vitatur rescriptum per ob- & subreptionem. Obreptio contingit, quando exprimitur falsum: subreptio vero, quando retinetur verum. Et tunc dicitur rescriptum ob- vel subreptiis obtentum, ac merito præsumitur deesse consensum in concedente; cum in rescriptis addatur vel subintelligatur hæc clausula: *Si preces veritate nitantur, & consensui nihil magis sit contrarium quam error.*

## CONTROVERSIA.

*An & quomodo per ob- vel subreptionem Rescriptum fiat invalidum?*

**R**esp. 1. Rescriptum tam justitiæ, quam gratiæ est ipso jure nullum, quando est obtentum per ob- vel subreptionem dolosam ac malitiosam. Colligitur ex c. 15. & 16. h. in quibus dicitur, quod *fraus & dolus alicui patrocinari non debeat*: quod mendax precator careat penitus impetratis. cap. vero 20. dicitur: *Qui per fraudem vel malitiam falsum exprimunt, vel supprimunt.*



*veritatem, in suæ perversitatis pœnam nullum ex litteris commodum consequantur.* Adeoque irritatur totum rescriptum quoad omnes partes, si tendant ad eundem finem.

**Etiam gratiæ.**

Quamvis autem textus citati loquantur de rescriptis iustitiæ, extenduntur tamen etiam ex communi DD. & Interpretum ad rescripta gratiæ, vel potius hæc etiam in lege comprehensa censentur: cum ratio allata, nempe quod fraus nemini patrocinetur &c. potius pugnet contra rescripta gratiæ. Nam his, si valet, totum negotium est confectum: quoad rescripta autem iustitiæ, cum ordinarie tantum iudex delegetur, subeundum adhuc est fraudulentum iudicium, in quo contra dolum rescriptum excipi potest, aut si non excipiatur, potest condemnari.

**12.**  
Licet dolus non sit causa.

Procedit hæc responsio etiam in casu, quo dolosa expressio falsitatis, aut suppressio veritatis non est causa concessionis: nam ut ex citatis Canonibus constat, indistincte vitiatur rescriptum per dolum.

**Aliud si tantum circa accidentale.**

Si tamen falsitas dolose expressa non versaretur circa substantiam causæ, sed tantum circa aliquid extrinsecum, aut accidentale, quod ad causam vel negotium per se non pertineat, rescriptum valeret; quia rescriptum tantum vitiatur per reticentiam eorum, quæ exprimi debent, aut per expressionem falsam eorum, quæ per se ac intrinsece pertinent ad causam, aut secundum praxin & stylum curiæ necessario requiruntur. Atque hæc satis certa.

Majus autem dubium est, an nullitas rescripti dolose impetrati oriatur ante omnem sententiam iudicis, etiam declaratoriam criminis seu doli commissi? Ratio dubitandi est, quia c. 20. de rescript. habetur, quod *in perversitatis suæ pœnam nullum ex litteris suis commodum consequantur.* Sed pœnæ non videntur incurri ante omnem sententiam.

**13.**  
Nullum est ante sententiam.

Sed dicendum: Rescriptum gratiæ ob vel subreptitiam per dolum obtentum ante omnem sententiam esse nullum, saltem pro foro interno. Nam licet nullitas rescripti in pœnam perversitatis sit statuta, hæc tamen pœna est mere negativa, non privans aliquo jure antecederet jam quæsito, talis autem pœna incurritur ante omnem sententiam. Et cur gaudeat gratia aut privilegio, per dolos & fraudes impetrato? Sic enim mendax precatior non careret penitus impetratis: cum concessio privilegii ac gratiæ ante sententiam iudicis valeret, quæ sæpe propter defectum actoris, aut alias circumstantias non ferretur. Dixi autem: *saltem pro foro interno*; nam impetrans rescriptum dolose non potest bona conscientia eo uti: si tamen contra conscientiam suam illud executori gratiæ obtulerit, debet is de veritate precum cognoscere, & an non dolose sit obtentum, detecto autem dolo, debet rescriptum irritum declarare & precatorem dolum repellere. Ex quo patet, rescriptum etiam viciosum

sum (nisi dolus esset notorius) tantisper sustineri quoad potestatem executori datam ad examinandum ipsum rescriptum, & cognoscendum, an preces veritate nitantur: & sic quoad forum externum non esse omnino nullum ante sententiam judicis delegati, aut executoris.

Idem probabilius etiam de rescriptis justitiæ est dicendum: quod nempe etiam delegatio judicis dolose obtenta ante omnem sententiam judicis sit nulla: saltem de jure Canonico & pro foro intèrno, quia mendax precator penitus debet carere impetratis. c. 15. b. Ergo etiam carere debet iudice delegato impetrato, ejusque actis, quia fraus & dolus alicui patrocinarare non debet c. 16. h. 1. & c. 20. non tantum expresse dicitur, quod dolose obtinens rescripta nullum ex iis commodum consequatur: sed etiam additur: ita videlicet, quod delegatus (postquam sibi de hoc facta fuerit fides) nullatenus de causa cognoscat.

Quibus verbis iudici delegato, postquam sufficienter agnoscit, litteras malitiose esse impetratas, adimi videtur omnis potestas de causa ipsa cognoscendi & judicandi; nam ut paulo ante dictum de executore gratiæ, de veritate rescripti, & an preces veritate nitantur, potest etiam iudex delegatus cognoscere, imo debet, si dolus non sit notorius ac certus. Unde quoad hanc potestatem, iudici delegato concessam, rescriptum non est omnino nullum, licet per obvel subreptionem dolosam sit obtentum. Cognito autem sufficienter dolo, debet rescriptum irritum declarare, & ad cognitionem causæ principalis non procedere. Hoc enim solum c. 20. cit. videtur prohibitum.

Dixi autem, saltem de jure Canonico: nam aliud forte est de jure civili. Et canonico. Difficultatem movent quædam leges: quia l. 2. C. si contra jus, habetur: Si præscriptione (exceptione) mendaciorum opposita: sive in juris narratione mendacium reperiatur: sive in facti, sive in tacendi fraude, pro tenore veritatis, non deprecantis affirmatione, datum iudicem cognoscere debere, & secundum hoc de causa convenit ferre sententiam. Ubi plane iudici datur potestas cognoscendi & judicandi de causa, etiam postquam exceptio de rescripto per mendacium impetrato interposita, ac fraus detecta est.

Neque dicas 1. Hic non esse sermonem de iudice delegato; sed de ordinario, qui non habet potestatem judicandi vi rescripti, sed vi juris ordinarii: consequenter licet rescriptum sit invalidum, eum tamen posse cognoscere & judicare. Hoc, inquam, dici non potest: nam quid opus per rescriptum iudici ordinario dare potestatem judicandi, quam alimunde vi sui officii habet? deinde lex expresse loquitur de iudice dato: atqui per iudicem datum leges designant iudicem delegatum. Ergo hac lege iudici delegato datur potestas judicandi de causa, etiam postquam ipsi compertum est, rescriptum malitiose esse obtentum.

Neque dicas 2. Hanc legem non loqui de mendacio doloso, sed per  
R 2  
igno: Qui potest

14.  
Aliud de jure  
civili quoad  
iudicem de-  
legatum,



causam cognoscere & judicare,

ignorantiam vel errorem commisso. Nam quis unquam innocenter est mentitus, aut per ignorantiam, cum mendacium sit locutio contra mentem? & cur precator in petitione rescripti circa jus vel factum mentitur, nisi ut decipiat, & per fraudem obtineat rescriptum, quod sine mendacio obtinere desperat? Deinde lex aperte dicit, judicem datum debere de causa cognoscere & judicare, licet rescriptum *tacendi fraude* sit obtentum. Quod autem per hanc legem judici delegato non tantum detur potestas cognoscendi de veritate & valore rescripti, atque de eo ferendi sententiam, sed etiam cognoscendi de ipsa causa principali, ad quam judicandam est delegatus, atque de ea sententiam ferendi, ratio est: quia lex dicit quod delegatus etiam comperto mendacio aut fraude, pro tenore veritatis ad cognoscendam & definiendam per sententiam causam debeat procedere. Et plane de causa ferre sententiam non tantum est de rescripto ferre sententiam. Neque tamen supplicans ex mendacio aut fraude fert commodum: quia judex delegatus secundum merita causae & rigorem justitiae debet judicare, & si suspectus sit, potest pars altera contra eum excipere. Caterum nihil est novi, quod princeps aut respublica etiam illi, qui fraude adeptus est officium judicis, det jurisdictionem, ut acta illius valeant, ut patet in Barbario Philippo. Quando ergo magis poterit dare jurisdictionem innocenti, quando tantum alius quispiam commisit fraudem.

Licet fraude sit obtentum.

Rurfus *l. & si 4. eod.* dicitur: *Et si non cognitio causae, sed executio mandatur, de veritate precum inquire oportet, ut, si fraus intervenerit, de omni negotio cognoscatur.* Ubi iterum judici delegato datur potestas de tota causa cognoscendi, licet rescriptum per fraudem sit obtentum. Ergo quoad judicem datum seu delegatum videtur validum esse rescriptum ob-vel subreptitiae fraudulenter obtentum, saltem ante sententiam judicis, qua aut irritet rescriptum, aut rescindat, aut saltem declaret dolum commissum. Certe pro foro externo videtur omne rescriptum, etiam Pontificium, interim sustineri, donec judex delegatus de veritate precum cognoscat: hoc enim ipsi per rescriptum demandatur, ut examinet, an preces veritate nitantur, an non sub-vel obreptitiae sit obtentum. Ergo saltem quoad hanc cognitionem valida est potestas judici delegato per rescriptum data, licet postea dolose obtentum deprehendatur. Unde jus Canonicum *c. 20. cit.* non prohibet judici delegato de veritate precum, & an rescriptum dolose sit obtentum cognoscere; sed tantum vetatur, dolo detecto, de causa ipsa principali cognoscere: de jure civili autem neque hoc videtur ipsi esse prohibitum, sed potest ad ipsius etiam causae principalis discussionem procedere, nisi Princeps, qui rescripsit, exceptioni alterius partis deferat, & rescriptum aut rescindat, aut irritum esse declaret. Si autem pars altera

non

non excipiat contra rescriptum, aut Princeps exceptioni non deferat, valida erit sententia iudicis delegati, relicta parti condemnatae via appellationis, aliisque juris remediis.

Resp. jam ad controversiam propositam 2do; Quando ob-vel subreptio non contingit malitiose, sed per simplicitatem aut ignorantiam inculpabilem, tunc pariter rescriptum est invalidum, si Princeps, exposita incere veritate, non fuisset daturus rescriptum. Tunc autem censetur non fuisse daturus, quando non subsistit causa finalis, aut impulsiva seu motiva principalis, vel deficit forma substantialis. Ratio est: quia tunc est voluntas & consensus Principis, cui nihil tam est contrarium, quam error.

Quando autem subsistit causa finalis, aut motiva principalis, nec deficit aliquid ad formam substantialem pertinens, sed ob-vel subreptio tantum circa aliquid aliud ex simplicitate aut ignorantia contingit, rescriptum est validum: quia censetur Princeps daturus fuisse illud, licet obreptio vel subreptio illa accidentaliter non contigisset. Unde poterit in tali casu iudex delegatus procedere etiam in causa principali, sibi commissa; non tamen secundum formam in rescripto praescriptam, sed secundum ordinariam: e. g. si quis in sua supplicatione per ignorantiam falso narrasset, sua patria esse consuetudinem, omnes causas tractandi *summariæ*, & ideo papa delegasset cum clausula, *processus summarii, & appellatione remota*, tunc delegato non forma hujus rescripti sed processus juris ordinarius instituendus esset.

Tota hæc doctrina de impetratione rescripti dolosa & non dolosa, continetur *cap. 20. h. t.* ubi Pontifex addit, quod si expressa fideliter veritate Princeps non fuisset daturus rescriptum, *a delegato non esse procedendum, si forsitan eatenus, ut partibus ad suam præsentiam convocatis, de precum qualitate cognoscat.*

Neque hoc locum tantum habet in rescriptis iustitiæ, sed etiam, de quo magis disputatur, in rescriptis gratiæ, quia scilicet etiam tunc, deficiente aliquo ad rescripti formam ac substantiam ex praxi & stylo curiæ requisito, deficit ipsum rescriptum: & quidem si malitiose est obtentum, deficit totum quoad omnes partes in eo contentas; quia mendax precator penitus carere debet impetratis, nullumque ex eo commodum consequi. Si vero per ob-vel subreptionem non malitiosam est obtentum, deficit secundum eas partes, quarum causa finalis deficit, vel respectu quarum datur defectus substantialis, subsistentibus partibus aliis, non vitiatis, cum vitiata non connexis: quia utile per inutile non debet vitiari.

Et hinc etiam, quando supplicans in sua petitione assignat duas causas

15.  
Aliud de ob-  
tento non  
dolose.

Si vitium  
non dedit  
causam.



fas, unam veram & alteram falsam, quarum tamen quolibet est sufficiens valet rescriptum: saltem si falsa causa sine malitia est inserta.

Cæterum error circa qualitatem, quæ non redundat in personam aut rei substantiam, rescriptum non irritat; ut si pro nomine Petri posuit sit nomen Joannis, si appelletur nobilis, graduatus, Suevus &c. quod non est talis.

## §. V.

## De Rescripti Præsentatione, &amp; Interpretatione.

16.  
Tempus præ-  
sentationis.

**R**escriptum ab impetrante præsentari debet judici delegato aut executori gratiæ tempore a rescribente præfixo. Alias vires suas amittit.

Si autem a rescribente nullum tempus est præfixum, rescripta gratiæ quocunque tempore præsentari possunt, etiam post mortem concedentis. *c. 9. de offic. Jud. Deleg.* & hinc præferendus est, qui priores litteras super beneficio e. g. obtinuit, licet alter posteriores litteras prius præsentaverit: si ille absque dolo & negligentia notabili offerre ac præsentare distulerit. *c. 12. h. t. in 6.*

Rescriptum autem Justitiæ præsentari tamdiu potest, quamdiu durat jus agendi vel excipiendi, super quo impetratum est. Quia rescripta etiam justitiæ, regulariter sunt perpetua. Si tamen impetrans rescriptum per annum præsentare neglexerit, alius vero interim obtineret aliud, prævaleret hoc secundum, licet prioris non sit facta mentio. *c. 23. h. t.*

17.  
Quando in-  
cipiant va-  
lere.

**Quæres 1.** An rescripta seu litteræ valeant a die data (expeditionis) quo videlicet Romæ sunt expeditæ, an vero a die præsentatæ, quo tempore judici delegato vel executori gratiæ sunt præsentatæ?

**Resp.** Rescripta gratiæ regulariter valent a die datæ: justitiæ vero a die præsentatæ. (Quamvis ea, quæ pertinent ad valorem, debeant subsistere a die datæ) quia jurisdictio non datur complete nisi scienti & acceptanti. Si autem post præsentationem rescribens moriatur, re adhuc integra, extinguitur jurisdictio delegati, non vero, si per citationem (aut saltem, ut alii volunt, per litis contestationem) lis jam sit inchoata tunc enim ei perpetuatur jurisdictio. *c. gratum 20. de offic. & potest. Jud. deleg. l. & quia 6. ff. de Jurisd.*

18.  
Quomodo  
interpretan-  
da.

**2. Quæres 2.** Quomodo rescripta sint interpretanda? **Resp. 1.** Deben sumi secundum mentem rescribentis, in sensu proprio, & clausulas adjunctas, specialiter vero rescripta justitiæ oportet strikte interpretari, & quantum fieri potest secundum jus commune, ut jurisditioni ordinariæ & juri tertii quam minime præjudicentur. Unde nullatenus sunt extendenda ad personas & causas non expressas. Hinc nomine Clericorum non intelligitur in his Episcopus, neque Religiosus, neque nomine civitatis iurisdic-  
**Resp.**

Resp. 2. Etiam rescripta ad beneficia stricte sunt sumenda: nam horum petitio sæpe censetur esse ambitiosa: nisi concessa sint in compensationem. Sic etiam dispensationes sunt stricte interpretationis, utpote restrictive juris communis. Aliud tamen foret, si dispensatio daretur *motu proprio* intuitu publicæ utilitatis, aut privilegia data essent toti alicui Regioni, aut ea, ad quæ extenduntur, sint accessoria aut connexa.

Quando autem dicitur, beneficia Principum esse amplæ interpretationis, de illis tantum id intelligendum est, quæ sunt in præjudicium privatum Principis, non autem de iis, quæ sunt in præjudicium tertii aut boni publici. Quo casu, cui concessum est id, quod est plus, non nec ipso concessum ei intelligitur id, quod est minus: nisi minus sit accessorium majoris, aut connexum cum majore, aut in eo comprehensum.

Ipsa tamen potestas dispensandi, ut alias monuimus, tam ordinaria, quam legata est latæ interpretationis, si nemini præjudicet, nisi tantum concedenti. Ratio est, quia interest boni publici, illos, quibus lex est justo gravior, ab illa eximi posse.

## §. VI.

## De executione &amp; expiratione Rescriptorum.

Rescripta justitiæ Sedis Apostolicæ regulariter committenda sunt personis in dignitate aliqua ecclesiastica constitutis, vel Canonicis cathedralibus, aut superioribus Regularium; præsertim si causæ cognitionem & jurisdictionem ecclesiasticam exercendam demandent.

19.  
Quibus committenda executio.

Dixi autem *regulariter*: nam si Papa committeret simplici Clerico, commissio foret valida: præsertim si apponat clausulam, se id ex certa scientia facere.

Et quidem, si executio non sit commissæ personæ, sed dignitati, aut officio, e.g. Episcopo, Præposito, Decano, Vicario Generali, Abati, Priori conventuali &c. commissio transit etiam ad successores. Dignitas enim est perpetua, non tamen potest Episcopus executionem, sibi delatam, Vicario suo committere. Imo neque Episcopus potest suscipere executionem, commissam suo Vicario, quia dignitas in litteris expressa videtur esse conditio *sine qua non*: & quoad jurisdictionem tantum ordinariam, & delegationem ad universalitatem causarum, idem est Episcopi & Vicarii tribunal: non autem quoad causas particulares, specialiter commissas.

Tenetur autem executor præfixo tempore executionem suscipere:

Pars I.

S

alias



alias cessat ejus potestas delegata, nisi in rescriptis ad litem ipsi consensu partium prorogetur jurisdictio.

20.  
Quando ex-  
spiret pote-  
stas delega-  
ta?

Si autem in litteris nullum certum tempus executionis est determina-  
tum, hoc ipso neque lapsu temporis extinguitur jurisdictio delegata quo-  
ad rescripta justitiæ. Si vero sit rescriptum gratiæ ad beneficium, Ordi-  
narius, ad quem directæ sunt litteræ, intra 30. dies, a præsentatione  
litterarum computandos, conferre debet beneficium, & provisum mit-  
tere in possessionem: nisi obstet legitimum impedimentum: quod si im-  
pedimentum occurrat e. g. ex eo, quod alius se opponat, oportet prius  
de hoc cognosci: & tum primum incipit currere tempus 30. dierum.

21.  
Quid? si  
quis plura  
obtineat?

Si autem duo impetrata sint rescripta contraria super eadem re, præ-  
valet prius; nisi posterius sit magis speciale, aut munitum clausula de-  
rogatoria, aut prioris faciat mentionem: in his enim casibus prævaleret  
posterius: nisi per prius jam esset tertio jus in re quæsitum; tunc enim  
non censeretur Papa illi velle præjudicare, nisi prioris mentionem faciat,  
aut specialem clausulam derogatoriam apponat. Si vero, qui prius ac-  
cepit, per annum integrum uti eo neglexerit, secundum valebit, et si  
prioris mentionem non faciat *c. 9. & 23. b. 7.*

Si tamen tuo contraria simul essent obtenta, utrumque suspectum  
esset; quando autem successive per se & regulariter per speciale dero-  
gatur generali.

Sed quid, si quis plura accepit rescripta seu gratias expectativas ad  
plura diversa beneficia vacatura? R. Tunc posterius, si non faciat men-  
tionem prioris, probabilius habendum est pro subreptitio, alias enim  
præberetur occasio fraudibus, ad obtinenda plura beneficia contra SS.  
Canones.

Cæterum quando Papa per rescriptum concessit Episcopo potestatem  
providendi de beneficio, ad se devoluto, certæ personæ, si res sit adhuc  
integra, per mortem Papæ potestas data extinguitur *c. 36. de præbend. in 6.*  
quia per mortem §. 10. *Instit. de mandat.*

Aliud foret, si potestas concessa esset in favorem Episcopi, vel Ec-  
clesiæ, pro qua mandatur provisio: tunc enim non extingueretur morte  
concedentis *arg. c. 36. cit.* Idem dicendum, si Episcopo Papa daret pote-  
statem generaliter, conferendi aliqua indeterminate beneficia (ad colla-  
tionem Sedis Apostolicæ devoluta) in certa Ecclesia, nulla nominata  
persona; nam tunc ne quidem re adhuc integra, expiraret data potestas  
per mortem dantis *c. 36. cit.*

Alias vero circa expirationem rescriptorum hæc datur regula: quod  
scilicet rescripta justitiæ extinguantur cum morte concedentis, re adhuc  
integra, seu antequam initium executionis factum sit, rescripta vero gra-  
tiæ

tiae vim suam retineant, etiam post obitum concedentis, licet res adhuc sit integra, quia decet, concessum a Principe beneficium esse mansurum. Aliud esset, si Princeps in rescripto certis clausulis aliter mentem suam explicaret.

Quæres: an Princeps debitoribus dare possit rescripta *Moratoria*?  
 1. Potest illis talia dare in quinquennium, intra quod tempus non teneantur solvere debita.

22.  
 De Rescriptis moratoriis.

Non tamen omnibus promiscue debitoribus dari possunt, sed iis tantum, qui non ex propria culpa ad incitas sunt redacti, sed bello, incendio, vel aliis casibus fortuitis, aut hominum injuria.

Neque extendit se rescriptum ad creditores futuros, æque pauperes, opifices, mercenarios, Ecclesias, fiscum, pupillos; quia sunt in iure privilegiati.

## CAPUT VII.

### De Consuetudine.

#### SUMMARIUM.

1. Cur dicatur Jus non scriptum? Per quales actus introducatur?
2. Quot actus requirantur?
3. Et quantum tempus?
4. Qualis consensus legislatoris?
5. Quotuplex sit consuetudo?
6. Quid consuetudo juxta, præter ac contra legem?
7. Quando sit rationabilis, aut irrationabilis?
8. Tractatur controversia, quomodo consuetudo contra legem possit esse rationabilis, cum rationibus dubitandi.
9. Rationes decidendi fundantur in distinctione inter consuetudinem causalem, & formalem jam introductam, cui assistit consensus legislatoris.
10. Resp. rationibus dubitandi.
11. Actus mali sunt tantum occasio.
12. Lex naturalis & divina nulla consuetudine potest abrogari.
13. Disparitas inter consuetudinem & præscriptionem multiplex.
14. Conciliantur leges.
15. Si consuetudo reprobatatur tanquam corruptela, manentibus eisdem circumstantiis, non potest abrogare legem.
16. De effectibus consuetudinis, ejusque obligatione.
17. Non requiritur, ut consuetudo in judicio contradictorio sit approbata, sed sufficit, ut sit notoria facto.
18. Consuetudo obligare potest, vel sub culpa, vel pœna, vel sub utraque, sicut lex scripta.
19. An possit abrogare legem, munitam clausula: Non obstante quacunque consuetudine? Explicatur magis doctrina de lege, reprehante consuetudinem tanquam corruptelam.
20. Consuetudo potest etiam abrogare legem irritantem: imo etiam novam irritatio.



zationem inducere, e. g. impedimen-  
ta dirimentia matrimonii.

21. Quomodo consuetudo sit optima inter-  
pres legum.

22. Consuetudo immemorialis æquipa-  
ratur privilegio, nisi eam allegans sit  
inhabilis ad possidendum, aut consuetudo  
sit reprobata a lege tanquam abusus &

corruptela, nec mutata sint circumstan-  
tiæ.

23. Tempus tamen immemoriale fundat  
præsumptionem privilegii & tituli.

24. Consuetudo, cum sit res facti, pro-  
bari debet. Et quomodo?

25. Quomodo consuetudo abrogetur per  
consuetudinem?

26. Et legem contrariam?

Cum consuetudo sit *jus non scriptum*, opportune tractatio illius legibus  
scriptis subjungitur, præsertim cum quotidianus ejusdem passim sit  
usus, & pleraque cum jure scripto habeat communia, nempe honesta-  
tem, utilitatem, rationabilitatem &c.

### Quid sit Consuetudo.

I.  
*jus non  
scriptum.*

Proprie sumpta est *jus non scriptum*, diuturnis populi moribus introductum, cum  
aliquo legislatoris consensu.

Dicitur 1. *Jus non scriptum* seu lex. Licet enim postea in scripta refe-  
ratur, non tamen dicitur lex scripta: quia originem suam non ducit a vo-  
luntate legislatoris promulgata, sed ab usu & moribus populi. Sic, licet  
duo libri Feudorum adjungantur corpori juris scripto, non tamen censetur  
esse *jus scriptum*, sed consuetudinarium, quod originem suam referat  
ad mores populorum. Licet autem consuetudo multa cum *traditione* ha-  
beat communia, differunt tamen in eo potissimum, quod traditio neque  
abroget antiquam legem, neque novam constituat, sed jam constitutam  
promulget, applicetque.

Introductum  
populi mori-  
bus.

Dicitur 2. *Populi moribus*, seu actibus frequentatis, notoriis, non interruptis,  
majoris saltem partis de communitate. Non autem sufficiunt actus com-  
munitatis imperfectæ, e. g. alicujus familiæ, sed debet esse communitas  
*perfecta*, cui lex imponi possit, & quæ, nisi potestatem transfuisset in  
Principem, legem ferre posset. Licet enim legem de se non amplius fer-  
re possit, ex consensu tamen saltem legali Principis potest: & hinc non  
tam est lex populi quam Principis. Cæterum major pars populi debet ef-  
fe ex capacibus legis, non computatis infantibus, amentibus &c. De-  
bet etiam actus poni voluntarie, nempe cum intentione obligandi, aut  
obligationem tollendi. Unde non sufficiunt ad inducendam consuetudi-  
nem actus, mere materialiter positi, ex errore, aut ignorantia, aut  
coactione, neque actus mera facultatis. Sic usus æquæ benedictæ, salu-  
ratio Angelica: aut mos audiendi sacrum die non festo, frequens invi-  
tatio

tatio ad convivium &c. non inducunt consuetudinem, quæ sit lex: cum sint actus meræ facultatis, positi sine intentione, inducendi obligationem. Actus enim non operantur ultra intentionem operantium; debent insuper actus esse frequentati. Quot autem requirantur, non conveniunt DD. Aliqui cum Azor putant, sufficere unicum actum continuatum. Sed quia unus actus non durat longo tempore, & consuetudo dicit mores populi seu frequentiam actuum, non sufficit unus tantum vel alter actus. Aliqui cum Sylvestro docent, sufficere duos vel tres actus, si id sciat legislator, & non contradicat. Sed ex dissimulatione aut non resistantia legislatoris non statim inferri potest consensus, multa enim dissimulare quandoque Principes debent, quæ tamen non approbant. Deinde si actus paucos approbaret Princeps, non vi consuetudinis, sed vi hujus approbationis & consensus cessaret lex ante decennium.

Alii cum Glossa existimant, duos actus judiciales inducere consuetudinem seu stylum curiæ. Verum nisi actus ejusmodi ponantur ab ipso Principe, cujus sententia, licet unica, loco legis habenda est, etiam ad inducendum per consuetudinem stylum curiæ requiritur decennium. Quot autem requirantur actus ad inducendam consuetudinem, relinquatur arbitrio judicis, pro diversis circumstantiis decidendum, & extra forum judiciale arbitrio prudentum, qui secundum actuum qualitatem & circumstantias id determinare debent.

Dicitur 3. *Diuturnis*: Quamvis autem jura non determinent tempus, præcise ad inducendam consuetudinem requisitum, sed indefinite tempus longum requirant, quia tamen decennium in jure est tempus longum, ut patet in tempore ad præscriptionem inter præsentis requisito, ideo regulariter ad consuetudinem sufficit & requiritur decennium, quo actus vel ad constituendum legem, vel ad eam abolendam sint continuati a majore parte communitatis, idque non tantum de jure civili, sed etiam Canonico. Licet enim contra Ecclesiam Romanam non præscribatur, nisi 100. annis, & contra aliam Ecclesiam 40. annis, tamen in ordine ad leges Ecclesiasticas per consuetudinem contrariam abrogandas, hoc locum non habet, quia consuetudo abrogans legem ecclesiasticam non est contra Ecclesiam, cum fiat cum illius consensu, possitque Pontifex legem restituere, quodcumque ad bonum Ecclesiæ visum fuerit.

Sufficit igitur ad consuetudinem tempus 10. annorum, & quidem etiam tunc, quando legislator est absens, quia consuetudo non inducit legem, nec eam abrogat, necessario ex consensu expresso Principis, sed potest id etiam fieri ex consensu legali, seu generali in jure expresso, quo omni consuetudini, legitime introductæ, vim dedit inducendi vel abrogandi legem.



Neque obstat, quod ad præscribendum contra absentem requirantur 20. anni: nam hoc specialiter in jure est expressum in favorem absentis rebus suis, cujus jus per præscriptionem tollitur. Per consuetudinem autem nullius jus tollitur, cum ipse legislator consensum suum per leges illas dederit, quibus omnem consuetudinem legitime introductam approbavit, eique vim tribuit. Neque ullibi jura exprimunt, quod ad consuetudinem plus quam decennium requiratur, licet legislator sit absens, modo actus sint continui, & non interrupti. Censerentur autem interrupti, si Princeps puniret transgressores legis, ad quam abrogandam actus tendunt, vel communitas, aut majori illius pars contra consuetudinem ageret, quamvis actu unico.

4.  
Qualis con-  
sensus legis-  
latoris?

Dicitur 4. *Cum aliquo legislatoris consensu: l. 32. ff. de legib.* Ratio est, quia nempe potest statuere legem vel statutam abrogare, nisi qui habet potestatem legislativam. Hic autem consensus potest esse vel *personalis*, quo legislator mores populi, contra vel præter legem exercitos expresse approbat, vel tacite, quatenus scilicet, cum posset, non contradicit: vel *legalis* seu *juridicus*, qui in legibus & Canonibus est expressus, dum nempe consuetudinem per actus continuatos populi introductam generaliter approbant, eique vim legis tribuunt, rationabilis & legitime præscripta sit. Et hic consensus legalis sufficit, etiam absque consensu personali, tacito vel expresso. *c. fin. b. t. l. 32. & 35. ff. de LL. l. fin. C. quæ sit longa consuetudo.*

Et hinc duplex solet notari modus introducendi consuetudinem, nempe per *viam conniventiae*, cum adest consensus superioris tacitus; & per *viam præscriptionis*, cum tantum habetur consensus legalis.

## §. II.

Quotuplex sit Consuetudo?

5.  
Generalis  
& specialis.

Resp. 1. Alia est *generalis* totius Ecclesiæ, Imperii aut regni. (Si autem sit *generalissima*, per orbis politi potissimas provincias exporretis, *Jus Gentium* constituit.) Alia *particularis* alicujus Diocesis, vel civitatis, aut certæ alicujus classis hominum, e. g. militum, mercatorum, opificum &c. Alia *specialissima* alicujus pagi, Ecclesiæ, monasterii, aut alicujus tantum curiæ specialis &c.

Canonica,  
civilis.

2. Alia *Canonica*, seu in materia Ecclesiastica. Alia *civilis*, nempe in materia civili ac profana: sive deinde a Clericis introducatur, sive a laicis, sive ab utrisque.

Causalis,  
formalis.

3. Alia est consuetudo *causalis*, quæ etiam consuetudo *materialis*, aut consuetudo *in fieri* ab aliquibus dicitur. Consistit hæc in ipsis actibus populi, per decennium frequentatis, quibus consuetudo introducitur. Alia vero

vero est consuetudo *formalis*, seu ipsum formale jus, ex actibus, legitimo tempore continuatis, resultans, quæ etiam consuetudo *in facto esse* quandoque appellatur.

4. Præcipue autem dividitur consuetudo in eam, quæ est secundum legem, in eam, quæ est præter legem, & in eam, quæ est contra legem.

Consuetudo secundum legem consistit in observantia legis, seu in actibus, a majore parte communitatis exercitis, quibus legem superioris observant. Et hinc ista consuetudo firmat legem ac stabilizat, legemque dubiam interpretatur: cum consuetudo sit optima interpretes legum. 6.

Consuetudo præter legem inducit jus novum, & præcipit aliquid, vel præter legem prohibet, de quo prius nulla lex exstabat. l. 32. ff. de legibus, ibi: *de quibus causis scriptis legibus non utimur, id custodiri oportet, quod moribus & consuetudine inditum est.* & l. 33. eod. Dicitur consuetudo pro jure & lege in his, quæ non ex scripto descendunt, observari solet.

Consuetudo contra legem abrogat legem præexistentem vel ei derogat, contra legem quod fieri potest vel non recipiendo & non observando legem, vel actus legem legi contrarios faciendo. Potest etiam aliquando contingere, ut consuetudo contra legem non tantum legem antiquam abroget, sicque communitatem in libertatem reponat, sed etiam novam constituat legem, e.g. quando communitas aliqua inciperet in testamento tantum adhibere quatuor testes, ea intentione, ut abroget legem, requirentem septem testes, simul tamen velit irritum esse testamentum, si pauciores adhibentur, quam quatuor. Quo casu per consuetudinem contra legem abrogaretur lex exigens præsentiam septem testium, & introduceretur nova lex de sufficientia & necessitate quatuor testium.

Imo, quandocunque per consuetudinem contra legem abrogatur lex antiqua, videtur introduci lex nova *permissiva*, per quam acquiritur jus novum secundum consuetudinem agendi, simulque aliis prohibetur, ne quemquam de communitate impediunt vivere secundum consuetudinem introductam, & legem permittentem. Habet enim ejusmodi consuetudo contra legem omnia illa, quæ ad legem permittentem requiruntur.

### §. III.

#### De Rationabilitate Consuetudinis.

Cum consuetudo sit loco legis, & habeat vim legis, rationabilem esse oportet: cum omnis lex rationabilis esse debeat. Unde quæritur quando consuetudo aliqua rationabilis & bono communi expediens censeri debeat, quando vero e contrario tanquam irrationabilis vires suas amittat. 7.

Ad



Quando ir-  
rationabilis.

Ad quam quæstionem Resp. Consuetudo est irrationabilis censenda i. Quando est contraria juri naturali aut Divino. Cum enim consuetudo sit jus mere humanum, contra jus altius prævalere non potest; sicut neque jus humanum scriptum contra illud prævalere potest.

2. Si non quidem juri naturali aut Divino stricte accepto directe repugnet, sit tamen contra decentiam & æquitatem aliquam: e. g. si Canonicis sine justa causa absentibus darentur quotidianæ distributiones.

3. Si disciplinam Ecclesiasticam enervaret: e. g. si permetteret interdium & alias censuras impune violari. c. 5. b. aut immunitatem criminibus concederet. c. 10. eod. aut si cederet in ruinam libertatis Ecclesiasticæ, e. g. permittendo, personas Ecclesiasticas tanquam reos trahi ad forum sæculare, & universim si consuetudo a lege reproberetur tanquam *corruptela*. Atque hinc etiam

4. Si periculosa esset reipublicæ, atque ad ejus perturbationem, bonorum dissipationem, atque ad judiciorum perversionem tenderet. c. 3. & 10. eod.

5. Si tendat in damnum Ecclesiarum, e. g. permittendo, ut res earum alienentur sine solennitate canonica: vel ut de iisdem laici pro lubitu disponant, aut beneficia Ecclesiastica sine autoritate Prælati Ecclesiastici conferant.

6. Quando introducitur aliquid, quod ne quidem per legem superioris introduci potuit.

Contra vero rationabilis est consuetudo, quando de se vel positive, vel saltem negative est honesta, hoc est non inhonesta, atque ad bonum publicum tendens, e. g. ut evitentur nimium frequentes transgressiones, ac perturbationes reipublicæ ex iis ortæ.

Sed quid, si dubium sit, an consuetudo sit rationabilis, aut bono communi expediens? Resp. Si consuetudo non est legi contraria, censendum est in dubio, eam esse rationabilem, quia delicta non præsumuntur. Hinc posteri possunt pergere in consuetudine, a majoribus introducta, atque, in dubio, de ejus rationabilitate præsumere.

Si vero consuetudo sit contra legem, in dubio standum est pro lege, ac præsumenda potius irrationabilitas consuetudinis, quia dubia honestas consuetudinis non debet prævalere legi certæ, quæ est in possessione. Excipitur tamen consuetudo *immemorialis*: cum tempus immemoriale præsumptionem pariat de iustitia tituli, consequenter etiam de rationabilitate consuetudinis.

Maxime autem in hac materia disputandum occurrit, quomodo consuetudo contra legem possit esse rationabilis. Unde tractanda hoc loco

## CONTROVERSI A.

*Quomodo consuetudo contra legem sit rationalis ?*

Cum omnis consuetudo, ut sit legitima, debeat esse rationalis, dubitatur præcipue de ea, quæ est contra legem, quomodo possit esse rationalis.

Ratio dubitandi est 1. Quia consuetudo hoc ipso, quod sit contra Rationes du-  
gem, est contra aliquid rationale, adeoque videtur non esse rationalis, bitandi.  
Neque enim rationale potest esse contrarium rationali: sicut ratio  
non potest esse contra rationem.

2. Quia actus, quibus introduceretur consuetudo contra legem, sunt  
peccaminosi, cum sint voluntariæ transgressiones legis. Ergo consue-  
tudo talis non potest esse rationalis. Conf. Præscriptio non potest in-  
choari, nec continuari mala fide. Ergo neque consuetudo, utpote  
quæ debet esse legitime præscripta, & pari passu cum præscriptione am-  
ulatur.

3. Quia 1. consuetudinis 2. C. quæ sit long. consuet. dicitur: Consuetudinis  
sive longævi non vilis auctoritas est, verum non usque adeo sui valitura mo-  
mento, ut aut rationem vincat aut legem. Ergo consuetudo non potest abro-  
gare legem, alias enim illam utique vinceret.

Sed dicendum, quod sicut lex posterior, quæ priorem abrogat, est  
rationalis, ita etiam consuetudo, formaliter abrogans legem. 9. Ratio deci-  
de hoc supponitur c. fin. b. t. ubi dicitur, quod consuetudo non præjudi-  
cet juri positivo, nisi fuerit rationalis & legitime sit præscripta. Ergo sup-  
ponit Pontifex Gregorius IX. quod consuetudo etiam contraria juri po-  
sitivo possit esse rationalis.

Rationalis autem erit, si habeat ea, quæ alias ad legitimam con-  
suetudinem requiruntur, eaque evitet, quæ paulo ante de irrationabili-  
tate consuetudinis sunt allata.

Et ratio ulterior est: quia, licet consuetudo causalis, seu actus illi, Licet con-  
suetudo currente decennio exercitis, tandem inducitur consuetudo formalis, fuerudo cau-  
sæ illa utendi, sint contra legem, ac consequenter peccaminosi, salis sit irra-  
tionalis, tamen ipsa consuetudo formalis, jam completa, non est peccaminosa,  
quia non est contra legem, utpote quæ jam formaliter per illam abroga-  
ta, non amplius existit: sicut lex posterior, formaliter abrogans priorem,  
non est peccaminosa, nec proprie contra legem.

Licet ergo actus præcedentes, contra legem facti, fuerint irrationales, Non tamen  
les, quamdiu scilicet lex durabat; postquam tamen accedit Principis formalis,  
consensus, vel personalis vel legalis, in abrogationem legis, utpote  
quæ propter frequentes adeo transgressiones, longo tempore continua-



nix con-  
sensu legis-  
latoris.

tas, sit inutilis, ut adeo ad bonum commune conducat, eam tolli, ne prae-  
varicationes & peccata continuentur, postquam, inquam, Principis con-  
sensus propter has rationes accedit, neque consuetudo amplius est irrati-  
onabilis, nec actus secundum illam a posteris positi.

Atque ex his etiam soluta jam ferme sunt, quæ in oppositum allata  
sunt, argumenta. Nam

10.  
Resp. ad ra-  
tiones dubi-  
tandi.

Ad 1. Licet consuetudo causalis, seu actus, quibus introducitur con-  
suetudo contra legem, sint contra legem rationabilem, ipsa tamen con-  
suetudo formalis, & actus ad eam consequentes non sunt amplius contra le-  
gem rationabilem, utpote jam abrogatam: sicut lex posterior, abrogat  
legem priorem, non est proprie contra legem rationabilem. Atque  
hoc patet etiam responsio

Ad 2. Nam, licet plures DD. cum Layman, Azor, Pirhing, Eng-  
elismont, consuetudinem non introduci per actus peccaminosos antece-  
ssorum, sed tantum a posteris, persuasis, antecessores licite egisse, facile tamen  
concedo, primos quidem contra legem agentes peccasse; nego tamen  
consuetudinem formalem, ad ejusmodi actus consequentem, quæ sola vim  
legis obtinet, esse rationabilem, cum nitatur consensu Principis, ea  
approbantis, adeoque non amplius sit contra legem, utpote jam abro-  
gatam.

11.  
Actus mali  
sunt tantum  
occasio.

Neque dicas, ex turpi adeo atque deformi matre (actibus videlicet  
peccaminosis, contra legem factis) non posse tam pulchram enasci sobolem,  
consuetudinem nempe rationabilem, quæ & legem tollat, & vim legi-  
slationis auferat: nam hæc consuetudo non tam enascitur ex actibus peccami-  
nosis, quam ex consensu & voluntate Principis, legem abrogantis, & con-  
suetudinem approbantis. Actus enim peccaminosi, contra legem passi-  
m facti, occasionem duntaxat dederunt, ut Princeps propter legis inutilitatem  
ad bonum publicum, ad ultiores ejusdem transgressionem evitandas  
illam revocarit, ac moribus populi, ad bonum commune hic & nunc mori-  
bus conducentibus, assensum præbuerit, fere sicut legislatores, mutatis  
rerum circumstantiis, propter majus bonum communis, per leges  
posteriores abrogant priores. Quamvis autem exinde illicitum a  
quod capere possint mali ad transgressionem legis, minus tamen id noxi-  
um est, quam perseverantia legis, cujus observantia post diu continuata  
a communitate transgressionem moraliter non potest amplius spem  
haberi.

12.  
Lex naturæ  
& divi-  
na nulla

Non tamen sequitur, etiam leges naturales, aut Divinas propter fructus  
consequentes transgressionem, fieri inutiles, adeoque per consuetudinem abro-  
gatas censi posse: nam imprimis ad abrogandas illas nemo prudens ullam  
quam intentionem suam dirigit. Deinde præterquam, quod vel veritas  
tur

ur circa ea, quæ intrinsece mala vel bona esse noscuntur, quia illas consuetudine potest  
 itioris esse potestatis persuasum omnes habemus, facile intelligimus, abrogari.  
 ulli humanæ per orbem potestati fas esse sacraria illa ingredi, atque  
 eternæ Mentis decreta convellere. Neque blandiri nobis urquam pos-  
 umus, prævaricationibus nostris legum æternarum summi illius legis-  
 toris consensum accedere.

Quod in confirmationem ab adversariis, si qui sunt, adductum vidi-  
 mus, facile enervatur. Nam licet præscriptio tam ad inchoationem suam,  
 quam continuationem, bonam fidem exigit, alia tamen est consuetu-  
 dinis indoles; atque in multis omnino diversa.

Nam 1. Præscriptio privatas duntaxat personas concernit, vel si com-  
 unitatem respicit, tanquam personam particularem eandem considerat. Disparitas  
 consuetudo vero integram perfectamque communitatem respicit, quam inter consue-  
 at novo legis onere afficit, aut ab antiquo absolvit. Atque hinc tudinem &  
 præscriptio-  
 nem.

2. Consuetudo versatur tantum circa incorporalia, definiendo nempe  
 obligationes, aut ab eisdem sublevando. Præscriptionis autem negotium  
 in corporalibus quam incorporalibus acquirendis occupatur. Unde  
 3. Consuetudo nullius jus aut dominium rerum diminuit: quibus ta-  
 men conquirendis præscriptio inhiat. Atque ut mitem ac humanum  
 consuetudo genium producat.

4. Illa licentiam quodammodo & consensum a superiore petit, nihil  
 ne absque eo, vel personali vel legali, impetrato disponit. Præscriptio  
 vero consensum illius, contra quem præscribit, cujusque jus ita perditum,  
 quaquam requirit. Quoad tempus etiam constantior est consuetudo. Nam

5. Illa universaliter ad suam perfectionem decennium requirit. Præ-  
 scriptio autem varias hic formas induit. Aliquando enim triennium dun-  
 taxat exigit, aliquando decennium, quandoque vicennium, non raro  
 centennium, nunc 40. annos postulat, aliquando centum, aut etiam tem-  
 pus immemorabile: prout nimirum res, quæ præscribuntur, aut contra  
 eos præscribuntur, plus aut minus privilegii habere noscuntur. In uno  
 tantum, de quo hic consuetudo insinulatur, præscriptio sanctiorem vi-  
 ri posset speciem præferre. Eo quod

6. Bonam fidem requirat, & titulum: consuetudo vero ex mala  
 fide nasci possit, Principis vero consensus ipsi sit pro titulo. Verum,  
 ex hætenus dictis patere arbitror, hoc non est consuetudinis formalis  
 jam completæ vitium, utpote Principis favore legitimatæ, licet ex  
 ciata radice natales suos aliquatenus hauriat.

Ad tertium tandem argumentum, ex l. 1. cit. petitum respondetur: <sup>14.</sup>  
 licet legem explicari per c. fin. b. t. ibi: *Licet etiam longa va consuetudinis non* Leges con-  
*vilis auctoritas, non tamen est usque adeo valitura, ut vel furi positivo debeat præ-* ciliantur.  
*judi.*



judicium generare, nisi fuerit rationabilis, & legitime sit præscripta. Atque consuetudo, de qua nos loquimur, nempe instructa iis, quæ ad consuetudinem legitimam requiruntur, atque Principis assensu suffulta, est rationabilis, & post decennium legitime præscripta. Unde, quando Imperator Constantinus l. 2. cit. ait, consuetudinis non esse tantas vires, ut legem vincat, loquitur de consuetudine, necessariis requisitis destituta, ut DD. communiter interpretantur.

Cæterum etiam primi actus, qui legi videntur contrarii, non semper sunt peccaminosi, saltem formaliter, quia sæpe contingit, ut homines propter difficultatem observationis aliasque circumstantias bona fide existiment, se illa non esse obligatos. Unde hoc sæpe de antecessoribus, legem non observantibus præsumi potest.

15.  
Quid? si  
reprobetur  
tanquam  
corruptela.

Quæres, an rationabilis esse possit consuetudo, quæ a lege reprobatur ut corruptela? R. Quamdiu manent eadem circumstantiæ, ejusmodi consuetudo manet irrationabilis, eo quod directe vel indirecte adversetur juri naturali, decentiæ & æquitati: e.g. si adversetur bonis moribus, bonæ communi aut Ecclesiarum, immunitati Ecclesiasticæ, pactis & conventionibus, ac juri tertii, aut juri Gentium: si nimium relaxet atque enervet disciplinam Ecclesiasticam &c. c. 5. & 10. b. t. c. 4. de immunit. Ecclesiarum c. 49. de sent. excomm. Bulla cænæ §. 15. ac reliquis.

Unde, nisi mutentur circumstantiæ, ejusmodi consuetudines, etiam futuræ, vim omnem amittunt. Etiam futuræ, inquam; nam si lex aliquantum simpliciter reprobatur consuetudinem, absque eo, quod ut corruptelam aut irrationabilem damnet, potissimum de præterita id consuetudine intelligendum est.

#### §. IV.

Dè Effectibus Consuetudinis, ejusque probatione.

16.

Quando  
obligat.

Primus effectus est, quod, ut jam dictum, consuetudo secundum legem confirmet, ac stabiliat legem: consuetudo præter legem, inducat legem novam, ejusque obligationem; consuetudo vero contra legem, eandem abroget, & aliquando aliam, saltem permittentem inducat.

Illud autem dubitari potest; quando actus populi frequentati censeri debeant inducere consuetudinem obligatoriam, quando vero habendi sint pro actibus meræ facultatis? ad quod respondetur, quatuor potissimum esse, ex quibus conjectura fieri potest, consuetudinem esse obligatoriam.

1. Si inducatur consuetudo in re gravi, atque difficili: neque enim solet populus conformiter operari in re difficili absque obligatione.
2. Si homines probi piaculo sibi ducant, contra consuetudinem agere.
3. Si contra consuetudinem agentes reprehendantur aut puniantur.

4. Si

4. Si consuetudo sit valde utilis reipublicæ, atque ad eam provocent homines, aut eam allegent.

Si autem hæc aliæque hujusmodi circumstantiæ desint, in dubio præsumendum potius est, quod sint actus supererogatorii, ac meræ facultatis. Lex enim, tanquam res facti, non præsumitur, sed probari debet.

Non tamen requiritur, ut consuetudo in judicio contradictorio sit approbata, aut introducta per actum judiciale, sed sufficit notoreitas facti ex actibus extrajudicialibus. Quæ obijciuntur, plus non probant, quam sufficere ad inducendam & probandam consuetudinem actus judiciales, non tamen eos esse necessarios: quia sine illis potest consuetudo esse rationabilis, & legitime præscripta, atque de ea sufficienter constare, per duos e. g. testes de visu.

Alter effectus consuetudinis est, quod possit obligare vel sub sola culpa, vel sub sola pœna, vel sub utraque simul. Ratio est: quia etiam lex omnibus his modis obligare potest. Consuetudo autem vim legis habet. Et quoad hoc a lege scripta non differt. Hinc etiam per consuetudinem, sicut per legem scriptam, abrogari potest obligatio quoad culpam, manente obligatione ad pœnam, saltem improprie dictam. Et vicissim potest consuetudo abrogari quoad pœnam, manente culpa. Quia scilicet hæc omnia etiam lex potest. Neque dicas, eum, qui committit culpam, mereri etiam pœnam: nam licet mereatur pœnam non tamen hanc determinatam, quam lex imposuit: hæc enim per consuetudinem jam supponitur abrogata.

Tertius effectus consuetudinis est, quod aliquando etiam abrogare possit legem, prohibentem consuetudinem contrariam vel derogantem omni consuetudini, etiam futuræ, aut munitam hac clausula: *non obstante quavis consuetudine*: tunc scilicet, quando mutantur circumstantiæ, ita ut consuetudo contraria tali legi rationabilis esse incipiat. Nam pro tali casu legislator etiam legem suam rationabiliter abrogare posset.

Si vero maneant eadem circumstantiæ & causæ, propter quas consuetudo contraria, etiam futura, est reprobata aut prohibita a lege, non potest hæc abrogari per consuetudinem, præsertim si ista tanquam corruptela sit reprobata. Quamdiu enim manent eadem circumstantiæ, lex perseverat esse rationabilis deficitque tunc consensus legislatoris in consuetudinem reprobata, impeditque ejusdem efficaciam. Sicut lex prohibens omnino præscriptionem alicujus rei, impedit ejus præscriptionem, licet adsit titulus & bona fides.

Et ratio ulterior est, quia, licet lex, munita ejusmodi clausula, derogante consuetudini, sit lex mere humana, quæ absolute per consuetudinem contrariam abrogari posset, tamen, cum manentibus iisdem circumstan-



tilis & causis, propter quas contraria consuetudo est reprobata tanquam corruptela, pergat esse rationabilis, consuetudinem illi contrariam irrationabilem esse necesse est. Consuetudo autem, quamdiu est irrationabilis, nullam legem abrogare potest.

An autem, & quando circumstantiæ & causæ ita mutata censerī debeant, ut consuetudo sit habenda pro rationabili, arbitrio iudicis, & extra iudiciale forum, prudentum æstimationi relinquitur. Neque enim regula univērsalis dari potest, cum circumstantiæ in infinitum sint variabiles.

20.  
Etiam legem  
irritantem.

Quartus consuetudinis effectus est, quod abrogare etiam possit legem irritantem, quæ scilicet formam aliquam substantialem actui præscribit, aut certas personas, ad agendum, contrahendum, eligendum &c. reddit inhabiles. Cum hoc fieri pariter possit per legem scriptam. Ex quo sequitur, per consuetudinem introduci posse impedimenta matrimonii dirimentia, & introducta rursus abrogari, si non sint introducta jure naturali aut Divino. Quando autem c. 5. de consang. & affin. dicitur, consuetudinem inter gradus prohibitos contrahendi matrimonium esse potius corruptelam, id intelligendum est de consuetudine necdum legitime præscripta.

21.  
Optima in-  
terpres le-  
gum.]

Quintus effectus est vis interpretandi legem. Cum consuetudo sit optima interpretis legis. Et quidem, si legitime jam sit præscripta, interpretatio, quam affert consuetudo, est omnino authentica, vim legis jam sortita. Solentque etiam appellari interpretatio *usualis*. Si autem necdum sit præscripta, seu legitimo tempore continuata, interpretationem legis tantum *Doctrinalem* facere potest.

Cum igitur consuetudo, præsertim legitime præscripta, legem interpretatur; secundum illam regulandi sunt contractus, judicia, tam interna, quam externa. Imo consuetudo quandoque legem etiam Divinam interpretatur, e. g. circa usum Sacramentorum &c.

22.  
Immemoria-  
lis æqui-  
valet privi-  
legio.]

Denique quæri potest, quem effectum habeat consuetudo *Immemoralis*? ratio dubitandi est, quia veteres jurisconsulti pro regula tradunt, consuetudinem immemoriam, seu cuius initii non exstat memoria, æquiparari privilegio, haberique loco tituli, legitime constituti & probati: adeoque per eam acquiri omnia posse, quæ per privilegium: atque hinc clausula legis prohibente vel irritante consuetudinem contrariam, non comprehendi immemoriam.

Excipiuntur  
duo casus.]

Quamvis autem hæc regula plerumque vera sit, fallit tamen in duobus casibus. 1. Quando allegans pro se consuetudinem (aut etiam præscriptionem) immemoriam, est incapax possidendi, sicut laici sunt incapaces possidendi jus decimandi, eligendi aut confirmandi ad beneficia Ecclesiastica: unde, nisi per privilegium Pontificium habilitentur, & reddantur capaces possessionis, per consuetudinem etiam immemoriam acquirere non possunt.

possunt jus decimandi, eligendi, confirmandi, aut conferendi beneficia. Nam qui est incapax possidendi, est etiam incapax acquirendi per prescriptionem aut consuetudinem. In hoc igitur casu consuetudo immemoralis non æquiparatur privilegio: cum per privilegium prædicta jura Ecclesiastica a laicis obtineri possint, non autem per consuetudinem ullam, secluso privilegio Pontificio, quod vel re ipsa datum sit, vel saltem datum esse præsumatur.

Alter casus, in quo prædicta regula fallit, est: quando consuetudo a lege reprobatur, præsertim tanquam abusus & corruptela: nam tunc manentibus iisdem circumstantiis & causis reprobandi, neque immemoriali tempore consuetudo potest fieri rationabilis. Quapropter nulla unquam consuetudine obtineri potest immunitas ab observatione interdicti Ecclesiastici, aut potestas obtinendi simul duos canonicatus, Personatus &c. quamvis per privilegium hæc obtineri possint, ut bene advertit P. Schmalzgruber n. 31. b. t. Ratio est, quia, cum consuetudo & prescriptio omnem vim suam debeant legibus, vim nullam habent, quando illis resistit jus.

Quamvis autem tempus immemoriale habilitare non possit incapacem, fundare tamen potest præsumptionem privilegii, olim concessi, præsertim si concurrat constans fama de concessio privilegio Pontificio: ut adeo tunc possessio juris ulterius continuari possit, donec probetur privilegium non esse obtentum.

Licet enim tempus immemoriale possessionis una cum existimatione publica de obtento privilegio faciat præsumptionem privilegii, hæc tamen præsumptio non est juris & de jure, nullam admittens probationem in contrarium; sed si vitium tituli, seu defectus privilegii, in ejusmodi possessione ab adversario sufficienter probetur, præsumptio cedere debet veritati.

Quando vero consuetudo non est immemoralis, probari debet, sicut prescriptio; quia facta non præsumuntur. Aliud esset, si consuetudo esset notoria, aut constituat stylum curiæ, aut tantum de rationabilitate sit quæstio; tunc enim ad judicem pertinet definire.

Debet autem consuetudo plene probari; nempe vel per litteras publicas, instrumenta, vel acta judicialia, aut per famam publicam, aut per duos minimum testes, qui deponant, se vidisse, sic observari per decennium continuo in illo loco, scientibus & præsentibus multis. Immemoralis autem consuetudo probatur, si testentur, se ita vidisse, & a majoribus audisse observatum, quin viderint, vel audiverint fieri contrarium.

Licet autem in foro interno uni gravi auctori possit adhiberi fides, si nemo contradicat: pro foro tamen externo unus testis, etiam excellens, præsumptivè tantum probat, non autem concludenter. Neque admittitur juramentum suppletorium: nam, quia consuetudo pluribus debet esse nota,

23.  
Fundat præ-  
sumptionem  
privilegii.

24.  
Consuetudo  
probari  
debet,

& quomo-  
do?



nota, suspectum esset testimonium: nisi agatur de consuetudine valde antiqua.

## §. V.

## De Cessatione Consuetudinis.

25.  
Quomodo  
abrogetur  
per consue-  
tudinem  
contrariam.

Duplici potissimum ratione cessat consuetudo. Quando nempe abrogatur vel per *consuetudinem contrariam*, vel per *legem*.

Circa abrogationem per consuetudinem notandum: universalem consuetudinem abrogari per aliam universalem, particularem per particularem. Per particularem vero universalis non abrogatur, sed ei tantum derogatur. Ratio est: quia in tantum abrogatur prior consuetudo, vel ei derogatur, in quantum posterior ei est contraria, vel ex toto, vel tantum ex parte. Per non usum autem abrogari nunquam potest consuetudo, si actus consuetudinis, jam completæ, ulterius exercendi se nulla obtulit occasio.

26.  
Quomodo  
per legem?

Circa abrogationem consuetudinis *per legem* novam contrariam observandum: illam non abrogari, nisi lex ei clare ac directe sit contraria. Hinc lege universali abrogatur consuetudo æque universalis: licet lex de consuetudine nihil meminerit, neque addat clausulam derogatoriam. Nam universalis consuetudo censetur cognita esse legislatori: cum igitur legem directe eidem contrariam fert, satis intelligitur velle illam abrogare.

Legem tamen universali Principis supremi & universalis non censetur abrogari consuetudo particularis alicujus loci: nisi hujus mentionem faciat, vel saltem addatur clausula derogatoria generalis cujuscunque contrariæ consuetudinis. *c. licet 1. de constit. in 6.* ubi hæc ratio datur: quia Princeps universalis, e. g. Pontifex, Imperator, Rex, particularium locorum consuetudines præsumitur ignorare: adeoque non censetur per constitutionem, a se noviter editam, illis in aliquo derogare, nisi expresse caveatur in ipsa.

Imo probabiliter neque per legem particularem Principis supremi aut universalis, e. g. Papæ aut Imperatoris, latam pro loco aliquo speciali, abrogatur consuetudo specialis, præsertim immemorialis illius loci: nisi expresse apponatur clausula derogatoria. Censetur enim consuetudinem illam particularem Princeps ignorasse, sicque per accidens lex frustratur effectus.

Dixi autem per legem Principis *supremi & universalis*, qui nempe propter multitudinem locorum, sibi subjeutorum, & molem negotiorum, non potest facile scire omnes particulares consuetudines cujuslibet loci sibi subjeeti. Contra vero de principe inferiore, aut qui parvum tantum districtum habet sub sua jurisdictione, præsumitur, quod sciat consuetudines illius particulares. Unde, quando fert legem, præsertim particularem, illis directe contrariam, censetur easdem velle abrogare.



# APPARATUS ERUDITIONIS

## AD JURISPRUDENTIAM, PRÆSERTIM ECCLESIASTICAM,

In quo reviso, auctoque

Præter Juris Universalis Principia,  
JUS NATURÆ, GENTIUM, DIVINUM,  
APOSTOLICUM, & PONTIFICIUM, JUS SYNODALE  
OECUMENICUM, NATIONALE, AC PROVINCIALE,

Unacum

Provinciarum ac Regnorum Ecclesiastico & Politico Statu,  
Disciplina Ecclesiæ, Hæresibus exortis &c. continua Sæculorum serie ad  
præfens usque tempus deductum, insertisque in hac præsertim nova  
editione pro re nata multis observationibus criticis, ac controversiis  
Juridicis, Publicis, ac Polemicis

METHODO HISTORICO- DOGMATICA COLLIGUNTUR,  
ET BREVI AC CLARA IDEA DELINEANTUR,

In utilitatem eruditionis amantium, quibus vasta Conciliorum, Decretorum,  
Historiarum &c. volumina perlegendi aut occasio aut tempus deficit.

AUTHORE

P. JOSEPHO BINDER, S. J.

SS. Theol. & SS. Canonum Doctore, horumque in alma Cæsareo-Leopoldina  
Universitate Oenipontana, ac in celeberrima Episcopali Academia Dilingana,  
ante hac Professore Ordinario ac Publico.

## PARS II.

*De Jure Naturæ & Gentium, de Jure Positivo Divino & Apostolico.*  
CUM FACULTATE SUPERIORUM.

---

*Augustæ Vindelicorum & Friburgi Brisgojæ,*

Sumptibus Fratrum IGNATHII & ANTONII WAGNER Bibliopol. MDCCLXVII.



# EXPOSITION

UNIVERSITY OF CHICAGO

1893


THE UNIVERSITY OF CHICAGO  
EXPOSITION  
1893

THE UNIVERSITY OF CHICAGO  
EXPOSITION  
1893

THE UNIVERSITY OF CHICAGO  
EXPOSITION  
1893

THE UNIVERSITY OF CHICAGO  
EXPOSITION  
1893

THE UNIVERSITY OF CHICAGO  
EXPOSITION  
1893



## PARS II.

### DE JURE NATURÆ ET GENTIUM; JURE POSITIVO DIVINO, ET APOSTOLICO.

**M**agni in Theologia & Jurisprudencia momenti est accurata de Jure Naturali tractatio, quam plures scriptores spissis voluminibus sunt complexi. Ego, quantum materiæ dignitas & amplitudo patiebatur, eandem contraho, nihil tamen omisurus eorum, quæ ad Jus Naturæ & Gentium in genere explicandum visa sunt utilia; deductis etiam passim ex principiis generalibus, conclusionibus & exemplis specialibus, ut Jurium Candidatus convenienti apparatu ad Jurisprudenciam solide perdiscendam præparetur. Transeo deinde ad Jus Positivum Divinum & Apostolicum explicandum adjunctis observationibus criticis in Canones Apostolorum & Constitutiones Apostolicas.

## CAPUT I.

### De Jure Naturæ. SUMMARIUM.

#### QUÆSTIO I.

Quid sit lex naturæ?

naturæ, & quodnam sit illius principium.

2. Est ordinatio Divinæ voluntatis.

3. Necessaria.

A

4. Cr.

1. Variæ sententiæ, in quo consistat jus  
Pars II,



4. Circa actiones vel omissiones morales.  
 5. Per rectam rationem promulgata.

### QUÆSTIO II.

De principio juris naturæ immediato.

6. Principium immediatum, ex quo ordinarie inferimus legem naturæ, est recta constitutio rationalis reipublicæ.  
 7. Hæc autem recta constitutio stat in recta habitudine ad Deum, proximum, & se ipsum.  
 8. Hoc tamen principium non videtur esse ultimum: sed fundatum in altiore.  
 9. Nec adequatum. Quod ostenditur ex casu, quo mendacium esset necessarium ad conservandam patriam, vel rempublicam.

### QUÆSTIO III.

De Principio juris naturæ ultimo & universali.

10. Hoc est solus Deus, ejusque perfectiones.  
 11. Quas commendare est finis intrinsecus naturæ rationalis.  
 12. Quidquid igitur præcipi exigunt divinæ perfectiones, jure naturali est præceptum: & quidquid prohiberi exigunt, eodem jure est prohibitum.  
 13. Ostenditur inductione: & præsertim exemplo mendacii, semper jure naturæ prohibiti, etiam pro casu, quo esset necessarium ad conservandam rempublicam.

### QUÆSTIO IV.

Solvitur Difficultas.

An, & quomodo aliqua sint intrinsece mala, alia vero tantum extrinsece.

14. 15. An & quomodo aliqua sint mala antecedenter ad legem Dei, & prohibita, quia mala?  
 16. Ad hoc explicandum maxime servit duplex nostrum principium juris naturæ. Expenduntur etiam aliorum sententiæ.  
 17. Solvitur difficultas.  
 18. Præsertim ratione peccati Philosophici.  
 19. Omnis peccans cognoscit legem Dei.  
 20. Etiam Atheus.  
 21. Quid de casu invincibilis ignorantie Dei.

### QUÆSTIO V.

An lex naturæ semper sit absoluta, immutabilis, & indispensabilis?

22. Refertur sententia adstruens legem naturæ conditionatam & dispensabilem.  
 23. Refellitur hæc sententia  
 24. Exemplo homicidii,  
 25. Furti,  
 26. Usurarum,  
 27. Polygamie,  
 28. Matrimonii in primo gradu consanguinitatis in linea recta.  
 29. Quæ omnia sub ea ratione specifica, sub qua sunt intrinsece mala, & subiecta juri naturali, semper absolute & indispensabiliter sunt prohibita.  
 30. Unde in sensu proprio ne quidem materialiter jus naturæ est mutabile aut dispensabile.

31. Neque admittit epikiam stricte dictam;
32. Nam homicidium e. g. duæ sunt species, altera semper licita, altera necessario semper prohibita.
33. In quo est disparitas cum mendacio, perjurio, blasphemia, odeo Dei formali, quæ sub omni sua ratione semper sunt necessario prohibita.
34. Papa non dispensat in jure naturæ, quando dispensat in voto, juramento &c.
35. Nec Pater, quando irritat vota filii, sed tantum faciunt, ne votum, juramentum, actus, contractus &c. moraliter perseveret. Quod multis aliis exemplis ostenditur.
36. Quomodo contractus pupilli, alique jure positivo irritati, jure naturali valeant? jus naturæ eos non validat positive, sed tantum præcipit, fidem valide datam servare. Quid autem in contractibus requiratur, ut fides sit valide data, humanis potestatibus discernendum relinquunt.
37. Nec tamen proprie datur lex naturæ permissiva. Quid dicendum de casu, quando concurrere videntur plures leges naturales, quarum observatio est impossibilis.

## QUÆSTIO VI.

An detur lex naturæ irritans?

38. Talis datur.
39. Statuuntur tres regulæ discernendi, quinam actus jure naturæ sint irritati. Prima est: si in causa efficiente seu operante sit defectus potestatis aut habilitatis ad agendum naturaliter requisitæ: e. g. in infante, amente &c.

40. Secundo: si defectus sit ex parte materiæ, seu objecti, ut, si sit turpe, impossibile &c.
41. Tertia: si sit defectus ex parte actus: puta, si deficiat constitutivum illius essentialis, aut sit intrinsece turpis, ut contingit in contractu simoniaci, usurario &c.
42. Solvitur objectio, quomodo pupillus &c. habeat potestatem disponendi.
43. Pacta, vel ex objecto, vel de se intrinsece turpia, jure naturæ sunt irrita, nec oritur ex eis obligatio.
44. Non tamen tantum ratione modi, aut circumstantiæ extrinsece turpia, Unde valet matrimonium, initum stante voto simplici castitatis, aut stantibus sponsalibus cum alia, item venditio secunda, facta traditione.

## QUÆSTIO VII.

In quo consistat lex naturæ irritans?

45. Etiam hæc stat in lege aterna Dei necessaria, quæ actus illos, in quibus est defectus vel ex parte operantis, vel ex parte materiæ, vel ex parte ipsius actus, decernit invalidos.
46. Non enim ipsa natura contractus, aut aliquid aliud potest esse hæc lex: cum omnis lex a jurisdictione superioris debeat descendere.

## QUÆSTIO VIII.

Quodnam sit subiectum juris naturalis?

47. Jus naturæ tripliciter accipitur.  
1. Pro appetitu innato, & sic rebus etiam inanimatis est commune. 2. Pro instinctu naturæ: & sic commune est omni-



omnibus animalibus, quo sensu illud Ulpianus sumpsit. 3. Pro lege Dei necessaria, per lumen rationis promulgata, estque hoc solum jus naturæ proprie sumptum.

48. Unde omnes & solæ creaturæ, rationis usu præditæ, obligantur jure naturæ, proprie dicto.

49. Nullatenus vero brutis convenit: imo neque amentes, aut infantes ante usum rationis illo obligantur, quia promulgatur per usum rationis.

### QUÆSTIO IX.

Quomodo per causas jus naturæ compendiose sit explicandum?

50. Causa efficiens juris naturalis est solus Deus.

51. Causa formalis ejus voluntas, per lumen rationis promulgata. Quæ

promulgatio ipsam legem naturalem constituit.

52. Causa finalis immediata, ac minus principalis est recta constitutio humane reipublicæ: finis vero ultimus & principalis est Deus ipse, cujus perfectiones exigunt prohiberi ea, quæ sunt contra rectam constitutionem naturæ rationalis, & habitudinem rectam ad Deum, proximum, & se ipsum &c. Ex quo etiam habetur principium immediatum & ultimum juris naturæ.

53. Causa materialis, seu materia juris naturæ sunt actus humani, necessario præcipiendi, aut prohibendi, aut irritandi, prout perfectiones Dei, prudenter ad finem suum gubernantis rationem rempublicam, exigunt.

54. Subiectum denique juris naturalis proprie sumpti sunt omnes & solæ creaturæ, usu rationis præditæ.



Varie sententiarum.

Icut DD. facile conveniunt, quod detur lex naturæ aliqua, universalis ac necessaria, præcipiens aut prohibens ea, quæ rectæ rationi sunt consentanea, vel dissentanea: ita in diversas opiniones abeunt, quando decidenda quæstio, in quo consistat lex naturæ.

Hæc enim aliis est natura rationalis, aliis recta ratio, aliis lumen naturæ, aliis habitus primorum ac universalium principiorum moralium, aliis or-

dinatio Divinæ voluntatis necessaria.

Nec major est concordia in statuendo principio juris naturæ, seu fundamento, ex quo necessaria atque infallibili illatione deduci possit, quænam sint illa, quæ lege naturali sint præcepta vel prohibita.

Nam hoc principium alii constituunt in judicio prudentum, aut in judicio hominis alicujus hypothetici: ad omnia scilicet & sola illa jus naturale se extendere, quæ homo aliquis prudentissimus absque omni studio

dio partium aut privati commodi, solique bono ac felicitati naturæ rationalis intentus censeret universaliter omnibus esse præcipienda, vel prohibenda: aut quæ antecederet ad omnem hypothesin aut casum particularem, judicio omnium prudentum expediret humano generi esse licita vel illicita, in ordine ad rectam constitutionem & felicitatem humanæ reipublicæ.

Secundum alios principium juris naturæ est instinctus naturæ, aut id, quod natura omnia animalia docuit, aut lumen naturæ, aut convenientia ac disconvenientia cum recta ratione ac natura rationali.

Alii docent, illa esse objecta legis naturalis, quæ conveniunt vel disconveniunt cum recta constitutione ac felicitate naturali humanæ reipublicæ. Alii vero illa, quæ sunt convenientia vel contraria amoris naturaliter debito Deo, proximo ac sibi ipsi.

Alii cum Puffendorffio ac pluribus aliis Protestantibus DD. volunt, *Socialitatem* esse juris naturæ primum principium, ita quidem, ut illa subiaceant legi naturali, quæ conveniunt vel disconveniunt cum vita hominum sociali.

Alii denique altius prospicientes principium juris naturæ ex perfectionibus Divinis petunt, ac docent, omnia & sola illa lege naturali esse præcepta vel prohibita, quæ præcepta aut prohibita esse Divinæ perfectiones exigunt, ita quidem, ut si non præcepta aut prohibita essent, redundaret imperfectio in ipsum Deum.

In tanta sententiarum varietate, ac frequenti confusione quid ordinatius ac solidius videatur, jam exponendum est breviter.

## Q U Æ S T I O I.

Quid est lex naturæ.

**R**espond. Est ordinatio Divinæ voluntatis necessaria circa actiones & omissiones creaturarum rationalium, per rectam rationem promulgata.

Dicitur 1. *Ordinatio Divinæ voluntatis*, quia nemo alius potest totum genus humanum tam ardua & universali obligatione adstringere, nisi Deus supremus legislator, & superior omnium creaturarum rationalium. Et licet fingeres, Deum creaturæ alicui dare potestatem ferendi legem naturalem, tamen etiam hæc resolveretur ultimato in divinam voluntatem, actuum moralium universim omnium primam regulam ac normam, primumque legum omnium efficiens principium.

Dicitur 2. *Ordinatio necessaria*. Licet enim Deo, sibi ipsi plenissime sufficienti, liberrimum fuerit, naturam rationalem condere, creatione tamen supposita, sapientiæ ac providentiæ conditoris ac gubernatoris

A 3.

fuit,

2.

Est ordinatio  
Divinæ vol-  
untatis

3.

Necessaria,



fuit, per leges naturales ad honesti ac decori rationem eandem adstringere, atque hoc pacto ad felicitatem statui naturæ competentem provehere.

Porro per hoc, quod lex naturalis sit *necessaria*, differt ab omni lege positiva, quæ a legislatore, sive divino sive humano, non fertur necessario, sed libere.

Differt etiam a lege permittente, quæ abusive tantum & improprie dicitur lex naturalis, cum non sit necessaria, sed versetur circa indifferentia, quæ de se nec bona nec mala sunt, consequenter nec præcipi nec prohiberi exigunt.

Sed neque hæc Deus positive permittit: dicendo quasi: *volo, ut hæc sint permissa*; sed negative tantum, quatenus circa illa nihil disponit, sed disponenda legibus positivis relinquit.

Sic lex naturalis non jubet positive, actum pupilli e. g. aut testamentum insolemnem esse validum, alias Princeps aut respublica non posset tales actus irritare: sed quia lex naturalis circa illos nihil disponit, dicitur illos permittere. Unde quia lex naturalis mere permittens non est proprie lex, definitio legis naturalis proprie ac stricte sumptæ non debet illam comprehendere.

4.  
Circa actiones vel omissiones morales,

Dicitur 3. *Ordinatio circa actiones vel omissiones creaturarum rationalium.* Nam omnis lex versari debet circa mores hominum, seu actiones & omissiones præscribendas, dirigendas ac temperandas: cujus directionis creaturæ irrationales sunt incapaces. Unde Ulpianus improprie & pro instinctu naturalis jus naturæ sumpsit, dum omnibus animalibus illud commune fecit.

Patet ex dictis verbis etiam divisio legis naturalis in *affirmativam*, quæ bona præcipit, & *negativam*, quæ mala prohibet. Hæc dicitur obligare *semper pro semper* ad omissionem actus prohibiti: illa vero *semper* quidem, sed *non pro semper* obligat ad ponendum actum præceptum, e. g. amoris Dei aut proximi.

5.  
Per rectam rationem promulgata.

Dicitur 4. *Per rectam rationem promulgata.* Nam recta ratio, lumen rationis, dictamen, sed iudicium intellectus non est ipsa lex naturalis, sed proponit creaturæ rationali legem, eamque manifestat, tanquam illius notificatio, promulgatio & applicatio; siquidem per rectam rationem, cœlestem velut radium, & aureum characterem supremus legislator æternam suam voluntatem in tempore serbit in cordibus nostris, & intellectui, præparatæ velut tabulæ, imprimit: atque hoc pacto creaturæ rationali applicat, promulgatque. In quem sensum *Psal. 4.* dicitur: *Signatum est super nos lumen vultus tui Domine*, lumen nempe rationis, per quam Deus nobis ostendit sanctissimam suam voluntatem. Unde hoc lumen non est ipsa

ipsa lex, sed legem, ordinationem, videlicet Divinam pro objecto habet, tanquam illius promulgatio & applicatio.

Qua ratione etiam explicatur illud Apostoli Rom. 2. Cum enim gentes, quæ legem (positivam Divinam) non habent, naturaliter ea, quæ legis (naturalis) sunt, faciunt, ejusmodi legem (positivam) non habentes, ipsi sibi sunt lex: quatenus scilicet legem naturalem per lumen rationis a Deo in cordibus suis descriptam gerunt. Unde addit Apostolus: qui ostendunt opus legis (naturalis) scriptum in cordibus suis, testimonium illius reddente conscientia ipsorum.

Porro sicut communiter docetur, quod promulgatio tanquam pars constituat ipsam legem, seu vim obligativam, sic idem de promulgatione ista privata & interna dici potest: quam ob causam in definitione legis etiam naturalis eandem apponendam censui.

Quia tamen radius ille luminis naturalis, non ita dilucide semper humanis mentibus illabitur, ut absque omni discursu ac prudenti illatione veritas sufficienter illustrata appareat, sed dubium sæpius relinquatur, an hoc vel illud sub imperio juris naturalis comprehendatur, seu, an ordinatio Divinæ voluntatis necessaria ad hoc vel illud extendatur. Ideo sit

## Q U Æ S T I O II.

*Quodnam est principium juris naturalis?*

**R**esp. Principium seu fundamentum, ex quo recta ratio infert legem naturalem, seu hoc vel illud in particulari legi naturali subiectum esse, considerari potest duplex; *immediatum* unum, sed non ultimum, alterum *mediatum* & *ultimatum*.

*Immediatum* Principium, ex quo inferre solemus communiter, aliquid Principium lege naturali esse præceptum vel prohibitum, est *recta constitutio* & *felicitas naturæ rationalis, seu humane reipublicæ*, ita, ut omnis actio humana, quæ necessaria est ad rectam constitutionem naturæ rationalis, lege naturali sit præcepta, & omnis actio, quæ est contraria rectæ constitutioni ac felicitati ejusdem naturæ rationalis, lege naturali sit prohibita.

Unde sic ratio nostra arguit: Si homicidium injustum e.g. furtum, adulterium &c. non essent prohibita, male esset constituta humana respublica. Ergo lege naturali sunt prohibita. Ecce principium immediatum, ex quo recta ratio inferre consuevit, quod hoc vel illud lege naturali sit prohibitum!

Si ulterius quærat, unde cognosci aut probari possit, quod aliquid ad rectam constitutionem aut felicitatem naturæ rationalis sit necessarium, aut eidem sit oppositum, declarari id & confirmari potest, dicendo, tunc



7.  
Quæ respicit  
Deum,

tunc humanam rempublicam bene esse constitutam, atque felicem, quando quilibet homo graviter exequitur officia, quæ ab illo naturaliter debentur Deo, sibi ipsi, ac proximo; his tribus siquidem officiis omnis restitudo ac naturalis felicitas creaturæ rationalis absolvitur, ut proin tota respublica rationalis bene sit constituta, si quilibet illius civis bene se habeat ad Deum, ad se ipsum, & ad proximum, sive per amorem, sive per aliam virtutem, trino illi objecto naturaliter debitam.

Proximum,

Unde quia Deo debentur a creatura religio, amor, reverentia, cultus & obedientia &c. sibi ipsi temperantia, prudens amor, ordinata æqualibusque vitæ ac morum compositio &c. proximo charitas, justitia, misericordia, fidelitas, gratitudo, aliaque socialis vitæ officia, omnis naturalis bene erit constituta, si hæc solerti usu in praxin eant, servata animi tranquillitate, & pace cum Deo, proximo, secum: ac proin hæc omnia jure naturali præcepta esse censenda sunt. Contra vero male esset comparata rationalis civitas, si virtutum illa officia negligere, aut contraria illis vitia liceret committere; si blasphemia, odium Dei, sacrorum contemptus, si intemperantia, impudicia, si effrænis ac distorta morum projectio, si superbia, ira, invidia, injustitia, aliæque reipublicæ rationalis pestes non essent prohibitæ.

Se ipsum,

Quamvis vero hæc ita se habeant, ac recta constitutio atque naturalis felicitas rationalis universitatis sit principium illud, ex quo legem naturalem, aut præcipientem aut prohibentem inferimus, tamen nec ultimum illud nec adæquatum censeo, imo nec certum satis ac solidum, nisi altiori firmitorque fundamento nitatur, tanquam ultimato & incon-

8.  
Non tamen  
ultimum,

Quæro enim, quid Deo, ut absoluto rerum omnium Domino, ineluctabilem adeo atque inflexibilem necessitatem imponit, ut per leges naturales rectam constitutionem ac felicitatem humanæ reipublicæ procuraret: ut exigentias & clamores creaturarum exaudiat? ut curam illarum suscipiat? Potest Deus totam orbis molem vel nutu unico destruere, & in nativum suum nihilum redigere; cur ergo non etiam sibi ac suis ruinis relinquere?

Et in physicis quidem habemus compertum: quod Deus, licet sit auctor omnis naturæ corporeæ, tamen ut absolutus Dominus contraire possit ejusdem exigentiis, & appetitibus innatis, spoliando ignem calore, aquam frigore, solem lumine, materiam forma, licet sic videatur creaturæ inferri violentia: & prodire opus deturpativum naturæ. Quænam ergo ineluctabilis illa causa est, quæ Deo necessitatem potest imponere, ut exigentiis creaturarum moralibus satisfaciatur? ut earum felicitati prospiciatur? ut legibus naturalibus adstringat, atque coerceat? cur non pro-

casu

## De Jure Naturæ.

an saltem particulari legem naturalem potest omittere ac permittere, quod nunc jure naturæ censemus illicitum? Altius profecto hic eundem, & ex cælo petendum, quod in terris non invenitur.

Dixi etiam, quod principium illud, ex felicitate & recta constitutione humanæ reipublicæ, atque ex debitis officiis petatum non sit adæquatam: quin falsum videri potest. Argumenta plura præsto sunt, affero unicum. Pone casum, vel, si vis, finge, mendacium, aut aliud vitium, jure naturæ illicitum, esse necessarium ad conservationem humanæ reipublicæ, interituræ, nisi mendacio sustentetur: pone, mendacio omnia alia peccata posse impediri, omnes reliquas miseras & inordinationes omnium mortalium posse tolli: an licitum dices? non credo. At ex principio tuo non tantum licitum pro eo casu, sed etiam præceptum esse inferas oportet. Nam ostendo utrumque. *Omnis actus, qui ad felicitatem humanæ reipublicæ est necessarius, non tantum licitus, sed etiam præceptus est.* Hoc tuum est principium: ex quo ego sic colligo: sed mendacium in casu posito est necessarium ad felicitatem humanæ reipublicæ (interituræ, non mentiaris) conclusionem ipse formes: plane mendacium in hoc casu non amplius esset vitium, sed virtus, jure naturæ præcepta. Rursum: *Omne illud est jure naturæ illicitum, quod est oppositum rectæ constitutioni ac felicitati humanæ reipublicæ, atque officiis amoris eidem debit.* En tuum fundamentum juris naturæ ultimum! atqui ommissio mendacii in hoc casu est opposita rectæ constitutioni ac felicitati humanæ reipublicæ, atque officiis amoris eidem debit. Ergo ommissio mendacii in hoc casu est illicita. Neque dicas, mendacium esse contra veracitatem & commercium inter homines: nam ex ommissione mendacii in dato casu multo plus damni sequeretur humanæ reipublicæ, quam ex omnibus mendaciis, ut per se patet. Deinde licet in hoc casu licitum esset mendacium, tamen ex principiis adversariorum non sequeretur, quod in aliis casibus etiam esset licitum; ubi ab illo non pendet conservatio reipublicæ: ergo non sequeretur, quod intericeret humanum commercium.

Non disputabo tecum de possibilitate casus propositi: sit impossibile; at ostendit tamen, mancum esse tuum principium, imo falsum. Deinde non video satis, cur casus hic absolute sit impossibilis, si, ut tu quidem asseris, juri naturæ non aliud fundamentum, nisi massa creata sit substantia: nam tunc mendacium non foret vitium, sed virtus, jure naturali præcepta. Cur ergo absolute implicet, ut Deus hanc virtutem requirit ad conservandam humanam rempublicam, alias a se destruendam?

Vel pone alium casum, certo possibilem, quod mendacio possis patriam ab hoste liberare. Nam etiam in hoc ex tuo principio sequitur, quod.



quod mendacium sit præceptum, & omisso illius jure naturali prohibita, utpote contraria officiis amoris, patriæ naturaliter debitis.

### Q U Æ S T I O III.

*Quodnam ergo est principium ultimum & universale Juris naturæ?*

10.

**R**esp. Cum in rebus creatis nec satis solidum nec satis universale deprehendamus fundamentum, nisi cuidam per se ipsum firmo atque immobili superstruatur, ad altius eluctandum est rerum omnium principium, basin ac fundamentum, ad Deum videlicet O. M. bonitatis omnis fontem, ac primam originem,

Principium  
ultimum  
& adæqua-  
tum est Deus,

Dicendumque: Principium ultimum juris naturæ est ipse Deus infinite perfectus. A quo enim alio posset imponi Deo necessitas consulendi humanis rebus per leges naturales, nisi a sua essentia ac perfectione infinita? Quam necesse est, Deum esse infinite perfectum, sapientem ac providum, tam necesse est, eum sapienter ac provide gubernare humanam rempublicam. Quod, ut evidentius demonstratum eam, sic arguo.

Ejusque per-  
fectiones.

Cum Deus sibi soli infinite sufficiat, nullaque re indigere possit, necesse nullatenus habuit, ut extra se ipsum operetur, producendo hanc mundi machinam, eamque rationalibus creaturis animando;

Supposito tamen, quod ex liberrimo voluntatis suæ beneplacito creationis opus suscepit, tanquam auctor naturæ prudentem eidem finem præfigere debuit, non alio necessitante, nisi sapientia sua ac providentia infinita.

Operi igitur suo finem præposuit, ad quem tenderet, quoque obtento bene esset constitutum, ac felicitatem suam consecutum. Omnia siquidem bene se habere noscuntur, si ad finem suum bene sunt comparata.

11.

Quas com-  
mendare est  
finis naturæ  
rationalis.

Quis igitur finis creaturæ præsertim rationalis? Non quæro de fine supernaturali in statu naturæ elevata; hic enim est Deus, ut possidendus æternum per visionem intuitivam & amorem beatum, tanquam plene satisfactivum appetitus rationalis; aut proin Deus ipse sit finis & beatitudo objectiva, possessio vero hujus finis & fructio per visionem & amorem beatitudo sit formalis naturæ rationalis, speciali atque indebito favore elevata.

Sed quæro de fine naturali, a Deo, ut auctore naturæ, creaturæ rationali præfixo. Sane quemadmodum nihil terrenum, creatumve esse potest finis & beatitudo ejusdem objectiva ac supernaturalis, sic neque potest esse illius finis ac beatitudo naturalis, eo quod nullius boni creati pos-

possessio, nec omnium simul, satiare possit vastam capacitatem & immensum velut appetitus humanæ mentis.

Unde novimus, veteres illos Philosophos, uti in perpetua jurgia, ita in absurdos omnino errores esse prolapsos, ubi de fine hominis incidit disceptatio: dum per terrenæ bonitatis simulacra ac vanas umbras serpentes, vagantesque ad veri boni fastigium obtutum attollere aut noluerant, aut gentilitatis glaucomate obcæcati non poterant.

Solus Divinus ille Plato aquilæ instar in Divinissimum justitiæ solem atque immensum illud lumen obtutum defixit, vel sola ratione naturali aciente aciem, ac monstrante veritatem, quæ suâ satis luce se signat.

Hanc amplexa melior philosophia ac Christiana ethica, nullatenus dubitat, finem hominis ac felicitatem etiam naturalem non esse aliam, quam possessionem summi boni, quantam quidem ratio status naturalis potest capere: cum possessio boni creati implere ac saturare nequeat appetitum rationalem.

Hæc autem possessio ultimi finis aliud esse non potest, quam cognitio Dei infinite boni ac perfecti, ejusque amor, cultus ac reverentia, atque recta habitudo ad Deum, qua videlicet in ordine ad ultimum finem unum bene se habeat creatura, ut ex ipsa natura auctoris naturæ perfectiones ac gloria resplendeat.

Indubitata siquidem veritas est, rem quamlibet perfectionem suam, constitutionem rectam, ac felicitatem obtinere, si ad finem suum recte sit comparata. Cum igitur Deus, naturæ rationalis author, providus ac sapiens, eandem ad se tanquam finem ultimum, atque ad gloriam suam ac perfectiones manifestandas condiderit; imo ad alium finem ultimum, quam ad gloriam suam ac laudem condere non potuerit, vel ex ipso creationis fine confectaneum esse intelligimus, tunc creaturam rationalem recte esse constitutam, felicem, beatamque secundum status naturalis capacitatem, quando ad finem suum bene est comparata; quando a Divino suo authore ita creatur, conservatur, ac gubernatur, ut opus authorem commendet, ejusque perfectiones, in se velut penicillo expressas, representet.

Cum igitur hic sit finis creaturæ rationalis, Deusque ad alium creare eandem ac gubernare non possit, nisi nempe ad gloriam suam extrinsecam, satis profecto intelligimus, sapientiæ ac providentiæ Divinæ esse, ita naturam rationalem condere, ac gubernare, ut nihil in ea scabrum, distortumque, nihil cum fine illo ultimo, sapientissimo ac prudentissimo, pugnant ex voluntate auctoris sui sit reperire: alias enim imperfectio operis redundaret in ipsum artificem & auctorem.

Quidquid igitur sapientiæ ac providentiæ sanctissimi conditoris ac gubernatoris, aliisque perfectionibus Divinis est oppositum, lege necessaria 12. Quidquid prohibi.



igitur est  
contra divi-  
nas Perfe-  
ctiones, est  
contra jus  
naturæ.

prohibet: & quidquid perfectio Dei, ad sapienter ac provide gubernandam creaturam rationalem exigit præcipi, id præceptum esse lege naturali nullatenus ambigi potest. Demonstramus veritatem istam, ut ut per se certam & indubitam, per exempla.

Prohibet Deus lege naturali ac necessaria, quidquid amoris, reverentia, cultui, obedientia, reliquisque officiis, Deo debitis adversatur, ut odium Dei, blasphemiam, perjurium, idololatriam, superstitionem; nam si horum quidquam Deus licitum faceret, non amplius sapienter ac provide ad finem suum gubernaret humanam rempublicam, quia non amplius bene se haberet ad Deum, ejusque gloriam ac perfectiones manifestandas; consequenter quam necessario Deus prudenter ac sancte humanam rempublicam gubernat, tam necessario ei interdicat, quidquid officiis erga Deum adversatur; ac necessario præcipit, quidquid requiritur, ut erga Deum, finem suum ultimum, bene se habeat.

Eodem ex fonte derivatur necessitas earum legum, quæ hominis officia erga proximum & vitam socialem ordinant; nam & hæc Deus lege æterna necessario disponit, quia Deus est, quia perfectus est, quia provide ac sapienter condidit ac gubernat res humanas ad suum finem, ut videlicet perfectiones creatoris commendent, & gloria gubernatoris ex eis resplendeat.

Offenditur  
per exem-  
pla.

At vero ad hunc finem, creaturis rationalibus necessario præfixum, non gubernaret sapienter humanam rempublicam, si non præciperet ea, quæ ad amorem mutuum, pacem ac concordiam inter homines conservandam, atque ad alia socialis vitæ officia sunt necessaria: si faceret licita injusta homicidia, adulteria, detractiones, furta, rapinas, & quidquid justitiam, charitatem, pacem ac quietem lædit: quia videlicet hoc pacto non amplius per sapientem, providam, Deoque authorem dignam creationem ac gubernationem ad finem suum bene comparatæ essent humanæ per orbem societates; quia non amplius essent natæ, gloriam ac perfectiones conditoris ac gubernatoris sui manifestare: quin potius notam quandam aut impotentia aut imprudentia in authorem ac gubernatorem suum refunderent.

Atque eodem prorsus modo de officiis, quæ quilibet homo jure naturali sibi ipsi debet, est discurrendum. Cum enim finis naturalis cujuslibet hominis, etiam secum ipso comparati, sit, ita esse constitutum, ut opus authorem commendat, facile colligimus, quidquid hiuc in moribus, distortum atque inordinatum in homine est reperire, id sanctissimis legibus sapientissimi conditoris ac providentissimi gubernatoris adversari. Unde iram, gulam, intemperantiam, acediam, eadem ac mutilationem sui ipsius, aliasque creaturæ rationalis inordinationes prohibitas, contra-

rias

las vero virtutes, ut amorem sui prudentem, discretum ac moderatum, præceptas esse ex principio illo inferimus. Neque interest, an prima sint principia moralia per se nota, e. g. *declina a malo, & fac bonum*, an vero conclusiones ex his principiis deductæ: nam per utraque nobis Deus legem suam manifestat, atque ad perfectionem suam commendandam, ac felicitatem nostram comparandam dirigit. Unde parum attendi meretur divinitus illa, a quibusdam asserta, juris naturalis in *primæum*, quod sola principia juris naturalis, per se nota, complecti dicitur, & in *secundarium*, quod circa conclusiones morales ex principiis illis deductas versari volunt.

Sed quid ad casum illum dicendum, quem supra attulimus, quo videlicet mendacium ad conservationem humanæ rei publicæ, aut patriæ saltem, esset necessarium? cur illud etiam pro tali casu necessaria lege interdicitur? profecto hinc alia ratio dari non potest, nisi quod omne mendacium est oppositum primæ ac summæ veritati; consequenter si Deus faceret licitum, redundaret imperfectio in ipsum Deum: & si homini posset facere licitum mendacium, cur non etiam sibi? Videmus, quam hæc abhorreant a Divinæ perfectione, ut ne quidem cogitari possint sine blasphemia.

At omissio mendacii mundi ruinam traheret. Quid tum? an præferendum putas mundum Deo, conservationem creaturæ perfectioni creatoris? igitur hoc etiam casu Deus sanctissimus ac sapientissimus necessario prohibet mendacium: nam si creaturæ faceret licitum, non amplius esset apta ad suum finem, videlicet ad perfectiones Divinas manifestandas, imo infinitam veritatem Dei eversum iret: non igitur sapienter gubernaret Deus ad finem suum creaturam rationalem, si mendacium ei faceret licitum: unde ad perfectionem Divinam satius esset, mundum in nihilum redire, quam Divinæ perfectioni afferri præjudicium.

Illud adhuc dubium quibusdam movet, quod aliqua peccata, jure naturali prohibita, videantur nulli perfectioni Divinæ esse opposita, e. g. ingratitude; cum Deus neque gratus neque ingratus esse possit. Verum videlicet ingratitude nulli singulari perfectioni Divinæ esset contraria, est tamen contra bonitatem, sanctitatem ac sapientiam Divinam, illam non prohibendo facere licitam.

#### Q U Æ S T I O IV.

Solvitur Difficultas,

*An, & quomodo aliqua sint mala antecedenter ad legem DEI.*

Præcipuam hanc esse in hac re difficultatem censeo, ut enim ostensum hætenus, lex naturæ est ipsa lex Divina necessaria, principium vero ultimum, ex quo existentiam talis legis colligimus, sunt perfectiones

13.

Cur mendacium pro omni casu prohibitum?

14.



Dei, sapientissime ac providentissime gubernantis humanam rempublicam. At vero ulterior quæstio hic se offert, quare Divina perfectio exigit prohiberi furtum e. g. non vero esum carnis die sabbati. Videtur plane antecedenter ad legem Dei, seu abstrahendo a lege Dei, in istis objectis intrinsicè dari discrimen, ita quidem, ut furtum habeat aliquam malitiam propter quam necessario a Deo prohibetur, quam malitiam esus carnis aliaque, quæ jure tantum positivo sunt prohibita, non habent.

Unde etiam recepta est illa Theologorum paræmia: *Aliqua esse prohibita, quia sunt mala, & aliqua esse mala, quia prohibita.* Quod axioma sensum alium habere non posse videtur: quam aliqua jam antecedenter ad omnem legem Dei, vel saltem ab illa abstrahendo, esse in se ipsis mala quia nempe sunt disconvenientia naturæ rationali, e. g. furtum, homicidium, mendacium &c. alia vero ex se ipsis talem malignitatem, naturæ rationali repugnantem, non habere, sed totam malitiam accrescere ex disconvenientia cum lege positiva, non necessaria. Quæritur igitur, quid sit illa malitia, quæ est in furto, & propter quam necessario prohibetur, vel, quid inveniatur antecedenter ad legem Dei in furto, quod non invenitur in comestione carnis? cur aliqua e. g. furtum aut mendacium, dicantur intrinsece mala, fecus ac alia?

15.  
Quomodo  
aliqua sint  
intrinsece  
mala.

Ad quam difficultatem respondetur, furtum, abstrahendo a lege prohibente, non esse malum formaliter ac theologicè, sed radicaliter tantum, fundamentaliter, ac velut physice, quatenus nempe, supposita rerum divissione est turbativum reipublicæ humanæ, quietis ac tranquillitatis publicæ: atque hac ratione adversatur rectæ constitutioni humanæ societatis. Unde fundamentum præbet legi prohibenti, exigitque, ut passim auctores loquuntur, prohiberi.

Verum, ut dictum supra, vi sui absoluti & independentis dominii posset Deus huic exigentiæ creatæ contraire, nisi perfectio sapientissimi ac providentissimi creatoris ac gubernatoris, creaturam rationalem ad finem suum, manifestandas videlicet Divinas perfectiones, prudentissime ordinantis, necessitatem legis imponeret.

Alia longe est eorum conditio, quæ lege duntaxat positiva sunt libere prohibita: hæc enim, antecedenter ad legem prohibentem, neque fundamentalem ac physicam habent malitiam, cum non sint per se noxia, neque opposita fini creaturæ rationalis, consequenter neque perfectio sapientissimi gubernatoris necessitatem ullam prohibendi illa imponit.

Licet autem furtum e. g. hoc sensu dicatur fundamentaliter intrinsece malum, quatenus est noxium humanæ reipublicæ, & oppositum felicitati ac rectæ constitutioni ejusdem, ultimum tamen principium, indefectibile atque immutabile, ex quo per necessariam consequentiam legem æternam

nam

prohibentem inferimus, est ipsa natura Divina infinite perfecta, seu potentia Dei providentissime ad finem suum gubernantis creaturam rationalem.

Atque ex hoc ipso colliges, si non necessitatem, utilitatem saltem, publicis nostri principii ac regulæ, ex qua existentiam legis naturalis in ordine ad particulares materias inferimus. Immediatum siquidem principium est recta constitutio humanæ reipublicæ, aut creaturæ etiam cujus rationalis in ordine ad suum finem, manifestandas nempe Divinas perfectiones; ultimum tamen semper erunt hæ ipsæ perfectiones, ac præterea sapientia creatoris ac gubernatoris.

Unde nequaquam rejicio modos illos loquendi, receptos passim, qui in praxi sic arguimus: hoc est contra felicitatem naturalem ac rectam constitutionem creaturæ rationalis, aut humanæ reipublicæ. Ergo jure naturali est prohibitum. Hoc exigit esse præceptum recta constitutio naturæ rationalis: ergo est præceptum. Hoc est contra officia, Deo, proximo, ac sibi naturaliter debita: ergo est illicitum jure naturali. Hoc exigit bonum socialis vitæ, hoc exigit amor naturaliter debitus Deo, sibi ac proximo: ergo est præceptum lege naturali. Hoc est contra naturam rationalem, contra rectam rationem, hoc dicitur recta ratio, ergo &c. Item: id quid simpliciter expedit esse licitum ad felicem naturæ humanæ statum, id omne, spectato naturæ jure, est licitum: item, quod in ordine ad eundem finem simpliciter expedit esse præceptum vel prohibitum, id omne naturæ jure est obligatorium: similiter, quod simpliciter expedit, esse leviter vel leviter prohibitum pro humani generis beata conditione, est jure naturæ graviter vel leviter prohibitum.

Item: id omne simpliciter expedit, licere, in cujus licentiam homines consensissent, si ante omnem casum particularem ab authore naturæ requisivissent suffragium: & e contra, id omne simpliciter non expedit, licere, in cujus licentiam homines non consensissent.

Has, inquam, aliasque authorum regulas non rejicio; quin, aliquas etiam ex iis, in praxi utiles esse ac veras fateor: unde illas etiam tanquam principium immediatum statuo: ultimum tamen esse nego: cum principium ultimum sint solæ Divinæ perfectiones, quibus omnes prædictæ regulæ tanquam fundamento ultimo per se ipsum firmo, indefectibili ac immutabili innituntur, ut supra demonstratum est.

Hinc mirari satis non possum, complures authores, qui integris totius jus naturæ pertractant, de hoc principio vel omnino silere, vel perfunctoriam tantummodo de eo mentionem facere: cum tamen certum esse videatur, rationem ultimam, cur Deus ad exigentiam creaturæ rationalis ejusque felicem statum legem necessario ferre debet, aliam non esse, quam

16.  
Variæ DD.  
regulæ juris  
naturæ.



quam ipsammet Divinam perfectionem ac providentiam sapientissimi creatoris ac gubernatoris: imo communis Christianorum doctrina sit, felicitatem creaturæ rationalis, etiam in statu naturæ puræ spectatam, aliam habere, quam rectam constitutionem in ordine ad ultimum suum finem naturalem, ad Deum videlicet ejusque perfectiones manifestandas ac commendandas. Unde solennis illa vox Theologiæ mysticæ, quod Deus creare potuerit hominem; vel non creare pro lubitu, ad alium finem creare, quam propter se, atque ad gloriam suam, non potuisse: quia scilicet infinitum bonum in creaturis suis necessario se ipsum amat, & infinita sapientia pro fine omnis operationis necessario habet summum bonum.

Ex quibus haud difficulter inferimus, rationem ultimatam, per se firmam, indefectibilem atque immutabilem legis Dei æternæ ac necessariæ non esse quærendam extra Deum infinite bonum, sapientem ac perfectum.

17.  
Difficultates  
solvantur.

Atque ex hac ipsa doctrina facilius, quam ex ulla alia, videtur explicari, cur ea, quæ lege naturali a Deo prohibentur, dicantur intrinsece mala; seu per se ipsa fundamentaliter ac radicaliter mala: quia scilicet sunt opposita rectæ constitutioni naturæ rationalis in ordine ad suum finem naturalem, qui consistit in tali habitudine ad Deum, authorem & gubernatorem suum, ut illius perfectiones manifestent ac commendent: quod non amplius contingeret, si Deus illa faceret licita. Unde in ipsa natura rationali datur fundamentum (quamvis non ultimum) atque exigentia, ut a Deo sapientissimo ac providentissimo gubernatore ac legislatore prohibeantur: & quia sic ex fine suo intrinseco natura rationalis exigit, ut talia sint illicita, dicuntur *radicaliter, fundamentaliter*, atque etiam *intrinsece* mala, *formaliter* vero mala per oppositionem cum lege naturali, quam Deus necessario fert vi suæ infinitæ perfectionis, tanquam sapientissimus ac providentissimus gubernator, ad exigentiam naturæ rationalis, ut illa ad finem suum recte sit comparata.

Unde natura rationalis per lumen rationis sic arguit: si furtum e. g. aut homicidium injustum esset licitum, male esset constituta in ordine ad suum finem humana respublica ac natura rationalis. Ergo Deus necessario per legem æternam illud prohibet, vi suæ infinitæ perfectionis, tanquam sapientissimus ac providentissimus creator ac gubernator creaturæ rationalis.

18.  
Cur impossibile peccatum pure philosophicum?

Ex quo ulterius conficitur, nullum dari, nec dari posse peccatum pure philosophicum, quod præcise esset actus humanus disconveniens naturæ rationali & rectæ rationi, nullatenus vero sit transgressio legis Divinæ. Nam imprimis impossibile est ex dictis, Deum non prohibere ea, quæ sunt contra naturam rationalem & rectam rationem; cum ipsæ Divinæ perfectiones Deum necessitent, ad illa prohibenda.

Deinde recta ratio non potest judicare, actum aliquem esse contra naturam

am rationalem, nisi in quantum ostendit; illum actum esse contra finem naturæ rationalis, nempe contra rectam habitudinem ad Deum: consequenter simul ostendit, illum a Deo vi suæ infinitæ perfectionis esse prohibitum. Nam

Circa mendacium e. g. ita discurret (explicite vel implicite, formaliter vel virtualiter) mendacium est contra rectam constitutionem naturæ rationalis, & ita illicitum, ut, licet omnes homines dicerent esse licitum, ut vellent facere licitum, tamen maneret illicitum, & quidem in omni circumstantiis. Ergo a supremo Domino ac legislatore vi infinitæ veracitatis ac perfectionis est prohibitum.

Unde porro sequitur, sive fidelis peccet, sive barbarus, semper sub aliquo saltem prædicato, e. g. supremi Domini, legislatoris, aut altioris potestatis, implicite saltem, virtualiter ac confuse cognosci Deum, qui peccato offenditur. Est enim impossibile, ut recta ratio judicet aliquid esse contra naturam rationalem, & consequenter prohibitum, nisi simul dicet, quod sit prohibitum ab altiore legislatore. Cur enim peccans blasphemias timet? cur syntheresis accusat, quem timet, præsertim si crimen est occultum? an natura rationalis se ipsam? cur quæso? quis suus est superior? quis suus legislator? cur mendacium maneret prohibitum, licet contra naturam humanam vellet illud permittere?

Licet igitur etiam ab homine rationis compote Deus brevi aliquo tempore possit etiam invincibiliter ignorari, tamen ignorari nunquam potest a peccante: quia scilicet lumen rationis non potest distare, aliquid contra naturam rationalem disconveniens esse prohibitum, nisi simul distet a superiori potestate esse prohibitum: cum fundamentum ultimum per se firmum & indefectibile hujus prohibitionis aliud esse non possit, quam perfectio alicujus supremi gubernatoris, quæ eundem necessario ad se habet illam in cordibus nostris scribendam atque sic nobis per lumen rationis promulgandam determinet. Quodnam enim aliud principium ultimum, indubitatum, atque indefectibile habet natura rationalis iudicandi, mendacium e. g. esse prohibitum necessario, nisi oppositionem in perfectione supremi legislatoris?

Quæres: quid autem, si poneretur casus, quod peccans invincibiliter ignoret Deum, & quidem sub omni prædicato? tunc enim peccans non nosceret tamen, mendacium esse illicitum. Quodnam autem tunc aliud fundamentum ultimum iudicandi, id esse prohibitum, nisi natura rationalis, cui illud nihilominus esset oppositum? Respondetur, casum esse impossibilem, licet enim non negem, posse Deum ad breve aliquod tempus etiam invincibiliter ignorari, tamen fieri non potest, ut peccans eum ignoret: siquidem hoc ipso, quod peccet, agnoscit confuse saltem, se



agere contra legem aliquam superioris potestatis; cum ratio manifeste dicet, legem ferri non posse, nisi a superiore in subditum, consequenter neminem sui ipsius legislatorem esse, aut in se ipsum jurisdictionem posse exercere. Quis ergo ille superior, cuius legem peccans transgreditur? non alius homo: nam unde illi potestas in hominum conscientias? deinde licet omnes homines vellet præcipere mendacium e. g. vel aliud intrinsece malum, tamen illud maneret prohibitum. Ergo quoties quis peccat, præsertim contra legem naturæ, semper, saltem confuse & implicite, agnoscit, se agere contra voluntatem supremi alicujus legislatoris, qui præcipere aut prohibere possit, licet totum humanum genus se vellet opponere.

20.  
Etiam Athe-  
us

Neque dicas, quod Athei peccent, licet nullum Deum agnoscant. Nam falsum est, quod Deum non agnoscant, dum peccant: tam aperte enim se Deus signavit in suis creaturis, tamque convincentia humanæ menti ac syntheresi indidit dictamina rationis, signato super nos lumine vultus sui, ut, quantumcunque impii conentur tam illustribus radiis aditum præcludere, omnemque Dei sensum ex cordibus suis excludere, tamen, nolint velint, syntheresis eis, dum peccant, exclamet: *Datur Deus: datur legislator altioris potestatis: datur vindex scelerum*; quem potius optant non existere, quam non existere serio sibi possint persuadere. Et sic dicit quidem impius in corde suo: *Non est Deus*: at non serio: conatur potius, & attentat dicere, quam serio dicat, præsertim quando peccat.

Sed quid, si nullus daretur Deus? an mendacium, aliaque lege naturali nunc prohibita, tamen essent mala atque prohibita? cur tunc essent mala? cur illicita? a quo prohibita? profecto tunc ideo duntaxat essent illicita ac mala, quia tamen essent dissentanea naturæ rationali.

21.  
De casu in-  
vincibilis  
ignorantiæ  
Dei.

Respondent ad hunc casum plures authores, uti etiam ad illum, quod poneretur, a peccantibus Deum sub omni prædicato invincibiliter ignorari, quod in tali hypothesi (quam tamen utramque impossibilem esse agnoscunt) peccatum foret mere philosophicum, præcise disconveniens naturæ rationali ac rectæ rationi, quod non esset offensa Dei, nec dignum poena æterna.

Censeo tamen cum Viva in *Trut. theol. ad prop. 2. ab Alexandro VIII. damnatam*, ex utraque hypothesi impossibili aut nihil sequi, aut sequi pariter impossibile, utramque nempe contradictionis partem; quod videlicet tunc mendacium e. g. esset malum, illicitum, prohibitum, dissentaneum naturæ rationali, offensa Dei &c. & simul non esset. Esset malum, ac offensa Dei; quia est impossibile, ut recta ratio proponat mendacium tanquam illicitum ac disconveniens naturæ rationali, nisi simul illud proponat ut disconveniens legi Dei, qua Deus vi suæ perfectionis ne-

cessa-

cessario illud prohibet, ut offensum est. Sequeretur tamen simul & altera contradictionis pars, quod scilicet in tali casu chymarico mendacium non esset malum, illicitum, disconveniens naturæ rationali, ac offensæ Dei; quia ponitur Deum non existere, aut mentiente invincibiliter sub omni prædicato ignorari: consequenter nulla daretur, aut agnosceretur ex naturalis, illud prohibens. Ex quo igitur tunc principio ratio colligat, mendacium esse prohibitum, malum, illicitum, disconveniens naturæ rationali, ac offensam Dei? at in terminis absurdum est, mendacium non esse malum, ac disconveniens naturæ rationali. Ita est: sed dato in absurdo cætera accidunt: & ex impossibili aut nihil sequitur, aut sequitur quidlibet.

### Q U Æ S T I O V.

*An lex naturæ semper sit absoluta, immutabilis ac nunquam dispensabilis?*

Complures sunt DD. tum Theologi tum Jurisconsulti, qui legem naturalem dividunt in *absolutam* & *conditionatam*. Illam immutabilem atque indispensablem statuunt, hanc vero mutabilem ac dispensabilem. Exempla eorum, quæ sunt juris naturalis *absoluti*, afferunt blasphemiam, mendacium, aut contemptum Dei, mendacium &c. quia hæc ita sunt intrinsece mala, atque Divinis perfectionibus per se opposita, ut pro omnibus casibus atque omnibus circumstantis lege Divina absoluta, immutabili & indispensablem necessario sint prohibita.

Juris autem *conditionati* exempla ponunt, homicidium, furtum, polygamiam, matrimonium consanguineorum in primo gradu lineæ rectæ &c. nam, ut discurrunt, homicidium est quidem lege naturali prohibitum, sed tantum conditionate, nisi Deus, qui supremum habet dominium vitæ & necis, det potestatem, hominem occidendi, sicque dispenset. Furtum pariter subjacere juri naturali conditionato, nisi nempe Deus, qui supremus est Dominus bonorum omnium, det facultatem occupandi alienius bona, ut dedit Israëlitis spoliandi Ægyptios. In polygamia Deum veteri testamento sæpe dispensasse; dispensaturum pariter in matrimonio quoad primum gradum lineæ rectæ, si solus pater cum filia in mundo existeret. Hæc proin, aliaque multa juris esse naturalis tantum conditionati, nisi nempe Deus dispenset.

Quamvis autem isti authores quoad rem ipsam vix aliud videantur esse, quam id, quod omnes facile concedunt, tamen hic modus loquendi, tanquam improprie ac minus in re tanta accuratus, doctissimis viris semper displicuit. Cum quibus



23.  
Nulla lex  
naturæ con-  
ditionata,  
mutabilis  
aut dispen-  
sabilis.

Dico: Nulla datur lex naturæ conditionata, mutabilis aut dispensabilis, sed omnis semper est absoluta, immutabilis & indispensabilis. Probatur: lex naturæ est lex æterna ac necessaria, præcipiens ea, quæ sunt intrinsece bona, seu, quæ bonitas ac sapientia Divina exigit præcipi in ordine ad sapienter ac provide ad finem suum gubernandam rationalem rempublicam: ac prohibens ea, quæ sunt intrinsece mala, seu quæ bonitas ac sapientia infinita authoris ac gubernatoris naturæ rationalis exigit prohiberi in ordine ad rectam naturæ constitutionem in ordine ad suum finem, manifestandas videlicet & commendandas divinas perfectiones.

Ergo lex naturæ est semper absoluta & indispensabilis: nam sub ea ratione, sub qua aliquid est intrinsece malum, exigens a Deo, tanquam optimo ac sapientissimo authore ac gubernatore prohiberi, semper lege naturali necessario est prohibitum, exigente hanc prohibitionem non tantum ex fine suo intrinseco natura rationali, sed infinita etiam gubernatoris sapientia ac bonitate. Sub ea vero ratione, sub qua aliquid intrinsece malum non est, sed ita comparatum, ut neque recta constitutio humani generis, neque sapientia conditoris ac gubernatoris exigant illud prohiberi, sub ea, inquam, ratione legi naturali nunquam subjacuit. Exempla rem magis illustrabunt.

24.  
Ostenditur  
exemplo  
homicidii,

*Homicidium* est contra jus naturæ, sed non omne. Nam injustum semper, justum nunquam lege naturali est prohibitum. Sic si Deus, pennes quem est dominium vitæ, det potestatem occidendi, occisio illa non subjacet legi naturali; nec tamen Deus dispensat in illa, sed dando facultatem occidendi facit, ut occisio non sit injusta, sed justa: occisio autem justa nunquam fuit vetita. Atque sic Deus præcise mutat materiam; constituitque sub tali ratione, sub qua nunquam fuit prohibita. Si autem Deus dispensaret in lege naturali, deberet occisionem injustam, quæ sola est objectum legis naturalis, facere licitam: seu deberet occisionem sub eâ ratione facere licitam, sub qua vetatur lege naturæ, nempe sub ratione *occisionis injustæ*. Et, si jus naturæ esset conditionatum, deberet occisio *injusta* esse illicita, nisi Deus in occisione *injusta* dispenseret, eamque faciat licitam; quod nunquam fit, nec fieri potest. Ita pariter iudex criminis convictum carnifici occidendum tradit: & quilibet iniquum aggressorem potest occidere cum moderamine inculpatæ tutelæ, quin tamen ulla in lege naturali fiat mutatio aut dispensatio: quia scilicet talis occisio justa nunquam fuit comprehensa sub lege naturali, prohibente tantum occisionem injustam, nunquam vero justam.

25.  
Furti,

Sic etiam furtum semper lege naturali est interdictum, & quidem absolute & indispensabiliter; cum Deus nunquam possit furtum licitum facere.

ere, potest tamen Deus, tanquam supremus rerum omnium Dominus, rei proprietatem ac dominium ab uno transferre in alterum, sicut ab Ægyptiis transtulit in Israëlitas; quo facto non committitur furtum ab eo, qui rem aliquam surripit: nam furtum est *ablatio rei alienæ, invito rationabiliter Domino*: si autem Deus e.g. Israëlitis dat jus proprietatis in bona, quæ prius fuerunt Ægyptiorum, neque auferunt rem alienam, sed suam; neque Ægyptii possunt esse rationabiliter inviti: quia Israëlitarum proprietatem acceperunt ab eo, qui habet supremum & supereminensissimum rerum omnium Dominium, consequenter illud dare potest, cui vult & quando vult.

Cum autem Deus cuiuspiam tale dominium dat, atque sic illud ab uno transfert in alterum, nihil immutat circa jus naturale, quo tantum furtum prohibetur; Deus autem non facit, ut furtum sit licitum, & sic neque in lege naturali, neque in ejus objecto dispensat sed tantum facit, ut non sit furtum, adeoque, ut sub lege naturali non comprehendatur: utpote quia tantum furtum, tanquam semper & pro omni casu ac circumstantiis intrinsece malum, absolute & indispensabiliter prohibetur. Dispensaret autem Deus in lege naturæ & in ejus objecto, si furtum aliquando faceret licitum: quod, ut dictum, fieri nunquam potest.

Eodem modo dicendum circa usuras: nam licet exigere usuras mere lucratorias, seu præcise titulo mutui sit intrinsece malum, ac jure naturali semper prohibitum: potuit tamen Deus Israëlitis dare jus in bonis gentium infidelium, & translato dominio concedere facultatem quasi fœderis ab iis accipiendi: sicut etiam defacto ex hoc titulo census quincunces in Germania sunt liciti: quia scilicet respublica dominium eorum in mutuantem transtulit, sicut in præscriptione.

Idem evenit in aliis exemplis: nam licet Deus in veteri testamento dederit licentiam uni viro habendi simul plures uxores, quam licentiam in novo testamento ademit, tamen per hoc circa legem naturalem ejusque objectum nihil mutavit; neque enim dispensavit in *polygamia*, quatenus prohibetur jure naturali. Siquidem polygamia eatenus tantum vetatur jure naturali, quatenus est accessus ad non suam (vel saltem traditio juris, quod tradens non habet) & sub hac ratione est intrinsece mala, atque semper pro omnibus circumstantiis absolute & indispensabiliter prohibita. Quia autem Deus, sicut in vitam & bona fortunæ, ita etiam in humana corpora supremum habet dominium, ideo potest dare uni viro in plura corpora, & pluribus fœminis in corpus unius viri; prout fecit in antiquo testamento: in lege vero Evangelica hoc jus & potestatem, pro liberrimo voluntatis suæ beneplacito, sustulit, quin propterea in lege naturæ aut ejus objecto quidquam mutarit, aut dispensarit: nam po-

26.

Usurarum,

27.

Polygamia;



Iygamia, quatenus est accessus ad non suam, vel traditio juris, quod non datur, semper necessario fuit prohibita tanquam intrinsece mala: quatenus vero est accessus ad suas, vel traditio juris, a Deo concessi, nunquam fuit prohibita. Quia igitur in novo testamento Deus ademittit viro jus in plura corpora muliebria, matrimonium ratum cum pluribus esset attentata traditio juris, quod non existit, & matrimonium consummatum cum pluribus esset accessus ad non suas, & sic esset verum adulterium; cum tantum cum una habere possit validum matrimonium. In antiqua autem lege poterat cum pluribus stare verum matrimonium, cum Deus concesserit viro jus in plura corpora.

Unde sequitur, quod paradoxum videri posset, polygamiam in nova lege jure naturali esse prohibitam, in veteri autem fuisse permissam, quia tamen circa legem naturæ & ejus objectum quidquam fuerit mutatum, aut in ea dispensatum: quia scilicet Deus nunquam permisit, polygamiam, quatenus est accessus ad non suam (sub qua solaratione jure naturali est prohibita) sed concedendo jus in plura corpora, præcise fecit, ut polygamia consummata fuerit accessus ad suas uxores: quod etiam in nova lege potuisset facere Deus, si voluisset. Quia autem ex sacra scriptura nobis constat, quod non fecerit, sed ademerit viro jus in plura corpora, ideo polygamus accederet ad eas, quæ non sunt suæ uxores, committeretque adulterium, jure naturali semper absolute prohibitum.

Neque dicas, Deum in jure naturæ dispensasse, quando dixit ad Osee: *Vade, sume tibi uxorem fornicationum, & fac tibi filios fornicationum.* Osee 1. Nam Deus non præcepit Prophetæ, ut fornicetur, sed ut fornicariam publicam, seu meretricem in uxorem ducat, & ex ea generet filios legitimos, quibus tamen apud populum adhæsuræ esset macula matris, quæ prius erat infamis meretrix. Vel per filios fornicationum intelliguntur tales, qui quidem ex legitimo matrimonio essent suscipiendi, sed tamen ex infecto matris sanguine descendentes in fornicationes matris exemplo essent prolapsuri, ut Cornelius a Lapide explicat.

Manet igitur fornicatio semper jure naturali absolute & indispensabiliter prohibita; quamvis Deus possit viro dare jus in corpus feminae, & facere, ut sit ejus uxor: quo casu non amplius esset fornicatio, utpote quæ est accessus ad non suam.

Similiter dico, matrimonium in primo gradu consanguinitatis lineæ rectæ, e. g. patris cum filia jure naturali esse prohibitum, semperque fuisse prohibitum: quia in hac providentia Deus nunquam dedit patri jus in corpus filia, ut ex communi omnium sententia constat: & exemplum asserri nullum potest, quo Deum id unquam dedisse constet.

Possit

28.  
Matrimonii  
in primo  
gradu con-  
sanguinita-  
tis.

Possit tamen Deus in alia providentia absolute patri & filiæ, item patri & filio jus mutuum in corpora concedere: quod pro casu, quo soli in mundo existerent, facile concedunt authores: ego vero id Dei absolute potentia neque pro aliis casibus negandum censeo. Nam patrem matrimonio conjungi filiæ, non est intrinsece malum, ac consequenter de neque jure naturali vetitum: alias neque pro casu, quo soli existerent, possent conjungi. Sed intrinsece malum ac jure naturali illicitum est juris utriusque in corpora traditionem attentare, quod, utpote in hac providentia Deo negatum, nec pater habet nec filia: item accedere ad fœminam non suam, quod pariter fieret, si pater attentaret matrimonium consummare cum filia: quia, ut dictum, Deus in hac providentia jus mutuum in corpora patri & filiæ omnino denegat.

Unde neque quoad hoc jus naturale est conditionatum, mutabile & dispensabile: quia carnalis conjunctio patris cum filia, tunc tantum est jure naturali prohibita, quando est accessus ad non suam: & pro hoc casu semper absolute est prohibita; & Deus non potest dispensando illam facere licitam. Pro casu autem, quo esset conjunctio cum sua, ut contineretur, si Deus daret illis jus mutuum in corpora, nunquam jure naturæ est prohibita: ergo neque pro hoc casu datur locus dispensationi aut mutationi in lege naturæ.

Et ratio ulterior est, quia lex naturalis respicit suum objectum sub ratione specifica intrinsece boni vel intrinsece mali: quamdiu igitur manet <sup>29.</sup> <sup>jus naturæ</sup> <sup>respicit ob-</sup> <sup>jectum sem-</sup> <sup>per sub ea-</sup> <sup>dem ratione</sup> <sup>30.</sup> <sup>Neque m̃</sup> <sup>illius</sup> <sup>31.</sup> <sup>illius</sup> <sup>32.</sup> <sup>illius</sup> <sup>33.</sup> <sup>illius</sup> <sup>34.</sup> <sup>illius</sup> <sup>35.</sup> <sup>illius</sup> <sup>36.</sup> <sup>illius</sup> <sup>37.</sup> <sup>illius</sup> <sup>38.</sup> <sup>illius</sup> <sup>39.</sup> <sup>illius</sup> <sup>40.</sup> <sup>illius</sup> <sup>41.</sup> <sup>illius</sup> <sup>42.</sup> <sup>illius</sup> <sup>43.</sup> <sup>illius</sup> <sup>44.</sup> <sup>illius</sup> <sup>45.</sup> <sup>illius</sup> <sup>46.</sup> <sup>illius</sup> <sup>47.</sup> <sup>illius</sup> <sup>48.</sup> <sup>illius</sup> <sup>49.</sup> <sup>illius</sup> <sup>50.</sup> <sup>illius</sup> <sup>51.</sup> <sup>illius</sup> <sup>52.</sup> <sup>illius</sup> <sup>53.</sup> <sup>illius</sup> <sup>54.</sup> <sup>illius</sup> <sup>55.</sup> <sup>illius</sup> <sup>56.</sup> <sup>illius</sup> <sup>57.</sup> <sup>illius</sup> <sup>58.</sup> <sup>illius</sup> <sup>59.</sup> <sup>illius</sup> <sup>60.</sup> <sup>illius</sup> <sup>61.</sup> <sup>illius</sup> <sup>62.</sup> <sup>illius</sup> <sup>63.</sup> <sup>illius</sup> <sup>64.</sup> <sup>illius</sup> <sup>65.</sup> <sup>illius</sup> <sup>66.</sup> <sup>illius</sup> <sup>67.</sup> <sup>illius</sup> <sup>68.</sup> <sup>illius</sup> <sup>69.</sup> <sup>illius</sup> <sup>70.</sup> <sup>illius</sup> <sup>71.</sup> <sup>illius</sup> <sup>72.</sup> <sup>illius</sup> <sup>73.</sup> <sup>illius</sup> <sup>74.</sup> <sup>illius</sup> <sup>75.</sup> <sup>illius</sup> <sup>76.</sup> <sup>illius</sup> <sup>77.</sup> <sup>illius</sup> <sup>78.</sup> <sup>illius</sup> <sup>79.</sup> <sup>illius</sup> <sup>80.</sup> <sup>illius</sup> <sup>81.</sup> <sup>illius</sup> <sup>82.</sup> <sup>illius</sup> <sup>83.</sup> <sup>illius</sup> <sup>84.</sup> <sup>illius</sup> <sup>85.</sup> <sup>illius</sup> <sup>86.</sup> <sup>illius</sup> <sup>87.</sup> <sup>illius</sup> <sup>88.</sup> <sup>illius</sup> <sup>89.</sup> <sup>illius</sup> <sup>90.</sup> <sup>illius</sup> <sup>91.</sup> <sup>illius</sup> <sup>92.</sup> <sup>illius</sup> <sup>93.</sup> <sup>illius</sup> <sup>94.</sup> <sup>illius</sup> <sup>95.</sup> <sup>illius</sup> <sup>96.</sup> <sup>illius</sup> <sup>97.</sup> <sup>illius</sup> <sup>98.</sup> <sup>illius</sup> <sup>99.</sup> <sup>illius</sup> <sup>100.</sup> <sup>illius</sup> <sup>101.</sup> <sup>illius</sup> <sup>102.</sup> <sup>illius</sup> <sup>103.</sup> <sup>illius</sup> <sup>104.</sup> <sup>illius</sup> <sup>105.</sup> <sup>illius</sup> <sup>106.</sup> <sup>illius</sup> <sup>107.</sup> <sup>illius</sup> <sup>108.</sup> <sup>illius</sup> <sup>109.</sup> <sup>illius</sup> <sup>110.</sup> <sup>illius</sup> <sup>111.</sup> <sup>illius</sup> <sup>112.</sup> <sup>illius</sup> <sup>113.</sup> <sup>illius</sup> <sup>114.</sup> <sup>illius</sup> <sup>115.</sup> <sup>illius</sup> <sup>116.</sup> <sup>illius</sup> <sup>117.</sup> <sup>illius</sup> <sup>118.</sup> <sup>illius</sup> <sup>119.</sup> <sup>illius</sup> <sup>120.</sup> <sup>illius</sup> <sup>121.</sup> <sup>illius</sup> <sup>122.</sup> <sup>illius</sup> <sup>123.</sup> <sup>illius</sup> <sup>124.</sup> <sup>illius</sup> <sup>125.</sup> <sup>illius</sup> <sup>126.</sup> <sup>illius</sup> <sup>127.</sup> <sup>illius</sup> <sup>128.</sup> <sup>illius</sup> <sup>129.</sup> <sup>illius</sup> <sup>130.</sup> <sup>illius</sup> <sup>131.</sup> <sup>illius</sup> <sup>132.</sup> <sup>illius</sup> <sup>133.</sup> <sup>illius</sup> <sup>134.</sup> <sup>illius</sup> <sup>135.</sup> <sup>illius</sup> <sup>136.</sup> <sup>illius</sup> <sup>137.</sup> <sup>illius</sup> <sup>138.</sup> <sup>illius</sup> <sup>139.</sup> <sup>illius</sup> <sup>140.</sup> <sup>illius</sup> <sup>141.</sup> <sup>illius</sup> <sup>142.</sup> <sup>illius</sup> <sup>143.</sup> <sup>illius</sup> <sup>144.</sup> <sup>illius</sup> <sup>145.</sup> <sup>illius</sup> <sup>146.</sup> <sup>illius</sup> <sup>147.</sup> <sup>illius</sup> <sup>148.</sup> <sup>illius</sup> <sup>149.</sup> <sup>illius</sup> <sup>150.</sup> <sup>illius</sup> <sup>151.</sup> <sup>illius</sup> <sup>152.</sup> <sup>illius</sup> <sup>153.</sup> <sup>illius</sup> <sup>154.</sup> <sup>illius</sup> <sup>155.</sup> <sup>illius</sup> <sup>156.</sup> <sup>illius</sup> <sup>157.</sup> <sup>illius</sup> <sup>158.</sup> <sup>illius</sup> <sup>159.</sup> <sup>illius</sup> <sup>160.</sup> <sup>illius</sup> <sup>161.</sup> <sup>illius</sup> <sup>162.</sup> <sup>illius</sup> <sup>163.</sup> <sup>illius</sup> <sup>164.</sup> <sup>illius</sup> <sup>165.</sup> <sup>illius</sup> <sup>166.</sup> <sup>illius</sup> <sup>167.</sup> <sup>illius</sup> <sup>168.</sup> <sup>illius</sup> <sup>169.</sup> <sup>illius</sup> <sup>170.</sup> <sup>illius</sup> <sup>171.</sup> <sup>illius</sup> <sup>172.</sup> <sup>illius</sup> <sup>173.</sup> <sup>illius</sup> <sup>174.</sup> <sup>illius</sup> <sup>175.</sup> <sup>illius</sup> <sup>176.</sup> <sup>illius</sup> <sup>177.</sup> <sup>illius</sup> <sup>178.</sup> <sup>illius</sup> <sup>179.</sup> <sup>illius</sup> <sup>180.</sup> <sup>illius</sup> <sup>181.</sup> <sup>illius</sup> <sup>182.</sup> <sup>illius</sup> <sup>183.</sup> <sup>illius</sup> <sup>184.</sup> <sup>illius</sup> <sup>185.</sup> <sup>illius</sup> <sup>186.</sup> <sup>illius</sup> <sup>187.</sup> <sup>illius</sup> <sup>188.</sup> <sup>illius</sup> <sup>189.</sup> <sup>illius</sup> <sup>190.</sup> <sup>illius</sup> <sup>191.</sup> <sup>illius</sup> <sup>192.</sup> <sup>illius</sup> <sup>193.</sup> <sup>illius</sup> <sup>194.</sup> <sup>illius</sup> <sup>195.</sup> <sup>illius</sup> <sup>196.</sup> <sup>illius</sup> <sup>197.</sup> <sup>illius</sup> <sup>198.</sup> <sup>illius</sup> <sup>199.</sup> <sup>illius</sup> <sup>200.</sup> <sup>illius</sup> <sup>201.</sup> <sup>illius</sup> <sup>202.</sup> <sup>illius</sup> <sup>203.</sup> <sup>illius</sup> <sup>204.</sup> <sup>illius</sup> <sup>205.</sup> <sup>illius</sup> <sup>206.</sup> <sup>illius</sup> <sup>207.</sup> <sup>illius</sup> <sup>208.</sup> <sup>illius</sup> <sup>209.</sup> <sup>illius</sup> <sup>210.</sup> <sup>illius</sup> <sup>211.</sup> <sup>illius</sup> <sup>212.</sup> <sup>illius</sup> <sup>213.</sup> <sup>illius</sup> <sup>214.</sup> <sup>illius</sup> <sup>215.</sup> <sup>illius</sup> <sup>216.</sup> <sup>illius</sup> <sup>217.</sup> <sup>illius</sup> <sup>218.</sup> <sup>illius</sup> <sup>219.</sup> <sup>illius</sup> <sup>220.</sup> <sup>illius</sup> <sup>221.</sup> <sup>illius</sup> <sup>222.</sup> <sup>illius</sup> <sup>223.</sup> <sup>illius</sup> <sup>224.</sup> <sup>illius</sup> <sup>225.</sup> <sup>illius</sup> <sup>226.</sup> <sup>illius</sup> <sup>227.</sup> <sup>illius</sup> <sup>228.</sup> <sup>illius</sup> <sup>229.</sup> <sup>illius</sup> <sup>230.</sup> <sup>illius</sup> <sup>231.</sup> <sup>illius</sup> <sup>232.</sup> <sup>illius</sup> <sup>233.</sup> <sup>illius</sup> <sup>234.</sup> <sup>illius</sup> <sup>235.</sup> <sup>illius</sup> <sup>236.</sup> <sup>illius</sup> <sup>237.</sup> <sup>illius</sup> <sup>238.</sup> <sup>illius</sup> <sup>239.</sup> <sup>illius</sup> <sup>240.</sup> <sup>illius</sup> <sup>241.</sup> <sup>illius</sup> <sup>242.</sup> <sup>illius</sup> <sup>243.</sup> <sup>illius</sup> <sup>244.</sup> <sup>illius</sup> <sup>245.</sup> <sup>illius</sup> <sup>246.</sup> <sup>illius</sup> <sup>247.</sup> <sup>illius</sup> <sup>248.</sup> <sup>illius</sup> <sup>249.</sup> <sup>illius</sup> <sup>250.</sup> <sup>illius</sup> <sup>251.</sup> <sup>illius</sup> <sup>252.</sup> <sup>illius</sup> <sup>253.</sup> <sup>illius</sup> <sup>254.</sup> <sup>illius</sup> <sup>255.</sup> <sup>illius</sup> <sup>256.</sup> <sup>illius</sup> <sup>257.</sup> <sup>illius</sup> <sup>258.</sup> <sup>illius</sup> <sup>259.</sup> <sup>illius</sup> <sup>260.</sup> <sup>illius</sup> <sup>261.</sup> <sup>illius</sup> <sup>262.</sup> <sup>illius</sup> <sup>263.</sup> <sup>illius</sup> <sup>264.</sup> <sup>illius</sup> <sup>265.</sup> <sup>illius</sup> <sup>266.</sup> <sup>illius</sup> <sup>267.</sup> <sup>illius</sup> <sup>268.</sup> <sup>illius</sup> <sup>269.</sup> <sup>illius</sup> <sup>270.</sup> <sup>illius</sup> <sup>271.</sup> <sup>illius</sup> <sup>272.</sup> <sup>illius</sup> <sup>273.</sup> <sup>illius</sup> <sup>274.</sup> <sup>illius</sup> <sup>275.</sup> <sup>illius</sup> <sup>276.</sup> <sup>illius</sup> <sup>277.</sup> <sup>illius</sup> <sup>278.</sup> <sup>illius</sup> <sup>279.</sup> <sup>illius</sup> <sup>280.</sup> <sup>illius</sup> <sup>281.</sup> <sup>illius</sup> <sup>282.</sup> <sup>illius</sup> <sup>283.</sup> <sup>illius</sup> <sup>284.</sup> <sup>illius</sup> <sup>285.</sup> <sup>illius</sup> <sup>286.</sup> <sup>illius</sup> <sup>287.</sup> <sup>illius</sup> <sup>288.</sup> <sup>illius</sup> <sup>289.</sup> <sup>illius</sup> <sup>290.</sup> <sup>illius</sup> <sup>291.</sup> <sup>illius</sup> <sup>292.</sup> <sup>illius</sup> <sup>293.</sup> <sup>illius</sup> <sup>294.</sup> <sup>illius</sup> <sup>295.</sup> <sup>illius</sup> <sup>296.</sup> <sup>illius</sup> <sup>297.</sup> <sup>illius</sup> <sup>298.</sup> <sup>illius</sup> <sup>299.</sup> <sup>illius</sup> <sup>300.</sup> <sup>illius</sup> <sup>301.</sup> <sup>illius</sup> <sup>302.</sup> <sup>illius</sup> <sup>303.</sup> <sup>illius</sup> <sup>304.</sup> <sup>illius</sup> <sup>305.</sup> <sup>illius</sup> <sup>306.</sup> <sup>illius</sup> <sup>307.</sup> <sup>illius</sup> <sup>308.</sup> <sup>illius</sup> <sup>309.</sup> <sup>illius</sup> <sup>310.</sup> <sup>illius</sup> <sup>311.</sup> <sup>illius</sup> <sup>312.</sup> <sup>illius</sup> <sup>313.</sup> <sup>illius</sup> <sup>314.</sup> <sup>illius</sup> <sup>315.</sup> <sup>illius</sup> <sup>316.</sup> <sup>illius</sup> <sup>317.</sup> <sup>illius</sup> <sup>318.</sup> <sup>illius</sup> <sup>319.</sup> <sup>illius</sup> <sup>320.</sup> <sup>illius</sup> <sup>321.</sup> <sup>illius</sup> <sup>322.</sup> <sup>illius</sup> <sup>323.</sup> <sup>illius</sup> <sup>324.</sup> <sup>illius</sup> <sup>325.</sup> <sup>illius</sup> <sup>326.</sup> <sup>illius</sup> <sup>327.</sup> <sup>illius</sup> <sup>328.</sup> <sup>illius</sup> <sup>329.</sup> <sup>illius</sup> <sup>330.</sup> <sup>illius</sup> <sup>331.</sup> <sup>illius</sup> <sup>332.</sup> <sup>illius</sup> <sup>333.</sup> <sup>illius</sup> <sup>334.</sup> <sup>illius</sup> <sup>335.</sup> <sup>illius</sup> <sup>336.</sup> <sup>illius</sup> <sup>337.</sup> <sup>illius</sup> <sup>338.</sup> <sup>illius</sup> <sup>339.</sup> <sup>illius</sup> <sup>340.</sup> <sup>illius</sup> <sup>341.</sup> <sup>illius</sup> <sup>342.</sup> <sup>illius</sup> <sup>343.</sup> <sup>illius</sup> <sup>344.</sup> <sup>illius</sup> <sup>345.</sup> <sup>illius</sup> <sup>346.</sup> <sup>illius</sup> <sup>347.</sup> <sup>illius</sup> <sup>348.</sup> <sup>illius</sup> <sup>349.</sup> <sup>illius</sup> <sup>350.</sup> <sup>illius</sup> <sup>351.</sup> <sup>illius</sup> <sup>352.</sup> <sup>illius</sup> <sup>353.</sup> <sup>illius</sup> <sup>354.</sup> <sup>illius</sup> <sup>355.</sup> <sup>illius</sup> <sup>356.</sup> <sup>illius</sup> <sup>357.</sup> <sup>illius</sup> <sup>358.</sup> <sup>illius</sup> <sup>359.</sup> <sup>illius</sup> <sup>360.</sup> <sup>illius</sup> <sup>361.</sup> <sup>illius</sup> <sup>362.</sup> <sup>illius</sup> <sup>363.</sup> <sup>illius</sup> <sup>364.</sup> <sup>illius</sup> <sup>365.</sup> <sup>illius</sup> <sup>366.</sup> <sup>illius</sup> <sup>367.</sup> <sup>illius</sup> <sup>368.</sup> <sup>illius</sup> <sup>369.</sup> <sup>illius</sup> <sup>370.</sup> <sup>illius</sup> <sup>371.</sup> <sup>illius</sup> <sup>372.</sup> <sup>illius</sup> <sup>373.</sup> <sup>illius</sup> <sup>374.</sup> <sup>illius</sup> <sup>375.</sup> <sup>illius</sup> <sup>376.</sup> <sup>illius</sup> <sup>377.</sup> <sup>illius</sup> <sup>378.</sup> <sup>illius</sup> <sup>379.</sup> <sup>illius</sup> <sup>380.</sup> <sup>illius</sup> <sup>381.</sup> <sup>illius</sup> <sup>382.</sup> <sup>illius</sup> <sup>383.</sup> <sup>illius</sup> <sup>384.</sup> <sup>illius</sup> <sup>385.</sup> <sup>illius</sup> <sup>386.</sup> <sup>illius</sup> <sup>387.</sup> <sup>illius</sup> <sup>388.</sup> <sup>illius</sup> <sup>389.</sup> <sup>illius</sup> <sup>390.</sup> <sup>illius</sup> <sup>391.</sup> <sup>illius</sup> <sup>392.</sup> <sup>illius</sup> <sup>393.</sup> <sup>illius</sup> <sup>394.</sup> <sup>illius</sup> <sup>395.</sup> <sup>illius</sup> <sup>396.</sup> <sup>illius</sup> <sup>397.</sup> <sup>illius</sup> <sup>398.</sup> <sup>illius</sup> <sup>399.</sup> <sup>illius</sup> <sup>400.</sup> <sup>illius</sup> <sup>401.</sup> <sup>illius</sup> <sup>402.</sup> <sup>illius</sup> <sup>403.</sup> <sup>illius</sup> <sup>404.</sup> <sup>illius</sup> <sup>405.</sup> <sup>illius</sup> <sup>406.</sup> <sup>illius</sup> <sup>407.</sup> <sup>illius</sup> <sup>408.</sup> <sup>illius</sup> <sup>409.</sup> <sup>illius</sup> <sup>410.</sup> <sup>illius</sup> <sup>411.</sup> <sup>illius</sup> <sup>412.</sup> <sup>illius</sup> <sup>413.</sup> <sup>illius</sup> <sup>414.</sup> <sup>illius</sup> <sup>415.</sup> <sup>illius</sup> <sup>416.</sup> <sup>illius</sup> <sup>417.</sup> <sup>illius</sup> <sup>418.</sup> <sup>illius</sup> <sup>419.</sup> <sup>illius</sup> <sup>420.</sup> <sup>illius</sup> <sup>421.</sup> <sup>illius</sup> <sup>422.</sup> <sup>illius</sup> <sup>423.</sup> <sup>illius</sup> <sup>424.</sup> <sup>illius</sup> <sup>425.</sup> <sup>illius</sup> <sup>426.</sup> <sup>illius</sup> <sup>427.</sup> <sup>illius</sup> <sup>428.</sup> <sup>illius</sup> <sup>429.</sup> <sup>illius</sup> <sup>430.</sup> <sup>illius</sup> <sup>431.</sup> <sup>illius</sup> <sup>432.</sup> <sup>illius</sup> <sup>433.</sup> <sup>illius</sup> <sup>434.</sup> <sup>illius</sup> <sup>435.</sup> <sup>illius</sup> <sup>436.</sup> <sup>illius</sup> <sup>437.</sup> <sup>illius</sup> <sup>438.</sup> <sup>illius</sup> <sup>439.</sup> <sup>illius</sup> <sup>440.</sup> <sup>illius</sup> <sup>441.</sup> <sup>illius</sup> <sup>442.</sup> <sup>illius</sup> <sup>443.</sup> <sup>illius</sup> <sup>444.</sup> <sup>illius</sup> <sup>445.</sup> <sup>illius</sup> <sup>446.</sup> <sup>illius</sup> <sup>447.</sup> <sup>illius</sup> <sup>448.</sup> <sup>illius</sup> <sup>449.</sup> <sup>illius</sup> <sup>450.</sup> <sup>illius</sup> <sup>451.</sup> <sup>illius</sup> <sup>452.</sup> <sup>illius</sup> <sup>453.</sup> <sup>illius</sup> <sup>454.</sup> <sup>illius</sup> <sup>455.</sup> <sup>illius</sup> <sup>456.</sup> <sup>illius</sup> <sup>457.</sup> <sup>illius</sup> <sup>458.</sup> <sup>illius</sup> <sup>459.</sup> <sup>illius</sup> <sup>460.</sup> <sup>illius</sup> <sup>461.</sup> <sup>illius</sup> <sup>462.</sup> <sup>illius</sup> <sup>463.</sup> <sup>illius</sup> <sup>464.</sup> <sup>illius</sup> <sup>465.</sup> <sup>illius</sup> <sup>466.</sup> <sup>illius</sup> <sup>467.</sup> <sup>illius</sup> <sup>468.</sup> <sup>illius</sup> <sup>469.</sup> <sup>illius</sup> <sup>470.</sup> <sup>illius</sup> <sup>471.</sup> <sup>illius</sup> <sup>472.</sup> <sup>illius</sup> <sup>473.</sup> <sup>illius</sup> <sup>474.</sup> <sup>illius</sup> <sup>475.</sup> <sup>illius</sup> <sup>476.</sup> <sup>illius</sup> <sup>477.</sup> <sup>illius</sup> <sup>478.</sup> <sup>illius</sup> <sup>479.</sup> <sup>illius</sup> <sup>480.</sup> <sup>illius</sup> <sup>481.</sup> <sup>illius</sup> <sup>482.</sup> <sup>illius</sup> <sup>483.</sup> <sup>illius</sup> <sup>484.</sup> <sup>illius</sup> <sup>485.</sup> <sup>illius</sup> <sup>486.</sup> <sup>illius</sup> <sup>487.</sup> <sup>illius</sup> <sup>488.</sup> <sup>illius</sup> <sup>489.</sup> <sup>illius</sup> <sup>490.</sup> <sup>illius</sup> <sup>491.</sup> <sup>illius</sup> <sup>492.</sup> <sup>illius</sup> <sup>493.</sup> <sup>illius</sup> <sup>494.</sup> <sup>illius</sup> <sup>495.</sup> <sup>illius</sup> <sup>496.</sup> <sup>illius</sup> <sup>497.</sup> <sup>illius</sup> <sup>498.</sup> <sup>illius</sup> <sup>499.</sup> <sup>illius</sup> <sup>500.</sup> <sup>illius</sup> <sup>501.</sup> <sup>illius</sup> <sup>502.</sup> <sup>illius</sup> <sup>503.</sup> <sup>illius</sup> <sup>504.</sup> <sup>illius</sup> <sup>505.</sup> <sup>illius</sup> <sup>506.</sup> <sup>illius</sup> <sup>507.</sup> <sup>illius</sup> <sup>508.</sup> <sup>illius</sup> <sup>509.</sup> <sup>illius</sup> <sup>510.</sup> <sup>illius</sup> <sup>511.</sup> <sup>illius</sup> <sup>512.</sup> <sup>illius</sup> <sup>513.</sup> <sup>illius</sup> <sup>514.</sup> <sup>illius</sup> <sup>515.</sup> <sup>illius</sup> <sup>516.</sup> <sup>illius</sup> <sup>517.</sup> <sup>illius</sup> <sup>518.</sup> <sup>illius</sup> <sup>519.</sup> <sup>illius</sup> <sup>520.</sup> <sup>illius</sup> <sup>521.</sup> <sup>illius</sup> <sup>522.</sup> <sup>illius</sup> <sup>523.</sup> <sup>illius</sup> <sup>524.</sup> <sup>illius</sup> <sup>525.</sup> <sup>illius</sup> <sup>526.</sup> <sup>illius</sup> <sup>527.</sup> <sup>illius</sup> <sup>528.</sup> <sup>illius</sup> <sup>529.</sup> <sup>illius</sup> <sup>530.</sup> <sup>illius</sup> <sup>531.</sup> <sup>illius</sup> <sup>532.</sup> <sup>illius</sup> <sup>533.</sup> <sup>illius</sup> <sup>534.</sup> <sup>illius</sup> <sup>535.</sup> <sup>illius</sup> <sup>536.</sup> <sup>illius</sup> <sup>537.</sup> <sup>illius</sup> <sup>538.</sup> <sup>illius</sup> <sup>539.</sup> <sup>illius</sup> <sup>540.</sup> <sup>illius</sup> <sup>541.</sup> <sup>illius</sup> <sup>542.</sup> <sup>illius</sup> <sup>543.</sup> <sup>illius</sup> <sup>544.</sup> <sup>illius</sup> <sup>545.</sup> <sup>illius</sup> <sup>546.</sup> <sup>illius</sup> <sup>547.</sup> <sup>illius</sup> <sup>548.</sup> <sup>illius</sup> <sup>549.</sup> <sup>illius</sup> <sup>550.</sup> <sup>illius</sup> <sup>551.</sup> <sup>illius</sup> <sup>552.</sup> <sup>illius</sup> <sup>553.</sup> <sup>illius</sup> <sup>554.</sup> <sup>illius</sup> <sup>555.</sup> <sup>illius</sup> <sup>556.</sup> <sup>illius</sup> <sup>557.</sup> <sup>illius</sup> <sup>558.</sup> <sup>illius</sup> <sup>559.</sup> <sup>illius</sup> <sup>560.</sup> <sup>illius</sup> <sup>561.</sup> <sup>illius</sup> <sup>562.</sup> <sup>illius</sup> <sup>563.</sup> <sup>illius</sup> <sup>564.</sup> <sup>illius</sup> <sup>565.</sup> <sup>illius</sup> <sup>566.</sup> <sup>illius</sup> <sup>567.</sup> <sup>illius</sup> <sup>568.</sup> <sup>illius</sup> <sup>569.</sup> <sup>illius</sup> <sup>570.</sup> <sup>illius</sup> <sup>571.</sup> <sup>illius</sup> <sup>572.</sup> <sup>illius</sup> <sup>573.</sup> <sup>illius</sup> <sup>574.</sup> <sup>illius</sup> <sup>575.</sup> <sup>illius</sup> <sup>576.</sup> <sup>illius</sup> <sup>577.</sup> <sup>illius</sup> <sup>578.</sup> <sup>illius</sup> <sup>579.</sup> <sup>illius</sup> <sup>580.</sup> <sup>illius</sup> <sup>581.</sup> <sup>illius</sup> <sup>582.</sup> <sup>illius</sup> <sup>583.</sup> <sup>illius</sup> <sup>584.</sup> <sup>illius</sup> <sup>585.</sup> <sup>illius</sup> <sup>586.</sup> <sup>illius</sup> <sup>587.</sup> <sup>illius</sup> <sup>588.</sup> <sup>illius</sup> <sup>589.</sup> <sup>illius</sup> <sup>590.</sup> <sup>illius</sup> <sup>591.</sup> <sup>illius</sup> <sup>592.</sup> <sup>illius</sup> <sup>593.</sup> <sup>illius</sup> <sup>594.</sup> <sup>illius</sup> <sup>595.</sup> <sup>illius</sup> <sup>596.</sup> <sup>illius</sup> <sup>597.</sup> <sup>illius</sup> <sup>598.</sup> <sup>illius</sup> <sup>599.</sup> <sup>illius</sup> <sup>600.</sup> <sup>illius</sup> <sup>601.</sup> <sup>illius</sup> <sup>602.</sup> <sup>illius</sup> <sup>603.</sup> <sup>illius</sup> <sup>604.</sup> <sup>illius</sup> <sup>605.</sup> <sup>illius</sup> <sup>606.</sup> <sup>illius</sup> <sup>607.</sup> <sup>illius</sup> <sup>608.</sup> <sup>illius</sup> <sup>609.</sup> <sup>illius</sup> <sup>610.</sup> <sup>illius</sup> <sup>611.</sup> <sup>illius</sup> <sup>612.</sup> <sup>illius</sup> <sup>613.</sup> <sup>illius</sup> <sup>614.</sup> <sup>illius</sup> <sup>615.</sup> <sup>illius</sup> <sup>616.</sup> <sup>illius</sup> <sup>617.</sup> <sup>illius</sup> <sup>618.</sup> <sup>illius</sup> <sup>619.</sup> <sup>illius</sup> <sup>620.</sup> <sup>illius</sup> <sup>621.</sup> <sup>illius</sup> <sup>622.</sup> <sup>illius</sup> <sup>623.</sup> <sup>illius</sup> <sup>624.</sup> <sup>illius</sup> <sup>625.</sup> <sup>illius</sup> <sup>626.</sup> <sup>illius</sup> <sup>627.</sup> <sup>illius</sup> <sup>628.</sup> <sup>illius</sup> <sup>629.</sup> <sup>illius</sup> <sup>630.</sup> <sup>illius</sup> <sup>631.</sup> <sup>illius</sup> <sup>632.</sup> <sup>illius</sup> <sup>633.</sup> <sup>illius</sup> <sup>634.</sup> <sup>illius</sup> <sup>635.</sup> <sup>illius</sup> <sup>636.</sup> <sup>illius</sup> <sup>637.</sup> <sup>illius</sup> <sup>638.</sup> <sup>illius</sup> <sup>639.</sup> <sup>illius</sup> <sup>640.</sup> <sup>illius</sup> <sup>641.</sup> <sup>illius</sup> <sup>642.</sup> <sup>illius</sup> <sup>643.</sup> <sup>illius</sup> <sup>644.</sup> <sup>illius</sup> <sup>645.</sup> <sup>illius</sup> <sup>646.</sup> <sup>illius</sup> <sup>647.</sup> <sup>illius</sup> <sup>648.</sup> <sup>illius</sup> <sup>649.</sup> <sup>illius</sup> <sup>650.</sup> <sup>illius</sup> <sup>651.</sup> <sup>illius</sup> <sup>652.</sup> <sup>illius</sup> <sup>653.</sup> <sup>illius</sup> <sup>654.</sup> <sup>illius</sup> <sup>655.</sup> <sup>illius</sup> <sup>656.</sup> <sup>illius</sup> <sup>657.</sup> <sup>illius</sup> <sup>658.</sup> <sup>illius</sup> <sup>659.</sup> <sup>illius</sup> <sup>660.</sup> <sup>illius</sup> <sup>661.</sup> <sup>illius</sup> <sup>662.</sup> <sup>illius</sup> <sup>663.</sup> <sup>illius</sup> <sup>664.</sup> <sup>illius</sup> <sup>665.</sup> <sup>illius</sup> <sup>666.</sup> <sup>illius</sup> <sup>667.</sup> <sup>illius</sup> <sup>668.</sup> <sup>illius</sup> <sup>669.</sup> <sup>illius</sup> <sup>670.</sup> <sup>illius</sup> <sup>671.</sup> <sup>illius</sup> <sup>672.</sup> <sup>illius</sup> <sup>673.</sup> <sup>illius</sup> <sup>674.</sup> <sup>illius</sup> <sup>675.</sup> <sup>illius</sup> <sup>676.</sup> <sup>illius</sup> <sup>677.</sup> <sup>illius</sup> <sup>678.</sup> <sup>illius</sup> <sup>679.</sup> <sup>illius</sup> <sup>680.</sup> <sup>illius</sup> <sup>681.</sup> <sup>illius</sup> <sup>682.</sup> <sup>illius</sup> <sup>683.</sup> <sup>illius</sup> <sup>684.</sup> <sup>illius</sup> <sup>685.</sup> <sup>illius</sup> <sup>686.</sup> <sup>illius</sup> <sup>687.</sup> <sup>illius</sup> <sup>688.</sup> <sup>illius</sup> <sup>689.</sup> <sup>illius</sup> <sup>690.</sup> <sup>illius</sup> <sup>691.</sup> <sup>illius</sup> <sup>692.</sup> <sup>illius</sup> <sup>693.</sup> <sup>illius</sup> <sup>694.</sup> <sup>illius</sup> <sup>695.</sup> <sup>illius</sup> <sup>696.</sup> <sup>illius</sup> <sup>697.</sup> <sup>illius</sup> <sup>698.</sup> <sup>illius</sup> <sup>699.</sup> <sup>illius</sup> <sup>700.</sup> <sup>illius</sup> <sup>701.</sup> <sup>illius</sup> <sup>702.</sup> <sup>illius</sup> <sup>703.</sup> <sup>illius</sup> <sup>704.</sup> <sup>illius</sup> <sup>705.</sup> <sup>illius</sup> <sup>706.</sup> <sup>illius</sup> <sup>707.</sup> <sup>illius</sup> <sup>708.</sup> <sup>illius</sup> <sup>709.</sup> <sup>illius</sup> <sup>710.</sup> <sup>illius</sup> <sup>711.</sup> <sup>illius</sup> <sup>712.</sup> <sup>illius</sup> <sup>713.</sup> <sup>illius</sup> <sup>714.</sup> <sup>illius</sup> <sup>715.</sup> <sup>illius</sup> <sup>716.</sup> <sup>illius</sup> <sup>717.</sup> <sup>illius</sup> <sup>718.</sup> <sup>illius</sup> <sup>719.</sup> <sup>illius</sup> <sup>720.</sup> <sup>illius</sup> <sup>721.</sup> <sup>illius</sup> <sup>722.</sup> <sup>illius</sup> <sup>723.</sup> <sup>illius</</sup>



verialiter mu-  
natur lex  
naturalis.

31.  
An jus natu-  
ræ admittat  
epiikiam?

32.  
Homicidii  
una species  
semper licita,  
altera semper  
illicita.

Illius objectum, nec extrahi potest ab illa. Si vero aliquid non est ob-  
jectum legis naturalis, per se non potest extrahi a lege naturali: quomodo  
enim ab illa extrahatur, quod nunquam fuit sub illa comprehensum? Qua-  
propter si materia mutetur, e. g. si Deus det jus in vitam, bona, aut cor-  
pora, non mutatur objectum legis naturalis, multo minus ipsa lex, sed po-  
nitur aliquid, quod nunquam fuit objectum legis naturalis.

Ex quo solvitur illa quæstio, quam hic aliqui instituunt, an videlicet  
jus naturale admittat interpretationem per epiikiam: nam licet admittat  
epiikiam improprie dictam, seu nudam declarationem legis, quando de  
illius existentia est dubium, proprie tamen dictam, seu emendationem aut  
exemptionem casus, in lege comprehensi, per benignam interpretationem  
nullatenus admittit. Unde etiam, quando ita mutatur materia, ut non sit  
objectum legis naturalis, lex naturalis non emendatur, nec mutatur, sed  
tantum declaratur, hanc materiam, ut vestitam his circumstantiis, non  
esse objectum legis naturalis. Vide Suarezium *l. 2. de leg. c. 16. n. 7.*

Atque ex his videtur etiam solvi posse illa difficultas, quam aliqui hic  
sibi ex principiis suis formant, cur e. g. mendacium, blasphemia, odium  
Dei, pro omnibus casibus atque circumstantiis necessario sint prohibita,  
ac juris naturalis absoluti & indispensabilis, contra vero homicidium, fur-  
tum, &c. non pro omnibus casibus & circumstantiis sit prohibitum, adeo-  
que sit juris naturalis tantum conditionati, atque dispensabilis a Deo?

Nam, juxta doctrinam datam, negatur a nobis suppositum, quod ul-  
lum jus naturale sit conditionatum, aut dispensabile, aut quod aliquid, per  
dispensationem Dei fieri possit licitum sub ea ratione, sub qua prohibetur  
a jure naturali: sicut enim mendacium pro nullo casu, nullisque circum-  
stantiis potest fieri licitum, sic neque homicidium injustum, furtum pro-  
prie dictum, adulterium, fornicatio &c.

Sed hoc solum est verum, quod non omne homicidium sed tantum in-  
justum; non omnis occupatio rei, sed tantum alienæ: non omnis accessus  
ad foeminam, sed tantum ad non suam, lege naturæ sint vetita. Quia igitur  
Deus facere potest, ut homicidium non sit injustum, ut res non sit alie-  
na, ut foemina sit uxor viri, & sic homicidium, occupatio accessus non sit  
objectum legis, tantum sequitur, quod homicidium, occupatio rei, acces-  
sus ad foeminam &c. sint genera quædam, diversas sub se species continen-  
tia, puta, homicidium justum & injustum, occupationem rei propriæ &  
alienæ, accessum ad suam & non suam: quarum una species semper jure  
naturæ est prohibita, altera nunquam: ideo dicitur, quod Deus mutare  
possit materiam, quatenus facere potest, ut loco unius speciei detur altera;  
e. g. loco homicidii injusti justum, quatenus dat facultatem occidendi: li-  
cet autem Deus hoc faciat, altera tamen species, nempe homicidium in-  
justum,

actum, semper manet subiecta legi naturali, ac prohibita: consequenter proprie neque mutatur objectum legis naturæ, sed Deus tantum facit, ut hoc objecti detur aliquid aliud, quod non est objectum legis naturalis, semper ut loco homicidii injusti detur justum. Certe sic materia seu objectum legis naturalis formaliter non mutatur, cum idem semper illius objectum maneat: quidquid sit, an dicere velis, objectum mutari pure materialiter; fere sicut Theologi dicunt, quod materia pro Sacramento instituta mutetur pure materialiter, si e. g. ex vino acetum facias, quia nihil minus semper verum manet, quod solum vinum de vite sit materia, seu objectum institutionis divinæ, & sic formaliter mutari non possit.

Econtra mendacium, blasphemia &c. non continent sub se geminas ædificas species, quarum una sit objectum legis naturalis, non vero altera: sed mendacium e. g. & perjurium sub omni sua ratione est illius objectum ac prohibetur: quia scilicet sub omni ratione adversatur primæ ac finitæ veritati; consequenter Divina perfectio exigit, illud pro omni casu atque omnibus circumstantiis prohiberi a sapientissimo authore naturæ, providentissime gubernante rationales cœtus in ordine ad suum finem, seu rectam constitutionem. Idem dic de odio Dei ac blasphemia, hæc sub omni sua ratione adversantur Divinæ bonitati & sanctitati, ac procului, amoris, ac reverentiæ, Deo naturaliter a creaturis suis rationalibus debita: idem de simonia, qua pretio temporali emitur spirituale, quia quacunque ratione hi actus humani spectentur, semper invenitur in iis ratio ac necessitas prohibendi.

Eodem fere modo respondent Theologi, dum ex iis quæritur, cur aliæ peccata in objecto suo admittant parvitatem materiæ, non item alia. Respondent, ideo e. g. blasphemiam, odium formale Dei, simoniam &c. dictam, perjurium, actum venereum &c. non admittunt parvitatem materiæ, quia semper in iis invenitur ratio prohibendi graviter: e contra in aliis e. g. in furto, si materia ablata sit parva, non esse rationem graviter prohibendi.

Objicies: Summus Pontifex potest dispensare in lege naturali, e. g. in voto, in juramento &c. ergo multo magis ipse Deus. Respondetur, n. a. votum & juramentum obligant quidem jure naturali: quia recta ratio dicit, fidem esse datam, & id, in cujus testem Deus, velut fidei iussor, assumitur, esse esse servandum: & licet Papa dispensare possit in voto & juramento non tamen dispensare potest in jure naturali: cum facere non possit, tantum in voto aut juramento non detur obligatio naturalis; quod tamen vireretur, si in ipsa lege naturali posset dispensare.

Quid igitur facit Pontifex, dum dispensat in voto aut juramento? nihil aliud, quam, quod votum aut juramentum relaxet, seu tollat, quod sic



contingit. Papa tanquam Vicarius Christi, in ordine ad gubernandam Ecclesiam, habet jurisdictionem in voluntates hominum, tanquam sibi subditas quoad sacra: adeoque habet etiam potestatem in eorum actus, quatenus illos approbare, vel improbare, confirmare, vel infirmare, ratificare, vel retractare, & rescindere potest.

Quando igitur papa potestate jurisdictionis dispensat in voto & juramento promissorio, retractat ac rescindit actum voluntatis, quo quis vovit aut juravit, & sic ipsum votum aut juramentum retractat, rescindit, ac tollit, quin in ipsa lege naturali ac ejus obligatione dispense: cum nunquam faciat, aut facere possit, ut votum aut juramentum, quamdiu perdurant, non obligent.

35-  
Nec pater,  
quando ea  
irritat.

Idem contingit, quando pater e. g. irritat votum vel juramentum filii: nam quia habet potestatem patriam in filium, ejusque actus, potest illos, quibus vovit aut juravit, vi potestatis dominativæ, irritare: quo facto tollitur ac cessat votum, & consequenter etiam illius obligatio: uti etiam, quando materia voti sit impossibilis, aut cessat esse de meliori bono. Item quando materia voti alterius potestati subiecta est, potest alter, prohibendo executionem voti in illa materia, indirecte votum irritare ac tollere.

Idem in aliis  
casibus.

Eodem modo explicatur, quando a contrahentibus tolli possit obligatio naturalis, quam inducit contractus e. g. emtionis & venditionis, quin propterea ulla fiat dispensatio in lege naturali. Nam sicut contrahentes libere contractum ineunt, sic mutuo consensu possunt illum ac si dem datam libere rescindere ac tollere: quo facto per se cessat obligatio naturalis, quam induxerat contractus, ac fides data. Quo toto in negotio nulla intervenit dispensatio aut mutatio in jure naturæ, ejusque obligatione, utpote quæ solum contingeret, si stante contractu ac fide data & absque remissione alterius cessaret obligatio. Unde neque in illo casu dispensatur in jure naturæ, quo in alterius favorem jurato aliquid promissisti, ille vero tibi remittat, quod titulo religionis illi debes, quia juramentum promissorium hanc conditionem habet inibitam, nisi alter remittat. Et tali modo etiam cessat obligatio naturalis satisfaciendi pro injuria, alteri illata, si nempe remittat læsus satisfactionem, vel condonet injuriam, quia lex naturæ tantum obligat satisfacere pro injuria non remissa; sicut pro alio debito non remisso; nam condonata injuria vel debito, tollitur materia legis naturalis, & sic etiam ipsa lex cessat.

Dices 1. Tridentinum asserit, residentiam Episcopi esse juris naturalis, & tamen in ea dispensat Pontifex: uti etiam in decimis, immunitate ecclesiastica &c. Resp. Pontifex non dispensat pro iis casibus & circumstantiis, in quibus ista vere subsunt juri naturali præceptivo aut prohibitivo. Igitur dispensat, ut Episcopus per alium possit exercere curam animarum,

ut

loco decimarum alio modo provideatur Parocho, ut Clericus potestatis ecclesiasticæ subiacatur in iis casibus & causis, in quibus jure tantum ecclesiastico ab ea est exemptus.

Dices 2. Jure naturali valet contractus pupilli vel minoris, sine consensu tutoris aut curatoris initus, testamentum, electio, alienationes rerum ecclesiasticarum sine solennitatibus, donatio inter conjuges, et inter alios, etiam immodica: & tamen hæc omnia jure positivo fuerunt irritata. Rursus jure naturali omnia fuerunt communia, omnes nati sunt liberi, & tamen jure gentium introducta est bonorum divisio, servitus &c. E contra jure naturali non valet præscriptio, neque transfertur dominia: jure autem positivo valet. Ergo potest respublica dispensare jure naturali, illudque mutare ac corrigere.

3. Dist. conf. Potest respublica dispensare in jure naturæ mere positivo, transeat: in jure naturali positivo præcipiente, prohibente, irritante, validante, n. c. Quæ allata sunt, non subjacent legi naturali, positive præcipienti, prohibenti, aut irritanti: nam lex naturæ non præcipit absolute haberi pro valido contractum pupilli, aut matrimonium, testamentum, donationem inter virum & uxorem, renuntiationem paternæ hereditatis futuræ, fidejussionem mulieris, testamentum, electionem, alienationem sine solennitatibus, neque positive & absolute ea valet. Sic neque positive præcipit bonorum communionem, aut libertatem, neque positive prohibet divisionem aut servitutes, aut præscriptionem, neque eas positive invalidat. Hoc enim si faceret, non posset respublica valorem tribuere: nam quod lex æterna necessario vult esse prohibitum aut invalidum, non potest lex humana facere licitum aut validum: & quod lex æterna positive ac absolute vult esse licitum aut validum, lex humana non potest facere illicitum, & invalidum.

Igitur ad allata exempla, aliaque similia, lex naturalis, strictè loquendo, se non extendit, sed ad ea indifferenter se habet, ita, ut ea neque præcipiat, neque prohibeat, neque validet positive, neque invalidet: nam Deus circa illa nullam fecit dispositionem positivam, sed rei publicæ humanæ pro rerum ac temporum circumstantiis per leges positivas disponenda reliquit: unde etiam creaturæ juris positivi dicuntur. Sicut Deus circa abstinentiam a carne directe nihil præcipit, sed dispositionem ac præceptum Ecclesiæ liberum reliquit.

An autem propterea, quod Deus contractum pupilli neque decernit absolute validum, neque absolute invalidum, sed hoc decernendum inferioribus potestatibus relinquit, dicendum sit, valorem contractus pupillaris esse objectum juris naturalis permittentis, est quaestio de nomine.

36.  
Quo sensu  
contractus  
pupilli, alia-  
que dicuntur  
jure naturæ  
valida.



Communis usus loquendi videtur obtinuisse, ut dicatur, quod subfit juri naturali: ut patet ex usitatis illis loquendi formulis: *Contractus pupilli aut minoris jure naturali valet. Fidejussio mulieris, mutuum filii familiaris, donatio inter conjuges, promissio non revocandi testamentum, renuntiatio juris ad hereditatem paternam, electio aut alienatio rerum ecclesiasticarum sine præscriptis solemnitatibus &c. jure naturali valent: actus & contractus præcise a jure positivo irritati jure naturali valent.*

Verum per hunc loquendi modum non volumus significare, quod lex naturæ absolute ac positive validet illos contractus, aut pro validis haberi præcipiat, (sicut neque alios contractus) sed hoc tantum dicat lex naturalis, fidem valide datam esse servandam; contractu valide inito esse standum: adeoque etiam pupillo standum esse contractu, valide inito &c.

An autem hic vel ille contractus debeat esse validus, an hæc vel illa fides sit valide data, nec ne, jus naturale absolute & positive non decernit, sed magistratibus humanis decernendum relinquit: qui proinde pro potestate a Deo concessa possunt contractus regulare, ac decernere, quid ad contractum validum requiratur, quid non requiratur; sic Conc. Tridentinum ad valorem contractus matrimonii requisivit publicitatem, ac clandestinum fecit invalidum.

Adeoque lex naturæ præcipit quidem, servare omnem fidem valide datam, ac contractum validum; & eatenus obligatio contractuum subiecta est legi naturali proprie dictæ. Quantum vero pertinet ad valorem contractus, indifferenter ac permissive se habet. Et hoc posteriore sensu dicimus, quod e. g. contractus pupilli jure naturali valeat, quatenus nempe jus naturale illum non irritat. Et hinc si neque jure positivo esset irritatus, simpliciter & absolute valeret, induceretque obligationem naturalem, quia fides data nullo jure esset irritata. Ad summum igitur dici potest, quod contractus pupilli, & alii a jure positivo irritati, valeant jure naturali permissivo, in sensu explicato.

37.  
Non datur  
lex naturæ  
permissiva.

Dico, ad summum: nam, ut jam quæst. r. insinuatum est, proprie loquendo, nulla datur lex naturalis pure ac libere permittens: cum omnis lex naturalis, proprie dicta, sit necessaria, ad exigentiam naturæ rationalis & Divinæ perfectionis lata. Propter quam rationem etiam supra tantum transmissi, quod respublica possit dispensare in jure naturali permittente, illudque corrigere ac mutare: quia scilicet stricte ac proprie loquendo, nulla datur lex naturalis pure permittens. Melius diceretur, quod detur lex positiva divina, libere permittens, contractum pupilli esse validum, sed tantum conditionate, supposito nempe, quod jure positivo humano non irritetur, & sic concedi potest, quod detur lex divina positiva, quæ sit conditionata, non autem naturalis. Servari tamen potest modus loquendi con-

con-

consuetus, quod ejusmodi actus & contractus jure naturali valeant, modo per hoc nihil aliud intelligatur, quam quod jus naturæ ad illorum valorem indifferenter se habeat.

Quæres, quid dicendum, si dentur plures leges affirmativæ, sibi invicem contrariæ, e. g. præceptum naturale, in extrema necessitate succurrendi vitæ corporali & spirituali, succurrendi patri, & alteri cuidam homini, succurrendi privato, & reipublicæ, ita tamen, ut non possis utrique succurrere? tunc enim videtur in uno præcepto naturali dispensari, vel illud tantum esse conditionatum.

Resp. Cum præcepta positiva non obligent *pro semper*, seu pro omni tempore, ideo neque sunt proprie conditionata, neque opus est dispensatione: nam quando concurrunt præceptum fortius obligans, alterum hoc ipso pro illo casu nunquam existit, si non possit simul impleri. Hinc quia ordo charitatis fortius te obligat, succurrere vitæ spirituali, quam corporali, patri, quam alteri, reipublicæ, quam privato homini, ideo pro casu, quo non potes utrique succurrere, tantum teneris succurrere vitæ spirituali, patri, aut reipublicæ. Unde præcepta naturalia, etiam affirmativa, nunquam sibi sunt contraria, nunquam conditionata, dispensabilia aut mutabilia. Et eodem modo discurrendum etiam de aliis ejusmodi casibus: e. g. dum in maxima necessitate tua aut indigentia potes non restituere depositum, aut ablata injuste, imo auferre alteri sua, & in certis casibus etiam vitam.

#### QUÆSTIO IV.

*An detur lex naturæ irritans?*

Ratio dubitandi est, quia lex naturalis videtur tantum versari circa bona & mala: illa præcipiendo, hæc prohibendo: per hoc autem, quod lex prohibeat actum, non irritat illum hoc ipso. Sic lex naturæ prohibet matrimonium stante voto castitatis simplici, item stantibus sponalibus de futuro cum alia, non tamen illud irritat; sicut neque secundam venditionem, secuta traditione, quamvis illam stante prima venditione tanquam malam & peccaminosam prohibeat. Deinde, non potest exhiberi aliqua regula, quæ ostendat, quinam actus a lege naturali sint irritati. Ergo videtur, nulla dari lex naturalis irritans.

Sed dicendum, quod non tantum detur *jus naturale præcipiens ac prohibens*, verum etiam irritans quosdam actus. Ita tanquam certum supponunt Theologi & Canonistæ: quid enim inter eos communius, quam dicere: *Hic est jure naturæ est nullus, irritus, non valet jure naturali?*



Sic e. g. dicunt: contractus cum dolo & errore substantiali initus est jure naturali nullus: contractus, qui non est simpliciter liber ac voluntarius, non valet: matrimonium cum impedimento impotentiae initum, jure naturae est irritum: pactum de re turpi, aut impossibili facienda jure naturali est invalidum. Ergo datur lex naturae, quae quosdam actus reddit invalidos.

39. Regulam autem dignoscendi actus, jure naturali irritatos, statuunt  
Regulae circa geminam. Prima est: quod pactum, contractus, dispositio, actus sit  
actus irritos. invalidus, quando ex parte agentis, contrahentis, aut disponentis est defectus potestatis aut capacitatis, naturaliter requisitae ad valide operandum. Ratio est: quia actus non potest esse validus, quando ex parte causae efficientis deest potestas & capacitas, naturaliter requisita ad agendum.

Defectus ex parte causae. Sic dispositio, quam facit infans, amens, plene ebrius, dormiens, aut alias usu rationis carens, jure naturali est nulla: quia ex parte disponentis est defectus rationis, naturaliter requisitae ad operandum moraliter, & contrahendam obligationem; atque sic est incapax ex ipsa natura rei ad agendum moraliter, philosophice, juridice, & theologice: cum non possit consensum rationalem ac moralem ponere. Unde etiam tales non possunt bene moraliter aut male agere. Sic etiam dispositio vel contractus, quem celebrat, inductus dolo substantiali vel errore, vel absoluta coactione, non valet: quia ex parte contrahentis deest advertentia & libertas naturaliter requisita ad consensum sufficientem: nihil enim est volitum, nisi praecognitum, & nullus datur actus moralis sine libertate. Item dispositio, quam facit compos quidem rationis, sed tamen carens potestate, naturaliter requisita ad agendum vel disponendum, est pariter nulla, & quidem jure naturali, ut per se patet. Sic invalide fert legem, qui non est superior, seu qui non habet subditos, ex defectu nempe potestatis & jurisdictionis. Invalide eligit, praesentat, confirmat, instituit, qui non habet jus & potestatem. Invalide dispositionis de re aliena e. g. jam prius donatam aut venditam, simulque traditam, donando vel vendendo alteri: ex defectu nempe dominii & potestatis disponendi. Invalidus est contractus matrimonii cum impedimento impotentiae, cum non possis tradere jus in corpus tuum, in ordine ad generationem prolis, quod non habes.

40. Altera regula est, quod actus, contractus, ac dispositiones jure naturali sint nullae, quando ex parte materiae, seu objecti est defectus, puta, quando materia, circa quam contractus versatur, est impossibilis aut turpis (ita, ut intrinsecam ac perpetuam turpitudinem habeat) quia ad impossibile & turpe nulla potest dari obligatio: cum igitur omnis contra-

actus validus pariat obligationem, nullus, qui versatur circa rem turpem. Ut si est turpem præstandam, potest esse validus. Et quidem hoc etiam tunc verum est, quando obiectum etiam tantum leviter est prohibitum atque illicitum.

Colliges: nullum esse pactum, quo promittis aliquid, de se malum: g. quo promittis mentiri, furari, fornicari, injuste occidere, vel ad malum cooperari: imo neque juramentum subsisteret, quia non est vinculum iniquitatis.

Idem dicendum, si contractui conditionem turpem adjicias, eamque alter contrahentium adimplere eodem contractu promittat: quia scilicet ad turpe non potest dari obligatio: adeoque totus contractus corripitur, utpote qui non aliter initur, nisi sub obligatione, conditionem tam turpem implendi.

An autem impleta turpi conditione, e. g. commissa fornicatione, aut deinde ab assassino patrata, teneatur alter promissam mercedem solvere, hæc quæstio, alibi uberius discutienda. Puto interim, quod non teneatur, quia, cum pactum propter turpitudinem intrinsicam ac perpetuam fuerit nullum, non potest assignari titulus, quo obligetur ad solvendum.

Prædictis duabus regulis, saltem claritatis gratia, tertiam adjiciendam habeo: quod scilicet actus, aut contractus jure naturæ sit invalidus, quando est defectus in ipso actu; quod contingit 1. Quando vel deest aliquod constitutivum, requisitum per se ad naturam contractus: sic quia tria sunt constitutiva ex natura rei ad emptionem & venditionem requisita, nempe merx, pretium, & consensus mutuus: quidquid horum desit, emptio jure naturali est nulla: quia deficit ipsa natura contractus. Hinc quis vellet emere equum, ea tamen conditione, ut pretium nullum debeat solvere, per se & ex natura rei contractus foret nullus.

Contingit hoc 2. Quando contractus per se & intrinsece est turpis. Et contractus simoniacus jure naturæ est invalidus, quia æquiparatio rei temporalis cum spirituali, seu emptio rei spiritualis per pretium temporale, est per se ac intrinsece turpis, ceditque in despectum Dei ac irreverentiam. Item contractus usurarius propter eandem rationem jure naturæ est irritus; quia scilicet est contra rectam rationem ex alieno lucrari, dominium usurarum acquirere velle absque justo titulo translativo dominii. Idem in hac providentia sentiendum est de polygamia, & matrimonio in primo gradu consanguinitatis lineæ rectæ: & de quocunque contractu involvente constitutivum aliquod intrinsece malum.

Ratio est, quia recta constitutio naturæ rationalis, comparatæ ad suum finem, non tantum exigit, ejusmodi contractus prohiberi, sed etiam nullari. Hinc quia contractus nunquam ab uno solo perficitur, cum essentialiter duorum consensus, si vel unus tantum aliquid turpe in parte  
ctum

41.  
Defectus ex  
parte actus.



etiam deducatur, totus contractus est nullus. Quo ex principio omnes illas conventiones jure naturæ invalidas assero, in quibus conditio turpis in pactum deducitur, sive deinde impleatur conditio, sive non.

Hæc doctrina sequenti quæstione magis declarabitur, & confirmabitur. Prius tamen solvendæ veniunt aliquæ

### OBJECTIONES.

42.

**Objic. 1.** contra primam regulam assignatam. Si contractus jure naturæ est invalidus, quando ex parte contrahentis datur defectus potestatis, tunc etiam contractus pupilli, minoris, prodigi declarati &c. jure naturæ esset invalidus: quia non habent potestatem disponendi. Atqui hoc est contra communem sententiam, quæ tenet, quod istorum actus tantum jure positivo sint irritati, non autem jure naturali.

Pupillus habet potestatem disponendi.

**Resp. n. M.** Nam pupillus, minor, prodigus, sicut habent dominium suorum bonorum, sic etiam jure naturæ habent potestatem disponendi (cum dominium ex essentia sua sit potestas disponendi) ligatam tamen a lege civili, ita, ut eorum dispositio, in quantum est ipsis damnosa, hoc jure positivo sit irritata, si absque autoritate tutoris aut curatoris fiat. Consequenter pupilli &c. contractus, si habeat sufficientem usum rationis, omnia habet, quæ jus naturale ad ejus valorem requirit, non tamen omnia, quæ jus positivum ad illum requirit.

43.

**Objic. 2.** contra secundam & tertiam regulam. Si omnes illi actus & contractus jure naturæ sunt invalidi, qui sunt turpes, vel ex se ipsis vel ex suo objecto, tunc invalida esset venditio secunda equi, e. g. facta secundo emptori, secuta traditione: invalidus esset contractus matrimonialis stante voto castitatis simplici, aut stantibus sponsalibus cum alia, aut alio impedimento tantum impediente: aut initus in statu peccati mortalis: imo invalidus esset omnis contractus, initus ex aliqua inordinata passione, e. g. ex ira, avaritia, ambitione: item initus dolo, aut ex metu injuste incusso, quia omnes hi actus & contractus sunt turpes, cum omnes involvant peccatum. Atqui hoc admitti non potest, cum habeantur pro validis.

Quales actus turpes invalidi.

**Resp. Nego** has sequelas. Non dixi, quod contractus, quomodocumque turpes, aut peccaminosi, sint invalidi, sed, qui vel ex suo objecto sunt turpes, hoc est, in quibus de re turpi & illicita facienda convenitur, vel qui alias de se ac intrinsece sunt turpes, ita, ut perpetuam contineant turpitudinem. Allati autem actus neque ex objecto suo, neque de se sunt intrinsece turpes, sed tantum vel ratione modi, vel circumstantiæ alicujus extrinsece.

Sic venditio equi de se non est mala, neque perpetuo, si sit a domino equi, sed tantum evadit mala ratione alicujus circumstantiæ extrinsecæ, nempe

emperatione venditionis præcedentis, ac datæ fidei priori emptori: cui, abenti jus ad rem & actionem personalem, tenetur venditor damnum compensare: in quantum scilicet emptoris interest, ut venditio teneat; uia autem traditio equi priori emptori necdum erat facta, dominium manet penes venditorem (cum non conventionibus, sed traditionibus & usupationibus transferantur rerum dominia) hinc; non obstante priore venditione, secunda est valida, quia facta a domino (accedente simul traditione equi, translative dominii in secundum emptorem) quamvis fuerit illi-ita, non quidem *de se*, aut *ex suo objecto*, sed ratione circumstantiæ extrinsecæ, nempe ratione præcedentis venditionis.

Idem respondendum est ad reliquos casus allatos: nam matrimonium g. neque de se, neque ex suo objecto est turpe aut illicitum, sed tantum <sup>44.</sup> extrinsece vadit tale ratione circumstantiæ extrinsecæ, puta, ratione voti simplicis, tantum tur-  
at sponsalium cum alia persona: quæ tamen non auferunt potestatem <sup>pes sunt</sup>  
adendi jus in proprium corpus alteri, sed eam tantum ligant, ita, ut illi- <sup>validi.</sup>  
te fiat contractus matrimonialis, non tamen invalide.

Sic etiam valet matrimonium, initum in statu peccati mortalis, quia de se & ex objecto suo non est malum, sed tantum fit illicitum ratione circumstantiæ, matrimonio extrinsecæ, nempe ratione peccati, quo infusus est contrahens; quatenus scilicet est illicitum in statu peccati mortali suscipere Sacramentum.

Valent pariter contractus, initi ex avaritia, vanitate, ira, invidia, aut aliqua passione: quia contractus de se & ex objecto non sunt turpes, sed tantum ineuntur *modo illicito*: qui tamen modus est contractui extrinsecus, tum ad ejus substantiam non pertineat, neque objectum illius constituat.

Idem dicendum de contractu inito cum dolo accidentali; nam licet committens talem dolum peccet, quia tamen non versatur circa substantiam rei, habetur pro extrinseco, ita, ut neque ipsum contractum, neque ejus objectum constituat: ac proin contractum non reddit irritum, licet ex parte dolosi faciat illicitum. Aliud esset, si dolus esset substantialis, concernens ipsam rei substantiam: aut si alter contrahens alligaret suam voluntatem certæ conditioni aut qualitati, etiam accidentali: nam tunc contractus esset invalidus, ex defectu consensus, si ejusmodi conditio aut qualitas non subsisteret. An autem contractus, extortus metu gravi in iste incusso, jure naturali valeat, alias est explicatum.

### Q U Æ T I O VII.

*In quo consistat lex naturæ irritans?*

Ratio dubitandi est: quia ex una parte, lex naturæ præceptiva ac prohibitiva consistit in lege æterna Dei, necessaria ad rectam ac sapientem  
Pars II. E guber.



gubernationem naturæ rationalis : ergo idem dicendum de lege naturali irritante. Ex altera vero parte videtur actus aliquis aut contractus irritari ab ipsa natura rei : sic contractus , ubi deficit vel potestas contrahendi , vel deest aliquod constitutivum , per se ipsum est nullus : ille vero , qui versatur circa objectum turpe , aut est de se ac intrinsece turpis , videtur a Deo tantum prohiberi , non autem irritari : irritatio autem tantum oritur ex natura contractus. Consequenter lex irritans non consistit in lege Dei , sed in ipsa natura contractus. Verum

Dicendum. *Etiam lex naturæ irritans consistit in lege æterna Dei.* Nam sicut ad sanctum authorem naturæ rationalis , ejusque sapientem ac providum gubernatorem pertinet , prohibere ea , quæ sunt intrinsece mala , ac contra rectam constitutionem humanæ reipublicæ in ordine ad suum finem : ita ad eundem pertinet , actus & conventiones , in quibus promittitur aliquid turpe , vel qui de se & intrinsece sunt turpes , ita irritare quoad effectus morales , ut nullius sint momenti , nullamque obligandi vim habeant : secus enim redundaret imperfectio in ipsum Deum , ejusque sanctitatem ac sapientem gubernationem , si concederet obligationem ad illicitum , aut firmum , validum , ac ratum esse id , quod de se ac intrinsece turpe est.

Etiam lex  
irritans fiat  
in lege Dei.

Major videtur esse difficultas circa eos actus & contractus , qui non sunt vel ex suo objecto , vel ex se ipsis mali , sed tantum sunt irriti ob defectum alicujus constitutivi , vel potestatis , vel capacitatis in materia , præsertim si contrahens hunc defectum , vel suam inhabilitatem nesciat : e. g. si falso putans se dominum , conetur dominium in alterum transferre.

Verum etiam tales irritationes naturales ultimato refundendæ sunt in legem æternam irritantem : tum , quod lex alia naturalis irritans ostendi non possit , tum quod ad sapientem ac providum humanæ reipublicæ gubernatorem pertineat , omnibus ejusdem necessitatibus consulere , atque ea , quæ cum recta ejusdem constitutione in ordine ad suum finem pugnant , invalida decernere , ita quidem , ut , licet physice sint positi , nullum tamen effectum moralem habeant. Atqui inordinatum omnino ac rectæ constitutioni rationalis reipublicæ esset contrarium , si contractus , sine potestate , sine libertate , sine advertentia initi , essent validi , & obligationem inducerent. Æterna igitur ordinatione Deus etiam ista disposuit , ut ex contractu , laborante defectu substantiali , nulla oriatur obligatio , nullusque effectus moralis , nec jus aliquod sic contrahenti quæratur. Alia siquidem lex naturæ irritans ostendi non potest.

46.  
Contra-  
ctus natuæ

Neque dicas , ipsam contractus naturam esse legem & jus naturale , quo contractus est irritus , nempe per se ipsum , ac propter defectum substantialem vel in contrahente , vel in contractu , vel in objecto. Nam licet ex se

ipso sit imperfectus, tamen non potest ipse contractus esse lex, neque contrahens legislator: cum lex omnis lata esse debeat a superiore, habente jurisdictionem in subditum. Vel igitur ejusmodi actus non possunt proprie dici, jure aut lege naturali irritati, vel legem aliam a contractu dictam oportet agnoscere: quæ videlicet fanciat, ex actibus ejusmodi, ex ipsis imperfectis, nullam oriri obligationem, eosque vim nullam habere debere. Fere sicut, licet mendacium, furtum, adulterium &c. per se mala ac intrinsece sint mala (radicaliter videlicet & fundamentaliter) nihilominus tamen legem naturalem prohibentem, ab iis distinctam, oportet agnoscere, quia scilicet omnia, quæ ad rectam gubernationem & constitutionem rationalis reipublicæ pertinent, Divina ordinatione ab æterno sunt disposita, exigente id sapientia ac providentia authoris ac gubernatoris, omnia ad finem suum prudentissime ordinantis. Consequenter irritatio eorum etiam actuum, qui ex se ipsis sunt imperfecti ac defectuosi, in ordinationem ac legem divinam est refundenda. Sicut irritatio e.g. testamenti, ob defectum certarum solennitatum imperfecti, legem civilem irritantem est refundenda.

## Q U Æ S T I O VIII.

*Quodnam sit subjectum legis naturalis?*

Post explicatam naturam & varietatem legis naturalis, facile est statuere, quodnam sit illius subjectum, seu quinam illa obligentur, videlicet omnes & solæ creaturæ rationales, in quarum cordibus Deus legem suam necessariam per lumen rationis scripsit, qua dirigente ad felicitatem suam naturalem, atque ad commendandas Divinas perfectiones ordinantur.

Difficultatem tamen aliquam movere videtur Ulpianus, qui l. 1. ff. de J. & F. sic ait: *Jus naturale est, quod natura omnia animalia docuit: nam jus non humani generis proprium, sed omnium animalium commune est.* Quam doctrinam Justinianus dignam censuit, ut institutionibus Juris infereretur, de J. N. G. & C. Verum Jurisconsulti, sic definientes jus naturale, citius id sensu acceperunt. Quod ut intelligatur,

Notandum, tripliciter jus naturale posse sumi, secundum triplicem inclinationem, quam habere creaturæ dignoscuntur. Et 1. quidem latissime ac valde improprie pro inclinatione seu appetitu innato ad conservandum proprium individuum, & qualitates illi proprias: & sic sumptum est naturale rebus omnibus, etiam inanimatis est commune. Unde jus physicum, & appetitus innatus, quo aqua fertur ad frigus, & ignis ad calorem, in hoc sensu jus naturale dici possunt: & proprietates physicae jure naturali substantiis deberi dicuntur: quo sensu etiam in scriptura dicitur Deus, legem posuisse elementis.



Pro instin-

2. Sumitur late & improprie pro instinctu, seu appetitu elicito, quo viventia cognoscitiva feruntur ad aliqua appetenda, secundum naturam suam sensitivam. Et in hoc sensu jus naturæ sumpsit Ulpianus, nihilque aliud est, quam instinctus naturæ sensitivæ, quem omnibus animalibus communem natura indidit, e. g. ad commixtionem maris & fœminæ, procreationem & educationem proles &c.

Pro lege  
Dei neces-  
saria.

3. Sumitur stricte ac proprie pro lege, creaturam rationalem dirigente secundum rectam rationem. Quo sensu Cicero pro Milone legem naturalem appellat legem, *non scriptam, quam non didicimus, legimus, verum ex ipsa natura hausimus, accepimus, expressimus: ad quam non docti, sed facti, non instituti, sed imbuti sumus.*

Clarius adhuc Seneca epist. 65. ad Lucilium ait: *Est ergo a Deo, tanquam auctore naturæ, impressum inditumque cordibus nostris, per quod secundum dictamen rationis practicæ actus humanos liberos ad bonum justumque dirigimus.*

Et hanc legem, etiam ab ethnicis sub conceptu saltem generico cognitam cultamque, in actu divinæ voluntatis æterno ac necessario, atque in tempore per lumen rationis nobis intimato consistere diximus. In quem sensum Cicero lib. 11. de leg. *Hanc video sapientissimorum fuisse sententiam, legem neque hominum ingeniis excogitatam, neque scitum esse aliquod populorum, sed æternum quiddam, quod universum mundum regeret imperandi prohibendique sapientia.*

48.  
Sola creatu-  
ra est subje-  
ctum juris  
naturæ,

Ex quibus aliisque, quæ tractata sunt hactenus, facile conficitur, solum creaturam rationalem esse subiectum legis naturalis; ut enim creatura legis sit capax, oportet esse præditam usu rationis, ut legem intelligat; oportet esse liberam: ad quid enim alias præceptio vel prohibitio? oportet esse capacem obligationis & pœnæ, quam lex imponit.

Colliges 1. Bruta non esse subiectum juris naturalis, quia non sunt rationis ac directionis capacia; & multa agunt ex inclinatione & instinctu naturali, quæ in hominibus sunt contra jus naturæ, ut commixtio promiscua &c.

Non tamen  
infans.

Colliges 2. Neque infantes obligari lege naturali, ut docet Sanchez in opere morali lib. 1. c. 12. n. 2. his verbis: *Pueri ante rationis usum nulla lege Divina, naturali, vel humana obligari possunt; quia nondum legalis vinculi capaces sunt.* Et Suarez lib. 2. de legib. c. 15. n. 2.

Idem videtur dicendum de amentibus propter eandem rationem: quia scilicet omnis directionis moralis & obligationis sunt incapaces; essetque idem ac bruto præcipere.

49.

Putabam quidem antehac, infantes & amentes legibus naturalibus obligari in actu primo, ita, ut lex eos comprehendat, sicque illa obligentur.

non

on tamen in actu secundo, quia propter defectum rationis a transgressionem & peccato formali excusantur.

Verum re melius perpensa existimo, eos ne quidem in actu primo obligari. Ratio est: quia lex naturalis promulgatur per lumen rationis, in actu prima carent infantes & perpetuo amentes: cum igitur promulgatio sit de primo. sententia legis, respectu carentium ratione non datur lex. Unde neque materialiter peccare censendi sunt. Deinde plane inutilis atque imprudens esset lex, quæ carentes usu rationis obligaret.

Non tamen licitum est, eos ad blasphemiam aut lasciviam incitare: tum ne assuescant, ac malos habitus contrahant; tum quia, ut ait P. Bubenbaum, talis actio tribueretur principali agenti, qui alterius opera uteretur quasi instrumento: tum quia nullus potest esse prudens finis eos incipiendi ad ea, quæ aliis jure naturali sunt prohibita. In quo potest esse disparitas cum brutis.

Dices: Si infantes non comprehenduntur lege naturali, tunc neque multi obligantur legibus positivis usu rationis alias præditi, si eas invincibiliter ignorent. Resp. De his dici posse, quod in actu primo obligantur. Ratio est, quia leges positivæ non promulgantur per lumen rationis sed per publicam vocem legislatoris: unde sufficienter sunt promulgatæ, etiamsi ab aliquibus ignorentur, quare isti etiam comprehenduntur ab lege, & sic in actu primo obligantur; quia tamen illam invincibiliter ignorant, in actu secundo non obligantur, & a peccato formali excusantur. Et in hoc sensu intelligendum est, quod authores cum Sanchez non sentiant, bene notandum esse: aliud videlicet esse, non obligari lege, & aliud a legis transgressionem excusari.

### Q U Æ S T I O IX.

*An non possunt hætenus dicta de Jure naturali per causas declarari  
& in synopsis redigi?*

Respond. Possunt: in sensu tamen aliquo lato & improprio: & memorie gratia expedit. Cum igitur lex naturalis sit ordinatio Divinae voluntatis necessaria circa actus creaturæ rationalis,

Primo. Causa illius efficiens est Deus O. M. qui sicut est rerum omnium Causa efficiens, totiusque naturæ auctor, ita tanquam supremus legislator, & creator, universalis, sapientissimus ac providentissimus, rebus humanis consulit, & legibus æternis orbem terrarum temperat. Præcipue vero ad creaturam rationalem, qua animare aspectabilem hanc molem voluit, providentiam suam inclinat, eamque ordinatione perenni ad honesti ac decori actionem dirigit.



51.  
Formalis,

Secundo. *Causa formalis* est sanctissima ac sapientissima voluntas Divinissimi legislatoris, humanis mentibus promulgata. Promulgatur autem per lumen rationis, quo Deus legem suam & ordinationem scribit in cordibus nostris: ut adeo recta ratio ejusque usus, ab auctore naturæ nobis inspiratus voluntatem Dei ac legem naturalem nobis exhibeat: & sic, ut quidam loquuntur, lumen rationis, tanquam applicatio & promulgatio Divinæ voluntatis in nostro intellectu *subjective* & *ut quo se habeat*, ordinatio vero ipsa Divina, *objective* & *ut quod*. Poterit tamen hoc ipsum lumen rationis tanquam promulgatio, & velut complementum formale ipsam legem constituere, prout promulgatio legem positivam communius docetur constituere.

52.  
Finalis,

Tertio. *Causa finalis* immediata, minus tamen principalis, est bonum creaturæ rationalis, seu humanæ reipublicæ, recta videlicet constitutio & felicitas ejusdem naturalis, quam Divinus legislator tanquam sanctissimus ac sapientissimus naturæ author intendit, & sic legem fert, ut hæc recta constitutio procuretur ac conservetur.

Finis vero ultimus ac principalis est Deus ipse, infinite perfectus, ad cujus bonitatem, sanctitatem, sapientiam ac providentiam commendandam, uti omnis creatura, ita comprimis recta constitutio rationalis reipublicæ per leges naturales procuranda, a summa illa Mente intenditur ac dirigitur.

Ex quo sequitur, regulam immediatam juris naturæ, seu principium, ex quo inferimus existentiam legis naturalis, esse rectam constitutionem humanæ reipublicæ, ultimum vero universale, & absolute indefectibile, Divinas perfectiones.

Unde etiam lex necessaria, absoluta, immutabilis & indispensabilis dicitur: quia ipsa Divina perfectio exigit illam ferri in ordine ad præcipienda intrinsece honesta, & prohibenda intrinsece mala.

53.  
Materialis.

Quarto. *Causa materialis*, vel potius *materia* & *objectum*, circa quod jus naturæ versatur, sunt actus humani, per se ipsos radicaliter honesti vel inhonesti: hoc est, ex sua natura ita comparati, ut ad rectam constitutionem naturæ rationalis ac humanæ reipublicæ sint necessarii, vel eidem sint contrarii. Nam si ad bonum naturæ rationalis, seu in ordine ad illius finem, commendandas videlicet divinas perfectiones sunt necessarii, hoc ipso exigunt a sapientissimo authore naturæ præcipi: si vero bono naturæ rationalis sint oppositi, & cum ejus fine pugnantes, exigunt ab eodem prohiberi. Et in hoc sensu per se ipsos sunt radicaliter & fundamentaliter mali. Porro inter istos actus aliqui sunt ita intrinsece mali, e.g. mendacium, ut semper ac pro omnibus circumstantiis sint jure naturæ prohibiti:

alii

alii vero recipiunt mutationem materiæ, ita, ut sub una ratione sint obiectum legis naturalis, non vero sub alia: quin tamen propterea ipsum jus naturæ sit mutabile aut dispensabile.

Præter istos autem actus sic intrinsece honestos vel inhonestos, qui sunt materia legis naturalis prohibitiivæ vel præceptivæ, dantur insuper actus, qui sunt materia legis naturalis irritantis, ii videlicet, qui vel sunt intrinsece turpes, vel metu gravi injusto, aut vi extorti; aut qui laborant defectu aliquo substantiali vel potestatis in contrahente, vel requisiti alicujus ad contractum ex natura rei necessarii. Exigit siquidem sapientia auctoris naturæ, ejusmodi actibus omnem valorem, & vim obligandi adimi ab ipso Deo summo gubernatore ac legislatore.

Quinto, *Subiectum* denique legis naturalis est sola creatura rationalis: quia sola illa est capax directionis moralis per leges & præcepta. *Subjectum*, Unde ne quidem homo ante usum rationis lege naturali obligatur.

## C A P U T II.

*De Jure Gentium.*

### S U M M A R I U M.

1. Datur Jus gentium,
2. Strictè dictum.
3. Quod est conventio libera Gentium,
4. Vi consuetudinis mutue per pactum tacitum introducta.
5. Unde supremos etiam Principes obligat.
6. Tenditque ad mutuum commercium.
7. Quare non est jus aliquod positivum Divinum,
8. Neque lex populorum,
9. Sed pactum tacitum, per consuetudinem mutuam cum animo se obligandi initum.
10. Complectitur jus legationum, commerciorum, belli & pacis:
11. Item jus servitutis, sepulturæ, aliæque plura, ut primam rerum divisionem, jus præscriptionum.
12. Datur etiam jus gentium, minus proprie dictum, sine obligatione mutua. Ad hoc referuntur certæ consuetudines cultus sacri, construendi ædes, muniendi civitates, usus monetæ, contractus, qui dicuntur juris gentium.
13. Differt a jure naturali, quoad causam efficientem, formalem, materiale, & finalem.
14. Item quoad modum promulgandi, quoad subiectum, & proprietates.
15. Uti etiam a jure civili.

Deus O. M. non tantum singulos mortales per leges rationales ad destinatos Mentis suæ æternæ fines dirigit, sed integras etiam gentes Datur jus mutuis officiorum nexibus vult obstrictas, ac juris naturalis vinculo collegentium. liga-



ligatas. Vigent tamen inter gentes & alii quidam nexus, quos Deus liberos reliquit, pro arbitrio a gentibus introducti, altera gente alterius ope indigente, ut quantum regionibus se junctum, tantum communi commercio, tanquam vitæ socialis ac communis felicitatis vinculo, colligatum sit humanum genus.

Inde enatum illud sacrosanctum populis, quos politior cultus ac disciplina commendat, *Jus gentium*, ad quod appellare solent integræ nationes, si forte ab altera violatum esse contigerit. Quam autem compertum habemus, ejusmodi *Jus gentium* existere, tam controversum esse videtur, in quo consistat, & quousque regnum illius sese exporrigat an juri naturali, an positivo Divino, an humano sit accensendum, an vero novam ab istis speciem juris constituat.

## QUÆSTIO I.

*Quid sit Jus Gentium?*

**R**esp. *Stricte sumptum est conventio libera gentium per pactum tacitum diuturnum moribus introducta, ad mutuum commercium ac felicitatem socialis vitæ obtinendam ac conservandam.*

2.  
Stricte dictum.

Dicitur 1. *Stricte sumptum*: Nam si in sensu latiore & improprie sumatur, cum jure naturali confunditur, vocaturque ab aliquibus *Jus gentium primævum* vel *primarium*. Hoc sensu minus proprio Imper. §. 1. *Instit. de J. N. G. & C.* dixit: Quod vero naturalis ratio inter omnes homines constituit, id apud omnes peræque custoditur, vocaturque *Jus Gentium*, quasi quod jure omnes gentes utantur.

Illud vero, quod descripsimus, & stricte sumptum dicimus, aliqui vocant *secundarium*.

Hac distinctione in *primarium* & *secundarium* rejecta, unum duntaxat agnoscimus *Jus gentium*, ut contra distinctum a naturali: de quo Imperator §. 2. *Instit. eod.* dicit, *jus gentium esse, quod usu exigente, & humanis necessitatibus, gentes humana sibi constituerunt.*

3.  
Quod est conventio libera

Dicitur 2. *Conventio*: unde sicut aliæ conventiones, pacta, contractus, inducit strictam obligationem: ac *jus gentium* violatum gens genti jure exprobrat, & satisfactionem postulat.

Dicitur 3. *Libera*: nam hoc *jus* non versatur circa ea, quæ intrinsece bona vel mala sunt, sicut *jus naturale*. Unde libera initio fuit gentibus talis conventio: & hodie dum necdum omnes omnino gentes, præsertim barbaræ, illam inierunt, saltem quoad omnia. Facta autem semel conventionem, sicut ex aliis conventionibus, pactis, & contractibus, initio libere initis, oritur obligatio naturalis illam servandi, ex communi illo

(juris

juris naturalis principio: *Fides data est servanda.* Unde non potest gens aliqua hanc conventionem revocare, rescindere aut tollere, invitis reliquis gentibus: communi autem consensu possent illam rursus abolere; sicut contingit in aliis conventionibus & pactis.

Dicitur 4. *Gentium*: nam jus gentium non est conventio privata, vel unius tantum aut alterius gentis cum altera, sed omnium aut fere omnium, earum saltem, apud quas cultior politia ac morum disciplina floret, quales sunt nationes Europæ; & in aliis terræ partibus plures. Unde per hoc differt jus gentium tum ab omnibus conventionibus & pactis privatis, ac particularibus licet publicis, quæ unum regnum aut Princeps init cum altero; tum etiam ab omni consuetudine particulari, quæ apud unam gentem, sine respectu ad reliquas gentes, vim legis obtinet, superiore illam assensu suo confirmante.

Dicitur 5. *Vel per pactum tacitum, vel diuturnis moribus introducta.* Hic multum aliqui disputant, an jus gentium sit introductum per passionem aliquam inter gentes initam, an vero per diuturnos mores, usum, & consuetudinem, apud gentes receptam.

Ego neutrum modum originis rejiciendum censeo; cum utrolibet, vel etiam utroque simul potuerit introduci: imo utroque introductum esse videtur. Nam ex usu & consuetudine, mutuo observata, cum animo inducendi obligationem mutuam, ortum est pactum tacitum ac mutuum, inducens obligationem justitiæ, in foro etiam conscientiæ. Et sic tam ex diuturno usu, mutuo observato, quam ex passione tacita, inde resultante, ortum est jus gentium.

Unde jus hoc gentium non tantum populos mutuo nexu adstringit, obligatque, sed supremos etiam orbis Principes: atque ex hoc jure, uti etiam ex naturali, eorum inter se lites sunt componendæ, imo etiam bella gerenda, temperanda, ac finiendæ: licet enim inter arma leges filere dicantur, id tamen nullatenus intelligi potest de jure gentium ac naturali: ad quæ in bello etiam merito pars læsa provocat. Sapienter hac de re Themistius apud Grotium: *Reges, quales exigit sapientiæ regum, non unius sibi creditæ gentis rationem habere, sed totius humani generis oportet.* Et Dio: *Inter hostes quidem scripta jura, id est, civilia non valent; at valent non scripta, id est ea, quæ natura dicat, aut gentium consensus constituit.*

Dicitur 6. *Ad mutuam commercium ac felicitatem socialis vitæ obtinendam ac conservandam.* Indicatur hic finis juris gentium, ad quem a gentibus est ordinatum. In quo etiam discrepat a jure civili, quod particulari reipublicæ salutem spectat, jus gentium vero humanarum societatum.



tum inter sese commercia ac concordiam, ad communem gentium utilitatem promovendam ac stabiliendam.

## QUÆSTIO II.

*An Jus Gentium sit lex?*

Verum hic se prodit difficultas, quæ sapius exercuit ingenia, profundiori obtutu materiam istam rimantia: an videlicet jus gentium vim legalem accipiat? & a quo superiore ac legislatore? an a Deo, u authore socialis vitæ, ac communis felicitatis, approbatione sua diuturnos hominum mores ac receptam mutuo disciplinam corroborante in vim legis? an omnes gentes corpus quoddam morale seu magnam quandam rempublicam constituent, quæ collectim sumpta, velut in Aristocratia aut Democratia, jurisdictionem in singula illius membra exerceat, legemque imponat? an vero gentes absque interventu superioris, potestatem jurisdictionis exercentis, ac vim legis tribuentis, per solam pactiōem mutuam, ex diuturno usu mutuo prognatam, consenserint, seque sibi mutuo obligarint.

Ad quam ego controversiam respondendum censeo; probabilem quidem admodum eam esse sententiam, quæ docet, Jus gentium vim legis habere a Deo, non tanquam authore naturæ, sed tanquam authore societatis humanæ, & supremo politiarum humanarum Principe, ut docent clarissimi DD. Schmier, Mezger, Franz, Schwarz, Vitriarius *in inf. J. N. & G. c. 1. n. 21.*

7.  
Non est jus  
positivum  
Divinum,

Sed quia hoc jus non est naturale, versans circa ea, quæ intrinsece bona vel mala sunt: neque positivum Divinum, utpote non habens pro suo authore immediato Deum, cum non constet, quando, & ubi, & per quos ab ipso sit traditum; neque necesse sit hic ad Deum recurrere; & alias communis ferme persuasio obtinuerit, jus gentium ex integro esse positivum humanum; atque Imperator ipse §. 2. *Instit. de J. N. G. & C.* dicit, Jus gentium esse, *quod usu exigente, & humanis necessitatibus, gentes humanæ sibi constituunt*, ideo non censeo, novam hic juris Divini speciem asserendam esse.

8.  
Neque lex  
populorum,

Et quamvis etiam altera sententia sit probabilis, quæ vim legalem Juris gentium a communi quadam gentium republica derivat, in qua omnes collectim imperent, singuli vero obediant: ut docuit Strykius.

Quia tamen neque ex sacris litteris, neque ex historia constat, gentes in ejusmodi universalem convenisse rempublicam democraticam, quæ potestate legislativa in singulos orbis incolas tanquam cives polleat, ac singulæ gentes se liberas putant, neque hanc sententiam amplector. Igitur

Dicen-

Dicendum cum Grotio, Gletle, Schmalzgrüber, Stapfio, Böcker, Pichler &c. probabilius jus gentium non esse proprie legem aliquam, a superiore quodam gentibus impositam, sed ex diuturno usu populorum, cum animose mutuo obligandi continuato, atque ex resultante inde tacita pactioe mutua descendere: sicque non esse legem, a superiore aliquo latam, sed obligationem pacto propriam inducere: ut manifestius pateat, supremos etiam orbis Principes, qui nullum in terris superiorem agnoscunt, eodem obligatos esse. Nam

Quamvis hoc pactum non sit lex, tamen semel libere a gentibus initum jure naturali obligat omnes, sicut alia pacta, quæ licet non sint lex, tamen lege naturali superveniente, & quasi reflexa supra pactum pro arbitrio initum, jubentur servari, ex communi illo juris naturalis principio: *Fides data est servanda*. Certe legis alterius hic nulla est ratio aut necessitas, cum totus finis juris Gentium sic convenientissime obtineatur.

Neque aliquid probat, quod sit *Jus gentium*: nam multa dantur jura, quæ sunt lex. Unde etiam *Jus gentium*, non vero *Lex gentium* appellari consuevit.

### Q U Æ S T I O III.

*Quodnam sit objectum Juris Gentium?*

Respond. Ad jus gentium spectant ea omnia, quæ quidem jure naturæ non sunt præcepta nec prohibita, propter communem tamen generis humani utilitatem gentium omnium ferme usu ac moribus cum mutua obligatione sunt introducta & recepta. Talia sunt

1. *Jus legatorum*. Nam jure naturali non tenetur gens una alterius legatos admittere; quia tamen communis gentium utilitas exposcit, ut legati, qui communia negotia tractent, hujusmodi legati non tantum sunt admittendi, & incolumes dimittendi, sed etiam securi præstandi, a Principe vel republica, ad quam mittuntur: nisi limites suæ legationis excedant, e. g. inferendo vim injustam, vel concitando populum &c.

2. *Jus commercii*, apud externas ac non hostiles nationes exercendi, ad sublevandam mutuam indigentiam: quia non omnis fert omnia tellus. Quam in rem Grotius tractatum edidit de  *mari libero*: quem tunc Batavi ambabus manibus amplexi sunt: mutatis autem postea rebus, cum Ostendana florere inciperent commercia, deletum optabant.

3. *Jus belli*, præsertim quoad modum illud indicendi prius per Fœdus Belli, civiles, ac rite gerendi: ut videlicet fontes & arma non inficiantur veneno: ut hostis non occidatur per submissos sicarios (quo modo a Calvinianis in Gallia Franciscus Dux Guisius, incomparabilis ille Heros ex fere-



nissima Domo Lotharingica, ad Aureliam occisus esse fertur) licet enim iustum bellum sit juris naturalis permissivi, tamen quoad modum & plures circumstantias est juris gentium. Hinc illæ toties auditæ provocaciones ad jus gentium.

4. *Jus pacis & induciarum*: licet enim conventiones pacis ad foedera, postquam sunt inita, sicut alia pacta, jure naturali obligent: quoad petitionem tamen pacis, ac iuste petitiæ admissionem sunt juris gentium.

II.  
Item jus  
servitutis,

5. *Jus servitutis*, seu facultas liberis hominibus, justo bello captis, ac servatis adimendi libertatem, & in servitutem eos redigendi: nunc visum est, utilius esse, eos servos facere, quam occidere. Cæterum non præcipit jus gentium positive servitutem, sed eam permittit. Unde Christiani nihil agunt contra jus gentium, dum Christianos captos non redigunt in servitutem.

Sepultura,

6. *Jus sepulture*: vi cujus cadavera terræ mandari debent. Unde in urbium obsidionibus petuntur & conceduntur aliquando breves induciæ ad humanda cadavera.

Et alia.

Ad Jus gentium etiam refertur *prima rerum divisio*: imo ipsa etiam *divisio gentium ac regnorum*. Item *jus transitus*, quando non est justa causa peregrinos excludendi: *jus præscriptionis*; aliaque a quibusdam inter obiecta juris gentium referuntur.

Ratio est, quia licet hæc æquitati naturali sint admodum consentanea, a jure tamen naturali non sunt introducta, tanquam intrinsece bona vel mala, aut tanquam naturæ rationali ac reipublicæ humanæ ad rectam sui constitutionem simpliciter & absolute necessaria. Potuisset enim gens quælibet absque relatione & obligatione ad alteram secum sola vivere; quin cum altera pactum inire obligata fuerit, de admittendis & tutis præstandis legatis, tractandis commerciis, certo modo gerendi bellum, ac in eundem pacem, de captis in servitutem redigendis, mortuis hostibus sepeliendis &c. Quia tamen ad utilitatem ac felicitatem populorum ac vitæ socialis sunt admodum opportuna, libero ac prudenti gentium consensu sunt introducta.

Et quamvis aliqua ex prædictis jure etiam civili sint sancita, tamen quatenus integras inter se gentes & supremos etiam Principes adstringunt, ut e. g. jus præscriptionis, juris sunt gentium.

12.  
Datur etiam  
improprie  
dictum.

Addunt aliqui *jus gentium minus proprie dictum*. quod inter gentes receptum quidem est, sine obligatione tamen mutua, seu, quin detur obligatio, illud inter se observandi. Huc referunt consuetudinem certam cultus sacri, construendi aedes, manendi civitates. Huc etiam referunt jus cudendi monetam, eique valorem tribuendi, ac ipse etiam usus monetæ; contra, *jus item non pauci*, ut emptio, venditio, locatio, conductio,

ratio, qui propterea *contractus juris gentium* appellantur: modi denique acquirendi plerique. Quæ omnia in sensu latiore creaturæ juris gentium dicuntur, quia a gentibus plerisque sunt introducta, ac observantur.

### Q U Æ S T I O IV.

*Quomodo Jus Gentium differat a jure naturali?*

1. Ictet Jus gentium magnam cum jure naturæ affinitatem ac convenientiam habeat, magnamque æquitatem ac congruentiam præferat, <sup>15.</sup> Differt a jure naturali, ut complures authores cum jure naturali illud confundant, ut saltem in *primarium* ( seu jus naturale ) & *secundarium*, ut supra memoratum dividant: in pluribus tamen ab illo discrepat. Nam

1. Differunt in *causa efficiente*, cum juris naturalis causa sit ipse Deus, In causa efficiente, juris gentium vero gentes.

2. Differunt in *causa formali & essentia*: nam jus naturæ est lex Divina, supposita creatura rationali, omnino necessaria. Jus gentium proprie non est lex, sed diuturna consuetudine, & pactioe tacita, absque superioris consensu, libere a gentibus inita, constat. Formali.

3. Differunt quoad *causam materiale & objectum*: nam objectum juris naturalis sunt, quæ intrinsecam honestatem vel inhonestatem habent: quæque hinc necessario a Deo, ut sapientissimo authore naturæ præcipiuntur vel prohibentur. Objectum vero juris gentium sunt, quæ, licet non sint intrinsece bona vel mala, ad communem tamen humanarum societatum utilitatem ab ipsis populis sunt libere in usum deducta. Sic jus naturæ non præcipit admissionem legatorum, indictionem belli præviam, commerciorum libertatem, nec prohibet hostem in bello justo armis venenatis occidi, cum simpliciter permittat illum occidi, quin modum determinet. Materiali.

Sic etiam divisionem bonorum, regnorum discretionem, terminos agrorum, servitutem, præscriptionem, certos modos contractuum, certos modos acquirendi &c. nec præcipit, nec prohibet: sed hæc omnia gentibus pro arbitrio ad majorem commoditatem mutuam ordinanda, disponenda, ac pacificanda reliquit.

4. Differunt quoad *causam finalem*. Nam finis juris naturæ est felicitas & recta constitutio, necessaria naturæ rationali qua tali, in ordine ad commendandas Divinas perfectiones. Finis vero juris gentium est felicitas humanarum societatum, non simpliciter necessaria, sed ad majorem utilitatem & commoditatem mutuam. Adeoque jus naturæ spectat bonum necessarium simpliciter naturæ rationali qua tali, jus gentium bonum, non simpliciter necessarium communitatibus humanis. Jus naturæ intendit præcipue rectam constitutionem internam conscientiæ, jus gentium vero bonum externum ac politicum. Finali.



14.  
Item quoad  
modum promul-  
gandi.

Subiectum,

Et proprie-  
tates,

15.  
Quomodo  
differat a  
jure civili.

5. Differunt quoad *modum promulgandi*: nam jus naturæ promulgatur per lumen rationis, quo Deus in cordibus hominum legem suam scribit. Jus vero gentium per usum & observantiam populorum innoscitur.

6. Differunt quoad *subiectum*: nam jus naturale obligat quemlibet hominem, ut usu rationis præditum, etiam solitarie spectatum: imo licet solus in mundo viveret. Jus gentium vero non obligat hominem solitarie consideratum, sed quatenus constituit humanam societatem: imo eas gentes, quæ per usum non consenserunt in pactum tacitum absolute non obligat.

7. Differunt quoad *proprietates*: nam Jus naturæ est necessarium, absolutum, immutabile & indispensabile. Jus gentium vero, etiam supposita humani generis existentia, fuit gentibus liberum & arbitrarium potest esse conditionatum; videlicet, si aliæ gentes id servent: imo tuo consensu posset rursus tolli, sicut introductum est.

Differunt etiam Jus gentium a jure civili: nam hoc est jus scriptum habetque originem a legislatore: respicit necessitates privatas alicujus particularis reipublicæ, potestque ab una gente tolli sine consensu alterius. Jus gentium vero non est jus scriptum, neque est lex, descendens a superiore, in gentes jurisdictionem habente: sed moribus gentium & consuetudine constat. Respicit utilitates communes gentium; neque potest ab una gente tolli sine consensu reliquarum.

### CAPUT III.

#### *De Jure Divino Positivo.*

Præter Jus Naturæ & Gentium datur etiam *Jus Positivum* (aliqui vocant *Positum*) quod ultra Juris Naturalis sanctiones aliquid ponit, ex libera voluntate legislatoris.

Unde differt a jure naturali 1. *ratione causæ efficientis*: nam legis naturalis causa, & quidem necessaria, est solus Deus. Legis positiva causa est libera, potestque esse vel Deus, vel humanus legislator. 2. *Ratione formæ*: nam lex naturæ est scripta in corde per lumen rationis, sicque promulgata: lex positiva promulgatur per signa externa, nempe mediante vel immediate per vocem legislatoris. 3. *Ratione materiæ*: nam lex naturæ versatur circa ea, quæ intrinsece bona vel mala sunt: lex positiva vero circa ea, quæ de se nec bona nec mala sunt. Unde ea, quæ prohibentur a jure naturali, dicuntur prohibita, quia sunt mala: ea vero, quæ prohibentur a jure positivo, dicuntur mala, quia sunt prohibita. E.g. esus carnis die sabbati non est prohibitus, quia de se est malus, sed est malus, quia

ula prohibitus. Unde etiam lex positiva est mutabilis, dispensabilis, affabilis, ac varia in variis provinciis: lex naturæ immutabilis, & ubique eadem. 4. *Ratione finis*: nam jus naturæ intendit bonum naturæ rationalis qua talis: lex positiva bonum reipublicæ.

Differt etiam lex positiva a jure gentium: nam jus gentium non est ex, sed usu gentium & pactione coalescit, habetque pro fine felicitatem socialis vitæ diversarum gentium ac nationum. Neque promulgatur per vocem alicujus legislatoris: sed per traditionem usus & observantiae.

Est autem Jus positivum aliud *Divinum*, quod nempe a Deo legislatore est conditum, & vel per se ipsum, vel per suos ministros, ut Angelos, Moysen, Prophetas, Evangelistas & Apostolos est promulgatum. Aliud vero *humanum* quod hominem legislatorem habet.

Utrumque vel est *affirmativum*, quo aliquid præcipitur: vel *negativum*, quo aliquid prohibetur. Jus Divinum ulterius dividitur in *vetus* & *novum*.

## SUMMARIUM.

1. Quid sit lex vetus.
2. Continebat præcepta moralia,
3. Ceremonialia,
4. Et Judicialia.
5. Ceremonialia & Judicialia sunt abrogata. Aliqua tamen rursus suscitata ab Ecclesia.
6. In veteri lege nullum fuit præceptum mere humanum, quia Moyses & Prophetæ tantum erant promulgatores legis.
7. An ante legem Mosaicam data fuerit lex positiva.
8. Quando lex vetus fuerit abrogata, ac mortua.
9. Quando facta mortifera.
10. Quid sit lex novi testamenti.
11. In ea non dantur nova præcepta moralia, nisi quæ oriuntur ex revelatione, aut pertinent ad sacramenta.
12. Lex nova positiva cepit obligare post Pentecosten: quia tunc facta est promulgatio.
13. Quinam sint libri Canonici Divini Juris.
14. Quomodo dividantur.
15. Septem libri propugnantur contra sectarios.
16. Variæ editiones Juris Divini seu S. Scripturæ.
17. Defenditur Vulgata latina.
18. An contineat errores.
19. Quid Ecclesia statuerit circa editiones vernaculas.
20. An singula verba novæ & antiquæ legis sint dictata a Spiritu sancto.
21. Explicantur varii sensus Divinæ legis.
22. De interpretatione Divinæ legis.
23. Necessarius Juxta.
24. De sacris Traditionibus.

QUÆ.



## QUÆSTIO I.

## De Jure Divino veteri.

1.  
Quid jus  
vetus?

Jus Divinum vetus est, quod Deus ante Christi nativitatem condidit & vel per Angelos, vel per Moysen, vel per Prophetas promulgavit populo Israelitico. Unde *lex vetus* seu *vetus testamentum*, in sacris videlicet libris veteris testamenti comprehensum dicitur.

Dixi autem: *Populo Israelitico*; nam solus ille tenebatur servare legem Mosaicam, non vero gentes aliæ, nisi quis ultro ad religionem Judaicam transisset. Reliquæ igitur gentes usque ad legem gratiæ jure naturali regebantur.

2.  
Continet  
præcepta  
moralia,

Erant autem in lege veteri triplicis generis præcepta, nempe *moralia* ad directionem morum secundum rectam rationem, ut sunt præcepta Decalogi: licet enim hæc præcepta moralia juris sint naturalis, ac proinde immutabilia & indispensabilia, tamen placuit Deo per leges etiam positivas ea repetere, ut obfuscatum per peccatum & passionem inordinatam intellectus clarius illa, vivacius, & efficacius proponantur & inculcentur.

3.  
Ceremonia-  
lia,

In altera classe erant præcepta *ceremonialia* circa diversos ritus ac modos cultus sacri, Deo exhibendi: ut de sacerdotibus, Levitis, festivitatibus sabbati, Paschæ, azymorum &c. de variis sacrificiis, hostiis, oblationibus, purificationibus. Atque hæc leges ceremoniales præcipue habentur in libro Levitici.

4.  
Judicialia.

In tertia classe sunt *Judicialia* seu *Forensia*, ad justitiam & politicam gubernationem populi Judaici spectantia, circa causas & negotia civilia & politica: prout in Exodo potissimum præscribuntur.

Porro præcepta moralia antiqui testamenti, e. g. præcepta decalogi, hodie vigent & obligant: non quidem quatenus sunt præcepta veteris legis, sed quatenus sunt præcepta juris naturalis, quæ abrogari nunquam possunt.

5.  
Ceremonia-  
lia & judi-  
cialia sunt  
abrogata,

Ceremonialia vero & judicialia post mortem Christi abrogata, exspirarunt: (nam *translato sacerdotio necesse est, ut etiam legis translatio fiat.* Hebr. 7.) Et quidem primo post mortem Christi sunt *mortificata*, ita, ut non amplius obligarent. Quia tamen Judæi non poterant statim a suis ritibus, quibus assueverant, avocari, aliquamdiu permilla sunt, donec coeperunt esse *mortifera* seu *illicita*. Unde S. Paulus ad Galatas tantopere invehitur in supersticiosos legis Mosaicæ observatores.

Aliqua ta-  
men rursus  
suscitata.

Aliqua tamen, e. g. circa decimas, consecrationem altarium, Dedicationem templi, circa jejunia, circa purificationem post partum, circa ducendas aut dotandas seductas virgines &c. a legislatore Ecclesiastico denuo sunt suscitata: & hinc etiam non amplius obligant ut præcepta Divina, sed tan-

tantum ut humana, (nisi simul lex naturalis concurrat) quia tantum a  
ure canonico, in quod sunt relata, vim legis habent.

Disputari hic solet, an in veteri testamento continetur præceptum  
aliquod mere humanum? Et respondetur communiter, nullum in eo  
contineri, quia Moyses & Prophetæ non fuerunt legislatores, sed  
tantum promulgatores.

Aliud est de libris novi testamenti, in quibus continentur aliqua præ-  
cepta mere humana: ut patet ex *cap. 15. act. Apost.* ubi Apostoli prohibent  
esum sanguinis & suffocati; & ex Epistolis S. Pauli, dum ait e.g. *ceteris ego*  
*lico, non Dominus*: uti etiam ex *Canonibus Apostolorum*, juri canonico infer-  
tis (quamvis in istis opus sit matura crisi, ut postea dicitur) constat etiam  
ex traditione Apostolica, quod ipsi jam Apostoli, tanquam Prælati  
Ecclesiarum, legem tulerint de celebranda die Dominica loco sabbat-  
i, de jejuniis quadragesimali, de bigamis non ordinandis &c.

Quæres 1. An ante legem Mosaicam data fuerit aliqua lex positiva?  
Resp. Data fuerunt aliqua præcepta seu leges particulares. Sic Deus pri-  
mis parentibus in paradiso dedit specialem legem non comedendi de ligno  
scientiæ boni & mali. Post lapsum vero datum fuit præceptum adhibendi  
aliquid remedium, quo etiam infantes purgarentur a peccato originali.  
Rursus ante legem scriptam quædam animalia habita sunt pro immundis:  
quibus ad sacrificia uti non licuit, quæ diversitas non est a lege naturali.  
Sicut neque præceptum illud post diluvium datum Gen. 9. *Carnem cum san-*  
*guine non comedetis*. Denique lex circumcisionis multo ante Moysen data  
est: nam Abraham jam fuit imposita Gen. 17. unde Joan. 7. dicitur, non  
esse ex Moyse, sed ex Patribus, atque sic plures leges particulares  
& singulares ante legem Mosaicam fuerunt.

Hæc tamen præcepta particularia non constituebant aliquam legem,  
ex pluribus divinis præceptis conflata, per quam homines in peculiari  
statu religionis a Deo instituti, atque ad unum corpus mysticum ac sacram  
empublicam, aut specialem Ecclesiam fuerint ordinati: sicut postea per  
legem Mosaicam, ac legem gratiæ fuerunt ordinati. Unde simpliciter  
dicitur, quod ante legem Mosaicam non fuerit data lex positiva, in-  
telligendo per legem collectionem præceptorum, ad statum aliquem  
certum religionis pertinentium.

Quæres 2. Quando lex vetus fuerit abrogata, mortificata, &  
acta mortifera?

Resp. Varias hic esse sententias, ut videre est apud Suarez *lib. 9. de le-*  
*gibus*. Ubi hanc questionem fuse pertractat. Atque imprimis aliqui do-  
cent, quando Christus prædicationem suam cepit, abrogatam jam esse le-

Pars II.

G

gem

6.  
In lege ve-  
teri nullum  
præceptum  
mere huma-  
num. Bene  
tamen in  
nova.

7.  
An ante le-  
gem Mosai-  
cam data sit  
lex positiva.

8.  
Quando lex  
vetus sit  
abrogata.



gem veterem: alii hoc factum volunt in ultima cœna, aut in morte Christi aut ejus resurrectione, aut ascensione.

Alii denique cum Suarez docent, quod id factum sit in festo Pentecostes: quæ sententia videtur reliquis probabilior. Ratio est: quia lex vetus non fuit ante abrogata, quam lex nova obligare cœpit: atqui ante Pentecosten non videtur lex nova obligasse: quia non constat, quod ante sufficienter fuerit promulgata. Igitur tunc in Judæa lex vetus abrogata est ac mortua, ut obligare cessaverit, ac postea successive in reliquis etiam provinciis, in quibus Judæi degebant, prout citius vel serius lex Evangelicæ in illis fuit promulgata. Postquam autem in omnibus provinciis sufficienter fuit promulgata, lex vetus ubique expiravit, & cœpit quoad præcepta ceremonialia, quorum pleraque erant typica ac figurativa Christi ac legis Evangelicæ, esse mortifera, ita, ut sine peccato observari amplius non poterint.

9.  
Quando  
mortifera.

Dixi autem: *In quibus Judæi degebant*: nam, ut supra memoratum, lex Mosæica solos Israelitas, & Profelytos, seu eos, qui se ultro Judæorum synagogæ aggregabant, obligaverat: consequenter tantum respectu Judæorum expirare poterat, non vero respectu aliarum gentium, utpote quam nunquam illa lege tenebantur; quamvis quoad ceremonialia respectu omnium hominum post promulgationem legis Evangelicæ cœperit esse mortifera. Dico, quoad ceremonialia: nam quoad judicialia pariter quidem est mortua, non tamen mortifera. Et hinc ab Ecclesia in aliquibus, e.g. quoad aliqua impedimenta matrimonii, decimas, & quasdam pœnas, est resuscitata.

## QUÆSTIO II.

### *De lege Divina nova.*

10.  
Quid lex  
nova?

Jus Divinum novum est illud, quod Christus novus legislator in testamento novo condidit, & per se ipsum & Apostolos promulgavit. Diversis autem compellatur nominibus: nam dicitur, *lex fidei, lex spiritus vitæ, lex Evangelica, lex gratiæ, lex amoris, lex nova, lex Christi.*

11.  
In lege nova  
non dantur  
nova præ-  
cepta mo-  
ralia,

Verfatur circa fidem, spem, charitatem, aliasque virtutes præcipientes: item circa ritus substantiales sacrificii & sacramentorum. Unde præcepta alia illius sunt moralia, alia ceremonialia: Judicialia vero in lege Christi sunt nulla: quia non instituit temporale regnum aut politicam rempublicam, sed Ecclesiam suam ad finem spiritualem per media spiritualia ordinatam. Moralia vero præcepta licet innovarit, & ad finem supernaturalem ordinavit, nova tamen non imposuit, quæ non jam prius jure naturali pro casu faciendæ revelationis fuerint lata. Sic semper data fuit obligatio naturalis credendi & amandi sanctissimam Trinitatem pro casu

factæ

Sacrae revelationis hujus mysterii. Quamvis ipsa revelatio sit ex voluntaria dispositione Dei, & sic dici possit pertinere ad jus Divinum positivum. Unde axiomatis instar habent Theologi in nova lege, exceptis iis, quæ ad revelationem & sacramenta pertinent, non contineri ullum præceptum Divinum, quod non sit naturale. Aliud est de Consiliis Evangelicis: nam talia a Christo noviter esse proposita, non est dubium.

Quæres, quando lex nova cœperit obligare? Resp. Ea, quæ Christus in prædicatione sua vel per aliam revelationem proposuit, aut præcepit, statim jure naturali tenebantur omnes audientes credere & facere, absque alia promulgatione. Lex autem Christi, quatenus est proprie lex positiva Divina ac universalis cœpit in Judæa festo Pentecostes obligare; quia illa die Jerosolymæ sufficienter promulgata est, & baptizmus re ipsa collatus, ut habetur act. 2. ac deinde juxta mandatum Domini successive in remotioribus provinciis, in quibus ab illo tempore Apostoli prædicarunt Evangelium.

12.  
Lex nova  
positiva cœ.  
pit obligare  
post Pente-  
costen.

### Q U Æ S T I O III.

#### De Libris Juris Divini.

Jus Divinum positivum in Sacra Scripturæ libris contineri, nemo Christianorum est, qui ambigat. Illud tamen jam olim in Ecclesia, & nunc maxime cum Novatoribus est controversum, quot & quanam sint illi libri, in quibus verbum Divinum comprehenditur. Et quidem quoad libros Novi Testamenti, licet Lutherus cum prima sua sobole plures e Sacra Scriptura extriverit, quos novis suis inventionibus minus oporturos viderat, videtur hodie non amplius magna esse controversia, cum etiam Protestantes passim 27. Novi Testamenti libros agnoscant, videlicet quatuor Evangelia, Actus Apostolorum a S. Luca conscriptos, quatuordecim S. Pauli Epistolas, duas S. Petri, tres S. Joannis, unam S. Jacobi (quæ Luthero erat straminea) unam S. Judæ, ac denique Apocalypsin (in qua pariter Lutherus, ut ipse loquebatur, Spiritum S. olfacere non potuit) de libro Job idem Lutherus in *colloquiis mensalibus tit. de lib. Vet. & Novi Test.* ait, eum esse velut fabulæ argumentum. De libro Ecclesiastis (quem tamen nunc omnes Protestantes recipiunt) loc. cit. dixit, illum sibi videri ocreis & calcaribus destitutum, & equitare tantum in foccis, sicut ipse sit solitus, dum adhuc esset in Monasterio.

Libros veteris Testamenti Catholica Ecclesia Canonicos agnoscit 45. ex quibus *legales* quinque libri Moysis, videlicet Genesis, Exodi, Levitici, Numerorum & Deuteronomii. *Historici* 17. nempe liber Josue, Judicum, Ruth, quatuor Regum, duo Paralipomenon, duo Esdræ, Tobiae, Judith, Esther, Job, & duo Machabæorum, *Sapientiales* quinque, sci-

14.  
Libri S.  
Scripturæ



licet liber Proverbiorum, Ecclesiasticis, Canticorum, Sapientiæ & Ecclesiastici. *Prophetici* 18. nimirum quatuor Majorum Prophetarum, Isaïæ, Jeremïæ, Ezechielis & Danielis, 12. Prophetarum Minorum, & liber Psalmorum Davidis.

Inter libros Novi Testamenti *legales* sunt 4. libri Evangeliorum. *Historicus*, liber Actuum Apostolorum. *Sapientiales*, Epistolæ Apostolorum. *Propheticus*, liber Apocalypsis.

15.  
Defendun-  
tur contra  
Novatores.

Calvinistæ & etiam aliqui Lutherani rejicere solent e numero librorum Canonicorum septem libros veteris Testamenti, nempe librum *Baruch*, *Tobia*, *Judith*, *Sapientiæ*, *Ecclesiastici*, & duos libros *Machabæorum*. Hos verbi Divini hostes fuisse refutavi in *Reflexionibus meis super libros Præconum Tigurensium* parte 2. quæ tota tractat de verbo Dei; & præsertim in *Apologia mea* parte 2. observat. 15. Ubi hanc quæstionem de septem dictis libris contra D. Joannem Heideggerum ex instituto tractavi.

Ita videlicet nos erudit Sancta Mater Ecclesia, *Magistra, columna & firmamentum veritatis*, ædificata *supra Petram*, contra quam portæ inferi non prævalerunt: cui Spiritus S. ex promisso Christi suggerit omnia & docet omnem veritatem; cui Christus cum Spiritu S. assistit usque ad consummationem Sæculi. Hæc Christi Ecclesia, fallere ac falli nescia, in Concilio Tridentino congregata hunc Canonem ac numerum librorum, quibus verbum Dei continetur, definivit. Tridentinum eum canonem accepit a Concilio Oecumenico Florentino, in Decreto Eugenii IV. pro Instructione Armenorum confecto. Eugenius eundem accepit a Concilio Romano sub Gelasio Papa celebrato. Gelasius a S. Augustino lib. 2. de Doctr. Christ. cap. 8. S. Augustinus a Concilio Carthaginensi III. can. 47. Hoc Concilium a S. Innocentio I. scribente jam ante tot sæcula ad Exuperium Tolosanum Episcopum cap. ult. libros 72. prædictos, ut Divinos in Ecclesia esse suscipiendos, secundum traditionem ab Apostolicis temporibus in Ecclesia Romana conservatam. Quam regulam nisi adhibeant Protestantes, probare nunquam poterunt, alios libros e.g. Canticorum esse vere Divinos, & a Spiritu S. dictatos.

Quare non obstat, quod dicti septem libri non sint in Canone Judæorum. Nam, ut bene ait Cardinalis Hosius, non Canon Hebræorum, sed Canon Ecclesiæ Catholicæ Canonicas facit scripturas. Neque obstat, quod fortassis etiam quidam ex Patribus ante Innocentium I. dubitarint. Nam post Ecclesiæ decisionem nullus amplius dubitavit. Deinde dubitarunt etiam quidam de Epistola ad Hebræos, Jacobi, Judæ, secunda Petri, secunda & tertia Joannis. Et tamen Protestantes plerique hodie illas ut vere Divinas & Canonicas agnoscunt. Denique qui dicere visi sunt, libros illos non esse Canonicos, intelligi possunt, tantum asserere, eos non exstare

in Canone Judæorum, & a Judæis non haberi pro Canonicis. Non autem, quod ex proprio sensu eos rejecerint. Certe plures Patres, quos Protestantes contra eos libros solent afferre, præcise narrant, eos non esse contentos in Canone Hebræorum: qui libros numerarunt secundum 22. litteras alphabeti Hebraici. S. Hieronymus sententiam suam, quam in prologo galeato proposuerat, retractavit, ut videre est in præfatione ad Judith.

#### Q U Æ S T I O IV.

##### De Editionibus S. Scripturæ.

Quæres, quænam sit authentica Sacræ Scripturæ editio? R. Libri veteris Testamenti omnes primitus sunt scripti lingua Hebraica; exceptis Tobiae, Judith, Esdræ, Danielis, qui Chaldaice scripti sunt: & secundo Machabæorum, cujus originale Græcum fuit. Novi Testamenti vero libri primitus Græce sunt scripti, excepto Evangelio S. Matthæi, quod Hebraica, vel potius Syriaca lingua, apud Judæos tunc communi, scripsit. Quod idem quidam putant de Epistola S. Pauli ad Hebræos. Evangelium Marci quidam existimant Romæ Latine scriptum.

Autographa seu originalia hodie non amplius exstant: sed tantum habentur apographa, seu exemplaria diversarum editionum, in variis linguis; putantque aliqui, libros ante captivitatem Babylonicam scriptos, fuisse repperditos, & post captivitatem ab Esdra dictatos ex memoria. Quod tamen non satis videtur credibile.

Enata deinde est editio Chaldaica, Syriaca & plurimæ Græcæ, quarum prima ac præcipua fuit 70. *Interpretum*; nam 72. seniores Hebræi in insula Pharos in Ægypto, jussu Ptolomæi Philadelphi Testamentum verbum ex lingua Hebraica in Græcam verterunt, optima quidem fide, ut adeo illa editio semper usa sit Ecclesia Græca, & ad 600. ferme annos Latina. Sed editio ista non permansit pura, teste S. Hieronymo in præfat. ad Par.

Alteram suscepit Aquila Ponticus, homo impius, nec bona fide, (anno 130.) tertiam Theodotion Ephesinus, homo ejusdem furfuris, primum Samaritanus, deinde Judæus, tum Christianus, denique Ebionita, (anno 200.) quintam & sextam assignant anonymam, sine nomine nempe auctoris.

Septima est Origenis, qui priores editiones collegit, & in totidem columnas distinxit, addita etiam sua editione. Octava Luciani Martyris, nona Hesychii, quæ in Ægypto erat celebris. Versiones Latine multo plures fuerunt, inter quas tamen duæ eminuerunt: una antiqua incerto auctore, quam aliqui Italiam, alii communem dixere, alii vulgatam, magnæ autoritatis.

16.  
Variæ editiones.



17.  
Editio Vul-  
gata Latina.

Altera celeberrima suscepta est a S. Hieronymo, qui iussu Papæ Damasi vetus Testamentum ex Hebraico in Latinum vertit; novum verum Testamentum a mendis, per tot versiones & librariorum incuriam, inspersis, integrum & illime reddidit. Cumque orirentur controversiæ, quænam ex istis duabus, *antiqua* nempe & *Hieronymiana*, esset præferenda, utraque in unam coaluit, libris aliquibus ex antiqua, aliis ex nova S. Hieronymi desumptis: distaque est hæc Editio *Vulgata*, ab Ecclesia recepta, & sequentium sæculorum usu perpetuo conservata; quamque Concilium Tridentinum sess. 4. definivit esse authenticam, ut eam nemo, quovis prætextu rejicere præsumat.

Bellarminus *lib. 2. de verbo Dei cap. 9.* censet, nos in editione nostra vulgata libros Novi Testamenti habere ex antiqua versione, quam tamen S. Hieronymus emendavit ab erroribus, qui irreperant successu temporis. Psalterium desumptum esse ex versione S. Luciani, Presbyteri Antiocheni & Martyris, a S. Hieronymo pariter emendatum. Libros Sapientiæ, Ecclesiastici & Machabæorum probabiliter non esse ex versione S. Hieronymi, sed ex editione antiqua. Reliqua omnia nos habere ex versione S. Hieronymi.

Defenditur.

Cum igitur hanc editionem nostram *vulgatam latinam* tanquam authenticam agnoscant SS. PP. ut S. Augustinus *lib. 2. de doctr. Christ. S. Ilidorus lib. 6. Etymol. c. 5. S. Gregorius l. 20. moral. c. 24. Sophronius l. 1. de Divini Offic. S. Bernardus, S. Anselmus, Venerab. Beda, S. Petrus Damiani &c.* Sicut etiam alii Ecclesiæ Doctores, Richardus a S. Viçt. Rupertus, Haymo, Hugo, Alexander de Ales, Albertus M. S. Thomas, Scotus, S. Bonaventura, eamque tot commentariis illustrarint, populo prædicarint: & præcipue cum Ecclesia catholica eam tanquam authenticam seu originali conformem definiverit, ac fidelibus proposuerit, dubitare prudens nemo potest, quænam editio sit præferenda. Certe S. Augustinus in epist. fundament. c. 5. afferere non dubitavit: *Evangelio non crederem, nisi me Ecclesia commoveret auctoritas*, quid sectarios permoveat, ipsi viderint. Hoc certum, quod ex suis principiis neque probare possint, in quibus libris continetur verbum Dei, neque quænam inter innumeras atque inter se omnino dissimiles & pugnantes editiones, sit vera, authentica, & incorrupta, ut satis ex eorum inter se dimicationibus, exemplo Bezae & Castalionis, susceptis, totque diversissimis versionibus, quolibet alterius inventiones repudiante, constat. Atque sic deficiente ipso fundamento, quam desperato & insanabili scepticismo eorum ædificium superstructum esse oporteat, nemo oculatus est, qui non videat. Et licet de fide integra interpretatione constaret, unde constare ipsis potest, quod interpretes authenticum exemplar verterit, in tanta exemplarium multitudine ac varietate?

Obji-

Obijciunt equidem nobis, etiam in Vulgata nostra reperiri errores, eosque irrito labore corrigere conatos esse Sixtum V. & Clementem VIII. <sup>18.</sup> An continetur verum in iis, quæ pertinent ad fidei, aut morum doctrinam, in illa contineri errorem probari nunquam potest; quo sensu tanquam authenticam Concilium Tridentinum nobis illam proposuit. Errores, quos Sixtus & Clemens emendarunt, fidei ac morum doctrinam non infecerant; sed per descriptiones & typos varios tantis temporum spatiis errores quidam in rebus ad fidem & mores non pertinentibus irrepserant, quos dicti Pontifices per viros doctissimos emendari curarunt, ita quidem, ut correctionem istam Sixtus cœperit, Clemens vero absolverit, unde non nisi per calumniam dici potest, laborem eum fuisse irritum. Certum nobis omnino est, certos nos reddente publica voce Ecclesiæ, in Vulgata nostra nihil fidei, moribus, aut veritati historiæ repugnans, neque quidquam aliud falsum, aut contradictorium contineri, quo minus vera, & certa atque indubitata fidei ac morum regula nobis esse possit. Quid sectarios certos reddat, jam dudum solida expectatur responsio. Unde norunt editiones Hebraicas & Græcas esse incorruptas?

Jam vero, quod ad editiones vernaculas seu vulgares e. g. Germanicam, Gallicam &c. spectat, duo ab Ecclesia sunt prohibita; 1. Ne in publico Ecclesiæ usu, præsertim in Missa, legatur S. Scriptura in lingua vulgari. 2. Ne vulgares versiones S. Scripturæ omnibus indiscriminatim legi permittantur: eo quod ex hominum temeritate plus detrimenti, quam utilitatis inde oriri soleat. <sup>19.</sup> De editionibus vulgari-  
bus vulgari-  
ribus.

Quæri hic solet, an singula scripturæ sacræ verba a Spiritu S. sint dictata? Censent enim aliqui, non solum res & sententias, sed etiam singula verba usque ad minimos apices a Spiritu S. esse dictata. 1. Quia Prophetæ passim dicunt: *Factus est sermo Domini ad me dicens*: vel: *hæc dicit Dominus &c.* 2. Quia *omnis scriptura divinitus est inspirata*. 3. Quia SS. PP. asserunt, singulas syllabas & apices summopere esse æstimandos. 4. Quia tota scriptura est verbum Dei.

Alii tamen putant, non singula verba a Spiritu S. esse dictata, sed ab ipsius scriptoribus sacris ad libitum expressa: verbis scilicet, quibus placuerit, assistente tamen Spiritu S. & providente, ne quid falsum, vitiosumve irreperet. Si enim, ut inquirunt, singula verba essent a Spiritu S. dictata, imprudenter imo impie egisset scriptor libri secundi Machabæorum, quod in fine hujus libri veniam petierit, si quid minus digne scripserit. Neque S. Paulus 2. Cor. 11. de se ipso dixisset: *imperitus sermone, sed non scientia*. Neque S. Lucas initio sui Evangelii dixisset, se scripturum, sicut audivit ex ore Apostolorum; *sicut tradiderunt nobis, qui ab initio ipsi viderunt & ministri fuerunt sermonis*. Sed dixisset, se scripturum omnia verba, sicut Spiritus S. dictavit. <sup>20.</sup> An singula verba sine dictata a Spiritu S.



dictavit. Et cur diceret S. Paulus 1. Cor. 7. *Ceteris dico ego, non Dominus* cur diverso adeo stylo scripturæ libri essent scripti, si singula verba & syllabæ, ut ajunt, a Spiritu S. essent dictata?

Possset fortassis utrique sententiæ aliquid dari ac dici, quodd sæpe ipsi verba Spiritus S. scriptoribus sacris suggesserit & dictarit: aliquando tamen tantum sensum & sententiam, permisso prophetæ arbitrio, quibus verbis vellet sententiam efferre, cum assistentia tamen, ne quid falsi aut incongrui irrepat. Sic enim videntur facilius solvi difficultates, in utramque partem propositæ. Cum sic propriissime sumantur verba illa: *Hæc dicit Dominus: factus est sermo Domini ad me &c.* Deinde explicatur etiam cur scriptores potuerint petere veniam propter styllum & verba, minus digna majestate sententiarum rerumque, quas Spiritus S. suggessit.

Neque tamen sequitur, quod, si aliqua tantum ex assistentia Spiritus S. sint scripta, non sit discrimen inter sacram scripturam & Ecclesiæ definitiones, utpote quæ pariter fiunt assistente Spiritu sancto. Nam discrimen est, tum quod in S. Scriptura multa sint ipsissima verba a Deo dictata: tum quod verba scripturæ omnia, in re etiam minima, sint prorsus infallibilia cum omnia firmentur assistentia Spiritus S. contra vero Ecclesia tantum infallibilis est in doctrina fidei, & morum, atque in iis, quæ pertinent ad salutem, non autem in quibuslibet rebus aliis. Cæterum multi sunt Theologi, qui docent, locutionem Ecclesiæ esse locutionem & verbum Dei. Deinde etiam traditiones Divinæ appellantur *verbum Dei*. Et tamen non ipsa verba Spiritus sancti, sed res ipsa & sententiarum sensus tantum per sæculorum propagationem fuit ad nos transmissus. Dicitur proinde in tota scriptura poterit verbum Dei, suntque singula verba summe æstimanda, quia cum speciali assistentia Divina sunt scripta.

### QUÆSTIO V.

*De interpretatione S. Scripturæ.*

21.  
Varii sensus  
S. scriptu-  
ræ.

Quæres denique, quo sensu & interpretatione Jus Divinum sit intelligendum? R. Sensus scripturæ alius est *litteralis* seu *historicus*, quem voces juxta suam institutionem proprie sonant. Alius vero sensus est *spiritualis* seu *mysticus*: quem res ipsæ per voces significatæ habent. Deus enim non tantum immediate per verba, sed etiam per res ipsas nobis loquitur.

Si sensus mysticus per verba significatus versetur circa fidem, & Ecclesiam militantem, dicitur *allegoricus*. Si pertineat ad morum instructionem, & officia charitatis, *tropologicus*, aut *moralis*. Si vero respiciat Ecclesiam triumphantem, & vitam æternam, quam speramus, *anagogicus* appellari consuevit: juxta versiculos illos:

*Litte-*

*Littera gesta docet : quid credas, allegoria :*

*Moralis, quid agas : quid speres, anagogia.*

Sic dicunt, per vocem *Jerusalem* litteraliter significari urbem Palæstinæ : allegorice Ecclesiam : tropologice animam justī : anagogice cœlestem patriam. Item per verba illa *fiat lux* litteraliter lumen naturale, initio mundi productum : allegorice Christum, qui est lux illuminans omnem hominem : tropologice gratiam & Spiritum S. qui est lumen cordium : anagogice lumen gloriæ, quod precamur defunctis : *Lux perpetua luceat eis.*

Dices : sensus litteralis sæpe est falsus, e. g. Dum Christus dicitur vitis vera, agnus, petra, ostium, lapis angularis &c. Deinde S. Paulus 2. Cor. 3. dicit, quod *littera occidat*. R. Sensum litteralem grammaticalem quandoque falsum esse, & occidere, non autem litteralem Theologicum, nempe primario & per se a Spiritu S. intentum, & hinc, dum Christus dicitur vicis &c. sensus litteralis Theologicus est metaphoricus & improprius, primario hic intentus. Ex quo patet, sensum litteralem alium esse proprium, alium improprium seu metaphoricum & figuratum.

Præter litteralem & mysticum sensum, concionatoribus præsertim familiaris est sensus *accommodatius*, qui scilicet non est a Spiritu S. intentus, sed ab oratore applicatur & accommodatur rei alicui. e. g. Quando ea, quæ in scriptura dicuntur de Abrahamo aliisque Patriarchis, applicantur Fundatoribus Ordinum.

Acatholici nostri temporis, cum judicem controversiarum fidei & interpretem S. Scripturæ infallibilem nullum habeant, asserunt, S. Scripturam per se ipsam esse clarissimam : ut adeo supervacaneum sit, ejus sensum interpretando, lumen in meridie accendere, & solis radios velle illustrare.

*Scriptura in multis locis obscura.*

Verum si hoc ita est, cur tot ortæ sunt & hodie dum oriuntur controversiæ, quomodo diversi scripturæ textus sint intelligendi ? Cur Ariani, Nestoriani, Eutychiani, Montanistæ, Donatistæ, alique hæretici conati sunt ex S. Scriptura suas hæreses adstruere, sicut hodie Calvinistæ, Lutherani ? Cur tot contentiones inter Novatores, inter Lutherum & Zwinglium, Arminianos & Gomaristas ? Cur tanta sectarum colluvies, ad quid innumeræ scripturæ translationes, explicationes, postillæ ? Cur ultra 80. diversæ interpretationes hujus textus : *Hoc est corpus meum* ? An Lutherus, an vero Zwinglius ad tantam lucem cæcavit ? Cur Apostoli sæpius Jerosolymæ congregati ? Ad quid primitivæ jam Ecclesiæ tot Concilia ? Ad quid tot libri SS. PP. in S. Scripturam ? Cur Act. 8. Evnuchus Regi-  
næ Candacis ait, se non intelligere Isaiam Prophetam ? Cur Lucæ ult.



duo discipuli in via ad castellum non intellexerunt sensum scripturarum, donec Christus illas explicavit? Cur S. Petrus *Epist.* 2. c. 3. ait, in Epistolis Pauli esse quædam difficilia intellectu? Cur in eandem sententiam passim concessere SS. Patres? Cur in conciliandis Scripturæ locis tantopere laborarunt? Cur in multis hodieum non potest conveniri, parte una huc, parte altera illuc trahente ferram?

23.  
Ac proinde  
cessarius ju-  
dex contro-  
versiarum.

Voluit nimirum Deus frangere humanam superbiam, eoque impellere, ut illius se institutioni subdat, quem gregem suum Doctrinæ pabulo jussit pascere, ut alieno ductu egeat mortalis infirmitas, ejusque se disciplinæ tradat, cui cœlesti munere Sancta Sanctorum est datum ingredi.

Hæc æternæ mentis consilia qui præterit, in scepticismum insanabilem ruat, necesse est. Hinc desperata apud A catholicos in controversiis scripturæ textibus certitudo, atque dubitatio sine remedio. Totam videlicet suppellectilem suam si excusserint, nihil inde certi atque indubitati in dogmatibus nobiscum controversiis prolicient. Sed aut uni spiritui suo privato cum innumeris aliis spiritibus pugnant, amore profecto sui nimio, oportet confidere, aut a cæco ductore, cui nulla doctrinæ infallibilis promissio, expectare ductum. Quæ res quam sit deploranda in salutis æternæ negotio, quis non videt? Fidenter assero, nisi Ecclesia ejusque summus Præsul tanquam infallibilis controversiarum judex audiatur, quando de ipsius S. Scripturæ intellectu est disceptatio, nullum esse controversiis finiendis, aut dubitationi persanandæ remedium; sed tristi incertitudini in rebus fidei relinquenda salus. Neque inde te extricabis, si scripturam cum scriptura, textum cum textu contuleris; cum innumeris semper ingeniis aliud quam tibi videatur, nullusque de veritate ac sensu certo sibi blandiri possit: eo quod deserta columna & firmamento veritatis nitaris contra eum sensum, quem tenuit & tenet Sancta Mater Ecclesia, cujus est judicare de vero sensu, & interpretatione Scripturarum Sanctorum.

## Q U Æ S T I O VI.

*De Jure Divino non - scripto.*

24.  
Sacra Tradi-  
tiones sprete  
a Novatori-  
bas,

Sicut præter leges positivas humanas dantur consuetudines & antiquæ observantiæ, quæ vim legis habent, dicunturque lex non scripta, ita etiam præter legem positivam Divinam, in tabulis utriusque testamenti scriptam, datur lex Divina non scripta; cum eo tamen discrimine, quod lex humana non scripta ex moribus hominum ducat originem, & accedente consensu legislatoris humani in vim legis convalescat, Jus Divinum vero non scriptum natales debeat ipsi legislatori Divino, qui legem tulit, aut Sacramentum instituit, aut veritatem quandam definivit verbo suo sanctissimo, non quidem libris Canonicis S. Scripturæ inserto, sed tamen

tamen ab Apostolis ex Christi ore excepto, aut Apostolis a Spiritu S. dictato, ac deinde per Apostolos eorumque successores tradito, & continua propagatione de manu velut ad manum ad nos usque transmissio.

Hoc jus Divinum non scriptum, sed traditum inficiantur quidam hodierni Novatores, exemplo Arianorum, teste S. Augustino *libr. 1. contra Maxim.* Pelagianorum, teste eodem Augustino *Tom. 7. contra Pelag. cap. 31.* Nestorianorum, teste Concilio Ephesino, Eunomianorum teste S. Basilio *libr. de Spiritu S. cap. 27.* Euthychianorum, Donatistarum aliorumque hæreticorum, quos primitiva damnavit Ecclesia, prætexentes pariter, se spretis humanis inventis, ut loquebantur, uni verbo Divino per sacram Scripturam nobis manifestato insistere. Falso omnino atque maligne.

Nam per legem suam non scriptam ab origine mundi gubernavit Deus humanum genus, qua enim alia ratione Conditor ille noster Divinus summusque legislator orbem terrarum rexit ante diluvium? Qua alia post illud ad legem usque Mosaicam? An non credebant temporum illorum fideles Deum Authorem vitæ æternæ bonorumque supernaturalium, venturum Redemptorem, mortuorum ad vitam transitum, remedium aliquod peccati originalis provisum parvulis, & etiam post promulgatam legem Mosaicam remedium peccati pro foemellis, ac masculis quoque, ante octavum vitæ diem demortuis?

Hæc profecto omnia multaque alia credebant, non jure naturæ dictante, sed Divina traditione facem præferente. Unde illa Moysis exhortatio Deuter. 32. *Memento dierum antiquorum, cogita generationes singulas: interroga patrem tuum, & annuntiabit tibi: majores tuos, & dicent tibi.* Certumque omnino est, populum illum electum post latam etiam legem positivam Mosaicam, lege tamen etiam tradita fuisse adjutos.

Consonant antiquis legis novæ Divina placita. Quam enim sollicite Gentium ille magnus Apostolus Thessalonicensibus suis traditionum observationem commendat: *Tenete traditiones, quas didicistis sive per sermonem, sive per Epistolam nostram.* 2. Thess. 2. Ecce! Quam dilucide S. Doctor inter ea, quæ per scripturam, & quæ per sermonem seu verbum non scriptum acceperunt, distinguat, & utrisque morem gerere præcipiat.

Et quid aliud significant pathetica illa verba, quibus S. Joannes suum clausit Evangelium: *Sunt autem & alia multa, quæ fecit JESUS: Quæ si scribantur per singula, nec ipsum arbitror mundum capere posse eos, qui scribendi sunt, libros.* Multa igitur non esse scripta fateri necesse est, quæ tamen Apostoli aut oculis usurpata, aut ex Christi ore auribus percepta, viva voce gentibus prædicarunt, secundum Magistri sui Divinissimi monitum: *Do-*

25.  
At semper in  
Ecclesia vi-  
guerunt,

26.  
Ab ipsa sacra  
Scriptura  
commenda-  
ta,



*cete, prædicato.* Et nunquid ita prædicarunt Apostoli, antequam Evangelia, aut epistolæ S. Pauli aliorumque Apostolorum fuerunt scriptæ? Evangelium Joannis primum scriptum fuit anno Christi 99. & quidem ex occasione illa duntaxat, quod Asiæ Episcopi eum rogarint scribere ad adstruendam Christi Divinitatem adversus Ebionis & Cerinthi hæresin. Quo ergo ex fonte ante Evangelium illud scriptum hauserunt fideles doctrinas in illo contentas, nisi ex prædicatione & traditione Apostolica?

Christus post gloriosam suam anastasin per 40. dies apparuit Apostolis, loquens de regno Dei, ut Actuum Apostolicorum perhibet historia: ubinam vero omnia illa sunt scripta, quæ tanto tempore locutus est Jesus? an nullam illis reverentiam debent Christianæ mentes? Profecto, si etiam Andreas, Bartholomæus, Philippus, Thomas, Mathias scripsissent Evangelium aut Epistolas, haberemus multa: quæ nunc viva voce ab ipsis prædicata per traditionem Apostolicam ad nos descenderunt.

27.  
Et a SS. PP.

Piget in hanc rem, manifestam adeo certamque, conglomerare evidentiissima Patrum testimonia, quæ ubique confertim in oculis incurrunt. Qui tanta in luce non videt, consulat S. Basilium *libr. de Spiritu S. ad Anphil. c. 27.* S. Augustinum *libr. 2. Bapt. contra Donat. c. 7. & Epist. 118. ad Januarium c. 1.* S. Ignatium apud *Euseb. Hist. Eccles. l. 3. c. 35.* juxta editionem Basileensem. Dionysium Areopagitam *Hierarch. Eccles. c. 1.* Cyrillum Hierosol. in *Catech. mystag.* Irenæum *adversus hæreses l. 3. c. 2. 3. & 4.* Clementem Alexandrinum *libr. de pasch.* Origenem in *Epist. ad Rom. Greg. Naz. Orat. 1. in Jul.* Athanasium *libr. 1. de Decretis Concil. Nic. Cyprianum l. 1. Epist. 12.* Ambrosium *l. 1. de iis, qui initiantur.* Hieronymum in *Epist. ad Marullam.* Epiphanium *hæresi 55. & 61.* Damascenum *l. 4. c. 17.*

Hi omnes, alique innumeri, claris adeo sententiis veritati huic, apud ipsos indubitata, suffragium ferunt, ut solaribus radiis scriptæ videantur. Verbum illis scriptum & traditum ejusdem est authoritatis: quia utrumque est verbum Dei. Multa non esse scripta, quæ tamen jugi traditione ad posteros transmissa apud Ecclesiam custodiantur deposita, unanimis illorum vox est.

Eadem est Conciliorum pariter, ut Concilii Nic. aët. 7. Concilii Generalis 8. aët. 8. Trid. sess. 4. imo primæ jam Concilia non tantum ex verbo scripto, sed etiam, atque potissimum ex verbo tradito, confutarunt, ac damnarunt hæreses, teste Theodoro *l. 1. Hist. c. 8. &c.*

28.  
Ab Acatolicis immerito  
interpretæ.

Certumque mihi est, hodiernos Novatores præcipua etiam Religionis Christianæ mysteria contra veteres hæreticos probare non satis posse, nisi Divinas & Apostolicas traditiones in subsidium vocent: præsertim si hæretici ipsorum more scripturas in perversum suum sensum, quantumvis  
invi-

invitas, detorqueant. Multis hoc exemplis demonstratum dedi in libello de verbo Dei cap. 9. Quid ? ne ipsos quidem libros S. Scripturæ probare possunt, nisi ope traditionis. Si enim quæras ex ipsis, unde sciant, tot libros, nec plures nec pauciores, esse veteris testamenti, librum e. g. Canticorum, librum Ruth &c. esse vere Biblicos, respondebunt, id constare ex eo, quod in Canone Hebræorum sint numerati. Ecce traditionem, & quidem mere Judaicam ! si tanti hæc valet, quid valere debet traditio Ecclesiæ Christianæ, quæ est columna & firmamentum veritatis ? 1. *Timoth.* 3.

Quæso ! ubi clare scriptum, quod baptismus ab hæreticis collatus, sit validus ? Profecto S. Stephanus Papa, & S. Augustinus *l. 2. contra Doct. nat. c. 7.* hoc dogma ex traditione adstruxere : ubi clare expressum in S. Scriptura, baptismum iterari non posse, Christum descendisse ad inferos, Beatissimam Dei Genitricem fuisse virginem ?

Si traditioni non est standum, cur A catholici loco sabbati, in lege præcepti, colunt Dominicam ? cur non celebrant Pascha decima quarta luna cum Judæis, ut pariter scriptura præcipit ? cur vescuntur sanguine, cum tamen etiam in lege nova Act. 19. sit vetitum ? Certe, adeo ipsis etiam in multis necessarius est recursus ad traditiones, ut nulli incidisset eas impugnare, nisi viderent, novellas suas ideas & conficta religionis systemata per illas penitus convelli. Sed plane nituntur contra S. Scripturam, contra Divina oracula, contra reverentiam Deo loquenti debitam, contra Conciliorum decreta, contra Patrum testimonia, contra se ipsos, contra perpetuam doctrinam ac definitionem Ecclesiæ, quam, tanquam magistram veritatis, qui non audierit, sit sicut Ethnicus & Publicanus.

Neque tamen, quod verbo etiam tradito deferamus obsequium, verbo scripto quidquam detractum imus. Stat utrumque sacrosanctum, stabitque in æternum ; disponente ita Domino, ut utriusque ductu ad portum vitæ illius interminabilis provehamur.

Sed neque est, cur nobis objiciant, aniles nos fabulas sectari. Nam non cuilibet traditioni assurgimus : sed Divinis duntaxat Apostolicis atque Ecclesiasticis, quas videlicet S. Mater Ecclesia severa crisi, acri consilio, maturo judicio nobis proponit. Quare nihil contra nos pugnant, quæ in sacris litteris contra traditiones dici videntur : illa enim non dicuntur contra traditiones Divinas, Apostolicas, aut Ecclesiasticas, sed contra frivolas, vanas, superstitiosas, quas toto corde detestamur.





## CAPUT IV.

*De Jure Apostolico.*

## SUMMARIUM.

1. Quid sit Jus Canonicum?

2. Ejus causa, ac dignitas.

## QUÆSTIO I.

De constitutionibus Apostolorum.

3. Afferuntur authores rejicientes constitutiones Apostolorum tanquam supposititias.

4. Auctores pro illis certantes.

5. Non sunt ab Apostolis traditæ, ut in illis octo libris continentur, neque a S. Clemente conscripti, quia altum apud veteres earum silentium, etiam in controversiis maximis, quæ per eas illico potuissent dirimi.

6. Imo vocantur apocryphæ a S. Athanasio, Gelasio, Humberto, Bessarione.

7. Continent plura falsa.

8. Observatio in Criticam Alexandri Natalis.

9. Sunt tamen valde antiquæ,

10. A S. Epiphanio laudatæ,

11. Continentque multa utilia.

12. Recensetur summam, quid continent. Quorum plura probabiliter per traditionem ab Apostolis descendunt.

13. Et quamquam olim fuerint pura:

14. Postea tamen fuerunt corruptæ ab Arianis, Macedonianis &amp;c.

15. Continentque errores de baptismo, festis &amp;c.

16. Plures tamen errores falso illis imputat Alexander Natalis.

17. Quid verius ipsis objici possit?

## QUÆSTIO II.

De Canonibus Apostolorum.

18. Afferuntur argumenta contra istos Canones.

19. Canonistæ tamen illos agnoscunt authenticos.

20. Critici vero inter se sunt divisi.

21. Afferitur opinio Natalis, maxime illis inimica.

22. Ante medium tertii sæculi fuerunt incogniti.

23. Alias non fuisset orta controversia de Paschate, baptismo &amp;c.

24. Tertulliano incogniti,

25. Et Origeni,

26. Sunt tamen antiquissimi. Et jam sub finem sæculi tertii, aut initium quarti in Ecclesia cogniti.

27. Quod contra Natalem, Dumesnilium, &amp; Annatum probatur auctoritate Petri de Marca, Baluzii, Albaspinei, Pagii &amp;c.

28. Sententia Natalis a censoribus reformata.

29. Hos Canones jam allegavit Constantinus M. &amp; Concilium Nicænum primum.

30. Ecclesia Græca omnes 84. recipit: Romana autem tantum primos 50.

31. Ex quibus aliqui commode debent explicari.

32. Quinam apertius rejiciendi?

33. Pro-

32. Probabilius neque ab Apostolis sunt editi, neque a S. Clemente conscripti: ut patet ex Gelasio Papa.
34. Refutatur responsio Turriani, Belarmini & Baronii.
35. Roboratur assertio pluribus argumentis.
36. A diversis Conciliis editi, successively ab Ecclesia recepti, invaluerunt.
- QUÆSTIO III.
- Quænam certa habeantur ex Jure Apostolico?
37. Petrus Primatus officio functus in electione S. Mathiæ.
38. An hæc sortibus proprie dictis sit peracta?
39. Electio septem Diaconorum qualis?
40. Illorum officium etiam ministrandi sacræ mensæ, & quidem præcipuum.
41. Quid Agapæ?
42. Confirmationis Sacramentum a Petro & Joanne collatum Samaritanis baptizatis,
43. Et quidem cum usu chrysinatis.
44. Confirmatio certo est Sacramentum.
45. Editio symboli Apostolici.
46. Controversia Antiochena de Legalibus?
47. Definita in Concilio Jerosolymitano Præsede Petro.
48. Quinam in eo fuerint præsentēs?
49. Quid olim nomine Episcoporum sit intellectum?
50. Potestas Episcoporum major, quam Presbyterorum.
51. Concilium Apostolorum Antiochenum supposititium.

Ecclesia Dei duplici jure regitur in terris: Divino, quod superiori capite exposuimus, & Canonico, de quo in præsentī tractandum. Hinc in Conciliis duplex codex prolatus, sacræ videlicet scripturæ & Canonum. Primus potissimum erat usui ad decidendas fidei controversias, adhibitis etiam in auxilium sacris traditionibus; Canonum vero codex ad faciendam confirmandamque Ecclesiæ disciplinam.

Igitur post explicatum Jus Naturæ, Gentium ac Positivum Divinum, ad Humanum descendimus, atque imprimis ad Jus Canonicum, quod <sup>1.</sup> Quid Jus Canonicum? nihil aliud est, quam Collectio sacrorum Canonum, seu regularum (nam Canon Regulam significat) quas Ecclesia preponit ad dirigendas actiones orthodoxi populi ad cultum Divinum vitamque christianam, in ordine ad obtinendum ultimum finem seu felicitatem supernaturalem.

Unde etiam Jus Sacrum, Jus Apostolicum, Jus Ecclesiasticum, aut Jus Pontificium, & aliquando etiam Jus Divinum, ut c. cum de diversis 2. de privilegiis 6. appellari consuevit.



2.  
Ejus causa.

Ex qua descriptione patere videntur causæ Juris Canonici: nam causa illius *efficiens* sunt Concilia œcumenica ac summi Pontifices, qui in Ecclesia Dei supremi Principis locum obtinent, quorumque autoritate latum vel approbatum, & per epistolas decretales, constitutiones & rescripta legitime promulgatum fuit. Unde etiam illi Canones, qui ex decretis Conciliorum particularium, aut sententiis SS. Patrum, aut ex legibus civilibus desumpti, in corpus Juris Canonici relati sunt, ab approbatione summi Pontificis vim legis Ecclesiasticæ accipiunt. Pontifex vero potestatem legislativam accepit immediate ab ipso Christo, dum visibile caput Ecclesiæ gubernandæ proposuit, suasque oves iussit pascere, datisque clavibus regni cœlorum, ligandi atque solvendi potestatem amplissimis verbis concessit Petro, ejusque in Cathedra successoribus.

Causa *finalis proxima* & immediata est vita Christiana recte instituenda, ultimata vero æterna beatitudo supernaturalis obtinenda, atque resultans ex eo gloria Dei extrinseca.

Causa *materialis*, seu potius *materia*, circa quam versatur Jus Canonicum, sunt actiones humanæ, ad vitam Christianam, cultumque Dei, atque supernaturalem ejusdem possessionem dirigentes: quas proin præcepit, contrarias vero prohibet. Causa *formalis* est intentio seu voluntas obligandi, ut legitime promulgata. *Subiectum* vero sunt omnes undique Christi fideles.

Ex quibus dignitatem ac præstantiam Juris Canonici facile est colligere: cum ejusdem origo referatur ad ipsum Dominum Nostrium Jesum Christum, a quo immediate potestas hæc legislativa, mere spiritalis, atque ad animarum immortalium salutem tendens, in Petrum, ejusque in Apostolica Sede successores promaneat.

Contra vero Jus civile originem suam debet potestati sæculari, a populo proxime in Principem translata: finemque habet mere naturalem ac temporalem, justitiam videlicet legalem, quietem ac tranquillitatem reipublicæ in ordine ad felicitatem ejusdem naturalem. Unde etiam materia illius & objectum personas, res, & actiones temporales duntaxat complectitur. Neque omnes per orbem Christianos obligat, sed certam tantum nationem, aut populum, pro quo fertur, e. g. in S. R. I. constitutum.

Jam vero, quod antiquitatem Juris Canonici concernit, refert illud ætatem suam ad ipsa usque Apostolorum tempora; qui in cœtus aliquoties congregati, ut ex actibus Apostolorum liquet, complures Canones constituisse traduntur, quos S. Clemens Romanus, Divi Petri Discipulus ac Pontifex, collegisse dicitur, & in libro, qui *Canones Apostolorum* inscribitur,

atque in octo libris *Constitutionum Apostolicarum* ad posteros transfuisse. Verum de his magna inter eruditos est disceptatio, an revera ab Apostolis sint tradita, & a S. Clemente conscripta, an vero posterioribus primum temporibus iisdem supposita & afficta. Unde sit

## QUÆSTIO I.

## Historico - Critica.

*An constitutiones, quæ dicuntur Apostolicæ, sint ab Apostolis traditæ, & a S. Clemente conscriptæ?*

Alexander Natalis in *Hist. Ecclesiastica sæc. 1. Dissert. 19.* aperte pronunciat, constitutiones Apostolorum esse apocryphas, ab Apostolorum & Eccle-

siæ doctrina alienas, ipsi adeo Apostolis, & Clementi Romano suppositas. Antonius Pagi in *Critica in annales Baronii ad annum 100. n. 9.* pariter

regat, auctorem illarum esse S. Clementem.

Petrus de Marca *Concord. lib. c. 2.* putat, constitutiones istas scripto-

rii tertii sæculi esse tribuendas.

Cardinalis Bellarminus *lib. de script. Eccles. in Clemente Romano*, ait, licet multa in iis sint utilia, & a Græcis antiquis magni æstimata, in Ecclesia tamen latina nullum fere nomen eas habere: imo ab ipsis etiam posterioribus Græcis in Concilio Trullano, tanquam ab hæreticis depravatas, rejectas esse.

Idem ferme de iis judicium est Cardinalis Baronii, Perronii, Gabriels Albaspinæ, Petavii, Sirmondi, Labbei, Petri Annati, qui in Apparatu Theologiam positivam Methodico *lib. 4. art. 6.* ait: *Constitutionum Apostolicarum libri octo, qui Clementi vulgo tribuuntur, non minus suppositi sunt quam eorum recognitionum libri.*

Denique Christianus Lupus, vir doctissimus *part. 2. ad Conc. Trullanum* Lupus. ait, has constitutiones tanquam apocryphas rejectas esse a Gelasio Papa, jusque judicio omnem semper latinam Ecclesiam adhæsisse, cum doctissimis recentiorum temporum scriptoribus.

Contra vero has constitutiones, in insula Creta repertas, primus, quod scitur, in Occidente produxit anno 1551. Petrus Crabbe Ord. Mino- rum S. Francisci in sua Conciliorum editione secunda, in epitomen tam contrafactas, inventore & interprete Carolo Capello Veneto. Po- tea anno 1567. Laurentius Surius easdem integras collectioni Concilio am inferuit, e Græco in Latinum versas a Carolo Bovio, Ostunensi Epi-opo.

Anno dein 1585. Dominicus Nicolinus in veneta editione eas collo-avit ex luculentiore versione & eruditissimis observationibus apolo- gicis Francisci Turriani, Theologi Hispani e S. J. Easdem cum Turriani

*Pars II.*

I

inter-

3.  
Authores  
contra Com-  
stitutiones  
Apostolicas,  
Natalis,  
Pagius,  
de Marca,  
Bellarminus,

Baronius,  
Annatus,

4.  
Authores  
pro illis.  
Crabbeus.  
Surius,

Nicolinus,

Turrianus,



interpretatione & observatione primæ suæ Conciliorum editioni Coloniensi anno 1605. intulit Severinus Binius, postmodum in altera editione omissas.

**Duceus,**

Anno 1618. vir eruditissimus Fronto Duceus S. J. easdem Græce & Latine edidit, una cum commentariis Joannis Zonaræ, quas deinde suæ Conciliorum editioni adjecit Philippus Labbe S. J. anno 1662. suadente Petro de Marca, Archi-Episcopo Tolosano, ac deinde Parisiensi.

Eadem constitutiones videntur pariter græce & latine in novissima Conciliorum editione Veneta, a Nicolao Coletto anno 1728. producta.

Atqui tot viri doctissimi non impendissent tantam operam in vertendis & illustrandis his constitutionibus, neque Conciliorum codicibus eas inseruissent, si credidissent, eas esse apocryphas & Apostolis ac S. Clementi affictas. Accedit, quod Gabriel Albaspinæus, Episcopus Aurelianensis, lib. 1. observationum dicat, non dubitare se, quin istæ constitutiones olim Græcæ Ecclesiæ fuerint pro legibus, Manuali, Pontificali seu Rituali Codice.

**Epiphanius,**

Deinde S. Epiphanius constitutionum Apostolicarum sæpe meminit, & plura ex ipsis refert decreta, e.g. hæresi 45. 75. & 80. præsertim vero hæresi 70. quæ est Audianorum: ubi ait, constitutionum Apostolicarum librum, tametsi dubiæ apud multos fidei sit, non esse tamen improbandum; nam in eo omnia, quæ ad Ecclesiæ disciplinam pertinent, comprehendendi, neque quidquam aut in fide ac catholica professione depravatum, aut Ecclesiæ administrationi ac decretis contrarium contineri.

**Photius.**

Photius vero in eruditissima sua Bibliotheca codice 112. Clementis Romani opera recensens, eidem tribuit aperte constitutiones Apostolicas, ac facile dilui posse, quæ contra eas opponuntur, affirmat. Afferuntur etiam pro illis testimonia ex Cyrillo Hierosolymitano *catechesi* 18. historiam de phœnice narrante ex Clemente: item ex S. Athanasio in *synopsi*, ubi meminit *doctrinæ Apostolorum Clementinæ*. Ex Concilio item Trullano, anno 691. habito, quod constitutiones istas tanquam opus Apostolorum videtur agnoscere, sed ab hæreticis depravatum.

Ludovicus du Mesnil S. J. in recenti suo præclaro opere de *doctrina & disciplina Ecclesiæ* lib. 3. n. 11. ait, dubium esse, an S. Clemens sit auctor constitutionum Apostolicarum, Trullanam Synodum, Photium, Græcosque posteriores, eas laudare sub nomine Clementis: earum meminisse Patres antiquiores, præsertim Epiphanium, verum eas postea ab hæreticis esse corruptas.

In tanta sententiarum, opinionum & dubiorum diversitate ut, quid verisimilius mihi videatur, aperiam, sit

PRO.

## PROPOSITIO I.

*De libro Constitutionum Apostolicarum, ut vocant, non sunt ab Apostolis traditi, neque a S. Clemente conscripti.*

ta docent Petrus de Marca, Alexander Natalis, Christianus Lupus, Antonius Pagi, Petrus Annatus, locis supra citatis: non dissentientibus Baronio, Bellarmino, Perronio, Albaspinæo, Petavio, Sirmonio, Labbeo &c.

Ratio est 1. Quia non invenitur ullus ex SS. Patribus, Conciliis, aut Scriptoribus Ecclesiasticis, primis tribus sæculis eas citasse, aut earum sententiam tantum meminisse: ne quidem tum, cum occasio ferebat, & materia exigebat.

Sic plane videtur incredibile, quod Victor Papa in causa paschalis celebrandi orientalibus nunquam objecisset constitutionem Apostolorum lib. 5. c. 16. ubi prohibetur cum Judæis celebrari pascha: qua sola producit tota illa controversia fuisse composita. Nec credibile est, quod Polycarpus, Papirius, Melito, Polycrates, alique Episcopi orientales, piissimi & doctissimi, adeo pertinaciter defendissent suum morem, 14. lunæ, cum Judæis nempe celebrandi pascha, si eis nota fuisset dicta constitutio Apostolorum, aut pro Apostolica esset habita. Sed neque Irenæus hac re prolixè scribens ad Victorem Papam, licet sæpius citarit S. Clementis epistolam ad Corinthios, nec verbo tamen meminit constitutionis illius Apostolorum.

Si Tertulliano nota fuisset constitutio Apostolorum, aut censuisset, ab Apostolis per S. Clementem descendere, quæ habetur lib. 2. c. 12. ubi omnes indistincte peccatores admittuntur ad pœnitentiam, non adeo inveniretur esset in Zephyrinum Papam, fornicatoribus aditum ad pœnitentiam concedentem: neque rigida illa nimium severitate in Montani errores prolapsus esset, neque corpoream animam hominis asseruisset, utpote quæ lib. 6. c. 11. dictarum constitutionum dicitur incorporea.

Sed neque S. Cyprianus, ac Firmilianus cum suis Episcopis, sibi adherentibus in causa de nullitate baptismi adversus Stephanum Papam unquam citarunt constitutionem lib. 6. c. 15. in qua omnium hæreticorum baptismus reprobat: qua tamen citatione vel maxime sententiam suam, quam pertinaciter adeo defendebant, firmare potuissent, imo totam controversiam dirimere.

Sic neque Origenes neque antiquissimi alii Patres unquam adversus hæreticos usi sunt testimonio illarum constitutionum, quod plane signum esse videtur haud obscurum, illas fuisse eisdem aut omnino incognitas, vel pro Apostolicis non fuisse habitas, adeoque indignas, quæ citarentur.



Eusebius  
& Hierony-  
mus.

Unde etiam neque Eusebius neque S. Hieronymus, de scriptoribus ecclesiasticis diligenter tractantes, eorumque scripta genuina recensentes, de istis constitutionibus Apostolorum, a Clemente conscriptis, quidquam memorant, sed unam tantum epistolam ad Corinthios eidem tribuunt.

6.  
Imo decla-  
rata apo-  
cryphæ ab  
Athanasio,

Ratio secunda est, quia, licet tertio jam sæculo, vel saltem quarto jam fuerint scriptæ, tamen positive fuerunt declaratæ apocryphæ. Nam S. Athanasius, qui quarto sæculo floruit, in synopsis *Doctrinam Apostolorum Clementinam* inter eos libros collocat, quibus contradicitur, additque, perverse ac falso scriptos esse, & cum circuitu Petri, Thomæ &c. comparat. Gelasius Papa in synodo Romana, anno 404. habita, ita ait: *Item itinerarium nomine Petri Apostoli, quod appellatur, S. Clementis libri octo, apocryphum.*

Gelasio,

Idem judicium, imo adhuc apertius de illis tulit Humbertus Cardinalis, Episcopus Sylvæ Candidæ, Leonis IX. Constantinopolim Legatus, Nicetæ Pæterato, Presbytero ac Monacho, constitutionum Apostolicarum quædam loca contra sabbati jejunium objicienti, sic respondit: *Hoc asserere conaris ex apocryphis libris & canonibus, pari sententia SS Patrum repudiatis. - - Unde nos quoque omne apocryphum abjicientes, dedignamur audire eorum fabulosas traditiones: quia non sunt ut lex Domini.*

Bessarion.

Tale responsum etiam dedit Bessarion, Metropoli Nicæanus, ac postea propter insignia sua merita S. R. E. Cardinalis, Marco Ephesino, schismati Græcorum omnium pertinacissime in Concilio Florentino adhærenti: ut testatur Sixtus Senensis.

Horum judicium secuta semper est Romana Ecclesia: unde Bellarminus loc. cit. ait, constitutiones illas nullum fere nomen in Ecclesia Latina habere. Et merito:

7.  
Continent  
falsa.

Nam plura continent, quæ prorsus incredibile est esse ab Apostolis tradita, & a S. Clemente eorum Discipulo conscripta. Sic Jacobum fratrem Joannis inducunt narrantem Historiam Concilii Hierosolymitani, ibique cum reliquis Apostolis condentem has constitutiones lib. 6. c. 14. & 22. voluntque, præsentem tunc etiam fuisse S. Paulum l. 4. c. 8. cum tamen ex Actibus Apostolorum cap. 12. constet, Jacobum jam ante ab Herode occisum fuisse.

Statuitur etiam in istis constitutionibus lib. 2. c. 57. inter alios libros legendum esse Evangelium S. Joannis; cum tamen Petrus & Paulus, cæterique Apostoli jam fuerint mortui, antequam S. Joannes Evangelium scriberet: utpote quod non scripsit ante annum Christi 97. quo a Nerva Domitiani successore ex Insula Pathmo revocatus est. L. 5. c. 7. ait author con-

constitutionum, Simonem Magum a Philippo Coapostolo esse baptizatum, cum tamen a Philippo Diacono sit baptizatus.

Natalis in *Hist. Eccles. sec. 1. Dissert. 19.* insuper objicit, quod in constitutionibus illis *lib. 6. c. 14.* Jacobus frater Domini ponatur extra numerum Apostolorum. Sed hoc non est verum: nam ponitur inter apostolos penultimo loco; ultimum enim ponit auctor S. Paulum. Meus objecisset *lib. 6. c. 7. Constit.* auctorem de Jacobo fratre Domini tantum de Martyre cum S. Stephano colendo loqui: alias vero sæpius ac nominatim etiam *l. 6. c. 14.* de eo tanquam adhuc vivente.

Idem Natalis dicit, quod *const. l. 8. c. 4.* Stephanus (jam defunctus) inter septem Diaconos collocetur adhuc viventes: sed de Stephano locutus, nulla fit mentio; intellexit enim auctor constitutionum septem Diaconos, qui tunc vivebant, atque inter eos illum etiam, qui S. Stephano jam mortuo est subrogatus. Meliori autem jure alios errores historicos & chronologicos potuisset objicere: e. g. quod *l. 6. c. 8.* S. Petrus Clementem vocet *Romanum Episcopum*: cum tamen primum pluribus annis post mortem S. Petri sit factus Romanus Episcopus. Item quod ibidem S. Petrus inducatur loquens de variis hæreticis, ut Marco, Menandro, Basilide, Saturnino &c. qui tamen necdum omnes surrexerant vivente Petro. Sic etiam *l. 7. c. 47.* plures numerantur successiones Episcoporum in diversis Ecclesiis, quæ tamen primum evenerunt post mortem Apostolorum, imo etiam S. Clementis *l. 6. c. 26.* ea narrantur de Judæis, quæ primum post eversionem Jerosolymæ contigerunt. Quæ sane indicant, auctorem constitutionum illarum esse Apostolis & S. Clemente recentiore: qui tamen per imprudentiam tribuerit Apostolis sermones de rebus, quæ primum post eorum mortem contigerunt. Quæ, constitutionibus illis, prout hodie saltem exstant, plura conneri, ab Apostolorum & Ecclesiæ doctrina aliena.

## PROPOSITIO II.

*Sunt tamen dictæ constitutiones valde antiquæ, multaque continent utilia.*

Quod constitutiones illæ sint admodum antiquæ, patet ex eo, quod S. Athanasius, qui sub initium quarti sæculi florere cœpit, in sua synodica jam meminerit *doctrinæ Apostolorum Clementinæ*: per hanc autem nihil aliud videtur intellexisse, quam constitutiones Apostolorum, sub nomine Clementis scriptas.

Deinde, ut vidimus, Gelasius Papa sub finem quinti sæculi earundem meminit in Concilio Rom. S. Epiphanius vero jam centum annis prius non tantum earum meminit, sed easdem etiam dilaudat,

8.  
Observatio  
in Natalis  
Criticism.

9.  
Sunt anti-  
quæ

10.  
Epiphanius  
teste,



Neque dici potest cum Alexandro Natale, S. Epiphanium loqui de aliis constitutionibus Apostolorum, non vero de istis octo libris constitutionum, qui hodie exstant. Nam hoc gratis omnino est excogitatum, a earum antiquitatem elidendam; quænam enim fuerunt illæ aliæ constitutiones Apostolorum, de quibus Epiphanium loqui vult Natalis? qui scriptor unquam aliarum meminit?

Sed neque ratio, quam affert Natalis, aliquid probat, quod scilicet Epiphanius dicat, eas constitutiones ab erroribus immunes esse, hæ autem, quæ hodie exstant, erroribus scateant. Nam tempore S. Epiphanius adhuc puræ erant, postmodum vero ab hæreticis fuerunt corruptæ, ut Trullani Patres sub finem septimi sæculi sunt conquesti.

Et aliis.

Antiquitatem earum etiam probat, quod, teste Albaspinæo, veteribus Græcis, Concilio Trullano antiquioribus, constitutiones istæ, adhuc præterea, instar codicis legalis fuerint, ad quarum normam ecclesiasticam disciplinam ordinarunt. Ex quo elucet etiam veritas alterius partis:

11.  
Continent  
multa utilia.

Quod scilicet constitutiones multa utilia contineant. Neque enim alias S. Epiphanius eas tantopere dilaudasset, neque dixisset, comprehendere in iis omnia, quæ ad Ecclesiæ disciplinam pertinent, neque quidquam in fide ac catholica professione depravatum, aut Ecclesiæ administrationi a decretis contrarium in iis contineri. Sed neque alii veteres Græci, Latini Ecclesiæ adhuc uniti, tanti æstimassent, ut instar Juris Canonici eas haberent.

12.  
Summa materiarum.

Et certe res ad disciplinam Ecclesiasticam utilissimæ ac perquam aptæ in constitutionibus istis, quiscunque demum furerit earum auctor, tractantur: & in primo quidem libro de vitanda avaritia, inimicitia, curiositate, lectione librorum gentilium, luxuria, muliere prava &c.

In 2. De dotibus Episcopi, quomodo se gerere debeat quoad seipsum, populum, pœnitentes; de dignitate sacerdotum, de iudiciis judiciis, Ecclesia & Clero &c.

In 3. De viduis, laicis, administratione Baptismi &c.

In 4. De pupillis, eleemosynis, oblationibus, parentibus, filiis, domesticis, famulis, virginibus, & in quibus oporteat subiectos esse potestatibus sæcularibus.

In 5. De oppressis propter fidem, de patientia, martyribus, passionibus Domini, celebrandis festis, præsertim paschatis, vitandis peccatis &c.

In 6. De schismate, festis, hæresibus, Judæis, Ethnicis.

In 7. De fuga vitiorum, & exercitio virtutum, oratione, gratiarum actione, catechesi &c.

In 8. De miraculis, ordinationibus, Missæ celebratione, precationibus,

us, benedictione aquæ, olei, fidelium defunctorum memoria, de sin-  
ulorum Apostolorum specialibus institutionibus &c.

Hæc summam sunt, quæ in octo libris harum institutionum prolixè  
tractantur, in quibus, ut dixi, multa piissime atque utilissime ad discipli-  
nam morum dicuntur: simulque aptissima ad convincendos hæreticos.  
Nam licet hæ doctrinæ non sint ita expresse ab Apostolis traditæ, & a S. Plura ex  
Clemente conscriptæ, auctor tamen earum est antiquissimus; & proba-  
bile admodum est, plura ex iis ab ipsis Apostolis, præsertim in Conciliis  
Hierosolymitanis ita esse statuta, ac deinde per traditionem ab iisdem  
et primis eorum discipulos propagata, donec circa tertium sæculum pius  
etiam scriptor ea collegit, crescentibus exinde per varias additiones  
multis articulis, & non raro etiam ab hæreticis interpolatis ac depra-  
vatis; ut nunc demonstratum imus.

### PROPOSITIO III.

*Quamvis constitutiones, quæ dicuntur Apostolicæ, fuerint olim puræ,  
nihilque continuerint contrarium doctrinæ catholicæ, postea tamen  
pluribus in locis ab hæreticis fuerunt corruptæ.*

Pars 1. quod scilicet olim fuerint ab erroribus immunes, dicere nos  
cogit gravissimum S. Epiphaniæ testimonium *Hæresi 70. quæ est Audia-*  
rum. Ubi, ut supra est demonstratum, clarissimis verbis hoc de illis  
prædicat. Trullana etiam Synodus can. 2. Divinorum decretorum ele-  
gantem ac decoram speciem obscuratam dicit. Ergo censuit, eas prius  
puras fuisse.

Neque obstat, quod S. Athanasius & Gelasius Papa, uti etiam postea  
Humbertus eas constitutiones tanquam apocryphas rejecerint. Nam  
apocryphæ ab ipsis dicuntur, quia Apostolis ac S. Clementi fuerunt sup-  
positæ & affictæ; sic enim in communissimo sensu libri suppositi dicuntur  
apocryphi, licet errores nullos contineant.

Pars altera, quod ab hæreticis fuerint corruptæ, non tantum postero-  
res gravissimi Scriptores testantur, ut Baronius, Bellarminus, Perronius, Postea ta-  
mbaspinaeus, Petavius, Ducaeus, Labbeus, Pagius, Annatus, Du Mesnil men cor-  
locis supra citatis, sed etiam antiquiores. Sic enim cit. synodus Trullana  
can. 2. ait, quia ad labem Ecclesiæ aspergendam, adulterina quædam, & a  
fæditate aliena sint introducta, tanquam hæreticæ falsitatis fœtus nequa-  
quam admittendas. Atque ideo etiam Humbertus Cardinalis loc. cit. fa-  
lidas traditiones, pari sententia SS. PP. repudiatas appellavit.

Juvat aliquos ex iis errores adnotare. Atque imprimis non uno loco Ab Arianis,  
arianismum & Macedonianismum videntur sapere, e. g. dum lib. 6. c. 25.  
hære-



Et Macedo-  
nians.

hæreticis eos accensent, quia suspicantur Jesum esse Deum universi: aut dum l. 5. c. 20. ajunt, Patrem genuisse filium ante sæcula, voluntate, potentia, ac bonitate. Aut dum *lib. 8. c. 37.* (non vero *lib. 2. c. 26.* ut Natalis scribit) asserunt, Patrem esse Deum Christum, & Dominum Spiritum. Ex citato *lib. 2. c. 26.* melius objicitur aliud absurdum, nempe quod ibi instituatür ridicula & anilis comparatio inter Diaconissam & Spiritum sanctum, quam pluribus exagitat Petavius noster *tom. 2. Theologicorum Dogmatum lib. 1. c. 3. §. 7.* ubi sic scribit: *In constitutionibus Apostolicis ridiculum nescio quid, & hæreticum de Trinitate posuit: nam Episcopum in Ecclesia instar esse Dei Patris ait, Diaconum item ut Christum qui Patri assistit, & in omnibus ministrat. Quæ, si Christus, ut homo est, considerentur, non improbe dicta videri possunt; sed pestilens est, quod addit, Diaconissam figuram habere Spiritus sancti, quæ nihil sine Diacono facere debeat, aut loqui: quemadmodum neque Paracletus a se ipso aliquid loquitur, aut facit, sed Christum glorificans voluntatem ejus expectat. Quod quidem Macedonianum pus & venenum sapit.* Ita Petavius, addens Photium, de Clementis operibus agentem, in constitutionibus notasse quædam Arianæ impietatis vestigia, quæ non nisi violenter excusari possint.

15.  
Errores de  
baptismo,  
festis.

De baptismo l. 6. c. 15. apertus error in constitutionibus illis continetur, dum ab hæreticis collatum iterari jubent. Item l. 8. c. 33. de festivitate sabbati, dum ita loquuntur: *Ego Petrus & ego Paulus constituimus, ut servi quinque diebus opus faciant, sabbato autem & Dominico die vacent in Ecclesia propter doctrinam religionis: diximus enim, habere quidem sabbatum rationem creationis mundi, Dominicum vero resurrectionis. Tota magna hebdomada & proxima sequenti vacent servi.* Pluresque alii dies festi ibi statuuntur, quos non est credibile omnes jam tempore Apostolorum præceptos fuisse. Certe non est credibile, quod Apostoli ad honorem suum dies festos instituerint: & tamen in hoc capite Apostoli inducuntur sic loquentes: *In diebus Apostolorum vacent.* L. 3. c. 2. *constit.* dicitur, secundo numero sceleratam esse, tertium connubium esse intemperantiæ indicium, quartum vero connubium & deinceps plane libidinem esse, & manifestam impudicitiam.

16.  
Plures tamen falso  
illis imputat  
Natalis. &c.

Alexander Natalis loc. supra cit. plures errores dictis constitutionibus tribuit. Nam ait *lib. 8. c. 32. constitutionum*, concedi ancillis, ut heris infidelibus ad libidines morem gerant, modo solis. Item *lib. 2. c. 57.* contineri, Episcopum debere esse 50. annorum, L. 2. c. 26. supponi, Apostolos non baptizatis Eucharistiam præbuisse.

Verum hæc non ita se habent. Nec in Latino, nec in Græco constitutionum exemplari hæc inveniuntur: nam in *lib. 8. c. 32.* ancillis non conceditur, ut cum heris infidelibus commercium carnale exercent, sed tantum

tum dicitur, quod concubina ( quæ tunc temporis minori laborat infamia ) ad baptismum possit admitti, non autem meretrix propter infamiam & scandalum.

Quod Episcopus debeat esse 50. annorum loco a Natale citato omnino non habetur. Sed neque l. 2. c. 26. supponitur, Apostolos non baptizatis præbuisse Eucharistiam. Imo aperte ibi dicitur contrarium; deinde autem subicitur, quod si quis ante baptismum ex ignorantia acciperet Eucharistiam, eum confestim in fide instruendum & baptizandum esse, ne Eucharistiam contemnat.

Meliori autem jure Natalis alios errores in illis constitutionibus reprehendere potuisset, e. g. quod *libr. 8. c. 2.* dicatur, Episcopum, ignorantia aut malo animo oppletum, non esse Episcopum, sed falsum Episcopum, non a Deo &c. *libr. 6. c. 15.* ab hæreticis baptizatos, non esse baptizatos, sed inquinatos, non veniam peccatorum, sed vinculum iniquitatis accipere. *Libr. 7. c. 45.* certas preces ad essentiam & valorem baptismi requiri: alias enim non animam, sed tantum corpus a sordibus ablui. *Libr. 6. c. 14.* eum, qui uxorem adulteram retinet, esse violatorem legis &c.

Hæc aliæque ejusmodi haud dubie ab hæreticis, aut schismaticis, aut rerrum ignaris fuerunt inpersa. Unde concludendum, has constitutiones non esse quidem ab Apostolis factas, neque a S. Clemente conscriptas, esse tamen valde antiquas, & probabilius ad pium aliquem ac simplicem authorem tertii sæculi referendas: multa tamen in iis contineri admodum pia & utilia, & ad morum disciplinam perquam accommodata, quorum aliqua ex traditione Apostolica descendere potuerunt; post tempora tamen S. Epiphaniî varie esse ab hæreticis interpolata & corrupta, ut adeo in Ecclesia Romana exiguae omnino sint autoritatis, nec unquam vim Canonum, multo minus Juris Divini ac Apostolici obtinuerint.

## QUÆSTIO II.

### Historico-Critica.

*An Canones Apostolorum in corpore Juris contenti sint genuini & authenticî?*

Aliqui DD. maxime Acatholici cum Joanne Dallæo omnem vim legis eisdem denegant, & tanquam merces suppositas rejiciunt.

1. Quia c. 3. *dist. 15.* Apostolici Canones inter *apocrypha* a Gelasio Papa numerantur.

2. Quia incertum est, quot sint ejusmodi Canones Apostolorum. Nam c. 2. *dist. 16.* numerantur sexaginta, c. 3. ead. quinquaginta. c. 4. ead. octoginta quinque. In corpore Juris Canonici, & juris civilis octoginta

Pars II,

K

qua-

17.  
Errores  
verius ob-  
jiciendi.

18.  
Argumenta  
contra illos.



quatuor. Alii cum Baronio tantum quinquaginta duos agnoscunt authenticos.

3. Quia doctrinam continent, ab Apostolis alienam. Sic can. 5. Episcopi, Presbyteri, & Diaconi prohibentur uxores abjicere. Can. 45. & 46. videtur supponi, baptismum ab hereticis collatum esse invalidum. Can. 65. prohibetur jejunium die Dominica & sabbato. Can. ult. ubi recensentur libri canonici S. Scripturæ veteris ac novi testamenti, omittitur liber Ecclesiastici, Tobiae, Judith, & Apocalypsis S. Joannis. Contra vero inter libros S. Scripturæ recensentur Clementis epistolæ duæ, seu constitutiones Apostolorum, octo libris comprehensæ.

19.  
Canonistæ agnoscunt authenticos.

Contra vero plerique Canonistæ existimant, Canones Apostolorum 84. prout in corpore juris hodie continentur, esse authenticos & vere canonizatos. Ita enim sentiunt Turriannus, qui integro libro eorum auctoritatem vindicat, Covar. Barboza, Gonzal. Schambogen, Plettenberg, Wicstner, Schmier, Schmalzgruber, Pichler, Reiffenstuel. Ratio eorum est, quia, ut ait P. Schmier, præfati Canones nihil aliud sunt, quam constitutiones, ab Apostolis post excessum Christi Domini rogatæ, atque a Clemente Papa Græco idiomate scriptæ. Deinde cap. placuit 4. & cap. quoniam 7. dist. 16. pro canonicis scripturis agnoscuntur. Citant etiam pro se Tertullianum libro adversus Praxeam, & S. Athanasium in synopsi, ut videre est apud P. Schmalzgruber in *Dissertat. præm.* §. 7. num. 257. & apud Bellarminum de *Scriptor. Ecclesiastic.* in Clemente, & ante hos in Sixto Senensi in *Biblioth. l. 2.* S. Damascenus vero *libr. 4. de fide orthod. c. 18.* eos ponere videtur inter sacras scripturas. Ita quidem Canonistæ passim; quibus accessit Severinus Binius, *tom. 1. concil. notis in Canones Apostolorum*, ubi omnes, exceptis duobus, nempe 65. & 84. pro authenticis habendos contendit.

20.  
Criticorum discordia.

Quam autem concordēs esse videntur Canonistæ, in omnibus 84. vel (ut alii numerant) 85. tanquam genuinis agnoscendis, tam discordes inter se sunt eruditissimi Critici.

Baronius ad annum Christi centesimum admittit ut authenticos 52. Bellarminus de *Scriptoribus Ecclesiasticis in Clemente* dicit, *Canones legitimos esse solum 50. priores, reliquos non esse legitimos, quamvis a Græcis recipiantur.* Petrus de Marca Archiepiscopus Paris. in *concordia libr. 3. c. 2.* ait, eos videri posteriores anno Christi 258. antiquiores tamen Concilio Nicæno primo. Idem sentit Antonius Pagi in *Critica in annales Baronii ad annum 100. num. 9. & 10.* Ludovicus du Mesnil vero in *doctrina & disciplina Ecclesiæ libr. 3. num. 9.* contendit, hæc decreta nec Apostolorum, nec Clementis esse, primumque eorum meminisse Nestarium in synodo Constantinopolitana anno 394. Albaspinæus, eruditissimus Episcopus Aurelianensis, *Observat. libr. 1. c. 13.* putat, Collectionem horum Canonum nihil aliud esse

esse, quam epitomen privatorum Conciliorum, & rerum a privatis Episcopis sancitarum, qui Græcas Ecclesias ante Concilium Nicænum administrarunt.

Nemo vero ex Catholicis Scriptoribus his Canonibus magis inimicum se ostendisse videtur, quam Alexander Natalis in *Historia Ecclesiastica sæculi 1. Dissertat.* 18. fortasse nimium tribuens Joanni Dallæo, homini hæretico, quo in ista controversia usus est; docet enim Natalis, hos Canones non esse antiquiores sæculo sexto, omnesque omnino esse Apostolis suppositos & pseudepigraphos. Ego ut mentem meam aperiam, sit

21.  
Natalis opinio.

### PROPOSITIO I.

*Canones, qui dicuntur Apostolici, ante medium tertii sæculi fuerunt incogniti.*

Canones istos ante sæculum tertium, ejusque annum quinquagesimum octavum probabilius fuisse Ecclesiæ incognitos, ratio est, quia ante hoc tempus nullus unquam ex PP. aut scriptoribus horum Canonum invenitur meminisse, aut eos citasse, ne tum quidem, quando res & occasio, mo etiam necessitas exigebat eos citari. Sic

22.

Circa finem secundi Sæculi magna exurgebat inter Orientales & Occidentales controversia de celebrando paschate. Orientales, allegantes quam consuetudinem a Joanne & Philippo Apostolis haustam, & traditione propagatam, contendebant, pascha celebrandum esse decima quarta mensis primi cum Judæis. Occidentales vero cum Victore summo Pontifice, allegantes contrariam consuetudinem, volebant, illud celebrandum non esse cum Judæis, sed semper post æquinoctium vernalium. Jam vero, si canones Apostolorum fuissent tunc temporis cogniti, facile fuisset Victori Pontifici & Occidentalibus Orientales refutare, allegando canonem septimum, qui ita habet: *Si quis Episcopus, aut Presbyter, aut Diaconus sanctum diem paschæ ante vernal æquinoctium cum Judæis celebraverit, deponatur.* Et Orientales Episcopi, utpote viri probi, ac plerique postmodum Martyres, non tanto conatu, consuetudini suæ innixi, obstitissent, si hos canones Apostolicos habuissent cognitos. Cum ergo dicta gravissima controversia per citatum canonem aperte pro Occidentalibus sit decisa, nemo tamen ullam illius mentionem fecerit, signum est, illum tam Orientali quam Occidentali Ecclesiæ tunc fuisse incognitum.

Si fuissent cogniti, non esset orta controversia de Paschate.

Adhuc apertius hæc ignorantia eruitur ex altera gravissima controversia, quæ Sæculo tertio circa annum 258. orta est circa Baptismum, ab hæreticis collatum. Nam Firmilianus, Episcopus Cæsariensis, cum Asiaticis, & S. Cyprianus cum Africanis, magno ardore contentebant, Baptis-

23.  
Neque Controversia de Baptismo.



num ab hæreticis collatum esse nullum atque irritum, ac consequenter ab hæreticis baptizatos esse iterum baptizandos. Contra vero S. Stephanus summus Pontifex, allegans traditionem, constanter iis restitit ac docuit, baptismum hæreticorum, si materiam & formam a Christo institutam observent, esse validum, ideoque ab iis baptizatos non esse rebaptizandos. Quam multæ hac in causa ultro citroque scriptæ sint epistolæ, quæ concilia instituta, eruditis notum est.

Certe cum Asiatici & Africani omnia conquirerent, quæ S. Stephanus Papæ opponerent, non omisissent pro se citare Canones Apostolorum si illos habuissent cognitos. Nam Canon 45. ita habet: *Episcopum aut Presbyterum, qui Hæreticorum Baptisma aut sacrificium suscepit, deponi præcipimus; quæ enim conventio inter Christum & Belial, aut quæ particula fidei cum infideli?* Canone sequenti jubetur deponi, qui pollutum ab impiis non rebaptizaverit: ubi plane supponitur, baptismum ab impiis baptizantibus pollui. Et Can. 67. dicitur: *Qui ab hæreticis baptizati aut ordinati sunt, non quæ fideles, neque clerici esse possunt.*

Jam vero, si hi Canones S. Cypriano ejusque Concilio Carthaginensi aut Firmiliano, aliisque Asiæ Episcopis fuissent cogniti, re ipsa exigente mentionem aliquam de iis fecissent, eosque Stephano objecissent. Quod cum factum non fuerit, valida inde resultat præsumptio, quod fuerint adhuc medio tertio Sæculo incogniti. Certe silentium omnium veterum apud omnes eruditos Criticos præjudicium ac præsumptionem parit, rem aliquam magni momenti (qualis est hæc de baptismo) ipsis fuisse incognitam; præsertim si res & occasio poscebat loqui.

24.  
Tertullianus  
falso citatur  
pro Canonibus.

Sed objicies cum Turriano, primos Pontifices in epistolis suis Decretalibus Canonum Apostolorum fecisse mentionem. 2. Has epistolas esse supposititias ac Pontificibus illis falso affictas, ut alias probabitur. Opponunt ulterius, Tertullianum Canonum Apostolorum mentionem facere in libro, adversus Praxeam scripto; atqui Tertullianus floruit circa finem secundæ Sæculi, & initium tertii, sub Imperatore Severo. Ergo habetur testimonium scriptoris ante medium tertii Sæculi. Resp. Legi librum Tertulliani adversus Praxeam; sed nullum testimonium aut mentionem de Canonibus Apostolorum invenire potui. Unde nescio, quomodo hæc falsitas in Bibliothecam Sixti Senensis libr. 2. in Clemente, ac postmodum in plurium aliorum calamus irrepserit. Idem dicendum de Synopsi S. Athanasii, quam post eundem Sixtum Senensem aliqui viri, alias eruditi pro Canonibus Apostolicis citant. Nam imprimis S. Athanasius in Synopsi de Canonibus Apostolorum nihil habet. Imo *Doctrinam Clementinam*, sicut Petri, Joannis & Thomæ circuitus, inter apocrypha numerat

rat. Taceo, quod S. Athanasius sæculo quarto floruerit, quo libenter concedo canones illos fuisse notos.

Melius ego fortassis in rem meam argumentum afferam ex facto Originis, qui Tertulliano supervixit, ac medium tertii sæculi attigit. De hoc testatur Eusebius *Hist. Eccles. libr. 6. c. 7.* quod se ipsum absciderit. Hoc factum fuisse Juvenem, tunc puerum, & jam eruditissimum (utpote qui, teste Eusebio *loc. cit.* Scholæ Alexandrinæ Ecclesiæ jam præerat) non est credibile, si notitiam Canonum Apostolorum habuisset. Nam *can. 21. 22. & 23.* ejusmodi abscissio sub gravissima pœna prohibetur. Deinde primum post hoc factum Origenes ordinatus est presbyter, quod tamen *can. 22.* prohibetur. Ergo probabilis est conjectura, hos canones tunc fuisse incognitos.

25.  
Origeni fuerunt incogniti.

## PROPOSITIO II.

*Sunt tamen Canones, qui dicuntur Apostolici, antiquissimi, & jam sub finem Sæculi tertii vel initium quarti in Ecclesia cogniti.*

Hæc Conclusio est contra Alexandrum Natalem, qui *loc. cit.* acriter contendit, hos Canones non esse antiquiores Sæculo sexto. Item contra Ludovicum Du Meinil, qui asserit, primam horum Canonum mentionem factam esse a Nectario in Concilio Constantinopolitano anno 394. est etiam contra Petrum Annatum, qui in *Apparatu ad positivam Theologiam Methodico tom. 2. libr. 6. art. 7.* non tantum asserit, eos esse supposititios, sed insuper contendit, quoties Concilia, vel SS. PP. vel Auctores Sacri laudant vel memorant Ecclesiæ Regulas, leges, decreta, definitiones, vel Canones, illorum omnium nomine non intelligi Canones, ab Apostolis vere delapsos, sed solum leges vel regulas, in Ecclesia tunc receptas usu, sive a synodo aliqua particulari, sive a particularibus Episcopis, virisque aliis quibuscunque Apostolicis editas, vel ad summum leges sive regulas ab Apostolis ipsis non scripto, sed sola traditione profectas.

26.  
Contra Natalem, Du Meinil, & Annatum.

Contra hos probatur nostra propositio primo ab autoritate: nam eandem non tantum propugnant Canonistæ omnes qui cum Binio & Turriano contendunt, quod per S. Clementem Romanum vere ab Apostolis sunt traditi, sed etiam Historiæ Ecclesiasticæ scriptores, & critici severissimi, ut Petrus de Marca, Archiepiscopus Parisiensis in *Concordia Sacrae doctrinæ & Imperii libr. 3. cap. 2.* Ubi ait, eos esse anteriores Concilio Nicæno, posteriores tamen videri anno Christi 258. Baluzius prolixiorum Marcæ discursum contrahens scribit: *Conjicitur, post synodum, Iconii ea de re hab tam initium fuisse consilium edendæ hujus collectionis sub nomine Clementis & Apostolorum, ut Stephano Pontifici opponeretur Petri Apostoli autoritas.* Gabriel Alba.

27.  
Probatur auctoritate



Albaspinæ, Albaspinæus *obf. libr. 1. c. 13.* putat, eos canones esse collectos ex variis Conciliis, ante Synodum Nicænam in variis locis habitis : Unde variorum eorum numerus, & cum vocarentur *Apostolici*, sensim nascebatur persuasio, eos ab Apostolis esse traditos.

Pagii.

26.  
Natalis sententia reformat.

Eandem sententiam nostram tenet Antonius Pagius ad annum Christi 100. n. 10. ubi ait, jam ante Concilium Nicænum I. horum canonum notitiam esse habitam. Imo etiam Censores Alexandri Natalis reformarunt ejus sententiam. Nam in editione Lucensi anni 1734. *ad dissertationem 18. Historiæ Ecclesiæ. Seculi 1.* appositam invenio *notam*, in qua contra ea, quæ prius docuerat, expresse dicitur, licet canones illi falso sint adscripti Apostolis, credendum tamen non esse, eos Concilio Nicæno, aliisque illorum sæculorum conciliis & Patribus fuisse incognitos. Verisimile Canonnes Apostolicos collectionem esse quam plurimum canonum ante primam Oecumenicam synodum Nicænam in pluribus particularibus synodis editorum ; quæ collectio cum successu temporum novis canonibus fuerit adaucta, factum esse, ut aliqui ejusdem Canones non facile inter se conciliantur : nec omnes tamen ab Ecclesia Romana esse receptos. Unde licet non sint Apostolorum, esse tamen antiquissimos.

29.  
Meminit horum Canonum Constantinus M.

Probat 2. Constantinus M. in epist. 2. ad Eusebium Cæsariensem, & Antiochenos Episcopos laudat hunc Eusebium, quod ab Episcopatu Cæsariensi ad Antiochenum, totius Asiæ Metropolitanum, ad quem fuerat electus, transire noluerit, & sic Domini mandatum, & *Apostolicum Ecclesiæque Canonem* servarit ; ut testatur ipse Eusebius in vita Constantini *libr. 3. c. 59.* & initio epistolæ ad Eusebium datæ scribit Imperator, *Canonem* esse conformem traditioni Apostolicæ. Hic autem Canon Apostolicus, a Constantino laudatus, nullus alius esse potest, quam XIII. Canon Apostolorum, in quo transitus ab uno Episcopatu ad alterum prohibetur.

Et Nicænum.

Concilium etiam Nicænum primum vetat Clericis transmigrationem ab una parochia ad alteram absque Episcopi facultate, additque hanc migrationem esse contra Canonem. Ergo anterior erat Canon eam prohibens : Hic autem est Canon XIV. Apostolorum.

Neque dici potest cum Alexandro Natali & Annato, Constantinum & Concilium Nicænum per Canonem tantum intellexisse morem & consuetudinem per solam traditionem ab Apostolis propagatam, & in Ecclesia receptam. Nam ut in *Nota* ad Natalis sententiam bene advertitur : *Difficile est, sibi suadere, illam vocem Canon a Synodis usurpatam ad morem tantum designandum, qui tunc vigeret in Ecclesia, quique esset regula rerum faciendarum, seu judiciorum instituendorum, cum eam vocem semper legem scriptam significare omnes crediderint ; Atque ipsum etiam Concilium Nicænum morem in Ecclesia vigentem ve-*  
lut

ut rem, a Canonibus distinctam indigitarit. Quod autem hi Canones a Patriarchis & Scriptoribus Ecclesiasticis rarius citarentur, causa esse potuit, quod non omnes essent Authentici, sed plures adjuncti, quos Ecclesia Romana nunquam recepit: ut mox dicetur.

## PROPOSITIO III.

In Ecclesia Græca omnes 84. Canones, prout in Corpore Juris Canonici  
& Civilis hodie extant, sunt recepti, non tamen in  
Romana.

Orientalis omnes eos Canones recepisse, videtur ex eo constare, quod Justinianus Imperator in Constitutione ad Epiphanium Patriarcham Constantinopolitanum eos prolixè commendat, & in Nomo- Canonem b ipso confirmatum omnes sint relati.

Unde etiam Trullana Synodus can. 2. omnes 84. tanquam ab Apostolis traditos laudat ac recipit. Item Photius in præmio sui Nomocanonis, Zonaras, Belsamon, alique Græci Canones 85. indistinctè referunt, ac recipiunt.

Pars altera Propositionis est quidem contra Canonistas recentiores: est tamen conformis sententiæ Baronii, Bellarmini, Perronii, doctissimo S. R. E. Cardinalium, item Petri de Marca, Alexandri Natalis, Papei, Annati, Du Mesnilii, aliorumque eruditissimorum Historiæ Ecclesiasticæ Scriptorum ac in critica versatorum, qui docent, posteriores 5. Canones non habere auctoritatem in Ecclesia Latina.

Nam Dionysius Exiguus tantum 50. primos, latine versos, collectioni suæ intulit, addens: *Eis plurimos non præbuisse facilem consensum.* Cresconius Africanus Episcopus in Collectione sua pariter tantum 50. refert.

Unde Synodus Lateranensis sub Stephano IV. anno 769. act. 7. ut restatur Anastasius Bibliothecarius, statuit: *Non amplius suscipiantur Apostolorum Canonum prolata per Clementem, nisi 50. Capita, quæ suscipit Sancta DEI Catholica Romana Ecclesia.*

Hanc decisionem confirmat Cardinalis Humbertus, Leonis IX. in Orientem legatus, in responsione ad libellum Nicetæ Pæstorati contra Latinos editum. In qua responsione Humbertus scribit: *Clementis librum, best, Petri Apostoli itinerarium, & Apostolorum Canones numerant Patres inter apocrypha, exceptis 50. Capitulis, quæ decreverunt Orthodoxæ fidei adjungenda.* Carpit hic Natalis Gratianum, quod dist. 16. can. 3. hæc verba Humbertus adscripserit Leoni IX. sed quia Humbertus ea scripsit tanquam Legatus autho.

130.

Romana Ecclesia tantum 50. recepit.



authoritate, jussu, & nomine Leonis IX. merito hic a Gratiano citari potuit.

Idem Gratianus *dist. 32. can. 6.* hæc addit: *Sciendum vero, quod Canonum Apostolorum auctoritate Orientalis, & ex parte Romana utitur Ecclesia.*

Imo ne quidem Isidorus Mercator ausus est plures quam 50. Collectioni suæ inferere.

Sed neque hi statim omnes auctoritatem legalem obtinuerunt: Unde Dionysius, ut supra memoratum, dixit, plurimos eisdem non faciliem assensum præbere. Unde eos neque Ferandus, neque Martinus Bracarensis compilationibus Canonum inseruere. Et teste Hincmaro Remensi libr. 55. c. 45. anno 870 necdum exstabant in Canone Ecclesiæ Gallicanæ. Idem Hincmarus, opusc. 55. cap. 24. scribit: *Canones, qui vocantur Apostolorum, a devotis quibusque collecti, in quibus quædam receptibilia, quædam vero non sunt servanda, non ab Apostolis scripti esse creduntur.*

Paulatim autem ab Apostolica sede 50. approbati, per Occidentem auctoritatem legalem obtinuerunt, ut anno 840. eos in Ecclesia Romana jam usurpatos esse in judiciis constet ex Leone IV. qui in Epistola ad Britanniam Episcopos scribit: *Canones quibus in omnibus judiciis Ecclesiasticis utimur, sunt Canones, qui dicuntur Apostolorum.*

31. Neque obstat Canon quintus, in quo prohibetur, ne Episcopus aut  
Explicuntur aliqui Canones. presbyter uxorem suam abjiciat. Nam hic non conceditur Episcopo aut presbytero uxorem ducere, aut cum jam ante SS. Ordines ducta uti matrimonio, sed tantum prohibetur, ne illam, quam ante ordinationem duxerat, postea spernat, omnemque illius curam deponendo, eam omnino abjiciat, in qua prohibitione neque Romanæ Ecclesiæ Canonibus aut consuetudini dicitur aliquid oppositum, cum laudabile omnino sit, uxori ante ordinationem ductæ de necessaria sustentatione providere, illam defendere, atque illius curam gerere.

Si tamen Canon ille præciperet Episcopo, aut presbytero, ut post ordinationem actum conjugalem exerceat, dicendum esset, Canonem in hoc sensu nec esse Apostolicum, neque ab Ecclesia Latina unquam receptum, sed a Græcis insertum.

Idem dicendum de Canone 45. & 46. nam si in iis baptismus, ab hæreticis collatus, tanquam invalidus simpliciter & absolute rejiciatur, ut Natalis contendit, nec Apostolici sunt, nec recepti in Ecclesia, sed post Concilium Iconii celebratum, pro errore Firmiliani & Cypriani confirmando Apostolis affixi. Si vero dicti Canones aliud non velint, quam baptismum hæreticorum tunc tantum esse invalidum, quando debitam

mate-

materiam & formam non adhibent, ut Canonistæ explicant, veri sunt, & doctrina in iis contenta, recepta in Ecclesia.

Manifestius adhuc rejiciendus est Canon 65. in quo jubetur Clericus <sup>32.</sup> eponi, & Laicus excommunicari, qui die dominica vel sabbati jejunat. Alii rejiciunt. Et tamen constat, quarto jam sæculo Romæ sabbato jejunatum fuisse, ut testatur S. Augustinus epist. 86. ad Casulanum & Socrates *Hist. Eccles. l. 5. c. 2.* Unde S. Augustinus loc. cit. a. t., non constare ex Apostolis, quia die t jejunandum, vel non. Et Innocentius I. epist. 1. ad Decentium scribit: *Sabbato jejunandum evidentissima ratio demonstrat.* Deinde cum Nicetas ex can. 65. contra Latinos sabbato jejunantes pugnaret, Humbertus ei objecit, quod ex apocryphis & reprobatis Canonibus id asserat.

Canon etiam ultimus seu 85. plura continet, cum Ecclesiæ doctrina non consentanea. Nam in eo inter libros sacræ Scripturæ numerantur tres libri Machabæorum, item duæ Epistolæ Clementis cum octo libris constitutionum eidem Clementi ibidem attributis. Contra vero ex numero librorum Biblicorum expunguntur, vel saltem inter Biblicos non re- censentur liber Ecclesiastici, Tobiae, Judith, Esdræ, Apocalypsis, contra Ecclesiæ etiam veteris definitiones, ut patet ex epist. Innocentii I. ad Exuperium, ex Gelasio in Synodo Romana &c. Ergo Canon iste neque est ab Apostolis traditus, neque a S. Clemente conscriptus, neque unquam Ecclesia receptus; sed potius ab hæreticis assutus.

Et hinc quando Gratianus dist. 16. can. 1. ex Isidoro scribit, Canones, qui dicuntur Apostolorum, sub nomine Apostolorum ab hæreticis esse compositos, & ab auctoritate canonica alienos, id intelligendum venit de memoratis Canonibus, in quibus aliquid contra Romanæ Ecclesiæ doctrinam statutum invenitur. Quamvis judicem, Canonem 1. citatum parum habere auctoritatis, quia Gratianus eum desumpsit ex Isidoro Mercatore, cujus alias fides non est firma; ut patet in Decretalibus primorum Pontificum, ab hoc Isidoro aut male compilatis, aut omnino confictis. Accedit, quod non in omnibus editionibus collectionis Isidori hoc capitulum habetur, sed potius contrarium.

#### PROPOSITIO IV.

*Probabilis Canon, qui dicuntur Apostolorum, non sunt ab ipsis Apostolis, neque a S. Clemente scripti.*

ta docent Petrus de Marca, Antoninus, Augustinus, Baluzius, Alaspinaus, Alexander Natalis, Pagius, Annatus, Du Mesnil, alique scriptores eruditissimi, qui hanc rem ex professo examinauerunt.

Pars II.

L

Ratio



Ratio est 1. Quia usque ad medium tertii sæculi nulla omnino horum Canonum habentur vestigia, aut indicia. Sed probabilius a variis Conciliis particularibus sunt successively constituti atque aucti. Unde neque a Eusebio, neque a S. Hieronymo, neque ab aliis Patribus fuerunt scripti Apostolorum, aut S. Clementis annumerati: & inter fideles dubia eorum auctoritas, ut patet ex confessione Dionysii Exigui supra allata quia scilicet successively plures ab Ecclesia fuerant recepti, & auctoritate legali muniti.

Gelasius dicit apocryphos.

34.  
Refutatur  
responsio  
Turriani,

2. Quia Gelasius Papa in Decreto Synodi Romanæ anno 494. expressè dicit: *Liber Canonum Apostolorum est apocryphus*. Neque dici potest cur Turriano & Canonistis, a Gelasio inter apocryphos non fuisse ablegatum librum Canonum Apostolorum, quos hodie in corpore Juris habemus insertos, sed alium quemdam librum, a Priscillianistis conscriptum & Apostolis affictum. Nam Gelasius toto illo decreto diligenter enumerat libros Biblicos veteris ac novi testamenti, item Canones Conciliorum, a scripta Patrum, nihil autem de Canonibus Apostolorum aliud meminit nisi quod sint apocryphi.

Certe si duo fuissent libri ejusdem tituli, nempe *Canonum Apostolorum* alter verus ac genuinus, alter falsus & ab hæreticis affictus Apostolis, debuisset Gelasius, ubi ex professo pretiosum a vili secrevit, facere discrimen & dicere: *Liber Canonum Apostolorum alter, a Priscillianistis conscriptus, est apocryphus, alter vero a Clemente Romano conscriptus est authenticus*. Quod cum non fecerit, sed sine omni distinctione aut limitatione dixerit, librum Canonum Apostolorum esse apocryphum, profecto, aut nullum alium agnovit, quam a Priscillianistis conscriptum, quod est incredibile, aut nullum alium, quam continentem eos Canones, quos hodie habemus. Alias plane debuisset inter utrumque distinguere, ne fideles in errorem inducat. Sicut eos in errorem induceret, qui diceret: *Evangelium Lucae est apocryphum*, intelligendo illud, quod a Marcione est confectum ac suppositum.

Bellarmini,

Unde neque omnino difficultatem tollere videtur, quod respondet Bellarminus de Scriptor. Ecclesiast. in Clemente, decretum Gelasii non loqui de 50. prioribus Canonibus, sed tantum de 35. ultimis, a Græcis superadditis. Nam si Gelasius aliquos habuisset pro vere Apostolicis, alios vero pro supposititiis, non dixisset simpliciter & absque distinctione, librum Canonum Apostolorum esse apocryphum, sed pretiosum a vili separasset, ubi ex professo librorum auctoritatem examinavit, suumque de quolibet judicium tulit, ne homines in errorem inducat, & occasionem præbeat judicandi, omnes Canones, aut majorem saltem partem illius libri,

libri, esse apocrypham. Nullatenus tamen concedo, quod Natalis contendit, Gelasium librum eorum Canonum omnino rejecisse ab Ecclesiasticis scriptis, sed, dicendo esse *apocryphum*, illud duntaxat indicare soluit, Canones eos non esse a S. Clemente conscriptos, sed eidem & Apostolis suppositos.

Quare neque responsio Baronii videtur omnino satisfacere, dum ait: Baronii librum illum a Gelasio vocari apocryphum, quia non est in numero librorum sacrae Scripturae, nam repugnare videtur huic opinioni, quod Gelasius *loc. cit.* tres ordines librorum assignet. n. primo collocat libros Biblios sacrae Scripturae veteris ac novi testamenti; in secundo libros Conciliorum ac sanctorum Patrum, & epistolas decretales Pontificum; in tertio libros supposititios, seu apocryphos: in hoc enim sensu hanc vocem hic recepat, ut *apocryphi* libri idem hic ipsi sint, ac certis personis suppositi, & falso adscripti. Atque ad tertiam hanc classem refert Itinerarium Petri, octo Clementis libros, actus Andreae, Thomae, Petri, Philippi, Evangelia Thaddaei, Thomae, Andreae, Bartholomaei, Barnabae &c. librum Pastoris, actus Teclae & Pauli, librum de poenitentia Origenis & Cypriani: atque inter multos hujusmodi apocryphos ponit etiam nominatim librum *Canonum Apostolorum*.

Igitur Gelasius non tantum ideo libros in hac tertia classe a se enumeratos vocat apocryphos, quia non sunt in numero librorum Biblicorum, nam etiam libri Conciliorum & SS. Patrum, quos in secunda classe ponit, non sunt in catalogo librorum S. Scripturae, nec tamen eos vocat apocryphos) sed ideo vocat apocryphos, quia non sunt eorum Doctorum libri, quibus attribuuntur. Unde

Per hoc, quod librum Canonum Apostolorum Pontifex appellet apocryphum, non negavit, plura valde utilia, doctrinae ab Ecclesia approbatae omnino consentanea, in iis reperiri.

Præter allata hæcenus argumenta, plures superessent conjecturae, quæ, Canones illos non esse ab ipsis Apostolis, neque a S. Clemente conscriptos, suadent, ac deinceps per continuam traditionem propagatos. 35. *Alia argumenta.* Ur enim nemo illos unquam usque ad Sæculum ferme quartum citasset, præsertim in causa Firmiliani & Cypriani contra Stephanum Papam, circa aetatem baptismi, ab Hæreticis collati, aut in causa de paschate celebrando, inter Victorem Pontificem & Episcopos Orientales tantopere agitata? Ubi tamdiu latuerunt? Quis primus in lucem produxit? Videntur sane res tam memorabiles non potuisse latere antiquitatem.



Deinde videntur non præferre stylum Apostolis usitatum. Cum plura etiam vocabula sint his inserta, quæ in Apostolorum scriptis non inveniuntur, e. g. vox *Clericus*, *Leitor*, *Cantor*, *Sacerdotalis administratio* &c. Neque satis credibile, quod de quibusdam extraordinariis & exoticis materiis & actibus, quorum tempore Apostolorum nullum extat exemplum, plures Canones statuerent, e. g. de iis, qui se ipsos exci-  
dunt &c.

36.  
A diversis  
Conciliis  
editi.

Unde concludendum tandem videtur: Canones illos non esse quidem a S. Clemente ex Apostolorum ore scriptos, imo usque ad quartum ferme sæculum Ecclesiæ fuisse incognitos, ac ne tum quidem certam obtinuissæ autoritatem, multos tamen, a diversis Conciliis statutos, ab Ecclesiæ Romana esse receptos, autoritatem legalem obtinere, atque Apostolicos idcirco dici posse; sicut Canones Pontificum appellantur Constitutione Apostolicæ.

### QUÆSTIO III.

*Quenam certa habeantur ex Jure Apostolico.*

37.

Præter scripturas Biblicas, quatuor videlicet Evangelia, Epistolas Petri, Pauli, Joannis, Jacobi, Judæ, Apocalypsin Joannis, eaque, quæ in Actis Apostolorum de Apostolis memorantur, constat tum ex his ipsis libris S. Scripturæ Canonicis, tum etiam ex traditione, Apostolos, sæpius congregatos, plura saluberrime pro gubernanda Ecclesia statuissæ.

Petri pri-  
matus.

Atque imprimis, ut in actibus Apostolorum cap. i. v. 15. habetur, Petrus incipiens Primatus sui officio fungi, & Ecclesiæ sibi a Christo commissæ curam gerere, Apostolis in cænaculo Jerosolymæ congregatis, post Christi in Cælum ascensum, & ante Spiritus S. descensum, proposuit, unum aliquem eligendum esse, qui Judæ proditori succederet in Apostolatu.

Quo audito, oratione præmissa, cæptus electionis processus, ac duobus in medium statutis, *Barsaba* & *Matthia*, fors cecidit super *Matthiam*.

38.  
An fortibus  
electus sit S.  
Matthias?

Quærere hic solent S. Scripturæ Interpretes, an *fortibus*, proprie dictis, hæc electio fuerit peracta? Ratio dubitandi est, quia S. Antoninus censet, signum aliquod de cælo lapsum, e. g. radium aliquem lucis, super caput *Matthiæ* apparuisse: Quo modo fert fama S. Gregorium in Pontificem esse designatum. Alii cum Dionysio Carthusiano divi-

ivinant, signum illud fuisse columbam, alii aliud signum sibi imaginantur.

At recedendum non est a notione propria fortis. Quin ipse textus aperit hoc satis indicat, dum ait: *Et dederunt sortes eis: & fors cecidit super Matiam.* Neque res nova olim fuit, per sortem eligere. Sic enim in lege veteri sorte constituebatur Sacerdos, qui adoleret incensum ante altare Domini. Saul forte electus est Rex. Sorte divisa terra promissa, sorte deprehensus Achan. Hoc proin usu retento, instinctu etiam Divino accedente, fors data est duobus, virtute & merito æqualibus, quambis deinde hic modus electionum in desuetudinem abierit; imo etiam sit prohibitus *cap. Ecclesia de sortileg.* ipsi etiam Apostoli reliquas postmodum electiones, ut septem Diaconorum, non commiserunt sorti, sed suffragis: ut digniores eligantur.

Haud multo post electionem S. Mathiæ congregati sunt rursus Hierosolymis Apostoli, ex occasione murmuris Græcorum, quod despicerentur in ministerio quotidiano eorum viduæ. act. 6. quia scilicet tunc viduæ, tanquam seniores, & matresfamilias, ministrabant Apostolis & fidelibus ad victum vestitum necessaria ex iis, quæ fideles in commune contulerant. Hæc autem honoratiora circa hoc officia sibi arrogabant, Græcis autem illiora tantum relinquebant; inde murmur Græcorum. Hoc ut sedarent Apostoli collecti, fideles hortabantur, ut eligerent septem Diaconos, in quos a viduis munus illud mensis ministrandi transferretur, utique digniores essent.

Sed non hoc unum profanum officium Diaconis illis fuit impositum; sed etiam, ut essent sacræ pariter mensæ Ministri, vere ordinati sunt, sic nostri hodie Diaconi. Quorum proin institutio & officium ad prius Ecclesiæ tempora referendum est. Negant hoc quidem plures Aca-

39.  
Electio  
Diaconorum  
qualis.

40.  
Quale illorum  
offici-  
um?

Probat ex iis, quæ de constituendis istis Diaconis sacra narrat historia. Nam seligebant viros, Spiritu sancto & sapientia plenos. Orabant super eos, & imposuerunt eis manus, act. 6. Tantis autem & tam multis ceremoniis non fuisset opus, si unice fuissent electi ad profanum ministerium. Quare S. Ignatius Martyr in epist. ad Heronem Diaconum scripsit, S. Stephanum ministrasse Jacobo Apostolo sacrificanti. S. Hieronymus epist. 1. Nicolaum, unum ex septem Diaconis ministrasse sacrum mensæ sacræ ministrum; ac propterea Nicolai hujus apostata tantopere fuit deplorata a SS. Patribus. Accedit, quod Concilium Aquisgranense can. 7. testatur, Diaconos in Ecclesia ordinari in-



star septem primorum Diaconorum. Ergo illi etiam ordinati sunt, ut sacrificanti sacerdoti assisterent, & sacrae mensae essent ministri.

41. **Quid agapæ.** Observatus nimirum in prima Ecclesia fuit ille ritus, ut convenirent fideles quotidie S. Synaxin sumerent, atque post illam simul cœnarent: quæ cœna seu convivium, post sumptionem Evcharistiæ, in signum charitatis & unionis, institutum, appellatum est ἀγάπη seu dilectio, & convivia Christianorum *agapæ*. Utrique vero huic mensæ, tam sacrae, quam vulgari ministrabant Diaconi.

Imo etiam prædicandi verbum Dei, hominesque baptizandi officium Diaconis illis erat impositum, ut constat ex *cap. 8. act.* ubi narratur, quod occiso S. Stephano primo Diacono, qui Judæis prædicaverat, *Philippus*, qui secundus erat Diaconus, dispersis Jerosolymæ sæviente persecutione fidelibus, in Samariam descenderit, ibique magno cum fructu publice prædicaverit, atque inter illos etiam Simonem Magum baptizavit: ac postea etiam Evnuchum Candacis Reginae Æthiopiae.

42. **Confirmatio-  
nis Sa-  
cramentum.**

Auditis Jerosolymæ tot tantisque conversionibus, Apostoli mittere in Samariam censebant Apostolos, qui baptizatis manus imponent, & Sacramentum Confirmationis impertirent: quia Philippus, tanquam Diaconus, hoc facere non poterat. Delecti igitur ad hoc Petrus & Johannes, Episcopi, profecti in Samariam, imponebant manus super illos, & accipiebant Spiritum sanctum, *act. 8.* ubi Simon Magus, cum oblata pecunia potestatem imponendi manus vellet emere, a S. Petro est excommunicatus. Ex quo manifeste patet, potestatem illam per manuum impositionem conferendi Sacramentum confirmationis, atque per istud gratiam Spiritus sancti neque baptizatis, qualis erat Simon Magus, neque Diaconis, qualis erat Philippus, fuerit commune. Falsum proin est, quod illa manus impositio mera fuerit orandi ceremonia. Cur enim talem Simon Magus voluisset emere? cur opus fuisset, ut Apostoli in Samariam descenderent?

43. **Et quidem  
cum usu  
Chrysmatis.**

Et quidem probabilius Apostoli conferendo Sacramentum Confirmationis una cum manuum impositione usi sunt sacro chrysmate, aut saltem oleo, ut censet cum aliis Cornelius a Lapide *comment. in cap. 8. act. Apost. v. 17.* contra S. Thomam, Bonaventuram, Scotum, Durandum, Gabrielem, Palaum, Sotum, Suarez, aliosque, qui censent, vere quidem Sacramentum Confirmationis esse collatum ab Apostolis, non tamen adhibitum chryσμα, dispensante in hoc Deo, eo quod tunc loco chrysmatis fuerit ipsum signum visibile, per quod illapsus est Spiritus S. in confirmandos. Quod confirmant ex *cap. cum venisset S. per frontis, de sacra*

*sacra unctione*, ubi Innocentius III. ait: *Per frontis Chrysmationem manus impositio designatur*. Quasi diceret, chrysmationem successisse manuum impositioni.

Quibus tamen non obstantibus laudatus Cornelius longe probabilis, imo quasi certum existimat, Apostolos nunquam Sacramentum Confirmationis contulisse sine chrysmate, aut sine inunctione, idque probat,

1. Quia in cæteris Sacramentis non habuerunt istam libertatem; neque alia Sacramenta administrarunt sine sua ordinaria materia.

2. Quia nullus veterum dicit, illos hoc Sacramentum vario modo administrasse: nempe nunc per solam manus impositionem, nunc per chrysmatis unctionem: cum tamen multi dicant, eos usos esse chrysmate, ut S. Dionysius *Hierarch. Eccles. c. 4.* cui Cornelius adjungit S. Clementem *constit. Apost. c. 44.* quæ constitutiones, licet non sint Clementis, sunt tamen antiquissimæ. Allegat etiam Fabianum Papam *epist. 2.* item Hugonem de S. Viçt. *l. 2. de Sacram. p. 7. §. 2.* Thomam Waldensem *tom. 2. c. 113.*

3. Quia sub nomine impositionis manuum commodissime etiam intelligitur inunctio; nam qui inungit, manus imponit: idque probat ex textu Hebraico: item ex Patribus, qui manus impositionem & inunctionem pro eodem sumunt, ut S. Cyprianus *epist. 70. & 73.* Tertullianus *l. 1. contra Marcionem*. Et hoc ipsum etiam indicat citatus Canon Innocentii III. de sacra unctione.

4. Quia familiare est scripturæ res plures conjungere una tantum expressa. Sic act. 8. & 19. ait Lucas, Apostolos baptizasse in nomine *Christi*, relinquens nobis alias personas intelligendas. Et act. 8. dicit, Evnuchum esse baptizatum, cum dixisset: *Credo, Filium Dei esse Jesum*, tamen non est dubitandum, quin de aliis multis fuerit interrogatus Evnuchus.

Accedit, quod Apostoli facile habere potuerint oleum & balsamum, utpote quod in Judæa nascitur: ex his autem conficitur chryisma. Cur ergo hanc materiam Sacramenti a Christo sancitam omisissent Apostoli. Aliud est de libro Evangeliorum, qui tunc necdum scriptus erat: adeoque in ordinatione primorum Diaconorum adhiberi non poterat.

Hoc



44.

Hoc certum, quod confirmatio vere sit Sacramentum, a Christo Domino institutum, prout omni tempore tenuit, tenetque S. Ecclesia, non minus, quam baptisus, aut Sacramentum Eucharistiae: quæ etiam ab Acatholicis agnoscuntur ut Sacramenta. Sic S. Augustinus l. 2. contra litt. Petiliani c. 104. *Sacramentum Chrysmatis . . . in genere visibilibus signaculorum sacrosanctum est, sicut ipse baptisus.* Et Tertull. de Resurrectione carnis confirmationem expresse inter Sacramenta ponit. Plurimos alios Patres recenset Bellarminus tom. 2. lib. 2. de Sacramento Confirmationis c. 5. & 6.

45.  
Editio sym-  
boli Apo-  
stolici.

Porro Apostoli, antequam Jerosolymis descenderent ad prædicandum gentibus Christum, congregati, summa quædam fidei capita ediderant, in 12. articulos *symboli Apostolici* divisa, ut sic unius labii omnes & ubique forent, & dignoscerentur, qui vere Christum prædicarent.

Quamvis enim de symbolo isto nihil nobis manifeste ex scriptura constet, perpetua tamen traditio satis nos de illo docet: instruentem nos solenni illa S. Augustini regula, lib. 5. de Bapt. contra Donatistas præscripta: *Quod universa tenet Ecclesia, nec Conciliis institutum, sed semper retentum est, non nisi auctoritate Apostolica traditum, rectissime creditur.* Atqui tale est hoc symbolum.

Testem locupletem habemus S. Ambrosium, qui epist. 7. ad Siricum ait: *Credatur symbolo Apostolorum, quod Ecclesia Romana intemeratum semper custodit & servat.* Uti etiam S. Leonem M. epist. 13. ad Pulcheriam sic scribentem: *Siquidem ipsius Catholici symboli brevis & perfecta confessio, quæ duodecim Apostolorum totidem est signata sententiis, tam instructa sit in omni munitione celesti &c.*

Ephesinum pariter Oecumenicum Concilium in relatione ad Theodosium Imperatorem de Nestorii depositione testatur, fidem initio quidem a sanctis Apostolis traditam, postea vero A. 318. in Metropoli Nicæna fuisse expositam.

Ex quibus, aliisque adeo certo in Ecclesia constat, hoc symbolum vere esse ab Apostolis editum, ut temerarium omnino foret, contrarium asserere.

Neque

Neque obstat, quod S. Lucas in describendis actibus Apostolorum nullam illius mentionem fecerit. Nam multa alia sunt acta ab Apostolis, quorum Lucas non meminit. Neque enim meminit, quot & quales Apostoli scripserint epistolas, in quas Provincias singuli sint dimissi, quas regiones peragravit singuli, quas gentes singuli converterint, quales conciones ad populum habuerint, ne quidem iter Petri Romanum refert. Sed id sibi potissimum videtur habuisse propositum, ut itinera & gesta S. Pauli describat.

Licet autem hoc symbolum vere sit Apostolicum, tamen non est pars S. Scripturæ: quia ab Apostolis non est scripto editum, sed viva voce traditum fidelium memoriæ, teste S. Hieronymo epistola 6. ad Pamachium scribente: *Symbolum fidei & spei nostræ, quod ab Apostolis traditum, non scribitur in charta aut atramento, sed in tabulis cordis.*

Celeberrima pariter est Apostolica constitutio, quæ refertur in actis Apostolorum c. 15. cum enim Antiochiæ cresceret fidelium numerus, primique ibidem vocarentur *Christiani*, venit pariter eo inimicus homo & superfeminavit zizania, excitata inter eos dissensione ex quaestione, an gentiles conversi tenerentur circumcidi, aliaque legalia observare?

Hoc asserabant conversi ex Judæis, præsertim Ebion & Cerinthus, qui ex Judæa Antiochiam delati, conturbant Ecclesiam, contendentes, gentiles primum fieri debere per circumcisionem Judæos, quibus solis gratia Messiae sit promissa, & deinde primum Christianos: Paulo & Barnaba opponentibus, Christianos non teneri servare leges ceremoniarum Mosaicarum.

Controversia hæc Ecclesiastica poscebat visibilem Judicem, qui eandem posset dirimere. Quare ex utraque parte missi Jerosolymam ad Apostolos, qui convenerunt cum senioribus *videre de verbo hoc*, anno post Christi mortem 16.

In hoc Concilio manifeste primatum tenuit Petrus, ejusdem Præses, qui causa examinata primus sententiam definitivam dixit, Christianos non obligari legibus ceremonialibus Mosaicis, cui sententiæ Jacobus ac totum Concilium accessit; rescriptumque fuit Antiochenæ Ecclesiae: *Visum est Spiritui S. & nobis, nihil ultra imponere vobis oneris, quam*

Pars II.

M

hæc

46.  
Controversia  
Antiochena.

47.  
Concilium Je-  
rosolymita-  
num.



*hæc necessaria, ut abstineatis vos ab immolatis simulacrorum, & sanguine & suffocato &c.*

Interfuerunt autem huic Concilio ( quod esset norma futurorum ) Apostoli seu Episcopi, ut judicarent & definirent ( *propter quod ego iudico* ) seniores seu presbyteri, ut inquirerent & consultarent ( *cum autem magna conquisitio fieret* ) laici vero ut tacerent & acquiescerent ( *tacuit autem omnis multitudo* ) quod deinceps in reliquis Conciliis in praxim ivit.

Circa numerum Apostolorum, qui huic Concilio interfuerunt, inter eruditos est disceptatio. Alii enim volunt, omnes 12. interfuisse. Sed hoc videtur aperte falsum, cum constet, Jacobum Majorem, fratrem nempe Joannis, jam anno a Christo nato 44. ab Herode fuisse occisum. Concilium autem hoc celebratum est anno 51.

48.  
Quinam præ-  
sentes.

Alii putant, præter Jacobum omnes Apostolos, jam ante per varias orbis provincias dispersos, Divino instinctu Jerosolymæ convenisse. Sed hoc vix est credibile: cum fieri vix potuisset, ut ex remotissimis orbis partibus omnes convenirent: nec sacra historia ullam de hoc mentionem facit.

Tertia igitur sententia est, Petrum, Joannem, & Jacobum Minorem Jerosolymæ Episcopum, convenisse: videtur hoc patere ex epistola Pauli ad Galatas, in qua c. 2. narrans iter suum Jerosolymam ad hoc Concilium, tantum Petri, Jacobi & Joannis meminit. Imo c. 1. ait, reliquorum Apostolorum se vidisse neminem.

Quæri hic posset, cur ea, quæ in hoc Concilio circa abstinentioniam a sanguine & suffocato prohibentur, jam a multis Sæculis non observentur, cum S. Augustinus libr. 32. contra Faustum dicat, jam suo tempore hoc non fuisse observatum? Quam facilis nobis est responsio, qui sacra traditione accepimus, præceptum illud tantum ad prima Ecclesiæ initia pertinuisse, ut facilius Judæi, qui magnopere a sanguine edendo abhorrebant, cum gentibus conversis convenirent, tam difficilis videtur esse sectariis, qui traditione contempta, probare non possunt, hoc præceptum Apostolicum, primum anno Christi 51. editum, fuisse abrogatum: cum abrogatio ista nusquam in Sacra Scriptura reperitur. Cur ergo facimina, sanguine infarta, contra hoc tam expressum præceptum, in Sacra Scriptura contentum, comedunt.

S. Lucas in actis Apostolorum præcipue enarrans gesta Pauli c. 20. refert, quod, cum Miletum venisset, vocaverit Epheso Seniores Ecclesiæ, ipsosque ad vigilem curam Pastoralem sit adhortatus: *Attendite vobis & universo regi, in quo vos Spiritus S. posuit Episcopos, regere Ecclesiam DEI.* Ex quo patet, cujus sit regere Ecclesiam.

Verum hic quæstio se offert, quid Paulus intelligat per *Episcopos*:  
 unus enim tantum erat civitatis Ephesinæ Episcopus, nempe *Timotheus*? Quid *Epi-*  
 Respondent aliqui, etiam Presbyteros olim sæpius appellatos esse *Episcopus*.  
*scopos* seu *Inspectores*, quia una cum Episcopis (gradu, dignitate, ordine  
 ac potestate semper majoribus) invigilabant gregi. Unde idem Paulus  
 scribens ad Philipenses c. 1. ait: *Omnibus Sanctis in Christo JESU, qui*  
*sunt Philippis, cum Episcopis & Diaconibus*: ubi per Episcopos videtur  
 intelligere Presbyteros, quia non erant plures Philippis Episcopi. Ve-  
 rum S. Irenæus lib. 3. c. 14. expresse dicit: *Paulus in Mileto convocatis*  
*Episcopis & Presbyteris, qui erant ab Epheso, & a reliquis proximis civitatibus &c.*  
 Quod etiam Paulus videtur indicare act. 20. v. 30: *Amplius non videbitis*  
*faciem meam, per quos transivi, prædicans regnum DEI*: videlicet, non solos  
 Mileti adfuisse Ephesios, sed alios etiam, inter quos plures esse potue-  
 runt vere Episcopi.

Et licet olim nomine Episcoporum etiam quandoque fuissent com-  
 prehensi Presbyteri, nullatenus tamen sequitur, quod potestate ordi-  
 nis aut Jurisdictionis fuerint æquales, ut hæresiarchæ Aërius, & Wi-  
 cleffus asserabant. Certum siquidem est, quod potestas ordinandi Sa-  
 cerdotes, & conferendi Sacramentum confirmationis tanquam Mini-  
 stris ordinariis, nunquam competierit simplicibus Sacerdotibus. Con-  
 trarium asserentibus Tridentinum S. 23. c. 7. dicit anathema: *Si quis*  
*dixerit, Episcopos non esse presbyteris superiores, vel non habere potestatem confir-*  
*mandi & ordinandi, vel eam quam habent, illis esse cum presbyteris communem,*  
*anathema sit.*

Quidam cum Baronio, Bivio & Turriano censent, anno Chri-  
 sti 57. ab Apostolis Antiochiæ celebratum fuisse Concilium, in quo Apostolo-  
 novem editi sint Canones: nempe 1. Ut fideles dicerentur Chri-  
 stiani.  
 Concilium  
 in quo Apostolo-  
 rum Antio-  
 chenum sup-  
 positum.



2. Ut baptizati non circumciderentur.
3. Ut nullus excludatur a religione Christiana.
4. Ut Ecclesiastici vitent avaritiam.
5. Ut vitent Christiani gulam, ludorum theatra.
6. Ut vitent gentilium mores.
7. Ut ratum sit præceptum de abstinencia a sanguine & suffocato.
8. Ut pingatur Christi effigies.
9. Ut non admittatur ciborum alius delectus more Judaico.

Verum hoc Concilium esse supposititium, ex eruditis multi existimant, quia nulla illius in Actis Apostolorum mentio, nullumque vestigium apud veteres scriptores Ecclesiasticos.



A P P A R A T U S  
**ERUDITIONIS**  
AD  
**JURISPRUDENTIAM,**

P R Æ S E R T I M  
**E C C L E S I A S T I C A M,**

In quo reviso, auctoque

Præter Juris Universalis Principia,  
**JUS NATURÆ, GENTIUM, DIVINUM,**  
APOSTOLICUM, & PONTIFICIUM, JUS SYNODALE  
OECUMENICUM, NATIONALE, AC PROVINCIALE,

Unacum

Provinciarum ac Regnorum Ecclesiastico & Politico Statu,  
Disciplina Ecclesiæ, Hæresibus exortis &c. continua Sæculorum serie ad  
præsens usque tempus deductum, insertisque in hac præsertim nova  
editione pro re nata multis observationibus criticis, ac controversiis  
Juridicis, Publicis, ac Polemicis

**METHODO HISTORICO- DOGMATICA COLLIGUNTUR,**  
**ET BREVI AC CLARA IDEA DELINEANTUR,**  
In utilitatem eruditionis amantium, quibus vasta Conciliorum, Decretorum,  
Historiarum &c. volumina perlegendi aut occasio aut tempus deficit.

AUTHORE

P. JOSEPHO BINER, S. J.

SS. Theol. & SS. Canonum Doctore, horumque in alma Cæsareo-Leopoldina  
Universitate Oenipontana, ac in celeberrima Episcopali Academia Dilingana,  
antehac Professore Ordinario ac Publico.

**P A R S III.**

*De Jure Synodali Universali.*

**CUM FACULTATE SUPERIORUM.**

---

*Augustæ Vindelicorum & Friburgi Brisgojæ,*

Sumptibus Fratrum IGNATHI & ANT. WAGNER Bibliopol. MDCCLXVII.



ALPHABETUS  
ERUDITIONIS

IN  
JESU CRISTO

RECOLLEKTAM

AVGVSTINVS  
MAGISTRO  
VIRI DOCTI  
VIRI DOCTI  
VIRI DOCTI

AVGVSTINVS  
MAGISTRO  
VIRI DOCTI  
VIRI DOCTI  
VIRI DOCTI

AVGVSTINVS  
MAGISTRO  
VIRI DOCTI  
VIRI DOCTI  
VIRI DOCTI

AVGVSTINVS  
MAGISTRO  
VIRI DOCTI  
VIRI DOCTI  
VIRI DOCTI

AVGVSTINVS  
MAGISTRO  
VIRI DOCTI  
VIRI DOCTI  
VIRI DOCTI

AVGVSTINVS  
MAGISTRO  
VIRI DOCTI  
VIRI DOCTI  
VIRI DOCTI



# PARS III.

## PRÆFATIO

AD

### LECTOREM.

**E**ruditum Jurisprudentiæ cultorem non tantum oportet scire Canones & Leges, sed earum etiam fontes, originem, auctoritatem, antiquitatem, totamque Juris Historiam, cum observationibus dogmaticis ac criticis, hodierno præsertim sæculo tantopere assimatis.

Huc pertinet etiam quam-maxime Jus Synodale, Decreta nempe & Canones Conciliorum. Ex quibus multi quidem sunt selecti, & corpori Juris sparsim inserti, plurimi tamen extra illud in Tomis Conciliorum continentur. Tractaturi itaque de hac materia eruditissima, & Juris-consulto, præsertim Ecclesiastico, perquam utili ac necessaria, de Jure pri- mum Synodali in genere differemus, tum vero ad illud explanandum in specie descendemus.

## CAPUT I.

*De Jure Synodali in Genere.*

### SUMMARIUM.

#### QUÆSTIO I.

De necessitate & utilitate Con-  
ciliorum.

Definitio & divisio Conciliorum,

Pars III.

2. Quamvis non sint absolute necessaria,
3. Sunt tamen valde utilia, ad tollendas hæreses, schismata, & restaurandam disciplinam.

A

4. Atque



4. *Atque sic suavius & efficacius Canones dantur executioni.*
5. *Ad quod etiam Synodi particulares sunt utiles,*
6. *Ut patet ex damnatione heresis Fanfianæ.*

## QUÆSTIO II.

Ad quem pertineat convocare Concilia Generalia ?

7. *Ad Papam spectat convocare Concilia Generalia: ut constat ex ipsis Conciliis, hætenus celebratis, & confessione Imperatorum,*
8. *Qui operam, auxilium & consensum præstant.*

## QUÆSTIO III.

Ad quem pertineat Jus præsidendi Conciliis Generalibus ?

9. *Sententiæ Protestantium.*
10. *Præsidet Papa, idque semper observatum, etiam in antiquissimis Conciliis.*
11. *Ostenditur exemplis.*
12. *Argumenta Protestantium.*
13. *Quid in casu, si Papa accusetur ?*

## QUÆSTIO IV.

Quinam sint vocandi ad Concilium Generale ?

14. *Vocandi sunt omnes Episcopi cum jure suffragii decisivi. Alii DD. vocantur ad consultandum.*
15. *Refutatur opinio Protestantium.*

16. *Quo jure vocentur Cardinales, & Abbates.*

17. *Solvuntur objectiones Protestantium.*

18. *Non debent convocari omnes Clerici: multo minus omnes Laici.*

19. *Quomodo subscripserint Imperatores ?*

20. *An sola scriptura in Concilio sit Judex ?*

21. *Concilium Apostolicum est norma cæterorum.*

22. *Quid de sententia Brentii, solos electos esse vocandos ?*

23. *Quot requirantur Episcopi ad Concilium Generale ?*

## QUÆSTIO V.

An Concilia Generalia possint errare ?

24. *A Papa confirmata errare non possunt, nec in Fide nec in Moribus.*

25. *Probatur ex S. Scriptura,*

26. *Ex Patribus,*

27. *Et ratione.*

28. *Solvuntur objectiones.*

## QUÆSTIO VI.

An Concilium sit supra Pontificem ?

29. *Diversæ opiniones.*

30. *Summus Pontifex est supra Concilium.*

31. *Respondetur Argumentis contrariis.*

## QUÆSTIO I.

*De Necessitate & utilitate Conciliorum.*

Concilium Ecclesiæ definitur, quod sit Prælatorum Ecclesiæ congregatio, ad Fidei controversias decidendas, vel schismata tollenda, vel fidelium mores reformandos, a legitimo capite convocata, aut saltem confirmata.

Alia autem sunt *Generalia*, seu *Oecumenica* vel *Univerſalia*: quæ auctoritate ſummi Pontificis per majores ſaltem orbis orthodoxi Provincias indicuntur, ac confirmantur: quibusque intereſſe poſſunt (ac, niſi legitime impediuntur, etiam debent) omnes Epiſcopi cum jure ſuffragii deciſivi, quod in ultimis Conciliis etiam Abbatibus & Generalibus Ordinum conceſſum eſt, & ſic ex conſuetudine jam introducta iisdem competit.

Talia, haſtenus celebrata, numerari ſolent 18. ex quibus Græci Schiſmatici tantum recipiunt *prima ſeptem*. Lutherani & Calviniſtæ vel quatuor, vel quinque, vel ſex *prima*: quia non ſatis ſciunt, quot habent. Eutychniani tantum tria *prima*. Neſtoriani tantum duo *prima*. Macedoniani tantum unum. Ariani & Trinitarii nullum. Prout nimirum cuilibet ſpiritus ſuus privatus & eſſranis ſentiendi licentia dicat.

Alia vero Concilia ſunt *Particularia*, eaque vel *Nationalia*, ſeu intergræ alicujus Nationis, quibus Patriarcha aliquis aut Primas Regni præſidet, qualia ſunt Concilia plura Romana, ex Italis congregata: Toletana ex Hiſpanis: Carthaginienſia ex Afris.

Vel ſunt *Provincialia*, ex Epiſcopis alicujus Metropolitanis aut Archiepiſcopi Provincia collecta: qualia olim pro ſingulis annis fuerunt præſcripta: his præeſt Metropolitanus, aut Archiepiſcopus.

Vel denique ſunt *Diœceſana*, ab Epiſcopo cum Clero ſibi ſubjecto inſtituta, in quibus tamen ſolus Epiſcopus habet ſuffragium deciſivum: Clerus vero tantum conſultivum.

Quamvis autem Pontifex, etiam extra Concilium, in decidendis quæſtionibus fidei ſit inſallibilis, tanquam conſtitutus a Chriſto Judex omnium controverſiarum, quæ circa fidei & morum doctrinam moventur, eique tanquam Eccleſiæ capiti ac Chriſti Vicario obtemperare debeat fraternitas univerſa, ut loquitur S. Cyprianus *lib. 1. epiſt. 3.* atque ſic non abſolute & ſimpliciter ſint neceſſaria Concilia, præſertim generalia, utpote in quibus primis trecentis annis bene eſt gubernata Eccleſia, licet multæ hæreſes, ſchiſmata, vitia & abuſus contra illam inſurgerent.

Nihilominus tamen Concilia Eccleſiæ valde eſſe utilia, nemo erit, qui negat inſicias. Quid enim ad hæreſes opprimendas atque extirpandas oportet unquam exiſtimatum, quam univerſale concilium? Unde contra hæreſin Arianam, late ſe diffundentem, inſtituta Nicææ in Bithinia prima ſynodus Oecumenica: contra Macedonianam ſecunda Conſtantinopolitana: contra Neſtorianam tertia Ephēſi: contra Eutychnianam quarta Chalcedonenſis: contra hæreſin Origenis quinta Conſtantinopolitana: ibidemque ſexta contra Monothelitarum errorem, per magna, etiam Patriarcharum, capitula graſſantem: contra Iconoclaſtas tumultuantes ſeptima Ephēſi: ſicque

2.  
Quamvis  
Concilia  
non ſint  
abſolute  
neceſſaria,

3.  
Sunt tamen  
valde utilia

Ad tollendas  
hæreſes,



que aliis etiam hæresibus Concilia, tanquam utilissimum medium, sunt opposita.

Schismata,

Neque utilius quidquam ad tollenda schismata. Sic synodus octava, decima, decima tertia, decima quarta, decima sexta, decima septima, Constantiensis aliæque temporibus Damasi, Symmachi, Cornelii, Sixti III. Leonis III. &c. contra diversa schismata sunt celebratæ.

Restaurandam disciplinam,

Sed neque aliud efficacius remedium ad extirpandos abusus & vitia, atque ad labescentem Ecclesiasticam disciplinam restituendam. Hinc enim tot saluberrima decreta descendunt ex synodis illis generalibus Lateranensibus, præcipue sub Alexandro III. & Innocentio III. Romæ institutis, uti etiam ex utroque Lugdunensi, & Viennensi, quorum plura in corpus juris Canonici sunt illata.

4.  
Et quidem  
suavius &  
efficacius.

Licet enim hæc omnia remedia Ecclesiæ afferre posset summus pontifex, cui cum clavibus regni cælorum amplissimam potestatem ligandi ac solvendi, atque adeo supremam jurisdictionem, a solo Christo dependentem, concessam novimus; suaviori tamen non raro atque efficaciore ratione proceditur, si omnes undique Christiani populi videant, etiam Episcopos suos, in partem sollicitudinis vocatos, omnemque universum per eos Ecclesiam cum capite suo, Romano Pontifice, consentire. Quo sane pacto fit, ut Ecclesiæ leges atque decreta, sive ad fidei doctrinam illa pertineant, sive ad morum disciplinam, certius per provincias innotescant, & apud fideles in usum & praxin eant, obstruendo iis etiam ore, qui per hæresin Pontificem non agnoscunt, aut per schisma obedientiam eidem detestant, aut per nescio quam sentiendi libertatem infra Concilii generalis auctoritatem eum deprimunt.

5.  
Etiam particularia ad hoc sunt utilis.

Quia autem difficile omnino est, generales orbis terrarum cœtus colligere, tum propter locorum distantiam, itinerum molestias, sumptuum magnitudinem, aut Principum sæcularium bellâ ac dissensiones, tum propter alias difficultates, hisce præsertim temporibus, quibus orbis in tot potestates est divisus, quasque nimium quantum expertum est Concilium Generale ultimum; ideo plurima particularia, in Europa, Asia, & Africa sunt instituta Concilia, tum ad faciendam conservandamque disciplinam ecclesiasticam, tum etiam ad condemnandas hæreses notorias & apertas: prout hæresin Pauli Samosatani a Synodo Antiochena condemnatam annales referunt. Convenerant enim Patres ad depellendum ilupum apertum ab ovili Christi.

Atque hac ratione Romanus etiam Pontifex majores Ecclesiæ causas adhibito Concilio, magno vel parvo, solet expedire. Quid enim aliud sunt tot Romanæ Cardinalium atque Episcoporum Congregationes, ac perpetua assistentia, quam Concilia quædam, unita Christi Vicario, quæ dili-

genti

## De Jure Synodali in Genere.

genti examine, maturoque judicio causis discussis, placita sua ultimata Pontificis sententiæ submittunt.

Sic enim non tantum priscais temporibus plures circa fidem controversias compositas, sed novissime etiam hæresin Janſenianam a Sede Apostolica condemnata[m] vidimus: quam sententiam tanquam Ecclesiæ definitionem infallibilem veri fideles agnoscunt veneranturque.

Atque ex his licet colligere, quid respondendum, & quomodo conciliandæ variæ Patrum sententiæ, dum aliqui Conciliorum necessitatem adstruere, alii vero eandem videntur negare. Nam negant necessitatem absolutam, adstruunt vero necessitatem *secundum quid*, ut loquimur in scholis, vel ad summum necessitatem aliquam moralem, ut suavius ad quorundam hominum genium, & efficacius afferatur remedium. Qua de causa ipsi etiam Apostoli, licet seorsim controversias exortas Antiochiæ de legalibus potuissent dirimere, in cœtum tamen aliquoties se collegerunt, ne viderentur præterire medium ordinarium, ab ipso Christo insinuat[um], dum dixit, ubi duo vel tres in suo nomine sint congregati, ibi se esse in medio eorum. Quo deinde medio ordinario semper in Ecclesia usi sunt Romani Pontifices, qui nullam unquam hæresin damnarunt absque omni Concilio, magno vel parvo, optime gnari, adhibito plurium Concilio & consilio relictissime gubernari Ecclesiam, ne Pontifex temere & absque sufficienti deliberatione videatur procedere.

### Q U Æ S T I O II.

*Ad quem pertineat Jus convocandi Concilia generalia?*

Certum est Concilia Diocesana convocanda esse ab Episcopo, Provincialia ab Archiepiscopo, Nationalia a Patriarcha vel Primate; de Conciliis autem generalibus controversia est inter Catholicos & Sectarios hujus temporis. Nam isti sicut Ecclesiasticum Regimen, ita etiam jus convocandi Concilia, tribuunt Principi sæculari, ac præsertim Imperatori. Hinc inter alios prætextus, cur ad Concilium Tridentinum, licet sæpius invitati, non venerint, fuit etiam hic, quod non fuerit indictum ab Imperatore: ideoque non recipiendum clamat Carolus Molinæus.

Catholici vero tenent, jus indicendi Concilia generalia spectare ad summum Pontificem: sufficere tamen, si alius indicat cum ejus consensu, vel approbatione, vel subsequente confirmatione: alioquin non esse legitimum Concilium, sed conciliabulum, *Can. 1. 2. & 5. dist. 17. S. Thomas 2. 2. q. 1. art. 10.* Nam Christus Petrum jussit oves suas pascere. Pastoris autem est oves congregare, non autem ovium congregare pastores. Deinde solus Pontifex in rebus Ecclesiasticis est superior omnium Christianorum totiusque Ecclesiæ, non vero ullus Imperator aut Rex, quorum

6.  
Pater in  
damnatione  
hæresis Jan-  
senianæ.



Potestas etiam temporalis unius vel alterius nationis finibus circumferitur. Unde extera regna non agnoscerent Imperatoris mandata. Cumque Protestantes fateantur, Episcopi esse convocare ad Concilium Diocesanicum, & Archiepiscopi ad Provinciale: concedere etiam oportet, summi Pontificis esse indicere Concilia generalia.

Ut constat  
ex ipsis  
Conciliis,

Neque alia unquam fuit in Ecclesia persuasio. Canon siquidem habetur antiquissimus, quo statuitur absque consensu Romani Pontificis non posse Concilia celebrari: quem renovavit Concilium Nicænum I. ut testatur synodus Alexandrina in epistola ad Felicem, & Julius I. in epistola ad Episcopos Antiochenos, cujus meminit Socrates l. 2. c. 13. ubi testatur, Julium scripsisse Antiochenis, Canonem Ecclesiasticum vetare, ne decreta absque sententia Romani Episcopi Ecclesiis sanciantur. Idem testatur Sozomenus l. 3. c. 9. scripsisse nempe Julium I. ad Episcopos Orientales, qui Antiochiæ ad Concilium convenerant, eos contra Concilium Nicænum res novas moliri: *Nam legem esse, quæ pronuntiat, acta illa irrita esse, quæ præter sententiam Romani Episcopi constituuntur.* Unde etiam Can. 2. dist. 17. dicitur ex eodem Julio Pontifice ad orientales Episcopos, Antiochiæ contra S. Athanasium congregatos, scribente, juxta Canones sine autoritate Romanæ Ecclesiæ Concilia fieri non debere: nec ullum ratum esse Concilium, quod ejus auctoritate non fulcitur.

Rursus: in Concilio Chalcedonensi act. 1. Dioscoro Patriarchæ Alexandrino prohibitum fuit sedere inter Episcopos, eo quod synodum (nempe Ephesinam secundam) facere ausus esset sine auctoritate Apostolicæ Sedis. *Quod (inquit) nunquam licuit, nunquam factum est.* In synodo vero septima generali act. 6. irritum declaratum fuit Concilium, quod sine consensu Romani Pontificis Imperator indixit Constantinopoli.

Idem sensus erat Patrum in Concilio Romano IV. sub Symmacho; in quo cum Theodoricus Rex dixisset, se convocasse synodum ad judicandum in causa Symmachi Papæ, responderunt omnes Episcopi, a Papa non a Rege convocari synodum, etiamsi Papa accusaretur: nec prius acquieverunt, quam Rex literas Papæ ostenderet, se ex voluntate ejusdem Papæ synodum convocasse, ipseque Pontifex præsens hoc testaretur. c. 6. dist. 16. cum glossa. Adeo nempe persuasum toti antiquitati fuit, nullum legitimum celebrari Concilium, nisi Pontificis auctoritas interveniat.

Hoc ipsum testantur antiqui Pontifices, ut Leo I. in epist. ad Turribium: Pelagius II. in epist. ad Orientales cap. 1. in qua scribit: *Generalium synodorum convocandi auctoritas Apostolica Sedi B. Petri singulari Privilegio tradita est.* Canone vero 5. dist. 17. ex eadem epistola Pelagii sic habet.

## De Jure Synodali in Genere.

7

habetur: *Multis demum Apostolicis & Canonicis atque Ecclesiasticis regulis instruimur, non debere absque sententia Romani Pontificis Concilia celebrari.*

Imo neque Imperatores hanc adulationem probarunt: Sic, cum <sup>Et ipsis Imperatoribus</sup> Valentianus rogaretur ab Episcopis quibusdam, ut permetteret eis Concilium celebrare, teste Sozomeno l. 6. c. 7. respondit: *Mibi, qui fatentibus, sum in sorte plebis, fas non est, talia curiosius perscrutari: Sacerdotes, quibus ista cura fuit, quocunque voluerint, loco convenient.*

Denique de hoc argumento est tota distinctio 17. in decreto Gratiani, in qua præter allegatas jam auctoritates, citatur etiam can. 1. epistola Marcelli Papæ ad Maxentium, item testimonium Symmachi (Papæ, Gregorii &c.

Cæterum apud Catholicos hæc res certa est, utpote definita in Concilio Lateranensi generali sub Leone X. sess. 11. ubi asseritur, Romani Pontificis esse, Concilia generalia indicere. Duos tantummodo casus excipiemus, in quibus Cardinales & Episcopi, etiam invito Romano Pontifice, se possent in Concilio congregare: nempe in casu, quo Papa laboraretur in hæresin, & quo dubium esset, quis sit legitimus Pontifex. In his igitur casibus possent Episcopi Ecclesiæ de capite providere, non tamen articulos fidei definire, aut de aliis gravioribus causis statuere, cum ejusmodi Concilium imperfectum esset. Bellarm. lib. 1. de Concil. c. 14. ad 2. nisi postea illa definitio confirmaretur a Papa, ut factum in Concilio Constantiensi a Martino V.

Verum equidem est, Imperatores non raro in convocandis Conciliis generalibus suam junxisse operam: semper tamen simul intervenit auctoritas Romani Pontificis, aut consentientis, aut approbantis, aut confirmantis. Sic Nicænum I. convocasse Sylvestrum & Constantinum, habetur in 6. synodo ast. 18. & Damasus testatur in Pontificali, Concilium in Nicæa esse habitum cum consensu Sylvestri: qui etiam legatos suos ad illud misit. Constantinopolitanum primum indictum fuit per litteras Damasi Papæ, quas Imperator Theodosius ad Episcopos misit, ut constat ex Theodoro lib. 5. Hist. Eccles. cap. 9. Ephesina synodus indicta fuit auctoritate Cœlestini Papæ ope S. Cyrilli ejus Legati: ut colligitur ex chronico Prosperi, & historia Evagri l. 1. c. 4. Chalcedonenis convocata est auctoritate Pontificis Leonis per Martianum Imperatorem, qui Leonem per epistolam rogaverat, ut Concilium statuatur, eique præsit. Extat hæc epistola Imperatoris ante Concilium Chalcedonense.

Quamvis ergo dicatur, quatuor ista Concilia ab Imperatoribus esse convocata, tamen id semper auctoritate & consensu Pontificis factum est.

De

8.  
Qui operam  
& auxilium  
præstant.



Pars III. Cap. I.

De reliquis vero Conciliis generalibus ipsi protestantes fatentur, indistincta & convocata illa esse autoritate Pontificum Romanorum.

Plures autem causæ erant, cur intervenerit Imperatorum consensus: nam vigeat adhuc lex prohibens collegia, & frequentes hominum cœtus absque Imperatoris autoritate. Deinde, quia illis temporibus Episcopi conveniebant potissimum sumptibus publicis, & quidem in civitatibus Imperatoris, decebat utique, ut ejus consensus requireretur, ejusque auxilium & protectio contra violentiam Gentilium, Hæreticorum & Schismaticorum imploraretur, ut Concilium sit liberum & securum.

QUÆSTIO III.

*Ad quem pertineat Jus præsidendi Conciliis Generalibus?*

9.  
Sententia  
Protestan-  
tium.

Protestantes sicut jus convocandi Concilia tribuunt Imperatori, ita etiam jus eisdem præsidendi, vel per se ipsum vel per suos legatos, illaque gubernandi; vel certe hoc jus deferunt seniori ex Patriarchis, aut Episcopo loci. Atque imprimis afferunt varia Concilia particularia, ut Aquileiense, Constantinopolitanum sub Menna, Carthaginensia &c. quibus Episcopus Romanus nec per se, nec per legatos præfuerit. Verum hoc argumentum saltat extra rhombum: non enim hic quæstio est de Conciliis particularibus: fatemurque ultro, his præsidendi jus vel Episcopo, vel Archiepiscopo, vel Primate aut Patriarchæ competere. Deinde afferunt nomine Conciliorum quædam Conciliabula, ab Ecclesia semper rejecta, ut Ephesinum secundum, cui Dioscorus præfedit. Sed etiam de his fatemur, eis non præsidere Pontificem, sed alium quemdam.

10.  
Præsidet Pa-  
pa.

Quoad Concilia vero generalia negamus, alium eis præsidere, quam summum Pontificem oportere; quia ipsi commissæ est cura ovium Christi a Christo data, jam usus est S. Petrus in Concilio Apostolico *Act. 15.* nam ipse in eo proposuit quæstionem, illamque primus definivit, quem deinde secuti sunt Jacobus ac reliqui: quare merito S. Hieronymus in Epistola ad Augustinum affirmat, Petrum illi Concilio præfedis. Unde etiam Concilia, Episcopi, & Principes sæculares Pontificem, tanquam Pastorem universæ Ecclesiæ, vocant Patrem, ut constat ex Epistola Concilii Chæcedonensis ad Leonem Papam, in qua Episcopi congregati se filios appellunt, & Pontificem rogant, ut decretis suis eorum judicia confirmet. Quis autem dubitet, an Pater filiis, Pastor ovibus præesse debeat? Atque hinc Patres, ut Athanasius in 2. apolog. & in *Epist. ad solitariam vitam agentes*, reprehendunt Constantium, Imperatorem Arianum, quod in Concilio præesse voluerit.

Neque

Neque aliud unquam in Conciliis generalibus usu ipso est observatum. Nam, quod Romanus Pontifex ultimis decem Conciliis, quæ in occidente sunt habita, præfuerit, neque Protestantes dissidentur. Quod autem etiam in octo orientalibus id factum sit, patet ex eo, quod in primo Nicæno non præfederit Imperator, ut voluit Brentius; nam Constantinus non tantum sedit loco humiliore, sed etiam ultimus omnium subscripsit, ut testatur Basilii Imperator in fine octavæ synodi: falsusque est, se debere ab Episcopis judicari. *Ruffinus libr. 10. c. 2. Ambrosius epist. 32.* Id semper observatum.

Præfuerunt igitur illi Concilio Hosius Cordubensis Episcopus, Vitus & Vincentius, Sylvestri Papæ Legati; nam hi tres primi omnium subscriperunt, etiam ante Patriarchas, testaturque S. Athanasius in *epist. ad solitar. vitam agentes*, Hosium principem fuisse ejus Concilii, ac symbolum Nicænum composuisse.

Ex quo patet, quam falso scripserint Centuriatores Magdeburgici, in Nicæno præfuisse Eustathium, Patriarcham Antiochenum, qui tamen ne quidem inter primos subscripsit. Adhuc evidentius falsa est opinio Calvini, quod Athanasius præfederit: qui tunc necdum erat presbyter; & tantum Diaconus comitatus est Alexandrum Patriarcham Alexandrinum: unde ne quidem subscripsit.

In secunda generali Synodo, quam ex duabus coaluisse diximus, Romæ præfedit Damasus Papa, Constantinopoli vero Nestarius, Patriarcha. Imperator vero Theodosius tantum misit ad Episcopos litteras Damasii, quibus ad concilium convocabantur. *Theodoretus libr. 5. c. 9. & 10.*

In tertia, Ephesi habita, præfedit Cælestinus Papa per Cyrillum, Legatum suum, ut testantur Niceph. l. 14. c. 38. Evagrius l. 1. c. 4. Photius in *libr. de septem synodis &c.* Prosper in *chron.* ubi scribit, Nestorio præcipue resistisse Cyrilli industriam, & Cælestini auctoritatem. Imperator vero Theodosius Junior misit ad Concilium Candidianum Commitem, non ut se misceret quæstionibus Ecclesiasticis, sed ad synodi defensionem, ut ipse Theodosius scribit in epistola ad Concilium; quæ habetur in actis Concilii Ephesini.

In Chalcedonensi in sexta actione præsens quidem fuit Imperator Martianus, seditque primo loco, sed non ut Judex controversiarum, verum ut fidem a Patribus explicatam ope & auctoritate defendat, ut firma sit: prout ipse testatur in oratione ad synodum habita, quæ extat actione 6. ad reliquas actiones reliquit Legatos ad defensionem Concilii; ne sicut in prædatorio conciliabulo Ephesino, ubi Dioscorus per milites Episcopos coegit subscribere, vi, metu ac tumultu res ageretur. Nunquam tamen aut Imperator, aut ejus Vicarii definitivam sententiam dixerunt,

Pars III,

B

neque

II.  
Ut constet in-  
ductione.



neque subscripserunt Vicarii (Imperator vero ultimo loco, ut consentiens) sed in omnibus Patrum sententiis acquieverunt.

Præfuerunt autem huic Concilio Paschasius & Lucentius, Legati Papæ Leonis I. qui quoad sessionem, sententiam dicendam, & subscriptionem ubique primum locum tenuerunt, & *act. 3.* nomine Leonis universalis Ecclesiæ capitis Dioscorum deposuerunt, consentiente Concilio, ac inhærente Leonis epistolæ.

In quinta generali præfedit quidem Eutychius, Patriarcha Constantinopolitanus, qui tamen aperte confessus est primatum Vigillii Papæ, ut patet ex ejus epistola ad Vigilium data, in qua ait: *Petimus, præidente nobis Vestra Beatitudine, de tribus capitulis quari & conferri.* Zonaras etiam in Vita Justiniani Vigilium Papam vocat *Principem* hujus Concilii. Neque Eutychius quidquam in Concilio definiri passus est, nisi lectis prius litteris & sententiis Papæ. Annatus in *appar. l. 5. sect. 1. art. 3.*

In sexta Præsides fuerunt Legati Agathonis Papæ, in omnibus actionibus habentes primatum; ut constat ex actis Concilii, & ex Zonara in vita Constantini IV. Imperatoris; qui quidem interfuit Concilio, primoque loco sedit, sed non ut Judex: nam nullam sententiam tulit, & ultimus subscripsit, non definiens, sed consentiens.

In septima & octava absque omni controversia Præsides fuerunt Legati Apostolicæ Sedis: in illa quidem Adriani I. in hac vero Adriani II. nam ubique primi nominantur, primi dicunt sententiam, primi subscribunt. In septima nullus legitur adfuisse Imperator: in octava sub finem adfuit quidem Imperator Basilus, sed aperte testatus est, non esse suum se immiscere Ecclesiasticis judiciis; ut constat ex ejus oratione, quam in Concilio habuit. Subscripsit post Patriarchas ante Episcopos, professus tamen debuisse se Constantini, Theodosii & Martiani exemplo post omnes Episcopos subscribere, nisi isti hunc honorem ei detulissent.

12.  
Argumenta  
A catholicorum.

Opponunt quidem Protestantes cum Brentio exempla aliqua ex testamento veteri, ut Moysis, Josue, Davidis, Salomonis, Ezechiae, Josiæ &c. qui non raro leguntur ecclesiastica negotia Religionis tractasse: cumque Principi sæculari commissa sit custodia legum, Ecclesiæ curam ad eos præcipue spectare. Sed respondetur, Moysen non tantum ducem populi, sed etiam Sacerdotem summum fuisse. Reliqui autem aliqua quandoque, quæ ad sacerdotes alias ex officio spectabant, agebant autoritate extraordinaria, a Deo concessa; non tam ut Regibus, quam ut Prophetis, ut ostendit Bellarminus *lib. 1. de Romano Pontifice cap. 7.* custodes autem legum sunt Principes, etiam Divinarum: quia ipsorum est edictis & poenis coercere blasphemias, sacrilegia, hæreses &c. Quænam autem sint

sint hæreses, aut quæ fides orthodoxa, ad sedem Apostolicam & Episcopos pertinet docere.

Sed instant, contingere posse, ut ipse Papa in Concilio sit accusandus: tunc autem non convenire, ut ipse indicat Concilium, eique præsit: cum nemo debeat simul esse pars & judex, sed respondetur, Pontificem non posse privari jure suo jam per 1700. annos possessio. Nec Princeps supremus desinit esse Judex, licet cum ipso litigetur. Unde etiam a Principe male informato ad eundem melius informandum appellari nonnunquam solet.

Fuitque hoc in more positum ab antiquissimis temporibus in Ecclesia, ut Pontifex, cum accusaretur de crimine, partes rei & judicis simul ageret. Sic in causa Marcellini ( si tamen historia de ejus lapsu, & synodo Sinuesiana subsistat: de quo Critici multum disputant ) Concilium unanimi voce dixit, eum non posse ab ullo damnari, sed ipsum debere suum esse Judicem; ut refertur in epistola Nicolai I. ad Michaellem Imperatorem. Idem contigit in causa Sixti III. de adulterio accusati: item in causa Symmachi: ubi Episcopi Theodorico Regi aperte dixerunt, Concilium non potuisse ab alio indici, quam a Pontifice, licet ipse accusetur. Rursus Alexander Patriarcha Alexandrinus litigabat cum Ario, Cyrillus cum Nestorio, Leo I. cum Dioscoro, & tamen fuerunt Judices in Conciliis, Nicæno, Ephesino, & Chalcedonensi. Cæterum alias diximus, si Episcopi in Concilio Papam convincere possent de hæresi, posse eum ab illis deponi, aut depositum declarari: uti etiam possunt providere Ecclesiæ de certo capite, quando plures se gerunt pro Pontificibus, & dubium est in Ecclesia, quis eorum sit verus Papa, ut contigit in Concilio Constantensi.

13.  
Quid si Papa  
accusetur?

#### QUÆSTIO IV.

*Quinam vocandi sint ad Concilium generale?*

**R**espond. Regulariter vocandi sunt omnes totius orbis Episcopi, qui actualem habent jurisdictionem in Diæcesin sibi subjectam, ita, ut nullus positive excludi possit ( nisi sit excommunicatus ) quia ad eos pertinet regere Ecclesiam Dei. act. 20. adeoque omnes gaudent jure suffragii decisivi.

14.  
Omnes Epi-  
scopi.

Sufficit tamen, ut ex diversis Provinciis compareant, & absolute multi intersint. Nam in orientalibus Conciliis pauci ex occidentalibus comparuerunt, & in occidentalibus pauci ex orientalibus.

Episcopos tamen suffraganeos aut titulares non est necesse vocari: quia carent actuali jurisdictione. Possunt tamen vocari cum jure suffragii.



Cardinales, etiam non Episcopi, vocantur ex privilegio, vel consuetudine: uti etiam Generales Ordinum, & Abbates, habentes jurisdictionem, ab Episcopo exemptam.

Præter istos vocari etiam, aut ab Episcopis mitti solent docti Theologi, Jurisconsulti, quandoque etiam Laici; qui tamen omnes tantum habent votum consultivum, dum tantum discutiendis rebus, & examinandis adhibentur. Adesse solent etiam quidam tanquam ministri, qui videlicet neque decisivum neque consultivum votum habent in Concilio, sed ministerium tantum aliquod in eodem exercent, ut Notarii, Scribæ &c.

Alii denique interfunt, ut Concilii defensores, caventes, ut omnia in eo pacate fiant, nec quisquam violentiam ullam exerceat, ut Principes, aut eorum Legati.

15. **Acatholico-**  
**rum opinio** Huic doctrinæ se rursus opponunt Protestantes. Nam Lutherus vult, ex omni hominum genere viros doctos, etiam laicos habere in Concilio jus suffragii decisivi: Brentius vero & Calvinistæ hoc jus solis electis tribuunt: eo quod soli ad Ecclesiam pertineant. Alii denique contendunt, omnes Parochos de jure esse vocandos.

**Consutetur.** Verum contra errorem Lutheranorum est, quod Episcopis commissum sit a Deo regimen Ecclesiæ: sic enim act. 20. dicitur: *Attendite vobis & universo gregi, in quo vos Spiritus sanctus posuit Episcopos regere Ecclesiam Dei.* Et hinc in primis Ecclesiæ Conciliis, quæ etiam ab illis ut legitima agnoscuntur, soli Episcopi tanquam iudices, & definientes subscripserunt, & quidem hac formula: *Ego N. N. Episcopus definiens subscripsi.* Quia nempe, ut S. Cyprianus scribit ad Jubaianum, *Ecclesia (& consequenter etiam Concilium, Ecclesiam representans) est in Episcopo.* Unde celebre illud Concilii Chalcedonensis effatum: *Mitte foras superfluos, Concilium Episcoporum est.* Ergo de jure ordinario soli Episcopi ad Concilium sunt vocandi.

Confirmatur autoritate SS. Patrum, qui docent, non ad quosvis, sed ad Episcopos pertinere in Conciliis judicare, ut S. Cyprianus in *epist. ad Julianum*: Hilarius *libr. de synodis*: Hieronymus *libr. 2. apol. contra Rufinum*: Ambrosius *epist. 32.* Augustinus *epist. 119.* Leo *epist. 16.* Rufinus *libr. 10. Hist. c. 1.* Unde etiam Eusebius *libr. 5. Hist. cap. 23.* de primis post tempora Apostolorum celebratis Conciliis tempore Victoris Papæ super questione de paschate celebrando scribit, conventus Episcoporum per quasvis provincias esse convocatos. Et Theodosius Junior in *epist. ad Ephesinam synodum*, quæ habetur in actis ejusdem Concilii, ait, illicitum esse, eum, qui non est in ordine Episcoporum, Ecclesiasticis immisceri tractatibus.

E ratio ulterior est: quia, ut quis in Concilio jure ordinario tanquam iudex damnet hereses ac hæreticos, aut condant Canones pro reformanda morum disciplina, aut de Episcoporum aliorumque Ecclesiasticorum causis judicet, eosque condemnet vel absolvat, requiritur jurisdictio spiritualis pro foro externo. Atqui soli Episcopi habent talem jurisditionem, non vero alii docti, Parochi, aut laici, cujuscunque sint dignitatis. Ergo soli Episcopi jure ordinario possunt esse Judices.

Accedit, quod Concilium repræsentet Ecclesiam. Ergo soli vocandi, qui Ecclesiam repræsentant. Hi autem sunt Episcopi: nam ut ex S. Cypriano notavimus, *Ecclesia est in Episcopo*. Ergo hi soli jure ordinario sunt vocandi. Confir. Sicut in comitiis Imperii Imperator tanquam caput una cum Statibus repræsentat totum Imperium, quin omnes cives aut omnia membra Imperii ad comitia vocari debeant, aut votum ab iis peti; sic in Conciliis tanquam comitiis ecclesiasticis summus Pontifex tanquam caput Ecclesiæ, una cum Episcopis (quorum quilibet gerit personam suæ Ecclesiæ) repræsentat Ecclesiam. Unde S. Augustinus *libr. 1. de Baptisma* consensum 318. Episcoporum, in primo Concilio Nicæno congregatorum, vocat *consensum totius Ecclesiæ*. Et Eusebius *libr. 3. de vita Constantiniani* Concilium eorundem Episcoporum appellat *Conventum orbis terrarum*. Consequenter hi jure ordinario, hoc est ex officio proprio, tanquam repræsentantes Ecclesiam interfunt Concilio generali tanquam Judices ordinarii.

Cardinales vero, qui non sunt Episcopi, vocantur ex consuetudine & privilegio, uti etiam Abbates exempti, & Generales Ordinum. Ratio est, quia Cardinales habent jurisdictionem Episcopalem in Ecclesiis sui tituli, & sunt collaterales summi Pontificis, ejusque Consilarii & adjutores in regimine Ecclesiæ, majoresque dignitate ipsis Episcopis. Abbates vero exempti & Generales Ordinum in suos subditos Religiosos habent jurisdictionem quasi Episcopalem. Adeoque cum ab Episcopo non omnimode repræsententur, eo quod ab eo sint exempti, vocandi sunt etiam ad Concilium generale, utpote quod est repræsentatio totius Ecclesiæ; adeoque etiam subditi horum Prælatorum debent repræsentari.

Putat quidem Suarez *D. 9. de Concil. sect. 1. n. 7.* Cardinales saltem, etiam jure ordinario esse vocandos: quia habent jurisdictionem Episcopalem. Verum quia istam habent tantum ex privilegio & consuetudine (sicut etiam Prælati Regulares) non videtur dici posse, eos *jure ordinario* esse vocandos. Hinc ad antiqua Concilia neque Cardinales, neque Prælati Regulares debebant vocari: quia scilicet nec illi jurisdictionem, nec isti exemptionem per privilegium adhuc obtinuerant.



## Respondetur argumentis Protestantium.

17.  
Argumenta  
Protestan-  
tium.

**O**bjicitur a Protestantibus in libro, cui titulus : *Causa, cur Electores, & ceteri Confessioni Augustinæ addicti ad Concilium Tridentinum non accedant*, 1. Causam communem omnibus communibus omnium votis esse tractandam : cum ergo causa fidei ac morum disciplinæ sit omnibus communis, omnium, etiam laicorum, suffragiis esse judicandam. Hinc dist. 96. ex epistola Nicolai I. ad Michaellem Imper. Can. ubinam 4. dicitur : Ubinam legistis Imperatores synodalibus conventibus interfuisse, nisi forte in quibusdam, ubi de fide tractatum est, quæ ad omnes pertinet Christianos? Resp. Sicut causa belli a toto exercitu est tractanda, non tamen ab omnibus eodem modo, sed aliter a Ducibus, aliter a speculatoribus, aliter a militibus gregariis, aliter ab aliis, ita etiam fidei causa tractatur ab omnibus ; ab Episcopis quidem ut Judicibus definientibus, a Doctis, qui non sunt Episcopi, ut inquirentibus, disputantibus & consulentibus, ab aliis vero ut audientibus, acquiescentibus & exequentibus. Unde Theodosius Imperator ad synodum Ephesinam sic scripsit : *Candidianum Comitem ad sacram vestram synodum abire iussimus, sed ea lege & conditione, ut cum quæstionibus & controversiis, quæ circa fidei dogmata incidunt, nihil quidquam commune habeat ( nefas est enim, qui catalogo sanctissimorum Episcoporum adscriptus non est, illum Ecclesiasticis negotiis & consultationibus se immiscere ) verum ut Monachos & seculares jubinoveat &c.* tom. 3. Concil. edit. Venetæ pag. 990.

18.  
Non debent  
convocari  
omnes Laici,

Objiciunt 2. Conciliorum omnium norma debet esse Concilium Apostolorum super quæstione de legalium cessatione Jerosolymis habitum. Atqui huic Concilio non tantum interfuerunt Apostoli, sed etiam Presbyteri : nam *convenerunt Apostoli & seniores videre de verbo hoc, act. 15.* Imo etiam Laici dederunt suffragium : nam *tunc placuit Apostolis & senioribus cum omni Ecclesia.* ibid.

Neque om-  
nes Clerici.

Resp. Licet illi Concilio interfuissent etiam Laici, nullatenus tamen probatur, eos dedisse votum decisivum tanquam Judices : nam ex eo, quod omnibus placuerit, non sequitur, quod omnibus eodem modo placuerit, sed Apostolis, ut definientibus, Presbyteris, ut disquirentibus, juxta illud : *cum magna disquisitio fieret*, Laicis vero, ut acquiescentibus & obedientibus definitioni Apostolorum. Hoc ita contigisse, confirmatur ex consuetudine & usu antiquissimo in Conciliis, etiam primis, observato, qui est optimus scripturarum interpret. Deinde postquam Petrus in Concilio illo Apostolico dixit sententiam, subditur : *tacuit autem omnis multitudo* : & cum Jacobus accessisset sententiæ Petri, omnes acquieverunt.

Cate-

Cæterum licet in illa synodo omnes etiam Presbyteri & Laici essent congregati (quod tamen est incredibile, quis enim credat, omnes Laicos adfuisse) non tamen hoc fieri potuisset in posterioribus Conciliis, aucto jam in immensum fidelium numero. Quid enim, si omnes Parochos totius orbis oporteret convocare? quomodo hoc esset possibile? quis tam innumerabilem turbam posset regere? certe sic Concilia generalia fierent omnino impossibilia: vix enim nunc possibile est, omnes Episcopos congregare.

Deinde sic Princeps, in cujus provincia celebratur Concilium, facile definire posset, quidquid vellet: posset enim ingentem turbam suæ provinciæ introducere in Concilium, quod alii Principes, longius distiti, non possent.

Objiciunt 3. Sæpius coram populo tanquam Judice controversiæ fidei fuerunt discussæ. Sic Ambrosius in epist. 32. ait: *Populus judicat*. Et in Concilio Nicæno multi erant Laici docti, teste Niceph. l. 8. c. 14. Confirmatur ex Carolo Molinæo in *Concilio de Tridentino Concilio non recipiendo* §. 27. & Brentio in confessione Wirttemberg., sæpe unius hominis, etiam Laici sententia præposita est sententiæ totius Concilii: quia scripturæ autoritate magis munita erat.

Resp. Aliquando controversiæ fidei fuerunt disceptatæ coram populo tanquam Judice privato, quando aliter fieri non poterat: quod tamen iudicium populi neminem obligabat. Sicut Theologi & Philosophi disputantes, iudicium, quid quisque velit sentire de disputatis, auditoribus debent relinquere. Sicut etiam Elias, cum non posset aliter populum avocare a cultu idolorum, instituit certamen cum Prophetis Baal, præsentem populo, dicens: *Qui exaudierit per ignem, ille sit Deus: si Dominus est Deus, sequimini illum: si Baal est, sequimini eum*.

Judicium autem publicum circa fidem nunquam est delatum populo, tanquam Judici publicæ & cum autoritate jurisdictionis pronuntianti sententiam, ita ut cæteri illi deberent acquiescere. Ad Concilium Nicænum Laici non sunt vocati, nec interfuerunt Concilio, sed extra illud disputabant, ut colligitur ex Ruff. libr. 10. cap. 3.

Ad confirmationem dico, falsum esse, quod unquam privati hominis sententia fuerit prælata *definitivæ sententiæ Concilii generalis & legitimi*. Hoc enim nunquam probabunt Adversarii. Si igitur quis post sententiam definitivam Oecumenici Concilii attentet sententiam suam ex S. Scriptura probare, certum est, eum aut scripturam non intelligere, aut malitiose contra Concilii definitionem detorquere. Sed hoc ad summum verum est, sententiam hominis privati posse anteponi ante definitionem, dum causa adhuc discutitur, & disceptatur: in discussione enim non dignitas sed eruditio personæ attenditur.

Obji.



Obijcitur 4. In ultimis tribus Conciliis generalibus, Florentino videlicet, Lateranensi V. & Tridentino, subscripserunt etiam, cum jure voti decisivi, aliqui Abbates & Generales ordinum, licet in prioribus Conciliis id factum non sit. Ergo posset id etiam fieri ab aliis. Confirmat. Etiam Imperatores, Constantinus, Theodosius, Martianus, Basilius subscripserunt. Ergo saltem ex consuetudine, aut privilegio etiam Imperatori debetur votum in Concilio.

Resp. Si Sedes Apostolica per speciale privilegium, exigente aliqua rationabili causa, etiam alios habilitaret, non negamus, eos tunc posse admitti cum jure suffragii etiam decisivi. Admittendi autem Cardinales, & quosdam praelatos regulares exemptos specialis fuit ratio, postquam ipsi a jurisdictione Episcoporum fuerunt exempti, & illi Episcopalem, hi vero quasi Episcopalem jurisdictionis potestatem sunt adepti, ut sic perfectius a Concilio tota representetur Ecclesia.

19.  
Quo sensu  
subscripse-  
runt Impera-  
tores.

Quod spectat ad Imperatores, jam dictum est, eos non subscripsisse ut Judices definientes controversias fidei, sed ut accedentes ea intentione, quod velint esse defensores, & inobedientes coercere: prout Martianus Imperator dist. 96. can. 3. ait: *Nos ad fidem confirmandam, non ad potentiam ostendendam exemplo religiosissimi Principis Constantini synodo interesse volumus, ut inventa veritate, non ultra multitudo pravis doctrinis attracta discordat.*

Obijcitur a Sectariis ultimo. Solus Christus, & verbum ejus scriptum, in Concilio debet habere suffragium decisivum, ideoque plus valet unus, afferens scripturam, quam totum Concilium. Ergo Episcopi in Concilio non sunt Judices, neque Concilium est judicium, sed mera *Inquisitio*, tantumque valet, quantum ejus ratio. Unde cuilibet licet examinare decreta Concilii, recipere, vel non recipere, Ita Lutherus in *assert. art. 29.* ejusque discipuli in libello, in quo proponunt causas, cur ad Concilium Tridentinum non venerint. Kemnitius in *examin. sess. 4.* Calvinus *libr. 4. Instit. cap. 9.*

20.  
Quomodo S.  
Scriptura in  
Concilio sit  
iudex.

Resp. Hoc ipsum adduci non raro in controversiam, in quo sensu S. Scriptura sit intelligenda, in quo sensu sit verbum Dei, quot & quanam sint libri vere canonici, quodnam sit genuinum & authenticum S. Scripturae Exemplar incorruptum: nam hæc omnia inter Ecclesiam Catholicam & Protestanticas Ecclesias sunt controversa. Unde necesse est, in Concilio de his infallibilem ac judicalem sententiam ferri, cui stare omnes fideles debeant, audiendo Ecclesiam, quam audire Christus ipse jubet, dicens: *Qui vos audit, me audit: & qui vos spernit, me spernit.* Item: *Si Ecclesiam non audierit, sit tibi sicut Ethnicus & Publicanus.* Matth. 18. quod propriissime de Ecclesia in Concilio collecta intelligitur. Et Deute-  
ron.

ron. 17. jubetur in dubiis recurri ad sacerdotum concilia: *Qui non obedierit eorum sententiæ, morte condemnatur.*

Imo ipse etiam Paulus Apost. *Act. 15. & 16.* pertransiens civitates præcepit observare, quæ in Concilio Jerosolymitano erant statuta. Neque ex Scriptura, sed ex Apostolorum suffragio definita ibi fuerat quæstio, an circumcisio & cæteræ legales ceremoniæ Christianis sint necessariæ. Nusquam enim antea continebatur in scriptura quod gentes non debeant fervare legalia. Deinde illud libenter ex Sectariis discerem, ubinam in Scriptura legatur, quod ipsis liceat vesci sanguine & suffocato, cum tamen tam in veteri, quam novo testamento hoc expresse sit prohibitum. Si dicant cum recentiore quodam Tigurino, *quod intrat per os, non co inquinat hominem*: quæro, cur ergo Apostoli in memorato Concilio præceperunt abstinentiam a sanguine? & nunquid, pomum per os Adami intravit?

Illud adhuc notandum, definitionem Concilii Apostolici, quod normam cæterorum ipsi etiam Protestantes esse volunt, veram legem fuisse, obligantem in conscientia, ut satis patet ex actis Apostolorum, in quibus S. Lucas eam modo vocat *præcepta*, modo *decreta*, modo *dogmata*. Neque fuit ea definitio permessa examini discipulorum, sed simpliciter fuit illis præceptum, ut obedirent, ut rursus patet ex actis Apostolorum *cap. 15. & 16.* Unde adversarii decreta conciliorum subjicientes examini hominis privati, aut populi, non tantum cum norma Conciliorum, sed etiam cum S. Scriptura pugnant.

Sententia Brentii, contententis, solos Electos & Sanctos vocandos esse ad Concilium, non indiget refutatione. Sic enim nullum posset haberi Concilium, neque constaret, unquam habitam esse legitimam synodum; cum non constet, quinam sint electi: quis enim electos a reprobis novit discernere? Ejusdem insipientiæ est eorum error, qui dicunt, Concilium debere constare ex solis illis, qui habent fidem internam. Quis enim videt alterius fidem internam? Concilium est cætus hominum, non Angelorum, aut Deorum, quorum Synedria finxit superstitio.

Quæres, quot requirantur Episcopi, ut synodus generalis dici possit? Resp. Convocatio debet esse generalis ita, ut innotescat majoribus saltem orbis Christiani Provinciis, atque ut nullus Episcopus excludatur, si non sit excommunicatus. Numerus autem eorum, qui constituere possunt Concilium generale, non est determinatus, sed sufficit, ut ex diversis provinciis & nationibus tot conveniant, ut absolute sint multi. Hinc, ut supra notatum, sufficit, ut ad Concilium occidentale ex diversis occidentalibus nationibus tot conveniant, ut absolute sint multi, licet ex orientalibus pauci adsint, præsertim his temporibus, quibus schisma aut hæresis ab Ecclesia Catholica plurimos abstraxit. Propter quam rationem non amplius

27.  
Concilium  
Apostolicum  
exemplum  
reliquorum.

22.  
An soli electi  
vocandi?

23.  
Quot requirantur  
Episcopi?



pius est necesse, ut Patriarchæ orientales compareant. Imo hoc neque ad prima Concilia orientalia absolute erat necessarium: cum in Concilio Ephesino absque Patriarcha Antiocheno damnatus sit Nestorius, & in Chalcedonensi sine Alexandrino Eutyches. Sicut etiam ad illa suffecit, quod pauci quidam ex occidente venerint, a Pontifice missi, qui aliorum locum supplebant.

Unde non ex numero tantum colligitur, Concilium esse generale: nam concilia Nationalia possunt esse multo numerosiora, inferiora tamen quoad auctoritatem. Sic in Concilio Nationali Carthaginensi, tempore S. Augustini, fuerunt præsentēs 217. Episcopi: in Concilio vero generali secundo, seu Constantinopolitano primo, contra Macedonium habito, tantum 150. comparuerunt.

### QUÆSTIO V.

*An Concilia Generalia possint errare?*

24.  
Errare non  
possunt.

**A** catholici hujus temporis in ea solent esse opinione, nullum esse Concilium, quod errare non possit. Docuit hoc Lutherus assert, artic. 28. & Calvinus lib. 4. institut. cap. 9. §. 8.

Catholici vero omnes tenent, Concilia generalia, a summo Pontifice confirmata, errare non posse, neque in fide explicanda, neque in tradendis morum præceptis, toti Ecclesiæ communibus.

Idque probant primo ex eo, quod non possit nominari ullum Concilium generale, legitime celebratum, quod aliquando erraverit. Deinde ex S. Scriptura: nam si possent errare Concilia generalia cum capite suo, summo Pontifice, unita, errare posset tota Ecclesia. Nam Concilia totam repræsentant Ecclesiam (sicut Status Imperii cum Imperatore in comitiis congregati repræsentant totum Imperium, & Status Provinciales totam Provinciam, ut adeo, quod Status in comitiis statuunt, totum Imperium statuisse dicatur) cum etenim omnia Ecclesiæ membra convenire non possint, aut consuli, utpote innumera, necesse omnino est, ut præcipua illius membra, Præsides nempe ac Pastores majores Christiani gregis, congregati totam Ecclesiam repræsentent, sicut Apostoli, cum illis, qui in concilio Jerosolymitano præsentēs erant, totam repræsentabant Ecclesiam: & 3. Reg. 8. cœtus Principum, qui cum Salomone in templo convenerat, vocatur *Ecclesia*; ac propterea PP. ut Augustinus l. 1. contra Donat. c. 18. Athanasius, Epiphanius, Gelasius, Eusebius &c. generale concilium vocant *Conventum orbis terræ*, aut *consensum totius Ecclesiæ*. Et Martinus V. in Concilio Constantienti suspectos de hæresi jussit interrogari, an credant, Concilium generale repræsentare totam Ecclesiam.

His

His igitur majoribus ovilibus Christi Pastoribus & Ecclesiæ Prælati-  
 que Rectoribus obedire tenentur oves, ac subjecti Ecclesiæ filii, dicente <sup>25.</sup> ipso Domino: *Qui vos audit, me audit; & qui vos spernit, me spernit*: Luc. <sup>ex S. Scri-</sup>  
 10. Et adhortante Apostolo act. 20. *Attendite vobis & universo gregi, in* <sup>ptura.</sup>  
*quo vos Spiritus sanctus posuit regere Ecclesiam Dei*, & ad Hebr. 13. *Obedite*  
*Præpositis vestris & subiacete eis.* Ac rursus, præcipiente Domino: *Omnia,*  
*quæcunque dixerint vobis, servate & facite.*

Si igitur hi Ecclesiarum Præsides, Episcopi nempe in unum collecti  
 errarent in fide, aut in tradenda morum doctrina, tota in errorem indu-  
 ceretur Ecclesia; cum oves plane sequi pastorem debeant, ac pabulo ab  
 eo suppeditato nutriri.

Atqui errare Ecclesia non potest in fidei ac morum doctrina: cum  
 sit fundata supra firmam petram Matth. 16. columna & firmamentum ve-  
 ritatis, 1. Tim. 3. contra quam portæ inferi non prævalebunt: Matth.  
 16. habeatque promissam a Christo assistentiam Spiritus S. qui cum ea ma-  
 neat in æternum, Joan. 14. illamque sit docturus omnem veritatem,  
 Joan. 16. & Christus ipse cum ea sit futurus usque ad consummationem  
 sæculi Matth. ult.

Ex hoc autem manifesta consecutione concluditur, synodos Oecu-  
 menicas, utpote totam Ecclesiam repræsentantes, in fide morumque  
 doctrina errare non posse: quia eo ipso in errorem induceretur Eccle-  
 sia. Quare non minus, ac primum illud Concilium dicere possunt:  
*visum est Spiritui sancto & nobis act. 15.* cum posterioribus temporibus non  
 minus Conciliis fuerit necessaria assistentia Spiritus S. ortis præcipue  
 novis hæresibus; & providentia Christi erga suam Ecclesiam non tan-  
 tum ad ætatem Apostolorum se extenderit, sed usque ad consummati-  
 onem sæculi.

Neque dubitandum est, non tantum suggerente Spiritu S. Canones  
 & decreta Conciliorum formari, sed ipsum etiam usum Concilia congre-  
 gandi ex institutione Divina descendere: dum Dominus nobis testatus  
 est, ubi duo aut tres sint congregati in ejus nomine, ibi se esse in me-  
 dio eorum: per quæ verba Concilia a Christo esse monstrata nos edocet  
 synodus Chalcedonenfis in epist. ad S. Leonem, & sexta synodus act. 17.  
 uti etiam Cælestinus Papa in epist. ad Concilium Ephesinum. Si enim  
 Deus est in medio eorum, quando duo vel tres sunt congregati in ejus  
 nomine ad aliquid petendum, quanto magis, quando Ecclesiarum Anti-  
 stites sunt congregati ad petendam sapientiam & lumen Spiritus S. ad recte  
 judicanda ea, quæ ad totius Ecclesiæ gubernationem rectamque institu-  
 tionem pertinent?



Certe non minus Ecclesiæ suæ providisse Christum censeri debet, quam Deus olim synagogæ: dum *Num. 11.* Synedrium instituit seniorum, ad quod posset esse recursus in exortis controversiis.

Et hincjam Apostoli, ut actorum perhibet historia, in synodos aliquoties collecti, quæ Ecclesiæ gubernandæ visa fuerunt utilia, statuerunt. Sic etenim congregati sunt ad eligendum Apostolum in locum Judæ prævaricatoris: ad eligendos septem Diaconos pro ministerio mensarum & altaris, ad definiendam controversiam Antiochenam de legalibus &c.

26.  
Ex SS.  
Patribus.

Cum igitur & verbi Divini oracula, & Apostolorum usus manifestum adeo lumen præferant, merito in Ecclesia Christi ea semper fuit fidelium persuasio, Concilia generalia sub capite suo legitime congregata errare non posse, estque hæc consona Patrum vox: Concilii generalis sententiam in causa fidei esse *ultimum Ecclesiæ judicium*, a quo appellari non possit. Sic enim loquitur S. Augustinus *epist. 162.* S. Leo *epist. 50. ad Martianum.*

Et hinc ipse etiam Imperator *Martianus l. nemo 4. Cod. de summa Trinitate* ait: *injuriam facit iudicio reverendissimæ synodi, si quis semel iudicata ac recte disposita revolvere & publice disputare contenderit.* Et S. Athanasius in *epist. ad Epistetum* miratur, quod aliqui audeant adhuc quæstionem movere de iis, quæ in Concilio Nicæno sunt definita.

Atque hinc vetustissima est Conciliorum consuetudo dicendi *anathema*, & tanquam hæreticos pronuntiandi eos, qui Conciliis generalibus non acquiescunt; quod manifesto est argumento, illos in ea fuisse persuasionem, talia concilia errare non posse. Unde S. Leo *epist. 78.* docet, non posse inter Catholicos computari eos, qui Nicæno aut Chalcedonensi Concilio resistunt. Et S. Augustinus *lib. 1. de baptis. cap. 18.* ex hac tantum ratione ab hæresi excusandum putat S. Cyprianum, quod eo tempore a nullo adhuc generali Concilio quæstio illa de hæreticorum baptismo fuerit definita. S. Gregorius vero *l. 1. epist. 24.* dicit *anathema* illis, qui non recipiunt Concilia generalia, ante eum habita.

Accedit, quod Patres passim doceant, canones a legitimis Conciliis generalibus editos esse dictante Spiritu S. vocant eos *cœlestia ac Divina mandata*, Spiritus sancti oracula, divinitus inspiratas sententias, Concilia in Spiritu sancto congregata, ut Athanasius in *epist. ad Episcopos Africanos*, Greg. Naz. *orat. in S. Athan.* Cyrillus *lib. 1. de Trinit.* S. Leo *epist. 53. & 54.* S. Nicolaus I. in *epist. ad Michaiem Imper.*

Adduntque, potius esse moriendum, quam recedendum a Conciliorum decretis. Sic S. Ambrosius *epist. 32.* ait: *Sequor tractatum Nicæni Concilii, a quo me nec mors nec gladius poterit separare.* Et S. Hierony-

mus lib. contra Luciferianos scribit, Athanasium, Hilarium, Eusebium aliosque Sanctos exilia sustinuisse, quod Nicænæ synodo noluerint contradicere. Et quot propter eandem causam in persecutione Wandalica martyrium subierunt?

Sed & ratio certæ huic sententiæ manifeste suffragatur. Si enim Concilia generalia possent errare, nullum esset firmum Ecclesiæ judicium in decidendis fidei controversiis, ac servanda Ecclesiæ unitate: possentque in dubium revocari omnes a conciliis damnatæ hæreses: cum enim omnes hæretici sibi blandiantur, se assecutos verum S. Scripturæ sensum, posset Arius dicere, errasse synodum primam, Macedonius hoc prætextu posset rejicere secundam, Nestorius tertiam, Eutyches quartam, Origenes ac defensores trium capitulorum quintam, Monothelitæ sextam, Iconoclastæ septimam, & sic de aliis. Nulla amplius esset certitudo de libris S. Scripturæ, multo minus de sensu ejusdem, cum diversi hæretici diverso omnino sensu scripturam accipiant, sicque esset in Ecclesia merum chaos, dissensio, incertitudo, absque omni remedio componendi controversias, tollendi schismata, tradendique morum doctrinam indubitam. Deficeretque Christi providentia in gubernanda sua Ecclesia, sed eam deseruisset, ac desperato scepticismo reliquisset, contra sanctissimam suam promissionem perpetuæ suæ assistentiæ; quod vel cogitare horribi esse debet Christianæ menti.

Denique, si Concilia Oecumenica errori essent obnoxia, actu jam omnia, etiam prima, turpissime errassent, dum novos ediderunt fidei Canones, nova symbola, vel certe novas sententias, aut explicationes, quas haberi voluerunt pro articulis fidei, ac contrarium sentientibus tanquam hæreticis solemne dixerunt anathema: ut fecerunt etiam primam generalia concilia, Nicænum, Constantinopolitanum, aliaque. Quid enim erroneum magis, quam tanquam articulum fidei credendum proponere, de quo merito dubites, an verum sit, an falsum?

Diluuntur exceptiones Acatholicorum.

Sed neque vim ullam habent, quæ ab Acatholicis contra Conciliorum infallibilitatem solent opponi. Licet enim Isaias cap. 56. alique Prophetæ conquerantur, ipsos Pastores & Speculatores esse cæcos, canes mutos, nihil scire &c. per hoc tamen noluerunt omnes comprehendere: cum, ut S. Augustinus de unit. Eccles. c. 12. observat, frequens sit in S. Scriptura propter aliquos malos reprehendi omnes. Deinde illi veteris legis sacerdotes, de quibus conqueruntur Prophetæ, privatim loquentes errabant, non autem in Concilio universali publica autoritate legitime congregati: cum ipsæ sacræ litteræ Deuter. 17. dubitantes de re ali-



qua ad Concilium sacerdotum mittant, & præsertim ad Judicem, qui fuerit illo tempore, qui veritatem sint indicaturi.

Accedit, quod non omnia, quæ reprehenduntur in Pastoribus antiquæ legis, possint etiam obijci sacerdotibus novæ legis, præsertim in synodo generali congregatis: cum multo certiores & majores infallibilitatis promissiones habeat Christi Ecclesia, quam Judæorum synagoga.

Quod autem etiam tempore novi testamenti dentur pseudoprophetæ, & lupi rapaces sub vestimentis ovium, probat potius necessariam esse infallibilitatem Conciliorum, ut detegi possint lupi, confutari, & ab ovili Christi arceri.

Gregorius Nazian. in *epist. ad Procopium* dicit equidem, se omnia Episcoporum Concilia fugere, eo quod nullius finem viderit faustum. At hoc loquitur de Conciliis sui temporis, ut de Seleuciensi, Tirenfi, Ariminensi, Mediolanensi, Sirmienfi &c. quæ inter Synodum Nicænam & Constantinopolitanam primam (quo tempore scripsit) sunt instituta, & propter multitudinem Arianorum Episcoporum, atque violentiam Constantii Imperatoris hæretici, infaustum exitum habuerunt. Quæ sane causa fuit, cur Gregorius sua ætate (quando scilicet hæc scripsit) nullius Concilii optatum viderit exitum, atque a Conciliis abhorruerit, quia videlicet illo persecutionis tempore, Arianis omnia fus deque vertentibus, nullum sperari poterat, legitime congregari & continuari posse. Sicut propter persecutiones primis 300. annis nulla synodus generalis congregari poterat. Cum autem melior aura per Catholicos Principes adspirarat, interfuit ipse Concilio generali II. æstimator eximius synodorum congregatarum legitime.

S. Augustinus disputans cum Maximino Ariano ait quidem: *Nec ego Nicænum, nec tu debes Ariminense, tanquam præjudicaturus proferre Concilium &c.* Verum hoc eo tantum sensu dixit, quod in præsentī disputatione ab illis Conciliis velint abstrahere, & aliunde sua argumenta depromere. Quod autem S. Doctor Nicæno summam æstimationem tribuerit, patet ex lib. 3. contra eundem Maximinum, ubi ait, illud a Catholicis Patribus contra hæreticos Arianos *veritatis auctoritate, & auctoritatis veritate firmatum esse.*

Neque plus probat illud, quod ex S. Augustino hæretici obijciunt ex lib. 8. de *bap. cap. 3.* ubi ait: *Plenaria Concilia priora a posterioribus emendari.* Nam Concilia priora *illegitima* dixit emendari a posterioribus legitimis, sicut Ariana Concilia emendata sunt a Constantinopolitano I. vel si de legitimis locutus est, id intellexit de *quæstionibus facti particularis*: in quibus Concilia errare possunt; quia tunc quæstio facti contra Donatistas agitabatur, an nempe Cæcilianus tradiderit libros sacros hostibus fidei.

Vel

Vel etiam intelligi potest loqui de decretis morum juris humani, seu de commendatione disciplinæ, quæ pro variis temporum circumstantiis mutari possunt: immutatis semper decretis dogmaticis.

S. Leo Concilium Chalcedonenſe arguit quidem ambitionis & temeritatis epist. 53. ad Anatholium Patriarcham, 54. ad Martianum Imper. 5. ad Pulcheriam: at tantum in eo, quod Concilium illud illegitime egit: nempe quoad decretum ultimæ ſeſſionis, quo Patriarchatus Conſtantinopolitanus præponitur Alexandrino: quod factum est abſentibus Legatis ſedis Apoſtolicæ, adeoque non a plenario Concilio: nec ſine fraude, atque improbatum a Leone Papa, quia contrarium erat decreto Concilii Nicæni. Deinde hoc decretum Concilii neque circa fidem neque mores præſtabatur.

Quando autem c. Domino 28. diſt. 50. dicitur, cum Concilia inter ſe diſſentiunt, *illius teneatur ſententia, cujus aut antiquior aut potior eſt authoritas*, intelligendum id eſt de Conciliis, quorum non eſt certa authoritas, quæ nempe non ſunt a Papa confirmata; vel de particularibus Conciliis. Gratianus vero collectionem ſuam vocat *Concordantiam diſcordantium Canonum*, quia conatus eſt concordare Conciliorum particularium Canones, qui apparenter ſunt contrarii. Si enim vere eſſent contrarii, concordari non poſſent; oſtendi autem non poſſunt Canones Conciliorum generalium de fide traſcantes inter ſe vere contrarii. Etiam SS. Patres laborarunt in concordandis textibus S. Scripturæ: an propterea ſunt vere contrarii? & Can. 1. diſt. 18. cum dicit, Concilia Episcopalia eſſe aequalia ad definiendum, non ad corrigendum, loquitur de Conciliis provincialibus.

Concilium Neocæſarienſe, confirmatum a Leone IV. c. *de libellis diſt.* 10. non prohibuit ſecundas nuptias ſimpliciter, ſed vel prohibuit eas vi-  
tute adhuc prima uxore, vel tantum ſolennem *benedictionem* ſacerdotis, ut habetur c. 1. & 3. *de ſecundis nuptiis*.

Lutherus invehitur in Concilium primum Nicænum, quod in uno Canone Clericis prohibeat caſtrationem, in altero uxores. Verum hic nihil aliud probat Lutherus, quam mulierofum & Concilii tantopere a SS. Patribus dilaudati contemptorem animum. An tale, ac tantum Concilium, an Lutherum potius errare dicendum? Militiam autem hoc Concilium non prohibet ſimpliciter, ſed illis pœnitentiam injungit, qui prius ſub fidei confeſſionem militare cingulum depoſuerunt, poſtea vero fidem negant, ut militiæ cingulum recuperent, ut factum fuerat tempore Dio-  
letiani.

S. Auguſtinus dixit, erraſſe Concilium Sardicenſe ab Arianis ſeorſim celebratum, non autem Catholicum.

Con-



Concilium Gangrense, *c. de libellis* 20. approbatum a Pontifice, reprehendit eos, qui nolunt interesse sacrificio sacerdotis, qui uxorem *habuit*: jam vero non amplius habet uxorem; quia scilicet Manichæi & Eustathius Sebastenus, contra quem Concilium fuit celebratum, dicebant, nuptias absolute esse malas & a Dæmone. Quod vero Socrates refert de Paphnutio pro conjugio Sacerdotum perorante in Concilio Nicæno, probabilius falsum est: cum Concilium Arelatense, paulo post celebratum, omnino oppositum statuerit.

Quando Concilium Toletanum I. dixit, eum, qui habet concubinam, admitti posse ad communionem, modo non sit uxoratus, per concubinam intellexit eam, quæ sine instrumentis dotalibus & solennitatibus est ducta in veram uxorem, qui modus loquendi olim frequens fuit, ut patet ex *novell.* 18. & *c. omnibus. dist.* 34.

Canones Trullani non sunt synodi VI. adeoque ex iis nihil probatur contra infallibilitatem Conciliorum generalium a Pontifice approbatorum. In synodo VII. autem tantum a privatis quibusdam fuerunt citati, & fere sicut S. Paulus citavit aliquando Poetas, quasi ad hominem, non vero approbati, saltem omnes.

Concilium Francofordiense reprobavit septimam synodum, quia deceptum a libris pseudo Carolinis putavit, in ea statutum, ut imagines adorerentur cultu latriæ; eamque non esse celebratam autoritate summi Pontificis. Et sic erravit Francofordiense in quæstione facti.

Stephanus VII. in Concilio Romano, quod tantum particulare fuit, reprobavit acta Formosi Papæ, ex odio & spiritu vindictæ: nihil tamen decedit tanquam loquens ex cathedra.

Concilium Romanum sub Nicolao II. ut habetur *c. ego Berengarius dist.* 2. *de consecr.* dixit, corpus Christi frangi & dentibus atteri, nempe in signo seu speciebus panis; quia scilicet Berengarius dixerat, merum ac nudum signum adesse, voluit Concilium, ut profiteatur, non nudum signum frangi ac teri, sed ut habens re vera conjunctum corpus Christi.

Sed unde scimus, quod Concilia sint legitima, quod Episcopi sint re ipsa Catholici, quod non vincat pars major meliorem? R. Ex eo, quod alias tota Ecclesia induceretur in errorem, quod est contra promissiones Christi. Ut autem Concilia sint legitima, sufficit Episcopos externe esse Catholicos, ita, ut non constet esse hæreticos, ut docet Bellarminus *l.* 2. *de Concil. auct.* c. 9. Tenendum tamen indubitato, suavem Dei providentiam non permittere, ut in Concilio, quod ab Ecclesia legitimum creditur, conveniant Episcopi, aut omnes aut majore ex parte hæretici, aut non legitimi.

Deinde Concilium esse legitimum ex eo etiam est certum, quod sit convo-

convocatum & celebratum autoritate illius, cui Christus in persona S. Petri dixit: *Pasce oves meas. Tibi dabo claves regni cælorum: quæcunque solveris &c. Ego autem pro te rogavi Petre, ut non deficiat fides tua. Item ex eo, quod ex diversis orbis Catholici provinciis conveniant, qui ab omnibus habentur pro Catholicis & legitimis Episcopis, ac animarum Pastoribus.*

Objiciunt denique: Episcopi sæpe sunt indocti: Theologi autem & Jurisconsulti non habent jus suffragii. 2. Multi sunt obnoxii Pontifici, aut sæcularibus Principibus: adeoque non satis liberi. 3. Aliqui sunt mali, turbulenti ac factionibus omnia miscentes. 4. Si Concilia essent infallibilia, essent paria cum S. Scriptura autoritatis. 5. Concilia etiam generalia errarunt, ut Ariminense, Ephesinum II. Basileense. &c.

3. Ad primas tres objectiones: cum assistentia Spiritus S. sit promissa generali Episcoporum Concilio, non requiritur, ut omnes sint docti, probi &c. Deinde nimis maligne, & falso omnino dicitur, multos Episcopos esse indoctos, malos, aut mundanis duci rationibus, præsertim quando de fide tractatur. Taceo, quod suos habeant Theologos, & Confessarios, viros probos & doctos.

Ad 4. N. 2. Nam quæ continentur in S. Scriptura, prorsus omnia sunt de fide, non tantum quoad sententias, sed etiam verba. Contra vero non omnia contenta in Concilio: non enim sunt de fide disputationes, quæ præmittuntur, aut rationes, quæ adduntur; sed tantum ipsa nuda decreta seu Canones, iique non omnes, sed ii solummodo, qui proponuntur tanquam de fide: ut quando explicant fidem Catholicam, vel contrarium tenentes condemnantur vel declarantur tanquam hæretici, vel solenne illis dicatur anathema.

Deinde S. Scriptura quoad omnia prorsus est summe infallibilis; non autem Concilia in quæstionibus facti alicujus particularis, non connexis cum quæstione juris: neque in quæstionibus juris mere positivi, non pro tota Ecclesia, sed pro loco aliquo particulari latis, vel pro personis particularibus.

Accedit, quod Scriptura sacra indubitato contineat verbum Dei immediate revelatum. Concilia vero secundum probabilem sententiam, nec loquuntur aut scribunt novas revelationes, aut ipsum formale verbum Dei, sed declarant, quodnam sit verbum Dei scriptum vel traditum, & quomodo intelligi debeat; ac insuper ex eo per rationem deducunt conclusiones. Et hinc Concilium Tridentinum ait, ad Ecclesiam spectare interpretari sacras Scripturas, verbum nempe Dei, ejusque sensum nobis proponendo, explicando, & applicando cum assistentia Spiritus S. Quamvis etiam altera sententia, quod definitio Concilii in re dogmatica sit ipsum



verbum Dei, jam olim scriptum aut traditum, nunc vero per Concilium repetitum, sit vere probabilis, & a pluribus præclaris DD. tradita; cum nullatenus repugnet verbum Dei sæpius repeti, ut patet in Evangelistis successively scribentibus Evangelium.

Denique Concilia non sunt rata, nisi a Pontifice sint confirmata. Scriptura autem non accipit auctoritatem a Pontifice, sed is tantum eandem proponit & declarat, ut nobis innotescat.

Cæterum nihil est absurdum dicere, Concilia generalia, legitime celebrata & confirmata, in definitionibus fidei esse infallibilia sicut sacram Scripturam, cum utraque sint summæ infallibilitatis, & nitantur infallibilitate Spiritus S. vel dictantis, vel assistentis. Unde S. Gregorius I. l. i. epist. 24. scribit, se venerari quatuor prima Concilia, ut quatuor libros Evangeliorum. Et S. Augustinus, se Evangelio non crediturum, nisi eum Ecclesiæ commoveret auctoritas.

Objicere hic nobis solent A catholici, quod in decreto Gratiani c. in *Canonicis dist. 19.* asseratur, epistolas decretales Pontificum numerari debere inter epistolas Canonicas: ex quo reluceat, nos Pontificum decreta æquiparare S. Scripturæ. Quam antiquam cramben recoxerunt nuper Præcones Tigurini in opere suo, quod *Urim & Thummim* inscripserunt.

Verum præterquam, quod Gratianus deceptus fuerit corrupto codice S. Augustini: non enim ille aliud dixit *lib. 2. doct. Christ. cap. 8.* quem locum citat Gratianus, quam judicium de Scripturis sanctis pertinere ad Ecclesiam: dicere aliud non intendit Gratianus, quam decretales esse Scripta sacra, Canonica, seu Ecclesiastica, prout distinguuntur a scriptis profanis, & scriptis etiam SS. Patrum, quæ non habent auctoritatem Canonicam, seu legalem, ut sint instar Canonis seu regulæ obligantis.

Ad quintum argumentum respondetur, errasse Concilia, illegitime congregata, neque a Papa confirmata, non autem generalia legitime celebrata, & confirmata. Atque ex hoc ipso patet, quam necessaria sit summi Pontificis approbatio, aut confirmatio. An autem Concilia allata, ut Ariminense &c. dicenda sint generalia, est quæstio de nomine; Bellarminus ea vocat *generalia*, sed reprobata. Certe sunt acephala, & hoc ipso non possunt proprie & stricte dici generalia, saltem quoad ea decreta, quæ sine legatis Pontificiis sunt concepta, neque a Pontifice approbata. Nam quo jure dici possit corpus integrum, cui caput deest?

## QUÆSTIO VI.

*An Concilium sit supra Pontificem?*

29.  
Diversæ  
opinionēs.

Hæc quæstio emerfit sæculo primo 15. occasione diuturni schismatis, dum plures pro Pontificibus se gererent. Tum enim Cardinales colle-

colleſti in Concilio Piſano depoſito Gregorio XII. & Benediſto XIII. de Papatu contendentiſ, elegerunt Alexandrum V. cum autem ſchiſma per hoc non tolleretur, ſed potius augetur, tribus dubiis Pontificiſ ſimul exiſtentiſ, in Concilio Conſtantienſi, omnibus tribus depoſitiſ, eleſtus eſt Martinus V. ſimulque in ſeſſ. 4. & 5. cum Joannes XIII. clam auſu- giſſet, ne Concilium diſſolveretur, Patres (quorum tunc adhuc pauci præſentes erant) ſtatuerunt, Concilium majorem habere authoritatem, quam Papam; quod plane de Pontifice dubio intellexerunt Patres illi, quales tres tunc erant, rati Chriſtum dediſſe poteſtatem pro tali caſu Concilio providendi neceſſitatibus Eccleſiæ.

Uterius progreſſi ſunt haud multo poſt Patres Concilii Baſileenſis, qui decretum Conſtantienſe ad verum etiam certumque Pontificem extenderunt; ac demum aliqui pauculi Eugenium IV. legitimum Pontificem deponere attentarunt, intruſo in ejus locum Felice V. Antipapa. non alio operæ pretio, niſi ut novum in Eccleſia ſchiſma excitarent. Cumque ſanctio illa Galliæ Pragmatica Baſileenſium decreta ad tempus ampleſceretur, radices apud Gallos poſſimum agere cœpit illa opinio, Concilium eſſe ſupra Pontificem, etiam legitimum ac certum. Quam ſententiam, ortis inter Innocentium XI. & Ludovicum XIV. diſcordiſ, innævavit anno 1682. conventus quidam Pariſienſis, parum tamen numerofus, Cleri Gallicani.

Verum communis ferme eſt ſententia DD. Catholicorum, *Pontificem eſſe ſupra Concilium*, eamque Bellarminus adeo certam eſſe putat, ut dicat, *ſere eſſe deſide.* Neque enim deſunt valida argumenta ex ipſa S. Scriptura deſumpta. Nam *Matth. 16.* dicitur, Eccleſiam ſupra Petrum eſſe ædificatam. Ergo Petrus eſt fundamentum Eccleſiæ; cui videlicet totius Eccleſiæ ædificium innititur; ac propterea tradidit ipſi claves regni celorum cum ampliſſima poteſtate ligandi & ſolvendi: *ibid.* curæ ac ſollicitudini Petri ſpecialiter commendavit, ac tradidit paſcendas ſuas oves. *Joan. ult.* pro Petro Chriſtus ſpecialiter rogavit, ut non deficiat fides ejus: voluitque, ut per eum fratres confirmentur.

Jam vero hæc aliaque tam illuſtria, tamque ſpecialia Chriſti oracula non eſſent vera, ſi Papa eſſet ſubjectus Concilio; nam tunc non eſſet Eccleſia ædificata ſupra Petrum, ſed Petrus ſuper Eccleſiam: non ligaret, ſed ligaretur: non paſceret oves, ſed paſceretur: non confirmaret fratres, ſed confirmaretur: deberetque fidem ſuam, pro qua Dominus rogavit, fidei fratrum ſuorum accommodare.

Quod autem Chriſtus Petro dixit, deditque, id etiam legitimis ejus in Sede Apoſtolica ſucceſſoribus dixiſſe atque dediſſe cenſendus eſt: cum



Ecclesiam suam usque ad finem mundi voluerit firmam, eademqueratione gubernatam persistere.

Ex Conciliis.

Prælucente sacra pagina, ipsa etiam Concilia generalia veritatem eandem aperte sunt confessa. Sic Chalcedonense Concilium in epistola ad S. Leonem diserte asserit, ipsum S. Leonem fuisse *caput* totius Concilii. In eodem Concilio act. 3. recitantur complures Epistolæ, ad Concilium scriptæ, hac insignitæ inscriptione: *Sanctissimo ac Beatissimo universali Patriarchæ magnæ Romæ Leoni, & sancto universali Concilio*, nemine reclamante, Pontificem præponi toti Concilio. Concilium Lugdunens. II. Pontificem vocat *Rectorem universalis Ecclesiæ*: ut habetur c. ubi periculum 3. de elect. in 6.

Concilium Florentinum sess. 25. ita definit: *Definiimus, sanctam Apostolicam Sedem, & Romanum Pontificem in universum orbem tenere Primatum, & ipsum Romanum Pontificem successorem esse Beati Petri Apostolorum Principis, & verum Christi Vicarium, totiusque Ecclesiæ caput, & omnium Christianorum Patrem ac Doctorem existere, & ipsi in Beato Petro pascendi, regendi, ac gubernandi universalem Ecclesiam a Domino nostro Jesu Christo plenam potestatem esse traditam; quemadmodum etiam in gestis Oecumenicorum Conciliorum, & in sacris Canonibus continetur.*

Adhuc apertius veritatem eandem declarat Concilium Lateranense V. sub Leone X. quod sess. 11. ex professo docuit, Pontificem esse supra omnia Concilia, simulque contrarium Basileense decretum reprobavit. Nam ita loquitur: *Solum Romanum Pontificem tanquam super omnia Concilia auctoritatem habentem, Conciliorum indicendorum, transferendorum ac dissolvendorum plenum jus & potestatem habere: nedum ex sacra Scriptura testimonio, dictis SS. Patrum ac aliorum Romanorum Pontificum, sed propria etiam eorundem Conciliorum confessione, manifeste constat.* Quid clarius dici posset, & quidem a generali Concilio? quid enim illi defuit? Indictum fuit per orbem Catholicum a legitimo Pontifice, qui etiam illi præsedet: accessus patebat omnibus. Licet ergo ne quidem centum convenerint Episcopi, generale tamen fuit, quia omnes erant vocati legitime. Neque obstat, quod quidam hoc Concilium non recipiant: nam sicut autoritas & vis obligativa legis non dependet ab acceptance populi, sic neque autoritas Concilii.

Imo approbante ipso etiam Concilio Constantiensi edita est Bulla Martini V. in qua jubentur de hæresi suspecti interrogari, an non credant, Romanum Pontificem habere in Ecclesia Dei *supremam potestatem*. Idem Concilium damnavit propositionem Hussi, qua asseruit, Romanum Pontificem non esse caput Ecclesiæ. Si autem caput est, utique superior est.

Neque

Neque sufficit dicere, Pontificem tantum esse caput singularum Ecclesiarum ac membrorum Ecclesiæ, non autem totius Ecclesiæ in Concilio generali collectæ. Nam cum S. Scriptura & Concilia prorsus illimitate loquantur, dicantque absolute, Pontificem esse verum Jesu Christi Vicarium, totiusque Ecclesiæ caput, cum plena potestate eandem gubernandi, prorsus gratis & contra apertam Conciliorum intentionem dicitur, eum tantum esse caput singulorum membrorum, non autem totius corporis. Certe singuli non sunt Ecclesia: cum Ecclesia ex ipsa sua notione significet congregationem fidelium. Si ergo caput est Ecclesiæ, est caput congregationis fidelium.

Atque hinc descendit solennis illa Conciliorum protestatio, primam sedem a nemine in terris judicari. Sic in Concilio Chalcedonensi aët. 4. damnatus est Dioscorus, tum ob alias causas, tum præcipue quia in Concilio generali Ephesino secundo judicare & damnare ausus fuerat Leonem Romanum Pontificem. Nam ut Nicolaus I. ad Michaëlem Imperatorem scripsit, Dioscorus non tam propter hæresin, quam propter temerariam illam præsumptionem a Concilio est damnatus.

Idem sensus erat Concilio Romano sub Symmacho, in quo approbatus est liber Ennodii, in quo scripserat, aliorum hominum causas Deum voluisse per homines terminare, Romanæ vero Ecclesiæ Præfulem suo reservasse iudicio.

Unde in Concilio generali octavo aët. 7. legimus, Pontificem de omnium Ecclesiarum Præsulibus judicasse, de ipso vero neminem. Et cum Leo III. de variis sceleribus fuisset accusatus, omnes Episcopi in numero Concilio, præsentem etiam Carolo M. conclamarunt, non esse licitum hominibus judicare summum Pontificem. Quare cum Pontifex consensu cathedra juramento se ultro purgasset, omnes acquieverunt. Consentit *c. licet de elect.* in quo dicitur: *In Romana Ecclesia aliquid specialiter constituitur, quia ad superiorem non potest haberi recursus.*

Taceo Concilium Sinuessanum sub Marcellino, quod pronuntiasse fertur, primam sedem a nemine judicari. Verum sit, narrationem illam de Marcellini lapsu & Concilio Sinuessano, aut dubiam esse aut etiam falsam; ut plures eruditi Critici recentiores existimant; hoc certum, in pluribus veris Conciliis id esse pronuntiatum: nominatim etiam in Concilio Romano sub Sylvestro: in cujus Can. ult. dicitur: *nemo judicabit primam Sedem.*

Et quot in jure nostro Canonico habemus veritatis hujus antiqua Ex Jure monumenta! Sic e. g. *c. si Papa, dist. 40.* S. Bonifacius Moguntinus Canonico, Episcopus ait: *Cunctos judicaturus a nemine judicatur, nisi deprehendatur a fide devius.* Item *c. Significasti de elect.* ait Paschalis, omnia Concilia per Romanæ



manæ Ecclesiæ auctoritatem esse facta & robur accepisse, & in eorum statutis Romani Pontificis patenter excipi auctoritatem. Et in *extraviam sanctam de majorit. & obed.* Bonifacius VIII. *Si deviat terrena potestas, judicabitur a potestate spirituali: si deviat spiritualis, minor a majori: si vero suprema, a Deo solo, non ab homine poterit judicari: quia scilicet in terris majorem aut superiorem non habet.*

Propterea a Pontifice ad Concilium appellari non potest. Neque sancti homines id unquam leguntur fecisse: cum vice versa complures ex SS. Patribus a Conciliis ad summum Pontificem appellasse manifeste constet. Exemplum habemus in S. Athanasio, Patriarcha Alexandrino & Paulo Patriarcha Constantinopolitano, qui a Concilio depositi appellarunt ad Julium I. Papam, a quo sedibus suis sunt restituti. *Sozom. lib. 3, c. 7.* in S. Flaviano, pariter Patriarcha Constantinopolitano, & Theodoro Episcopo Cyri, qui a generali Concilio Ephesino secundo appellarunt ad Leonem I. Pontificem, *S. Leo epist. 25.* Liberatus in *Breviario c. 12.* in S. Joanne Chrysostomo, itidem Patriarcha Constantinopolitano, appellante a Concilio, a quo fuerat depositus, ad Innocentium I. *Galasius in epist. ad Episcop. Dardan.*

Ex Praxi  
Ecclesiæ.

Confirmatur denique sententia ex usu antiquissimo & praxi totius Ecclesiæ, ipsorumque adeo Conciliorum generalium, quæ acta sua atque decreta semper petierunt approbati ac confirmari a summo Pontifice. Testem hujus rei habemus ipsam generalem synodum Lateranensem quintam, sub Leone X. celebratam. Hæc enim, abrogata Gallica Pragmatica, sess. XI. in Bulla *Pastor æternus* gregem sic loquitur: *Consueveruntque antiquorum Conciliorum Patres pro eorum, quæ in suis Conciliis gesta fuerunt, corroboratione, a Romano Pontifice subscriptionem approbationemque humiliter petere & obtinere, prout ex Nicæna & Ephesina, ac Chalcedonensi &c. constat.*

Neque dicere fas est, ex humanitate tantum ac reverentia id factum esse; fatentur enim ipsa Concilia, se eam approbationem petere, ut decreta ac Canones accipiant firmitatem. Sic Concilium Nicænum I. in epistola, quæ habetur ad finem Concilii, scribit ad Sylvestrum Papam: *Quidquid autem constituimus in Concilio Nicæno, precamur vestri oris consensio confirmari.* Idem habetur in Concilio Chalcedonensi aliisque.

Et quoddam unquam Concilium, licet de se generale ac frequentissimum, firmitatem in Ecclesia habuit, quod a summo Pontifice non fuit approbatum? Ariminense 600. Episcoporum, Mediolanense, Seleuciense, Syrmienense, aliaque, utut numerosa, quam unquam in Ecclesia auctoritatem sunt nacta? evanuerunt: quia a Romanis Pontificibus sunt reprobata. Ephesinum secundum indictum fuerat a S. Leone Papa, qui suos

suos ad illud legatos miserat, eratque generale; sed quia absentibus & contradicentibus legatis Apostolicis, Dioscorus, ejusque sectatores statuere attentarunt, factum est Concilium spurium, invalidum, cassum, inane. Idem pluribus post sæculis contigit Concilio generali Basileensi, Ephesino secundo haud multum ablimili. *Vide Francolinum Tyrocin, Theolog. p. 2. P. Antonium Mayr. tract. 7. de virtut. Theolog.*

Quodnam autem signum atque argumentum evidentius superioritatis Pontificiæ, quam Conciliorum, etiam generalium (si tamen generalia esse possunt sine capite) reprobatio? & quot reprobationis istius in historia ecclesiastica habemus exempla? sufficiat hic unum addere. Concilium Ariminense, ut dictum erat, numerosissimum, & plane generale, in ullum absque summo Pontifice generale esse possit.

Hoc autem reprobatum fuit primum a Papa Damaso, ut constat ex *epist. ad Episcopos Illyrii*, deinde etiam a S. Leone Pontifice, ut habetur *epist. 55. ad Pulcheriam*, & *lib. 4. epist. 34. S. Gregorii*, & jam S. Basilii *epist. 52. ad Athanasium* rogandum censuit Romanum Pontificem, ut legatos in orientem mittat, qui ejus nomine irritent Ariminense Concilium.

Prætereo argumentum negativum, quod scilicet ab adversariis ostendi non possit promissio assistentiæ Spiritus S. facta Concilio, quod absque auctoritate summi Pontificis celebratur. Neque enim infallibilitas ejusmodi Concilii Ecclesiæ probatur necessaria; cum aliunde habeatur infallibilitas definitionum, nempe a Concilio per Pontificem confirmato.

Duo tamen casus, ut alias inuimus, a doctrina hætenus tradita excepti capiendi veniunt, in quibus Concilio, deficiente Pontificis consensu, statuendi atque Ecclesiæ providendi adstruitur auctoritas. Primus est casus schismatis, in quo plures dubii essent Pontifices, ita, ut de nullo legitimo Papa constaret in Ecclesia. Tunc enim possent Cardinales & Episcopi se ipsos congregare, atque de indubitato capite Ecclesiæ providere: ut in Concilio Constantiensi contigisse novimus: tota siquidem Ecclesia Martinum V. ibidem electum tanquam legitimum Pontificem agnovit.

Alter est casus aperta ac manifesta hæresis, in quam Pontificem lapsum esse in Ecclesia constaret (quem tamen casum nunquam contigisse, non propter Christi promissionem nec contingere posse multi docent) in hoc enim casu, si pontifex in hæresi contumaciter persisteret, posset Concilium eum etiam invitum deponere, vel potius, ut alii volunt, excideret hoc ipso suo officio, possetque Concilium generale declarare, Pontificem a Christo potestate Papali privato, sedem vacare: & consequenter Ecclesiæ de capite providere. In his etenim duobus casibus hæc potestas Concilio, Ecclesiam repræsentanti, esset necessaria: ut schismati afferatur

Exceptis  
duobus  
casibus.

tur



tur remedium, & ne pro Ecclesiæ capite sit habendus, qui propter hæresin manifestam ne quidem est membrum Ecclesiæ.

Poffet tamen  
Papa arbi-  
tros in cau-  
sa sua con-  
stituere.

Cæterum licet Papa superiorem non habeat in terris, imo neque cuiusquam iudicium coactivum in se possit committere: possset tamen velut arbitros in causa sua constituere, qui eandem discutiant: prout fecerunt Sixtus III. Leo III. Leo IV. Symmachus. Addidit tamen Sixtus, se per hoc suum factum nolle suis successoribus formam aut exemplum dare, si non ultro hoc remedium eligant. *c. mandastis 10. caus. 2. quæst. 5.* Leo autem se purgans addidit: *Hoc autem faciens non legem præscribo cæteris, quæ id facere teneantur, c. auditum 18. ead.*

### Respondetur argumentis Adversariorum.

**Primo nobis obijciunt SS. Canones.** Nam *c. contra caus. 25. q. 1.* ait Zosimus Papa: *contra statuta Patrum condere aliquid vel mutare, nec bul-  
jus quidem sedis potest auctoritas. 2. c. ecce dist. 99.* S. Gregorius non vult dici *Papa universalis. 3. c. primæ ead.* dicit Concilium Africanum: *prima  
sedis Episcopus non vocetur summus sacerdos. 4. c. legimus dist. 93.* ait Hierony-  
mus: *Si auctoritas quæritur, orbis major est urbe: ubicunque fuerit Episcopus,  
sive Romæ, sive Eugubii &c. ejusdem meriti, ejusdem est & sacerdotii.* Ergo  
Papa ne quidem habet potestatem in Episcopos singulos, multo minus in  
Concilium Episcoporum.

Resp. ad 1. Zosimus tantum voluit, Pontificem non posse mutare ea,  
quæ circa fidem a Concilio Patrum cum approbatione Papæ sunt statuta:  
neque ea, quæ statuta sunt circa doctrinam morum, si versentur circa  
jus naturale aut Divinum. Non vero negavit, quod possit aliquando ex  
rationabili causa pro diversis circumstantiis & temporum exigentia mu-  
tare ea, quæ solummodo versantur circa jus humanum.

Ad 2. S. Gregorius noluit appellari Papa universalis, hoc est, singu-  
larum Ecclesiarum proprius Episcopus, quasi alii non essent Episcopi.  
Et hinc *Can. cit.* scribens ad Eulogium Patriarcham Alexandrinum addit:  
*Si enim Papam universalem vestra Sanctitas dicit, negat, se hoc esse, quod me fa-  
tetur universum.* Ipsum Concilium Chalcedonense Romanum Pontificem  
appellavit *Patriarcham universalem*, hoc est, habentem supremam potesta-  
tem in omnes Ecclesias.

Ad 3. Per primam sedem ibi non intelligitur Romana; sed sermo est  
de Primate & Metropolitanis Africanis: de quibus Concilium African-  
um Nationale dicit, eos non debere uti nomine *summi Sacerdotis*. Quid  
enim Episcopis aliarum Nationum Concilium illud Africanum potuisset  
præscribere?

Ad 4.

Ad 4. S. Hieronymus l. c. loquitur imprimis de *Diaconis* quibusdam Romanis, qui se Presbyteris æquiparabant, vel etiam præferebant, contra studium Romanam (a Pontificibus nunquam approbatam) prætexente. Unde Hieronymus ait, orbem majorem esse urbe, seu consuetudinem istam (aut potius abusum) non debere prævalere orbis consuetudini. Quando autem deinde addit, Episcopos æquales esse, id intelligit de charactere, & potestate ordinis Episcopalis, in quibus omnes Episcopi inter se, & etiam Papæ sunt æquales: non autem de potestate jurisdictionis & autoritatis.

Objiciunt secundo magnam auctoritatem, Concilii nempe Pisani, quod duos Pontifices deposuit, & tertium elegit: Concilii Constantiensis, quod tres deposuit, & quartum elegit. Concilii Basileensis, quod etiam certum ac legitimum Pontificem deposuit, & novum elegit; simulque definivit, insistentes actis Concilii Constantiensis, Concilium Generale majori pollere potestate & auctoritate, quam quemvis Episcopum Papali etiam auctoritate fulgentem.

Deinde, ut asserunt, hanc de superioritate Concilii supra Pontificem sententiam propugnarunt gravissimi DD. ut Petrus Alliaccensis Cardinalis Atrebatensis, Nicolaus Cusanus Cardinalis, Zabarella Cardinalis Florentinus, Ludovicus Alemannus Cardinalis Arelatensis; item Abulensis, Adrianus, Major, Almainus, Gerson, S. Antoninus, & ipse etiam Aeneas Sylvius, factus postea summus Pontifex sub nomine Pii II.

Quibus accessere Academia Bononiensis, Florentina, & præcipue Parisiensis, approbans Sanctionem Pragmaticam Gallicanam: in qua sententia etiam ista Concilii Basileensis erat comprehensa. Recentiori vero tempore viam eandem iniit Conventus Parisiensis Cleri Gallicani anno 1682.

Resp. Plerique ex istis, ut Concilium Pisenum & Constantiense, Doctoresque in istis præsentis ut Alliaccensis, Cusanus, Zabarella, Antoninus &c. plus non voluerunt, quam penes Concilium esse potestatem providendi Ecclesiæ in casu gemino, paulo ante memorato, Schismatis nempe & hæresis. Basileense Concilium propter hunc ipsum lapsum potissimum est reprobatum. Aeneas Sylvius sententiam suam retractavit. Academia Bononiensis & Florentina post turbulenta illa Schismatum tempora longe aliud docuerunt, docentque hodie: imo etiam plures ex Parisina.

Reliquis, si tamen non ipsi etiam de casibus supra dictis locuti sunt, opponimus vocem ferme unanimem totius propemodum orbis Catholici, cum Conciliis Generalibus antiquissimis, SS. Patribus Doctissimisque viris innumeris ex omni gente & lingua; adeo quidem, ut multi sententiam nostram certam dicant & fere de fide: cum plane in Concilio Florentino



tino & Lateranensi V. videatur definita; cumque in Concilio Tridentino hæc Quæstio fuisset agitata, ex decem partibus Patrum novem partes judicarunt, Pontificem esse supra Concilium, teste Cardinale Pallavicino in Hist. Concil. Trid. sacra tamen Synodus tanquam Articulum Fidei hoc definire noluit: quia ad finem a Concilio intentum hæc definitio minime erat necessaria.

Obijciunt 3. ipsam adeo Sacram Scripturam: quippe act. 8. dicitur, quod Petrus & Joannes missi sint in Samariam ab Apostolis. Quod plane signum est, etiam Petrum subjectum fuisse Concilio Apostolico: non enim superior mittitur ab inferiore. Deinde in Concilio Apostolico act. 15. non fit specialis mentio Petri, sed Concilii: *Visum est Spiritui S. & nobis.* Imo Jacobus finalem dixit sententiam, quam Petrus, totusque cœtus secutus est.

Resp. Missio non debet necessario fieri a superiore & per præceptum: alias Spiritus S. non posset mitti a Patre & Filio. Dantur igitur diversæ missiones, vel per emanationem aut processionem, vel per præceptum superioris vel per consilium aut preces: velut si regnum aliquod in senatu congregatum concluderet, optimum fore, si Rex ipse proficeretur ad exercitum, ut ducum componantur dissidia, & majore auctoritate atque efficacia bellum geratur, atque, ut hoc facere velit, rogaret. Quo casu Rex dici posset mitti a Regno vel senatu. Et hoc modo, per consilium nempe & preces missus est ab Apostolis Petrus.

Quod autem in Concilio Apostolico Petri non fuerit facta specialis mentio, falsum est. Nam primus locutus est, aperuitque Concilium oratione ad illud habita, in qua explicavit finem Concilii congregati, primusque sententiam dixit; orationem autem suam cum authoritatis prærogativa sic orsus est: *Viri Fratres, vos scitis, quoniam ab antiquis diebus DEUS in nobis elegit, per os meum audire gentes verbum Evangelii, & credere.* Jacobus autem totusque cœtus assensus est Petro. Quod autem Jacobus addiderit aliquid de abstinencia a sanguine & suffocato, non probat, Petrum non fuisse superiorem toti Concilio: potest enim etiam Rex in Senatu libertatem loquendi subditis suis permittere, & deinde approbare, quod ipsi visum fuerit.

At Episcopi non sunt in Concilio meri Consiliiarii, inquit, sed veri sunt Judices. Ergo si per unanimia, vel etiam per majora quid statuant, etiam absque Pontificis approbatione id ratum firmumque erit, tenenturque Papa Concilii sententiæ se submittere. Ergo hoc ipso debent esse infallibiles; cum eorum sententia sit ultimum Ecclesiæ judicium.

Resp. Ad hoc, ut Episcopi in Concilio sint judices, non requiritur, ut sint infallibiles, neque sequitur, quod Papa illorum sententiæ debeat se

sub.

submittere, neque quod sit ultimum Ecclesiæ Judicium, nisi accedat consensus capitis Ecclesiæ. Ne quidem in profanis ac politicis ejusmodi sequelæ locus est. Nam licet Status Imperii Romano-Germanici in Comitibus congregati vere sint Judices, & non tantum Consilarii, non tamen sequitur, quod sint infallibiles, aut quod Imperator debeat se subicere statuum sententiæ, aut quod hæc sit ultimum Imperii Judicium, nisi Imperatoris tanquam capitis consensus accedat. Hoc vero accedente fit *Recessus Imperii*, ac constitutio Imperialis, habens vim legis universalis: censeturque ultimum totius Imperii Judicium. Quanto magis hoc verum esse existimandum est in Sacris: ubi tam speciales prerogativæ pro summo Pontifice exstant in Sancto JESU Christi Evangelio: ubi Ecclesia est ædificata supra Petrum: ubi Petro claves, cum summa potestate ligandi & solvendi sunt traditæ: ubi Petrus illimitate oves Christi jubetur pascere? An oves Christi esse desinunt Episcopi in Concilio congregati? Si oves Christi sunt, etiam Petri sunt oves tanquam pastoris. An oves pastorem regant? An summus Pontifex in Concilio desinit esse Caput Ecclesiæ? Vicarius Christi? An tunc perdit claves Regni Cælorum? Quis ipsi tunc aufert supremam potestatem ligandi & solvendi? An tunc desinit Ecclesia supra Petrum esse ædificata? Aliud profecto Sacra Evangelii clamant oracula, aliud SS. Patrum effata, aliud melioris orbis persuasio, aliud denique ipsorum Conciliorum Generalium, de quibus manifeste in Ecclesia constat, quod fuerint legitima, confessio atque decisio.

Neque dicas, Concilium repræsentare Ecclesiam: Ecclesiæ autem promissam esse Spiritus S. assistentiam: adeoque Pontificem vel nullam habere infallibilitatem, vel illam habere ab Ecclesia, aut a Concilio, Ecclesiam repræsentante: præsertim cum Christus Matth. 18 dixerit, ubi fuerint duo vel tres congregati in ejus nomine, ibi se esse in medio eorum: ibi enim quid aliud designatur, quam Concilia Ecclesiæ Præfulum?

Hæc, inquam, non opponas; nam Concilium capite Ecclesiæ destitutum non satis totam repræsentat Ecclesiam. Tale Concilium est accephalum, adeoque repræsentat Ecclesiam sine capite; cui nusquam promissam Spiritus S. assistentiam legimus. Promissa igitur est assistentia Divina Ecclesiæ, sed non monstrois, non meliori ac principali sui parte truncatæ.

Neque verum est, quod Pontifex infallibilitatem suam habeat ab Ecclesia: nam habet illam immediate a Christo & Spiritu S. neque est Vicarius Ecclesiæ sed Christi. Sicut claves non accepit ab Ecclesia, sed a Christo. Cardinales autem, quando eligunt Pontificem, tantum designant personam, cui deinde Christus, secundum sanctissima sua promissa, potestatem, autoritatem, & infallibilitatem tribuit.



Quando vero Christus dixit, se esse in medio eorum, ubi duo vel tres sint congregati in ejus nomine, denotat efficaciam precum & orationum, quæ fiunt a collecto populo ad aliquid a Deo impetrandum. Certe si verba illa in sensu adversariorum sumantur, sequeretur, etiam particularia Concilia esse infallibilia, imo etiam duos Parochos aut duos cives in nomine Christi congregatos.

Opponunt 4. Christus censendus est optimo modo suæ providisse Ecclesiæ: at optimus est, si Ecclesiæ etiam absque Pontifice sit infallibilis, & Pontificis tanquam inferioris sententia a Concilio sit reformabilis. Nam sic regimen Ecclesiæ non potest fieri despoticum. Et plane, nisi Pontifex debeat obedire Concilio, ejusque judicium sit ab Ecclesia reformabile, tunc Ecclesiæ nullum haberet remedium adversus nefarium Pontificem, qui Ecclesiam niteretur destruere. Accedit, quod etiam ipse Pontifex sit frater, quem delinquentem Christus jubet deferri ad Ecclesiam.

Resp. Ex opposita sententia adhuc majora timenda essent incommoda. Nam sic Pontifex non amplius posset urgere efficaciter morum disciplinam, & executionem suorum decretorum; imo neque emergentes novas hæreses posset efficaciter condemnare & compescere, cum condemnati mox appellarent ad generale Concilium; ut hodiedum videmus contingere in iis provinciis, in quibus sententiam de superioritate Concilii aliqui tenent. Cum autem Concilia generalia difficillime, hoc præsertim tempore, congregari possint, faceret interea ejusmodi appellantes, quidquid ipsis effrænis licentia distat, agerentque abusus, morum corruptio, atque etiam hæreses interim radices, non amplius postea evellendas. Et quid aliud ad frequentiora Ecclesiæ schismata viam sterneret, quam ejusmodi sententiæ persuasio? cum pronum admodum foret, ut ii, qui aversum a Pontifice gerunt animum, collectis Episcopis eundem exautorarent, aliis eidem adhærentibus, ut in conciliabulo Basileensi factum novimus: ut adeo, dum schismati præcavere intenderent, illud quam maxime promoverent. Licet ergo ex opposita sententia aliqua fortassis viderentur sequi commoda, plura tamen & majora haud dubie sequerentur incommoda: cum nec Ecclesiæ unitas, nec disciplina, nec morum severitas, nec hæresum coercitio satis efficax amplius haberi posset.

Falsum etiam, quod Ecclesiæ adversus nefarium Pontificem se ipsam tueri non amplius posset. Nam si tantum ut privata persona esset sceleratus, non posset multum adeo in publicum nocere, multo minus Ecclesiam destruere. Si autem hæresin conaretur inducere, aut morum disciplinam evertere, imo etiam si tantum ut privata persona in hæresin incideret, atque in ea pertinaciter perseveraret (quod tamen vel omnino non, vel vix fieri

feri potest) posset Concilium generale Ecclesiæ de orthodoxo capite providere, ut alias diximus: imo posset etiam vi & armis Ecclesiæ se ipsam defendere adversus quemcunque, eam destruere nitentem: cum ad hoc non requiratur jurisdictio.

Cæterum licet Pontifex etiam ipse sit frater fidelium, simul tamen est caput Ecclesiæ & Vicarius Christi: unde licet moneri posset ab Ecclesiâ, & etiam modeste corripi, ut a Paulo Petrum monitum esse legimus, coerceri tamen pœna propter mores non posset, ex defectu jurisdictionis in ipsum. Si hæc doctrina difficilis aliquibus videatur, considerent, quales ipsi sententias circa supremos Monarchas politicos foveant.

Si urges, Pontificem esse tantum membrum & partem Ecclesiæ: partem autem esse minorem toto: partem abscindi debere, si inficiat reliquum corpus: mori Pontificem, Ecclesiâ non mori, adeoque penes Ecclesiâ, etiam separatam a Pontifice, debere esse infallibilitatem.

Resp. Si Ecclesiâ sumatur sine Pontifice, non est totum, sed pars quæ una cum capite constituit totum. Si autem Ecclesiâ accipiat cum Papa, est major solo Papa extensive, non autem intensive. Sicut complexum ex Christo & puris hominibus est totum, majus extensive, non autem intensive, quam solus Christus.

Quod dicitur de parte abscindenda, si inficiat corpus, verum est relate ad Pontificem, si sit dubius tempore schismatis, aut labatur in apertam hæresin.

Licet autem Papa moriatur, satis tamen provisum est infallibilitati Ecclesiæ per hoc, quod possit statim eligere novum Pontificem, cui unita Ecclesiâ sit infallibilis; & sic radicaliter saltem semper manet infallibilis: Sede autem vacante nihil de fide potest definiri, de quo non jam alias in Ecclesiâ constet: ut adeo nullum sit erroris in fide periculum.

## C A P U T II.

### De Jure Synodali Antiquo.

**C**um Jus Synodale magnam Juris Canonici partem constituat, & uberrimam pulcherrimæ eruditionis copiam suppeditet, quæ Jurium Candidatum comprimis decet, ornatque, operæ pretium fuerit, nec ab instituto nostro alienum, post tractatum de Jure Synodali in Genere, ad illud in specie explicandum descendere. Quia autem tantum decreta Conciliorum generalium legitimorum vim Juris communis sortiuntur, de iis præcipue nobis tractandum venit. Partiemur autem amplissimam hanc materiam



*riam in Jus Synodale Antiquum, quo octo generalia Concilia, in Oriente celebrata comprehendimus, & in Jus Synodale Novum, quod recentiora Concilia, in Occidente congregata complectitur.*

## ARTICULUS I.

De Concilio Generali I. Nicæno I.

*Contra Arium, Quarto-decimanos, & schisma Meletii, sub Sylvestro I. & Constantino M. anno 325.*

## SUMMARIUM.

### §. I.

Synopsis Historica.

1. Cause Concilii tres: nempe 1. Controversia de Christi Divinitate contra Arianos. 2. Controversia de Paschate contra Quartodecimanos. 3. Componendum schisma Meletianum.
2. Quot & quinam Patres adfuerint?
3. Asserta Fides Dei Divinitas, & consubstantialitas, damnato Ario.
4. Definitio controversiæ Paschalis.
5. Decisa causa Meletii.

### §. II.

Summa Canonum.

6. Numerus Canonum incertus.
7. Recensentur 20. Canones certi.
8. Plures tamen sunt editi, quam 20.

### §. III.

An Nicænum concesserit Sacerdotibus usum matrimonii?

9. Proponitur questio.

10. Examinatur narratio de Papnatio pro usu conjugii in Concilio loquente.
11. Probabilius falsa est. Certe statutum contrarium a Concilio.
12. An narratio illa profit Protestantibus, qui toties eam contra Celibatum eggerunt.

### §. IV.

De Concilio Sardicensi tanquam complemento Nicæni.

13. Cur Canones Sardicenses appellati sint Nicæni?
14. Furor Arianorum post Nicænum.
15. Præsertim in S. Albanasium.
16. Recensentur Canones Concilii Sardicensis, præsertim circa jus appellationum.
17. Secedentes Orientales a Concilio Sardicensi dicti sunt Semi-Ariani.
18. Duplex proin Concilium Sardicense, unum Catholicorum, alterum Semi-Arianorum.

### §. I.

Synopsis Historica Concilii Nicæni.

**I**nstitutum est hoc Concilium generale I. cui tota antiquitas singularem semper venerationem habuit, anno 325. sub Sylvestro I. Romano Pontifice

tifice, pro defendenda Filii Dei Divinitate contra Arium, determinando tempore celebrandi Paschatis contra Quarto-decimanos, & tollendo schismate contra Meletium; quæ hac ratione contigere.

Anno 321. in Alexandrinum Patriarcham electus *Alexander*, vir Arius infamius, doctus & probus: cui invidens *Arius* Alexandrinus Presbyter, homo impius, Alexandri doctrinam est infectatus, asserens, Filium Dei non esse ab æterno, nec Deum verum de Deo vero, sed ex nihilo creatum, minorem Patre, voluntate, naturaque mutabilem: nactusque brevi multos & magnos asseclas, atque inter eos duos *Eusebios*, Nicomediensem & Casareensem.

Alexander ut pestem maturo remedio suffocaret, convocato ex Ægypto & Lybia centum Episcoporum Concilio Arium, pertinaciter grassantem, a communione fidelium exclusit; qui ad Eusebium Nicomedensem fugiens, coactoque illius authoritate in Bithynia conciliabulo, iustus est Ecclesiæ communioni restitui. Ex quo hæresis Ariana in dies latius serpere cœpit, fortius aliquod & universalius remedium exigens.

Altera Concilii congregandi causa fuit antiquior controversia, nempe jam dudum agitata, de tempore celebrandi festi Paschalis. Quidam enim, Asiatici præsertim, contenderant jam tempore S. Victoris Papæ, decima quarta luna mensis primi cum Judæis celebrandum esse Pascha. Unde Quarto-decimani dicti, jam pridem ab eodem Victore, aliisque Episcopis ritum Romanæ Ecclesiæ, Dominicam proximam juxta traditionem Apostolorum statuentis, sequi iussi.

Tertia causa fuit tumultus *Meletii*, Lycopoleos in Ægypto Episcopi, qui funesto schismate scidit Ecclesiam. Hic etenim propter plura crimina, ac præsertim idolorum cultum, a S. Petro Alexandrino Episcopo in frequenti synodo depositus, in eundem & successores ejus furens, munere Episcopali contumaciter fungi perrexit, multis, qui propterea *Meletiani* dicti sunt, in partes suas pertractis.

His igitur Ecclesiæ malis ut Sylvester Pontifex, & Constantinus Imperator occurrerent, Concilium generale Nicææ in Bithynia celebrandum indixere, anno 327. ut Bellarminus sentit, vel anno 325. ut alii cum Baronio existimant. Convenerunt igitur, impensas & vehicula suppeditante pientissimo imperatore, ex toto Oriente 118. Episcopi: inter quos eminebant, non tantum vitæ sanctimonia, sed etiam eruditione viri clarissimi, *Alexander*, Patriarcha Alexandrinus, cum Diacono suo, Athanasio, *Eusebius* Patriarcha Antiochenus, postmodum plurium criminum ab Arianis, falso insimulatus, pro fide Christi in exilio mortuus. *Macarius* Jerosolymæ Episcopus, Arianorum malleus. *S. Nicolaus*, Myræ in Lycia Episcopus, vitæ sanctitate ac miraculis toto orbe celeberrimus. *Jacobus Nisibenus* *Paphnutius* Thebaidos, *Spiridion* Cypri Episcopus, aliique multi

Con-



Confessores, quorum decoras cicatrices, ab Ethnica Diocletiani Licinii-  
que tyrannide relictas, Constantinus ille Magnus venerabundo non raro  
osculo est veneratus. Neque eodem cum Episcopis ordine federe voluit,  
sed inferiori loco, nec nisi illis annuentibus, non Judicem, sed Defen-  
sorem Concilii professus.

Cum Episcopis multi Presbyteri & Diaconi aderant, qui tamen non  
subscripserunt, sed disputando, ac rebus discutiendis intersuebant.

Ex Occidente tantum adfuerunt tres Apostolicæ sedis legati, nempe  
Osius Cordubensis in Hispania Episcopus, *Vitus & Vincentius* presbyteri  
Romani cum *Nicasto* Diniensi in Gallis Episcopo.

3-  
Damnatus  
Arius.)

Postquam Patres collecti oratione per *Eustathium* habita, salutaverunt  
Imperatorem, atque ab eodem ad pacem Ecclesiæ reducendam animati  
fuerant, lectæ sunt Arii in Filium Dei blasphemix, ad quas cohorrui plus  
cætus; invitati nihilominus Ariani, ne conqueri possent, se non audicos  
damnatos esse. Disputatum proin cum illis, ac præsertim ab Athanasio,  
tunc adhuc dum Diacono cum ipso Ario: qui rebus probe expensis cum  
asseclis & hæresi sua ab universo Episcoporum Concilio est damnatus, ac  
vindicta Filii Divinitas, conscriptumque per Osum *Nicænum Symbolum*,  
quo Dei Filius asseritur Deus de Deo, lumen de lumine, Deus verus de  
Deo vero *ὁμοῦσιος*, seu consubstantialis Patri. Hoc Symbolum ita habet:

#### Symbolum Nicænum.

**C**redimus in unum Deum, Patrem omnipotentem, Factorem celi & terræ, omnium  
visibilem & invisibilem: Et in unum Dominum Nostrum *Jesum Christum*,  
Filium Dei Unigenitum, genitum a Patre ante omnia secula, lumen de lumine,  
Deum verum de Deo vero, genitum, non creatum, Consubstantialem Patri, per  
quem omnia facta sunt, qui propter nos homines & propter nostram salutem descen-  
dit de cælo: & Incarnatus est de Spiritu sancto ex Maria virgine, & Homo factus,  
crucifixus pro nobis sub Pontio Pilato, mortuus, sepultus: Et Resurrexit tertia die  
secundum scripturas. Ascendit ad cælos: sedet ad dextram Dei Patris in excelsis.  
Iterum venturus est cum gloria, judicare vivos & mortuos, cujus Regni non erit  
finis.

Reliqua, quæ habemus in Symbolo, addita sunt a secunda Generali  
Synodo, seu Constantinopolitana I. ad confutandam præcipue Macedo-  
nii hæresin, Spiritui sancto Divinitatem abnegantis.

#### Decisio Quæstionis de Paschate.

Definitio  
controversæ

Altera dein Quæstio expensa, ac definitum, Pascha non esse cum Ju-  
dæis celebrandum decima quarta lunæ mensis primi (erat autem mensis pri-  
mus, *Nisan* dictus, apud Hebræos, cujus decima quarta lunæ, seu dies  
pleni-

plenilunii, incidebat vel in ipsum diem æquinoctii verni, vel proxime post ~~scilicet~~ paschalis æquinoctium) statutum igitur, ut pascha semper celebretur die Dominica proxime sequente plenilunium, quod primum occurrit post æquinoctium vernum. Hoc autem æquinoctium a Concilio Nicæno fixum est (moraliter ac civiliter) in diem 21. Martii. Unde, si plenilunium incideret in 20. Martii, adeoque uno die ante æquinoctium, deberemus adhuc per integrum mensem lunarem expectare, nempe per 29. dies, usque ad primum plenilunium post æquinoctium, nempe usque ad 18. Aprilis: & si illa dies esset Dominica, adhuc expectandum esset per septem dies usque ad Dominicam sequentem, nempe usque ad 25. Aprilis, in quam incidit Festum S. Marci, quo die in hoc casu juxta Concilium Nicænum celebrandum esset pascha: contra vero, si plenilunium incideret in ipsam diem æquinoctii, nempe in 21. Martii, & sequens dies, nempe 22. Martii esset Dominica, hac die jam deberet celebrari. Adeoque pascha celebrari nunquam potest ante 22. Martii, neque post 25. Aprilis. Si quis ulteriorem hac de re notitiam desiderat, consulat Clavium, Petavium, Guldinum, Deschales, ac præcipue aureum opusculum P. Josephi Falck S. J. *Christianum Pascha inscriptum* ac nuper primum editum, præsertim *cap. 3. §. 4.* ubi docet, quid ratione paschatis actum sit in concilio Nicæno, & postea observatum.

Decisa denique tertia Quæstio in causa Meletii, statutumque, ut <sup>5.</sup> *Causa Meletii* <sup>6.</sup> *judicata.* nudo Episcopi nomine, maneret Lycopoli, abstinens omni Episcopali munere & functione.

Additi insuper saluberrimi Canones pro Disciplina Ecclesiastica, vel firmanda, vel restauranda. De quorum tamen numero magna est dissensio. Nam *can. 12. dist. 16.* dicitur, constare ex Epistola S. Athanasii 70. fuisse Canones. Arabice scripti habentur omnino 80. nunc etiam latine versi & impressi. Solentque plures citari, qui in 20. illis, quos omnes agnoscunt, non continentur. Communiter tamen 20. in omnibus Conciliorum Collectionibus relati, tanquam vere & extra omnem controversiam authentici numerantur.

## §. II.

## Summa Canonum,

**H**orum Canonum, prout apud Dionysium Exiguum, & Rufinum in *Hist. Eccles. libr. 11. cap. 6.* habentur, hæc est summa. Præmissio Symbolo Nicæno tanquam formula Fidei statuitur,

1. Ne admittatur ad clerum, qui se ipsum abscidit. *Huius statuto occasionem dedit Leontius presbyter, qui se ipsum abscidit, ut libere uti possit commercio cum muliercula, depositus propterea; & Arianus deinde factus Episcopus.*

Pars III.

F

Potest

7.



*Potest etiam factum Origenis ansam dedisse Canon. Ratio autem datur can. 22. Apost. quia sui ipsius homicida est. Unde, qui a Tyranno, aut Chirurgo est castratus, aut eunuchus natus, non est irregularis.*

2. Neque ordinetur in Presbyterum vel Episcopum Neophitus, seu recens a gentilitate conversus. *Hic Canon obiectus est a Synodo VIII. Photio, qui miles antea, defectio Ignatio se intrusit in sedem Constantinopolitanam; verum ille obiecit exemplum Nectarii, Ambrosii & Theodasii. Sed quoad istos speciales circumstantiæ exigebant, aut excusabant: ut Nicolaus I. Photio respondit.*

3. Ne Clericus mulierem in domo habeat, præter Matrem, sororem, amitam, materteram. *Notent hunc Canonem Protestantes: non excipit uxorem. Unde fabula esse videtur, quod de Papnatio pro retinenda uxore loquente toties oggerunt.*

4. Episcopus ordinetur a totius Provinciæ Episcopis, aut saltem de eorum consensu a tribus, confirmatione reservata Metropolitano. *Huic occasionem dedit Meletius, qui ab Episcopatu depositus, nihilominus adhuc plures ordinavit Episcopos, non sine magna perturbatione Ecclesiæ.*

5. Excommunicatus ab uno Episcopo non recipiatur ab altero. *Huic occasionem dedit Eusebius Nicomediensis, qui Arium, ab Episcopo suo excommunicatum, recepit.*

6. Alexandrinus Episcopus per Ægyptum, Libyam & Pentapolim potestatem habeat: quia & urbis Romæ Episcopo parilis mos est, & Antiochiæ. *Unde si quis præter sententiam Metropolitanam sit factus Episcopus, non oportet eum esse Episcopum. Hoc Canone, occasione Meletiani Schismatis condito, multum abutuntur Protestantes, etiam hodierni, volentes ex eo probare, Romanum Pontificem nihil juris habuisse in reliquis Patriarchis, eorumque Ecclesias, sed quemlibet habuisse sub se certas tantum Provincias determinatas. Verum hic Canon non loquitur de Romano Episcopo, ut est summus Pontifex, Papa Universalis, & Caput totius Ecclesiæ; sub qua consideratione habet potestatem in totam Ecclesiam, & in reliquos etiam Patriarchas: sed loquitur de eo, ut est Patriarcha Occidentis: sub qua ratione habet potestatem in Episcopos & Ecclesias sui Patriarchatus, sicut Alexandrinus & Antiochenus in Episcopos & Ecclesias sui Patriarchatus.*

7. Æliæ (hoc est Jerosolymæ) Episcopo deferatur antiqua honoris prærogativa: salvo tamen jure Casariensis Metropolitæ. *Hunc Canonem Rufinus ponit octavum (septimum vero de consensu, præsertim Metropolitanam requirito, quando est dissensio circa ordinationem Episcopi) Dionysius Exiguus vero, Isidorus Mercator, & Gentianus Hervetus, collocant eum septimo loco, in suis interpretationibus & collectionibus. Annatus vero videtur libr. 5. sect. 3. art. 2. peram*

peram scribere, quod Concilium Nicænum Patriarchalem honorem vetusta consuetudine partum confirmavit Episcopo Hierosolymitano: nam illo tempore necdum erat sedes Patriarchalis Hierosolyma.

8. Novatiani, seu Cathari ad Ecclesiam revertentes, si Clerici sint ordinati in sua secta, maneant in clero, si promittant servare leges Catholicæ Ecclesiæ, & bigamis ac lapsis communicare. Si vero fuerit Episcopus, maneat in ordine Presbyterorum. Ne in una Civitate duo sint Episcopi. *Hanc clausulam Rufinus ponit in Canone decimo.*

9. Criminosi, aut sine examine promoti ad presbyteratum rejiciantur. Canon decimus, undecimus, duodecimus, & decimus quartus præscribunt poenitentiam lapsis in persecutione.

13. Infirmis in vitæ exitu maxime necessarium viaticum ministretur. *Ubi per viaticum maxime necessarium videtur intelligi absolutio Sacramentalis a peccatis, ut explicat Concilium Arausicanum I. can. 3.*

15. Episcopi, presbyteri & Diaconi ab una Ecclesia in aliam non transferantur: & translatio sit irrita, & translati ad pristinam Ecclesiam redeant; quod si non fecerint, excommunicentur. *Hoc statutum est occasione data ab Eusebio Nicomedienfi, ab Ecclesia Berocensi ad Nicomediensem transferebantur. Et cum postea etiam ad Episcopatum Constantinopolitanum se transferri curasset, pluresque Episcopi majoribus sedibus inhiassent, a Concilio Sardicensi distinctius id est prohibitum can. 1.*

16. Idem fere prohibetur circa transitum ab una parochia ad alteram, Episcopo non consentiente: & ne Episcopi alienos clericos ordinent.

17. Clerici usurarii deponantur.

18. Diaconi tanquam inferiores presbyteris se exhibeant; nec presbytero Eucharistiam porrigant. *In necessitate tamen possunt illam populo porrigere: ut explicat Concil. Carthag. IV. can. 38.*

19. Paulianistæ, hoc est sectarii Pauli Samosatani, ad Ecclesiam revertentes baptizentur. Et Diaconistæ inter laicas personas reputentur. *Baptismus Paulianistarum laborabat defectu substantiali circa formam.*

20. Ut servetur conformitas, die Dominica stando fiat oratio. *Ecce antiquitatem hujus moris, in honorem Christi resurgentis introducti!*

Isti sunt celeberrimi illi 20. Canones Nicæni, quos ex interpretatione & Collectione Dionysii Exigui, Isidori, & Herveti, atque ex Rufini libro summam adducere visum est. Quia non omnibus hi libri, aut tomi Conciliorum sunt ad manum.

Certum tamen esse videtur, Canones multo plures a Concilio Nicæno esse editos, vel temporum injuria deperditos, vel ex Arabica editione, magnam saltem partem adhuc aliquatenus conservatos. Patere id vel ex eo arbitror, quod inter 20. memoratos Canones nullus extet, qui de

3.  
Plures sunt  
quam 20.



Paschate, non decima quarta luna primi mensis, sed Dominica prima sequente celebrando statuat; cum tamen certum sit, hoc in Nicæno statutum fuisse: ut constat ex Epistola S. Athanasii de synodo Ariminensi, & Eusebio lib. 3. de vita Constantini.

Deinde in 20. illis Canonibus nihil memoratur de Bigamis non ordinandis; cum tamen hoc in Concilio illo sancitum esse aperte constet ex S. Ambrosio in epist. ad Vercellensem Episcopum: in qua scribit, non solum Apostolum statuisse, ut non sit Episcopus aut Presbyter, qui secunda conjugia sortitus sit, sed etiam Patres in Concilio Nicæno addidisse, neque Clericum talem esse oportere.

Denique S. Hieronymus epist. 3. de libro Judith sic loquitur: *Sed quia hunc librum synodus Nicæna in numero sacrarum scripturarum legitur computasse, acquievi petitioni vestra.* Inter 20. autem dictos Canones nulla omnino fit mentio de sacris scripturæ libris, nedum de libro Judith. Taceo, quod passim alii adhuc Concilii Nicæni citentur Canones.

De tempore, quo finita sit hæc synodus, non conveniunt scriptores. Nam Bellarm. lib. 1. de Concil. cap. 5. censet, illam durasse tribus annis, ab anno nempe 327. ad 330. alii vero communiter scribunt, esse inchoatam anno 325. & eodem anno finitam.

Missa autem sunt acta Concilii, Patribus Nicænis adhuc congregatis, a Constantino Imperatore ad Sylvestrum summum Pontificem, qui coacto 275. Patrum ex Italia, vicinisque provinciis Concilio illa approbavit, ut habetur apud Labbeum & Coletum tum. 2. Concil. ex præfat. Dionysii Exigui ad Concil. Nicænum.

### 6. III.

An Nicænum Concilium concesserit Sacerdotibus usum  
matrimonii?

9.

**Q**uæres, quid sentiendum de historia, quam narrant Socrates *Hist. Eccles. lib. 1. cap. 8.* & ex eo Sozomenus *lib. 1. c. 22.* quamque nobis Protestantes, Cœlibatum Sacerdotum impugnantes, frequenter objiciunt; quod videlicet Concilium Nicænum Clericis prohibere voluerit usum uxorum, quas adhuc Laici duxerant; intercessisse autem Paphnutium huic Patrum Consilio: rem nimium esse difficilem, & incontinentiæ occasionem daturam: satis esse, si more majorum ordinati non amplius admittantur ad nuptias: tunc vero Concilium Paphnutio consensisse.

10.  
Narratio de  
Paphnutio  
examinatur.

Falsa est.

Resp. Hanc narrationem probabilius esse a mulierosis Graculis confictam, cum Patres & scriptores, antiquiores Socrate & Sozomeno, ut Athanasius, Eusebius, Epiphanius, Rufinus &c. nullam omnino de hac re mentionem faciant. Quamvis plures posteriores, inter quos est Gelasius

Iulius Cyzicenus in sua de Concilio Nicæno historia, illam ex Socrate & Sozomeno exscripserit.

Deinde, licet Paphnutius tale quid proposuisset, falsum tamen omnino est, quod Concilium consenserit, cum Can. 3. prorsus contrarium statuerit, nempe nulli Episcopo, vel Presbytero, vel Diacono licere fornicarium. 11.  
 minam aliquam domi retinere, præter matrem, sororem, vel amitam, ubi satis aperte excluditur uxor, quæ primo loco nominanda fuerat, si vera esset illa narratio.

S. Epiphanius etiam paulo post Concilium Nicænum hæresi 59. quæ est Catharorum, disertis verbis scripsit, adversari sacris Canonibus, quod Episcopus, Presbyter, vel Diaconus ex uxore liberos gignat. Item S. Ambrosius lib. 1. de offic. cap. ult. & Hieronymus lib. contra Vigilantium, scribunt, neque in occidente, neque in oriente licitum esse ad sacrum ministerium assumi nisi virgines, aut continentes, aut qui, si uxores habeant, ab usu matrimonii abstineant.

Idem brevi post Concilium Nicænum in Arelatenſi Can. 2. & in secundo Carthag. Can. 2. statutum est. Quomodo autem est credibile sanctos illos Patres, & ista Concilia paulo post generalem synodum Nicænam hæc scripturos aut statuturos fuisse, si narratio illa de Paphnutio subsisteret?

Unde Lutherus, more suo eodem ructu nigrum albumque exhalans, cum referens hanc de Paphnutio historiam dixisset, Concilium a conclusionem destituisse, deinde aperte dicit, Concilium Nicænum prohibuisse Sacerdotibus usum uxorum, ac se non intelligere Spiritum sanctum in eo Concilio, cum & castrationem prohibeat, & contubernium fœminarum. 12.

Deinde licet omnia vera essent, quæ Protestantes de illa historia narrant, tamen ad nihil eis serviret, nisi ad majus probum & dedecus, maioremque suam confusionem. Nam narratio illa aperte dicit, Paphnutium omnino instituisse mori antiquo, ne illi, qui jam sunt Clerici ordinati, amplius admittantur ad nuptias. Cui mori antiquissimo & decreto primi Concilii Generalis Lutherus, alique novi Evangelii Prophetæ prorsus contrarium egerunt, dum jam Sacerdotes sacrilegis nuptiis adhinnierunt: in venerationem videlicet Concilii Nicæni, quod artissime se amplecti dicunt.

#### §. IV.

De Concilio Sardicensi tanquam Complemento Nicæni.

Appendix & complementum Concilii Nicæni fuit Concilium Sardicense, utpote in quo nihil novi ad fidem pertinens est statutum, sed ea tantum novis suffragiis stabilita & confirmata sunt, quæ Patres in Nicæna



synodo tradiderant. Ethine, quia Patrum in Concilio Nicæno & Sardicensi fuit una mens, unus spiritus, una sententia; ideo sæpius Concilium Sardicense citabatur nomine Concilii Nicæni: Sic Innocentius & Zosimus Pontifices in epistolis ad Concilium Carthag. VI. Sardicenses Canones appellarunt Nicænos, quin tamen propterea crimen falsi commiserint, ut sancti isti Pontifices a Præconibus Tigurinis maligne accusantur.

14.  
Furor Ari-  
anorum

Fuit autem Concilium hoc Sardicense omnino *Generale*. Nam post Concilium Nicænum Ariana hæresis perrexit furere, primum quidem clam, superstitè Constantino, pientissimo Nicæni defensore; eo vero defuncto, in Constantio Augusto fautorem nata in apertum prorupit, auctore potissimum Eusebio Nicomediensi; qui ab Episcopatu quidem depositus, sed Nicænam confessionem simulans, iterum intrusus, ac subin etiam Constantinopolitana sede occupata, quidquid furoris virulenti in corde collegerat, incredibili rabie, immanitate ac violentia in Episcopos orthodoxos effudit, ac præsertim in S. Athanasium, Patriarcham Alexandrinum, Catholicæ veritatis propugnatorem invictissimum; cui proin implacabili odio concepto bellum perpetuum indixere Ariani. Hinc tot illæ falsæ accusationes, fraudes, condemnationes iniquissimæ in tot synedriis Arianis, illæ proscriptiones & exilia viri inflexibilis atque integerrimi.

15.  
Præsertim  
in S. Atha-  
nasium.

Appellavit ille ab iniquis Episcoporum Arianorum sententiis ad Sedem Apostolicam, Ecclesiarum omnium matrem, ac moderatricem, qui tunc Julius præfuit. Hic suscepto Athanasii Patrocinio, generalem synodum Sardicæ, Illyrici urbe, habendam indicit, anno 347. implorato Constantii atque Constantis Imperatorum auxilio.

Convenerunt Episcopi ex occidente ad 280, ex oriente 76. nomine Julii Papæ præfuit rursus Osius. Aderat etiam Athanasius cum sociis, ad crimina objecta diluenda. Quos cum occidentales Patres ejicere nolent, orientales, præsertim Asiatici, Arianii sectatores aut fautores, *Semi-Ariani* dicti, *Philippopolim* abierunt, ibique soli conciliabulum constabant, cui *Sardicensis Concilii* nomen affinxere. In hoc damnato Nicæni dogmate, Julio, Osio & Athanasio anathema dixerunt. Sardicenses vero Patres ex diversissimis nationibus congregati, Nicænum confirmarunt, damnatis rursus Arianis: additisque 20. Canonibus, Græca & Latina lingua, de disciplina Ecclesiastica. Nempe,

16.  
Canones  
Sardicenses.

Ut nullus Episcopus ad aliam Ecclesiam transeat: ut in litibus Episcoporum judicent Episcopi ejusdem Provinciæ: & si quis ab eis deponatur, relinquatur ei jus appellandi Romam ad summum Pontificem, qui Legatum potest mittere, judicium una cum Episcopis resumpturum. *Hic est Canon ille, qui a Zosimo Papa in epistola ad Africanos Episcopos, in sexta Carthag. synodo congregatos, sub nomine Canonis Nicæni citatus controversis occasio-*  
*nem*

*nem dedit inter Papam & Afros in causa appellationis : hæreticis etiam nostri temporis aniam inde captantibus accusandi Pontificem, tanquam falsarium. Sed paulo ante ad hoc responsum est.*

Reliqui Canones tractant de modestia Episcoporum, ne temere ad comitatum, & aulam Imperatorum vagentur; de residentia Episcoporum; de dignis eligendis; de non ordinandis alienis sine consensu proprii Episcopi; de excommunicatis non recipiendis ab alio Episcopo; de Clerico, a suo Episcopo expulso, a finitimis Episcopis judicando; de recipiendis persecutionem patientibus &c.

Nota. Orientales, qui Sardica secesserant, & Philippis in Thracia separatim conventiculum instituerant, in aliquibus Arium damnarunt. Nam Filium Dei nominabant quidem, ante omnia sæcula ex Patre genitum, Deum ex Deo: negabant tamen esse æqualem & consubstantialem Patri; ac propterea *Semi Ariani* sunt appellati. Cum autem suam formulam fidei ubique disseminarent sub nomine Concilii Sardicensis, adjutore Constantio Imperatore Ariano, verum Concilium Sardicense ferme in oblivionem venit; unde aliqui, inter quos referunt ipsum S. Augustinum, tantum *Semi Ariani* illius conciliabuli Sardicensis mentionem fecerunt. In ultima Conciliorum editione Veneta Coleti taxatur etiam Bellarminus, quod non satis distinxerit inter duo ista Concilia Sardicensia, alterum Catholicum, alterum Arianum & supposititium. At satis ille distinxit libr. 1. de Concil. cap. 7. dum scripsit, Concilium Sardicense partim esse confirmatum, partim reprobatum, eo quod 100. Episcopi occidentales fidem Catholicam confirmarint, Episcopi orientales vero fidem Arianam scripserint.

17.  
Semi Ariani.

18.  
Duplex Concilium Sardicense.

## ARTICULUS II.

De Concilio Generali II. Constantinopolitano I.

*Pro Spiritus S. Divinitate contra Macedonium sub Damaso I.*

*& Theodosio Seniore anno 381.*

### SUMMARIUM.

§. I.

Synopsis Historica.

3. Idem Concilium in Oriente & Occidente celebratum.

§. II.

De Symbolo, & Canonibus Concilii.

1. Ex Ariana hæresi nata est Macedoniana contra Spiritus S. Divinitatem.
2. Propterea celebratum hoc Concilium. Quot, & quinam interfuerint?
3. De Symbolo, & Canonibus Concilii.
4. Exponitur Symbolum fidei Constantinopolitanum.
5. In quo varia hæreses damnata.

6. 13.



6. *Additi 3. Canones.*8. *S. Gregorii Naz. abdicatio.*7. *Decernitur sedes Constantinopolitana  
prima post Romanam : contradicente  
Papa.*9. *Ejus oratio in hunc finem habita in  
Concilio.*

## §. I.

## Synopsis Historica.

1.  
Ex Ariana  
hæresi.

Constantio & Valente Imperatoribus Arianis, Catholicam Ecclesiam persequentibus, mirum est, quantas in vires excreverit Ariana hæresis. Innumera, præsertim sub Constantio, instituta diversis in locis conciliabula, nullo alio operæ pretio, nisi ut plures perverterent, & non tantum a Catholicis, sed etiam inter se, in plures sectas divisi, dissentirent. Hinc tot tamque varia apud eos symbola Fidei, Arianorum, Semi-Arianorum, hisque ipsis in diversos rursus errores dissecis, quolibet ingenio luxuriante, ut sit apud omnes novatores, novam sibi sentiendi credendique formam procudente.

Nata est Ma-  
cedoniana.

Prodiit ex infecta vitiataque hac stirpe multifaria lues : atque communis Macedoniana hæresis. Sic dicta a *Macedonio*, quem Constantius, Arianorum malis artibus depulso Paulo, in Constantinopolitanam sedem intrusit. Hic igitur non contentus cum Arianis Filium Divinum Patre minorem facere, ut novi quid parturiret, atque ulterius porrigeret blasphemiam, Spiritum Sanctum creaturam esse docebat, nulla in eo agnita Divinitate. Unde ipsius sectatores *Pneumatomachi* appellabantur, hoc est, Spiritus Sancti oppugnatores.

2.  
Hæc causa  
Conciliis,

Ut impium hoc dogma, in plures, ut fieri consuevit, propagines diffusum, eradicaretur, anno 381. ad Damasi Papæ litteras a Theodosio seniore, piissimo Principe, generale hoc concilium est convocatum, teste Theodoro *libr. 5. Hist. Eccles. cap. 9.*

Convenerunt autem ex diversis Provinciis Orientalibus 150. Episcopi : quos inter quatuor Patriarchæ, videlicet Nestarius Constantinopolitaneus, Timotheus Alexandrinus, Meletius Antiochenus, & Cyrillus Hierosolymitanus, item S. Gregorius Nyssenus, & S. Gregorius Nazianzenus. Qui pulcherrima Oratione ad Patres congregatos habita, se lubens abdicavit Episcopatu Constantinopolitano, suffecto in ejus locum Nestorio, senatorii ordinis viro, jam grandævo, sed adhuc catechumeno.

3.  
Duobus locis  
celebrati.

Ex Occidentalibus nemo aderat, sed Damasus Papa eodem tempore Romæ congregavit Concilium ex Occidentalibus Episcopis, & quidem in eadem omnino causa, nimirum propter hæresin Macedonii. Atque sic duo illa Concilia, locis quidem disjuncta, animis tamen & sententiis unita, in unum Concilium Generale coaluerunt.

## §. II.

De Symbolo, Canonibus, &amp; Abdicatione S. Greg. Naz.

Condemnata Macedonii hæresis, editumque Fidei symbolum, quod hodieum in Missa legitur. Quamvis autem hoc potius sit *Symbolum Constantinopolitanum*, dicitur tamen communiter *Symbolum Nicanum*, quia ab hoc non differt, nisi quod aliqua verba sint addita, aut magis explicata, ut per illud manifestius variæ hæreses rejiciantur. Addita autem sunt Symbolo Nicæno ad condemnandas præsertim Macedonii, & Eunomii hæreses, hæc verba:

Exponitur  
Symbolum

*Et in Spiritum sanctum, Dominum & vivificantem, qui a Patre procedit: & qui cum Patre & Filio adoratur & glorificatur; qui locutus est per prophetas. Et unam, Sanctam, Catholicam, & Apostolicam Ecclesiam. Confitemur unum Baptisma, in remissionem peccatorum. - Expectamus Resurrectionem mortuorum: Et vitam futuri sæculi. Amen.*

Dicitur igitur 1. *Et in Spiritum Sanctum, Dominum & vivificantem, ex Patre procedentem, cum Patre & Filio adorandum &c.* Hoc, inquam, dicitur contra Macedonium, Aetium & Eunomium, Spiritui S. Divinitatem detrahentes. Quando autem addita sit vox illa *Filioque* procedit, quod Græci Ecclesiæ Latinæ maxime objiciebant, ut patet ex Concilio Florentino, non satis constat. Hoc certum, quod hæc additio, vel potius major declaratio, sit in Ecclesia antiquissima. Neque rem ipsam, hac voce significatam multum negabant Græci (præsertim ubi audierunt, secundum nostram doctrinam Spiritum Sanctum ex Patre Filioque tanquam uno principio, atque per unam spirationem procedere) sed carpebant, ab Ecclesia Latina additionem aliquam esse factam contra prohibitionem primorum Conciliorum, dicentium anathema illis, qui Symbolo addere aliquid præsumperint.

Dicitur 2. *Factorem cæli & terræ, visibilibus & invisibilibus*, contra Marcionitas & Manichæos, qui asseriebant duo rerum principia, unum bonum, alterum malum.

5.  
Contra di-  
versas hære-  
ses compositum

Dicitur 3. *Natum ante omnia sæcula*, contra Photinum, qui verbum Divinum, non æternum, sed in utero virginis primo cœpisse docuit.

Dicitur 4. *Natus ex MARIA Virgine*: contra Apollinarem, delirantem, Christum carnem suam de Cælo tulisse.

Dicitur 5. *Cujus regni non erit finis*: contra Millenarios, temporale ac terreste Christi Regnum comminiscetes.

Dicitur 6. *Consubstantialem Patri*: contra Arianos, Semi-Arianos, Homoeousios, qui Filium similis cum Patre substantiæ esse dicebant, &

Pars III.

G

Hære-



*Heterousios*, qui neque ejusdem neque similis cum Patre substantiæ, sed diversæ esse volebant. Item contra Constantium Imperatorem, qui edicto vetuit, Christum dici *Homousion*, seu consubstantialiæ; ut Catholici docebant: (quos propterea *Homousianos* appellabant) aut *Homœousion*, seu similem substantia, aut *Heterousion*, sive diversæ substantiæ, ut Ariani volebant: sed his vocabulis abstinere voluit, eo quod natura & substantia Dei sit inscrutabilis, nihilque hac de re expressum habeatur in S. Scriptura.

6. Denique in hoc symbolo fit distinctio Divinarum Personarum; con-  
Additi 3. Ca- tra *Sabellium*; qui unam tantum in Trinitate Personam esse volebat.  
nones.

Insuper in hoc Concilio, ut habetur *can. 10. dist. 16.* additi sunt tres Canones potissimum per Nectarium.

In 1. statuitur, ut Nicænum Concilium per omnia firmum maneat: atque anathema dicitur Macedonianis, Arianis, Eunomianis, Sabellianis, Photinianis, Apollinariis, &c. In 2. Patriarchis confirmatur potestas in suas Provincias, a Nicæno designatas. Vetaturque, ne Episcopi alienas Ecclesias accedant, ad faciendas ibi ordinationes, nisi sint vocati.

7. Insuper Episcopo Constantinopolitano decernitur primus locus ac  
Decernitur dignitatis gradus post Romanum Episcopum, eo quod sit Episcopus no-  
secunda se- væ Romæ.  
des Constan-  
tinopolitano.

*Hanc clausulam non accepit Romana Ecclesia usque ad tempora Innocentii III. imo in Concilio Chalcedonensi Legati Pontificii sess. 16. sunt protestati, hunc Canonem in Canonicis sanctionibus non reperiri.*

In tertio statuitur, *Maximum*, perperam ordinatum Constantinopoli, non esse habendum pro Episcopo.

8. Nam hic homo, Philosophus Cynicus, tumultuariis suffragiis quo-  
Gregorii Na- rundam Episcoporum, maxime Ægyptiorum, ad Episcopatum Constan-  
tinz, abdi- tinopolitanum fuerat intrusus: quem tunc S. Gregorius Nazianzenus,  
catio. post Macedonium, Eudoxium, & Demophilum, Arianos Episcopos, sanctissime regebat. Verum, ut pax reduceretur, Gregorius, prout ante memoratum, jure suo ultro cessit, Maximo vero a Concilio deposito Nectarius suffectus est.

9. Exstat in tomis Conciliorum elegantissima Gregorii Nazianzeni Ora-  
Ejus oratio tio in Concilio ad Patres habita: in qua memorat, quas persecutiones  
in Concilio. a Constantio, Juliano, & Valente, tum ipse, tum omnis Ecclesia Catholica sit passa: quomodo ipse Constantinopolitanam Ecclesiam, Arianis procellis tot annos agitatam, expurgarit, atque ad veræ doctrinæ ac disciplinæ normam per mansuetudinem suaviter flexerit. Pergit deinde ad doctrinam suam de sanctissimo Trinitatis mysterio explicandam: petitque  
a Con-

a Concilio ætatis senio & laboribus confectæ præmium: sed non aliud, quam ut onere levetur, & alius pro Ecclesia Constantinopolitana subrogetur, qui dignus sit. Describit Episcoporum quorundam ambitionem & in fide etiam inconstantiam, ad quamvis auram versatilem. Diluit ea, quæ in ipso carpebantur, videlicet, quod versis rerum vicibus, cum polleret ipse favore Imperatorum, nulla tamen de hæreticis, tam atrocibus antea persecutoribus, ultio sumatur; quod abjectam nimis pro tanta dignitate humilemque vitæ rationem ineat. Tandem iterato dimissionem flagitans, in sine orationis datis salubribus monitis, urbi valedicit.

## ARTICULUS III.

De Concilio Generali III. Ephesino.

*Pro una in Christo Persona, contra Nestorium, sub Cælestino I. & Theodosio Juniore, Anno 431.*

### SUMMARIUM.

#### §. I.

##### Synopsis Historica.

1. Cum Nestorius Christum in duas Personas distraberet, & in DEI Matrem fureret,
2. In Concilio primum Romano a Cælestino I. damnatus:
3. Dein etiam a S. Cyrillo per 12. Anathematismos,
4. Cumque contumax in Concilio Ephesino nollet comparere, est depositus.
5. At ille cum Joanne Antiocheno Conciliabulum Ephesi constat, Cyrillum deponit, & legitimam Synodum Anathemate fulminat.
6. Quare Cyrillus a Theodosio, mendaciis circumvento, datus in custodiam,

7. At brevi liberatus, pulso in Exilium Nestorio.

8. Antiochena Ecclesia conciliata cum Alexandrina.

9. Nestorius in exilio misere perit.

#### §. II.

##### Acta Concilii.

10. Damnatur Nestoriana hæresis.

11. Vetiata mutatio Symboli Nicæni.

12. Canones Concilii contra Nestorianos & Pelagianos.

13. Summa 12. Anathematismorum Cyrilli in Nestorium.

14. Crîsis de doctrina Cyrilli & Nestorii.

#### §. I

##### Synopsis Historica.

Sicut a Concilio Nicæno ad Constantinopolitanum I. intercesserunt 50. anni, ita ab hoc ad Ephesinum: nam hoc celebratum est anno 431. contra Nestorium. Quod hac ratione contigit.



Nestorio  
furenti,

Post Arianos sede Constantinopolitana pulsos, Ecclesiam illam Episcopi 6. Catholici gubernabant, Gregorius Nazianz. Nestorius, Joannes Chrysostomus, Ariadius, Atticus, & Sisinnius. Post hujus obitum Theodosius Junior, Arcadii Filius, *Nestorium*, Monachum Antiochenum, Theodori Mopsvesteni Discipulum, eloquentem equidem Hominem, sed incessus & supercilii gravitate, oris pallore ac macie non mediocrem nequitiam tegentem, ad Ecclesiam illius regimen accersivit, veluti virum, qui veteris disciplinæ imaginem referret.

Venerat cum eo Antiochia *Anastasius* presbyter; qui aliquando in concione dixit, Beatam MARIAM non esse ΘΕΟ - Τόκον, seu Deiparam, eo quod DEus ab homine nasci non posset. Collaudavit impiam vocem publica oratione Nestorius, Christum in duas distrahens hypostases ac personas, in Filios duos, & Christos duos, unum quidem purum DEum ex patre DEo, alterum vero purum hominem ex homine. Unde vetuit B. V. MARIAM appellari *Theotocon* seu *DEI Genitricem*, *substituitque* vocem *Christocon*.

Cumque Dorotheus quidam, Sacris operante Nestorio, ex Cathedra Anathema diceret illis, qui Deiparæ vocem usurparent, facinus insolens probavit Nestorius, horrescente ad impium dogma fulmenque inauspicatum urbe Catholica, Deiparæ cultrice, & iusto fremitu indignante.

2. At Nestorius, lupum induens, minis, furore, laniena, in gregem grassatus, immanitate rabida Clericos invasit, qui blasphemiam se opponere proposuerant. Cumque contagium latius serperet, Cælestinus Papa coactō Romæ Concilio Nestorium damnat, atque, ut idem facerent Orientales Episcopi, per Epistolas hortatur, præsertim *Cyrillum* Alexandrinum Patriarcham, cui in Concilio Orientali vices suas demandavit.

3. *Cyrillus*, vir doctrinæ & sanctitatis fama clarissimus, quem Divina Providentia Nestorio Antagonistam, & veritati Orthodoxæ vindicem dedit, scriptis jam ante tribus libris ad Theodosium, Pulcheriam & Eudoxiam contra hæresin Nestorianam, Concilium ex Ægypti Episcopis Alexandria indixit, in quo condita 12. capita, 12. *Anathematismi* *Cyrilli* dicta: quia scilicet in eis anathema ferebatur in propositiones Nestorii; Nestorius in dies efferatior 12. alios opposuit Anathematismos.

Datis itaque ad Joannem Antiochenum, & juvenalem Jerosolymitanum, aliosque Orientales Episcopos litteris, *Cyrillus* Concilii Generalis necessitatem ob oculos posuit, exposita etiam Cælestini voluntate. Impetratoque Theodosii Imperatoris auxilio, Ephesus Concilio locus designatur.

4. Convenerunt eo 200. Episcopi cum *Cyrillo*, Præsidente Concilii, nomine & autoritate Cælestini, solo Joanne Antiocheno Patriarcha moram neccente. Nestorius, qui jam ante, comitantium magna stipatus caterva, Ephe-

Cum autem  
in Concilio

Ephesum advolarat, accersitus tertio a Patribus, ut in Concilio causam nollet com-  
dicat, comparere pertinaciter detestavit, repulsis etiam per milites parere, de-  
ignominiose Legatis Concilii; quare unanimi Patrum sententia damnatus, positus,  
& ab Episcopatu ac Sacerdotio dejectus est, applaudente Ephesino po-  
pulo. Subscripserunt etiam postea (quia primum post sententiam ad-  
venerant) reliqui Cœlestini Papæ Legati.

At Joannes Antiochenus, qui prolata in Nestorium sententia, cum 5.  
Episcopis suis serius advenerat, accedente etiam Candidiani comitis, quem Cum Patri-  
Imperator Concilii defensorem legaverat, instigatione, mendaciis, ac archa An-  
dolo contra condemnationem Nestorii, se absente factam, & approbatio- tiocheno,  
nem anathematismorum Cyrilli, de quibus perperam sentiebat, aperte Concilia-  
est protestatus, factaque secessione, Nestorio junctus, conciliabulum ex bulum E-  
30. perditis Episcopis coëgit, cui Oecumenicæ Ephesinæ Synodi nomen phesi con-  
arrogarunt. flat,

In hoc impio conventiculo primum Theodoreti Cyrensis opera con- Ac fulmen  
futati sunt 12. Cyrilli anathematismi; Cyrillo ac Memnoni, Episcopo in Cyrillum  
Ephesino, tanquam essent infecti Apollinaris hæresi, ademptus Episco- retorquetur  
patus, reliquis Patribus veri Concilii communione privatis.

Hos impios conciliabuli ausus indignissime, ut par erat, ferens sacra  
Synodus, Joannem tertio ad se citat, rationem redditurum de injustis mo-  
litionibus, cumque militum armis confusus venire detractaret, ac Legatos  
per Clericos suos ignominiose exciperet, cum fociis suis, Nestorii, Pela-  
gii & Cœlestii lue infectis, communione fidelium per anathema a tota  
Synodo motus est.

Verum Theodosius Imperator, pius equidem, sed decipi facilis, Jo- 6.  
annis, ejusque sequacium litteris prævultus, Nestorium, Cyrillum & Mem- Quare Cy-  
nonem, legitime depositos credens, per Joannem comitem dat in custo- rillus in  
diam. At missis a Concilio ad Imperatorem octo legatis Episcopis, me- custodiam  
lius informatus, Cyrillum ac Memnonem liberos dimitti jubet, Nesto- datus;  
rium vero pelli in exilium, ejusque in locum alium eligi Ecclesiæ Con- 7.  
stantinopolitanæ Antiflitem: electusque est Maximinianus, vir probæ ac in exilium  
integræ vitæ, pulso Ne-  
storio.

Soluta jam Synodo, per triennium adhuc tenuit Alexandrinæ Eccle- 8.  
siæ cum Antiochena discordia, ex utriusque Præfulis contrariis studiis or- Antiochenus  
ta. Quæ dissidia, cum non nisi ad hæresum ac schismatum incrementum conciliatus  
facerent, magno Catholicæ rei præjudicio, tandem mandato Imperatoris Alexandri-  
Joannes cum Cyrillo rediit in gratiam, & actis Ephesinæ Synodi subscri- no.  
psit, damnata Nestoriana hæresi. Imperator etiam lege civili damnato  
Nestorii nomine, sectatorum ejus bona publicavit, ejusque scripta legi  
severissime prohibuit.



9.  
Mors Ne-  
storii.

Nestorius vero in Libyæ desertis exulare iussus, calamitate non melior factus, quocunque venerat, blasphemias in Christum, & sanctissimam DEI Matrem non destitit evomere, donec, verbibus linguam impiam depascentibus, misere interit, documento cum Ario futuris posteris, non impune os impium in cælum poni.

## §. II.

### Acta Concilii.

10.  
Damnatio  
Nestorianæ  
hæresis.

Cæterum hæc Synodus absoluta fuit septem *actionibus*. In 1. cum Nestorius citatus Legatos proterve abigeret, & Joannes Antiochenus moras ex moris traheret, itum est ad iudicium, atque prælecto Nicæno symbolo discussisque Cyrilli ad Nestorium, & hujus ad illum litteris, scriptisque, damnata est cum auctore suo Nestoriana hæresis, ac definitum, in Christo unicam duntaxat esse personam, ac B. V. Mariam esse Deiparam. Quare in hoc Concilio, vel ab illius tempore addita creditur salutationi Angelicæ illa clausula: *Sancta Maria Mater Dei &c.*

In 2. actione, cum gaudio a Synodo excepti Legati Cœlestini Papæ: cui publice acclamatum & actæ gratiæ. (*missi autem a Papa alii Legati, quia Cyrillus apud Imperatorem mala suspicione laborabat, adeo, ut eum custodire jussit tanquam depositum.*)

In 3. lecta sunt Synodi gesta in causâ Nestorii coram Legatis Papæ, qui eadem approbarunt, & subscriptione firmarunt.

In 4. & 5. actum de Joanne Antiocheno: contra quem questus Cyrillus de lata injuste in se & Memnonem depositionis sententia, & afflictione hæresis Appollinaristarum.

11.  
Vetita mu-  
tatio symboli  
Nicæni.

In 6. damnato novo ac impio Theodori Mopsvesteni Symbolo, prohibita est novi Symboli confectio, & Nicæni mutatio.

12.  
Canones  
Concilii,  
contra Ne-  
storianos &  
Pelagianos.

In 7. præter 12. Cyrilli anathematismos, jam in prima actione lectos & probatos, additi sunt octo Canones de modo procedendi contra Pelagianos & Nestorianos. Videlicet 1. qui cum *Cœlestio* sentiunt, deponantur & communione priventur, (*tales plures fuisse ex illis 30. Episcopis, qui cum Joanne Antiocheno in conventiculum privatum secesserant*) 2. Adhærentes deficientibus a Concilio deponuntur a Sacerdotio. 3. a Nestorio depositi restituantur. 4. Sestatores Nestorii & Cœlestii deponuntur. 5. Prohibentur restitui a Synodo condemnati. 6. Deponuntur perturbatores Synodi. 7. Nullum aliud symbolum, quam Nicænum proferatur. 8. Nullus Episcopus in aliena Diœcesi ordinationes faciat.

13.  
Summa  
12. ant.

Duodecim autem capitum, seu anathematismorum Cyrilli hæc est summa. In 1. dicitur anathema illi, qui negaverit B. Virginem esse Dei Genitricem, cum Verbum caro factum sit. 2. Qui negaverit, unum esse Chri-

Christum, Deum simul & hominem. 3. Qui asserit inter Verbum & humanitatem unionem tantum moralem, secundum dignitatem, authoritatem & potestatem. 4. Qui prædicata Christi duabus personis tribuunt, Divinæ & humanæ. 5. Qui Christum dixerit *Theophoron* seu *Deum ferentem*, non autem Deum veraciter. 6. Qui dixerit, Verbum esse Dominum Christi. 7. Si quis gloriam Unigeniti tribuit duobus. 8. Si quis dixerit Christum hominem tantum coadorandum cum Verbo, tanquam alterum cum altero, & non una veneratione adorandum. 9. Si quis negaverit, Christum ex propria virtute Divina signa fecisse. 10. Si quis dixerit, quod Christus pro se ipso se obtulerit oblationem. 11. Si quis dixerit, carnem assumptam non esse Verbi Divini, sed alterius conjuncti eidem Verbo per dignitatem. 12. Si quis negaverit, Dei Verbum passum carne, & crucifixum carne &c.

Ex quibus patet, Cyrillum perpetuo doctrinæ suæ instituisse, quod scilicet in Christo duplex natura, Divina nempe & humana, per unam substantiam, eamque Divinam, in unitate personæ subsistat, ut adeo prædicata naturis propria, non duabus, sed uni Theandro seu D<sup>no</sup> homini sint tribuenda, ac proin dicendum: *Verbum caro factum est, natum, passum, mortuum & sepultum: item hic homo (Christus) est Deus immortalis, æternus, omnipotens: quia scilicet prædicata duabus naturis propria, uni personæ sunt communia, atque de ea propter communicationem idiomatum prædicabilia; nequaquam vero prædicata unius naturæ de altera in abstracto: sic, ut dici possit: Deus est passus ac mortuus; hic homo (Christus) est Filius DEI unigenitus ac naturalis, æternus, immensus: non vero: Deitas seu natura Divina est passa, aut mortua: humanitas est æterna, immensa &c.* sicut non dici potest: *B. V. Maria est mater Deitatis: bene vero, est mater Dei.* Ratio est, quam dixi, nempe unitas personæ, & duplicitas naturæ in Christo.

14.  
Cris.

Contra vero Nestorius, melior Philosophus, quam Theologus, naturali, humanæque rationi, atque ingenio suo nimium confisus, naturam inter & personam nesciens distinguere, ac propterea duas in Christo personas adstruens, Divinam unam, humanam alteram, in gravissimum errorem est prolapsus, ex quo variæ propositiones ipsius hæreticæ pullularunt.



ARTI-



## ARTICULUS IV.

De Concilio Generali IV. Chalcedonensi,

Pro

*Duabus in Christo naturis, contra Eutychen & Dioscorum, sub Leone P.  
& Martino Anno 451.*

## SUMMARIUM.

## §. I.

## Synopsis Historica.

1. *Hæresis Eutychis de una in Christo natura,*
2. *A Flaviano in Concilio Constantinopolitano damnata.*
3. *Eutyches appellat ad S. Leonem Papam, deinde ad Theodosium Imperatorem;*
4. *Denique Dioscorum malæ causæ patronum implorat,*
5. *Qui decepto imperatore conciliabulum Episcoporum congregat,*
6. *S. Flavianum Patriarcham occidit,*
7. *S. Leonem Papam excommunicat, omniaque inaudito furore miscet,*
8. *Theodosio etiam favente; at non impune.*
9. *Post ejus mortem indictum Chalcedonense Concilium a S. Leone,*
10. *Auxilio Martiani Imperatoris.*

## §. II.

## Acta Concilii.

11. *Accusatus Dioscorus a Dorylai Episcopo, damnatus ac depositus.*

12. *Dogmatica definitio fidei de duabus in Christo naturis.*
13. *Imperator Concilium ingressus tria capita circa Disciplinam Clericorum proponit.*
14. *Theodoretus & Ibas restituti ejurato Nestorio.*

## §. III.

## Summa Canonum.

15. *Celibatus Sacerdotum.*
16. *Anatolius obreptitiae inserit Canonem de prima Sede Constantinopolitana post Romanam,*
17. *Protestantibus Legatis Romanis, & S. Leone.*
18. *Turbæ Alexandrinæ propter damnatum Dioscorum excitatæ per Timotheum Ælurum.*
19. *An Dioscorus vere fuerit hæreticus?*
20. *Ratio dubitandi est, quia non videtur esse damnatus ob hæresin.*

## §. I.

## Synopsis Historica.

*Eutyches*

**E**utyches, Archimandrita Monasterii ejusdam Constantinopoli, ut ab errore Nestorii de duabus in Christo personis desisteret, in extreme oppositum scopulum impegit, unamque tantum in Christo naturam post unionem adstruebat. Sic enim ille arguit: in Christo una tantum datur per-

persona: atqui natura & persona sunt idem: ergo etiam una tantum datur natura: quia videlicet natura Divina & humana ita sunt inter se confusæ, ut Divina natura humanam absorberet, sicque post unionem sola Divina natura in Christo existeret.

Hujus novæ hæresis accusatus est Eutyches in Concilio Constantino-politano, quod Flavianus, post Maximinianum & Proclum, Patriarcha, <sup>2.</sup> A Flaviano damnatus. indixerat ad judicandam causam Florentii Episcopi. Ab hac igitur Synodo citatus ad dicendam causam Eutyches, obedire renuit, obtendens excusationem valetudinis, senii, & claustralis solitudinis. Citatus tertio, stipatus Monachorum & militum turba comparuit, atque interrogatus de fide sua in Christum, quæsito primum effugio, denique respondit, ante unionem duas fuisse naturas, post unionem vero unam tantum esse in Christo. Cumque pertinaciter errori suo inhareret, damnatus est a Concilio anathemate, 30. Episcopis, & 23. Abbatibus damnationi subscribentibus.

At ille furens, affixis per urbem libellis, injuriam questus, scriptaque ad Leonem I. Romanum Pontificem mendaci epistola, appellat<sup>3.</sup> appellat ad S. Leonem & Imperato- nem suam ad sedem Apostolicam rejectam, seque injustissime oppressum <sup>rem.</sup> dictitans, commovit primo Leonis animum, donec Flaviani litteris & rem. actis Concilii missis Romanæ, veritas patuit. Hoc igitur asylo erepto a Pontifice ad Imperatorem Theodosium provocat. Hujus jussu (adn<sup>3.</sup> tente *Chrysaphio*, apud Augustum gratioso, & Eutychem jam tum redolente) releguntur acta Concilii; ex quibus integerrima Flaviani fides, Eutychis vero fallacia eluxit.

Tertiam igitur scenam aperit, ac *Dioscori* Patriarchæ Alexandrini opem implorat. Hic, vir improbus, & alioquin Flaviano infensus (ut <sup>4.</sup> A quibus re- jectus Dio- scorum im- ploravit, pote cui Ecclesiam Constantinopolitanam invidebat) suscepto causæ pro- stigatæ patrocinio, suadet Imperatori, rem istam in Concilio Oecumeni- co definiendam esse. Decernitur invito Leone & Flaviano synodus, celebranda rursus Ephesi, ubi ante 19. annos contra Nestorium erat ha- bita: convolat eo Dioscorus cum Eutyches & 130. Episcopis.

Nihil in eo Conventu actum ex lege, nihil moderatum; turbida o- <sup>5.</sup> Qui concilia- bulum Ephe- sinum II. co- mnia, violenta, & a more Majorum abhorrentia. *Elpidius* comes, quem Imperator Concilii defensorem legaverat; potestatem supergressus, pro gubernatore se gerebat; de actis memorati Constantinopolitani Concilii git, quæstionem jubet institui; Legatis, quos, petente Imperatore, Leo mise- rat, negatus in sedendo primatus, quem invasit Dioscorus: imo ne lecta quidem Pontificis epistola, in qua doctrinam orthodoxam contra Eutychis errorem exposuerat; in suspensionem ab Eutyches tracti Legati, quod



apud Flavianum pransi, plus justo Flavianum olerent. Excessere proin  
ex hoc conciliabulo.

6.  
In quo occi-  
dit S. Flavia-  
num,

Tum vero sursum deorsum ibant omnia. Dioscorus cum Barsuma Archimandrita, globo militum coacto, in Synodum armatus irrumpit, Episcoporum suffragia per vim extorquet, Theodoretum Cyri, Ibam Edeßæ, & Domnum Antiochiæ Episcopos, indistincta causa absentes condemnat, & Episcopatu dejicit, expungit e symbolo verba illa: *Qui conceptus est de Spiritu sancto ex Maria Virgine*: Flaviani comites conjicit in vincula; laudatur Eutychis error; Flavianus tanquam hæreticus, compedibus ligatur: & cum ad sedem Apostolicam appellaret, a Dioscoro adeo pugnis calcibusque contusus est, ut post triduum veritatis Martyr obierit: sanguineum vexillum, tanquam victor esset, rotante impio, & postquam *Anatolium* clientem suum Flaviano suffecerat, inaudito exemplo anathema in ipsum S. Leonem, Ecclesiæ caput, evomente. En! dignam impietate stropham, versasque rerum vices! paucis ante annis, sub eodem Imperatore, eadem in urbe Ephesina, Alexandrinus Patriarcha sanctissimus, proborum Præses, blasphemum Patriarcham Constantinopolitanum damnaverat: jam vero impiissimum Patriarcha Alexandrinus, sceleratorum ductor, sanctissimum Constantinopolis Præfulem, tyranno quovis immanior, cruentis manibus interficit. Non aberravit profecto antiquitas, dum hoc conventiculum, erraticam & prædatoriam synodum nuncupavit.

7.  
S. Leonem  
Papam ex-  
communica-  
vit,

Omniaque  
miscuit;

Depositus etiam in hac Pseudo-Synodo *Eugenius* Dorylæi Episcopus, eo quod primus in Concilio Constantinopolitano Eutychem de hæresi accusaverit. Restitutus contra hæresiarcha Eutyches, ejusque infamia de una post incarnationem natura approbata: minis & terroribus omnia extorquente Dioscoro, nec parum auxiliante Elpidio, Legato Theodosii, Chrysaphii aulici artibus dolosis, in Dioscorum & Eutychetem nimium propensi. Quamquam autem in conciliabulo illo omnia per iniquissimam vim sint acta, videas tamen ex latrocinio isto, ac furioso sicariorum agmine, hodiernos Sedis Apostolicæ hostes sua arma depromere.

8.  
Ac ipsum et-  
iam Impera-  
torem corri-  
pit.

S. Leo, ut tantam abominationem ex loco sancto exturbaret, Romana in synodo acta Ephesina barbaræ illius Synagogæ damnavit ac rescidit, a Theodosio tamen (accedente licet Valentiniani Occidentis Imperatoris commendatione) impetrare non potuit, ut in Italia Concilium Generale haberetur. Quin ille, desciscens a se ipso, Eutychianis fraudibus, præsertim Chrysaphii, circumactus, damnato publica lege Flaviano, synodum secundam Ephesinam Nicenæ jussit æquari. At brevi vindictam sensit infelix Princeps, qui innocentem juventutem non æqua senectute commaculans, atque tumultus inter domesticos & externos, vitam inquietam de-

gens,

gens, porrecta etiam plus æquo ad thuribulum profana manu, absque liberis interiit, collapsio elius equo.

*Pulcheria*, Soror Theodosii, succedens in Imperio, Martianum, ignobili equidem stirpe in Thracia prognatum, at virtute militari virum clarissimum, & apprime Catholicum, in sponsum & consortem Imperii assumpsit. Ab his Leo Pontifex facile obtinet, quod Theodosius negaverat, Concilium videlicet Oecumenicum, ad quod celebrandum Martianus Pontificem invitavit, his inter alia verbis ad eum scribens: *Supereſt, ut ſi placuerit tuæ Beatiſſitudini in has partes advenire, & ſynodum celebrare, hoc facere religionis affectu digneris, noſtris utique deſideriis ſua ſanctitas ſatisfaciet, & ſacræ religioni quæ ſunt utilia, decernet &c.*

9.  
Quo mortuo  
alia facies.

Convocatum itaque a Martino, ex consensu & adhortatione Pontificis Concilium, primo quidem Nicæam, dein vero, ut etiam Imperator interesse possit (quod magnopere necessarium fore ad comprimendos tumultus legati Apostolici censebant) Chalcedonem translatum, anno 451. post generalem synodum Ephesinam 20.

10.  
Indictum  
Concilium.

Præsidebant pro more Concilio Legati sedis Apostolicæ, *Paschasius* nempe, *Lucentius*, & *Julianus*, Episcopi, cum *Bonifacio* & *Basilio* Presbyteris. Aderat etiam actio 6. Martianus cum *Pulcheria*, non ut tanquam Iudex in Fidei controversiis suffragium ferret, sed ut tanquam Defensor, turbas compesceret, ut ipse innuit actio 6. Patres alloquens.

Nulla unquam ad id tempus synodus frequentior; adfuere siquidem, ut quidam supputant, 636. Episcopi, duplo videlicet majore numero, quam in Nicæno comparuerant.

Venerunt insuper quidam Proceres, qui *Judices* in Concilio nominantur, ab Imperatore præfecti, non ut de rebus ad fidem & religionem spectantibus decernant, sed ut sua autoritate Concilium moderentur, & strepitus ac turbas comprimant, nam in act. 2. doceri se debere ab Episcopis profitentur. Et cum Dioscorus act. 3. Judicium præsentiam requireret, responderunt Episcopi, quando regularia trahantur, nullos Judices Laicos interesse posse: solisque Episcopis datam esse auctoritatem Episcopos judicandi.

## §. II.

### Acta Concilii.

Celebrata autem est hæc Synodus 16. Actionibus. In prima, longissima, Legati Apostolici protestati sunt, fas non esse, ut Dioscorus, *Accusatus* qui Dioscorus



qui reus sit, inter Episcopos sedeat tanquam Iudex: ipsum generalem Synodum convocasse non consulta Romana sede, eique præsidere autem contra fas omne: *Hos nunquam factum, nunquam licuisse.* Orientales etiam Episcopi ejectionem volebant Dioscorum: Aegyptii vero *Theodoretum*: unde multi clamores. Dioscorus tanquam reus iussus in medio sedere: ad quem accusandum Eusebius Dorylæi Episcopus (qui primus in Concilio Constantinopolitano Eutychetem hæresis accusaverat, depositus propterea a Dioscoro Ephesi) in medium progressus est: & cum Dioscorus tractandum primo de fide dixisset, Eugenius ad impia acta Ephesina provocavit: quæ proin lecta sunt. Iisque convictus Dioscorus, aliud, quod responderet, non habuit, nisi, non tantum a se, sed etiam a *Juvenale* Jerosolymitano, *Thalassio* Cæsareensi, aliisque multis Episcopis acta Concilii approbata & subscripta esse. Responderunt Episcopi, se minis, fustibus & gladiis coactos subscripsisse, atque erroris ac peccati veniam precari. Lecta dein acta Concil. Constant. in quo primo damnatus Eutyches: cumque ad Flaviani causam ventum esset, dixit Dioscorus, eum jure damnatum esse, eo quod duas in Christo naturas asseruisset: (quo ostendit, se etiamnum in hæresi perseverare.)

In 2. cœptum de fide tractari: lectum symbolum Nicænum & Constantinopolitanum: lectæ insuper plures Epistolæ atque inter eas Epistola Leonis ad Flavianum de Verbi incarnatione, in qua duas esse in Christo naturas declaravit. Hac lecta acclamavit Synodus: *Hæc est Patrum Fides: hæc Apostolorum fides: omnes ita credimus, Orthodoxi ita credimus: Anathema, qui non ita credit: Petrus per Leonem ita locutus est.*

Depositus.

In 3. post trinam citationem non comparens Dioscorus, de gravissimis insuper flagitiis accusatus ab Alexandrinis, & ex publicis Ephesini Synedrii actis convictus, ex Leonis sententia, Episcopali honore & Sacerdotum functionibus privatus pronuntiatur, acclamante Choro Patrum, quia Eutychen a proprio Episcopo excommunicatum in communionem receperit, Epistolam Leonis in Concilio Ephesino secundo legi prohibuerit, ac Leonem ipsum excommunicarit, atque ter citatus ad Concilium venire detrectarit.

In actione 4. Juvenalis Patriarcha Jerosolymitanus, Thalassius Cæsareensis aliique Episcopi, qui cum Dioscoro subscripserant Ephesino Conciliabulo, & jam in prima actione veniam fuerant precati, ad secundam autem & tertiam sessionem non fuerant admissi, ubi de fide, ac duabus Christi naturis tractatum, & causa Dioscori discussa

scussa est, postquam epistola S. Leonis suscepta Eutychi anathema dixerunt, veniam iterum precati, ad Concilium rursus & sedes suas sunt admissi. Tum Ægyptii Episcopi, jussi subscribere Leonis Epistolæ, instanter petierunt, eligi prius Patriarcham Alexandrinum, quem ducem sequi possint (hoc enim in Ægypto esse moris, ut sine Patriarcha nihil decernerent) idque tandem impetrarunt.

Varii dein Clerici & Monachi in Concilium ingressi postulant, Dioscorum restitui communioni, & dignitati. At unanimi voce Concilium clamat: *Anathema Dioscoro: Dioscorum Christus deposuit: mitte foras superfluos: Concilium Episcoporum est.*

In 5. lecta & approbata definitio, qua *unum, eundemque Christum, 12. Dogmatica*  
*Filium Dei unigenitum, perfectum Deum, & perfectum hominem, Divinitate qui-*  
*dem Deo Patri, humanitate vero nobis consubstantialem, in duabus naturis incon-*  
*fuse, immutabiliter, indivise, inseparabiliter subsistere declaratur.* definitio.

In 6. Imperator, ubi per Legatos fidei definitionem intellexit, Chalcedonem venit, & ad Concilium orationem habuit, in qua dixit, se cum *13. Imperator*  
*Pulcheria venisse ad Concilium, ad fidem roborandam, non ad aliquam potentiam*  
*ostendendam sive exercendam, exemplo Constantini, ut veritate inventa, multi-*  
*tudo non ultra pravis doctrinis attracta discordet.* Concilium  
 Post orationem Episcopi ingressus,  
 applaudentes acclamarunt Augustæ & Augusto multos annos. Recitata dein iterum definitio fidei, cui Episcopi subscripserunt, & quidem primo loco Legati Leonis his verbis: *Paschasius Episcopus, Vicarius Domini mei Beatissimi atque Apostolici universalis Ecclesiæ Papæ urbis Romæ Leonis, Synodo præsidens, statui & subscripsi.*

Repetitum etiam sæpius anathema in Nestorium, Eutychem & Dioscorum.

Proposuit denique Imperator tria capita, quæ potius a Concilio, *Tria propo-*  
 quam lege Imperiali sint facienda. *suit capita.*

1. Nullum ædificandum Monasterium præter voluntatem Episcopi:
- nec servos suscipiendos in Monasterium præter voluntatem Dominorum.
2. Clerici negotiis sæcularibus se non immisceant.
3. Clerici ne transeant ab Ecclesia unius civitatis ad alteram.

Acclamavit Synodus approbando hæc capitula.

In *actione* 7. Compositio amicabile inter Maximum Antiochenum & Juvenalem Jerosolymitanum circa terminos eorum Patriarchatuum facta, Synodi subscriptione approbatur ac confirmatur.

In 8. *Theodoretus* Cyrensis Episcopus, qui *12. Anathematismos Cy-*  
*rilli refutaverat, & sic in hæresin Nestorii videbatur prolapsus, cum Ana-* *14. Theodoretus.*  
*thema* *tus.*



thema diceret Nestorio, sedi suæ Episcopali est restitutus, a qua dejectus fuerat a Dioscoro in conciliabulo Ephesino, jam antea a Leone in communionem admissus.

Et Ibas resti-  
tuti ejurato  
Nestorio.

In 9. & 10. Ibas Edessenus Episcopus, a Dioscoro in Synedrio Ephesino pariter depositus, auditis ejus accusatoribus, lectaque Epistola, ad *Marim* Persam data, in qua in Cyrilli Anathematismos invehitur, restitutus est suæ Ecclesiæ, postquam Nestorio & Eutychi anathema dixit. Etiam Iban jam ante Leo in communionem receperat. Quæ tamen restitutio magni deinceps incendii fomitem ministrabit.

In 11. & 12. discussa causâ Bassiani & Stephani, quorum illo deposito ab Episcopatu Ephesino, hic suffectus est. Concilium decrevit, utrumque contra Canones venisse ad Episcopatum; adeoque tertium eligendum, utrique tamen retenta Episcopali dignitate, & reservata annua pensione 200. aureorum solidorum, ex Episcopatus Ephesini redivitis persolvenda. *Ecce originem pensionum; antiquiores enim non leguntur.*

In 13. & 14. aliæ causæ particulares Episcoporum decisæ, ut Eunomii Nicomediensis & Anastasii Nicæni Episcopi circa Jus Metropolitanum &c.

### §. III.

#### Summa Canonum.

In 15. Sess. editi sunt Canones 27. disciplinam spectantes.

1. Canones Conciliorum ferventur.
2. Nemo ordinationem pecunia obtineat.
3. Clerici non conducant aliena prædia.
4. Monachi alienis negotiis se non immisceant.
5. Clerici non migrent ad aliam Ecclesiam.
6. In ordinandis delectus habendus.
7. Clericis prohibentur mundanæ dignitates.
8. Clerici obediant Episcopo.
9. Clericus non conveniat Clericum coram laico tribunali.
10. Non habeant plura beneficia.
11. Litteræ commendatiæ dignioribus tantum dandæ.
12. In una Provincia tantum unus sit Metropolitanus.
13. Peregrini Clerici non ministrent sine commendatiis.

15.  
Celibatus  
Sacerdotum.

Notabilis est Canon 14. qui sic habet: *Quoniam in quibusdam Provinciis concessum est, Lectoribus & Psalmistis uxores ducere, statuit S. Synodus, non licere cuiquam ex his accipere secunda alterius uxorem.* Ex quo manifeste patet, non licuisse tunc temporis, ne quidem apud Orientales, Subdiaconis, Diaconis, Presbyteris, & Episcopis uxores ducere, cum ne quidem

Lecto-

Lectoribus & Psalmistis fuerit ubique concessum. Prohibet deinde idem Canon, ne persona Catholica nubat hæretico, Judæo, aut Pagano.

15. Canon statuit, ne Diaconissa fiat ante 40. annos; neque nuptias postea contrahat.

16. Nec Monachi nec Virgines DEO dicatæ, matrimonium ineant.

17. Qui parochiam 30. annis quiete possedit, retineatur. Læsus a Metropolitano vel apud Primatem vel Patriarcham agat.

18. Prohibentur conspirationes contra Episcopos & Clericos.

19. Bis in anno celebretur Synodus Provincialis.

20. Episcopus alienum Clericum suscipiens excommunicatur.

21. Accusatores Episcoporum aut Clericorum non admittantur passim & sine probatione.

22. Clerici post obitum Episcopi res ipsius non diripiant.

23. Clerici & Monachi non facile ad urbem regiam accedant, ibique vagentur, aut turbas concitent.

24. Monasteria ne fiant diversoria sæcularium.

25. Ordinationes Episcoporum ne differantur ultra tres menses.

Oeconomus vero interim reservet res Ecclesiæ.

26. Occasione Iba, de administratione Ecclesiæ accusati, præcipitur in qualibet Ecclesia Episcopali Oeconomum constitui ex Clero.

27. Raptores mulierum, & Cooperatores, si Clerici sint, depunantur, si Laici, excommunicentur.

Hos 27. Canones ex Collectione Dionysii Exigui in epitomen redegit. Nec plures in Latinis codicibus antiquis extant.

Postquam tamen Judices cum Legatis sedis Apostolicæ ex ista sessione exceperant, *Anatolius* Constantinopolitanus Patriarcha Episcopos ad <sup>16.</sup> *Anatolius* huc retinuit, & Canonem Constantinopolitani I. Concilii referens, de <sup>Canonem</sup> proxima sede Patriarchæ Constantinopolis post Romanum, curavit hunc <sup>obreptitio</sup> confirmari: non tamen sine fraude; quia dixit: Romanam sedem <sup>inferit,</sup> *Primum* accepisse a Concilio Nicæno, & quidem ex eo capite, quod *vetus* Roma fuerit orbis Domina.

In actione 16. Legati Romani contra hunc Canonem adjectum sunt <sup>17.</sup> *Protestantibus* conquesti & protestati: eo quod rejectis statutis 318. Patrum Nicæni, <sup>Legatis</sup> novare quid attentarit *Anatolius* circa dignitatem Patriarcharum, sub <sup>Romanis,</sup> prætextu, quod 150. Patres in Concilio Constantinopolitano huic sedi post Romanam primatum dederint, quod tamen in synodis Canonibus non inveniatur. Cum autem Episcopi omnes dicerent, se ultro subscripsisse, protestationis nulla est ratio habita.

Rejectus tamen est ille Canon a S. Leone, ut patet ex ipsius epistola Et S. Leone. *61.* ad Episcopos Concilii. Deinde Canon ille adjectus continet duo falsa; nempe



nempe 1. Sedem Romanam a Synodo Nicæna accepisse primum : cum tamen sextus Nicæni Canon in genuinis codicibus sic habeat : *Ecclesia Romana semper habuit primum, antiqua autem consuetudo servetur &c.* alterum falsum est, quod ideo Romana Ecclesia habeat primum, quod ibi sit urbs regia, ut ostendit S. Leo in *epist. ad Martianum*, & S. Gelasius in *epist. ad Episcopos Dardaniæ*. Mediolanum, Ravenna, Sirmium, Treviri, Nicomedia fuerunt sedes Imperii, nihil tamen prærogativæ propterea datum iis Ecclesiis.

Petiit quidem Concilium per epistolam confirmationem hujus præsertim Canonis a S. Leone : ubi inter alia scripserunt : *Rogamus igitur, & tuis decretis nostrum honorare judicium ; & sicut nos capiti in bonis adjecimus consonantiam, sic & Summitas tua filiis, quod decet, adimpleat.* Verum S. Leo Anatolii ambitionem, datis ad Martianum & Pulcheriam atque ad ipsum etiam Anatolium litteris vehementer reprehendit.

18.  
Turbæ Alex-  
andrinæ  
post Conci-  
lium.

Post Concilium Chalcedonense Alexandria Episcopus electus est Proterius, qui cum Episcopis Ægypti acceptavit Concilium. At brevi post Timotheus Ælurus pulso Proterio, & interempto, Patriarchalem sedem invasit, Chalcedonensem Synodum damnavit, & Patriarchis omnibus anathema dixit, depositis etiam Episcopis, qui Chalcedonensi Concilio adhæserent, habuitque sibi consentientes paucos Episcopos, ac plebem Alexandrinam, Eutychianam, quæ audita Dioscori sui exaustoratione, ingentes Alexandria turbas excitavit, auctore potissimum memorato Timotheo, Æluro, Eutychiano Monacho.

Occasione hujus tumultus Alexandrini multæ in tomis Conciliorum extant Episcoporum totius orientis epistolæ ad Leonem Imperatorem, qui Martino successerat : in quibus Concilium Chalcedonense defenditur, & Timotheus graviter accusatur. Sed & in Palæstina adversus Concilium Chalcedonense quidam Eutychiani insurgent, usque adeo, ut etiam Juvenalem Patriarcham deponerent, & Eutychianum intruderent.

Porro, quo Eutyches in Concilio damnatus, devenerit, non satis constat : de Dioscoro autem memoratur, quod militari manu Gangram in Paphlagoniam sit abductus in exilium, in quo brevi post interierit.

19.  
An Dioscorus  
fuerit hæreti-  
cus?

Quæres, an Dioscorus vere fuerit hæreticus, an vero tantum spiritu ambitionis & superbiæ impellente, Eutychetis causam tam ferociter propugnarit? Ratio dubitandi est, quia a Concilio Chalcedonensi non videtur, saltem aperte, damnatus esse ut hæreticus : licet enim legantur quandoque aliqui Episcopi exclamasse : *anathema Dioscoro!* in depositione tamen illius ab Episcopali dignitate, & functionibus sacerdotilibus, non assignatur pro causa hæresis : sed quod Eutychen in communionem receperit,

perit, epistolam Leonis legi vetuerit Ephesi, Leonem excommunicarit, & ter citatus ad Concilium non venerit. Deinde Anatolius actione 5. aperte dixit in Concilio, Dioscorum non esse depositum propter fidem.

Resp. Non esse dubium, quin Dioscorus fuerit hæreticus Eutychianus: nam in Chalcedonenſi act. 1. aperte dixit: *Duas naturas in Christo non suscipio*: item, *post unionem non sunt due nature*. Et propterea damnavit Flavianum ac Synodum Constantinopolitanam, quod duas in Christo naturas adstruerent: hocque ipsum in Chalcedonenſi actione 1. repetiit, nempe Flavianum propterea jure esse damnatum. Imo propter hanc causam totam illam Ephesinam tragædiam excitavit, in qua Eutychem absoluit. Quod autem in decretum damnationis illius non fuerit aperte inserta causa hæresis, fieri potuit ex ea ratione, ut parceretur Juvenali Patriarchæ Jerosolymitano, Thalassio Cæsareensi, Eusebio Ancyrano, Eustathio Beritenſi, Basilio Seleuciensi, qui cum Dioscoro Ephesinæ pseudo-synodo præfuerant, ac subscripserant, nunc vero in Chalcedonenſi Synodo penitentes veniam rogarunt, dicto anathemate Eutychi. Unde ne etiam ipsi hæresis damnati viderentur, utpote in causa fere communi, ut Dioscorus in prima actione objecerat, particulares depositionis causæ, eæque Dioscoro propriæ, sufficientes tamen, sunt allegatæ, & a causa hæresis in ipsa depositione abstractum. Post receptos autem actione 4. penitentes Episcopos, cum ingressi Archimandritæ Dioscorum restitui peterent, non tantum pauci Episcopi, sed totus chorus, exceptis Episcopis Ægyptiis, clamavit: *Dioscoro anathema*.

Quod autem Anatolius in Concilio dixerit, Dioscorum non esse propter fidem damnatum, adscribendum videtur affectui adhuc cuidam erga suum Patriarcham, cujus olim erat Apocrisarius, ejusque favore, interempto Flaviano, ad Constantinopolitanum Patriarchatum promotus.

## ARTICULUS V.

De Concilio Generali V. Constantinopolitano II.

*Contra tria capitula, & errores Origenis, sub Vigilio & Justiniano*

*Seniore anno 553.*

## SUMMARIUM.

§. I.

Synopsis Historica.

1. Theodorus Mopvestiæ Episcopus, Nestorii Magister, plures hæreses libris suis insperserat: non tamen expresse a  
Pars III.

Chalcedonenſi Concilio fuit condemnatus in persona, in Synodo vero ista fuit damnatus in persona.

2. Ejus, uti etiam Nestorii, fautores erant Theodoretus, qui contra  
I S. Cy.

20.  
Rationes dubitandi.



- S. Cyrillum scripsit, non satis orthodoxe:*
3. Et Ibas, qui erroneam ad Marin Persam scripsit epistolam. Uterque autem retractato errore a Concilio Chalcedonensi fuit restitutus.
  4. Et hæc sunt famosa illa tria capitula,
  5. Quæ tantas controversias in Ecclesia excitaverunt:
  6. Primum quidem in Ægypto per Timotheum Ælurum, & Petrum Moggum, Pseudo-Patriarchas, Dioscori affectas:
  7. Dein Antichie per Petrum Gnaphæum, & Severum, pariter Pseudo-Patriarchas hæreticos:
  8. Denique Constantinopoli per Acacium Patriarcham, qui Henoticon protulit, Zenonis edicto roboratum, quo unius aut duarum naturarum in Christo nuncupatio abrogatur.
  9. Atque etiam per Anthimum; quem tamen Agapetus Papa amovit, suffectio Menna.
  10. Accessere Origenistæ, aliæque pestes.
  11. Ut adeo calamitosissimus esset Ecclesiæ status: nullo Principe Catholico, sedibus etiam Patriarchalibus hæresi infectis.
  12. Justiniani Imperatoris imago.
  13. Vastrum ei datum consilium.
  14. Indicitur Synodus V.
  15. Consentiente quidem Vigilio Papa, sed non comparente in Concilio: licet tunc esset Constantinopoli.
  16. Cur noluerit comparere?
- §. II.
- Acta Concilii & Canones contra varias hæreses.

17. In collatione 1. legati a Consilio ad invitandum Vigilium.
18. Damnantur scripta Mopsuesteni cum auctore,
19. Item scripta Theodoretii contra S. Cyrillum, cum epistola Ibas; non tamen auctores, post retractationem a Chalcedonensi restituti. Sicque damnata sunt tria capitula.
20. Editi 14 Canones seu anathematisini contra varias hæreses.
21. In tribus ultimis dicitur anathema illis, qui defendunt Mopsuestenum aut ejus scripta: qui defendunt Theodoretii scripta, aut Ibas Epistolam.

## §. III.

## Canones contra Origenistas.

22. Errores Origenis damnati, ab affectis illius collecti,
23. Qui eo vivente jam fuerunt damnati.
24. Postea autem magnas tragædias excitarunt, dum S. Joannem Chrysostomum, qui Origenem favere videbatur, colliserunt cum Theophilo Alexandrino Patriarcha, & S. Epiphano.
25. Qua occasione Chrysostomus a Theophilo in Synedrio depositus, & in exilium ejectus est.

## §. IV.

## Crisis circa controversiam de tribus capitulis.

26. Vigilius Papa damnationi trium capitulorum subscribere noluit. Crudeliter propterea a Justiniano habitus, tandem subscripsit.
27. Nec tamen instabilis erat in iis, quæ pertinent ad fidem: quia quæstio de tribus

bus capitulis non versabatur circa fidem: in qua omnes Catholici conveniebant;

28. Sed tantum circa personas trium illorum Episcoporum, quid de illis sentiendum.  
 29. Doctrina autem eorum nunquam approbata, ne quidem a Concilio Chalcedonensi.  
 30. In hoc vero Concilio expresse damnata, una cum persona Theodori,  
 31. Non vero persona Theodoretī & Ithae: sed tantum eorum scripta, quæ ab ipsis in Chalcedonensi fuerunt tractata.

§. 5.

Schismatis ob tria capitula etiam post Synodum V. continuatio.

32. Complures occidentales Episcopi, existimantes, damnationem trium capitulorum synodo Chalcedonensi esse prajudiciosam, Aquileiæ conciliabulum constant contra Synodum V.  
 33. Et licet Pelagius Papa eis ostenderet, merito damnatum Mopsuesteanum,  
 34. Epistolam Ithæ, & scripta Theodoretī contra Cyrillum a Chalcedonensi non fuisse approbata, sed tantum personas penitentes esse receptas;  
 35. Aliqui tamen pertinaciter in schismate persistere,  
 36. Quamvis aliqui ferventer se eidem opponerent.  
 37. Donec tandem sub Sergio Papa est extinctum.  
 38. S. Gregorii M. hac de re epistola.

§. I.

### Synopsis Historica.

Post explicata breviter quatuor prima Concilia generalia, quibus tanquam quatuor Evangelii venerationem impertiendam esse dixit Gregorius M. memorandum venit Concilium generale quintum; cui occasionem aliquam dedisse visum est Concilium Chalcedonense, paulo ante exhibitum; quod hac ratione contigit:

Theodorus, Mopsuestiæ Episcopus (qui plus quam decem millia librorum scripsisse dicitur) jam ante Concilium I. Ephesinum contra Euthesium & Apollinarium ita scripserat, ut in novum ipse errorem hæresinque incideret, unam tantum in Christo personam asserens, ac B. V. Mariam Deiparam esse inficiens. Ex Theodori libris Nestorius hæresin fuxisse dicitur: unde Theodori discipulus appellatur. Cum igitur Nestorio Ephesi damnato, ejus scripta imperialibus etiam edictis essent prohibita, Nestoriani per libros Theodori, in varias linguas versos, hæresin suam propinarunt.



2.  
Ejus fautor  
Theodore-  
tus,

3.  
Et Ibas.

Theodori laudatores erant duo præcipue Episcopi, nimirum *Theodoretus* Cyri Episcopus, qui pugnans pro Nestorio 12. anathematismos S. Cyrilli refutavit, & tanquam hæreticos perstrinxit. Alter fuit *Ibas*, Episcopus Edessenus, qui in prima Ephesina Synodo cum Joanne Antiocheno secessione facta, eandem Synodum carpebat, præsertim in epistola ad Marim Persam scripta, in qua Theodorum Mopsvestenum laudat, anathematismos vero Cyrilli vituperat. Hic uterque, Theodoretus nempe & Ibas, a Dioscoro in conciliabulo Ephesino, quod duas in Christo naturas propugnarent, depositus, a Concilio vero Chalcedonenfi restitutus est.

4.  
Triacapitula.

Et hæc sunt famosa illa tria capitula, nempe scripta *Theodori*, *Theodoreti*, & *Ibæ*, quæ ultra duo sæcula ingentes turbas & schismata excitarunt in Ecclesia, aliis ea tanquam Catholica propugnantibus, aliis vero ut hæretica damnantibus.

5.  
Inde turbæ

Dubium inde oriebatur, quod nullus ex istis tribus in Concilio Chalcedonenfi fuerit damnatus, licet in eo singulorum specialis facta sit mentio, imo Theodoretus & Ibas, tanquam orthodoxi, Ecclesiis suis Episcopalibus fuerint omnino restituti. Unde Catholici in contrarias istas, de quibus dictum, circa tria capitula abiire sententias, Nestoriani vero, tanquam victores essent, triumphum canebant, quod Episcopi, quos fidei suæ addictos sparserant, synodali judicio tanquam orthodoxi sint absoluti, Eutychiani contra damnabant Chalcedonenfe Concilium, asserentes, ab eo Nestorianos absolutos, & communioni restitutos, adeoque ipsam etiam Nestorianam hæresin esse approbatam. Ecce turbarum, ac schismatum prætenso fontes!

Equidem vivente *Martiano*, Imperatore Christianissimo, atque acerrimo scelerum vindice, attollere in altum caput non ausa est hæresis: at vero illo post octo annos imperii ab *Aspare* Patritio, Eutychiano, per venenum sublato, vexillum illico cœpit rotare: per sublimes etiam tiaras grassante infania.

6.  
Primum in  
Ægypto per  
Timotheum  
& Moggum,

Prima furoris scena sese in Ægypto aperuit; ubi, ut ante insinuatam, pars magna Dioscoro suo, quem depositum, atque in exilium deportatum ægerime ferebat, contumaciter adhærens, ferali tragoediæ per eandem *Proterii* Patriarchæ, viri optimi, in ipsa sacra æde patratam, & intrusionem Timothei Æluri, hominis impii, atque ex asse Eutychiani, prælusit, in excidium Chalcedonenfis Synodi vi iniquissima debachata.

*Leo* Imperator, qui Martino successerat, ut læsæ religionis vindicem se præberet, acceptis orientalium Episcoporum litteris, quibus Concilii Chalcedonenfis auctoritatem defendebant, Alexandrino furori se quidem opposuit, impedire tamen (turbis dein etiam aliis per Basiliscum, Augustæ fra-

fratrem, concitatis) non potuit, quo minus, præter Catholicum Patriarcham, Eutychianus etiam per plures annos constitueretur, intruso, post Timothei obitum, Petro Moggo, præcipuo cum Timotheo tumultus auctore.

Nec segnius Antiochenam Ecclesiam Eutychianus turbo concussit: dum Petrus Gnapheus seu Fullo, Theopaschitarum parens, Deitatem passim delirantium, concitata adversus Martyrium Patriarcham multitudine, in sedem illam violente se intulit. Quod iniquitatis exemplum aliquot post annis imitatus est Severus, qui propter hæresin Eutychianam a Monasterio pulsus, Anastasii Imperatoris favore, dejecto Flaviano Episcopo Catholico, sedem Patriarchalem occupavit, atque ut se dignum ferret impietas operæ pretium, Chalcedonensem Synodum execratus, direptionibus, verberibus, carcere, exiliis, cædibus, in Ecclesias atrocissime devastavit, trecentis & ultra Monachis immanitate plus quam barbara traditis.

Sed, ut nullum Patriarchatum præteriret Eutychiana lues, Constantinopolitanum etiam invasis, ubi Acacius, ambitione turgens, Synodi Chalcedonensis proditor, Henotico suo, seu præfensa hæreticos inter & Catholicos concordia, Zenoni Imperatori porrecta, magis adhuc perturbavit Ecclesiam, dum Concilium Chalcedonense eversum ibat; hodiernorum Novatorum more indifferentissimo quodam viam mediam pertentans. Felix Papa habito Romæ Concilio se opposuit Henotico, missis Constantinopolim tribus Legatis; quorum duo Acacii artibus seducti, tertius renitens in vincula datus est. Quare Felix Acacium anathemate percussit: qui vicissim Felicis nomen e diptychis, hoc est Ecclesiasticis tabulis erasit. Petrum Moggom vero in retinenda impie Alexandrina sede, fidelis scelerum minister, adjuvit, ne Eutychianus æstus deferberet. Ad hoc operam suam gnæviter impendit etiam Anthimus, qui Trapezuntinum Episcopatum in Constantinopolitanum mutavit, ut utrumque inquinaret. At Agapetus Papa, qui propter Theodatum Gothorum Regem (pacis impetrandæ gratia) ad Justinianum Imperatorem Constantinopolim venerat, hæreticum, obsistente licet Theodora Augusta, eadem Eutychiana lue infecta, Patriarchatu amovit, sussesto in ejus locum Menna, viro bono & ex integro Catholico, quem Papa propriis manibus consecravit, plaudente populo Catholico.

Nestorianæ & Eutychianæ hæresi ut nihil calamitatis deesset, tertia pestis accessit, ex Origenis libris collecta a Nonno & Leontio Monachis in Palæstina, atque exinde in omnem orientem sparsa. Docuerant isti, ante corpus productum animam hominis exstitisse in cælo, ubi varia peccata commiserit: cælum, solem, lunam &c. esse animatas & rationales creaturas:

7.  
Dein Antio-  
chia per  
Gnapheum,

8.  
Denique  
Constantino-  
poli per Aca-  
cium Henoti-  
con procu-  
dentem,

9.  
Et Antio-  
chiam.

10.  
Errores  
Origenis.



in resurrectione corpora fore rotunda. Dæmonum ac hominum damnatorum pœnam esse finem habituram: pro eorum salute Christum rursus crucifigendum.

11. Tristis Eccle-  
siaz status  
sub Zenone  
& Anastasio. Tot mala profecto agglomerata undique incubuerant, ut nullo unquam tempore Ecclesiæ facies sit visa tristior. Hæreses Origenis, Arii, Nestorii, Eutychis, occupatis sedibus Patriarchalibus, dominabantur. Exciso occidentis imperio, Barbari undique irrumpentes, non tantum florentissimas Provincias devastabant, sed in ruinas etiã veræ religionis collaborabant, universo Christiano orbe sub hæreticorum Principum gemente dominio. Orientale siquidem Imperium obtinuit Zeno, tam animo, quam corpore homo deformis; & post ipsum Anastasius Zenone pejor, uterque Eutychiana raptus procella, & in monstrosum illud *Henoticon* orbem deturbans, quo a voce unius aut duarum naturarum abstinendum esse statuebatur. Italiam Odoacer Herulorum Rex Arianus invasit: Galliam inter se partiti sunt Franci adhuc gentiles, & Burgundiones ac Gothi, Ariana impietate imbuti: Gothi Hispaniarum Reges pariter Ariani: Africa Vandalos, itidem Arianos passâ est dominos, & immanes persecutores: Catholicos infelix schisma propter memorata tria illa capitula scindebat, orientalibus illa passim damnantibus, occidentalibus vero defendentibus.

Melior equidem radius Ecclesiæ affulgere visus est, dum post Zenonem & Anastasium Justinus & Justinianus Imperii habenas capeffiverant: sed brevior erat Justini gubernatio, quam ut tantis Ecclesiæ & Imperii morbis, ut ut vellet, mederi posset.

12. Imago Justi-  
niani Impe-  
ratoris. Justinianus equidem, & pacis artibus domi clarus, & orbem terrarum signans victoriis, per Belisarium in Asia Cosroën Persarum Regem, in Africa Gilimerem, extincto Vandalorum imperio, in Europa Gothos devicit, tota tandem per Narsetem exactos Italia. Nec minor legum, ac religionis cura; nam & exauctorationem Anthimi, & electionem Mennæ habuit ratam, & Synodum quintam generalem cura sua ac religionis studio promovit; & Sophiæ templo, Dianæ Ephesiæ & Jovis capitolini magnificentiam extinxit, & feveris legibus extinguere velle hæreses est visus.

Summus profecto Princeps, & Magno Constantino comparandus, nisi conjugem habuisset *Theodoram*, ex meretricii quæstus fordibus ad id fastigii evectam, neque aliam dotem afferentem, quam formæ illecebram, libidine, superbia, hæresi Eutychiana conspurcatam. Huic mulierculæ obnoxius orbis domitor, & legum vindex, Sylverium Papam throno dejectum per Belisarium, in Palmariam relegatum, in ærumnas exilii & mortem compulit, ac *Vigilium*, hominem prius arrogantem, nec purum, ut fertur, a labe Eutychiana, male surrogatum pro mancipio habuit; qui

qui tamen ( quæ Dei in Ecclesiam suam est cura provida ) post mortem Sylverii legitime electus, alius a se homo, & ex integro Catholicus, fortiter obstitit periculosis conatibus, & hæresi Eutychianæ; in quam ac præcipue in Severi errorem ( de corrupta Christi carne, aliaque post resurrectionem assumpta, aliaque item a nobis post resurrectionem assumenda ) teste Evagrio, Justinianus tandem prolapsus creditur, præclara juvenilis virilisque ætatis gesta corrumpens, stultæ senectutis exemplar novum coronatum, cumque Eutychius se vellet opponere, sede Patriarchali eum dejecit.

Verum ut ad ea, quæ huc maxime pertinent, redeamus, Justinianus adhuc sapiens, Eutychianos & Origenistas severo coercuit edicto, Vigili Papæ & trium orientis Patriarcharum consilio & suffragio probato. Hoc edictum ægerrime ferens *Theodorus*, Cæsareæ in Capadocia Episcopus, Origeni devotus ex asse, sectaque Acephalus ( quæ, ut hæresis fecunda esse solet, ramus & propago quædam erat Eutychianæ hæresis ) Justiniano, cujus pollebat gratia, suadet, ne tot se curis conficiat in defendenda Chalcedonensi Synodo: totum facile negotium posse componi, si tria capitula, Theodori nempe Mopsvesteni libros, Theodoretæ Episcopi Cyrillum scripta, & epistolam Ibæ publico edicto condemnet: non enim aliam ob causam Eutychianos a Concilio Chalcedonensi abhorre, nisi quod Theodoretum & Ibam ob hæresin Nestorianam juste depositos restituisse, & ad Synodum admisisset, atque hoc ipso Theodori Mopsvesteni doctrinam videatur approbasse, in epistola Ibæ tantopere collaudatam. His maculis deterfis omnes Concilio illi subscripturos.

Hæc Cæsareensis Eutychianus vafre suggessit, ut sic Concilio Chalcedonensi fides abrogetur, & Catholici inter se schismate scindantur, Eutychianis vero robur accederet. Hæc sapienter apud se ponderans Vigilius Pontifex Theodorum ista molientem epistola redarguit. Justinianus tamen Theodoro morem gerens, missis in omnem partem epistolis Episcopos ad damnationem trium capitulorum urget. Pars eorum acquiescit, pars vero metuens Synodo Chalcedonensi hoc præjudiciosum fore, rem non aliter nisi per Concilium novum generale decidi posse respondit.

Igitur anno 553, post Concilium Chalcedonense 102. annos indicitur Synodus Constantinopolitana secunda, inter Generales quinta. Interfuerunt *Eutychius* Constantinopolitanus, Apollinaris Alexandrinus, & Domnus Antiochenus: Jerosolymitanus vero Patriarcha per tres Legatos comparuit: omnesque simul erant 160 Episcopi.

Vigilius Pontifex, licet accitus a Justiniano Constantinopoli tunc versaretur, & in celebrationem Concilii consensisset, accedere tamen noluit,

13.  
Vasfrum Con-  
silium Theo-  
dori Cæsa-  
reenfis.

14.  
Indicium  
Concilium,



15. noluit, quamvis nomine totius Concilii sæpius invitatus; primo quidem a tribus Patriarchis, & 17. Episcopis, deinde vero a tribus Patriciis, ab eodem Vigilio Imperatore missis, pluribusque Episcopis: obtenditque eam excusationem, Præcessores suos, Romanos Pontifices nunquam solitos interesse Conciliis orientalibus. Prolixe tamen consensum suum est pollicitus in iis, quæ pro Ecclesiæ bono tunc decernenda erant; re ipsa autem ideo neque per se, neque per Legatos interesse voluit, ne per secularem potestatem adigeretur ad aliquid, quod in præjudicium Ecclesiæ aut potestatis Ecclesiasticæ cederet, & occidentales, tria capitula defendentes, ab orientalibus, atque a se abscinderet schismate.

16.  
Et cur?

Unde sibi, sine cujus autoritate nihil firmum ratumque sciebat posse decidi, totius rei eventum expectandum esse ducebat: maxime cum abessent occidentis Episcopi (quos pari numero venturos Justinianus promiserat, cum eorum etiam causa hic maxime verteretur) quam etiam causam coram Legatis, ipsum invitantibus, & ut Concilio præsidere dignetur, rogantibus allegarat: ut hac ratione integrum sibi foret approbare aut reprobare, quæcunque in causa, tot schismatum fonte, Synodus decrevisset. Quam Vigilii circumspectam in tanto discrimine prudentiam magnopere dilaudat Baronius, utpote temporibus illis, & in causa adeo delicata oppido necessariam.

Cæptum itaque est Concilium, presidente ex consensu Vigilii Eutychio Constantinopolis Patriarcha (non vero Menna, ut errat Calvinus) absolutumque octo collationibus seu sessionibus.

## §. II.

Acta Concilii & Canones contra varias hæreses.

17.  
Legati ad invitandum Vigilium.

In collatione prima a Concilio tres Patriarchæ præsentibus cum 17. Episcopis Metropolitibus deputati sunt ad Vigilium, rogaturi, ut ad Concilium venire, eique præesse dignetur. Quibus respondit, quæ paulo ante memoravimus, addiditque se suam de tribus capitulis sententiam scripto publico dicturum, & ad Imperatorem missurum.

In secunda, qui iterato legati fuerant ad Vigilium Patres cum Patriciis ab Imperatore missis, referunt Concilio responsum Vigilii: quod idem fuerat cum priore: addita tamen mentione de absentia Episcoporum occidentalium.

In tertia profitentur fidem Catholicam, ab Apostolis traditam, & a quatuor Conciliis generalibus declaratam: damnantque hæreticos ab eisdem damnatos.

In

In quarta lecta sunt impia scripta ex libris Theodori Mopvesteni, conclamante Synodo in eum & ejus sectatores anathema.

18.  
Damnatur  
Mopveste-  
nus.

In quinta lecta sunt ea, quæ contra eum a SS. Patribus, præsertim S. Cyrillo Proclo & Rabbula sunt scripta. Definitumque, etiam mortuos jam hæreticos ab Ecclesia posse damnari tanquam hæreticos, eorumque nomen e sacris diptychis eradi. Transitum deinde ad Theodoretum impia scripta adversus 12. anathematismos S. Cyrilli, laudatumque Concilium Chalcedonenſe, quod Theodoretum non prius ad communionem admiserit, nisi, postquam Nestorio dixit anathema.

19.  
Damnantur  
scripta Theo-  
doreti contra  
Cyrillum,

In sexta recitata est lbæ ad Marim epistola, conclamatumque, esse hæreticam.

Et epistola  
lbæ.

In septima lectæ sunt plures Vigili Pontificis litteræ, in quibus con- demnarat tria capitula. Factum hoc est jussu Imperatoris, ut Vigilum prævaricationis & inconstantia posset arguere, quasi modo damnasset, modo defendisset illa capitula. Tum ostensum, quod Nestoriani Theodoretum sibi vendicent ac honorent.

Et sic dam-  
nantur tria  
capitula.

In octava, post recensita hujus Concilii acta, & iterum suscepta ac laudata quatuor priora Concilia, concepta est definitiva damnationis sententia in tria capitula.

Ad finem hujus condemnationis adduntur 14. anathematismi seu Canones, non tantum contra tria capitula, sed etiam contra Origenistas, Arium, Eunomium, Macedonium, Nestorium, Eutychem, aliosque hæreticos, a primis quatuor Conciliis damnatos.

20.  
Editi 14. ana-  
thematismi  
contra hære-  
ses.

In primo Canone anathematizatur, qui non confitetur unam eandemque esse naturam, essentiam, virtutem & potentiam Patris, Filii, & Spiritus sancti, Trinitatem consubstantialiam, unam Deitatem in tribus subsistentiis, sive personis adorandam.

*Hoc definitum est contra Sabellianos, Arianos, & Macedonianos, sanctissimæ Trinitatis hostes.*

In 2. Ille, qui non confitetur Dei Verbi duas esse nativitates, unam ante sæcula incorporabiliter ex Patre, alteram ejusdem in tempore Incarnati ex sancta gloriosa Dei Genitrice. *Hic damnantur Nestoriani, qui negant, B. V. Mariam esse Dei Genitricem.*

In 3. Qui dicit, alium esse Dei Verbum, qui miracula fecit, & alium, qui passus est. *Hic rursus fulminantur Nestoriani.*

In 4. Qui non confitentur veram ac realem unionem inter Verbum & humanitatem, manente inconfusa tam humanitatis, quam Verbi substantia post incarnationem. *Hoc est contra Nestorium & Eutychetem.*

In 5. Qui plures subsistentias seu personas conatur introducere in Christo. *Damnatur hic Nestorius & Theodorus.*

Pars III.

K

In



In 6. Qui dicit, tantum abusive & non vere B. V. Mariam esse Dei Genitricem. *Est contra eosdem.*

In 7. Qui non confitetur duas naturas, Deitatem nempe & humanitatem post incarnationem inconfuse unitas in unitate personæ. *Est contra Eutychianos & Nestorianos.*

In 8. Contra eosdem definitur, Verbum secundum subsistentiam esse unitum carni, unumque esse Christum, consubstantiali Patri quoad Deitatem, nobis vero quoad humanitatem.

In 9. Damnantur, qui duas introducunt adorationes, alteram Dei Verbi, alteram hominis. *Est rursus contra Nestorianos.*

In 10. Qui non confitetur Christum crucifixum carne esse verum Deum. *Est contra eosdem.*

11. Qui non anathematizat Arium, Eunomium, Macedonium, Apollinarem, Nestorium, Eutychen & Origenem, cum impiis eorum scriptis, aliosque hæreticos ab Ecclesia, ac præcedentibus Conciliis damnatos.

12. Qui defendit impium Theodorum Mopsvestenum.

13. Qui impia Theodoreti scripta propugnat, quæ contra primam Ephesinam Synodum, ac contra doctrinam Cyrilli pro Theodoro & Nestorio scripsit.

14. Qui defendit Epistolam Ibæ ad Marim Persam.

### §. III.

#### Canones contra Origenistas.

Præter Anathematismus istos in hoc Concilio compositi sunt insuper 15.

Canones contra Origenem, quos primo ex vetustissimo Codice manuscripto Bibliothecæ Cæsareæ Græce edidit clarissimus vir Petrus Lambecius, ac postea Joannes Harduinus S. J. Latine est interpretatus.

22. *Errors Ori-* Damnantur in istis, qui dicunt, animam ante corpus exstitisse; astra *genis damna-* fuisse animata ac rationalia; ex Angelico statu fieri animale, ex animali *ti,* dæmoniacum, & humanum, ex humano rursus Angelos, & dæmones; dæmones constare ex animabus hominum; Christum ante omnia sæcula esse Deo verbo unitum: Dein de Angelis Angelum, hominibus vero hominem factum: Corpus Christi post resurrectionem fuisse æthereum, & figura Sphærica, ac talia post resurrectionem aliorum etiam corpora futura, ac denique omnia corpora annihilanda, sola mente remanente, quæ tantum una sit futura, coalescentibus omnibus in unam. Et quæ sunt aliæ ejusmodi fabulæ ac deliria.

23. *Et adhuc vi-* Ut autem de Origene aliquid addamus, notandum est, ipsius adhuc *vente jam da-* viventis scripta, tanquam hæretici, damnata esse a Demetrio Alexandrino *nnati.* Patriarcha: ut constat ex S. Hieron. *libr. 2. adversus Rufinum.* Origenes

21. Anathema illis, qui defendunt Theodorum, scripta Theodoret, aut epistolam Ibæ,

nes vero pro sui defensione ad omnes Ecclesias scripsit, non esse suam illam doctrinam, sed ab hæretico quodam superfeminato lolio vitiatam. Verum cum in omnibus fere libris Origenis eadem hæreses inspersæ legantur, oportuisset ipsum exprimere errores sibi affictos, illosque damnare, si suspicionem hæresis voluisset a se amoliri.

Anno 399. *Theophilus Alexandrinus* in Synodo suorum Episcoporum damnavit libros Origenis ejusque fautores communione privavit. Quod idem Romæ factum ab *Anastasio Papa*. Tum vero Monachi Origenistæ a *Theophilo Ægypto* pulsī, Constantinopolim ad Arcadium Imperatorem confugientes, *Theophilum* gravissime accusarunt, adeo quidem, ut in *anne Chry-* discrimen adduceretur. Credidit *Theophilus*, *Joannis Chrysostomi* Constantinopolitani tunc Episcopi suasu factam delationem, ipsumque Origenistis favere. Unde ad *Chrysostomum* scribit de cogenda Constanti- *Propter li-* nopoli Synodo ad condemnandos Origenistas, sicut ipse *Alexandriæ & Anastasius* Romæ fecisset. Rescripsit *Chrysostomus*, plerosque Ecclesiæ Doctores magna ferri in Origenem veneratione, cumque ea causa a nulla Oecumenica Synodo sit definitia, timendum esse, ne majus inde dissidium oriretur.

*Epiphanius* Constantiæ in Cypro Episcopus, amicus *Theophili* singularis, & adversus Origenistas socius, suadente *Theophilo* Constantinopolim profectus, atque a *Chrysostomo* perhumaniter exceptus, negavit, se communionem cum eo habiturum, donec Origenis libros damnaret, & Monachos Origenistas expelleret. Cumque disceptando frustra conaretur Episcopos & Clerum a *Chrysostomo* avellere, re infecta in Cyprum reversus est.

*Theophilus* dein, collectis pluribus Episcopis, accessit urbem, atque *Eudoxiæ Augustæ*, *Chrysostomo* infensæ, patrocinio collegit Concilium in Chalcedonis suburbio: Cumque in eo citatus *Chrysostomus* non comparuisset, damnatur, & a sede Patriarchali depositus, urgente *Eudoxia* ab *Arcadio* in exilium mittitur, *Theophilo* triumphali veluti pompa urbem regiam subeunte.

## §. IV.

Crisis circa Controversiam de tribus Capitulis.

**H**æ igitur turbæ, propter hæreses Origenistarum, & trium Capitulorum Controversiam exortæ, durarunt usque ad quintam generalem Synodum: Imo neque per hanc fuerunt finitæ, multis Episcopis, præsertim in Occidente eidem reclamantibus, eo quod existimarent, eam per potenti am sæcularem Justiniani Imperatoris coactam in subversionem Concilii Chalcedonensis, atque damnationem trium Capitulorum ab Eutychianis, ac præsertim a *Theodoro Cæsarensi*, Imperatori persuasam.



crudeliter  
habitus.

Tandem  
eam con-  
firmavit.

27.  
Quia contro-  
verſia non  
erat de Fide,

28.  
Sed de  
perſonis.

29.  
Quæ licet  
non ſint  
condemnata  
a Chalcedo-  
nenſi,

30.  
Doctrina  
tamen nun-  
quam appro-  
bata:

Sed neque Vigilius Pontifex confirmare eandem voluit. Unde, ut teſtatur Caballutius *de notitia Conciliorum in Concil. Conſt. II.* a Juſtiniano carceri inclufus, ac crudeliter habitus, fune ad collum alligato, & comitibus ejus, clericis Romanis, ad metalla damnatis; atque faviente inſuper in omnes, qui acceptare eandem noluerant, ſæva tyrannide, ad majora Eccleſiæ mala evitanda, ſatius duxit, eandem confirmari, ne alias totus Oriens infelici ſchiſmate ab Occidente ſcindatur, & Juſtiniana perſecutio gravem Eccleſiæ cladem afferret.

Non eſt vero, quod quicumque Vigilium Papam, qui ante cum Occidentalibus Episcopis condemnationi trium Capitulorum obſtiterat, aut inconfantia arguat, aut in hæreſis ſuſpicionem vocet. Non enim diſceptatio, quæ inter Catholicos de tribus Capitulis fervebat, de fide erat (in qua omnes Catholici convenerant) ſed tantum de perſonis, an videlicet Theodorus, Theodoretus & Ibaſ habendi ſint pro hæreticis. Quia igitur Concilium Chalcedonenſe eos non damnaverat, ſed Theodoretum & Ibaſ ſediſ ſuis, a quibus a Neſtorio depulſi fuerant, reſtituerant, Vigilius Papa cum Occidentalibus Episcopis damnare eos noluit: nunquam vero eorum ſcripta approbavit.

Non eſt equidem dubium, quin in libris Theodori Mopſveſteni plura contineantur impia, plane hæretica (ut Vigilius ipſe in ſua confirmatione quintæ Synodi fatetur) dum inter alia Theodorus ſcripſit, alium eſſe Deum Verbum, alium Chriſtum, ad exemplum imaginis Imperatoriæ adorandum, poſt reſurrectionem primum impecabilem factum, talique unionem verbum eſſe unitum Chriſto, qualem Apoſtolus dixit de viro & muliere: *Erunt duo in carna una.* 1. Cor. 6. Thomam, dum exclamavit, *Dominus meus, & Deus meus*, ea verba non retuliſſe ad Chriſtum, ſed ad Deum, Chriſtum enim, qui paſſus ac mortuus eſt, non eſſe Deum. Hæc proin aliaque impie a Theodoro ſcripta, a quinta Synodo & Vigilio Papa in ejusdem confirmatione, una cum ipſa perſona Theodori, ſunt damnata & anathematizata, neque unquam aut a Concilio Chalcedonenſi, aut a Vigilio, aut alio Catholico approbata.

Quod autem a Concilio Chalcedonenſi non fuerit aperte condemnatus, inde erat, quod ibi tantum hæreſis Eutychiana de una Chriſti natura examini fuerit ſubjecta, atque ad eum ſolum finem congregata Synodus: licet ergo ibidem aliqua ſcripta Theodori incidenter fuerint recitata, non tamen ex ſilentio Concilii in hac parte inferri poteſt, ea ſcripta, aut ipſam perſonam Theodori tanquam orthodoxam fuiſſe approbatam: quia ſcilicet ea quæſtio tunc non movebatur; & infinitum eſſet, omnia, quæ incidenter in Concilio dicuntur aut leguntur, examinare.

Insuper Synodus quinta & Vigilius in sua confirmatione damnarunt, <sup>31.</sup> quæ a Theodoro scripta sunt contra rectam fidem, & contra 12. capitula S. Cyrilli, <sup>In hac ve-</sup> contra Synodum Ephesinam primam, quæque ab eo scripta sunt defensione Theodori <sup>ro Synodo</sup> Nestorii: præterea epistolam ad Marinum Persam hæreticum, quæ ab Iba scripta dicitur, <sup>expresse</sup> quæ Christum Verbum ex sancta Deipara, & semper Virgine Maria incarnatum, homi- <sup>damnata</sup> nem factum fuisse negat, nudum vero hominem ex ea natum, ita, ut ex hoc intelligitur, alium esse Verbum Deum, alium Christum: S. Cyrillum vero, veræ fidei Magistrum ut hæreticum, & similia Apollinari scribentem calumniatur; & reprehendit primam Synodum Ephesinam, quasi absque iudicio & disquisitione Nestorium damnaverit: tum capita 12. Cyrilli impia & rectæ fidei contraria appellat: defendit autem Theodorum & Nestorium, & impia eorum dogmata atque scripta.

Verba hic recitata sunt ipsius Papæ Vigili, quibus addit sequentia: Una cum Prædicta itaque tria impia capitula anathematizamus & condemnamus, scilicet im- persona pium Theodorum Mopsuestie, una cum impiis ejus scriptis: & quæcunque impie Theodori; Theodoretus scripsit, atque etiam epistolam, quæ dicitur ab Iba scripta fuisse. Deinde eos etiam, qui tria capitula susceperint, aut defenderint. Quæ autem a me (subjungit Vigilius) aut ab aliis ad defensionem illorum facta sunt, præsentis hujus scripti nostri definitione evacuamus.

Denique addit, Concilium Chalcedonense nunquam approbasse prædictas blasphemias, neque admisisse ullum, qui illas non rejecisset. Unde causam de persona Theodori indecisam quidem reliquit, utpote in quæstionem tunc non deductam, Theodoretum vero & Ibam admittere prius ac restituere noluit, donec anathema dixerunt Nestorio; & postquam recepto Concilio Ephesino primo Catholicam fidem professi sunt. Nihil Non autem Theodoretus & Ibas, redeuntes recipere, ac sedibus suis restituere. Confessi sunt Chalcedone Theodoretus & Ibas, se tunc illa scripsisse, quando orientales cum Joanne Antiocheno, infelici illo schismate, a Concilio primo Ephesino & Cyrillo Alexandrino dissidebant: post factam autem suorum capitum a Cyrillo declarationem, & restitutam Cyrillum inter & Joannem concordiam, se ac orientales idem cum sancta Ephesina Synodo & occidentalibus sentire. Unde nec Synodus quinta, nec Vigilius Theodoretum & Ibam condemnarunt, sed tantum eorum scripta, quæ ipsimet etiam Sed tantum eorum scripta. Chalcedone revocarunt, confitentes unam personam, duas vero naturas in Christo, totique Concilii definitioni subscribentes.



## §. V.

Schismatis ob tria capitula etiam post Synodum quintam continuatio.

33. Cæterum per Synodum quintam necdum extinctæ sunt dissensiones, sed ultra centum adhuc annos, usque ad Sergium I. Pontificem perdurant. Quamvis enim circa fidei definitiones, quas edidit, omnes convenirent Catholici, attamen circa ea, quæ facta & personas concernunt, acerrimè adhuc dimicatum est.

Inter eos autem, qui damnationi trium capitulorum, in quinta Synodo factæ, pertinacissime se opposuerunt, complures erant Istriæ, Venetiarum, Liguriæ, atque Insubriæ Episcopi, atque comprimis *Paulinus* Aquileiensis, & *Honoratus* Mediolanensis. Antistes, persuadentes sibi, vel scripta illa prædictis Episcopis falso esse imputata, vel Synodo Chalcedonensi damnationem illam esse præjudiciosam.

Concilia-  
bulum A-  
quilejense

Hi itaque Synodum quintam, licet autoritate Vigiliæ Papæ jam confirmatam, coacto *Aquileia conciliabulo* reprobant, adversante *Pelagio* secundo Romano Pontifice; qui pariter Synodum quintam & damnationem trium capitulorum approbaverat, ut patet ex ejus epistola, plena sanctitate & eruditione, ad Eliam Aquileiensem, aliosque Istriæ Schismaticos Episcopos, quæ actis quintæ Synodi inserta est.

Contra Syn-  
odum  
quintam  
pro tribus  
capitulis,

34.  
Refutatur  
a Pelagio  
II. Papa.

In hac epistola conqueritur Pontifex primo de eorum pertinacia: solvit deinde illorum objectionem, ostenditque, per Synodum Constantinopolitanam Chalcedonensem non esse convulsam, cum in illa tantum de fide sit tractatum, in qua Synodus quinta illi non dissentiat. Vigilium & occidentales, Græcæ linguæ minus peritos, non satis intelligentes tria capitula, damnationi eorum initio restitisse, dein vero exemplo Petri & Pauli Apostolorum, cognita melius veritate, atque Ecclesiæ rebus id exigentibus, mutasse sententiam, in re non dogmatica. Theodorum Mopsvestenum jam ab Ephesina prima Synodo fuisse damnatum, & quidem jam mortuum, nihil proin absonum fecisse quintam Synodum, eundem mortuum rursus condemnando: desisterent proin defendere hominem, cujus scripta adeo essent impia atque in Christum blasphema: neque dubitandum, quin ea sint Theodori scripta; hoc enim manifeste Procli Constantinopolitani, Cyrilli Alexandrini, aliorumque testimoniis comprobari: ac proin damnationi primi capituli, damnationi videlicet Theodori, ejusque scriptorum impiorum ab omnibus subscribendum esse: neque ob stare, quod Mopsvestenus ab uno vel altero sit laudatus, quando necdum satis fuit cognitus; etiam Origenem hæresiarcham ab Eusebio, Gregorio Nysseno, & Hieronymo fuisse laudatum, nec tamen injuste a Synodo quinta & a summis Pontificibus esse damnatum.

Merito  
damnatum  
Mopsve-  
stenum,

Progreditur deinde Pelagius Papa in litteris suis ad alterum capitulum, ostenditque, falsum omnino esse, quod Ibæ Epistola a Chalcedonensi Synodo sit approbata, cum plura eidem omnino contraria definiverit. Si Ibæ, defendere pergant impiam epistolam Ibæ, reprehendere eos Synodum Ephesinam primam, utpote quæ in epistola prævaricationis arguitur: Ibam rejecta hæresi pœnitentem esse a Chalcedonenſi restitutum, nullatenus vero ejus epistolam approbatam, sed reprobata: damnarent proin ipsi etiam secundum capitulum, illam nempe Ibæ epistolam, & concordaturos fore cum Concilio generali tertio, quarto, & quinto.

Denique Pelagius de tertio tractat capitulo, aitque, se non omnia Theodoretī scripta damnare, sed illa duntaxat, quæ contra 12. Cyrilli anathematismos & rectam fidem edidit, quæque ab ipso Theodoro in Chalcedonensi sint retractata. Negari non posse, scripsisse Theodoretum plura, quæ nulla excusatione probari possint, scripsisse ipsum ad Nestorium post ejusdem in Ephesina prima Synodo condemnationem: *In his, quæ in te injuste atque inique prolata sunt, nec si mihi quis utramque manum absciderit, potero præbere assensum.* Scripsisse insuper illum contra Cyrillum, Christum, si æternus sit, temporalem non esse; si vero temporalis sit, æternum non esse, multaque alia, Nestorianam hæresin olentia. Verum hæc ab eo in Concilio Chalcedonensi retractata, dum Nestorio, quem ante defenderat, dixit anathema, & toti Concilio subscripsit; temerarium proin esse, Theodoretī scripta defendere, quæ ipsemet damnasset. Dum igitur ejus scripta quædam damnantur, & persona recipitur, nullius Synodī sententiæ contrari: etiam a Chalcedonensi scripta ejus quædam reprobata, ipsum autem pœnitentem, & male scripta retractantem receptum esse. Ad calcem denique Apostolicæ hujus epistolæ S. Pelagius paterno zelo adhortatur Schismaticos ad unitatem, cum iterata protestatione, se in nulla prorsus re a fide Chalcedonenſis Concilii, ejusque definitionibus dogmaticis deflectere.

Accepta hac præclara epistola, complures adhuc Episcopi pertinaciter in schismate hærebant, ut adeo Pelagius, tentatis frustra paternis remediis, cum Narſete, Justiniani in Italia duce agere coactus sit, qui *Paulinum* & *Honoratum* obstinatos militari manu Constantinopolim abduci jussit ad Imperatorem, a quo alias nova tyrannidis procella erat pertimescenda.

Sed neque sic schisma sublatum: quamvis enim aliqui Episcopi, Sedi Apostolicæ invicta constantia adhæserint, dictaque tria capitula condemnarint, non pauci tamen pertinaciter se opponere perrexerunt: do nec tandem studio & opera Gregorii Magni & Sergii Pontificum, extinctis Ecclesiarum discordiis, Synodum quintam tanquam Oecumenicam omnes acceptarunt, sicque unitas & pax Ecclesiæ est restituta.

Memo-

35.  
Epistolam

Si Ibæ,

Et scripta  
Theodoretī;  
neque a Chal-  
cedonenſi  
fuisse appro-  
bata,Sed tantum  
personas pœ-  
niteſcentes fuiſ-  
ſe receptas.

36.

Schisma ta-  
men necdum  
sublatum,

37.

Quod tan-  
dem sub Sem-  
gio extin-  
ctum.



38.  
Epistola S.  
Gregorii de  
tribus capitulis.

Memorabilis etiam in hac re est epistola Gregorii Magni ad Joannem Episcopum Constantinopolitanum data, in qua quintam etiam Synodum approbat. Inter alia in illa sic loquitur:

„Sicut S. Evangelii quatuor libros, sic quatuor Concilia venerari me fateor --- quantum quoque Concilium pariter veneror, in quo epistola, quæ Ibæ dicitur, erroris plena, reprobatur, & Theodorus personam Mediatoris in duabus subsistentiis separans ad impietatis perfidiam cecidisse convincitur. Scripta quoque Theodoreti, per quæ S. Cyrilli fides reprehenditur, ausu dementiæ prolata refutantur. Cunctas vero, quas præfata veneranda Concilia personas respuunt, respuo, quas venerantur, amplector; quia dum universali consensu sunt constituta, se & non illa destruit, quisquis præsumit aut solvere, quos ligant, aut ligare, quos solvunt. Quisquis ergo aliud sapit, anathema sit.

Aliam epistolam celebrem Gregorius scripsit ad Hiberniæ Episcopos, in schismate ob causam trium capitulorum persistentes, in qua repetita ea, quæ Vigilius & Pelagius, præcessores ipsius asseruerant, videlicet: in quinta Synodo de quibusdam tantummodo personis esse actitatum, in fide autem nihil omnino convulsam aut immutatum, nec quidquam Concilio Chalcedonensi contrarium statutum.

## ARTICULUS VI.

De Concilio Generali VI. Constantinopolitano III.

*Pro duabus in Christo voluntatibus contra Monothelitas sub Agatone & Constantino Pogonato Anno 681.*

### SUMMARIUM.

#### §. I.

##### Synopsis Historica.

1. Eutychiana hæresis, in varias sectas diffusa, ingens propago fuit Monothelitismus, seu hæresis de una in Christo voluntate,
2. Per summa utriusque ordinis capita grassata;
3. Ecthesei Heracii hæretica roborante,
4. Sophronio resistente,
5. Honorio Papa connivente,
6. Constante Imperatore per Typum non medente,

7. Donec Martinus Papa strenue se opposuit,

8. Et Agatbo indicta Synodo VI. feram belluam tandem confecit.

#### §. II.

##### Acta Concilii.

9. Macarius Patriarcha Antiochenus contumax
10. Damnatus, & depositus: respiciente Georgio Constantinopolitano.
11. Etiam Honorii nomen inter Monothelitas relatum.

12. Da-

12. *Damnatur Polychronius impostor.*
13. *Quinam nominatim damnati?*
14. *Subscribit etiam præsens Imperator Concilio, illudque edicto firmat.*

Controversia critica de lapsu  
Honorii.

§. III.

Argumenta, quibus probari videtur  
Honorii lapsus in hæresin.

15. *Probare nituntur ex epistolis Honorii ad Sergium.*
16. *Ex Synodo VI. VII. & VIII. Honorium damnantibus.*
17. *Ex epistola Leonis II.*
18. *Ex Anastasio Bibliothec.*
19. *Ex variis scriptoribus.*

§. IV.

Honorius non fuit lapsus in  
hæresin.

20. *Quia pro Sancto habitus.*
21. *Quia ejus epistole nihil continent hæreticum.*
22. *Quia tantum erravit languidius se opponendo.*
23. *Quia Nicolaus I. & Agatho scripserunt Orientalibus, nullum unquam Romanum Pontificem esse lapsum in hæresin.*
24. *Quia nunquam negavit duas in Christo voluntates.*
25. *Sed tantum duas in humanitate negavit. Testimonium S. Maximi.*
26. *Imo professus est duas operationes, Divinam & humanam.*
27. *Quia Scriptores plurimi stant pro Honorio.*

Pars III.

§. V.

Acta tamen Synodi VI. &c. referentia nomen Honorii probabilius non sunt corrupta.

28. *Argumenta, quod acta sint corrupta.*
29. *Sed non est satis credibile, omnia exemplaria esse corrupta, aut potuisse corrumpi.*
30. *Quod probatur.*

§. VI.

An Synodus VI. erraverit in damnando Honorio.

31. *Censent aliqui, errasse Synodum in questione facti.*
32. *Sed hæc sententia est difficilis.*

§. VII.

Quomodo ergo Honorius absolvendus ab hæresi?

33. *Tertia sententia Criticorum recentiorum media.*
34. *Erravit conniventia, & dissimulatione veritatis, non satis coercenda Sergium & Cyrum.*
35. *Hæc sententia media absolvit a corruptione acta Concilii: ab hæresi Honorium, & ab errore Concilium.*
36. *Cabassutius male comparat epistolas Honorii, in quibus voluit abstinere a vocibus unius aut duplicis voluntatis, cum Henotico Zenonis, & Typo Constantis Imperatoris.*
37. *Neque locutus est ex Cathedra. Sed tantum duas privatas ad Sergium scripsit epistolas.*
38. *Neque ut homo privatus incidit in hæresin proprie dictam. Imo ne quidem videtur peccasse formaliter.*

L

29.



39. *Errores Historici Melchioris Cani,  
& Bartholomæi Caranzæ, in hac re.*

§. VIII.

De Diptychis.

40. *Quid sint: Quid contineant: Quænam nomina lecta.*

41. *Diptycha Sanctorum. Utraque antiquissima.*

42. *Schisma ortum, quia Acacius nomen Felicis Papæ e Diptychis erasit.*

§. IX.

Appendix de Synodo Trullana.

43. *Hæc post Synodum VI. a solis Orientalibus coacta 102. Canones edidit. Sed reprobata est a Sergio Papa.*

44. *Aliqui tamen Canones sunt probi: Et aliunde in Ecclesia recepti: Serviuntque, tanquam argumentum ad hominem adversus hæreticos, hoc synedrion multum dilaudantes.*

§. I.

Synopsis Historica.

1.  
Eutychiana  
hæresis

Propago est  
Monotheli-  
tismus;

Eutychiana hæresis, a Martino Principe repressa, per Zenonis & Acacii henoticon vires resumens, per Anastasii, eidem henotico insistentis, impietatem adolescens, in varios se se ramos diffudit. Ex ea enim orti Theophascbitæ, Severiani, Jacobitæ per totum Orientem sparsi, Acephali, sic dicti, quod sine certo capite delirabant. Sed instar amnis in multos rivulos divisi exaruit propemodum illa hæresis, ut adeo sub Justino II. Tiberio, Mauritio & Phoca sat tranquilla pace sit gavisæ Ecclesia. Quod indigne ferens humani generis hostis, novas ex orco misit suppetias. Cum enim Eutychiani viderent suam de una tantum in Christo natura hæresin damnatam esse a Chalcedonensi Synodo, cumque nec per trium capitulorum damnationem convellere, ut sperabant, possent auctoritatem ejusdem Chalcedonensis Concilii, ad alias artes versi, unam tantum in Christo voluntatem, unamque operationem esse dicebant: Cum enim una tantum in Christo sit persona, unus volens, unus operator, unam quoque voluntatem, unamque operationem esse oportere, eamque non humanam sed Divinam duntaxat, cum etiam Persona tantum sit Divina. Perinde autem est, sive hanc hæresin omnino novam dicamus, sive novam quandam hæresin Eutychianæ propaginem, Lernæa velut hydra in nova capita renascente, dum videlicet, cum aperte unam tantum in Christo voluntatem assereret, unam pariter naturam tacita illatione persuaderet. Novo tamen nomine novatores isti signati sunt, atque ab una voluntate, quam adstruebant, Monothelitæ dicti.

Ingen-

Ingentem stragem hæc pestis edidit: utque majores ederet, per sub-  
 limes vertices grassata, magnos viros aut auctores aut patronos nacta est: Per sublimia  
*Theodorum* comprimis Pharanitanum Episcopum, *Atanasium* Jacobitarum  
 Patriarcham, *Cyrum* Alexandrinum, & *Sergium* Constantinopolitanum Pa-  
 triarcham, hujusque successores *Pyrhum*, *Petrum*, *Paulum*: pertracto et-  
 iam in partes suas *Heraclio* Imperatore, qui Persico confecto bello, ab A-  
 thanasio primum, deinde etiam a Cyro & Sergio, persuasus hanc hæresin  
 vulgavit publico edicto, quod *Ecthesein*, seu expositionem fidei appellavit; *Ecthesei*  
 quam dein *Sergius* in Conciliabulo Constantinopoli coacto Episcoporum *Heraclii*  
 subscriptione firmavit, anno 639. severo præcepto omnibus imposito, te, *promoven-*  
 unicam in Christo voluntatem præstitendi; quæ hæresis in *Ecthesei* erat  
 contenta.

Exhorrui melior orbis ad novum hoc monstrum. Nec desuere he-  
 roës, qui cum illo decertarent. Hos inter primo loco celebrandus venit  
*Sophronius*, magnæ probitatis atque eruditionis Monachus, factus postea  
 Patriarcha Jerosolymitanus, qui datis primo ad *Cyrum* ac *Sergium* litteris,  
 convocata deinde Jerosolymis Episcoporum Synodo, errorem istum  
 damnavit.

Hoc cum ægre ferret *Sergius*, *Sophronium* apud *Honorium* Papam  
 accusavit, quod novis *duarum voluntatum* vocabulis Ecclesiam turbet. Scrip-  
 sit etiam *Honorio* *Sophronius*. Visum nonnullis, ut dissidia ista tollantur, *Languenta*  
 novisque Ecclesiæ perturbationibus obviam eatur, abstinendum ab istis *Honorio*,  
*unius* vel *geminae voluntatis* nominibus. Consensit, immaturo & præcipiti  
 iudicio, etiam *Honorius*, datis ad *Sergium*, quem virum bonum crediderat,  
 litteris. At fidem datam fallens *Sergius* (qui tamen *Honorium* induxe-  
 rat) cum *Cyro* aliisque sectariis, unam in Christo voluntatem asserere  
 perrexit, seque ex sententia *Honorii* hoc facere mendacissime prædi-  
 cabat.

*Constantinus* Imperator, rejecta *Avi* sui *Heraclii* *Ecthesei*, novam fidei for-  
 mulam, per *Paulum* Patriarcham Constantinopolitanum, Monothelitam,  
 composuit, quam *Typum* vocarunt, ad *Martinum* Papam transmisit. In  
 hoc Typo prohibetur utraque assertio, tam unius, quam *duarum volun-*  
 tatum & actionum, ut sic discordiæ præcendantur. *Martinus* Papa, coacta Ro-  
 mæ Synodo, conclusit, laudabile quidem esse pacis studium, verum hanc  
 non esse viam ad pacis Orthodoxæ decus: Non esse supprimendam Catho-  
 licam veritatem; præter Divinam, humanam etiam in Christo esse natu-  
 ram, ex Chalcedonensibus haberi tabulis: ubi autem humana natura est,  
 ibi humanam etiam esse voluntatem: Neque enim humanam posse esse  
 naturam, quæ intellectu & voluntate careat humana: Non igitur cum im-  
 piis conticescendum in tenebris, sed dogma Orthodoxum in apertam orbis  
 lucem



lucem producendum. Hæc Synodus : simulque Cyrum, Sergium, Pyrrhum, Paulum, Theodorum damnat, rejecta Heraclii Etheſi & Conſtantiſ Typo, in hæreticorum officinis fabricatis.

7.  
Martinus  
& oppoſuit,

Cumque Martinus Papa de his Concilii decretis Apoſtolicas ad omnes fideles litteras miſſet, excandescens Imperator Conſtans per Theodorum Calliopam S. Pontificem Conſtantinopolim abduſtum, in Cherſoneſum jubet deportari; ubi ærumnis confectus obiit, veritatis Orthodoxæ Martyr. Relegatus pariter in Exilium poſt exſectam linguam ab eodem tyranno *Maximus*, Monachus ſanctitatis & eruditionis fama celeberrimus.

8.  
Agatho in-  
dicſto Con-  
cilio ex-  
ſinxit.

Postquam autem Conſtans, probis omnibus inviſus, Roma propemodum expilata, in Siciliam digreſſus, eſt interemptus in balneo, ſucceſſit in Imperio Filius *Conſtantine Pogonatus*, a Patre pie degener, juſtitia & religionis cultor eximius, qui laceratas tot diſſidiis atque hæreſibus Provincias ut repararet, cum Agathone Pontifice conſilium tot malis amovendis opportunum inſiit. Cumque lues per tot annos jam depaſcens Romanum Imperium non aliter extinguenta videretur, niſi ope generalis Concilii, indiſtum illud eſt anno 680. autoritate *Agathonis* Papæ, atque conſilio & auxilio *Conſtantine*. Habita itaque Romæ Synodo particulari 125. Epiſcoporum Occidentalum, qui tam longo itinere ad Concilium generale Conſtantinopolim proficiſci non poterant, cum legatis Agathonis miſerunt nomine Romanæ Synodi tres Epiſcopos, qui ſententiam Occidentalis Eccleſiæ exponerent. Inſtruxit etiam Agatho legatos ſuos litteris, quibus fidem Orthodoxam de Chriſto non minus clare quam erudite expoſuit.

Convenerunt itaque anno 680. Conſtantinopoli ex variis Provinciis Epiſcopi 289. (quidam pauciores numerant) præſidentibus Concilio Legatis Sedis Apoſtolicæ, *Theodore* & *Georgio* Presbyteris, & *Joanne Diacono* præſente etiam Imperatore, ut Defenſore & Proteſtore Synodi. Ex Patriarchis duo tantum per ſe ipſos aderant, nempe *Georgius* Conſtantinopolitanus, & *Macarius* Antiochenus: Nam *Alexandrinus* & *Jeroſolymitanus* miſerunt Legatos.

## §. II.

### Acta Concilii.

9.  
Macarius  
Antioche-  
nus con-  
tinnax,

Octodecim autem actionibus conſtabat Synodus. In prima propoſitus eſt finis Concilii, nempe ut hæreſis Monothelitarum, a Sergio & ſucceſſoribus ejus inveſta damnetur. *Macarius Antiochenus* Patriarcha, Monothelita, negavit eſſe hæreſin, ſed eſſe doctrinam, acceptam a Conciliis & Patribus, præſertim ab Honorio Papa & S. Cyrillo; cumque ex Cyrillo legeretur, omnipotentem eſſe Chriſti voluntatem, atque *Macarius* ex

ex hoc loco vellet inferre unitatem voluntatis, Legati Agathonis re-  
posuerunt, Cyrillum loqui de Divina Christi voluntate.

In secunda actione Legati Apostolici ex epistola S. Leonis a toto Con-  
cilio Chalcedonenſi acceptata ostenderunt, duas in Christo esse naturas &  
operationes.

In tertia ostensum est, Monothelitarum fraude actis quintæ Synodi  
insertam esse epistolam Mennæ ad Vigilium, supposititiam ac commentiti-  
am: cum quinta Synodus sex annis post mortem Mennæ sit habita.

In quarta præter Synodi Romanæ epistolam lecta est, quam Agatho  
per Legatos suos miserat, in qua ostendit, duas esse in Christo voluntates,  
nullumque ex Romanis Pontificibus unquam a Catholica fide aberrasse.  
*Quomodo hoc scribere potuisset S. Agatho ad Oecumenicum Concilium, si S. Hono-  
rius paulo ante in hæresin Monothelitarum fuisset prolapsus?*

In pluribus deinde actionibus lecta sunt, quæ Macarius pro suo er-  
rore stabiliendo, & quæ Legati pro sua sententia allegarunt; cumque de-  
prehensa esset impostura Macarii ac Monothelitarum in falsificatis ac de-  
pravatis textibus, integra vero fides Legatorum in citandis testimoniis ex  
authenticis codicibus eluceret, Georgius Constantinopolitanus, plures-  
que alii Episcopi, deserta Monothelitarum perfidia, ad veritatem ortho-  
doxam reversi, epistolam Agathonis, Spiritu S. distante per os Petri nopolitano  
scriptam conclamabant. Macario vero pertinaci unanimi voce dictum  
anathema, lataque in eum depositionis sententia, uti etiam in Stepha-  
num ejus Diaconum. Sophronii vero Jerosolymitani doctrina compro-  
bata: Macario in Monasterium detruso.

In actione 12. & 13. lectæ Sergii ad Honorium & Cyrum litteræ: Ma-  
cario deposito subrogatus Patriarcha Antiochenus *Theophanes*. Lecta  
damnationis sententia in omnes Monothelitas, & nominatim in Cyrum,  
Sergium, Pyrrhum, Honorium, Paulum, Petrum.

In actione 14. epistolæ aliquæ a Monothelitis confictæ, & suppositæ  
Mennæ & Vigilio, rejiciuntur.

In actione 15. Polychronius Presbyter & Monachus citatus ad Conci-  
lium, postquam ad fidem Monothelitarum demonstrandam in mortuo re-  
fiscitando frustra laborasset, tanquam contumax hæreticus & impostor  
damnatus est.

In actione 16. Gregorius Constantinopolitanus cum Episcopis suæ  
sedi subjectis rogat, ne sui antecessores, Sergius, Pyrrhus, Paulus, Pe-  
trus &c. nominatim anathemate feriantur; sed a Synodo preces sunt re-  
jectæ.



In 17. concepta fidei definitio, anteriorum etiam Conciliorum symbolo roborato, & repetita condemnatione omnium Monothelitarum, eorumque defensorum ac fautorum.

13.  
Quinam  
nominatim  
damnati?

Denique in 18. actione definitio fidei coram Imperatore iterum lecta approbatur; clamantibus omnibus, se ita credere: renovatumque anathema in Theodorum Pharonitanum, Sergium & Honorium, Pyrrhum & Paulum, Cyrum & Petrum, Macarium, Stephanum & Polychronium; rogatusque Imperator, ut Concilium firmet edicto imperiali, ut contumaces efficacius coerceri possent.

14.  
Subscribit  
Imperator  
præfens,  
Et edicto  
firmat.

Subscripserunt Concilio primo Legati Apostolici, tum Patriarchæ, dein Legati Synodi occidentalis, & reliqui præfentes Episcopi, & post istos Imperator his verbis: *Constantinus in Christo Deo Rex ac Imperator Romanorum, legimus, & consensimus.* Cumque paulo post S. Agatho Papa migrasset e vita, *Leo secundus*, ejus Successor, hanc Synodum confirmavit: simulque Constantinus edicto imperiali mandat, ut omnes sexto huic Concilio generali venerationem dependant, decreta in pervicaces pœna.

*Controversia critica incidens: An Honorius Papa in Monothelitarum hæresin sit lapsus?*

### §. III.

Argumenta, quibus probari videtur Honorii lapsus.

15.  
Probant  
lapsum ex  
2. epistolis  
Honorii,

Eas inter objectiones, quibus varii Pontifices Romani in hæresin incidisse arguuntur, hæc omnium difficillima merito videri potest. Nam duas ad Sergium Patriarcham C. P. Monothelitam scripsit epistolas, in hac Synodo VI. aët. 12. & 13. publice lectas, in quibus cum Sergio & Cyro contra Sophronium visus est convenire, & unam duntaxat in Christo voluntatemque operationem asserere. Propterea ab eadem Synodo Oecumenica una cum Sergio, Cyro, Pyrrho, Paulo &c. damnatur: hæcque eadem damnatio in sequentibus actionibus sæpius repetitur.

16.  
Ex Synodo  
VI. VII. &  
VIII.

Septima item Synodus generalis aët. ult. & octava Synodus aët. 7. inter Monothelitas hæreticos retulerunt etiam nominatim Honorium, eique anathema dixerunt. In eadem Synodo octava aët. 7. lecta & probata est epistola Concilii Romani sub Adriano II. in qua asseritur, Honorium in sexta Synodo de hæresi fuisse accusatum & judicatum post mortem.

17.  
Et Leone II.

Deinde *Leo secundus* Papa, qui Synodum VI. confirmavit, & in Latinum transtulit, in Epistola ad Imperatorem Constantinum, quæ ad finem actuum hujus Concilii exstat, inter alios anathema dicit etiam Honorio, quia Apostolicam Ecclesiam Romanam non Apostolicæ traditionis doctrinæ

na lustraverit, sed immaculatam fidem subvertere permiserit, eandem Honorii damnationem etiam in epistola ad Hispaniæ Episcopos repetit S. Leo.

Anastasius etiam, Bibliothecarius Ecclesiæ Romanæ, qui septimam & octavam Synodum in Latinum vertit, & octavæ Synodo præsens interfuit, in hujus actione 10. recenset, etiam Honorium a S. Synodo esse damnatum; idemque invenitur in omnibus antiquissimis exemplaribus tam Latinis quam Græcis, omnibus quinque Patriarchalibus Sedibus communicatis; ut constat ex act. 18.

18.  
Ex Anastasio  
Bibl.

Denique Honorium fuisse hæreticum varii scriptores Latini & Græci afferunt; ut Tharastius Patriarcha C. P. in epistola: quæ habetur actione 3. Synodi septimæ: Theodorus Jerosolymitanus Patriarcha in epistola synodica, quæ extat in eadem Synodo actione 3. Epiphanius Diaconus in disputatione cum Gregorio hæretico, quæ habetur in sexta Synodo, Psellus in carm. de 7. Syn. Beda de 6. ætat. in vita Constantini IV. liber Pontificalis in vita Leon. II. seu *liber Diurnus Romanorum Pontificum*, in quo exstat formula, qua recens electi Pontifices olim hæreticis anathema dicebant; ubi inter alios etiam Honorius insertus erat.

19.  
Et variis Scri-  
ptoribus.

#### §. VI.

Honorius non fuit lapsus in hæresin.

Propter hanc difficultatem Auctores in varias abeunt sententias. Honorium, tanquam personam privatam, fuisse hæreticum affirmat Melchior Canus libr. 6. de locis, verum hoc videtur non posse dici: Nam Occidentalis Ecclesia eum nunquam pro hæretico habuit, sed potius ut virum Sanctum. Deinde, si fuisset hæreticus, id defumeretur ex gemina ejus ad Sergium epistola, ut volunt adversarii. Sed ex ista hoc non potest defumi: nam in hac nihil invenitur hæreticum; sed cum controversia de una vel duabus voluntatibus in Christo asserendis tunc suscitaretur & Sergius esset conquestus, Sophronium per vocum illarum novitatem totum Orientem turbare, ac de novo collidere inter se Ecclesias, Honorius, Sergii fraudibus circumventus, nec unam, nec duas dicendas esse voluntates ac operationes scripsit, sed ab ejusmodi contentiosis vocabulis omnino abstinendum: ne dum una dicitur, Eutychiani inde inferant, unam etiam tantum naturam esse: & si duæ dicantur, Nestoriani inde ansam arripiant dicendi, duos esse operantes, seu duas personas. Unde standum iis, quæ a quinque Conciliis & Patribus sunt definita, videlicet, unum esse Christum, unum volentem & operatorem, seu unam personam, in Divina & humana natura operantem, in Deitate quidem Divina, in humanitate vero humana. In quibus plane nihil est hæreticum.

20.  
Quia collitur  
ut Sanctus.

21.  
Quia ejus e-  
pistolæ nihil  
hæreticum  
continent.

In



22.  
In quo erra-  
verit.

In eo tantum Honorius videtur peccasse, quod Sergio & Cyro faciles nimium aures adversus Sophronium præhuerit, nec ea se constantia, qua pastorem summum decebat, se opposuerit, & sic veritatem de duplici voluntate (in illis controversiæ initiis necdum, expresse saltem, decisam, neque satis adhuc discussam) non quidem negarit, sed tamen reticendam esse putarit, timore percussus, ne Ecclesia de novo scindatur, & hæretici inde occasionem sumant, Chalcedonensem aut Ephesinam primam Synodum cavillandi, ac propterea silentium utrique parti imponendum duxerit. Quæ quidem bono animo bonaque fide Honorium egisse non dubito: Ut adeo non tantum in hæresin Monothelitarum non sit prolapsus, cum unam tantum voluntatem asserere, expresse prohibuerit, sed ne quidem peccatum formale commississe videatur.

Verum sit, peccasse eum timore, silentio, vel etiam præpropere, re necdum satis discussa, responsione privata ad Sergium deceptorem data: in hæresin propterea incidisse nego. Ex cathedra locutus est nihl, cum responsionem suam non direxerit ad totam Ecclesiam, sed ad privatam Sergii epistolam. Deinde neque ut privatus Doctor propositionem ullam hæreticam epistolæ suæ inferuit. Quis S. Hieronymum hæreticum dicat, quod ante Ecclesiæ definitionem in epistola ad Damasum censucrit, non esse dicendas tres in Deo hypostases? nec Stephanus Papa S. Cyprianum hæreticum censuit, licet (ante Ecclesiæ definitionem) sententiam suam de nullitate baptismi ab hæreticis collati, pertinaciter defenderit.

23.  
Nicolaus I. &  
Agatho scri-  
pserunt nul-  
lum unquam  
Pontificem  
esse lapsum  
in hæresin.

Rursus: Si Honorius in hæresin est prolapsus, quomodo Nicolaus I. in sua ad Michaellem Imperatorem epistola scribere potuit de Romanis Pontificibus: *Hos enim nec tenuis saltem rumor aspersit, aliquando cum prava sapientibus sapere, quanto minus concertare.* Quomodo S. Agatho in sua ad Constantinum Imperatorem epistola I. scribere potuit, Romanam Ecclesiam a tramite Apostolicæ traditionis nunquam aberrasse, nec hæreticis novitatibus depravatam succubuisse, sed ab exordio fidei illibatam permanisse, secundum ipsius Christi promissionem, Apostolorum Principi in Evangelio factam: *Eco autem rogavi pro te, ut non deficiat fides tua, & tu aliquando conversus confirma fratres tuos.* Hoc Apostolicos ipsius Antecessores semper fecisse, hocque omnibus esse compertum, nempe eos semper fratres in fide confirmasse: Quomodo, inquam, hæc scribere S. Agatho potuit in re tam recenti, si Honorius paulo ante in hæresin est prolapsus? Quomodo scribere potuit epistola 2. ad Constantinum, quæ actione 4. Synodi VI. est recitata, fidei lumen per Apostolicos successores Petri & Pauli usque ad eum (Agathonem) servatum esse, nulla hæretici erroris tetra caligine tenebratum, nec falsitatis nebulis confusatum, nec intermixtis hæreticis pravitatibus perurbratum, immune atque sincerum? Quomodo scribere potuisset eadem episto-  
la

la : *Nostræ parvitatæ prædecessores --- Apostolicam Confessionem --- abque cuiuspiam novitatis errore citra ambiguitatem determinarunt ?* Et cur Agatho, vir adeo Sanctus non posuisset Honorium in numero Monothelitarum, quos nominatim enumerat ?

Neque dicas, Honorium in epistola secunda ad Sergium expresse dicere : *Unde & unam voluntatem fateamur Domini nostri Jesu Christi.* Nam hic non dicit, in Christo unam tantum esse voluntatem, sed in humanitate Christi tantum unam esse. Scripserat nempe Sergius Honorio, quosdam in Christo contrarias in humanitate Christi voluntates, unam carnis, alteram Spiritus, inter se pugnant. Hunc errorem rejecit Honorius, scripsitque, in Christi humanitate non existere duas voluntates, sed unam tantum, & quidem voluntati Divinæ perfecte subjectam & obedientem; ut adeo in eo caro non concupierit adversus spiritum, ( contra ac in nobis post originale peccatum contingit ) ut ex contextu manifeste patet.

Confirmatur autoritate S. Maximi, Honorio coævi, qui in dialogo contra Pyrrhum, Sergii successorem, Monothelitam, proferentem pro testimonium Honorii, respondet, Honorium semper fuisse Catholicum, mentemque ejus nunquam fuisse, negandi duas in Christo voluntates, sed tantum negandi duas contrarias & pugnant in natura humana : idque probat ex testimonio Joannis ( postea Papæ Joannis IV. ) Secretarii ipsius Honorii, qui epistolas illas ab Honorio dictatas scripserat, atque tunc adhuc superstes erat. Hic igitur Secretarius, qui a S. Maximo multum dilaudatur, ad Constantinum Imperatorem sic inter alia scripsit ex mente Honorii, sibi perspecta : *Sane quod unam Domini nostri voluntatem diximus, non est accipiendum, quasi de duabus, Divinæ & humanæ naturæ dictum voluntatibus, sed humanæ tantum.* Cum enim Sergius scripsisset, prædicare quosdam, duas esse Christi voluntates contrarias, nos rescripsimus, Christum duas voluntates contrarias non habere.

Denique cum Honorius in tota illa Epistola contendat, non esse dicendam unam in Christo Deo & homine voluntatem, neque duas, sed ab his vocabulis abstrahendum, quis credat, eum sibi ipsi adeo manifeste contradicere, & unam tantum in supposito illo Theandrico voluntatem asserere ? Igitur unam dixit voluntatem humanæ naturæ.

Sed quid opus hoc pluribus comprobare, cum veritatem Catholicam circa duas voluntates in Christo in ipsis illis epistolis, quæ Honorio obijciuntur, satis aperte fateatur, solumque a vocabulis abstinendum asserat, ne Ecclesia novis scindatur dissidiis ? Sic in 2. epist. ait : *Utrasque naturas rationes:*



in uno Christo, unitate naturali copulatas, cum alterius communione, operantes atque operatrices confiteri debemus: & Divinam quidem, quæ Dei sunt, operantem, & humanam, quæ carnis sunt, exequentem. Quæ plane verba sunt Catholica, & hæresi Monothelitarum directe contraria.

27.  
DD. plurimi  
stant pro Ho-  
norio,

Omitto proin Honorii fidem pluribus vindicare; possent enim plurimi testes, non tantum recentiores, sed antiquissimi etiam adduci, qui Honorium semper Catholicum fuisse scribunt: ut Theophanes Iſaurus in historia, quam citat Emanuel Calleca in libro, quem scripsit pro Latinis contra Græcos. Photius etiam, licet Romanæ Ecclesiæ hostis, in libello de septem Synodis, & Zonaras in vita Constantini IV. quamvis nominatim referant damnatos a VI. Synodo, Honorium tamen inter eos non ponunt.

Taceo Scriptores Latinos, qui fere omnes, cum Blondo, Naucleo, Sabellico, Platina &c. Honorium tanquam Catholicum & sanctum Pontificem agnoscunt; imo etiam Beda, licet eum Canus contra Honorium citet: nam Beda illum modo ut beatum, modo ut sanctum dilaudat, ut videre est in *Historia Anglorum* l. 2. c. 17. &c. Unde Bellarminus putat, in librum de sex ætatibus mundi ab aliquo sciolo nomen Honorii esse insertum, eo quod in Synodo VI. sæpius invenerit ejus nomen positum inter Monothelitas damnatos.

#### §. V.

Acta tamen Synodi VI. &c. referentia nomen Honorii probabilius non sunt corrupta.

28:  
Argumenta,  
acta esse cor-  
rupta.

Sed quid dicendum ad difficultatem initio propositam? est enim innegabile, nomen Honorii in editionibus Synodi VI. VII. & VIII. inter Monothelitas damnatos inveniri, uti etiam in epistola Leonis secundi, qua Synodum sextam confirmavit.

Baronius, Bellarminus, Spondanus, Binius, Ant. Mayr. *Theol. tract.* 7. d. 3. art. 13. censent, acta Synodi VI. esse corrupta, & Honorii nomen fraude Græca esse insertum. Probant id 1. ex eo, quod epistolæ Honorii nihil contineant dignum damnatione: consequenter si Concilium ipsum tanquam hæreticum damnasset, in absurdum errorem vel iniquitatem esse prolapsum; quod dici non potest. 2. Quia S. Agatho asseruit, nullum unquam ex suis Prædecessoribus fidem hæretica pravitate miscuisse, vel hæreticum fuisse.

3. Quia Concilium Agathonis epistolam act. 3. recipit, tanquam a Spiritu S. per os Petri dictatam. Si autem Concilium Honorium toties tanquam hæreticum damnasset, manifeste sibi ipsi contradiceret; imo Spiritus

ritus S. secum ipso pugnaret: qui per epistolam Agathonis omnes Antecessores Romanos Pontifices, adeoque etiam Honorium, ab hæretica pravitate immunes pronuntiaret, simulque per Concilium Honorium hæreseos damnaret.

4. In Concilio Romano sub Martino I. cui notissima erat Honorii doctrina ac fides, damnantur nominatim alii Monothelitæ, nunquam autem Honorius. Item quia Synodus VI. in epistola ad Agathonem scribit, se damnaſſe Monothelitæ *ex ſententia Agathonis per litteras de iis prius lata*. Atqui Agatho in ſuis litteris non damnavit Honorium: ergo neque Concilium: ſed nomen Honorii obreptitè fuit actis inſertum.

5. Quia plures Scriptores, etiam Græci, Honorium omittunt, dum damnatos a Concilio VI. recensent.

6. Quia alias conſuetudo fuit Græcorum corrumpendi libros: & in hac ipſa VI. Synodo act. 12. & 14. deprehenſæ fuerunt plurimæ corruptiones Concilii V. ab hæreticis factæ, adeo ut tres quaterniones ſpurii inſerti fuerint. Idem manifeſte oſtenditur de multis aliis epistolis, Græca perſidia corruptis: uti etiam de Synodo tertia, quarta, quinta & ſeptima corruptis, ut conqueruntur Pontifices Leo I. & Nicolaus I. cur ergo id dici non poſſit de Synodo VI. eam videlicet inferendo nomen Honorii eſſe corruptam a Græcis, ut inter tot orientales Patriarchas condemnatos exſtaret etiam nomen unius Romani? præfertim cum poſt Synodum VI. multi rursus orientales Episcopi Conſtantinopolim redierint, ibique ediderint Canones *Trullanos*: quorum non alius ſcopus videtur fuiſſe, quam taxandi ac reprehendendi Romanam Eccleſiam; vide Bellarminum *tom. 1. controver. 3. de Roman. Pent. l. 4. c. 11.* ubi etiam adducit teſtimonium Anaſtaſii Bibliothecarii, qui ex Theophane Iſauro Græco refert, nomen Honorii poſtea primum actis Concilii inſertum eſſe.

Jam vero corrupta ſemel ſexta Synodo, facile fuit, errorem illum etiam in ſeptimam & octavam Synodum irrepere, repetitum enim in eis fuerat, quod in actis Synodi VI. legerant. Accedit, quod etiam acta Synodi VII. & VIII. non ſint incorrupta. Unde etiam idem reſponderi poteſt ad allatam authoritatem Concilii Romani ſub Adriano II. quando dicit, Honorium in Synodo VI. eſſe judicatum: nam aſſeruit id, quod in actis Synodi VI. corruptis legerat. Confirmatio Leonis II. corrupta ab illis ipſis eſt, a quibus Synodus VI. fuit corrupta: cum epistola Leonis fit pars actuum illius Concilii: niſi omnino ſit ſuppoſititia; nam, ut notant Baronius & Binius, tempus, quo data dicitur, non concordat, cum illo tempore necdum fuerit Pontifex, & tantum decem menſes ſederit.

Addit Spondanus *ad an. 681.* probabiliffime Theodorum Monothelitam (qui alius fuit a Theodoro Pharanitano, condemnato a Synodo



VI.) prius depositum a Patriarchatu Constantinopolitano, sed post mortem Georgii, ob simulatam poenitentiam rursus restitutum, illa acta in manus recepisse, suumque nomen delevisse, ac Honorii supposuisse; non enim esse credibile, hunc Theodorum nunquam in Concilio nominari, cum tamen etiam reus fuerit.

29.  
Sed non est  
fatis credibi-  
le, omnia  
exemplaria  
esse corru-  
pta.

30.  
Probatur.

Ita quidem isti Doctores. Verum alii magnam in his difficultatem inveniunt; non enim videtur ipsis fatis credibile, omnia omnino exemplaria Synodi VI. esse corrupta, seu potuisse corrumpi: nam, licet ea quæ Constantinopoli asservabantur, potuerint corrumpi, quomodo autem corrumpi potuerunt illa, quæ alii Patriarchæ, ut act. 18. insinuatur, ad finem Concilii, secum asportarunt, & præsertim illud exemplar, quod Romam deferrebant Pontificii Legati? Quomodo ista Theodorus corrumpere potuit, præsertim cum primum triennio post Synodum VI. Georgio mortuo in sedem C. P. fuerit restitutus? Cur nemo corruptionem illam tunc advertit, & redarguit, in re tanti momenti, sicut alias corruptiones? cur Romani non vindicarunt innocentiam sui Pontificis? cur Legati Romani in septima & octava Synodo non sunt protestati? cur Anastasius Bibliothecarius Pontificius in VIII. Synodo Legarus, in hujus versione actione decima recenset, etiam Honorium a Synodo VIII. esse damnatum? An credibile, septimam & octavam Synodum generalem tam facile per imposturam corruptentium acta Synodi VI. in errorem inductas, immaturo judicio Honorio dixisse anathema? cur idem Anastasius in præfatione in sua collectanea ad Joannem Diaconum scribit: NB. Honorium a Synodo VI. esse damnatum, non tamen fuisse hæreticum? cur Humbertus Cardinalis doctissimus, Leonis IX. ad Imperatorem orientis Legatus, ac in libro adversus Nicetam Pectoratum ingenuè fatetur, a Synodo VI. anathema dictum esse Honorio? cur Ado Viennensis in chronico: Hincmarus Remensis lib. de non trina Deitate, pag. mihi 446. Cedrenus, aliique vetusti scriptores idem affirmant? cur usque ad Baronium imposturam illam nemo advertit? cur ipsi Pontifices Leo II. & Adrianus II. acta illa circa Honorium vera supponunt, imo testantur? Epistola Leonis II. qua confirmavit Synodum VI. ubique est recepta: aut qua alia epistola confirmavit illam Synodum, si hæc est supposititia? cur omnes Conciliorum collectores tam Latini quam Græci hanc imposturam actis Conciliorum intulerunt? cur hodie dum id faciunt in tot novis Conciliorum editionibus? & quidem spectante Roma? Si impostura est, cur non rejicitur: ut acta pura habeantur?

Facile equidem fuit Græcis, aliqua epistolarum, & actorum Conciliarium exemplaria corrumpere. At quomodo potuerunt omnia exemplaria, per orbem dispersa, corrumpere, ut nec unicum manserit integrum?

grum? certe fraudes Græcorum, quibus varias epistolas, & Synodum V. in aliquibus exemplaribus corruperunt, per adducta alia exemplaria, pura ac integra, in Synodo VI. detecta sunt. Cur ergo corruptiones Synodi VI. detegi non potuerunt in Synodo VII. & VIII. adductis exemplaribus incorruptis, & recentiore adhuc rei tam magnæ ac novæ memoria? deinde an non sic etiam alia veterum Conciliorum acta suspecta reddi possunt? & cur Græci non potius corripissent ipsas Honorii epistolas, ut sic hæresis illius esset manifesta?

## §. VI.

An Synodus VI. erraverit in damnando Honorio?

Propter has difficultates aliam adhuc adducit Bellarminus sententiam ex Turrecremata *lib. 2. de Ecclesia cap. 93.* damnatum quidem in Synodo VI. esse Honorium, sed ex falsa informatione, ac proinde in eo iudicio errasse. <sup>31.</sup> Aliqui censent Synodum errasse. Licet enim Concilium generale legitimum errare non possit in definiendis fidei dogmatibus, errare tamen posse in quæstionibus facti: atque sic a Concilio, falsis rumoribus, & non intellectis Honorii epistolis, immerito cum hæreticis Honorium esse connumeratum: meliusque illas epistolas esse intellectas a Joanne IV. Martino I. Agathone & Nicolao I. summis Pontificibus, quam a Græcis in Synodo VI., Legatos autem Agathonis non reclamasse ad evitandum majus malum, ne scilicet impediretur definitio rectæ fidei, & non posset tolli schisma, quod annis 40. jam duraverat: cum enim in eo sint Concilio damnati Sergius, Pyrrhus, Paulus & Petrus, Patriarchæ Constantinopolitani, Cyrus Patriarcha Alexandrinus, Macarius Patriarcha Antiochenus, non facile acquieturos fuisse Græcos, nisi etiam Honorius damnaretur, qui una cum illis accusatus fuerat. <sup>In quæstione facti.</sup>

Verum etiam hæc sententia magnam patitur difficultatem, neque eam Bellarminus tam ex sua quam Turrecrematæ mente protulit. <sup>31.</sup> Nam ad hoc modum difficulter videtur dici, Concilium ex falsis informationibus, & non intellectis litteris Honorii in negotio tanti momenti leviter processisse, & ita errasse. Sed hoc non intellectis litteris Honorii in negotio tanti momenti leviter processisse, & ita errasse. Et quomodo est credibile, Romanam Ecclesiam, ipsosque Pontifices Synodum in re tanti momenti errantem absque ulla limitatione approbaturus fuisse, cum alias in rebus minoris momenti reclamarint? <sup>31.</sup> Viderint, qui ita respondent, an non ansam aliquam præbeant hæreticis dicendi, Concilia & Pontifices in damnandis hæreticis non esse infallibiles, e.g. Concilium Tridentinum in damnando Lutero & Calvino, Innocentium X. in damnando Jansenio tanquam hæretico. Quamvis magna sit disparitas; cum horum libri in ipsissimo sensu ab auctoribus intento sint manifeste hæretici, adeoque etiam ipsi censendi sint hæretici; Doctrina autem



autem Honorii nihil hæreticum in se continebat in sensu ab ipso intento.

## §. VII.

Quomodo ergo Honorius absolvendus ab hæresi, si Synodus eum damnando ut hæreticum non erravit?

33-  
Tertia sen-  
tentia cri-  
ticorum.

**T**ertia proin est sententia Ludovici du Mesnil de *Dôctr. & Discipl. Eccl.* ad an. 681. libr. 33. n. 30. Joannis Cabassutii de *Notitia Conciliorum in Syn. VI. Oecum.* Petri Annati in *Appar. ad Theol.* l. 5. art. 7. Antonii Pagi *Crit. in Annales Baronii* ad 633. Alex. Natalis *Dissert.* 2. ad sæc. 7. Joan. Garnerii S. J. *Dissert.* 2. ad *Diurnum librum Rom. Pontif.* Petri de Marca, ut testatur Baluzius in ejus vita, quam præfixit ejus operi de concordia Sacerdotii & Imperii.

34-  
Erravit  
dissimula-  
tione veri-  
tatis,

Scriptores isti eruditi agnoscunt quidem veritatem & integritatem actorum Synodi VI. negant tamen Honorium fuisse vere hæreticum, nec propterea in eo damnando errasse Concilium; quia Honorium vocavit hæreticum, damnavitque, non quod epistolæ ejus fuerint hæreticæ, aut propositio aliqua hæretica in iis fuerit inventa, aut quod proprio judicio & sententia animi proprii hæresis fuerit auctor, sectator aut defensor, sed ideo, quia silentio, dissimulatione, & negligentia, Sergio & Cyro nimium indulgendo: sicque nascenti hæresi se non opponendo, ut debebat, hæresi & hæreticis faverit, ut adeo ex ipsius dissimulatione & veritatis silentio hæresis in majores vires excreverit, ut patet ex epistola Leonis II. ad Episcopos Hispaniæ; in qua de Honorio scribit: *Qui flammam hæretici dogmatis non, ut decuit, Apostolica auctoritate, incipientem extinxit.*

Non satis  
coërcendo  
Sergium  
& Cyrum.

Quare non fuit hæreticus, hæresin aliquam docendo, aut tenendo, aut defendendo, sed in sensu latiore & minus proprio, tunc tamen non inusitato, a Concilio dictus fuit hæreticus, tanquam hæresis fautor, quia non restitit hæreticis, eos coërcendo, ut summi ejus Officii ratio poscebat, ejusdem autem culpæ rei censentur erroris Authores & Fautores, scribente Cœlestino Papa ad Galliæ Episcopos: *Merito namque nos causa respicit, si silentio faveamus errori*; quare in sensu aliquantum ampliore hæresum auctores, sectatores, defensores, & fautores conniventes, promiscue hæreticorum nomine sunt appellati & condempnati.

35-  
Hæc senten-  
tia media  
absolvit a  
corruptione  
acta,

Hæc sententia, quamvis etiam ipsa difficultate non careat, videtur tamen expeditius controversiam istam dirimere, media quasi via incedendo. Nam absolvit a corruptione acta Concilii, ab hæresi Honorium, & ab errore Concilium. Salvat epistolam Agathonis, in qua scripsit, nullum suorum antecessorum a fide defecisse: nam Honorius non defecit a fide.

Quod

Quod autem Concilium VI. approbarit epistolam Agathonis, in qua Honorius non fuerat damnatus, nulla est contradictio; nam Agatho tantum damnavit præcipuos auctores Monothelitismi, Concilium vero omnes Monothelitas, eorumque fautores: Unde Concilium damnavit etiam Marcium & Polychronium, quos Agatho non nominavit. Salvari etiam Ab hæresi videtur id, quod dicit Concilium, nempe, Honorium in omnibus secutum esse sententiam Sergii, ejusque impia confirmasse dogmata. Nam secutus est ejus sententiam de abstinendo a vocabulis unius ac duplicis voluntatis & operationis, atque de imponendo Sophronio silentio, hæresin vero Sergii, quam ille de una tantum in Christo voluntate constanter tenuit, impiaque ejus dogmata Honorius non est secutus, nec confirmavit ea positive: nam de hac confirmatione in ejus epistolis nihil invenitur, sed secutus est, & confirmavit ea negative, silendo, connivendo, dissimulando, negligendo, ac non resistendo, prout oportuit. Et in hoc sensu dixit Concilium, Honorium secutum esse sententiam Sergii, ejusque impia dogmata confirmasse: Cum hac conniventia pusillanimitatis, ac meticulosa, majores vires acceperit hæresis; præsertim dum Monothelitæ falso spargerent, Honorium secum sentire, occasione inde arrepta, quod Sergio & Cyro, non resisteret, & in suppressionem vocabulorum de una & duplici Christi voluntate consentiret contra Sophronium, strenue se opponentem.

Ab errore  
Concilium.

At vehementer hic insurgit contra Honorium Cabassutius loc. cit. quamvis enim dicat, Honorium hæreticum non fuisse, adeo tamen acriter in eum invehitur, reprehendendo illius epistolas, quibus prohibuit vocabula unius ac duplicis voluntatis, ut videatur, assertionem suam rursus velle evertere, & probare, Honorium fuisse re vera hæreticum. Maxime autem urget paritatem epistolæ Honorii cum Henotico Zenonis, & Constantis Typo, in quibus pariter nihil aliud sancitum sit, quam in illo quidem silentium de una vel duplici natura, in hoc vero de una vel duplici voluntate: & tamen utrumque tanquam nefarium esse rejectum. Sed

36.

Disparitas  
cum Henotico, &  
Typo.

Resp. Henoticon contrarium fuisse Synodo Chalcedonensi, fabricatum videlicet, postquam hæc Synodus jam definierat, duas in Christo esse naturas, adeoque erat hæreticum. Typus vero Constantis ante Synodi VI. definitionem de duabus in Christo voluntatibus, non erat proprie hæreticus per hoc præcise, quod vellet, abstinendum esse a vocabulis unius & duplicis voluntatis. Sed rejectus a Martino I. & Concilio Romano: tum quod imprudens esset & improbandum ejusmodi silentium, & veritatis dissimulatio, tum quod Monothelitæ hoc silentio abuterentur ad stabilendam suam hæresin. Econtra Honorius sub initium illius controversiæ, & ante illius decisionem silentium de una & duplici voluntate imponendum putavit, ex fine, ut ipsi videbatur, bono, nempe ne nova in Ecclesia



Ecclesia oriantur schismata & dissidia. In quo tam parum in sensu proprio & stricto fuit hæreticus, quam parum hæreticus fuit S. Hieronymus, dum ante Ecclesiæ definitionem putavit abstinendum a dicenda trina in Deo hypostasi: imo ne quidem S. Cyprianus censendus est fuisse hæreticus, licet ante Ecclesiæ definitionem positive assereret nullitatem baptismi ab hæreticis collati. Nam hæresis proprie est iudicium intellectus pertinax contra veritatem, de cuius revelatione in Ecclesia sufficienter constat.

37.  
Neque est  
locutus ex  
cathedra,

Sed priva-  
tam scripsit  
epistolam.

Cæterum notandum, licet Honorius re ipsa fuisset prolapsus in hæresin, & in stricto omnino ac proprio sensu damnatus fuisset a Concilio ut hæreticus, nihil tamen inde evincerent hæretici contra infallibilitatem Pontificis, loquentis ex cathedra, seu docentis totam Ecclesiam circa dogmata fidei. Non enim ille epistolam scripsit encyclicam, aut eam ad totam Ecclesiam seu omnes fideles direxit, neque ullum dogma fidei definivit, sed tantum ad privatam epistolam Sergii privata pariter epistola respondit, consequenter tanquam privatus Doctor. Neque verum est, quod P. Anton. Mayr. *Theol. tract. 7. disp. 3. art. 13. num. 389.* asserit, Pontifices semper loqui ex cathedra, quando responsa ad quæstiones fidei spectantia, privatis tantum Episcopis mittunt, quia non raro privatam tantum sententiam suam exponunt, absque definitione Papali, ut in hoc negotio fecit Honorius, nihil circa fidei dogmata definiendo. Si talia responsa, juri Canonico inserta, totam Ecclesiam ad credendum obligant, id contingit ideo, quia constat, vel aliunde jam illa ab Ecclesia esse definita, vel Papam illa non tantum ad privatum Episcopum, sed ad omnes fideles direxisse, iisque sufficienter definitionem suam intimasse, quod non fecit Honorius: adeoque nullatenus inferri potest, eum locutum esse ex cathedra. Unde Cardinalis Sfondrati in Gallia vindicata differt. 3. §. 1. num. 9. ait: *Uicunque Honorii res se habeant, certum est, nihil causæ nostræ ejus exemplum aut errorem obstare, si quis fuit: quis enim nescit, epistolas Honorii ad Pyrrhum & Sergium, oh quas hæresis accusatus dicitur, privatas fuisse non publicas, nec dogmaticas, & in quibus nihil Honorius definivit, sed mentem tantum suam privatamque sententiam aperuit &c.*

Et plane constat aperte, Honorium in suis ad Sergium epistolis censuisse, abstinendum a vocibus unius vel duarum voluntatum; si ergo responsum ejus ad quæstionem fidei spectat, & ex cathedra locutus est, vereor, ne inde inferri possit id, a quo laudatus supra auctor, Pontificiæ infallibilitatis Defensor eximius, quam maxime abhorret. Deinde, si Honorius censendus est locutus ex cathedra, inferre fortassis quis posset, etiam alios pontifices, quibus varii errores objiciuntur, ex cathedra esse locutos, e. g. Vigilium, dum initio censuit, tria capitula non esse damnanda: Stephanum

phanum VI. & Sergium III. dum ordinatos a Formoso iterum ordinandos decreverunt: Joannem XXII. dum animas ante diem iudicii in cœlum non venire docuit.

Cæterum, ut dixi, Honorium neque ut personam privatam in hæresin incidisse existimo, cum illius epistolæ nihil hæreticum contineant. Imo ne quidem formaliter peccasse videtur; cum in illis controversiæ initiis, a Sergio & Cyro deceptus, ea intentione scripserit, ne Ecclesia novo scindatur schismate, & ne Nestoriani & Eutychiani inde hæresi suæ prætextum quærant.

Imo neque formaliter peccasse videtur.

Falsum etiam est, quod idem auctor asserit in sua Theologia loc. cit. num. 389. quod Agatho ut Pontifex Synodum VI. confirmaverit. Nam Agatho neque ut Pontifex, neque ut persona privata Synodum illam confirmavit, cum jam fuerit mortuus, quando Legati ipsius a Synodo Romæ cum actis Synodi reversi, ut patet ex epistola Leonis II. ad Constantinum Imperatorem scripta, in qua Synodum VI. confirmavit; extat hæc epistola ad finem actorum Synodi VI. Unde non Agatho, sed Leo II. ejus successor, Synodum illam confirmavit.

Multo autem magis contra fidem historicam peccavit *Melchior Canus*, dum scripsit, Agathonem in sua ad Constantinum Imperatorem epistola, quæ actione VI. habetur, anathema dixisse Honorio, tanquam Monothelita. Sed forte Canus recursum habet ad *Bartholomæum Carranzam*, confodalem suum, qui in summa Conciliorum *Actione IV.* dum in epitomen contraxit Agathonis epistolam, ante Synodi VI. initium scriptam, inter hæreticos nomen Honorii eidem inseruit, falso omnino; ab hoc proinse deceptum dicere Canus potuit. Taceo alterum Cani lapsus, levio-rem, dum scripsit, hanc epistolam Agathonis datam esse ad Synodum VI. non enim ad Synodum, sed ad Imperatorem Constantinum Pogonatum scripta est, antequam Synodo VI. initium erat datum. Taceo etiam alterum Carranzæ lapsus historicum, dum statim ad initium Synodi VI. scribit, *Cyrum & Theodorum*, qui a Synodo VI. sunt damnati, fuisse Archiepiscopos Constantinopolitanos: cum Cyrus fuerit Patriarcha Alexandrinus, Theodorus vero Episcopus Pharanitanus.

39.

Error Cani,

Et Carranzæ.

### §. VIII.

#### De Diptychis.

Cum in hoc VI. Concilio de Ecclesiæ Diptychis ablata sint nomina Cyri, Sergii, aliorumque Monothelitarum, quæres, quid sint illa Diptycha?

40.  
Quid contineant?

Resp. Diptycha seu *Duplicata* dicebantur geminæ tabulæ, quarum una continebat nomina fidelium vivorum, altera mortuorum; cumque

Pars III.

N

pro



pro utrisque in Ecclesia sacrificia & preces offerrentur, ea nomina ex Diptychis publice legebantur e pulpito; excommunicatorum autem nomina ex iis debebantur. Cum autem fidelium omnium nomina propter multitudinem recitari non possent in quotidianis fidelium collectis, præcipua tantum, nempe Episcopi Romani, Patriarcharum viventium, Episcopi loci & Imperatoris legebantur, reliquorum nominibus generali memoria comprehensis.

41.  
Diptycha  
Sanctorum.

Utr-que anti-  
quissima.

Ufus est antiquissimus, cujus meminerunt S. Dionysius Eccles. Hier. c. 3. Cyprianus epist. 10. Liturgiæ Basilii, Innocentii I. Chrysostomi. Erant autem præter hæc fidelium vivorum & mortuorum Diptycha, pro quibus orabat Ecclesia, etiam *Diptycha Sanctorum*, quos publice colebant & invocabant fideles inter Missarum solennia, ut constat ex omnibus veterum liturgiis, ac Patribus, ut Cyrillo Jerosol. catechesi 5. ubi ait: *Postea mentionem facimus eorum etiam, qui ante nos obdormierunt, Patriarcharum, Prophetarum, Apostolorum, Martyrum, ut Deus orationibus illorum & deprecationibus suscipiat preces nostras.* Viderint hic Acatolici morem antiquissimum, solennem & publicum colendi & invocandi Sanctos, ac pro defunctis sacrificia & preces offerendi: qui mos hodieum continuatur in Ecclesia Catholica in Missæ Canone.

42.  
Schisma oc-  
casione Di-  
ptychorum.

Cæterum propter deletionem nominum ex prædictis Diptychis sæpius magni tumultus sunt excitati, præsertim vero cum *Acacius* Patriarcha C. P. Henotici (in quo abstinendum a vocibus unius aut duplicis in Christo naturæ decernebatur) auctor & suavor Zenoni, a *Felice* Papa tertio damnatus fuerat: nam *Acacius* nomen ipsius *Felicis* e Diptychis Ecclesiarum, sibi subjeotarum erasit, ex quo schisma 36. annorum est exortum, urgentibus Romanis Pontificibus, ut nomen *Acacii* e sacris Diptychis deleteretur, obstantibus cum *Anastasio* Imperatore Patriarchis Constantinopolitanis: donec sub *Hormisda* Papa, & *Justino* Principe inter orientalem & occidentalem Ecclesiam restituta est concordia, damnatis *Zenone*, *Anastasio* & *Acacio*, ablatis eorum nominibus e sacris Diptychis, ac *Felicis* nomine restituto.

#### §. IX. Appendix.

##### *De Synodo Quini - Sexta Trullana.*

43.  
Synodus  
Trullana

Reprobata:

Cum in quinta & sexta generali Synodo nulli essent editi Canones, ad Ecclesiasticam disciplinam spectantes, Orientales Episcopi post plures annos ab habita Synodo VI. convenerunt rursus Constantinopoli in Secretario palatii Imperatoris, quod *Trullum* dicebatur, ibique 102. Canones condidere, tempore Justiniani secundi Rhinotmeti. Hæc Synodus, quam Græci *Penthecten* seu *Quini - Sextam*, tanquam supplementum quintæ & sextæ

sextæ generalis Synodi appellarunt, a Sergio Papa reprobata est, ut testantur Anastasius Bibl. in Sergio, Beda de sex atet. Paulus Diaconus l. 6. c. 4. Otho Frisingensis l. 5. c. 13. Ado Vienn. in Chron. quia nec auctoritate Papæ fuit convocata, nec præsentem illo, aut ejus Legatis; & quia plures sunt inter eos canones merito reprobandi.

Sic Canone 2. recipiuntur 85. Canones Apostolorum, de quibus supra diximus, aliquos ab Ecclesia nunquam esse receptos, c. 13. permittitur usus matrimonii Presbyteris & Diaconis, jam ante ordinationem conjugatis, can. 36. Constantinopolitanum Episcopum æqualem faciunt Romano. Can. 55. Sabbatorum jejunium etiam in quadragesima reprobatur, damnato Ecclesiæ Romanæ usu, Prohibentur etiam omnes alii Canones, exceptis istis Trullanis. Sicque hoc conventiculum videtur prima sparsisse semina erumpentis postea schismatis.

Isti proin Canones hujus Conciliabuli vim legis non habent, ab isto saltem Synedrio. Multi tamen sunt ex iis probi admodum, & Ecclesiasticæ Disciplinæ perquam opportuni, qui aliunde auctoritatem habent, vel quod jam ante ab œcumenicis Conciliis sint editi, vel ab Ecclesia postmodum recepti. Saltem serviunt, tanquam argumentum ad hominem, ad convincendos hæreticos, qui hoc Concilium non raro nobis objiciunt: plerique enim Canones sunt omnino Catholici, & Novatorum doctrinæ prorsus contrarii.

Sic Canon 12. usum conjugii Episcopis conjugatis interdicat. Canon 32. reprobat usum Armenorum, qui in SS. Missæ sacrificio vinum non miscbant aqua, ritumque vinum modica aqua permiscendi ex liturgia S. Jacobii Apostoli, & S. Basilii probat. Canon 82. venerabiles imagines pingi præcipit, præsertim etiam Christi sub agni specie.

44.  
Aliqui tamen  
Canones,

Et aliunde  
in Ecclesia  
recepti.

## ARTICULUS VII.

### De Concilio Generali VII. Nicæno II.

*Pro*

*Cultu SS. Imaginum, contra Iconoclastas, sub Hadriano I.  
Constantino & Irene. Anno 787.*

### SUMMARIUM.

§. 1.

Synopsis Historica.

1. Leo Isaurus contra sacras imagines  
cepit rugire,

2. Dejecto S. Germano, & S. Joanne  
Damasceno iniquissime accusato;  
3. Excommunicatus propterea a Papa,  
spirans minarum misere perit.

N 2

4. Revixit



4. *Revixit impietas adhuc immanior in Copronymo filio, altero velut Antiocho,*

5. *Qui Conciliabulum cogit Constanti-  
nopoli contra SS. imagines.*

6. *Leo IV. Patris, Avique insistit  
vestigiis.*

7. *Eo mortuo, sub Irene & Constan-  
tino indictum Concilium Nicenum.  
In quo vindicata SS. Imaginum re-  
ligio.*

## §. 2.

## Acta Concilii.

8. *Recepti plerique pœnitentes Episcopi,  
qui Conciliabulo Copronyni interfue-  
rant.*

9. *Ac tandem etiam Gregorius Neoca-  
sariensis, fax ante & tuba Iconoclasta-  
rum, atque Conciliabuli illius Præses.*

10. *Ostensa antiquitas cultus SS. Ima-  
ginum.*

11. *Angelos posse depingi.*

12. *Definitio cultus SS. Imaginum.*

13. *Lecta in Concilio sententia Joannis  
Thessalonicensis, quod Angeli depingi  
possint, quia sunt corporei.*

14. *Esse corporeos plures olim putabant  
Patres.*

15. *Concilium autem definivit quidem  
eos posse depingi: rationem tamen,  
quod sint corporei, non approbavit:  
imo decidit eos esse incorporeos.*

## §. 3.

## Canones Concilii.

16. *Electio Episcopi non fiat per sæcula-  
res &c.*

17. *Sacra Reliquiæ exponendæ in templis.*

18. *Prohibiti libri hæretici.*

19. *Quod infertur Monasterio, non resti-  
tuendum, licet exeant.*

## §. 4.

*De Concilio Francofordiensi, in  
quo damnata Synodus VII.*

20. *Hæresis Elibandi & Felicis Urge-  
litani damnata.*

21. *Item Synodus VII. ex duplici falso sup-  
posito: quia putabant, coactam sine con-  
sensu Papæ: & in ea decretum Ima-  
ginibus supremum cultum Latræ.*

22. *Nomine adorationis, cum agitur de  
cultu Imaginum, propter pusillos caute  
utendum.*

23. *Exemplo Concil. Trid.*

24. *Non tamen Francofordienses PP.  
abjecerunt SS. Imagines, ut faciunt  
novi Iconoclastæ.*

## §. 5.

## Crisis de libris Carolinis.

25. *Hi libri nuper detecti multum dilau-  
dantur a Præconibus Protestanticis.*

26. *Sed sunt mere supposititii;*

27. *Nam Carolus M. fuit doctus. Hi  
autem libri rudissimi & ineptissimi,*

28. *Scatentque falsitatibus.*

29. *Plura argumenta contra istos libros.*

30. *Confundunt tamen ipsos Sectarios.*

31. *Horum indoles.*

## §. I.

## Synopsis Historica.

Postquam hæresis in Oriente adversus Christum Dominum per plura sæcula rabiem suam expromperat, modo cum Arianis eum Patri consubstantialem negans, modo cum Nestorio in duas eum personas dividens, modo cum Eutychianis in unam naturam, aut cum Monothelitis in unam voluntatem constringens, Nicænis, Ephesinis, Chalcedonicis, ac Constantinopolitanis fulminibus contrita fuerat; tandem ut revivisceret, adversus Christi Sanctorumque imagines furere cœpit, idoneum ac potentem ad hoc nacta adiutorem, *Leonem Isauricum* Imperatorem, præstigiis quibusdam dementatum.

Leo Isaurus  
contra SS.  
imagines,  
rurit

Hic quippe sacras imagines edicto imperiali proscripsit: cumque se populus Constantinopoli opponeret, immani persecutione sæviit, sancto *Germano* Patriarcha dejecto & in exilium pulso, inque ejus locum suffecto *Anastasio* Iconoclasta. Atrocior adhuc tragœdiam luit cum *S. Joanne Damasceno*, sacrarum imaginum defensore eximio. Hunc enim Leo apud Damasci Principem falso accusat, quod Damascus, cui præfectus erat, sibi vendere voluerit; unde Princeps manum ei dexteram jussit amputari, quam tamen Deipara eidem restituit.

2.  
Dejecto S.  
Germano,

Gregorius II. Pontifex, cum frustra huic Leoni per litteras se opposuisset, contumacem a communione fidelium abscindit, Italia (ut fertur) imperio ejus subtrahita, & tributa pendere prohibita; cumque classe armata immineret Italiæ devastandæ, ad Adriatici litora eandem turbo allisit: defectionibus, fame, peste, aliisque malis imperium ejus prementibus, & læsum imaginum honorem vindicantibus: donec dira inter tormenta rugire ac furere desit.

3.  
Excommu-  
nicatus pro-  
pterea,  
ac misere  
periens.

At revixit sacrilega rabies in pejore filio Constantino, cui ob fœdamentum, cum salutaribus undis tingeretur, sacrum lavacrum *Copronymi* nominis adhæsit. Hic quippe magicis flagitiis præstigiisque totus deditus, cum immani crudelitate sacras icones Sanctorumque persequi cultum pergeret, a populo depulsus est throno, designato Imperatore *Artabaso Curopalate*, ejus affine.

4.  
At revixit  
impietas  
in Copro-  
nymo filio,

At Copronymus expugnata Constantinopoli, quam terra marique obsederat, plenas furori habenas laxans, cædibus, ruinis, proscriptionibus urbem complevit, effossis Curopalati oculis, ac liberis ejus interemptis, ne unquam ex illis vindex adulesceret.

Cum autem Romanus Pontifex, grassanti malo quæsiturus remedium, diversa in Occidente contra Iconoclastas celebraret Concilia, Copronymus pseudosynodum 330. Præsulum Constantinopoli collegit adversus sacras

5.  
Qui contra  
SS. Imagines  
synedriam  
cogit,



sacras imagines: quas abjiciendas synagoga ista decrevit, sub nomine Concilii generalis septimi se ipsum efferens. Tum vero nihil tam sanctum erat in urbe, quod non deturbaret, confringeret, atque pollueret feralis impietas, facem præferente utroque Constantino, imperatore videlicet & pseudo-Patriarcha. Verum hic mox debitam locatæ operæ mercedem ab illo retulit, per urbem flagellari & jugulari jussus, ob evulgatam de abroganda Christi Divinitate mentem Copronymi: qui & ipse, amisso exarchatu atque Pannonia (quam Hunni dixere Hungariam) ultrices inter flammæ exæstuanæ, horrendo cum ejulatu, alter velut Antiochus, infelicem animam expuit, sæpæ pœnitentiæ non seriæ novum paradigma.

6.  
Leo IV. pa-  
tris avique  
insistit festi-  
giis.

Absterrere debuerat *Leonem IV. Porphyrogenitum* Copronymi filium tremenda Patris, Avique mors ab eorum vita. At is non minus impietatis quam imperii hæres, simulata, donec folium firmaret, orthodoxa fide, mox totus in sacrilega illorum ivit vestigia, sacrarum imaginum hostis professus. Sed & simili exitu finem vitæ imposuit; dum enim radiantem gemmis coronam, a Mauritio Principe sacris ædibus dedicatam, inde abstraheret, eaque caput suum incingeret, venenatis velut carbunculis ex eadem erumpentibus est exustus, in eo duntaxat laudandus, quod *Irenem* reliquerit viduam, & sub ejus tutela *Constantinum* filium, decennem adhuc puerum, mali corvi bonum ovum.

7.  
Mos mortuo  
mellior fa-  
cies,

Sub his enim Principibus pax reducta Ecclesiæ: dum abdicante se Paulo Patriarcha & ad pœnitentiam agendam, quia impio Copronymi conciliabulo subscripserat, monasterium ingressus, *Tharasium*, Augustorum Secretarium, laicum hætenus, & politicis aulæ studiis innutritum, virum tamen Catholicum, ac rerum usu clarum, eidem furrogarunt: qui tamen dignitatem illam non ante acceptavit, quam Principes curam universalis Concilii convocandi adpromitterent.

Indicto  
Concilio.

Communicato igitur cum Adriano I. Pontifice consilio Tharasius, Constantinus & Irene per litteras rogant, ut Synodum convocet, suosque, si venire ipsi nequeat, pro more ad eam Legatos mittat. Magnum hæ litteræ Pontifici solatium attulere. Unde mox Archiepiscopus Ecclesiæ S. Petri & Abbatem S. Sabæ Legatos designat, suo nomine præfuturos Concilio; cumque Constantinopolis Iconoclastarum furoribus adhuc dum turbaretur, Nicæam Bithyniæ illud convocatur anno 787. ubi convenere 350. orientales Episcopi: inter quos licet præsiderent Legati Apostolici, de horum consensu, eminebat Tharasius, linguæ Græcæ peritia, ac doctrina præstans; Patriarchæ reliqui per Legatos adfuerunt. His accessere multi Abbates cum Monachis, doctrina & sanctitate fulgentibus. Mense uno Concilium tenuit, actionibus septem absolutum.

## §. II.

## Acta Concilii.

In prima actione post lectas Augustorum litteras ad Concilium datas, causa lapsorum Episcoporum, qui conciliabulo Copronymi subscripserant, in utramque partem est agitata: restitutis quibusdam ejurata hæresi in sedes suas: aliis vero, qui diutius ac pertinacius hæresi inhæserere, in aliam sessionem dilatis.

In 2. tanquam reus adducitur in Concilium *Gregorius Neocæsareæ* Episcopus, Iconoclastarum Coryphæus, & conciliabuli prædicti veluti Præses. Rogat veniam & gratiam, sed rejicitur in sequentem actionem. Legitur Adriani Papæ epistola ad Augustos & Tharasium, cui honorifice a Concilio acclamatur & subscribitur. Sed epistola ad Augustos non est lecta quoad eam partem, in qua Tharasii a statu laico ad Patriarchatum assumptionem improbavit, & nomen universalis Patriarchæ (quæ jam tunc, imo præcedentibus etiam temporibus Præsulum C. P. erat arrogantia) reprehendit.

In tertia *Gregorius Neocæsareensis* alique Episcopi lapsi, pœnitentes sedibus suis restituuntur. Leguntur Tharasii litteræ ad Patriarchas, quibus eos ad Synodum invitaverat.

In quarta S. Scripturæ & Patrum testimoniis ostenditur usus ac veneratio sacrarum imaginum, jam inde ab Ecclesiæ exordiis recepta ac traditione continua propagata. Tum lectis Gregorii III. ad S. Germanum, hujusque ad plures Episcopos litteris, in Iconoclastas a Concilio prolatum est anathema, editæque fidei professioni subscriptum.

In quinta demonstratum impium de abolendis sacris imaginibus dogma ab hæreticis, Judæis & Saracenis haustum. Ubi Concilium definivit, Angelos etiam depingi posse, quos *Joannes Thessalonicensis*, in disputatione cum homine gentili, docuerat esse corporeos. Verum hanc Joannis rationem, quod scilicet Angeli sint corporei, Concilium non definivit, aut approbavit, nec ad illam attendit, sed simpliciter decrevit, de quo solo erat quæstio, imaginum usum esse retinendum. Imo Angelos *Actione 4.* in confessione sua Concilium expresse dixit *incorporales*. Quare rursus præeuntibus Legatis Sedis Apostolicæ editum est decretum de restituendis sacris imaginibus: renovatumque in Iconoclastas anathema.

In sexta conciliabuli Copronymi argumenta frivola, a Gregorio Neocæsareensi, jam converso, recitata, impugnantur & profligantur: damnato illo conciliabulo.

In septima comprobatis sex Conciliis Oecumenicis, editur fidei definitio, ac recitatur symbolum fidei: damnatis omnibus hæreticis, quos Sancto, prius.

8.

Recepti pœnitentes,

9.

Etiam Gregorius Neocæsareensis.

10.

Cultus SS. imaginum antiquissimus.

11.

Angelos depingi posse.

12.

Definitio de Sancto,



nam imagi-  
bus,

priora sex Concilia damnaverant; fitque simul professio de omnibus traditionibus Ecclesiasticis, sive ex scriptura, sive ex consuetudine descendentibus retinendis. De sacris vero imaginibus definitur, eas in templis esse collocandas, ut omnes, qui eas contemplantur, in prototyporum memoriam veniant, illis salutationem & honorariam adorationem exhibeant: imaginis enim honor in prototypum resultat. Decretum pariter, ut fideles debito cultu Sanctorum reliquias prosequantur; hisque contradicentes declarantur hæretici. Nota: in aliquibus Conciliorum collectionibus subjungitur actio octava, sed in hac nihil aliud actum, quam quod Patres Concilii Constantinopolim evocati ab Imperatoribus, definitionem Nicææ factam coram illis repeterint, cum iterata damnatione Iconomachorum, & acclamatione Augustis facta.

13.  
Joann. Thess.  
docuit Ange-  
los esse cor-  
poreos.

Circa ea, quæ in actione quinta ex Joanne Thessalonicensi de Angelis sunt lecta, notandum, authorem illum pro ratione, quod Angeli & animæ Sanctorum figuris corporeis possint repræsentari, hanc attulisse, quod utrisque Ecclesia Catholica corporeas substantias attribuat, sed tenuissimas, igneas nempe aut aereas, idque probare nixus est ex illo scripturæ: *Qui facit Angelos suos Spiritus, & ministros suos flammam ignis*: item auctoritate Athanasii, Basilii, aliorumque Patrum. Noluit tamen asserere Joannes Episcopus, hoc ab Ecclesia Catholica esse definitum, sed tantum a pluribus Patribus sententiam eam traditam prævaluisse tunc temporis: idque non tantum apud Græcos, sed etiam Latinos.

14.  
Idem senserunt plures  
PP.

Certe de S. Augustino testatur Vasquez tract. de Angelis, eum non dubitasse Angelos esse corporeos, sed tantum, an eorum corpora contrectari possint; vide Cabassutum in *Notit. Concil. pag. 506.* ubi multos Patres affert, opinionis illius Patronos. Complures etiam adducit, qui putarint, Angelos, antequam cælo essent exclusi, ex mulieribus gigantes genuisse, ut Justinum, Irenæum, Clementem Alexandrinum, Eusebium Cæsareensem, Tertullianum, Lactantium &c. prævaluerat etiam tunc apud Patres Philosophia Platonis, dæmones ex elementis, & Animas ex igne constituentis. Cui oppositum docuit Aristoteles 12. *metaph. cap. 6. 7. & 8.* Videlicet Intelligentias ab omni materia & quantitate esse immunes. Quam sententiam post Lombardum & S. Thomam amplexi sunt Theologi scholastici, probantque illam ex Jure Canonico, videlicet ex *cap. firmiter de summa Trinit.* ubi Innocent. III. ait: *Deus utranque de nihilo condidit naturam, spiritualem & corporalem, Angelicam videlicet & mundanam, deinde quasi communionem ex spiritu & corpore constitutam &c.* Clarius adhuc certa hæc sententia probatur ex hac ipsa septima generali Synodo, quæ actione quarta in sua Confessione, in qua proficitur, se honorare, salutare, ac honoranter adorare venerabiles Icones Christi, Dei Genitricis, San-

15.  
Sed hæc Synodus defini-  
vit esse incor-  
poreos.

Sanctorum Apostolorum, Prophetarum, Martyrum, Sanctorum etiam & incorporalium Angelorum : ut homines enim iustis apparuerunt.

Quamvis autem priscis illis sæculis licuerit dicere, Angelos esse corporeos, imo etiam cum mulieribus habuisse commercium, antequam cœlo exularent, his tamen temporibus absque temeritatis nota hæc asseri non possent. *Multa nunc scimus, quæ a primis Patribus aut dubitata, aut prorsus ignorata fuerunt*, ait Alphonsus a Castro libr. 1. de hæres. cap. 17. & ut inquit Serlogus anteq. 3. in cant. sect. 3. multa didicit mater Ecclesia; processu temporum multa stabilivit, declaravitque Fidei dogmata, quæ licitis olim opinionibus jactabantur.

## §. III.

## Canones Concilii.

Sub finem Concilii hujus septimi Patres 22. Canones, ad disciplinam Ecclesiasticam spectantes, ediderunt. Summa est hæc.

1. Canones Apostolorum, Conciliorum & Patrum servantur.
2. Episcopus ordinandus calleat S. Scripturam & Sacros Canones.
3. Irrita sit electio Episcopi, Presbyteri & Diaconi facta a sæcularibus. Episcopus ordinetur ab Episcopis comprovincialibus aut saltem a tribus ipsorum. Confirmationis autem jus maneat apud Metropolitanum.
4. Episcopi a Clericis non exigant pecunias turpis lucri gratia.
5. Vetatur Simoniaca ordinatio propter pecuniam.
6. Episcopi singulis annis Synodum Provincialem celebrent.
7. In templis Sanctorum Reliquiæ reponantur.
8. Judæi deceptores non admittantur ad Baptismum & Ecclesiam, nisi serio sint conversi.

16.  
Electio Epi-  
scopi.

9. Prohibentur omnes libri Iconoclastarum, jubenturque cum aliis libris hæreticis ad Episcopum Constantinopolitanum deferri, decreta in clericos pœna depositionis, in alios anathematis, si tales libros occultent. Videant hic Novatores, non esse novum in Ecclesia præceptum, prohibens legere aut asservare libros hæreticos. Imo jam ante hanc Synodum hæc lex vigeat.

17.  
SS. Reliquiæ.

10. Clericus ad aliam Parochiam ne transeat sine consensu Episcopi. Nec negotiis sæcularibus se immisceat.

18.  
Prohibitio li-  
brorum hæ-  
reticorum.

11. Quælibet Ecclesia suum habeat Oeconomum.
12. Episcopi & Abbates alienantes bona Ecclesiarum deponantur.
13. Monasteria ne fiant sæcularium habitacula. Profanata ab Iconomachis restituantur.

Pars III.

O

14. Pri-



14. Prima tonsura insigniti non legant publice, donec sint ordinati Lectores ab Episcopo, vel Abbate in Monasterio.

15. Clericus duo beneficia ne habeat: nisi sit clericorum penuria. *Hunc Canonem Gratianus in Decretum suum retulit. caus. 21. quest. 1. c. 1.*

16. Clericis interdiciuntur fulgidæ ac pretiosæ vestes, uti etiam unguenta odorata.

17. Monachi ne incipiant ædificare domos & oratoria, si non possunt consummare.

18. Fæminæ in Episcoporum domibus vel Monasteriis virorum non tolerentur.

19. Ne exigatur pecunia pro admissione ad Sacros Ordines, aut ad vitam religiosam. Si quid autem a Parentibus datur Filiis more dotis, vel si ipsi ingredienti ex propriis rebus offerant, manent illa monasterio, siue perseverent in illo, siue exeant.

19.  
Dos illata  
monasterio  
non restitui-  
tur exeunti-  
bus.

20. Prohibentur duplicia monasteria, simul cohærentia, Monachorum hinc, inde Monialium. Non cubet Monachus in muliebri monasterio. Nec Monachus aditum habeat ad Monacham, nec hæc ad illum, secreto ad colloquutionem. Cibaria submissa ad portam recipiat Abbatissa cum vetula moniali. Si Monachus velit colloqui alicui suæ propinquæ, in præsentia Abbatissæ id fiat brevi sermone; & mox recedat.

21. Nullus Monachus aut Monialis relicto Monasterio proprio ad aliud se conferat.

22. Christianorum convivia sint modesta: Clerici ac Monachi cum mulieribus non manducent secreto.

Absolute Concilio scripsit Tharasius ad Adrianum Pontificem, qui Concilii acta accepit, & approbavit; licet ritu solenni, aut data ad Ecclesias aut ad Imperatores epistola illud specialiter non confirmarit. Approbatum autem rursus fuit postea a Leone III. ut patet ex Ivone *part. 4. cap. 147.*

#### §. IV.

De Concilio Francofordiensi, in quo damnata Synodus VII.

20.  
Hæresis Eli-  
pandi & Feli-  
cis damnata,

Quia Protestantes frequenter contra cultum SS. Imaginum ac Synodum Nicænam secundam istam nobis objiciunt, brevem hic de iis mentionem subjungendam duxi. Celebrata est Synodus a trecentis & ultra Patribus Francofordiæ ad Mœnum anno 794. tempore Adriani I. & Caroli Magni Francorum Regis. In hac damnata fuit hæresis *Elipandi* Episcopi Toletani, & *Felcis* Episcopi *Urgelitani*, qui in hæresin Nestorii desectentes Christum hominem asseriebant esse Filium DEI adoptivum tan-

tantum, Deique servum, non autem Filium Dei naturalem, & quoad hujus damnationem hæresis approbata est a Pontifice Adriano Synodus Francofordiensis, non autem quoad eam partem, qua damnavit Synodum Nicænam secundam.

Damnarunt autem Francofordienses Patres illam Synodum ex duplici falso supposito circa quæstionem facti: Quia Græcæ linguæ ignari, & Item Synodus VII. ab Orientalibus Iconomachis, aut etiam ab auctore librorum Carolinorum decepti, existimarunt, Concilium Nicænum decrevisse Imaginibus adorationem & cultum latriæ, soli Deo debitum, & Concilium illud habitum esse sine consensu Pontificis: Quod utrumque est falsissimum. Nam Ex duplici falso supposito. Nicænum expresse cavet, ne cultus latriæ Sanctorum Imaginibus deferatur, sed inferior quidam, ac præcise respectivus, ut constat ex actione 3. 4. & 7. cum honor delatus Imagini referatur ad prototypum, quod per Imaginem repræsentatur. Cum igitur Deo soli exhibendus sit cultus latriæ, Dei Genitrici cultus hyperdulæ, ac reliquis Sanctis cultus dulæ, & quidem absolutus, eorum Imaginibus cultus deferendus est respectivus, ac pro ratione prototypi seu exemplaris per Imaginem repræsentati; Imaginibus videlicet Divinarum Personarum, ac Christi crucifixi cultus latriæ respectivus, Imagini Deiparæ cultus hyperdulæ, & Imaginibus Angelorum ac reliquorum Sanctorum cultus dulæ, uterque tantum respectivus, respectu nempe semper habito ad prototypum per Imaginem propositum.

Et licet Nicænum usum sit etiam voce *adorationis*, Imagines scilicet Sanctorum esse adorandas, tamen hæc vox in sensu Concilii, & multo. Nomen adorationis. rum adhuc hodie auctorum non tantum significat supremum latriæ cultum, soli Deo proprium, sed ampliori significatione & generica cultum, etiam multo inferiorem Sanctis debitum comprehendit. Unde quia hæretici vocem *adorationis* (& in vernacula nostra *anbethen*) sumere solent pro cultu latrevtico, non vero pro adoratione honoraria: & propterea ob finistrum vocis intellectum nos idololatrias clamant, quasi Numen aliquod Imaginibus inesse credamus, prout ethnici in suis idolis: ideo, ne voce (licet innocua) offendantur, ab ea temperandum censerem, quando de cultu Imaginibus Angelorum & Sanctorum hominum deferendo loquimur, dicendumque nos non adorare (in eorum sensu) Angelorum & Sanctorum hominum Imagines, sed eas colere ac honorare propter Sanctos, qui nobis per eas repræsentantur, ad quos honor ille ac cultus refertur.

Hanc cautelam (ob pusillos fortassis, eorumque pravam vocis acceptionem) adhibuisse video ipsum etiam Concilium Tridentinum, dum Exemplo Tridentini Concilii. Sess. 25. de Invocatione & veneratione & reliquis Sanctorum, & Sacris Imaginibus, vocem *adorationis* nunquam usurpavit, quando de Imaginibus Angelorum



gelorum aut sanctorum hominum est locutum, sed voces *honorationis*, *venerationis* &c. dum ait, Sacras imagines, in templis præsertim habendas, & retinendas, eisque debitum honorem & venerationem impertiendam, non quod credatur inesse aliqua in iis Divinitas, vel virtus, propter quam sint colendæ, vel quod ab iis aliquid sit petendum, vel quod fiducia in Imaginibus sit figenda velute olim fiebat a gentibus, quæ in idolis spem suam collocabant, sed quoniam bonos, qui eis exhibetur, refertur ad prototypa, quæ illæ repræsentant, ita, ut per Imágenes, quas osculamur, & coram quibus caput aperimus, & procumbimus, Christum adoremus, & Sanctos, quorum illæ similitudinem gerunt, veneremur. Ecce. Quomodo Concilium, ubi de Christo est sermo, adorationis utitur vocabulo; & quando de Sanctis, vocabulo *venerationis*. Et eodem omnino sensu locutum est Concilium Nicænum, quamvis Προσκύνησις adhibuerit, quæ adorationem significat: per hanc enim vocem noluit significare veram latriam, ut Sess. 7. in sua confessione Fidei expresse protestatur, sed honorem & venerationem longe inferiorem, & duntaxat honorariam: Τιμητικὴν Προσκύνησιν, ἢ μὴν ἀληθινὴν τὴν λατρείαν: Honorariam adorationem, non tamen veram latriam. Unde etiam Tridentinum loc. cit. ad Nicænum se refert his verbis: Id quod Conciliorum, præsertim vero secundæ Nicænæ Synodi decretis contra Imaginum oppugnatores est sancitum.

24.  
Non tamen  
abiecit ima-  
gines.

Cæterum Concilium Francofordiente non abiecit Sacras Imágenes; nec eas frangi, aut e templis exturbari iussit, ut faciunt Calvinistæ & Zwingliani, sed adorandas esse negarunt, persuasi, Synodum secundam Nicænam, (quam ignari eam autoritate Papæ esse celebratam, pro particulari tantum Græcorum Concilio habebant) Divinam eis adorationem veramque latriam, SS. Trinitati debitam, eisdem decrevisse. Hanc igitur adorationem eis denegavit Synodus. Persuasio autem illa falsa orta fuit, ut ante insinuat, vel ex libris illis pseudo Carolinis, vel, ut Ludovicus du Mesnil cum pluribus aliis putat, ex falsis epistolis Iconomachorum Orientalium, qui apud Gallos Nicænum perfide accusabant, falsamque doctrinam ei affingebant, vel etiam ex imperitia linguæ Græcæ; nam licet Nicænum translatus fuerit jam tunc in latinum, tamen teste Anastasio Bibliothecario ea versio adeo erat confusa, ut intelligi non posset, quid statuerit Nicænum; unde idem Anastasius aliam postea ac meliorem versionem suscepit.

#### §. V.

#### Crisis de libris Carolinis.

25.  
A Sæctariis  
laudati.

Anno 1549. prodiit in lucem novum opus, alter velut Melchisedech, sine patre, sine matre, sine genealogia, absque ulla scilicet loci ac Ty-  
po-

pographi notatione. Adscribitur Carolo Magno, in quatuor libròs divi-  
sum: unde, a Protestantibus præsertim, *libri Carolini* appellantur: mul-  
tumque se iis jactant, quando de imaginibus scribunt. Et quidem Calvi-  
nus *lib. 1. Instit. cap. 11.* ex iis duo concludit: primo Nicænum Concili-  
um fuisse statim refutatum ab orthodoxo Principe. Secundo, in Con-  
cilio illo manifestam impietatem definitam, nempe imaginibus deberi ho-  
norem sacrificiorum, & eum cultum, qui tribuitur vivificæ Trinitati.

At esto, libros istos a Carolo M. ad Hadrianum I. Pontificem esse mil-  
fos (nam ipse Hadrianus eos refutavit, ut patet ex epistola ipsius Hadria-  
ni ad Regem Carolum, in qua doctissime omnia dissolvit, quæ in libris illis  
Concilio Nicæno fuerat objecta) nego esse partum Caroli: patet ex lau-  
data epistola, ab hæretico Iconoclasta esse compositos, & a Carolo ad Pa-  
pam missos, ut eos refellat; sicut etiam fecit.

Deinde Carolus M. homo fuit, græce & latine peritus, prudens, in-  
geniosus; libri autem isti sunt hominis mendacis, barbari, levis, & oppi-  
do imperiti: ut patet ex epistola citata Hadriani Papæ, in qua illos confu-  
tat. Scribit enim inter alia inepta, Græcorum Synodum Constantinopoli  
in Bithynia pro adorandis imaginibus esse celebratam sine consensu Roma-  
ni Pontificis, & eundem iis cum Deo cultum decrevisse. En! uno habitu  
duas ineptias, & quatuor mendacia. Quid enim ineptius atque impu-  
denter, quam Constantinopolin ex Thracia in Bithyniam transferre?  
quid rudius, quam scribere, Synodum illam Constantinopoli esse celebra-  
tam? Carolus M. utique scivit, ubi terrarum sit Constantinopolis, Impe-  
ratoria civitas, nova Roma, ubi sit Bithynia, ubi Thracia: Concilium il-  
lud Nicææ in Bithynia, jam a prima generali Synodo urbe adeo celebri,  
esse habitum. Præter hæc duo mendacia falsissimum est, Synodum illam  
celebratam esse sine consensu Romani Pontificis; cum miserit duos ad eam  
Legatos, qui sessionibus omnibus præsidebant, & nomine Pontificis primi  
subscripserunt. Falsissimum pariter est, quod illa Synodus imaginibus pa-  
rem Deo cultum attribuerit, ut ex dictis patet, & manifestum ex aliis  
ejusdem ætis, tum ex confessione illius constat. Quintum mendacium  
est, Synodum illam definiisse, Evcharistiam esse imaginem Corporis Chri-  
sti: quod Concilium non tantum non definiit, ut auctor iste larvatus som-  
niat, sed prorsus contrarium. Sextum mendacium est, quod Constanti-  
nus, Constantiæ Cypri Episcopus, in Nicæno anathema dixerit iis, qui  
non adorant imagines eo cultu, quo adoratur SS. Trinitas. Taceo multa  
alia, quæ in istis libris Synodo Nicænæ tribuuntur, de quibus aut nun-  
quam cogitavit, aut ab Adversariis sunt dicta. Quis ejusmodi impostu-  
ras, & ineptias Carolo M. tanquam auctori tribuat, nisi ineptus ipse  
sit aut impudens.

26.  
Non sunt  
Caroli,

27.  
Quia sunt  
inepti ac  
rudes,

28.  
Sciant falsi-  
tatis.



29.  
Alia argu-  
menta.

Et profecto Carolus M. semper fuit apprime Catholicus; & cum Adriano I. & Apostolica Sede conjunctissimus; scripsitque Jonas Aurelianensis (tempore Ludovici Pii Caroli filii) Claudium Taurinensam, Iconomachorum hæresis fautorem, toto tempore, quo vixit Carolus, non ausum fuisse mutire. Constat insuper ex Paulo Emilio, quod, cum Stephanus Papa Romæ celebraret Synodum contra Græcos Iconoclastas, Carolus ad eam miserit 12. Episcopos. Quis ergo credat, eum fuisse auctorem librorum hæreticorum, qui errorem illum Græcorum contra sacras imagines propugnent? quomodo credibile, eum, quem Catholici pium sanctumque semper vocabant, fuisse Iconomachum?

Constat ex historiis Græcorum & Latinorum, ut Zonara Cedreni, & Pauli Diaconi in vita Leonis Isauri, Romanos Pontifices, Gregorium III. Adrianum I. & Leonem III. defecisse a Græcis Imperatoribus, eos excommunicasse, & vestigalia eis tribui ex Italia prohibuisse, seque in tutelam Regum Francorum contulisse, atque in eos tandem ac specialiter in Carolum M. imperium transulisse, ea præcipue de causa, quod Græci Imperatores hæresin Iconomachorum foverent, Franci vero in fide antiqua constantes essent. Quomodo ergo verisimile Carolum M. iisdem Pontificibus amicissimum Græcorum hæresi laborasse, & pro ea quatuor libros scripsisse? Alia profecto fuerant publica privataque negotia, quibus tantus Princeps tempus dependeret, quam libris scribendis.

At quid? si daremus, ea scripsisse, quid aliud sequeretur, quam unum hominem, eumque laicum ac militem in re prorsus Ecclesiastica, & ad Episcopos atque Pastores Ecclesiæ pertinente se opposuisse generali Concilio?

30.  
Ostentant  
Protestantes  
novellum  
hoc inven-  
tum, sed  
suam in per-  
niciem.

Ostentant quidem hos libros Protestantes, deque iis tanquam de invento raro thesauro sibi gratulantur; non tamen incauti isti homines considerant, si standum sit istis libris, novella Lutheri Calvinique sphalmata penitus eversum iri. In his enim libris aperte docetur, ultimum judicium de controversiis fidei pertinere ad Romanum Pontificem: eumque non a Conciliis, sed a Deo habere primatum: exorcismum esse adhibendum in baptismo: templa dedicanda certo ritu: orandum pro defunctis, Sanctos invocandos, Reliquias venerandas, Chrysmatis, aquæ ac salis benedicti usum in Ecclesia retinendum: in Evcharistia vere esse corpus Christi, idque adorandum, & tanquam verum ac proprium sacrificium offerendum. Ecce! qualem thesaurum Novatores effoderint, in quo tot continentur Catholica dogmata, quæ apud ipsos sunt hæreses. Si volunt, ut his libris credamus, cum dicunt, Nicænam Synodum errasse, jure merito etiam nos exigimus, ut credant & ipsi iisdem, quando Catholica dogmata adstruunt.

Sed hæc est hominum istorum indoles : quando in conciliabulo aut libro aliquo vel minimum quid reperiunt, quod vel Sedi Apostolicæ, vel usui alicui nostro particulari contrarium putant, mox altum glocitant, librumque illum aut Concilium extollunt, e. g. conciliabulum Copronymi, Trullanum &c. nec considerant miseri, si illis standum, novella sua inventa penitus esse subversa : eo quod pleraque in iis contineantur, quæ eorum erroribus sunt omnino contraria.

Denique neque libri Pseudo-Carolini dicunt, abjiciendas a templis, confringendas, aut comburendas esse Sanctorum imagines, sed retinendas in templis pro memoria Sanctorum, qui representantur, & instructione circa Sanctorum vitam, virtutes, martyria &c. ut notat eruditissimus Sirmundus in Canonem secundum Concilii Francofordiensis, in quo ex falso supposito, ut dictum, reprobatur Concilium secundum Nicænum. Igitur neque quoad Imagines libri illi cum Calvinistis & Zwinglianis conveniunt. Certa mihi manet sententia, non posse eos adversum nos uti armis, nisi quibus se ipsos conficiant.

## ARTICULUS VIII.

De Concilio Generali VIII. Constantinopolitano IV.

*Pro restituendo S. Ignatio contra Photium. Sub Hadriano II. &*

*Basilio Anno 869.*

### SUMMARIUM.

#### §. I.

##### Synopsis Historica.

1. Irene dejecta Imperio, illo recepto, crudelis Mater, a Nicephoro rursus dejectitur & relegatur.
2. Nicephoro post male gestum Imperium cæso surrogatur Michael Curo-palates,
3. Hunc Leo Armenus mox pulsus deportat, ac bellum adversus SS. Imagines instaurat,
4. Intemptus in ade Sacra, quam Iconomachia polluerat, opera Michaelis Balbi,
5. Qui ex carcere scandit Thronum; pa-riter Iconoclasta,

6. Uti etiam Theophilus Filius, Pa-rente immanior.
7. Theodora ejus vidua reducit cultum Imaginum,
8. Atque Ignatium ad Patriarchatum promovet.
9. Sed inde a Barda Theodora Fratre dejectitur, intruso Photio.
10. Imago Photii. Nunquam majores dotes majoribus vitia flagitiis.
11. Furore in Ignatium æstuans, impositis Thronum firmare nititur.
12. Legatos Nicolai Papæ, fraudibus impetratos, fraudibus ac minis præ-varicatores facit.



13. Et iis assentientibus in Concilio spurio deponit Ignatium, frustra ad sedem Apostolicam appellantem.
14. Intellecta fraude & prævicatione reclamat Nicolaus, & assistit Ignatio.
15. Celeberrima ejus ad Michaelem Imperatorem Theophili & Theodoræ Filium, epistola.
16. Photius in Nicolaum Papam fulmen vibrat. Variosque errores Ecclesie Romanæ objicit.
17. Confutatur ista objectio.
18. Protestantes dum eadem contra nos adducunt, se ipsos conficiunt.
19. Bardas columnen Photii, occiditur a Basilio,
20. Ac brevi post etiam Michael Imperator; sæculi sui Heliogabalus.
21. Basilius dejecto mox Photio restituit Ignatium,
22. Qui Romanæ sedis Primatum agnoscit, Divinis assertum litteris.
23. Authoritate Hadriani II. & opera Basilius indicitur ac celebratur Concilium.

## §. II.

## Acta Concilii.

24. Recepti penitentes. Pauci tamen respuerant.
25. Photius adductus in Concilium, Christi coram Judicibus consilientis verbis & persona abutitur, veterator versipellis.
26. Adducti Photiani Episcopi, pariter effrontes & contumaces.
27. Anathema in Photium,
28. Et Iconomachos.

## §. III.

## Canones Concilii.

29. Servanda Sacra traditiones.
30. Ordinationes Photii declarantur irrita. Et quo sensu,
31. Decernuntur Interstitia SS. Ordinum.
32. Iterata damnatio Photii & Iconoclastarum.
33. Et opinionis de duabus animabus, Reflexio super hunc Canonem.
34. Res Ecclesie ne alienentur.
35. Concilia celebranda ad solos Ecclesiasticos pertinere.
36. Quando bona in emphyteusin concessa possint repeti.
37. De electionibus Episcoporum.
38. Jus appellationum.
39. Jus Pallii explicatur.
40. Etiam in hoc Concilio Papæ datur titulus Summi Pontificis & Universalis Papæ.

## §. IV.

## Bellum Photianum recrudescent post Concilium.

41. Photii conatus turbulenti.
42. Basilius refrigescens aufert Legatis Romanis Græcorum Chirographa & Subscriptiones, factas in Concilio. Tandemque restituit.
43. Causa Bulgariæ, cui Patriarchatui subesse debeat, novas tricas & dissensiones excitat.
44. Photius & Santabarenus Basilius Imp. novis imposturis dementant.
45. Ut revocatus in aulam, & in ea gratus, mortuo Ignatio, rursus ad Patriarchatum promoveretur.

46. Joanne VIII. fraudibus circumven-  
to, consentiente, sub certis tamen con-  
ditionibus.
47. Indicto propterea Concilio, in quo  
Legati Romani rursus ad prævarica-  
tionem impuls.
48. Cum autem Photius litteras Papæ  
corrupisset, & conditiones non ser-  
varet, a Joanne VIII. anathemate est  
percutus,
49. Uti etiam a pluribus ejusdem succef-  
soribus.
50. Mortuo Basilio Principe domi foris-  
que præclaro; sed inconstante, Leo ipfius.

- Filius mox Santabaveno impostore mul-  
tato, & Photio iterum dejecto,
51. Ad Patriarchatum promovet Ste-  
phanum Fratrem suum: Sed non sine  
iricis; quia a Photio ordinatus fuerat  
Diaconus. Quam ob causam Step-  
hanus V. & Formosus Pontifices difficul-  
tatem initio moverunt, promotionem  
Stephani ratam habendi.
  52. Mors Photii in exilio, hominis, uti  
doctissimi, ita Ecclesiæ summe noxii.
  53. Ejus libri recensentur.
  54. Matthæi Raderi docti labores in col-  
lectione, versione, & explanatione  
hujus Synodi VIII.

§. I.

Synopsis Historica.

Irene, cum per *Stauratium* administraret Imperium indignante aula & exercitibus, in ipso palatio, quod ædificaverat, carcerem patitur, Irene recepto admoto ad gubernacula Filio, & Stauratio dato in vincula. At Filius gesto male Imperio laudavit Matrem; quæ proin octo post annos resumpto Sceptro, vindictæ impotens, matremque exuens, Filium effossis oculis in mortem adegit: Quatuor adhuc annos rerum potita.

Tum enim a *Nicephoro* folio dejecta, & in *Lesbum Insulam* relegata, iterum de-  
obscurato sine interit: Fæmina exceptione major, si aut non fuisset Ma-  
ter, aut Matrem se exhibuisset. *Nicephoro*, post novem annorum Im-  
perio crudeliter & ignave gestum, a *Crunno Bulgarorum Rege*, caeso, Michael a-  
*Michaeli Curopaleti* *Nicephori* genero defertur Sceptrum, viro pietate, Leone.  
constantia, Fide ornatissimo, dignoque Parenti *Ignatii*, propter quem  
octava Synodus postea est celebrata.

Verum non ultra biennium ad rerum clavum federe eidem licuit.  
Mox enim a *Leone Armeno*, quem legionibus in Oriente præfecerat, per-  
fide proditus, cum uxore *Procopia*, *Nicephori* Imperatoris Filia, & li-  
beris Regiis *Theophilacto*, jam dicto *Cæsare*, & *Ignatio*, castratis, in  
diversas Insulas deportatus, arctissimo Monasterio inclusus est, triginta  
duos annos ruinæ suæ superstes.



3. Sub Irena, & Curopalate Catholicis Principibus fremere non ausa  
 Qui instaurat est Iconoclastarum rabies. At novo hoc Leone rugiente in apertum  
 bellum con- prorumpens furor, dignas sua indole Ecclesiis calamitates & Sacris Ima-  
 ra Images, ginibus clades attulit, coacto Constantinopoli impio Synedrio, præda-  
 torio Ephesino parum absimili. Sed ferrum infelix acuit, quo ipse in-  
 teriret: Nam post septem annos tyrannidis, qua Nicephorum Patriar-  
 cham, Theodorum Studitam, Nicetam, aliosque viros sanctissimos,  
 4. Sacrarum Iconum defensores eximios, omni crudelitatis genere est per-  
 At non impu- secutus, odio populi flagrans, ipsa nocte Nativitatis Christi a conjuratis  
 ne. in Ecclesia est interemptus.

5. Videre tunc licuit volubilem ludentemque rerum humanarum rotam.  
 Michael Bal- *Michael Balbus*, ob conjurationem a Leone jam ante in carcerem conje-  
 bus e carcere ctus, alteraque die occidendus, proditurum se conjurationis focios mini-  
 ad Thronum, tans, nisi Leonem interficerent, ex carcere ad Thronum ducitur, Leonis  
 Armeni Iconoclastæ immanissimi, in frustra dissecti, tota excisa progenie.

Iconoma- Necdum tamen cum fero illo Leone calamitas Ecclesiæ desit. Li-  
 chus, cet enim Balbus, pariter Iconomachus, mitius faviret, cultum tamen  
 SS. Imaginum extirpare conatu omni est adnitus: Scripta etiam ad Fran-  
 cos epistola, qui utramque damnaverant Synodum, & Copronymi, quæ  
 Images abjiciendas statuerat, & Nicænam, quam adorationem latrevti-  
 cam iisdem decrevisse putabant.

6. Post annos octo Balbum mortuum excepit Filius *Theophilus*, paternæ  
 Uti etiam impietatis & solii hæres, Tyrannus crudelior Patre. Quippe & Mona-  
 Theophilus. chus, Catholicorum triarios, sævissimis tormentis exercuciavit, & omne  
 pictorum genus excisum volebat, ne superesset manus nutriendæ religio-  
 in Imaginum.

7. Duodecim annos, quoad videlicet vixit, adversum Sacras Images  
 Reductus bellum gessit, & in earum defensores lanienam exercuit: Cum sub tutela  
 cultus sub *Theodora* Augustæ, ejusque Fratris *Bardæ* ac *Theodisti* reliquit *Michael*em  
 Theodora. triennem Filium. His adnitentibus reducta est Imaginum religio, pulso  
 Joanne Pseudo Patriarcha impio, & *Methodio* viro sanctissimo, a Balbo  
 relegato, iterum restituto. Ut adeo, sicut Deus per Irenem trium Impe-  
 ratorum Iconoclastarum, Leonis Isauri, Constantini Copronymi, & Leo-  
 nis Porphyrogeniti vindicavit impietatem, ita per Theodoram, fæminam  
 pientissimam, trium pariter Imperatorum, Leonis Armeni, Michaelis Bal-  
 bi, & Theophili hæresin Iconoclasticam profligavit: emendantibus fæ-  
 minis, ut Numinis dextera se signet patentius, virorum scelera.

8. *Methodio* paulo post defuncto, *Theodora Ignatium*, Michaelis Cu-  
 Ignatius Pa- ropalate Imperatoris Filium (Nicetam antea dictum) a Leone Armeno, in  
 triarcha, Monachum detonsum, Constantinopolitano Patriarchatui admodvendum  
 cura-

curavit, virum plane integerrimum, atque per omnia recti tenacem. Undecim annos tanto sub Præsule tranquilla pace conquievit Orientalis Ecclesia, cum repentinus turbo turbavit malaciam.

Concitavit illum *Bardas* Theodoræ Augustæ Frater: Qui ambitione turgens, persuasit Imperatori Michaëli, ut amota a gubernaculis matre, A Bardas dejectus, habenas ipse capeffat, præsumpta spe ex nota Principis vecordia, Imperii potestatem in se unum transferendam: Cumque Ignatius Patriarcha destitaret Theodoram Monasterio invitam includere, Bardas Majestatis reum apud Michaëlem postulavit, ac sede deturbatum deportavit in Insulam Terebinthum aliasque, surrogato in ejus locum *Photio*. Intrusto Photio. Causa autem præcipua furendi in Ignatium Bardæ erat, quod ejus turpem consuetudinem cum nuru propria reprehenderit, eumque propterea ab Eucharistica communione exclusit.

*Photius* erat illustribus natalibus, Tharasi Patriarchæ nepos, conspicius inter aulæ proceres, primusque a secretis; vir immensæ lectionis, omnium prope liberalium disciplinarum studio & cognitione clarissimus, rerumque civilium & politicarum usu, prudentia & scientia tantopere florens, ut ævi sui facile Princeps haberetur, imo & cum veteribus certare jam posset. Omnia quippe in eo concurrebant: Aptitudo quædam, & mentis incredibilis vis, ac facilitas, studium, opes, quibus magnam librorum superfluum sibi comparabat, totasque sæpe noctes, ut lectioni vacaret, ducens insomnes, ut inter ejus opera, eruditione omnigena referta, vel Bibliotheca ipsius, locupletissima, quam ex innumeris scriptoribus concinnabat, abunde ostendat. Et quoniam Ecclesiæ Thronum conscensurus erat, Sacra quoque & Ecclesiastica volumina cepit leditare. Sed tantas naturæ, ingenii atque industriæ dotes corruptit immensa ambitio, fastus, ac gloriæ cupiditas, simulque perfidia, simulatio, & verfatilis ad omnia genius.

Hic ergo homo hoc apparatu succinctus Patriarchalem Constantinopolitani sedem, detruso Ignatio, optimo, ac prisca moris viro conscendit (ordinatus a Gregorio Episcopo Syracusano, ab Ignatio propter scelera depositus) implacabili odio, crudelitate, calumniis, quoad vixit Bardas, in eundem Ignatium exæstans. Neque illius exilio nocendi sitim explevit, sed vita etiam exturbare eundem tota virium contentione laborabat.

Hoc cum vincere non posset, multique adhuc Orientis Episcopi Ignatio adhererent, fraudum artibus, quibus pollebat, agendum ratus, Sedis Apostolicæ autoritate sedem suam firmare sperabat. Mittit proin cum Michaelis Imperatoris litteris, per duos Episcopos Legatos Romam confessionem suam, ex integro Catholicam, ad Papam Nicolaum I. significans (falso omnino) Ignatium morbis ac senio confectum munere fuo



se abdicasse, se vero reluctantem eidem subrogatum esse communi omnium consensu: simulque a Papa Legatos petit ad restituendam collapsam Ecclesiae disciplinam, & damnatas Iconoclastarum reliquias penitus extinguendas. Has litteras pretiosis insuper donis ad Pontificem communiit.

12.  
Legatos  
Nicolai

Nicolaus duos pariter Episcopos, *Rhodoaldum & Zachariam*, Constantinopolim Legatos mittit, cum litteris ad Michaëlem Imperatorem, in quibus suum jurisdictionis primatum stabilit, conquestus, ausam fuisse Synodum (ut scripserat Imperator) Ignatium deponere, ac Photium substituire absque autoritate Sedis Apostolicæ; simulque ostendit, contra SS. Canones factum esse, ut homo laicus repente ad summum Sacerdotium ascenderet. Hoc idem reprehendit Papa in scripta ad Photium epistola: consentire se non posse, donec ex Legatis suis intelligat, quomodo res ista se habeat.

Corrumpit,

Verum Legati Romani datam sibi potestatem supergressi, partim minis impulsu, partim donis illecti perfide ad Photii partes transeunt, & conciliabulo adversus Ignatium coacto interfunt; adductus ad hoc synedrium ex insula Therebintho Ignatius, ac vehementer impulsus, ut Patriarchatu se abdicet, constanter detrectavit, ad Papam provocans, ejus judicium se subiturum. Verum ab impio & cruento conciliabulo, praesentibus Michaële & Barda tyrannis, consentientibus etiam Romanis Legatis, iniquissime omnique calumniarum, verberum & tormentorum genere, ut ante in exilio, ita etiam nunc Constantinopoli excruciat; cumque Photius in mortem etiam ejus machinaretur, vili ac servili lacernula testus se subduxit, per solitudines, montes & speluncas & cavernas terræ oberans, victum ad mortem arcendam emendicabat & Patriarcha & filius Imperatoris, Photio nequidquam quaqua versum ad eum aut capiendum aut occidendum emittente licarios.

13.  
In synedrio  
Ignarium ad  
Sedem Apo-  
stolicam ap-  
pellentem  
deponit &  
persequitur,

Photius, versipellis veterator, scribit rursus epistolam ad Papam eloquentissimam equidem, sed fraudibus & imposturis plenam, coactum se minis & carcere consentire: Canones (Concilio Sardicensis) & decretales, quos citet Nicolaus, in Constantinopolitana Ecclesia nunquam esse receptos: variarum Provinciarum varios esse mores: etiam Ambrosium, Nectarium, & avunculum suum Tharasium a laicali statu ad Episcopatum esse promotos: paratum se tamen a sede descendere. *Nota hic incidenter in hac epistola Photium, dum confessionem suam exponit, aperte asserere, communem panem per miraculum in Corpus Christi mutari, & commune vinum sanguinem ejus fieri.*

14.  
Resistente  
Nicolao.

Nicolaus Papa ex epistola ista intellexit praevaricationem suorum Legatorum; ac Photio (quem non Patriarchæ, sed *prudētissimi viri* titulo compellat) rescribit, Legatos suos contra mandatum egisse: se eos pro dejecto-

dejectione Ignatii & promotione Photii non misisse, neque se in hoc consensisse, nec consensurum unquam. Nectarium a statu laicali ad Episcopatum assumptum propter necessitatem temporum, & inopiam sacerdotum idoneorum: Tharasium propter defendendam Ecclesiam adversus Iconoclastas; Ambrosium miraculorum signis ac Divino presagio. Nihil horum hic subesse; casus proin illos extraordinarios non trahendos esse in exemplum, contra placita SS. Canonum; Concilium Sardicense, in Oriente habitum, ejusque Canones ab omni Ecclesia recipi: Decretales Romanorum Pontificum si Constantinopolitani non habeant, de incuria & neglectu esse arguendos; si habeant, & non observent, de temeritate corripiendos: autoritate & sanctione summi Pontificis omnes Synodos roborari, & stabilitatem sumere. Similia rescriptit Michaëli Imperatori, qui significarat, Ignatium a 318. Episcoporum Concilio fuisse depositum. Reposuit Nicolaus, Romanos Antistites in Synodis non tantum personarum numerum, sed pondera sententiarum perpendere solitos: Synodi, quantumvis numerosæ, non esse irreformabile judicium, nisi primæ sedis consensus accedat.

Dedit insuper encyclicam ad omnes fideles orientales epistolam, in qua Legatorum suorum pravaricationem significat, se Ignatium non damnare, nec Photium recipere. Alloquitur deinde tres reliquos Orientis Patriarchas his verbis: „ Ut vos hujus sedis privilegium rite servantes, „ pari religione Catholici, pari etiam nobiscum super venerabilis Patriarchæ Ignatii sacerdotii recuperatione, & Photii perversoris expulsionem eadem sentiat, Apostolica autoritate vobis injungimus atque jubemus. Et ut hujus Præfulatus nostri paginam in cunctis Parochiis vestris ad omnium faciatis notitiam pervenire, atque de hac re juxta Apostolicæ sedis definitionem prædicare curetis aliis, ipsique similiter incommutabiliter teneatis, paterno more præcipimus.

Photius ad artes suas reversus epistolas istas interceptit, mutatasque & passim corruptas Imperatori obtulit. Unde Nicolaus fraude deprehensa novam, eamque omnium celeberrimam, a Bellarmino, aliisque Polemicis passim citatam, ad Michaëlem mittit: in qua proluxe atque erudite de sacerdotii dignitate, de Romanæ Sedis primatu ac potestate &c. disserit, simulque ea, quæ Michaël, distantibus Photio & Barda, objecerat, diluit: ac instat, ut Photius & Ignatius ad dicendam causam Romam mittantur, aut Legatos mittant. Scriptis denique pluribus aliis litteris ad varios in Oriente hortatur, ut Ignatio adhæreant.

Quibus auditis Photius in Nicolaum Pontificem anathema-regerit, depositumque a generali Synodo, datis ad Ludovicum II. Imperatorem litteris, confingit; scriptis insuper ad orientales Patriarchas encyclicis, Romanæ Ec-

15.  
Celebris  
ejus ad  
Michaë-  
lem Imper.  
epistola.

16.  
Quæ Photius  
Romanæ Ec-  
clesiæ obje-  
cit,



17.  
Refutantur.

Romanæ Ecclesiæ objicit. 1. Quod contra Canonem Apostolorum 64. & 55. sextæ Synodi (Trullanæ) sabbatis jejundet. (*Supra dixi, hunc Canonem non esse Apostolorum, nec generalis Synodi VI., nec unquam in Ecclesia Romana receptum.*) 2. Quod prima quadragesimæ hebdomadæ non rite jejundet. *Verum quia occidentales etiam sabbatis jejunabant, jejunii dies non minus complebant, quam orientales, cum sex sabbata septimæ Græcorum hebdomadæ æquivalent.* 3. Quod contra Canonem 4. Synodi Gangrensis & 13. Trullanum, sacerdotibus usum uxorum prohibeat. *Verum Græcos in ea re a disciplina primitivæ Ecclesiæ & Parum doctrina deflexisse, alias demonstravimus.* 4. Quod Confirmationis Sacramentum iteret. *Sed hoc est falsum, quod valide collatum iteret. Erat tunc magna controversia, ad quem Patriarchatum Bulgari, recens conversi pertinere debeant, an ad Romanum, an vero ad Constantinopolitanum. Misit Photius, Pseudo-Patriarcha & depositus, Presbyteros simplices, qui confirmationis Sacramentum conferrent Bulgaris: quod cum esset irritum, Legati Papæ, qui erant Episcopi, sacro eas Chrysmate rursus inunxere. Hoc tamen factum non probat, falsam esse illam sententiam, quæ dicit, ex commissione summi Pontificis etiam a simplici sacerdote valide posse conferri Sacramentum Confirmationis. Nam Photius non erat summus Pontifex, imo ne quidem habendus erat pro Episcopo.*

5. Quod sacro Symbolo addiderit, Spiritum S. non tantum a Patre, sed etiam a Filio procedere: ideoque illud contra decretum Nicænæ Synodi mutarit. At hæc non tam est mutatio, quam uberior declaratio. Sic licet prima Synodus (Nicæna) prohibuerit mutari suum Symbolum, tamen secunda Synodus plura verba addidit, ut est notorium, hancque non esse mutationem, sed majorem declarationem est professæ. Idem circa vocem *Filioque* responsum est Græcis in Concilio Florentino, ostensumque ex Conciliis & Patribus, etiam Græcis, hanc perpetuo fuisse Ecclesiæ doctrinam; quibus convicti Græci acquieverunt. Cæterum in antiquissimis latinis actis Synodi VII. in Symbolo jam existat vox *Filioque*.

18.  
An Protestantibus  
profint?

Hæc omnia sunt, quæ Photius intensissimus Ecclesiæ Romanæ hostis objecit post suam damnationem (nam ante illam omnia prebaverat, & communionem cum Ecclesia Romana modis omnibus quærebat) viderint hic A catholici nostri temporis, qui secessionem orientalis Ecclesiæ ab abusibus Romanorum tantopere exaggerant, quos abusus capitalis eorum hostis, studiose omnia excutiens, invenire potuerit. Et quidem nec in unico puncto ex his objectis Protestantes cum Græcis conveniunt. Non enim in primo & secundo circa jejunia: nam Photius observata voluit quæ-

quadagesimæ aliaque jejunia ( dempta duntaxat circumstantia sabbati ) & hodieum Christiani orientales rigide illa observant. Protestantes jejunium quadagesimale explodunt ; in honorem fortassis Christi Domini, qui 40. dies jejunavit : & exemplum nobis dedit, ut, quemadmodum ipse fecit, ita & nos faciamus. Sed quid? complandæ erant rugæ aspectu ac severæ disciplinæ, ut procos inveniat.

Sed neque in tertio puncto cum Græcis conveniunt. Illi enim Episcopis non concedunt usum uxorem: neque Sacerdotes admittunt ad concubia; quam alia habemus in Luthero, Zwinglio, Vermilio &c. exempla?

Neque in quarto. Photius enim Confirmationem habuit pro vero Sacramento: habetque hodieum orientalis Ecclesiæ. Quam hoc cum Novatorum phantasmate conveniat, satis compertum est.

Neque in quinto: nam Protestantes nobiscum confitentur, Spiritum S. a Patre *Filioque* procedere.

Dum Photius Constantinopoli tumultuatur, atque insana rabie in Ecclesiam Romanam grassatur, suffultus favore Bardæ Cæsaris, ac Imperatoris Michaelis vecordia, magna rerum mutatio turbulenta illius consilia afflixit. Nam Bardas avunculus Michaelis; jam dudum Cæsar dictus, & in consortem Imperii assumptus, cum ageret omnia, & populi <sup>19.</sup> Bardas occidit, a Basilio Macedone interfectus, hoc uno commendatus posteris, quod litteratos amaret & cole-  
ret, plusque aliis consuleret, quam sibi.

Basilius, cubiculi Præfectus, operæ præmium mox cœpit, a Michaeli Cæsar dictus & consortis Imperii. Magnum in Bardæ columnen amisit Photius; sed homo in partem omnem versatilis, ut ambitioni suæ lenocinetur, cædem laudavit, & Bardam vituperavit; eumque nefanda Michaelis scelera, stuprâ, impietatem, projectamque vitæ molliem dissimularet, auræ blandienti rebus suis ubique captandæ intentus, ejusdem gratia increfces, furere non desist, donec inopinus eum turbo fregit.

Michael siquidem Imperator, cum sana Basilii Cæsaris consilia non ferret, vitæ illius insidias struxit, designato successore *Basilio*. At Ba- <sup>20.</sup> Et Michael  
filius cædem præveniendam ratus, Michaeli vino obrutum per excubatores interemit. Nihil hic novus Heliogabalus præter nomen Imperatoris gessit, nisi inter gesta ejus recensere scurrilitates, temulentiam, crudelitatem, spurcicias, impietatem, flagitia: dicere solitus, tres esse Constantinopoli Patriarchas, Ignatium Catholicorum, Photium Bardæ, suum vero esse Theophilum: hominem videlicet spurcissimum, & scelerum ejus administrum.

Basilius, humili licet loco natus in Macedonia, vir tamen fortis, pro- <sup>21.</sup> Basilius Pho-  
bus, & initio saltem apprimè Catholicus, regia occupata, Imperator con- tio dejecto  
salu.



restituit Igna-  
tium.

salutatus, illico Photium throno suo deturbatum cœnobio includit, atque Ignatium, novem annorum dirissimum exilium passum, restituit. Qui ut dispersas Ecclesiæ reliquias colligat, morbosque sanet, Oecumenicum a Basilio Concilium flagitat; missique ad Romanum Pontificem ab Imperatore & Ignatio Legati cum epistolis. Basilius in sua petit, ut Papa de Photii affectis sententiam ferat, atque restitutionem Ignatii ratam habeat, addiditque: *Ut autem Divinum & Apostolicum judicium de sanctissimo Patriarcha Ignatio, & infelicissimo Photio, Photianis quoque palam fiat, ab utraque parte missi sunt Legati, ut presentibus illis causa a te desinatur, tuique Legati una cum nostris certissimam toti Ecclesiæ fidem faciuri mittantur.*

22.  
Primatus.

Ignatius vero in sua inter alia sic scripsit: *In membris autem Christi, DEI ac Salvatoris (consanandis) unum tantum ac solum selectum, ac universa-  
lissimum medicum, tuam nempe fraternam paternamque Sanctitatem supremum Dei Verbum constituit, cum Petro, supremo sanctissimoque vertici dixit: tu es Petrus, & super banc petram ædificabo Ecclesiam meam, & portæ inferi non prævalebunt adversus eam: tibi dabo claves regni cœlorum, & quod ligaveris super terram, ligatum erit in cœlis, & quod solveris, erit solutum. Hujuscemodi enim beatas voces non soli Apostolorum Principi privata quadam sorte transcripsit & assignavit, sed per illum ad omnes Romanæ Sedis Pontifices illi successuros transmissi. Hinc retro olim semper, cum hæreses & scelera pullularent, noxias illas herbas & zizania Apostolicæ Sedis Vestræ successores extirparunt.*

En! quid nono adhuc sæculo sanctissimus Constantinopolis Patriarcha, ac pientissimus orientis Imperator de primatu Apostolicæ Romanæ Sedis, jure divino constituto, senserint. Profecto hæc confessio non tantum confundit subsequentes orientales Schismaticos, sed etiam modernos Novatores, eorum Advocatos.

23.  
Indisum  
Concilium.

Nicolaus I. interim obiit; unde successor ejus *Hadrianus II.* missis Constantinopolim Legatis, Donato Ostiensi Episcopo, Stephano Nepefino, & Marino (postea Pontifice) adhucdum Diacono, Basilium laudat: toti occidentali Ecclesiæ placuisse restitutionem Ignatii, significat, ac grates agit. Lapsos, Photio excepto, si peniteant, restitui concedit; additque: *Volumus ergo, per vestra pietatis industriam illic numerosum celebrari Concilium, cui nostri quoque missi præsidentes, & culparum personarumque differentias liquido cognoscetes, juxta quod in mandatis acceperunt, singulorum libere discretionem exercent.*

Magna omnino veneratione excepti sunt Legati Apostolici, cœptumque Concilium in templo S. Sophiæ anno 869. s. Oct. finitumque ultima Febr. anni sequentis. Nulla autem generalis Synodus fuit hac infrequentior; initio enim præter Legatos Romanos, Ignatium, & Legatos orientalium Patriarcharum pauci aderant Episcopi, nec postea plures, quam

102. convenere (receptis etiam aliquot Photianis pœnitentibus) ut ex Niceta & omnibus Conciliorum collectionibus constat. Unde nescio quod facto apud Bellarminum libr. 1. de Concil. cap. 5. scriptum invenitur, adfuisse Episcopos 383. *e quibus unus Patriarcha Photius, ac deinde Ignatius.* Nam plures non erant, quam 102. & Photius nunquam ut Patriarcha interfuit, utpote ab Imperatore jam depulsus, & a Nicolao Papa depositus & anathemate percussus: sed omnibus actionibus aderat Ignatius. Photius autem in quinta primum actione a Laicis tanquam reus adductus ad dicendam causam ad Judices Concilii; quos tamen vix responso dignatus est.

Constat autem hoc Concilium actionibus decem: Canonibus editis 27.

## §. II.

## Acta Concilii.

In actione 1. præsidentibus Legatis Romanis lecta est Adriani epistola ad Basilium, ac libellus, in quo continetur definitio Synodi Romanæ sub Nicolao, qua Iconoclastarum hæresis cum Photio damnatur.

In 2. ingressi sunt lapsi Episcopi illi, qui a Methodio & Ignatio ordinati, Photii postea partes sunt secuti, deprecantes veniam & pœnitentiam; ac postquam libello Romanæ Sedis subscripserunt, recepti ac ordine suo sedere jussi sunt. Recepti etiam alii Clerici lapsi, injuncto tamen <sup>27.</sup> *Recepti pœnitentes* *illis epitimio,* seu pœna Ecclesiastica certi jejunii & precum usque ad Nativitatem Domini, ante quod tempus non licebat eis ordinibus fungi.

In 3. duo Archi-Episcopi, Ancyranus nempe & Nicænus, a venia exclusi, quod libellum, a Papa missum, nollent subscribere. Lectæ dein plures literæ de Photii damnatione, ut Adriani ad Ignatium, Basilii ad Nicolaum, Ignatii ad eundem.

In 4. duo Photiani Episcopi ex litteris Nicolai ad Michaellem & Photium de mendaciis convicti, ejecti sunt.

In 5. per laicos citatus Photius adducitur ad Concilium: interrogatus de sceleribus suis, respondit: *posui ori meo custodiam: quod sequitur, ipsi legitote:* intelligi volens: *Cum confisteret peccator adversum me.* Instant Legati, per obstinatum silentium non evasurum damnationem; reponit ille: *Neque si Esus tacendo evasi damnationem.* Jussus iterum, ut se justificet, ait versipellis hypocrisis: *Justificationes meæ non sunt de hoc mundo:* Nihil- <sup>27.</sup> *Photius adductus in concilium, versipellis veterator.* que aliud exprimi potuit.

In 6. præsente Basilio lecta sunt, quæ a Nicolao I. & Adriano II. contra Photium sunt decreta. Orientales dixere, a suis Patriarchalibus sedi- <sup>26.</sup> *Adducti*



Photiani Episcopi, nusquam receptum Photium, Episcopi a Photio ordinati, quorum magnus erat numerus, jussu Imperatoris ingressi condemnationi Photii non acquiescunt, sed Ignatii depositionem justam fuisse proluxa oratione conantur ostendere. Quos refutat Metrophanes Sirmienfis Episcopus. Imperator hortatur eos ad pœnitentiã concessio novem dierum spatio.

27. In 7. reversus in Concilium Photius, pedo instructus, cum Gregorio Syracusano (a quo dudum propter scelera excommunicato & deposito contra SS. Canones ordinatus fuerat Photius sex continenter diebus) atque avulso ex manu ejus pastoralis baculo, interrogatus, an pœniteat, respondit, ipsos potius pœnitere debere, reliquis pariter in contumacia persistentibus. Unde in Photium ejusque asseclas a Concilio pronuntiatur anathema.

28. Etiam in Iconomachos, In 8. combustis Basilii jussu scriptis Photii adversus Nicolaum & Ignatium, actisque conciliabulorum tum veris, tum supposititiis, lectisque in falsarios decretis, actum est de Iconomachis, aliquot eorum introductis. Cumque ostenso numismate, cui Imperatoris Imago erat insculpta, ex uno illorum quæreret Babanes Patricius, an illam veneretur, & ille annueret, reposuit Babanes: *Si mortalis Regis Imaginem veneraris, cur venerari renuis Imaginem Christi, Regis immortalis, Sanctissimæque Matris ejus Et omnium Sanctorum?* Veneraturum se, replicat ille, si Præceptum Christi ostendatur: Responsum fuit, de eo, quod ab Ecclesia Catholica est definitum, non esse quærendum Christi præceptum. Receptis tum aliquibus pœnitentibus in reliquos Iconomachos ac Photium repetitum anathema.

In actione nona Josephus sedis Alexandrinæ Legatus, tunc primum adveniens, approbavit gesta Concilii. Examinati falsi in Ignatium testes, & pœnitentes recepti: Uti etiam tres laici, Sacerdotii illufiores, qui Michaelis Imperatoris jussu habitu Sacerdotali & Episcopali ad ludibrium induti per urbem incedere consueverant, gesticulatores levissimi.

### §. III.

#### Canones Concilii.

29. In act. 10. præsentibus Basilio Imperatore Orientis, & Legatis Ludovici Imperatoris Occidentis una cum Anastasio Bibliothecario Ecclesiæ Romanæ, atque Legatis Bulgariæ Principis, & 102. Episcopis, editi ac promulgati 27. Canones. Lecta Fidei definitio: In qua damnata jam ante hæreses rursus damnantur, cum Photio. Subscribere Legati Apostolici, Imperator, cæterique Patres, calamis, non atramento, sed ipso Salvatoris Sanguine tinctis, ut testatur Nicetas in vita S. Ignatii Patriarchæ,

chæ. Basilius Imperator post Episcopos volebat subscribere exemplo Constantini M. sed rogatus a Patribus post sedium Patriarchalium Legatos ante Episcopos subscripsit, non definiens ut protestabatur, sed suscipiens & consentiens.

Canonum autem hæc est epitome.

I. Servandi Canones: Traditiones item non scriptæ, secundum illud Apostoli: *state & tenete traditiones &c.* Traditiones servandæ.

2. Et Nicolai I. & Adriani II. decreta.

3. Sacræ Imagines honorandæ.

4. Ordinationes & Consecrationes factæ a Photio invasore declarantur irritæ, ipsumque nunquam fuisse verum Episcopum. *Hic exsurgit dubium, quo sensu Concilium ordinationes Photii declaravit irritas, eumque non fuisse verum Episcopum: nam licet contra SS. Canones a statu laicali ad Patriarchatum fuerit intrusus, & quidem per Laicos, licet etiam a Gregorio Syracusano Episcopo excommunicato & deposito fuerit ordinatus Monachus, Lector, Subdiaconus, Diaconus, Presbyter & Episcopus, sex continenter diebus, ipsius tamen ordinatio erat valida, eratque vere Episcopus, consequenter etiam ordinationes, quas ipse fecit, erant validæ.*

(Similis postea Romæ orta est difficultas circa ordinationes Formosi Pontificis, quas Stephanus VI. & Sergius III. declararunt irritas) Quo sensu ordinationes Photii irritæ.

Plura hujusmodi exempla afferunt Morinus & Cabassutius, Congregationis Oratorii presbyteri: Sic irritas esse declaratas ordinationes Constantini, invasoris Romanæ Sedis, & absque interstitiis tumultuarie ordinati: Ebbonis item Archi-Episcopi Remensis (ob conspirationem cum Filiis Ludovici Pii) depositi ac postea per Lotharium restituti, ordinationes irritas & repetendas esse declaratas ab Hincmaro illius Successore, & Concilio Sueffionensi. Unde isti auctores putant, sicut olim dubium erat in Ecclesia, an validus sit baptismus ab hæreticis collatus, sic etiam fuisse dubium, an valeat ordinatio accepta ab Episcopo deposito & excommunicato. Sed melius

Respondetur: Has ordinationes Photianas re ipsa omnes fuisse validas, cum factæ sint ab Episcopo, cujus character & potestas ordinis est indelebilis. Sed quia erant susceptæ contra SS. Canones, & sic illicitæ & illegitimæ, a Concilio declaratae sunt irritæ, hoc est illicitæ, & illegitimæ, conjunctæ cum irregularitate, ut adeo nec Gregorius, nec Photius, neque ab hoc ordinati potuerint licite functiones Sacrorum ordinum exercere. Et sic in sensu latiore, usitato tamen in antiquioribus Sacris Canonibus, non tantum id dicitur irritum, quod in se ipso est invalidum ac nullum, sed etiam, quod nullum effectum licite potest producere. Et hinc etiam Adrianus II. in sua ad Ignatium epistola, quæ actione 3. est recitata, scribit: Quia Photius vir Forensis, Curialis, Neophytus, invasor atque adulter, nec non & anathemate condemnatus existens nihil habuit, nihil dedit, nisi



forte damnationem habuit, quam se sequentibus propinaverit: Nempe nihil habuit, nihil dedit licite, canonice, legitime. Quo sensu etiam dicitur a Concilio, Photium nunquam fuisse verum Episcopum, hoc est, eum tanquam irregularem nunquam potuisse licite exercere functiones Episcopales, & sic nunquam habendum fuisse pro vero Episcopo. Eodem sensu a SS. Canonibus dicitur, eum non esse Episcopum, qui non sit consecratus a tribus Episcopis.

Fuisse autem Photium valide ordinatum & consecratum, ac consequenter ordine & caractere Episcopali re ipsa insignitum, patet etiam ex eo, quod Joannes VIII. eum postea restituerit absque nova ordinatione: Quia priorem supponebat validam. Quod de Formoso additum fuit, illius ordinationes non tantum valide, sed etiam licite & legitime fuerunt: Quaeque a Stephano & Sergio contra eum acta sunt, ex ira & odio peccaminose contra eum sunt acta, peccato facti, non erroris in Fide.

31. Interstitia. Quinto Canone vetatur, ne quis Laicus, nuper primum tonsus assumatur in Episcopum, & nisi probatus fuerit per varia temporum interstitia, nempe

Per annum in ordine Lectoratus,

Per duos annos in Subdiaconatu,

Per tres in Diaconatu,

Per quatuor in Presbyteratu. Permittit tamen Concilium Episcopo potestatem ex justa causa dispensandi. Concil. Tridentinum interstitiorum annum constituit a Minoribus ordinibus ad Subdiaconatum, & sic ulterius, nisi necessitas aut Ecclesiae utilitas iudicio Episcopi aliud exposcat. Vetat autem duos ordines majores eidem conferri uno die. Quod antiquitus etiam observatum; hinc ne quidem Photio plures eodem die sunt collati, sed singuli sex diebus singulis.

32. Iterata damnatio Photii, Iconoclastarum. In 6. iterum damnatur Photius ob multiplex crimen falsi. 7. Imaginum hostes damnantur: Et a docendis Divinis humanisque scientiis arcentur.

8. Episcopi non extorqueant more Photii ab ordinandis subscriptiones, quibus sibi adhæsuros promittant.

9. Subscriptiones a Photio extortae neminem obligent.

10. Ne quis ante Synodicam sententiam, a suo Patriarcha, Metropolita, vel Episcopo se separet.

33. Et opinionis de duabus animabus. 11. Opinio de duabus hominis animabus, quam Photius tenuisse dicitur, damnatur; tanquam S. Scripturae & SS. Patribus contraria. Hanc tenuerunt etiam Manichaei, praeter animam rationalem, aliam distinctam sensitivam asserentes, eamque ex natura sua malam, & a malo principio extortam. Contra quem errorem S. Augustinus librum scripsit de duabus animabus contra Manichaeos. Et jam ante Augustinum Aristoteles lib. 1. de anima text. 66. & 91.

Con-

Contra quosdam veteres Philosophos, unam tantum in homine animam asseruit, quam simul sit rationalis, sensitiva & vegetativa. Fortassis tamen Concilium istud tantum eos damnat, qui duas animas rationales in homine asserunt. Licet enim videatur, universaliter duas animas rejicere, ratio tamen, quam affert ex S. Scriptura, tantum contra duas animas rationales pugnat. Sic enim Canon iste, ex Anastasii versione incipit: Veteri & novo Testamento unam animam rationalem & intellectualem habere hominem docente, & omnibus Deiloquiis, Patribus & Magistris Ecclesiæ eandem opinionem asseverantibus, in tantum impietatis quidam, malorum inventionibus dantes operam devenerunt, ut duas eum habere animas impudenter dogmatizare &c. Ubi tantum de duabus animabus rationalibus videntur loqui, nihil cogitantes de principio sensationum & vegetationum.

12. Ne Tyrannica Principum potestate eligantur Episcopi.  
13. Ad Ecclesiæ Constantinopolitanæ dignitates nemo assumatur: nisi ex illius Clero, si in eo inveniantur digni.

14. Condigne honorentur Episcopi, etiam a Principibus.  
15. Bona Ecclesiastica non alienentur, nec in emphytevsin concedantur, nisi pro redimendis captivis.

16. Damnantur illulores rerum sacrarum.  
17. Metropolitæ ad Synodum vocati a Patriarcha compareant: reprobaturque imperitorum excusatio, sine Principis præsentia celebrari non posse Synodum; cum nusquam SS. Canones sanxerint, convenire in Concilia sæculares principes, sed solos Ecclesiarum Præsules.

18. Bona & privilegia, ab Ecclesia 30. annos quiete possessa, firma manean.

19. Ne prætextu visitationis Metropolita sibi subditos gravet Episcopos.

20. Bona Ecclesiæ in emphytevsin jam concessa non repetantur prætextu non soluti Canonis annui, nisi per tres annos continuos non fuerit solutus. Idque fiat ordine judiciali coram Judice competente.

21. Nec Synodus universalis sententiam audacter dicat contra Romanos Pontifices, nec alii more Photii & Dioscori contra eos insurgant. Anathema dicitur Magnatibus & Principibus sæculi, qui Patriarchis, & præsertim Romano Pontifici debitam reverentiam & honorem violaverint.

22. Principes sæculares Episcoporum electionibus se non immisceant. Hoc Canone usi deinde sunt Pontifices in controversia circa Investituras.

23. Episcopi alienæ Ecclesiæ possessiones non invadant, conferant, aut locent,

34.  
Bona Ecclesiæ ne alienentur.

35.  
Concilia ad solos Ecclesiasticos pertinere.

36.  
Emphytevsis.

37.  
Electiones.



24. Metropolitæ ipsi fungantur suo munere: neque per suffraganeos tantum illud obeant.

25. Clerici Photio pertinaciter adhærentes depositi declarantur, absque ulla spe restitutionis.

38.  
Appellatio.

26. Cuilibet Clerico læso ad majores sedes gradatim appellare licet, nempe a proprio Episcopo læsis ad Metropolitam, Episcopo per Metropolitam gravato ad Patriarcham.

39.  
Jus pallii.

27. Episcopi, qui habent jus pallii, ne illud gestent extra tempora & loca, a SS. Canonibus statuta. Monachi autem ad Episcopatum assumpti retineant ordinis habitum. *Cap. 1. de auctoritate & usu pallii statuitur, intra quamlibet Provinciæ suæ Ecclesiam posse Archi-Episcopum uti pallio, non vero extra suam Provinciæ. Et cap. 3. non esse vocandum Archi-Episcopum quamvis consecratum, nisi a Pontifice acceperit pallium: conferrique per illud plenitudinem pastoralis officii & Archi-Episcopi appellationem. Cap. 4. Soli Papæ esse licitum ubique uti pallio.*

40.  
Titulus  
Papæ.

Nota etiam in hoc Concilio Romano Pontifici a Græcis quoque datum esse titulum *Summi Pontificis*, & *universalis Papæ*: atque hunc titulum ejusdem Legatus subscriptionibus suis inseruisse.

#### §. IV.

Bellum Photianum recrudescens post Concilium.

41.  
Artes Photii.

Confectum videri poterat hoc bellum Photianum, paxque reducta Ecclesiæ. At quis crederet, hominem, a Nicolao I. Adriano II. ac novissime ab Oecumenico Concilio, atque ab omnibus sedibus Patriarchalibus anathemate profligatum, atque ab ipso adeo Imperatore Basilio dejectum & in exilium pulsum, ab eodem Basilio, & quidem annuente Romano Pontifice Patriarchali Cathedræ, quasi jure postliminii, restituendum, & quidem non emendatum, sed contumaciæ suæ infordescens? debentur hæc paradoxa artibus Photii.

42.  
Ablata  
chirographa.

Cum enim post Concilium mitius cum eo & contumacibus Episcopis, quam tempora ferebant, ageretur, datis quaqua versum ad affectas suos litteris Synodum istam tanquam inauditum latrocinium, in quo omnia per vim, nihilque ex lege actum esset, infandis calumniis proscidit. Tum ad collidendam Constantinopolitanam Ecclesiam, ipsumque Imperatorem cum Ecclesia Romana ejusque Præsulibus conversus, Græcos sollicitat, ut apud Imperatorem conquererentur, quod Constantino-

tot

tot Episcoporum orientalium chirographis; quibus Imperator commo-  
tus, Legatis Romanis chirographa clam subtrahi jubet. At iis amare de  
hoc questis, ac sine authenticis chirographis se Romam non redituros  
protestantibus, sicque totum negotium, tanto molimine confectum,  
collapsurum asserentibus, illa restituit: deportata cum actis Græcis Ro-  
mam ab Anastasio Abbate Benedictino, celeberrimo Romanæ Ecclesiæ  
Bibliothecario, qui inter tres Ludovici II. Imperatoris Legatos Conci-  
lio interfuit, & Synodum postea in Latinum transulit.

Alterum caput, quod utramque Ecclesiam caput collidere, quoque  
in rem suam graviter uti novit Photius, dabat *Bulgaria*, quæ ad Leonis <sup>43.</sup> *Causa Bulga-*  
sauri usque tempora subiecta fuerat Patriarchatui Romano. Hæc nuper, *rica.*  
converso ope Imaginis, extremum iudicium exhibentis, Bogore ejus  
Principe, ad Ecclesiam recepta, petitis impetratisque a Nicolao I.  
Sacerdotibus & Episcopis, Archi-Episcopum etiam primum quidem a  
Nicolao, tum etiam illo moram trahente a Synodo octava Constantino-  
poli petiit. Jurgio tunc orto, ad quem Patriarchatum Bulgaria perti-  
nere debeat, Græca fraude, & orientalium Legatorum studio, Basilio  
Constantinopolitano adjudicata est, missio illuc per Igna-  
tium Theophilacto Archi-Episcopo, protestantibus Legatis Romanis;  
ac postea Adriano Pontifice, Bulgariam frustra repetente. His actis  
dimissi Legati, sed non ea veneratione, qua venientes excepti fuerant.  
Missus sub id tempus ab Ignatio Archi-Episcopus etiam Russis, in fœdus  
cum Basilio pertractis; unde tam Bulgaros quam Russos Græcorum schi-  
sma postea involvit.

Photius, licet in exilium relegatus, piscatus in turbido, confirmans <sup>44.</sup> *Impostura*  
identidem Episcopos sibi adherentes, tum per eos tum per litteras in *Photii,*  
aulam clam prosperere, seque insinuare non desit; utque se totum ex-  
promeret, fabulam adornat, placituram Basilio; Genealogiam textit  
plenam mysteriis & vaticiniis, atque ut antiquitatis speciem præferret,  
litteris Ægyptiacis, ac Logogryphicis fucatam. In hoc Basilii genus  
refert ad Tiridatem, Armeniæ Regem; imperium ei prædicit, quanta-  
que cum gloria sit regnaturus exponit; utque auctor lateret, Theopha-  
nem Bibliothecæ Regiæ Præfectum actorem constituit. Is acceptam Pho-  
tii Genealogiam in Bibliotheca reponit, eamque tanquam inventum  
thesaurum Basilio, Bibliothecam obeunti, exhibet & laudat, ejus stir-  
pem Regiam, Majores, atque ipsum etiam, ejusque gesta mysterioso  
præfatio adumbrari affirmans.

Basi-



Et Santabareni.

Basilii curiositate ductus librum legit, ac mysteria recondita explanari sibi postulat. Theophanes reponit, videri sibi non alium illa posse exponere, nisi Photium, in omni litteratura & a canorum sensu versatissimum. Ecce bellum atque quæsitum fabulæ epilogum! Accersitur ab exilio in aulam Photius, rem suam personamque strenue agit, accito etiam in societatem *Theodoro Santabareno*, homine sibi simili, nisi quod insuper magicis artibus operam suam locaret. His igitur auctoribus ita immutata est rerum scena, ut Photius rursus in aula & apud Basilium gratiosus, dominari adeo videretur, ut Episcopali rursus potestate uteretur, & Ignatius de cathedra sua periclitaretur iterum.

45.  
Mortuo Ignatio invadit rursus Patriarchatum.

Cum autem decennio post restitutionem exacto, octogenario majoris decessisset, viam omnino planam ad resumendum summum sacerdotium Photius habuit, rescissis Ignatii actis; cumque is ad Joannem VIII. Adrianum II. successorem litteras, sua indole plenas, hoc est, fraudibus & mendaciis, direxisset, significans, se a tota Ecclesia Constantinopolitana coactum ad reditum in Patriarchatum, accedente insuper Basilii commendatione, approbationem ab eo obtinuit, ea tamen adjecta conditione, ut in Synodo, hac de re celebranda, veniam postulet, & Bulgaricam Ecclesiam Ecclesiæ Romanæ restituat, neve deinceps post ejus obitum quisquam ex laico statu ad Episcopatum admittatur.

46.  
Joannis VIII. languor.

Mittit proin Papa ad illam Synodum duos Legatos, qui minis ac muneribus Photii atque Basilii corrupti (corruptis etiam Pontificis litteris) quidquid his libuit, concessere, Episcopis pluribus, Photium toties depositum & ab Ecclesia ejectum execrantibus. Numerosa tamen fuit illa conciliabuli colluvies, ut gloriaretur Photius, grandi miraculo ex trecentis, quos ipse consecraverit, Episcopis, nec unicum a se defecisse. Adfuere etiam Legati Patriarcharum orientalium; unde Græci Schismatici, loco Concilii, ante decennium sub Adriano II. celebrati, hoc conciliabulum Synodum generalem octavam vocitant, ut videre est in Zonara, Nilo Balsamone, aliisque Græcis, ac Conciliorum collectoribus.

47.  
Conciliabulum Photianum.

Merito etiam Baronius conqueritur de Juliano Cæsarino Cardinale, quod in Concilio Florentino contra Marcum Ephesinum disputans, veram illam octavam Synodum, sub Adriano II. celebratam, quasi eripi sibi passus: neque obstiterit contumaci illi Schismatico, cum diceret, Synodum sub Adriano II. celebratam rescissam esse tempore Joannis VIII. ita est: rescissa est, sed a conciliabulo Photiano, prorsus reprobato.

Joannes VIII. intellecta prævaricatione suorum Legatorum, nihilque in synedrio illo Photiano servatum esse eorum, quæ ipse præscripserat, accepto in manus Evangelio ambonem ascendit, ubi reprobato illo conciliabulo Photio dixit anathema. Quia tamen initio Photii fraudibus induci se passus, remissiorem, quam decuit, exhibuit, notam aliquam imbel-  
 48. Cum Photius  
 conditiones  
 non servaret,  
 Joannes VIII.  
 ei dixit ana-  
 thema,

lis animi apud Occidentales contraxit: ut adeo non pauci sint scriptores, qui putent, facilitatem ipsius, qua Photio Evnucho cessit, ridiculæ fabulæ de Joanna Papissa occasionem dedisse.  
 Cæterum non tantum Joannes VIII. anathema dixit Photio, sed etiam ipsius Successores, Marinus, Hadrianus III. Stephanus V. Formo-  
 49. Eiusque Suc-  
 cessores.

sus, Bonifacius VI. alique, Basilio Imperatore acerbis de hoc litteris conquesto.  
 Sed anno 886. obiit Basilius, a cervo, ut fertur, in venatione raptus ac vulneratus; successit Leo, cognomine *Sapiens* vel *Philosophus*, qui  
 50. Photius a  
 Leone iterum  
 dejectus,

mox Santabarenus, cujus fraudibus in suspicionem insidiarum apud Patrem Basilium vocatus, atque in captivitatem datus fuerat, oculis orbatum in exilium relegat; ejus vero fautorem & consiliorum socium, imo authorem, Photium Patriarchatu iterato dejectum, monasterio includit, suffecto in ejus locum *Stephano*, fratre suo. Quia autem hic a Photio ordinatus fuerat Diaconus, scripsit Leo Imperator ad Stephanum V. Papam, ut tam fratrem suum, quam alios, qui a Photio ordinati fuerant, anathemat-  
 51. Suffecto Ste-  
 phano fratre  
 Leonis,

tis vinculo exsolvat, ac restituat; addiditque, eos veniam mereri, eo quod a quatuor Legatis Romanis, Photium bis restituentibus, fuerint decepti.  
 Stephanus Papa timens Græcorum fraudes (Leonis enim litteræ nuntiabant, Photium se abdicasse, *Stiliani* autem Neo-Cæsariensis, eum vi de-  
 52. Sed non sine  
 triciis.

jectum) per Legatos causam decidendam scribit. Venerunt illi Romam primum tempore Formosi, cujus mirabile responsum, ex Synodo VIII. repetitum, exstat, *nihil potuisse dare Photium præter damnationem*. Unde etiam decernit, ut anathematis sententiâ, a Romanis Pontificibus & Synodo VIII. lata, in ævum firma permaneat, ordinati vero ab eo, si penitentes veniam rogent, ut Laici ad communionem recipiantur; sed non constat, hæc a Græcis esse servata.

Photius in hoc secundo suo exilio vivere desit anno 891. homo, si quis alius, Ecclesiæ noxius: a novem summis Pontificibus excommunicatus. Jecit fundamentum grandi illi diroque Græcorum schismati cum Romana Ecclesia. Unde plures infelicem ejusdem apocham ducunt a Photio. Licet enim usque ad Michaellem Cerularium utcumque unio tenuerit, tamen illa non amplius ex parte Græcorum fatis erat sincera: sæpius postea restaurata semper tamen iterum Græculorum levitate & perfidia fracta.



53.  
Ejus libri.

Caterum Photius, homo licet pessimus, magnam tamen apud eruditos famam reliquit. Composuit *Bibliothecam*, in qua 280. libros, a se lectos, recenset, censorem in eos agens. Multaque antiquitatis monumenta cum fontibus deperdita, hoc pacto posteritati transmissit. Edidit etiam *Nomocanonem*, titulis 14. distinctum, ac Canones Apostolorum, Conciliorumque veterum, cum legibus Imperialibus collatos exhibentem. Septem item Conciliorum generalium epitomen adumbravit; quatuor libros contra Manichæos, a Christophoro Wolsio haud ita pridem Hamburgi editos. Taceo plurimas illius epistolas; uti etiam descriptas quinque ipsius Pseudo-Synodos, contra Ignatium habitas. Quarum duabus Legati Romani prævaricatores subscripserunt: Condemnati propterea Romæ, & ab Episcopatu depositi.

54.  
Raderi labor  
circa Syno-  
dum VIII.

Denique nota, octavæ Synodi, totiusque controversiæ, Ignatium inter ac Photium tantopere agitatæ historiam optime descriptam esse a *Niceta Davide* Paphlagone in vita S. Ignatii Patriarchæ, quam Matthæus Raderus noster in Latinum vertit: Eamque Binius, Labbeus, Harduinus, Coletus, Conciliorum collectioni actisque hujus Concilii inseruerunt, cum notis eruditissimis ejusdem Raderi, de collectione, versione & explanatione hujus octavæ Synodi quam optime meriti.

## C A P U T III.

### De Jure Synodali Novo.

**A**mplior fortassis, quam institutum postulet, hæc de Jure Synodali videri posset tractatio. Verum, cum res sit momenti sane maximi, atque ad apparatus Jurisprudentiæ, præsertim Canonicæ, comprimis pertinens, æqui bonique Lector, eruditionis æstimator, consulat, si cæptam telam prosequamur & Jus Synodale etiam *Novum*, in decem Occidentalibus Conciliis Oecumenicis propositum, subjungamus: Totum Jus Synodale sub unum velut aspectum daturi.

## ARTICULUS I.

### De Concilio Generali IX. Lateranensi I.

Pro

*Reducenda Concordia inter Sacerdotium & Imperium, propter Investituras turbata sub Callisto II. & Henrico V. Anno 1122.*

SUM-

SUMMARIUM.

§. 1.

Synopsis Historica.

1. Origo feudorum secularium in Germania,
2. Ecclesiasticorum, cum Investitura Casarea,
3. Usus in abusum & Simoniam degenerans, præsertim tempore Henrici IV.
4. Cui se opponit Gregorius VII. & Procures Imperii.
5. Henricus Canisii supplex Pontifici: Mox recidit.
6. Unde abdicatur Imperio, electo Rudolpho.
7. Hoc mortuo Henricus Guibertum Antipapam excitat.
8. At fato suo infelici.
9. Instaurata discordia sub Henrico V. ratione Investituræ, intruso Burdino Antipapa, ac Paschali II. capto.
10. Tandem sub Callisto II. pax sancita, sopitaque tantisper Investiturarum controversia.

11. Conditiones pacis ex parte Imperatoris.
12. Conditiones ex parte Pontificis.
13. Crisis de isto bello Ecclesiastico, propter Investituras suscepto.
14. Vanæ Protestantium querelæ adversus Henricum V. quem ajunt, dimidium Imperii perdidisse.
15. Canones antiqui circa electiones Ecclesiasticas.
16. Per illos tamen nihil derogatum Privilegiis variorum Principum: Nec potestati Pontificiæ concedendi ejusmodi Privilegia.

§. 2.

Canones Concilii.

17. Concubinatus proscriptus.
18. Bellum Sacrum promulgatum.
19. Alienationes rerum Ecclesiasticarum vetitæ.
20. Finis Concilii pacem cum imperio sancire & confirmare &c.

§. 1.

Synopsis Historica.

Post Caroli M. & Ludovici Pii obitum, maximeque post extinctam per mortem Ludovici infantis Carolingicam stirpem Teutonicam, Provin-  
ciarum Præfecti, qui Duces, Marchiones, Comites appellabantur, Pro-  
vincias, quas pro Imperatore administraverant, hæreditarii paulatim ju-  
ris fecere, non quidem absoluti & independentis, sed feudalis, agnito  
nempe supremo ac directo Imperatoris dominio, cui homagium ac fide-  
litas sacramentum præstiterunt, exhibitis etiam certis obsequiis in aula  
& militia. Sic filius successit patri, atque sub hisce conditionibus feu-  
dum regale ab Imperatore accepit; dictaque est solennis hujusmodi feudi  
acceptio *Investitura*.



2.  
Ecclesiasti-  
corum.

Episcopi Germaniæ, sub Carolina jam stirpe temporalibus etiam administrationibus admoti, cum viderent Proceres propria jam facere, quæ alieno prius nomine administrarant, secuti exemplum, Episcopales urbes cum terra adjecta feudali pariter jure ab Imperatoribus acceperunt; aucta plurimum per Henricum Aucupem, Othonem M. Henricum Sanctum, aliosque subin Cæsares liberales Ecclesiarum fundatores, temporali Episcoporum & Abbatum potestate, reservato tamen consensu Cæsareo in electione, & jure dominii directi, ac potestate regalia feuda iis conferendi. Quæ collatio seu concessio per traditionem annuli & baculi Pastoralis fieri consueverat.

3.  
Usus in ab-  
usum ac  
simoniam  
degenerans.

Hic usus toleratus aliquamdiu in magnum degeneravit abusum. Nam per eum factum est, ut non amplius libera esset Cleri electio, sed Episcopatus & Abbatiae venales prostantur cuique concubinario & indignissimo, plus offerenti, imposita etiam pensione Ecclesiis.

Cumque nefanda hæc sacrorum nundinatio, labesque simoniaca Henrici IV. præsertim tempore adeo in Germania dominaretur, ut vix quinque essent Episcopi, qui absque simonia ad Episcopatum pervenerint, Gregorius VII. tandem efficax tanto malo adhibiturus remedium, quas diximus *Investituras*, occasionem velut simoniæ proximam, severe interdictas voluit: indignum etiam ratus, & Ecclesiasticæ libertati pugnans, quod Episcopi annulum & Pastorale pedum, quæ potestatis spiritualis sunt insignia, a laicali manu reciperent.

4.  
Cui cum se  
opponeret  
Gregorius  
VII.

Monitus propterea a Gregorio Henricus Cæsar, cui jam depravato nundinatio illa simoniaca familiaris erat, cum Pontificiam autoritatem sperneret contumax, excommunicationis fulmine percussus est; quod tamen ipse in Pontificem per Episcopos, luxuria & simonia insignes, in conciliabulo Wormatiæ coacto, retorquere ausus est. At pessime insolenti hoc facinore rebus suis consuluit.

Orta turbæ.

Nam cum Gregorius regni eum jure excidisse declarasset, populosque sacramenti religione exsolvisset, Imperii Proceres ei denuntiant, nisi intra anni spatium cum Pontifice rediret in gratiam, & Ecclesiæ communioni redderetur, statutum sibi esse de alio capite providere Imperio.

5.  
Henricus  
Canusii  
supplex.

Cumque hac de causa comitia Imperii a Principibus jam essent Augustam indicta, atque Gregorius Papa ad ea jam iter iniisset, Henricus regni amittendi timore percussus, ne annus præfixus elaberetur, in Italiam difficillimis itineribus advolans, *Canusii* vili omnino habitu ac nudis pedibus incedens, ad Pontificem tandem post triduum admissus, sceleurum veniam petiit promissaque emendatione, & abjuratis investituris, impetravit, ab excommunicatione absolutus.

Tempestate hac depulsa, exprobrantibus ei humilem adeo coram Gregorio abjectionem Longobardiæ Episcopis, simoniæ & concubinatus fordidus contaminatis, ad ingenium rediit, atque fractis, quæ juraverat, pactionibus, in Gregorium insurgens, Forchemii ab Imperii Principibus est exaudioratus, electo in ejus locum *Rudolpho* Sueviæ Duce: qui tamen haud multo post altero in prælio cecidit, quamvis in utroque Victor. 6. Abdicatus  
 Henricus vero coacto Brixinæ conciliabulo, dejecturus Gregorium, *Guibertum* Ravennatensem Episcopum, hominem impium & excommunicatum, sub nomine Clementis III. creat pseudo. Pontificem; cumque Romam advolaret, eamque caperet, Duce Bullionio, feliciore postmodum Jerosolymæ expugnatore, subductus furori Gregorius Salerni haud ita multo post sancte obiit. Visus tunc quidem Henrico hostis prostratus: sed mox ab Urbano II. diræ in perduellem renovatæ: & post mortem Urbani, cum obstinatum pectus cum cælo luctans persisteret, a Paschali II. Sed maturus tandem pænæ filiis propriis debellandus traditur, primum quidem Conrado, eo autem sublato, Henrico, Moguntia patrem 7. Guibertus Antipapa.  
 adigenti, ut sceptrum poneret, profugum postea, exosum, ac egenum, miseris suis obstinate immortuum Leodii, anno 1106. Capacem equidem imperii animam natura dedit: sed dotes infelix vertit in crimina. Regni annos 50. bellis implevit; tres procos imperii, tres Pontifices passus sacris fulminibus in se tonantes, duos filios in se pugnantes: bis corona exutus; sæpius a Saxonibus & Suevis bello appetitus: bis etiam acie cæsus: nunquam tamen tot malis se factus melior: quamquam aliqui pœnitentem obiisse scribant. 8. Fata Henrici.

At necdum quies Ecclesiæ. Amavit in se ipso filius Henricus V. quod in patre odisse ac persequi visus est. Is siquidem, projecto licet patris cadavere, quod diris devotus obiisset, fatale mox bellum cum summo sacrorum Antistite restauravit: nam postquam in Germania præ- 9. Instaurati motus sub Henrico V.  
 lussit, exercitu in Italiam trajecto, Paschalem II. magna veneratione eum excipientem Romæ, subito oppressum in castra sua abducit, & a captivo per vim extorquet jus *Investiture*. At post ejus discessum a Paschali rescissa coacta pactio in Concilio Romano, urgentibus Cardinalibus & Episcopis, illigatusque anathemati Imperator, nisi male extorta ejuraret, maluitque Paschalis, ut Episcopi Germaniæ omnino restituant dominia sua ac bona temporalia, quam ut investituram a Cæsare accipiant.

Verum ille defunctus bello Saxonico, armatus Italiam repetiit: ubi post mortem Paschalis *Burdim* Archi-Episcopum Bracharensensem, patria Lemovicensem, Antipapam opposuit Gelasio II. in Galliam profugo, ibique paulo post demortuo.



10.  
Tandem  
pax.

Tandem sub Callisto II. pax dudum exul rediit. Burdinus captus Suetrii: Saxones denuo arma minitantes, Proceres turbarum pertæsi, expugnarunt Henrici animum, adnitente potissimum Adalberto Moguntinorum Archi-Præfule, Pontificis Legato ad Germaniæ Principes. Cum enim geminus exercitus prope jam stans congressurus videretur, duodecim utrinque viri delecti convenere tandem de pace, & tollendo pertinaci schismate.

11.  
Conditiones  
Cæsaris.

Incredibilis enim gaudio Papa accepit hoc nuntium, missisque illico tribus Cardinalibus Legatis in Germaniam, Wormatiæ conventus est habitus: ubi pax his utriusque partis conditionibus coaluit: & quidem ex parte Imperatoris:

*Ego Henricus, Dei gratia Romanorum Imperator Augustus, pro amore Dei & S. Romanæ Ecclesiæ, & Domini Papæ Callisti, & pro remedio animæ meæ, dimitto Deo & Sanctis ejus Apostolis Petro & Paulo, sanctæ Catholicæ Ecclesiæ omnem investituram per annulum & baculum, & concedo in omnibus Ecclesiis fieri electionem & liberam consecrationem, possessiones & regalia S. Petri; quæ a principio hujus discordiæ usque ad hodiernum diem ablata sunt, quæ habeo, eidem S. Romanæ Ecclesiæ restituo, quæ autem non habeo, ut restituantur fideliter juro. Possessiones etiam omnium aliarum Ecclesiarum & Principum, & aliorum tam Clericorum quam Laicorum, consilio Principum & justitia, quæ habeo, ut reddantur, fideliter juro; & do veram pacem Domino Papæ Callisto, Sanctæ Romanæ Ecclesiæ, & omnibus, qui in parte ipsius sunt, vel fuerunt: & in quibus S. Romana Ecclesia auxilium postulaverit, fideliter juro.*

12.  
Conditio-  
nes papæ.

*Ex parte vero Pontificis: Ego Callistus, Servus servorum Dei, tibi dilecto Filio Henrico, Dei gratia Romanorum Imperatori Augusto, concedo electiones Episcoporum & Abbatum Teutonici Regni, quæ ad Regnum pertinent, in præsentia tua fieri absque simonia & aliqua violentia; ut si quæ inter partes discordia emerferit, Metropolitanis & Provincialium consilio vel judicio, saniori parti assensum & auxilium præbeas. Electus autem Regalia per sceptrum a te recipiat, exceptis omnibus, quæ ad Ecclesiam Romanam pertinere noscuntur, & quæ ex his jure tibi debet, faciat: ex aliis vero partibus imperii consecratus, infra sex menses regalia per sceptrum ad te recipiat. De quibus vero mihi querimoniam feceris, secundum officii mei debitum, auxilium meum præstabo. Do tibi veram pacem, & omnibus, qui in parte tua sunt, vel fuerunt, tempore hujus discordiæ.*

Hæ pacis conditiones, utrinque initæ, propter innumeram populi multitudinem in publico campo ad Rhenum sunt lectæ, ac mutuo extraditæ.

ditæ. Tum vero Lambertus Cardinalis, Ostiensis Episcopus, primus ex Legatis, Imperatorem cum exercitu ejus, omnibusque eidem adherentibus, Pontificis nomine ab anathemate absolutos in Ecclesiæ communionem recepit.

Ut autem hæc sacerdotium inter & Imperium concordia firmiter peristeret, conventum est, ut Papa universale indiceret Concilium, in quo a toto orbe Catholico confirmaretur. Indictum proin est a Callisto *Concilium generale Lateranense I.* in quo unanimi consensu 300. & ultra Episcoporum, concordata, Wormatiæ inita, sunt approbata & confirmata: declaratis simul omnibus Burdini Pseudo-Pontificis actis irritis.

Mirari hic profecto subit, quomodo fieri potuerit, ut controversia ista de Investituris tantas, tam diuturnas, tamque cruentas excitare potuerit tragedias. Non enim persuadere mihi possum, ut credam, voluisse Imperatores Catholicos, simoniam aut sacrorum nundinationem fieri licitam: neque voluisse eos per traditionem baculi & annuli spirituales Episcopis potestatem conferre. Sed neque credere possum, voluisse Pontifices omni potestate etiam temporali quoad investturas privatos Imperatores, liberalissimos Ecclesiarum, Episcopatum & Abbatiarum fundatores, ut nullum omnino jus sibi reservare potuerint, cum jus Patronatus SS. Canones Laicis etiam ab antiquis temporibus concedant.

Uti fuissent initio moderamine, hac in pace invento, ut loco annuli & baculi Imperator per sceptrum feuda regalia Episcopis & Abbatibus contulisset, nunquam opus fuisset tanta collisione Sacerdotii & Regni. Quid enim interesse poterat Cæsaris, an per hoc vel illud instrumentum, tanquam signum concessi feudi, eos in fidem, & ad clientelare obsequium reciperet? & quid obesse poterat Romanæ Ecclesiæ, quod Imperatores Episcopis Germaniæ ampla bona temporalia in feudum elargirentur, requisitis ac reservatis sibi iis, quæ feudi naturam consequuntur, nec statum Ecclesiasticum dedecent? Unde non video, cur alia ex ratione Gregorius VII. alique post ipsum Pontifices tantopere investituris se opposuerint, nisi quod sint experti ex hoc fonte, sæculi corrupti vitio, promanasse simoniacas illas nundinationes, & indignorum intrusiones in Ecclesiæ sacra, adempto ferme penitus Clericis electionum arbitrio.

Sed neque video, qua veritate scribere possint Protestantes, Henrici V. dimittendo investturas Ecclesiasticorum, dimidium amisisse Imperii: nam imprimis falsum omnino est, quod investturas dimiserit: has enim super temporalibus feudis Callistus Papa Imperatori concessit: *Electus autem Regalia per sceptrum a te recipiat.* An mutando cærimoniam annuli & pedi in usum sceptri dimidium Imperii amisit? profecto abjecte nimium sentiunt de Majestate Imperii, qui ita scribunt, Et quid conveni-

13.  
Crisis de isto  
bello Eccle-  
siastico.

14.  
Vanæ Prote-  
stantium  
querelæ.



venientius Imperatori, usus sceptri, an Pastoralis baculi? utinam non magis circumscripsissent Protestantes potestatem Imperatoris, gestis tot cruentis adversus eundem bellis, ut quod vellent, extorquerent.

Neque dicere possunt, amisisse tunc Cæsarem jus conferendi pro libitu Episcopatus & Abbatias quoad potestatem spirituales, per annulum & pedum significatam. Nam potestatem illam spirituales nunquam habuerunt Imperatores, neque arrogarunt sibi unquam Constantinus M. Gratianus, Valentinianus, Theodosius, Arcadius, Honorius, Carolus M. Ludovicus Pius, Othones, Henricus Sanctus, alique vere Catholici Cæsares. Imo ne quidem primis 300. annis, quibus sub Ethnicorum tyrannide pressa gemebat Ecclesia, Episcopi ab Imperatoribus sunt constituti, sed a Clero electi, præsentem & assistentem populo. Tum vero crescente fidelium multitudine ad solum Clerum potestas illa est devoluta: his etiam numero auditis ad Metropolitanum & Comprovinciales Episcopos, vel ad primarios ex Clericis, pro diversitate temporum & circumstantiarum.

15.  
Canon circa  
electiones.

Unde etiam Canone 3. Concilii Nicæni II. sic decernitur: *Omnis electio Episcopi, Presbyteri & Diaconi a Magistratibus facta maneat irrita, juxta Canonem (Apostolorum 31.) expresse dicentem: Si quis Episcopus secularibus Magistratibus usus, per eos Ecclesiam obtinuerit, deponatur & segregetur, & omnes, qui cum eo communicant. Oportet enim eum, qui est promovendus ad Episcopatum, ab Episcopis eligi, quemadmodum a sanctis Patribus Nicææ decretum est in Canone (quarto) qui dicit: Episcopum oportet maxime quidem ab omnibus, qui sunt in Provincia, constitui, si autem hoc difficile fuerit, tres omnino eodem convenientes, iis quoque, qui absunt, suffragium ferentibus, & assentientibus per litteras, tunc facere electionem: eorum autem, quæ a se fiunt, confirmationem in unaquaque Provincia dari Metropolitanò. Ita Concilium Oecumenicum Nicænum II. citans Nicænum I. & Canonem Apostolicum adhuc antiquiorem.*

Consonat Canon 22. Concilii Constantinopolitani IV. Generalis VIII. qui ex versione Anastasii ita habet: *Promotiones atque consecrationes Episcoporum, concordans prioribus Conciliis, electione ac decreto Episcoporum Collegii fieri, sancta hæc & universalis Synodus definit & statuit; atque jure promulgat, neminem Laicorum Principum vel potentum senet inserere electioni vel promotioni Patriarchæ, vel Metropolitanæ, aut cujuslibet Episcopi: ne videlicet inordinata hinc & incongrua fiat confusio.*

Et post pauca: *Quisquis autem secularium Principum & Potentum, vel alterius dignitatis Laicus adversus communem & consonantem atque Canonicam electionem Ecclesiastici ordinis agere tentaverit, anathema sit, donec obediat & con-*  
sen-

*sentiāt in hoc, quod Ecclesia de electione ac ordinatione proprii Præsulis se velle monstraverit.*

Qui Canones cum a nemine erudito ignorari possint, in medio relinquo, an Protestantes quidam ex incitia, an ex spiritu mendacii scribant, primum fuisse Gregorium VII. qui potestatem Episcopos eligendi Imperatoribus negarit.

16.  
Non derogatum Privilegiis Principum.

Per Canones tamen istos tantum interdicitur, ne Principes Episcopos pro arbitrio ejiciant, aliosque intrudant, ut contigit in casu Ignatii depositi, & Photii suffecti, & ne, secluso privilegio Apostolico, Episcopos pro lubitu constituent, tanquam jure regali hanc potestatem haberent. Unde nequaquam reprobatur jus investituræ in feudis & bonis temporalibus, quale in Conventu Wormatiensi, ac dein in Concilio Lateranensi Imperatoribus fuit concessum, cum jure præsentiae in electionibus, & si quæ discordia inter partes emerferit, saniori parti assentienti absque simonia & violentia.

Neque derogatum est potestati summorum Pontificum Principibus, aliisque sæcularibus concedendi jus patronatus, nominandi, & præsentandi Episcopos & Abbates, a superiore Ecclesiastico instituendos ( prout concessum pluribus Principibus, & nominatim per concordatum inter Leonem X. & Franciscum I. Galliæ Regem initum ) aut Imperatori concedendi jus primarum precum &c.

Imo non raro ipsos etiam summos Pontifices nominandi Imperatoribus est concessa potestas extraordinaria ac veluti delegata, tum præcipue, cum libera eorum electio violentis partium studiis est turbata, aut schisma fatale pertimescendum fuerat, ut contigit tempore Henrici III. quo Tusculani Comites homines indignos sæpius intrudere. Tum enim ad Imperatorem, supremum Ecclesiæ Advocatum ac Protectorem est recursum, ut ipse dignum aliquem nominet, ac proponat, qua ratione factum, ut plures ex inclyta natione Germanica insignes viri ad Sedem Apostolicam sint eveſti.

Caterum concordia, per Concilium Lateranense cum Henrico V. inita, non adeo firma fuit, ut subsequentibus temporibus non recruduerit, præsertim sub Fridericis, primo & secundo, colliso rursus Imperio cum sacerdotio: donec tandem sub Augustissimæ Domus Austriacæ Imperatoribus sicut Imperio, sic etiam Ecclesiæ pax alma rediit, postq̃ per Rudolphum I. fundamento, per Fridericum vero tertium, erectis concordatis Germaniæ, perfecto opere.

*Pars III.*

S

§. II.



## §. II.

## Canones Concilii.

**E**diti in Concilio Lateranensi I. 22. Canones, quorum multos Gratianus Decreto suo inseruit.

17.  
Cœlibatus.

In 1. vetantur simoniacæ promotiones & consecrationes.  
2. Nullus fiat Præpositus aut Decanus, nisi sit Presbyter.  
3. Innovatur Canon Nicænus, quo contubernium cum concubinis aut uxoribus penitus interdicitur Clericis. *Multum invaluerat concubinitas tunc temporis, præsertim in Germania & Longobardia, unde Episcopi ejusmodi & Presbyteri uxorati Antipapæ adhærere solebant, qui labem illam permittebant.*

4. Laici de Ecclesiasticis rebus non disponant.  
5. Consanguineorum matrimonia, Divinis humanisque legibus contraria, contrahentes reddunt infames.  
6. Burdini Antipapæ ordinationes declarantur irritæ.  
7. Sine consensu Episcopi nemo conferat curam animarum.  
8. Nemo Beneventum invadat.  
9. Excommunicati a suis Episcopis ab aliis non recipiantur in communionem.

18.  
Bellum sacrum.

10. Nemo Episcopum consecret, nisi canonice electum. Secus uterque deponatur.

11. Conceduntur indulgentiæ profecturis Jerosolymam ad Bellum sacrum: & bona eorum in tutelam Romanæ Ecclesiæ recipiuntur, lato in invasores anathemate.

12. Peregrinorum bona non invadantur.  
13. Pœnam excommunicationis statuit in eum, qui pertinaciter treugam, seu inducias ab Ecclesia indictas violat.

14. Oblationes Ecclesiis factas a Laicis auferri vetat.

15. Falsarii monetæ excommunicantur.

16. Romipetæ non molestantur.

17. Religiosi Chrysmâ, oleum infirmorum, consecrationes altarium, ordinationes Clericorum ab Episcopis accipiant. Externos oleo non inungant.

18. Parochi constituentur ab Episcopis, hisque respondeant de cura animarum. Decimas & Ecclesias non recipiant a Laicis sine consensu Episcoporum.

19. Confirmatur facultas, a Gregorio VII. Religiosis concessa faciendi servitium Episcopis.

20. Ana-

20. Anathema fertur in eos, qui Ecclesiis, Clericis, Religiosis, eorumque bonis molestiam intulerint.

21. Episcopis, Presbyteris, Diaconis, Subdiaconis, Religiosis concubinas habere, seu matrimonia contrahere omnino interdicit: contracta dissolvantur, & contrahentes secundum Canones puniantur.

22. Alienationes exarchatus Ravennatensis, omnesque universim aliorum etiam bonorum Ecclesiasticorum irritæ declarantur: ordinatio-  
nes item, sine communi Clericorum illius Ecclesiæ consensu, aut per simo-  
niam factæ. *Intelligendum hoc sensu, supra explicato, ordinationes videlicet illas esse illicitas, prohibito omni usu, executione & exercitio ordinum, sic susceptorum.* 19.

Hi sunt Canones Concilii Lateranensis I, quorum plures, ut dixi Gratianus, qui hoc sæculo vixit, in Decretum transtulit, Sic

Primus	habetur	1. q. 1. c. 10.
Secundus ---		dist. 60. c. 2.
Tertius ---		dist. 27. c. 8.
Quartus ---		16. quæst. 7. c. 25.
Quintus ---		35. q. 2. c. 2.
Septimus ---		16. q. 7. c. 11.
Decimus ---		dist. 62. c. ult.
Decimus quartus ---		10. q. 1. c. 14.
Decimus sextus ---		24. q. 3. c. 33.
Decimus septimus ---		16. q. 1. c. 10.

Citantur autem isti Canones a Gratiano sub nomine Calixti II. reliqui autem in Gratiani decreto citantur sub nomine Urbani II. desumpti ex collectione Anselmi.

Ex quibus colliges, finem primarium hujus Concilii fuisse, ut confirmetur concordia inter Sacerdotium & Regnum, & terminetur discordia  
circa investituras, in Germania præcipue & Anglia per multos annos, tan-  
tos inter tumultus, agitata. Alter finis erat, tollere vitium simoniæ & con-  
cubinatus Sacerdotum, temporibus illis passim grassatum. Tertius finis  
erat expeditio nova adornanda pro recuperanda ex integro terra sancta :  
in qua Godefredus Bullionius Jerosolymam jam expugnauerat. 20. Fines con-  
cilii.



## ARTICULUS II.

## De Concilio Generali X. Lateranenfi II.

Contra

*Petrum Leonis Antipapam, Hæreticos Petrobusianos & Arnaldistas  
sub Innocentio II. & Lothario II. Anno 1138.*

## SUMMARIUM.

## §. I.

## Synopsis Historica.

1. Intrusi Antipapæ frequentium causa schismatum.

2. Sæculo tertio Novatianus intrusus.

3. Sæculo quarto Felix & Ursicinus.  
Sæculo 5. Eulalius & Laurentius.

4. Sæculo 6. Dioscorus & Vigilius.

5. Sæculo 7. Theodorus & Pascalis.

6. Sæculo 8. Constantinus.

7. Tum vero sub finem sæculi noni ac decimo omnium luctuosissima Ecclesiæ facies.

8. Sedes Pontificia violentiæ infelix præda.

9. Ilibata tamen semper fidei morumque doctrina.

10. Manifesto Divinæ Providentiæ argumento.

11. Unde frustra Novatores nobis obijciunt aliquorum Pontificum malos mores.

12. Joannes XII. opem Othonis I. adversus tyrannos implorat.

13. Imperator ab eo salutatus & coronatus. At deficiente Joanne ad Lambertum, per eundem Othonem Leo VIII. Antipapæ eidem est oppositus.

14. Sub Othone II. intrusus Bonifacius. Otho III. vero Gregorium V. eligi curavit, & adversus Antipapam a Crescentio intrusum protexit.

15. Cum tempore Henrici III. tres Pontifices simul diversas Romæ regiones & Ecclesias tenerent, Imperator Clementem II. curavit eligi, & post eum plures Germanos, insignes viros, eosque contra Tusculanos Comites protexit.

16. Henricus IV. Alexandro II. Cadavolum Antipapam opposuit:

17. Gregorio VII. vero Guibertum.

18. Henricus V. Gelasio II. Burdinum.

19. Sub Lothario Casare Petrus Leonis, & alius quidam sub nomine Victoris IV. intrusus, at opera S. Bernardi Innocentio II. legitimo Pontifici se subjecit.

20. Ad penitus extinguenda schismata indictum hoc Concilium; uti etiam ad condemnandam hæresin Petri de Bruis, & Arnaldi Brixienfis.

21. Summa Canonum hujus Concilii.

## §. I.

## Synopsis Historica.

Uti fatale propter *Investituras* dissidium, ita sæpius varii Pseudo-Pontifices turbarunt Ecclesiæ pacem, eamque in tristia non raro schismata disci- dere. Et nescio, an quidquam Ecclesiæ funestius. Persecutiones tyrannorum sæcundarunt agrum Ecclesiæ, rigante illum Martyrum sanguine. Hæreses putrida membra absciderunt. At schismata in ipsa Ecclesiæ viscera grassata, dum membra cum capite colliderent, totam corporis compagem deplorandum in modum concusserunt.

Signum prætulit reliquis sæculo tertio *Novatianus*, Romanus Presbyter, a *Novato* Episcopo Africano, *Felicissimi* infelicis Presbyteri fautore, Novatianus, in sedem Romanam intrusus contra Cornelium Papam, electum legitime; primus Antipapa, non tantum Schismaticus, sed etiam hæreticus, ut qui doceret, lapsos in fide, ut ut pœnitentes, recipiendos non esse.

Quarto sæculo præter *Felicem* pro Liberio intrusum, & post hujus lapsum, (saltem præsumptum) ab Ecclesia acceptatum, adversus Damasum insurrexit *Ursicinus* Diaconus, magna quorundam violentia intrusus.

Quintum vidit duos pseudo-Pontifices, *Eulalium* nempe Romanum *Eulalium*, Archidiaconum, a minore Cleri parte contra Bonifacium electum. Honorius ipse Imperator, Symmachi urbis Præfetti litteris deceptus, initio adhæsit Eulalio, & Bonifacium urbe pelli præcepit. At melius edoctus vi- ces mutavit, depulso Eulalio. Alter erat *Laurentius*, Symmacho legitime electo a quibusdam pecunia corruptis subintroductus; imploratur, ne Ecclesia schismate scindatur, Theodoricus Rex Italiæ, qui pro Symmacho prius, & majori suffragiorum numero electo tulit sententiam.

Sexto sæculo, præter *Diocorum* quemdem Bonifacio II. oppositum, paucosque intra dies mortuum, *Vigilius* a Theodora, Justiniani conjuge, Sylverio per Bellisarium legato, intrusus, post mortem Sylverii, ultro cedens Papatu, liberis Cleri suffragiis eligitur: strenue resistens inde male- sanis Theodoræ conatibus, cujus ante favore intrusus fuerat.

Septimo S. Sergius invitus adeptus est, quod ambiebant *Theodorus & Pascalis*; ille æquior facile cessit, hic pertinacior monasterio includi debuit.

Octavo, mortuo Paulo I. per 13. menses sedes vacavit; quia *Constantinus* quidam intrusus fuerat: quo tamen brevi in pœnam exarescen- te legitime electus est Stephanus IV.

Tum vero sæculo nono finiente, ac decimo luctuosissima multo Ec- clesiæ facies: intrusus non raro profana potestate in Sedem sanctissimam sce- leratis hominibus; quin (quod dictu sædum atque horrendum) scortis et-

1.  
Schismata  
propter  
Antipapae.

2.

3.  
Felix. Ur-  
sicius.

4.

Dioscorus.  
Vigilius.

5.

Theodorus.  
Pascalis.

6.

Constanti-  
nus.

7.

Luctuosus  
Ecclesiæ  
status.



Sergius. Bonifacius.

8.  
Romana Sedes violentiæ spoliū.

iam ac meretricibus sacratissima per orbem dignitas deberi debuit. Mali origo Tusculani Comites; ac præsertim Adalbertus ejusque conjux Theodora, cum propudiosa sua sobole gemina, Marozia & Theodora; quarum libidinis Roma facta est præda, & tyrannicæ dominationis infelix spoliū.

Et primo quidem contra Formosum intrudere conati sunt *Sergium*, Marozia procum. Tum vero *Bonifacius* sanctam Sedem invasit; hunc post 15. dies Stephanus VI. Tusculanorum armis dejecit, qui vel in cada-ver Formosi furorem exercuit, quod is Arnulphum Imperatorem adversus Lambertum aliosque tyrannos (qui post Caroli Crassi mortem Italiæ Regnum invaserant ac lacerarant) in Italiam accivisset, & Imperatorem coronasset. Verum Stephanus meritis brevi violentiæ pœnas dedit, anno sequenti in carcerem conjectus & strangulatus.

Post brevem deinde Pontificatum Theodori II. Joannis IX. Benedicti IV. & Leonis V. laudabilium admodum Pontificum, *Christophorus* se intrusit conjecto in carcerem Leone V. ibique haud multo post mortuo, Christophorum Sergius dejecit, factione Tusculana prævalente.

Hic est ille Sergius, qui jam ante octo Pontifices Sedem Apostolicam invadere tentaverat, cum Formosus eligeretur: unde hostem in eundem capitalem professus, acta illius, a pluribus Pontificibus optimis approbata, rescidit ad exemplum Stephani VI. Tusculanæ pariter factionis homo: mortuo vero Christophoro Pontifex agnitus, sub nomine Sergii III. filium reliquit ex famosa illa Marozia, Adalberti Tusculani Comitis potentissimi filia; sub nomine Joannis XI. intrusum postea a matre Marozia: quæ Joannem X. in carcere suffocaverat. Sed & Joannes XI. cum impura & impia matre ab Alberico fratre suo Pontificatu dejectus in carcere obiit. Hujus postmodum Alberici Comitis Tusculani filius suorum armis Sedem Pontificiam occupavit 18, annorum juvenis, nomenque Joannis XII. assumpsit.

9.  
Illibata tamen semper fide.

Hos tamen contra SS. Canones intrusos Romanæ Ecclesiæ Præsules Ecclesia agnovit acceptavitque, acceptione sua supplens defectus electionis Canonice: fatiusque ducens, malos etiam homines ac male obtrusos tanquam veros Pontifices agnoscere, quam iis se opponendo funesto Ecclesiam schismate scindere; mirumque sane, & Divinæ providentiæ opus singulare, decimo illo corruptissimo tyrannidis sæculo nullam omnino hæresin emerxisse, quæ alias omnium sæculorum fastos infecerat. Nec minus ejusdem, Ecclesiæ suæ assistentis, providentiæ argumentum fuit, quod scelerati etiam Pontifices in iis, quæ ad Ecclesiam in spiritualibus gubernandam pertinuerant, nihil unquam perversi dogmatis sparserint; quin multa laudabilia ordinarint, ut ex eorum, ac nominatim Joannis X. & Sergii III. epistolis constat.

Profecto hæc bene perpenderit vel ipsi mali Pontifices, per sæcularem tyrannidem intrusi, & ab Ecclesia ad eventandum majus malum acceptati, fortissimum argumentum suppeditant, non tantum Ecclesiam, sed ipsos etiam summos Pontifices ex cathedra loquentes, seu Ecclesiam circa fidem aut mores instruantes Divino munere, in S. Evangelio tam sancte promisso, esse infallibiles: ut adeo Novatores Pontificum Romanorum vitiis omnes ferme pagellas suas conspurcantes, eaque in immensum adaugentes, prudenti, omniaque rite perpendenti intellectui non aliud judicium possint ingerere quam aliud esse hominem, aliud Christi Vicarium, illoque sibi malo, hunc bonum esse Ecclesiæ: signante se patientius Numine in malo licet homine, bono tamen Pontifice.

Neque hæc mea est animadversio, sed illius doctrina, qui dixit: *super Cathedram Moysi sederunt scribæ & Pharisei: Quæcunque dixerint vobis, servate & facite; secundum opera vero eorum nolite facere.* Ipsa sanctissima Sacra Scripturæ oracula per eos etiam homines placuit Deo nobis proponere, qui non semper fuerunt boni. Quis nescit Davidis, Salomonis &c. scelera? Ipsos Apostolos, alios dubitantes, alios incredulos, alios negantes, omnes fugientes legimus. Est hæc Numinis providentia, qui vel ex persecutore vas electum novit facere. Divinos inter satus crescere nonnunquam finitur infelix lolium. Plerosque Sacrorum summos Antistites invenimus bonos, integritate, virtute, constantia, probitate, martyrio, Sanctitate conspicuos: Horum intæere ideas, & sectare exempla: malignæ mentis est, tot pulchras præterire Images, & non nisi deformes suis & alienis oculis objicere, aut potius haud bona fide studiose eas deformare, ut deformes appareant. Est sane, quod homines isti domi expurgent. Quis unquam Novatorum, quos sectantur, probam castamque vitam duxit? Nota sunt nimium rupta sacra fœdera, spurciæ sacrilegæ, gentes integræ in tot bella armatæ collisæque; & tamen non erant custodes duntaxat eorum, quæ acceperunt, ut Romani Pontifices, sed speciosi, si superis placet, Reformatores Christi Ecclesiæ, prævalentibus inferorum portis de petra sua excussæ ac prostratæ.

Cæterum turbæ illæ Romanæ ortæ potissimum sunt post mortem Arnulphi Imperatoris, tempore Ludovici IV. Conradi I. Henrici I. quos Itali non agnoverant Imperatores, sed proprios sibi elegerant, factionibus per Italiam suis deque vertentibus omnia.

Quare fessis tandem tyrannide rebus Italiæ, Joannes XII. (Alberti comitis Tusculani Filius, qui primus Pontificium nomen mutavit, Octavianus antea dictus) ad Othonem I. Germaniæ Regem respexit, ejusque adversum Tyrannos opem imploravit.

ro.  
Assistens Pro-  
videntia.

rr,  
Nil prodest  
Novatoribus  
malos fuisse  
Pontifices.

rs.  
Joannes XII.

Otho,



13.  
Otho.

Otho, trajecto in Italiam valido exercitu, domitis inuasoribus, Romæ exceptus, Imperator a Joanne est salutatus & coronatus: Atque ut vices rependeret, perpetuam Sanctæ sedi protectionem addixit, confirmatis novo diplomate Pipini & Caroli M. donationibus, Romanæ Ecclesiæ factis novisque adjectis.

Leo VIII.

Verum Joannes Papa, homo versatilis, ad hostes Othonis deficiens, in Conciliabulo Romæ coacto, præsentē Imperatore, depositus est suffecto in ejus locum Romano Presbytero, sub nomine *Leonis VIII.* Factum pessime. Licet enim Joannes fidem datam fregerit, & alias etiam ( ut equidem assentator quidam Othonis sub mentito Luitprandi nomine scribit ) homo fuerit nefarius, admodum juvenis factione Tusculana intrusus; quia tamen a tota per orbem Ecclesia fuerat acceptatus, deponi non potuit: nullumque est dubium, quin Leo VIII. fuerit Antipapa. Mortuo Joanne XII. electus est Benedictus V. qui adnitente Pseudo-Pontifice Leone VIII. sede dejectus, Hamburgum est deportatus, ubi pie vitam duxit ac finit, electo post ejus & Leonis mortem Joanne XIII. postea in carcerem conjecto a suis Romanis, ab Othone propterea multatus.

14.  
Bonifacius.

Mortuo Othone I. cum Itali quidam, Cincio duce, atatem Othonis II. spernerent, tumultuari rursus cœperunt. Nam Benedicto VI. strangulato, intrusus est *Bonifacius* quidam, qui Vaticana Basilica direpta Constantinopolim profugit: Electo vero Pontifice Benedicto VII. eo vero defuncto impius Bonifacius, Constantinopoli redux, occiso Joanne XIV. rursus se intrusit, duorum Pontificum parricida.

Cumque deinde Joannis XV. tempore Crescentius Romanus tyrannidem exerceret, Otho III. in Italiam movit, ac mortuo Joanne *Brunonem* affinem suum Pontificem eligi curavit, sub nomine *Gregorii V.* ( cui institutionem septemviratus plures tribuunt ) at Crescentius Placentinum Episcopum sub nomine *Joannis XVI.* Antipapam eidem opposuit; ab Othone mutilatum postea cum ignominia, interfecto Crescentio.

15.  
Tres simul  
Pontifices.

Sub Imperatoribus Henrico II. & Conrado II. utcumque Ecclesia ab Antipapis fuit libera. Nisi quod Benedictus VIII. a Gregorio quodam pulsus, ab Henrico Sancto est restitutus. At tempore Henrici III. novum rursus schisma erupit: Nam Benedictus IX. Alberici Comitis Tusculani Filius homo nefarius, in sedem Apostolicam intrusus, receptus tamen est ab Ecclesia metu majoris mali. Romani morum ejus pertæsi Antipapam *Sylvestrum III.* substituunt. Benedictus IX. cum omnibus exosum se videret, accepta pecunia, Pontificatu se abdicavit, electo in ejus locum Gregorio VI. At cum Benedicto rursus se intrudente, tres in diversis urbis regionibus pro Pontificibus se gererent, Imperatore Italiam ingresso Gregorius VI, in Concilio Sutрино, ut pacem Ecclesiæ conciliaret, Gregorii Naz.

Naz. exemplo, jure suo cessit; electusque est Clemens II. Saxo, Bambergensis Episcopus, *Suidgerus* ante nominatus, quo altero anno demortuo, cum Benedictus factione Tusculana se rursus vellet intrudere, Imperator Popponem, Bavarum, Brixinensem in Tyroli Episcopum Romam misit, ubi Pontifex electus est ac Damasus II. appellatus; cui post 23. dies successit Bruno Lotharingus, Tullensis Episcopus, sub nomine Leonis IX. atque huic Victor II. Gebhardus antea dictus, Eustettensis Episcopus.

Sub Henrico IV. a Cardinalibus libere electus est Stephanus IX. Abbas Cassinensis, Lotharingæ Ducis Frater, vir Sanctissimus. Post ejus mortem Sacram Sedem invasit *Mincius*, qui Benedictus X. dici voluit. At ubi vidit legitime electum Gerardum, Episcopum Florentinum, sub nomine Nicolai II. accedente etiam consensu Henrici IV. Imperatoris, insignia Pontificia deposuit.

Gravius schisma exortum est, cum mortuo Nicolao a Cardinalibus electus consecratusque est Alexander II. Nam Henricus IV. Imperator 16. Cadalous, ægre ferens, absque Legatorum suorum præsentia hæc aëta, *Cadalous*, Parmensem Episcopum, hominem impium, sub nomine Honorii II. ab Episcopo Mediolanensi & Vercellensi eligi curavit, ejusque electionem in Conciliabulo Basileæ habito confirmavit. Sed ope Annonis Episcopi Colonienfis receptus Alexander, damnatusque Cadalous: qui Romam armatus ingressus, victus est, ac postea misere periit: Alexandro etiam in Concilio Mantuano approbato.

Alexandro Cardinalium suffragiis subrogatus est Hildebrandus, Gregorii VII. nomine assumpto, cui postea, ut alias memoratum, Henricus 17. Guibertum Antipapam opposuit, Clementem III. dictum: qui Bennonem; Guibertus, mendacissimum scriptorem, aliosque Cardinales nominavit.

Recruduit schisma, cum opera Henrici V. Gelasio II. Pontifice intrusus est Antipapa Mauritius *Burdinus*, Gregorii VIII. nomine usurpato. 18. Burdinus.

Denique cum Calistus II. & Honorius II. Gelasii successores absque Antipapis gubernassent Ecclesiam, a majori Cardinalium numero electus est Innocentius II. a minori vero parte *Petrus Leonis*, qui Anacletus II. Petrus Leo- dici voluit, ac urbe vi occupata, Innocentium legitimum Pontificem in 19. nis. exilium eiecit; quem tamen, ab omnibus Principibus (excepto Rogerio Siciliæ duce) agnitum, studio, industria & eloquentia S. Bernardi, Lotharius piissimus Imperator cum exercitu ingressus Italiam restituit. At Petro Leonis mortuo Schismatici alium quemdam sub Victoris IV. nomine obtrudere conabantur. Verum is a S. Bernardo, hujus diuturni schismatis debellatore invictissimo, persuasus, Innocentio Pontifici se subiecit.



Hæc breviter placuit prænotare, occasione Concilii Lateranensis II. quod ad extinguendum penitus schisma contra Antipapas est indictum a Innocentio II. & a mille ferme Episcopis celebratum.

20.  
Hæretici.

Verum quia non tantum Pseudo-Pontifices turbarunt pacem Ecclesiæ, sed etiam hæretici, videlicet *Petrus de Brui*, hujusque discipulus *Arnaldus Brixienfis*, qui dicebant, baptismum non predesse parvulis, templa esse destruenda, confringendas cruces &c. ideo contra istos etiam in hoc Concilio est actum; & primo quidem rescissa sunt acta Pseudo-Pontificum: deinde damnati hæretici memorati: ac denique pro restauranda Ecclesiæ disciplina, per tot schismata collapsa, editi 30. Canones.

## §. II.

### Summa Canonum.

21.

**Primo**, simoniace ordinatus deponatur.

2. Pro beneficiis & rebus sacris nihil detur aut exigatur.
3. Excommunicatum a suo Episcopo nullus recipiat.
4. Si Clerici propter indecentem habitum ab Episcopo moniti non emendentur, deponantur.
5. Mortui Episcopi bona nemo diripiat, sed Ecclesiæ & successori asserventur.
6. Subdiaconi, Diaconi & Presbyteri uxorati, aut concubinari beneficiis priventur.
7. Nemo illorum Missas audiat.
8. Neque Moniales nubant.
9. Monachi & Canonici Regulares ne legibus Juris civilis aut Medicinæ discendæ temporalis lucri gratia se applicent.
10. Laici non possideant decimas.
11. Securitas publica omnibus præstetur.
12. Treuga sedulo observetur.
13. Usurarii sint infames: & nisi resipuerint, Christiana careant sepultura.
14. Prohibentur feriæ illæ, quibus gladiatores congregari solebant.
15. Excommunicantur Clericorum percussores, neque Episcopus eos absolvat, nisi mortis urgente periculo. Statuitur asylius Ecclesiæ & Cæmeterii.
16. Ecclesiastica beneficia ne sint hæreditaria.
17. Matrimonia consanguineorum vetantur.
18. Incendiariis statuuntur pœnæ,
19. Quas Episcopus non relaxet.
20. Relicto tamen jure Regibus & Principibus eos pariter puniendi.

21. Fi-

21. Filii Presbyterorum a ministerio altaris arcentur.
22. Falsa pœnitentia non admittenda: & quænam illa sit?
23. Tquam hæretici damnantur, qui Evcharistiam, Baptismum parvulorum, Sacerdotium, aut matrimonium reprobant.
24. Nullum pretium exigatur pro oleo sacro & sepultura.
25. Beneficium Ecclesiasticum ne recipiatur de manu laici: recipiens autem eo privetur.
26. Monialis ne in privatis ædibus habitet.
27. Moniales ne cum Monachis aut Canonicis in eodem choro ad psallendum conveniant.
28. Defuncto Episcopo Ecclesia ne ultra tres menses vacet. Neve excludantur Religiosi ab electione.
29. Ballistariorum & sagittariorum ars inter Christianos subexcommunicatione prohibetur.
30. Ordinationes a Petro Leonis aliisque schismaticis factæ declarantur irritæ.

## ARTICULUS III.

De Concilio Generali XI. Lateranensi III.

Sub

*Alexandro III. & Friderico I. pro Reformatione Ecclesiastica disciplinæ, regulanda electione Pontificis, & contra hæreses Waldensium & Albigensum anno 1179.*

## SUMMARIUM.

§. I.

Synopsis Historica.

1. Rogerius schismatum fautor tandem agnoscitur Rex: & qua conditione.
2. Romani cogitant antiquam reipublicæ Romanæ formam reducere.
3. Origo discordiarum Friderici I. cum Adriano IV.
4. Offensus Caesar propter picturam, epistolam, & negatas in Italia investituras Episcoporum.
5. Quare adhæret Octaviano Antipapæ contra Alexandrum III.
6. Dein Guidoni.
7. Manuel offert Alexandro auxilia contra Fridericum, qui Romam capit, fugiente Pontifice.
8. Caesar tertium Antipapam suscitatur.
9. At federe inter Pontificem, Venetos, civitates Longobardiæ, & Regem Siciliae inito, terra marique adeo casus est, ut pacem petere coactus fuerit.
10. Conditiones proposuit.

T 2

11, Pax



- |   |  |
|---|--|
| 11. Pax conclusa Venetiis.  | 17. De negotiis Clericorum, pluralitate beneficiorum, foro competente, juramento irrito. |
| 12. Fabula de calcato Caesaris collo.   | 18. Usura utriusque testamenti pagina vetita.  |
| 13. Landino, quarto Antipapa Alexandro III. se subiciente extinctum tandem schisma 20. annorum. | 19. Damnati heretici.  |
| 14. Ut collapsa interim restituantur, indictum Concilium.                                       |  |

## §. 2.

## Summa Canonum.

- |  |  |
|--|--|
| 15. Regulatur electio Pontificis, requirendo duas tertias. De etate Episcopi, Parochi. | Observatio circa hæresin Waldensium & Albigenium.                          |
| 16. De visitationibus, titulo mensæ, censuris, simonia, Ecclesiis non vacantibus.      | 20. Waldensium errores.  |
|  | 21. Albigenium.  |
|  | 22. An Lutherani ab istis hereticis Religionis suæ epocham possint ducere? |

## §. I.

## Synopsis Historica.

1.  
Rogerius  
Rex.

Post Concilium Lateranense II. (vel ut alii scribunt, in Concilio) Innocentius II. Pontifex excommunicavit Rogerium, Siciliæ & Apuliæ Ducem, Pseudo-Pontificum fautorem ac defensorem præcipuum, quem propterea Petrus Leonis Regem dixerat. At Rogerius captum Pontificem compulit, ut regiam ei dignitatem confirmaret, concessa simul Apulia & Principatu Capuano, sub pacto tamen de homagio, & 600. aureis annuatim Camera Apostolicæ præstandis; sicque tandem fatale illud schisma in tota Ecclesia est extinctum.

2.  
Romani  
republicam  
meditantur.

Successoribus Innocentii multum negotii Romani facessiverant, qui Arnaldo Brixienti inceptoris antiquam reipublicæ Romanæ formam restituere sunt conati, electo Patritio ac Duce Jordane Petri Leonis filio. Sub Eugenio III. S. Bernardi olim discipulo, hæ turbæ adeo exarserant, ut sanctissimus Pontifex urbem deseruerit, & in Galliam se contulerit.

Sub Hadriano IV. deinde jacta sunt semina gravissimi schismatis inter Sedem Apostolicam & Fridericum I. Imperatorem (quem Latini *Enobarbum*, Itali *Barbrossam* cognominarunt) Conradi III. ex fratre nepotem, ingentis animi ac spiritus Principem.

Petierat Imperator, ut pictura quædam, quæ Pontificem, & Cæsarem aliquantum inclinatum referebat, deleteretur Romæ; quod cum Pontifex non fecisset, captus est in transitu Pontificius in Daniam Legatus, rebusque omnibus spoliatus, dissimulante Imperatore.

Adrianus

Adrianus Papa duos ad eum Legatos mittit cum Epistola, in qua scribit: *Debes ante oculos mentis reducere, --- quantam tibi dignitatis plenitudinem contulerit Romana Ecclesia, & qualiter Imperialis coronæ insigne conferens --- te suscepit; sed si maiora Beneficia Excellentia tua de manu nostra suscepisset --- gaudeamus.* Origo discordiarum cum Friderico I.

Lectis publice his litteris Vespertione in comitiis, graviter offensi Imperii Principes, maxime in verbo illo *beneficia*, quasi Imperator a Papa imperium acciperet tanquam feudum, Legatos contumeliose habitos die altera Romam remiserunt. Moxque Fridericus Imperator missis per universum imperium circularibus litteris graviter de Pontifice conquestus est.

Pontifex, ne per unius vel alterius vocabuli sinistrum intellectum concordia sacerdotum inter & imperium turbaretur, missis aliis ad Imperatorem Legatis scripsit, se per vocem *beneficii* non intellexisse feudum, sed *bonum factum*, & per voces *insigne coronæ conferens*, idem ac *coronam imponens*, quod scilicet ei coronam imperialem imposuerit. Qua interpretatione Cæsar placatus aliquantum, Legatos cum honore & muneribus dimisit.

Recruduit tamen haud satis bene obducta cicatrix, cum Cæsar ab Episcopis Italiæ homagium propter regalia concessa exigeret, atque a Pontifice novis litteris se offensum existimaret.

Sub cinere tamen ignis adhuc dum gliscebatur, nec ultra mutuas querelas processum, donec Adriano Pontifice mortuo in apertum erupit incendium, exorto pertinaci schismate, atque tribus successive Antipapis per Fridericum intrusis.

Ac primo quidem mortuo Adriano Cardinales 22. elegerunt *Rolandum Senensem*, virum doctum, magnique animi, (quem etiam S. Bernardus laudaverat) sub nomine *Alexandri III.*

Duo vero Cardinales, facta jam Alexandri electione, *Octavianum Cardinalem* Pontificem dixere. Qui assumpto *Victoris V.* nomine, militari manu irrumpens, Alexandrum insignibus spoliavit, & cum Cardinalibus in fugam compulit.

Fridericus Imperator, qui tunc in Italia cum exercitu versabatur, cum jam ante Rolandus ipsi esset exosus, aperte favit Octaviano, eumque ad se accedentem in *Synedrio Papiensi* Pontificem proclamavit, magnaque veneratione est prosecutus. Alexander vero Fridericum, Octavianum, ipsiusque affectas, prius commonitos, communione Ecclesiæ movit; atque in Siciliam primum, tum in Galliam profugit.

Tum vero in partes scissus orbis Catholicus, Germani, (excepto S. Eberhardo Salisburgensi, & Hartmanno Brixinensi Episcopo) adhærebant cum Imperatore suo Octaviano, Hispania, Gallia, Anglia, Oriens Alex-



andro, Italia in utrumque distracta; mirumque dictum est, quantum laboraverit Cæsar, ut omnes, Galliæ præsertim Regem, jam nutantem, ab illo abstraheret.

6.  
Dein Guidoni.

Mortuo inter conatus istos Octaviano Antipapa, pseudo-Cardinales, quos ipse creaverat, voluntate Cæsaris eligunt *Guidonem* Cremensem Episcopum, *Pascalem III.* compellatum; cui Principes & Episcopi Germaniæ obedientiam jurare compulsi sunt; quod tamen facere plures detrectaverant.

7.  
Manuelis legatio.

Licet autem Imperator tota contentione Alexandro se se opponeret, & Henricus etiam Angliæ Rex ab eo factus esset alienior, quod S. Thomam Cantuariensem protegeret, tamen, cum Rex Siciliæ, Longobardiæ Civitates, ac Veneti adversus Cæsarem conspirassent, Romam Alexander ex Gallia rediit, Wilhelmi potissimum Siciliæ Regis auxilio. Convenere illum ibi Legati Manuelis Imperatoris Orientis, qui pecuniam & auxilium adversus Fridericum offerebant, cum omnibus iis, quæ Carolus M. Ecclesiæ Romanæ dederat, si abrogato occidentali Imperio reliqua sibi restituerentur. At responso non satis grato accepto cum pecunia Constantinopolim redierunt.

Roma  
capta a  
Friderico.

Fridericus interea cum Pascale Antipapa in Italiam profectus, Mediolano jam ante solo æquato Romam capit, profugiente vili habitu Alexandro Pontifice. Sed peste absumente Cæsaris exercitum, & aliunde civitatibus Italicis adversus eum conjurantibus, ex Italia profugere est compulsus.

8.  
Tertius  
Antipapa.

Extincto paulo post cancri sanie Pascale Antipapa, fautores ejus subrogarunt Joannem Abbatem Strumiensem, sub nomine *Calisti III.* quem Imperator approbavit. Rursusque cum exercitu adversus Alexandrum & Longobardiæ civitates conjuratas in Italiam movit. Cumque Alexandriam (ante sex annos conditam, & in Alexandri Pontificis venerationem sic nuncupatam) quatuor mensibus frustra oppugnasset, de pace agere coepit; quæ tamen non coaluit. Unde Italos aggressus, ingenti prælio fufus est: Navaliter pariter clade accedente, illata a Venetis, qua Otho Cæsaris Filius cum 46. navibus captus, Venetias est abductus. Ad cujus victoriae perpetuam memoriam Dux Venetiarum quot annis projecto in Mare Adriaticum annulo despondere illud solet Reipublicæ.

9.  
Cæsar cæsus  
pacem petit.

Tum vero, cum Principes discessum a Cæsare minitarentur, nisi cum Ecclesia pacem componeret, serio animum ad illam adjecit, missisque Anagninam, ubi Papa tunc morabatur, Legatis, eandem petiit.

10.  
Conditio-  
nes.

Conventum denique in hæc capita *Preliminaria*, ut vocant. Cæsar Alexandrum Papam agnoscat ac veneretur, eique ac successoribus, totique Romanæ Ecclesiæ veram pacem concedat. Præfecturam urbis & ter-

ram

ram Comitissæ Mathildis eidem restituat. Quod Papa de Calisto Antipapa statuerit, habebit ratum. Regalia B. Petri & possessiones Ecclesiæ Romanæ ablatas restituat. Pax universalis ineatur Venetiis vel Ravennæ: Ibiq; componantur etiam dissidia cum civitatibus Longobardiæ & terris Regis Siciliæ.

Venetias igitur Alexandro cum Legatis Civitatum & Regis Siciliæ, cumque Legatis Cæsaris ingresso, atque compositis circa feuda civitatum dissidiis, pax utrinque firmata est. Tum vero Imperator cum suis ab anathemate absolutus, Venetias pariter ingressus, a Pontifice, præ foribus Ecclesiæ S. Marci cum Cardinalibus exspectante, amicissime exceptus est, dato mutuo pacis osculo, plaudente & gaudio exultante tota corona. Fabula proin est vanissima, quam de calcato Cæsaris collo mendaces obfrectatores confinxere: cujus nullus veterum scriptorum meminit.

Porro Antipapa Calistus, ubi ab Imperatore se desertum vidit, primum in montem Albanum confugit; tum vero cum quibusdam suis Clericis ad Alexandri pedes accedit, peccati veniam precatus. Pontifex eum Archi-Episcopum & Præfectum Beneventanum constituit.

At cum eodem adhuc anno obiisset, schismaticorum quædam reliquiæ Landinum elegerunt Antipapam Innocentium III. dictum, a Fratre Octaviani, odio in Alexandrum adhuc flagrante, in arce munita protectum. Verum arce in Pontificis potestatem redacta captus Landinus, & in exilium est deportatus. Sicque tandem schisma extinctum est, quod ultra 20. annos Ecclesiam distraxerat.

Ut autem pax ea firmitus teneret, & futuris etiam consuleretur temporibus, atque Ecclesiæ turbis, ex Pontificum electione non raro exortis, objiceretur repagulum, Alexander Pontifex Generale indixit Concilium Lateranense tertium, in quo a 302. Episcopis statuta est norma eligendi Pontificem; rescissa acta Pseudo-Pontificum; Episcopi iis ad hærentes recepti in gratiam; damnata Catharorum, Waldensium & Albigensium hæresis; Disciplina Ecclesiæ, tot tumultibus concussa, denuo instaurata. Atque ad hos fines obtinendos 27. condidit Canones.

## §. II.

### Summa Canonum.

1. Nullus deinceps in summum Pontificem legitime censeatur electus, nisi a duabus tertiis Cardinalium partibus fuerit electus; nullo tamen præjudicio aliarum Canoniarum electionum, in quibus majoris & sanioris partis debet sententia prævalere, quia quod in iis dubium venerit, superioris poterit iudicio definiri. In Romana vero Ecclesia aliquid speciale constituitur, quia non potest recursus ad superiorem haberi.

2. Or.



2. Ordinationes Octaviani, Guidonis, & Joannis Pseudo-Pontifici declarantur irritæ, cum aliis eorum actis.
3. Episcopus ante 30. ætatis annum non eligatur: nec Parochus, aut curam animarum exercens ante 25. annum.
16. *Visitatio.* 4. Prælati subditos ne gravent in visitationibus nimio hominum eorumque comitatu.
5. Si Episcopus aliquem ordinat sine titulo, unde sustentari possit, debet eum alere, donec ei provideatur, nisi propria habeat.
6. Prælati non ferant censuras, nisi prævia canonica commotione. Nec Religiosi appellent a correctione sui Prælati, sed humiliter ac devote correctioni se subjiciant.
- Simonia.* 7. Nihil exigatur pro Episcoporum, Abbatum, aliarumque personarum benedictione: neque pro sepulturis, exequisque defunctorum, aut benedictionibus nuptialibus: reprobaturque longa etiam consuetudo contraria, tanquam criminosa.
- Vacatura.* 8. Beneficia Ecclesiastica, necdum vacantia, non promittantur: ne desiderare quis mortem proximi videatur. Vacantia vero intra sex menses conferantur.
9. Religiosi ac Clerici de manu laici decimas vel Ecclesias ne recipiant absque autoritate Episcopi: & Templarii ac Hospitalarii equites tantum semel in anno Ecclesias interdictas aperiant, nec mortuos ibi sepeliant.
10. Monachi non recipiantur in Monasterium pretio. Neque aliquid tanquam proprium possideant. Neque soli extra monasterium verentur.
11. Clerici continentiam servant, expulsis mulierculis, sub pœna privationis officii & beneficii. Sodomitici vero ejiciantur e Clero; si vero sint Laici, excommunicentur.
17. *Negotia Clericorum.* 12. Clerici non agant Advocatos coram Judice sæculari, nisi in sua vel Ecclesiæ causa, aut personarum miserabilium. Neque sint procuratores sæcularium. *Nemo enim militans Deo implicat se negotiis sæcularibus.*
- Pluralitas beneficiorum.* 13. Nemo plura beneficia Ecclesiastica possideat. Præcipitur residentia. Alias, quod contra SS. Canones accepit, amittat: & qui tradiderit, largiendi potestate privetur.
- Forum.* 14. Ne Clerici accipiant Ecclesias absque consensu Episcopi. Neve Laici Clericos suo judicio stare compellant, sub pœna excommunicationis incurrendæ.
15. Reditus beneficiales post mortem Clerici maneant Ecclesiis.
- Juramentum irritum.* 16. Quod a majore & saniore parte Capituli constitutum fuerit, consequatur effectum, non obstante juramento contrario, nisi a paucioribus aliquid rationabile fuerit ostensum.
17. Si

17. Si plures sint Patroni & Electores discrepantes in votis, ille præferatur, quem majora merita & suffragiorum pluralitas commendant. Si hoc fieri non possit, Episcopus Ecclesiæ vacanti provideat.

18. In qualibet cathedrali Ecclesiâ constituatur Magister, qui gratis doceat.

19. Onera Ecclesiis & Clericis non imponantur a sæcularibus.

20. Vetantur iterum torneamenta.

21. Servetur treuga.

22. Sine autoritate Regum & Principum non imponantur nova pedagia.

23. Leprosi proprium habeant oratorium & cæmeterium: & a decimis sint immunes.

24. Vetantur arma &c. deferri ad Saracenos, sub pœna anathematis.

25. Cum usuræ utriusque testamenti pagina condemnentur, manifesti usurarii communionem & sepultura Christiana priventur. 18. Usuræ.

26. Christiani Judæos & Saracenos in domibus suis ne quidem ut servos retineant; nisi convertantur.

27. Condemnantur Cathari, Waldenses, & Albigenes hæretici, & contra eos propositis indulgentiis indictum bellum sacrum. 19. Hæretici damnantur.

### §. III.

Observatio circa hæresin Waldensium & Albigenium.

**O**bserv. 1. *Waldenses*, a Petro Waldo mercatore Lugdunensi exorti, initio genus quoddam vitæ monasticæ affectasse: sed cum a Sede Apostolica fuissent reprobati, jugo excusso in omne genus vitiorum hæresumque sunt prolapsi. Quippe dicebant, Romano Pontifici non esse obediendum: ejus decreta nullius esse momenti: a judicio sanguinis omnibus abstinentium: Laicos justos consecrare & absolvere a peccatis posse: Sacerdotes vero impios potestatem consecrandi & absolvendi amittere: consecrabant semel in anno, dicendo septies *Pater noster*: indulgentias, purgatorium, invocationem Sanctorum, dies festos, jejunia, Salutationem Angelicam, Symbolum Apostolorum contemnebant: urente carnis libidine omnem commixtionem esse licitam: omne juramentum esse illicitum: perfectos manibus laborare non debere: in libris veteris testamenti non contineri verbum Dei: quamlibet faminam suæ sectæ esse verum sacerdotem, qui consecrare possit.

**O**bserv. 2. Waldensium propaginem quamdam fuisse *Albigenes*, in Albigenio exortos in Gallia. Docebant isti cum Manichæis duo esse rerum Principia, bonum nempe, seu Deum, & malum, sive diabolus, quem credebant omnia corpora creasse. Negabant confessionem peccatorum, 20. Waldensium errores.



rum, purgatorium, infernum, resurrectionem corporum, Funeralia, Ecclesias, baptismum, Evcharistiam, extremam unctionem &c. abjiciebant. Transmigrationem animarum in corpora etiam brutorum prædicabant. Christum non fuisse verum Deum & hominem. Antè adventum Christi nullos fuisse bonos. Malum hominem desinere esse Episcopum. Ecclesiam non posse aliquid possidere, neque in communi: neque posse constitutiones facere, neque excommunicare: nullum esse peccatum originale: mundum semper extitisse: matrimonium esse malum: ablata non esse restituenda. Vide Sanderum de visibili Monarchia libr. 7. ad ann. 1198. hæresi 151. ubi hæreses istas recenset ex Bernardo Luxenburgensi, S. Antonino &c.

22.  
An ab iis Lutheranorum  
epocha?

Observ. 3. Lutherum aliosque Novatores complura ex profligatissimis istis, atque sceleratissimis hæreticis desumpsisse, atque in farraginem novi sui systematis intulisse, ut adeo quidam epocham Lutheranismi ad Waldensium & Albigenium tempora referant. Verum utut Lutherus, ipsiusque progenies varia ex mercibus illis pestiferis collegerint, in multis tamen ab iisdem discrepant, ut proin nullatenus blandiri sibi possint, Ecclesiam suam (quod tamen insigni ipsis esset probro) in Waldensibus & Albigenibus fuisse visibilem; nisi promiscuum chaos, & miserandum scepticissimum atque informem indifferentissimum, ex desperatione altioris originis, velint invehere, ut latius ostendi adversus Præcones Tigurinos Observationum parte 3. de Ecclesia colloq. 2. cap. 2.

## ARTICULUS IV.

De Concilio Generali XII. Lateranensi IV.

Sub

Innocentio III. & Friderico II. pro recuperanda terra sancta  
anno 1215.

### SUMMARIUM.

#### §. I.

Synopsis Historica.

De expeditionibus sacris.

1. Expeditiones sacræ.
2. Fuerunt decem præcipuæ.
3. Prima Bullionii, aliorumque Principum gloriosa, expugnata Nicea, Antiochia & Jerosolyma, erecto regno.
4. Altera Welfonis, perfidia Alexii Comneni frustrata.

5. Bullionio in regno succedit Balduinus.
6. Equitum ordines instituti.
7. Venetorum virtute Tyrus expugnatur.
8. Tertia expeditio a Conrado III. Imperatore & Ludovico VII. Gallie Rege suscepta, infausta propter invidiam ac perfidiam Manuelis ac Græcorum, atque discordias Ducum.

9. Sala.

9. Saladinus Guidonem Lusignanum  
Jerusalem Regem vincit ac capit.
  10. Amissa Jerusalem ac Palaestina.
  11. Suscepta igitur quarta expeditio a  
Friderico I. Imperatore, Leopoldo Au-  
striaco, & Richardo Angliæ Rege.  
At rursus infesta. Imperator in bal-  
neo obiit, reliquos discordia fregit; un-  
de capta Ptolomæde redierunt.
  12. Richardus felicior in itinere, quam re-  
ditu; in illo Cyprum cepit, in hoc ipse  
captus est.
  13. Ordo Teutonicus.
  14. Quinta expeditio pariter sine suo  
frustrata.
  15. In sexta, a Balduino & Dandalo  
suscepta expugnata Constantinopolis,  
translato ad Latinos orientali Imperio.
  16. Venetis Creta concessa cum Egæi  
insulis.
  17. Septimam adornavit Andreas Rex  
Hungariæ; expugnata denuo Jeroso-  
lyma cum Damietta; at mox amissa.
  18. Octavam Fridericus II. Imperator,  
qui recepta Jerusalem mox rediit.
  19. Nona decreta est in Concilio Lugdu-  
nensi I. suscepta a S. Ludovico: qui a  
Barbaris captus, Damietam restituere  
coactus est.
  20. Decimam denique idem Rex molitus  
est cum Eduardo Angliæ Principe.  
At expugnata Carthagine obiit.
- §. 2
- Observatio critica circa istas expe-  
ditiones.
21. Protestantium querelæ contra illas.  
Vindicantur.
  22. Saraceni in Hispaniam.
  23. Irruptiones Turcarum.

24. Opponenda arma communi studio.
25. Obstruendi fontes irruptionum.
26. Fructus insignes.
27. Hodiedum perdurantes.
28. Equitum Hospitaliorum origo &  
progressus.
29. Rhodum strenue propugnant, sed  
tandem amittunt.
30. Ordinis Teutonici initia & progres-  
sus.
31. Prussiam & Livoniam occupant.

§. 3.

Decretum Concilii IV. Lateranensis  
pro adornandis sacris expeditio-  
nibus.

32. Summa frequentia Prælatorum in  
hoc Concilio.
33. Refertur decretum circa suscipien-  
dam sacram expeditionem.

§. 4.

Canones conditi pro Ecclesiastica  
disciplina.

34. Recensentur 70. hujus Concilii Cano-  
nes, qui sub nomine Innocentii III. in-  
serti sunt Furi Canonico.

§. 5.

Observatio circa errores in hoc  
Concilio damnatos.

35. Albigensum furor.
36. Simonis Montfortii inaudita forti-  
tudo.



37. *Damnatus etiam libellus Joachimi Abbatis, contra Petrum Lombardum scriptus.* Trinitate reprobata. 40. *Doctrina Lombardi de eadem ap- probata.*  
 38. *Crisis de Theologia illius ævi, & libris sententiarum Lombardi.* 41. *Almarici errores.*  
 39. *Doctrina Joachimi Abbatis de SS.* 42. *Initium Ordinis S. Dominici & S. Francisci.*

## §. I.

## Synopsis Historica de Expeditionibus sacris.

1. **Expeditiones** Inciderunt in hæc tempora *Expeditiones sacræ*, quas *Cruciatas* appellant: quia videlicet *Crux* prædicabatur, atque Christiani per Europam commovebantur, propositis indulgentiis, ut cruce insigniti ad bellum sacrum proficerentur; principaliter quidem adversus Mahometanos, pro recuperanda ac defendenda *Terra sancta*, seu Palæstina, Christi Domini vestigiis ac sepulchro nobilitata: tum etiam adversus eosdem Mahometanos, Saracenos, & Turcas, Hispaniam aliasque Christiani orbis Provincias invadentes: denique etiam contra hæreticos, maxime Albigenſes in Gallia, ac postmodum adversus Hussitas in Bohemia, uti etiam quandoque contra pacis Ecclesiasticæ perturbatores. Diplomata autem, quibus summi Pontifices ad ejusmodi expeditiones bellicas pro defensione Christianæ fidei Christianos adhortabantur, appellatæ sunt *Bullæ cruciatæ*: quarum nomen hodieum est frequens, cum non modica contineant privilegia.

Porro cruces, quas benedictas vel ad dexterum humerum, vel ad pectus, vel in pileo assutas gestabant, pro diversitate nationum diversi erant coloris; Angli siquidem gerebant albas, Franci rubras, Belgæ virides, alii alias. Et quoniam præcipua cura temporis hujus Pontificum & variorum Conciliorum fuit, expeditiones in terram sanctam adornare, non erit ab instituto alienum, epitomen earum præmittere.

2. **Decem.**

3. **Prima Bullionii.**

Decem autem celebriores ejusmodi numerantur Expeditiones. Primo enim auctore Urbano II. adversus Saracenos pro recuperanda terra sancta crux prædicata est in Concilio Claromontano anno 1095. Petro Eremita, e Palæstina reduce, exhibentegementis sub jugo immani terræ sanctæ suspiria. Altero subin anno a Christianis Proceribus prima expeditio suscepta, Principe Godefredo Bullionio, Duce Lotharingiæ: cui comites ibant Balduinus & Eustachius ejus fratres, Hugo frater Regis Galliæ, Robertus Flandriæ Comes, Stephanus Blesensis, Raymundus Tolosanus, Boëmundus Apulus, cum effusissima mortalium copia,

Præ.

Præfufum expugnatione *Nicaæ* in Bithynia & *Antiochiæ* in Syria, cen- Capta Ni-  
tum facile millibus Saracenorum cæfis. Tum vero Bullionius, Boëmundo cæa, Anti-  
Antiochiæ Duce præposito, ad ipfam *Ierofolymam* admovit exercitum, chia & Jeros-  
quam memorabili ad posterum fortitudine, primus in muros affiliens, in- folyma,  
credibili hostium strage edita, 38. obsidionis die in potestatem Christiano-  
rum redegit, non tantum murali sed regia corona dignus, quam copiarum  
Duces ei imposuere anno 1099. Atque hoc pacto Ierofolyma non tan-  
tum jure postliminii, sed belli etiam Christianorum facta, ad multos annos  
*regnum* eisdem dedit, ad hodiernum autem usque diem *regni titulum*. Ad  
Ascalonem mox promota victoria, Barbaris ubique magna suorum clade  
in fugam actis.

Res tam prospere atque ultra Europæ spem in Asia gestæ, mirum di-  
ctu, quantum erexerint animos, quos operis tam ardui atque ancipitis de- Altera a  
speratio ante deiecerat. Secunda igitur anno 1101. expeditio adornatur, Welfone,  
tripartito exercitu, ex Germanis, Gallis, & Italis confiato, Duce *Welfone*  
Bavariæ Principe, ut auspiciis adeo felicibus par coronis imponi queat. At  
hæsit fortuna, fatigante illam invidia *Alexii Comneni* Imperatoris Græcorum, Perdita a  
qui, licet a Saracenis & Turcis undique oppressi, & in majores semper re- Græcis.  
ducti angustias, ægrius tamen ferebant, Latinos in agro suo, ut rebantur,  
metere: unde non tantum consilia & arma cum Latinis non conjungebant,  
quibus increfcent illa ac formidanda Ottomanorum potentia succidi pote-  
rat, sed intentatum nihil reliquere, quo sacras illas expeditiones irent per-  
ditum. Et cum vis eorum a *Boëmundo* novo Antiochiæ Principe cruento  
prælio esset fracta, ad artes Græcas, hoc est, fraudes conversi, Welfonis  
expeditionem cassam reddere sunt conati.

Malum alterum mors Godofredi Bullionii, quem altero ab inito re- 5.  
gno anno immatura rebus Christianis falce demessuit. Successit in regno Bullionio  
Ierofolymæ *Balduinus* frater; urbesque maritimæ Palæstinæ Genuensium succedit  
ope expugnata. Iacta pariter tenui principio magnarum rerum semina, Balduinus,  
instituti anno 1104. *Hospitalariis*, quorum erat ad S. Christi sepulchrum  
peregrinis providere necessaria: atque ut id muneris obirent religiosius,  
sacris vestibus cum alba cruce in pectore a vulgo sunt distincti. Necessi-  
tas tuendi peregrinos accendit in eis militares spiritus; unde ex Hospita-  
lariis istis orti generosi Equites, dicti primum Equites *Ierofolymitani* sancti Equitum  
Joannis, postea *Rhodii*, dein *Melitenses*, irrumpentis Turcæ agger perennis, ordines,  
& succrescens sibi ipsi sine sæmina soboles Martia.

Haud multo post anno videlicet 1118. Ierofolymis Ecclesiæ nata al-  
tera progenies, instituti ferme similis, *Templarii* nempe, sic dicti, quia  
juxta porticum templi sedem fixere. Finis erat, peregrinos in Pa-  
læstinam



læstinam deducere, & adversum grassantem Saracenum tutos præstare: magno in futurum nomine & opibus immensis. At inde pernicies & ruina Ordinis.

7.  
Venetorum  
virtus.

Venetorum tunc etiam gloria grandibus in oriente rebus gestis inclaruit. *Michaël* quippe eorum Dux, instructa classe tranans maria, *Joppen* a Turcis obsessam liberavit, *Tyrumque* Alexandro æmulus expugnavit: felicior illo, quia promptior.

8.  
Tertia a Con-  
rado III. &  
Ludovico  
VII.

Cum autem subsidente jam Christiana fortuna Saraceni *Edeßam* cepissent, neque Hospitalarii & templarii Equites peregrinos ab eorum injuria defendere possent, regnumque ipsum Jerosolymæ periclitaretur, authore *Eugenio III. S. Bernardus*, Rex ille animorum, Christianos Principes ita permovit, ut *Conradus III. Imperator*, & *Ludovicus VII. Rex Galliarum Tertiam* expeditionem cum innumerabili signatorum multitudine anno 1145. susciperent. At irritus fuit tantus apparatus, *Manuelis* præcipue Imperatoris Græci invidia atque perfidia. Is enim promisso transitu & commeatu, frumento substracto, aut gypso permixto, morbis, fame, viarumque erroribus corripuit exercitus. Delatæ tandem accisæ tot malis copiarum reliquæ in Syriam, *Damascum* oppugnant; sed orta Duces inter invidia, atque, rerum gerendarum peste, discordia, soluta obsidio, redeuntibus in Europam Cæsare ac Rege.

Infelix ob  
perfidiam  
Græcorum.

Atque ita florentissimi exercitus, a generosis ducti Principibus, ex fortissimis conflati nationibus, religioso sanctoque impulsu consilio, non modo re prorsus infecta, sed calamitosissime gesta, perierunt.

9.  
Saladinus.  
Guido.

Tum vero ad ruinam properavit Palæstina, & spe & subsidiis destituta. *Saladinus* quippe (ingens apud Saracenos nomen) *Ægypti Calypha* magna virtute conferto prælio *Guidonem Lusignanem* Jerosolymæ Regem acie victum, captivumque abduxit, flore Equitum cæso, ipsaque Jerosolyma Barbaris tradita, funestum exemplum sequentibus reliquis urbibus, ut adeo tres duntaxat civitates, Tripolis, Tyrus & Antiochia Christianis superessent; sicque amissum Jerosolymæ regnum, quod 88. annos a novem Christianis Regibus variantibus inter se prosperis & adversis gubernatum fuerat.

10.  
Amisssa Je-  
rosolyma.

11.  
Quarta a  
Friderico I.

Ingemuit Occidens audita fatali Orientis clade: moxque reparandis ruinis animum applicuit. Quare auctore *Gregorio VIII.* ingentes tota Europa delectus fiunt; atque Ducibus Imperatore *Friderico Barbarossa*, *Leopoldo* Austriæ Duce, *Philippo II.* Rege Galliarum, *Richardo I.* Rege Angliæ, totus ferme occidens in orientem moveri visus est anno 1190. Quis non crederet, obruendum tanta mole Saracenum, lascivientem victoriorum? at minor semine fuit messis. Causa non una expectationis fru-

frustratæ ; & casus funestus Friderici Imperatoris, infelicius Alexandro balneantis in Cydno, & dissidia (perpetua Christianorum labe) ad obli-  
dionem *Ptolomaidis* Gallos inter Anglosque, hosque inter & Leopoldum *Infusta:*  
Austriacum ob detracta a tentorio insignia, exorta, morsque Friderici  
junioris, Imperatoris in flumine extincti, filii. Occupata proin Pto-  
maide, exili tantæ molis monumento, in Europam rediere exercitus,  
captusque in reditu a Duce Leopoldo Richardus Rex Angliæ (in sinu  
Adriatico naufragium passus & ad terras Austriacas appulsus) ob injuriam  
ad Ptolomaidem propter decussa insignia Austriaca irrogatam.

Felicior in itu quam reditu Richardus fuit, dum enim Palæstinam *12.*  
versus classem trajiceret, in transitu *Cyprum* perfidis Græcis eripuit, at- *Cyprus.*  
que Guidoni Lusignano ejecto Regi Jerosolymæ dedit: unde extincto Soly-  
mæo (retentoque solo illius titulo) novum a Christianis regnum erectum,  
sub 17. Cypri Regibus per 283. annos, ac denique per alios 95. usque  
ad annum Christi 1571. sub Venetorum potestate, continuatum.

Tunc & tertius Militum Ordo, nempe *Teutonicus*, anno nempe 1192. *13.*  
Hospitalariis & templariis in Oriente accessit ad repellendos Saracenos; *Ordo Teutonicus.*  
crucibus nigris chlamidibus albis assutis distincti hi Equites: cumque Ho-  
spitalarii & Templarii ex Francis potissimum & Belgis tunc essent assum-  
pti: ex Germaniæ nobilitate isti sunt selesti; ut haberet fortissima natio  
etiam ultra mediterraneum & virtutis generosæ campum & palmarum.  
At desperatis in Asia rebus Europæus Septentrio, gentilitati adhuc per-  
mixtus, fortitudini spatium aperuit, Prussia & Livonia potituræ: at  
nescio, quo jure inde dejiaciendæ.

Urgebat subin anno 1195. *Cælestinus III. quintam* expeditionem crucia- *14.*  
tam, mittente etiam *Henrico VI.* Barbarossæ filio, ex Germania suppetias. *Quinta.*  
At hujus pariter prosperos initio successus vetus malum, discordia &  
perfidia evertit.

Sextam magnopere urgebat *Innocentius III.* adjutore Martino Perisii *15.*  
in Alsatia Ordinis Cisterciensis Abbate. Cum igitur anno 1204. *Baldwinus* *Sexta.*  
Flandriæ Comes sacræ Dux militiæ pervenisset in Italiam, persuasus a Ve-  
netis, ut conjunctis cum *Dandalo* eorum Duce armis, per Thraciam iter  
arriperet, in transitu repositurus Alexium Angelum Juniolem, ad Ve-  
netos profugum ac supplicem, in thronum, quo ipse cum patre suo  
excæcato a patruo Alexio Comneno fuerat dejectus.

Expugnat igitur Baldwinus cum signato suo exercitu Venetis junctus *16.*  
*Constantinopolim*, cogitque Græcos, ut Alexium Juniolem Imperatorem *Constantino.*  
agnoscerent; qui tamen ea erat moderatione & pietate, ut patrem *Isa-*  
*polim* capta.  
quamvis excæcatum a fratre, reddito diademate collegam adscisceret.

Quia



Quia tamen Græci pro sua levitate, odio in Latinos flagrant, *Alaxium Ducas*, regii generis hominem, *Murzulum* cognominatum, throno imponerent, interempto Alexio & Isaac, Latini rursus expugnarunt Constantinopolim, Balduino dicto orientis Imperatore: qui Venetis Cretam seu Candiam cum plerisque Archipelagi insulis cessit, debitum auxilii præmium. Aliis pariter laborum sociis in partes vocatis: Bonifacio videlicet Montferratensi Thessaliæ & Peloponesi Rege dicto, Achaïam & Athenas Godefredo occupante. Græci vero Europa egesti, transmissis Bosphoro, Hellesponto & Propontide, primum Nicææ, dein etiam Trapezuntii novum fundarunt Imperium, ut adeo 60. annis esset Orientis Imperator, Latinus in Europa, Græcus in Asia.

Quamvis autem ingens expeditionis istius sextæ fructus existerit, Thracia videlicet, Macedonia, & Græcia, cum adjacentibus insulis: Balduino tamen haud diu frui licuit victoria, cum Adrianopolin obsideret, a Bulgaris capto, & in carcere crudeliter occiso, (succedente in Imperio Constantinopolitano *Henrico* fratre) nec multum profuit Terræ sanctæ sub dira Saracenorum tyrannide gementi. Quare Innocentius III. omnem curam intendens eidem liberandæ, Concilium Generale, Lateranense IV. indixit, ut totum Christianum orbem incitaret ad ferendum oppressis auxilium: moxque plures Principes, quos inter Fridericus II. Imperator, cruce signati sunt.

13.  
Septima ab  
Andrea.

Septima dein expeditio suscepta est anno 1217. ab Andrea Rege Hungariæ & Leopoldo Austriæ Duce. Expugnata denuo Jerosolyma cum Damiatâ; at mox iterum in Saracenorum potestate relapsa.

18.  
Octava a Fri-  
derico II.

Tristi hoc rerum Orientalium statu *Joannes Brennus*, uxorio nomine Regis Jerosolymæ titulo insignitus, venit in Italiam anno 1223. ubi filiam suam *Jolantham* Friderico II. Imperatori ac Siciliæ Regi despondit, dato in dotem Jure Regni Jerosolymitani. Quare Imperator, jam anno 1215. cruce signatus, & sub anathematis minis ad exsolvendum votum impulsus, tandem anno 1228. validissimo instructus exercitu iter iniiit, sicque octavam in Orientem expeditionem suscepit.

Jam inde a prima Bullionii expeditione nulla hac felicior fuisset, si viribus suis uti Fridericus voluisset. Cum enim Jerosolymam, Bethlehemum, ac Nazarethum, cum aliis quibusdam locis recepisset, coronatus anno 1229. Rex Jerosolymæ, cum facile totam expugnare Palæstinam potuisset, inita cum Barbaris pace, nullo tentato prælio, in Europam rediit. Jerosolyma autem brevi post iterum a Saracenis est occupata, relicto duntaxat Siciliæ ac Cypri Regibus titulo.

19.  
Nona a Ludo-  
vico.

Nona expeditio decreta est in Concilio Lugdunensi I. atque suscepta a S. Ludovico, Rege Galliæ anno 1248. adhortante Innocentio IV. expugna-

pugnata tum quidem est *Damata*: sed peste in exercitum grassante, reliquæ a Barbaris casæ sunt, capto ipso Rege Ludovico, qui pro lytro *Damiatam* restituere debuit, sicque tota expeditio effectu optato est frustrata.

Verum Rex sanctus, zelo honoris Dei, & Christianorum suspirantium charitate flagrans, anno 1270. alteram, *decimam* nempe, cum *Eduardo* Angliæ Principe expeditionem ingressus, expugnata Carthagine, Tunetum obsidens, in Africæ ora maritima sanctissime obiit. Carolus ejus frater, Rex Siciliæ, cum Tunetanis pacem iniit; Eduardus vero intellecta Ludovici morte, pactus cum Saracenis inducias, ex Palæstina rediit.

20.  
Decima ab  
eodem.

## §. II.

Observatio critica circa istas expeditiones.

Protestantes passim invehuntur acerbo calamo in sacras istas expeditiones, easque velut inconscultas, temerarias, prorsusque inutiles, atque ex politicis duntaxat rationibus ad Occidentis regna exarmanda, ac dominatum suum stabiliondum, a Romanis Episcopis sub fuco religionis, ac sacri sepulchri recuperandi adornatas reprehendunt.

21.  
Vindicare

Verum nescio cujus spiritus esse videatur, tot Imperatores, Reges, Principes prudentissimos, omnemque adeo Europam turpis insipientiæ arguere. Quis credat, tot Principes aliosque viros sapientissimos sibi præsentia non visuros fuisse, quæ post sæcula temporis nostri Aristarchi, longissime remota, se videre prætendunt? Quid aliud tot gentes sedibus suis ac patria emovere poterat, nisi honor Dei, amplificatio Religionis Christianæ, gemitus Christianorum oppressorum, recuperatio terræ, patribus olim populoque illi electo, promissæ, ac dein Divini Servatoris Nativitate, vestigiis, sudore, sanguine, morte ac sepulchro factæ, repressio denique immanis Saracenorum Turcarumque tyrannidis, jugique Barbari, Christianorum cervicibus undique jam imminentis? Quid aliud quærere poterant summi Pontifices, Synodus Claromontana, Lateranensis IV. Lugdunensis I. aliaque complura orbis Concilia, in quibus expeditiones istæ summa voluntate & melioris orbis consensu sunt decretæ? Aut cui tandem Principum, dum bello sacro impliciti procul foris aberant, quidquam domi ereptum, detractumve?

Quamvis autem princeps finis non tanta stabilitate, qua sperabatur, firmari potuerit, quis tamen neget, prudenti omnino sanctoque consilio Sacram illam militiam esse constatam? Nam præterquam, quod dignissima omnino fuerit Christiana mente cogitatio, terram illam Sanctissimam, Religionis Christianæ Mysteriis tantopere insignitam decoratamque, e mani-

Pars III.

X

bus



bus impiissimorum pietatis hostium, atque iniquorum usurpatorum eripiendi, verumque Christi cultum ibidem restaurandi; necessitas profecto ipsa consilium ejusmodi inire Christianos compulit. Quippe non tantum Asia & Africa, sed neque Europa immaniores, magisque periculosos hostes habuit, quam Saracenos, iisque fœderatos Turcas.

22.  
Saraceni in  
Hispaniam.

Nam postquam funesta illa orbis fax *Mahometes*, impostor impius, sæculo septimo Arabes suos in arma concitaverat, Saraceni isti non tantum Arabiam, Persiam, Ægyptum, Cyprum, Rhodum, Asiam Minorem, atque Africam occuparunt, sed etiam Columnas illas Herculis transgressi, atque in Europam effusi, cæso Roderico Rege, turbinis instar, Hispanias pervolarunt potius victoriis, quam emensi fuerint, trepidantibus undique, quas Mediterraneum alluit, florentissimis Provinciis.

23.  
Turcæ.

Atque ut nihil ad calamitatem & ruinam Christianorum deesset, sæculo octavo gens alia, multo inauspicatissima, ex Scythia, transmissa Caucaſo, in Christianas terras irrumpens, velut fulmen quoddam horrendum, Armeniam, Mesopotamiam, Babyloniam, Assyriam, ac universas ad Tygrin & Euphratem Provincias prostravit, atque immane barbarumque sub jugum misit. Quodque omnium formidandum maxime fuerat, gens ista Scythica cum Arabica illa Saracenorum pace inita ac fœdere juncta, in populum unum, *Turcarum* nomine insignitum, potentiamque vastissimam ad Christianitatis cladem coaluit.

24.  
Opponenda  
arma.

Hic igitur hostis, talis tantusque cum esset, non contentus Asia, Africa atque Hispania, in totum Mediterraneum dominatum exporrexit: atque in eo Candiam, Siciliam, Sardiniam, Corsicam, Calabriam, Apuliam, aliasque Italiae Provincias truculentis armis subegit, & crudelitate plus quam barbara oppressit, trepidante non raro Roma ipsa, quo vis illorum effera pervaserat.

Jam vero in hoc rerum articulo, num Christiani Principes otiosi torpentesque spectarent Europam diripi? Urbium cineres, Provinciarum vastationes, oppressorum singultus, Christianitatis excidium, nullum sensum generosis spiritibus ingererent? Torrenti rapido nulli opponendi aggeres? nulla meta figendi crescenti in dies immani potentiae? Nulli Pontificum, nulli Principum hæc curam aliquam injicerent? Non arma Christianorum focianda adversus hostem singulis fortiores?

At in Europa profligandus erat hostis: non ultra mare eundum ad restringenda incendia propriis domi tectis ardentibus (hæc crisis eorum est, quibus nihil tam sanctum, quod arrodere non sit volupe) verum quamvis sæpe pugnatum cum Saracenis in Europa fuit, a Pelagio videlicet, Alphonſo, Froila, Ramiro in Hispania, a Carolo Martello, & Carolo M. in Gallia, ab Othone II. & Normannis in Calabria, Apulia, Sicilia, hy-

dræ

iræ tamen instar portentofum hoc monſtrum ſemper ſuccreverat, novis  
dentidem copiis ex Aſia & Africa affluentibus.

Fontes igitur obſtruendi erant, non ſola ſemper Europa bellorum in-  
uriis conquaſſanda; in hoſtile ſolum transferendum bellum, atque Scipio Obſtruendi  
ſus illius Africani arte pugnandum. Hic ſiquidem heros incomparabilis, fontes.  
um Romani Hannibalem pellere Italia non poſſent, tranſmiſſo cum ex-  
ercitu mari, in Africam bellum tranſtulit, ſequi coaſto, ingemiſcente ſato-  
uo, Hannibale, cum proprios Penates ardere cerneret. Quo paſto  
non tantum ab hoſte invincibili liberata eſt Italia, ſed & Carthago ſub  
agum miſſa.

At non ea fuit, inquiunt, cruciatæ expeditionis felicitas; habita-  
oribus viduatæ Chriſtianæ Provinciæ; multa mortalium millia miſere per-  
ita; occupata Palæſtina, at non alio proventu, quam ut turpius inde eji-  
eremur. Sed, quamvis non ab eventu ſint metienda conſilia, magnam ta-  
men utilitatem expeditiones illas attuliſſe eſt in comperto. Quid enim ad  
upremi Numinis honorem glorioſius, quam tot exercitus ſibi uni auctora-  
os ſacratosque cernere, novosque velut Machabæos ad eliminandam  
obominationem deſolationis ſtantem in loco ſancto, accurrere, zelo re-  
parandi Divini cultus accenſos?

Sed neque effectus pio conſilio deſuit. Expugnata jam in prima ex-  
peditione a Bullionio & Balduino Jerofolyma cum reliquis Palæſtinæ ur-  
ibus: Erectum crucis vexillum; Cultus Divinus redditus: Terra ſan-  
cta Chriſtianis conſita: Fundatum Regnum, quod ſub novem Regibus ad  
nonaginta annos ſtetit, per intervalla poſtea etiam reparatum: Magnis  
Europæ Principibus hodieſum ejusdem titulo ac jure gloriantibus. Erepta  
tunc etiam Saracenis Nicæa, erectus Antiochiæ Principatus, qui centum  
ultra annos ſub Boëmundi, fortiſſimi Normanni, Chriſtianis hæredibus flo-  
ruit: Atque hoc paſto Antiochenus ac Jerofolymitanus Patriarchatus ad  
Eccleſiam reductus.

Quid Cyprum memorem, in expeditione quarta, depulſis perfidis  
Græcis, Eccleſiæ aſſertam, condito ibidem regno, ſub 17. Regibus per  
283. ac deinde ſub Venetis per 95. annos ſtaturus? Quid Cretam, Rho-  
dum, aliasque Mediterranei & Œgei Inſulas?

An contemnenda nobis res eſſe videatur Orientale Imperium expug-  
nata Conſtantinopoli, Latinis atque Eccleſiæ aſſertum? Taceo ea, quæ  
in Ægypto ac Regno Tunetano Chriſtianis accrevire.

At amiſſa ſunt hæc rursus omnia; Quid tum? An inſipientes præ-  
terea, an inutiles expeditiones illas dicemus? Amiſſa eſt Monarchia Aſſy-  
riorum, Perſarum, Græcorum; everſa Romanorum, Carthaginenſium,  
Spartanorum, Athenienſium Reſpublica; extincta tot Regna & Imperia:



An propterea insipienter ac frustra tot curis quæsitæ, bellisque parta? Insipientem Alexandrum, Pompeium, Cæsarem, qui ea per arduas expeditiones quærerent, quæ rursus amitterent! Est hæc rerum humanarum indoles: Temporales sunt: Volvuntur, revolvuntur. Cessent mortalium industriæ, si perennitatem in terris quærant: si ea moliantur, quæ nullis sint obnoxia temporum injuriis. Unum duntaxat Regnum est, cujus non erit finis.

Sed neque amissos omnes belli sacri fructus dicere possumus. Nobis etiam militavit provida antiquitas: Hodiedum metimus, quæ illa seminavit. In Turciam fortassis dudum abiisset omnis Europa, nisi aggerem posuissent Sacræ Cruces. Cum enim Barbari in Oriente bellis cum nostris essent impliciti, nullas amplius in Occidentem mittere poterant suppetias. Exarescente proin fonte, rivi facile sunt exsiccati.

27.  
Hodiedum  
præsentēs.

Atque hoc consilio sane auspiciatissimo, spirare liberius Europæ licuit: Recepta Hispania, a Mauris antea per tot annos tantaque pertinacia pressa: Fundatum Lusitaniæ Regnum, hodiedum florentissimum, Saracenorum ruinis superstructum; Via aperta ad erigendum firmandumque Christianis Regnum utriusque Siciliæ. Sardiniam & Corsicam jam Anno 852. Mahometani rapuerant: nec recipi poterat infelix spoliū, donec accis per Sacram militiam Barbarorum rebus, illa cessit Friderico II. Cæsari, hæc Genuensi Reipublicæ, adempta hostibus non tantum utraque Insula, sed etiam spe ac redeundi voluntate. Clausa erant, quæ Europam Africamque separant, maria, compressa navigatio, turbata commercia, Saraceno tridente vindicante sibi maris dominium. Cruciatīs classibus, signatisque Heroibus debetur libertas, qua Europa fruitur. Quin dicere possumus, ipsas etiam, optimas adeo, navigationes in Asiam & Americam, atque hac ratione utramque Indiam Europæ atque Ecclesiæ apertam, Sacrarum Expeditionum sementem esse. Nisi enim validissimæ illæ cohortes alio avocassent Saracenos, ac prætervectæ non raro cruciatæ classes fuissent Christianis auxilio; sicque Hispaniam & Lusitaniam liberassent, nunquam tam vastis navigationibus via fuisset aperta.

28.  
Equites Ho-  
spitalii.

Sed neque illi, quos supra memoravi, exigui fructus sunt belli sacri, hodiedum primævo flore vernantes, status inclyti Romani Imperii, fundati videlicet complures Religiosi Equitum Ordines, ad Religionis tutelam, ac perenne Ecclesiæ decus. Et quidem Hospitalarii, jam in prima expeditione, sub Gerardo primo Magistro, instituti, ut peregrinantes Europæi perpetuam haberent, fidamque corporis custodiam. Dicti Hospitalarii ab Hospitali, quod Jerosolymis pro pauperibus & peregrinis erexerant, & administrabant. Et quia ibidem templum sub titulo & invocatione

S. Joani.

*S. Joannis* considerant, ab illo etiam nomen acceperunt, Equites *Johannitæ* dicti.

Jerosolyma a Saracenis denuo expugnata, Ptolomaidem centum ad huc annos magna fortitudine defenderunt, ad annum 1291. Tum in Cyprum progressi; indeque etiam post 18. annos a Saracenis pulsi *Rhodium* occuparunt: (unde *Rhodii Equites* nuncupati) quam Insulam ad ducentos annos propugnarunt contra Turcas, & ipsum etiam Mahometem II. qui *Rhodus* post eversa duo Christiana Imperia, Constantinopolitanum & Trapezuntinum, post domitos Persas, magnumque illum Scanderbegum Græcia pulsum, ad hunc tandem scopulum impegit. At cum anno 1522. Solymannus II. ducenta Barbarorum millia ad obsidendam urbem adduceret, hoc etiam Christianorum propugnaculum amissum est, non sine proditione Amalii Ordinis Cancellarii: Cui, ut dignum perfidiæ præmium caperet, vitam abstrahi Solymannus jussit: Ut filia sua potiatur, prius exuendam Christianam pellem & Turcicam induendam dictitans.

Dispersi tum sunt Equites, aliis in Cretam ad Venetos, aliis in Siciliam ad Hispanos, aliis Viterbium, ab Adriano VI. in Italia ipsis concessum, dilapsis: Donec Carolus V. Imperator Melitam Insulam eisdem permisit, quam in hanc usque diem memorabili constantia propugnant, *Melitenfes* inde Equites dicti.

Quidquid autem Equestris hic ordo per sexcentos & ultra annos pro Christiana Republica adversus juratos ejusdem hostes fortiter gessit, sacrarum Expeditionum fructus est. Defensa a Religiosis istis militibus per 88. annos Jerosolyma, per 183. Ptolomais, per 213. Rhodus aliæque Insulae, per 200. & ultra Melita: Depulsus anno 1440. a Rhodo Sultanus Aegypti, anno 1480. fulmen illud belli Mahometes, anno 1565. Solymannus a Melita: Attrita ferocientis Ottomanni vires, disjectæ classes, caesa per intervalia plura centena Turcarum millia: Et quidquid a generoso isto Equestri ordine per Europam, Asiamque ad cultum Dei, ad defensionem Christianæ Reipublicæ, ad Ecclesiæ Sanctæ decus & incrementum gestum novimus, cruciatis id omne in Palæstinam Expeditionibus tanquam fonti est ascribendum.

Quid jam dicam de ornamento, utilitate, salute, quæ ex altero Equestri Ordine, prioris æmulo, Teutonico nempe in Christianam Religionem remque publicam omnem profluxit? Fundatus hic fuerat anno 1191. a Guidone Lusignano, Rege Jerosolymæ, approbante Patriarcha, ipsoque summo Pontifice, post expugnatam a sacris exercitibus Ptolomaidem, ubi generosa virtus Teutonice Nobilitatis, quæ Fridericum I. Imperatorem tu. rat comitata, post mortem etiam hujus, comprimis enituit; primus Ordinis Magister Walpotus Passenheimius. Finis defensio terræ Sanctæ

30.  
Ordo Teu-  
tonicus.



& peregrinorum suæ Nationis adversus Saracenorum incurfus. Sedes fixa Jerosolymæ in monte Sion; habitus vestis alba Cruce nigra distincta. Di&i etiam Equites *Mariani*, quia sub tutela & invocatione potentissimæ Cælorum Regina militabant.

31.  
Prussia.

Livonia.

Et militabant strenue in Palæstina adversus Barbaros 130. annos. Tum virtute multitudini hostium cedere coacta, in Germaniam se receperunt, fixa sede principe Marburgi in Hassia: Cumque fortitudo eorum bellica ubique inclaresceret, Dux Masovix adversus incurfus infidelium adhuc Prussorum in auxilium eos vocavit, ea conditione, ut jure belli retinerent, quod essent occupaturi. Neque fortuna virtuti defuit: Devictis namque pulsisque Prussis Marienburgi confedere, confita regione Christianis coloniis. Tum vero promota ad Livones victoria, ex ea pariter Provincia gentiles, qui Christianos oppresserant, ejecere: Atque hoc pacto, sicut Prussiam, ita Livoniam etiam sunt adepti: Possessione utriusque ad sæculum usque 16. continuata. Quo tempore, sane turbulento, nescio quo novo ac peregrino *Sæcularizationis* titulo ac nomine invento, Prussia ab Alberto Brandenburgico, Livonia vero a Gothardo Kettlero est occupata, usurpantibus ad novi Evangelii placita Magistris, ut propria, quæ toti ordini erant communia. Equites vero per Germaniam dispersi, inque varias Provincias divisi, sedem primariam Mergenthemii in Franconia collocarunt; quo in circulo inter Ordines imperii hodieum sunt conspici: Magno Magistro in Imperii comitiis ante Episcopos, proximo loco post Salisburgensem Archiepiscopum sedem occupante.

Hæc uberius forsitan, quam Lector expectarit, occasione Concilii IV. Lateranensis, quod pro recuperanda terra sancta institutum est, advertere placuit, adversus malignam Protestantium quorundam crisin, qua expeditiones illas sacras, tanquam temerarias, insipientes, atque omnino irritas pleno splendore solent explodere. Ad institutum jam nostrum redeamus.

### §. III.

Summa Decreti Concilii IV. Lateranensis, pro adornandis sacris expeditionibus.

32.

Innocentius III. Antecessorum suorum more, Christianæ religionis propagandæ ardore flagrans, curam omnem intendit, ut terra sancta per novas expeditiones sacras e Barbarorum manibus eriperetur. Quem finem plane sanctissimum ut obtineret, ut patet ex litteris ejus circularibus, Concilium generale Lateranense IV. indicendum putavit, ut collectus orbis Catholicus de republica Christiana contra Saracenos ac Turcas defendenda, restaurandisque orientalibus palmis decerneret.

Invi-

Invitati itaque per litteras, Romæ in Lateranensi S. Salvatoris Eccle-  
 sia anno 1215. convenere ex universo Christiano orbe Patres 1285. (qua  
 frequentia nulla unquam major) atque inter eos, Præsidente ipso Innocentio  
 Papa, Patriarcha Constantinopolitanus ac Jerosolymitanus ipsimet, An-  
 tiochenus vero & Alexandrinus per Legatos: 70. Archi-Episcopi: 400.  
 Episcopi: 12. Abbates: 800. Priores, Decani, Præpositi: cum Legatis  
 utriusque Imperatoris occidentalis & orientalis, Regum Franciæ, Hispa-  
 niæ, Angliæ, Hungariæ, Aragoniæ, Siciliæ, Jerosolymæ, Cypri,  
 aliorumque Principum, Rerumpublicarum ac civitatum.

His tanto numero ex toto orbe Christiano congregatis, Ecclesiasticis  
 ac secularibus, Innocentius Papa sacunda atque eleganti oratione Conci-  
 lium Oecumenicum aperuit, finemque proposuit trinum, liberandi nem-  
 pe a Mahometanorum tyrannide gementem Jerosolymam, terramque san-  
 ctam; extirpandi succrescens in agro Ecclesiæ hæresum infelix lolium; &  
 reformandi Ecclesiasticam disciplinam, multis in locis labefactatam.

Decretum itaque conditum sacræ expeditionis in terram sanctam in-  
 staurandæ; cuius hæc est epitome.

Ad liberandam terram sanctam de manibus impiorum ardenti deside-  
 rio aspirantes, sacro approbante Concilio diffinimus, ut ita cruce signati  
 se præparent, quod omnes, qui disposuerunt transire per mare in calendas  
 Junii conveniant in regnum Siciliæ, aut apud Brundisium, ubi nos perso-  
 naliter disposuimus adesse. Sacerdotes in Christiano exercitu munere  
 suo rite fungantur: dissensiones & æmulationes omnes evitent, ut adver-  
 sus communem hostem securius præliantur, non de sua præsumentes po-  
 tentia, sed de Divina virtute sperantes.

Ipsi autem Clerici beneficia sua integra percipiant per triennium, ac  
 si essent in Ecclesia residentes, eaque interim pignori valeant obligare.  
 Ne igitur hoc sanctum propositum impediri aut retardari contingat, uni-  
 versi, qui nomen suum dederunt, sub pœna excommunicationis compel-  
 lantur vota sua Domino reddere; & a Prælati ad auxilium ferendum in-  
 citentur, in remissionem peccatorum suorum, prout in generalibus lit-  
 teris est expressum.

Ne vero in humeros hominum onera gravia imponere videamur, quæ  
 digito nostro movere nolumus, 30000. librarum in hoc opus donamus,  
 præter navigium & 3000. marcarum argenti, quæ apud nos de quorundam  
 fidelium elemosina remanserunt: aliis jam per Patriarcham, Magistrum  
 templi, & Hospitalis distributis. Omnes pariter Ecclesiastici vigesi-  
 mam partem Ecclesiasticorum proventuum in triennium conferant: ex-  
 ceptis iis, qui ipsi sunt profecturi. Nos autem & Cardinales fideliter de-  
 cimas persolvemus; cruce signati autem a collectis, talliis, aliisque grava-  
 mini.

Frequentia.

33.  
 Decretum  
 expeditionis.



minibus sint immunes; quorum personas & bona sub B. Petri & nostra protectione suscepimus, ut integra maneant & quieta: nec interim usura ab eis exigantur: Judæis etiam ad hoc compulsi.

Cæterum quia piratæ nimium impediunt subsidium terræ sanctæ, ad-  
jutores & fautores eorum excommunicationis vinculo innodamus, inhi-  
bentes, ne quis cum eis communicet aliquo emptionis vel venditionis con-  
tractu. Excommunicamus præterea illos falsos & impios Christianos, qui  
Saracenis arma, ferrum, & lignamina deferunt galearum, aut qui galeas eis  
vendunt vel naves, vel alias illis consilium impendunt vel auxilium. Pro-  
hibemus insuper omnibus Christianis, ne per quadriennium in Saraceno-  
rum terras navigent, ut major navigii copia præparetur, transfretare vo-  
lentibus in subsidium terræ sanctæ. Torneamenta etiam per triennium  
sub excommunicatione sint prohibita.

Quia vero ad hoc negotium exequendum maxime necessarium est, ut  
Principes Populi Christiani ad invicem pacem observent, sancta universalis  
Synodo suadente, statuimus, ut saltem per quadriennium in toto orbe  
Christiano servetur pax generaliter, sub excommunicatione in ejusdem  
perturbatores lata, quam si contempserint, per auctoritatem Ecclesiæ  
in eos inducatur sæcularis potentia.

Tandem omnibus cruce signatis, opem & subsidium præstantibus, si  
fuerint corde contriti, & ore confessi, plena peccatorum indulgen-  
tia impertitur.

## §. IV.

## SS. Canones conditi pro Ecclesiastica Disciplina.

84.

Canones 70. omnino sunt in Concilio isto sanciti, qui in 5. libros Decre-  
taliū Gregorii IX. sunt relati, magnamque Juris Canonici partem  
conficiunt: cujus titulos & capitula in margine annotata reperies.

Cap. 1. de  
summa  
Trinitate.

Primus & secundus habetur lib. 1. *Decretal. tit. 1. cap. firmiter*, & *cap. damnamus de summa Trinitate & fide Catholica*: in quibus continetur tota de  
SS. Trinitate doctrina, damnaturque libellus Joachimi Abbatis, con-  
tra Petrum Lombardum editus, cum impiis Almarici dogmatis.

c. 13. de  
Hæreticis.

In 3. excommunicantur omnes hæretici eosque post damnatio-  
nem sæculari potestati subjici ac bona confiscari jubet. Nemo eos to-  
leret in sua ditione.

c. 6. de  
captis.

In 4. excommunicat Græcos, qui Latinos Sacerdotes ad Altaria  
execrantur, aut rebaptizant Latinos.

c. 23. de  
privil.

In 5. deciditur tandem plurium sæculorum lis, quæ etiam non modi-  
cam Græco schismati occasionem dedit, ut nempe post Romanum pri-  
mus

mus Patriarcha sit Constantinopolitanus, alter Alexandrinus, tertius Antiochenus, quartus Hierosolymitanus, qui hoc tempore omnes Romanæ erant juncti Ecclesiæ. Præcipitur, ut omnes Patriarchæ a Papa recipiant pallium, præstito eidem fidelitatis & obedientiæ juramento. Patriarchæ autem sibi subiectis possunt dare pallia, & admittere appellationes salva appellatione ad Sedem Apostolicam.

6. Metropolitæ singulis annis celebrent Concilium. c. 25. de accusat.  
 7. Prælati corrigant excessus. c. 13. de offic. Jud. Ord.  
 8. Contra delinquentes procedi potest vel per accusationem, vel denuntiationem, vel inquisitionem. Accusationem tamen præcedat legitima in- c. 24. de accusat.  
 scriptio; denuntiationem charitativa admonitio, inquisitionem clamorosa insinuatio, seu infamia publica.

9. In eadem civitate ne sint duo Episcopi, ritu tamen cuivis proprio c. 14. de offic. sacrificia Divina celebrentur & Sacramenta ministrantur. Statutum hoc est Judic. Ord. propter permixtos in eadem urbe cum Latinis Græcos, præsertim ubi Latini Thraciam & Græciam expugnaverant: non tamen per hunc Canonem concessum est, ut hæretici volunt, in qualibet lingua Divina Sacrificia celebrare: sed tantum in Latina & Græca.

10. Episcopi bonos Concionatores & Confessarios constituent. c. 15. ibid.  
 11. In Cathedrali constituentur Magistri, qui gratis doceant. c. 6. de Magistris.  
 12. Singulis trienniis instituantur capitula Religiosorum. c. 7. de statu Monach.  
 13. Vetatur institutio novorum ordinum Religiosorum. c. 9. de Relig. domib.  
 14. Incontinentes Clerici puniantur secundum Canones. Qui autem c. 13. de vita & honest. Cleric.  
 secundum regionis suæ morem non abdicarunt copulam, legitimo c. 14. ibid.  
 matrimonio uti possunt. Videtur hoc Canone Concilium Græcis concedere usum c. 16. ibid.  
 uxorum, quas ante ordinationem duxerunt. c. 9. de celebrat. Miss.  
 c. 9. ne Clerici.

15. Interdicitur Clericis crapula & venatio.  
 16. Clerici se non immisceant negotiis sæcularibus, quæ statum eorum dedecent; aleis, & tabernis abstineant, tonsuram & coronam gerant. c. 9. de celebrat. Miss.  
 17. Abstineant comessationibus, intersint diligenter Divinis officiis.  
 18. Ne intersint Judicio sanguinis, & abstineant a chirurgia, quæ c. 9. ne Clerici.

19. Vasa & supellestilia templi sint munda c. 2. de custod. Euchar.  
 20. Chrysmæ & Eucharistia folicite custodiatur. c. 1. ibid.  
 21. Omnis utriusque sexus fidelis, postquam ad annos discretionis pervenerit, omnia sua peccata solus confiteatur fideliter, saltem semel in anno, proprio Sacerdoti, & adjunctam sibi poenitentiam studeat pro viribus adimplere: suscipiens reverenter ad minus in Pascha Eucharistiæ Sacramentum. Alioquin & vivens ab ingressu Ecclesiæ arceatur, & moriens



Christiana careat sepultura. Si quis autem alieno Sacerdoti voluerit iusta de causa confiteri, licentiam habeat a proprio Sacerdote: alias non potest eum alter absolvere. *Hic est ille celeberrimus Canon, quem baretiti tanquam novum Concilii inventum tantopere averfantur. Verum Concilium hic tantum declaravit tempus, quo Præceptum Divinum confessionis & communionis debeat impleri. Ceterum usus confessionis private & S. Communionis jam inde ab Apostolorum tempore continua praxi in Ecclesia viguit, ut plurimis Sæculorum omnium testimoniis jam sæpe a Polemicis, ut Bellarmino, & Theologis Dogmaticis, ut Ludovico Simonet est demonstratum. Ceterum per proprium Sacerdotem intelligitur Papa, Episcopus, Patrobus, aut quibus hi per delegationem vel per privilegia potestatem dederint.*

c. 13. ibid.

22. Medici corporis ante omnia advocari curent Medicos animæ. Nec suadeant aliquid, quod obfit animæ.

c. 41. de elect.

23. Ultra 3. menses Ecclesia Cathedralis aut Regularis non vacet. Alias electores eligendi potestate pro ea vice priventer, devoluto jure ad proxime superiorem, qui ultra 3. menses non differat providere.

c. 42. ibid.

24. Triplex modus eligendi, per *Inspirationem, Scrutinium & Compromissum*. Aliter facta electio non valet. Convocatis omnibus, qui debent, possunt & volunt interesse, assumantur tres Scrutatores de collegio, qui secreto & singillatim voces exquirant, & in scriptis redacta mox publicent in communi, nullo prorsus appellationis obstaculo interjecto, ut is eligatur, in quem major vel sanior pars consenserit. Vel saltem eligendi potestas aliquibus viris idoneis committatur &c. Ne quis autem Procuratorem constituat, nisi absens sit in eo loco, de quo debeat advocari, iustoque impedimento detentus venire non possit: facta de hoc, si opus, fide per juramentum. Tunc vero uni de Collegio vices suas committat,

c. 43. ibid.

25. Electio facta per sæcularem potestatem est ipso jure nulla. Et consentiens fit inhabilis ad dignitatem.

c. 44. ibid.

26. Confirmator diligenter examinet factam electionem, & personæ aptitudinem. Ultra Italiam in concordia electi possunt interim Ecclesiam administrare, nihil tamen alienare.

c. 14. de stat. &amp;c.

27. Episcopi promovendos ad Sacerdotium diligenter instruant, aut instrui curent. Præstat enim paucos habere bonos, quam multos malos Ministros.

c. 9. de renunt.

28. Quibus concessa est facultas beneficiis renuntiandi, compellantur renuntiare: Quia vel propter Ecclesiæ commodum, vel propter Salutem propriam renuntiatio ipsis est concessa.

c. 28. de p. bend.

29. Qui habens jam beneficium curatum aliud curatum recipit, priore ipso jure est privatus: Et si utrumque retinere velit, etiam secundo spo-

spolietur. *Corrigitur hic dispositio Alexandri III. qui optionem dabat, utrum ex duobus beneficiatus velit retinere. Nec quisquam in eadem Ecclesia plures Dignitates aut Personatus habeat, licet non habent annexam curam. Cum sublimibus tamen & litteratis potest sedes Apostolica dispensare.*

30. Ad Ecclesias assumantur idonei rejeclis indignis. c. 29. ibid.  
 31. Canonorum filii, maxime spurii, ne fiant Canonici in Ec- c. 16. de  
 clesiis, in quibus eorum Patres fuerunt instituti. Filiis pres-

32. Parochis congrua portio detur ex proventibus Ecclesiæ. Pa- byt.  
 rochus non per Vicarium, sed per se ipsum deserviat, nisi forte c. 50. de  
 præbendæ vel dignitati esset annexa Parochialis Ecclesia. præbend.

33. Procuraciones extra actualem visitationem non exigantur: Et c. 23. de  
 etiam tunc sint moderatæ. Cum visitatores non debeant quærere, censibus.  
 quæ sua sunt, sed quæ JESU Christi.

34. Prælati ne plus exigant a subditis, quam solvant in procu- c. 3. de  
 rationem legati vel alterius. immunit.

35. Ne appelletur absque rationabili causa ad superiorem Judi- Eccl.  
 cem ante sententiam. Causa autem debet exponi ipsi Judici. c. 59. de

36. Licet pars appellaverit a sententia interlocutoria, si tamen appellat.  
 Judex eam revocaverit, potest in causa pergere. Quia cessante cau- c. 60. ibid.  
 sa cessat effectus.

37. Nemo per litteras Apostolicas ad Judicem, ultra duas diætas re- c. 28. de  
 motum, trahi possit, nisi litteræ de assensu partium fuerint impetratæ, aut rescript.  
 de isto canone Concilii specialem faciant mentionem. Nec quis absque  
 mandato speciali sui Domini litteras impetret pro illo. *Bonifacius VIII. c.*  
*statutum §. cum vero de rescript. in 6. postea statuit, ut quis non possit ultra unam*  
*diætam extra suam diæcesim ad iudicium trahi, seu ultra 10. horas.*

38. Judex curet omnia iudicii acta diligenter conscribi, nempe c. 11. de  
 citationes & dilationes, recusationes & exceptiones, testimonia, in- probat.  
 strumenta, interlocutiones, appellationes &c.

39. Si quis a fure rem alienam scienter acceperit, contra possessorem c. 18. de  
 huiusmodi spoliato per restitutionis beneficium succurratur, licet non restit. spo-  
 probet dominium: (non obstante rigore Juris civilis) cum detentor rei liat.  
 alienæ succedat in vitium, & non multum interfit, præsertim quoad  
 periculum animæ, detinere injuste & invadere alienum.

40. Quando actori propter contumaciam rei adjudicatur detentio rei, c. 9. de  
 custodiæ causa, is vero illam a reo consequi non potest, nihilominus post dolo &c.  
 annum elapsum fit verus illius rei possessor, consequenter omnia posses-  
 sionis commoda consequitur. Super rebus spiritualibus ne compromit-  
 tatur in Laicum.



c. 2. de  
arbitris.

41. Quoniam omne, quod non est ex fide, peccatum est, absque bona fide nulla valeat præscriptio tam canonica, quam civilis. Cum si generatim omni constitutioni ac consuetudini derogandum, quæ absque mortali non potest observari peccato. Unde oportet, ut, qui præscribit, in nulla temporis parte rei habeat conscientiam alienæ.

c. 10. de  
præscript.

42. Nec Laici Clericorum, nec Clerici Laicorum jura invadant: ut reddantur, quæ sunt Cæsaris Cæsari, & quæ sunt Dei Deo.

c. 30. de  
jurejur.

43. Ecclesiastici, qui nihil temporale habent a Laicis, ne cogantur ab istis juramentum fidelitatis deponere.

c. 12. de  
rebus Ec-  
cles.

44. Alienatio feudorum, rerumque Ecclesiasticarum sine legitimo personarum Ecclesiasticarum consensu non valent; licet approbentur per constitutiones Laicorum.

c. 12. de  
pœnis.

45. Patroni, Advocati Ecclesiarum &c. ne plus sibi usurpent, quam jure concessum est: quia, quod ad defensionis subsidium est inventum, ad depressionis dispendium non debet detorqueri.

c. 7. de  
immun.  
Eccles.

46. Confirmatur anathema, a Concilio Lateranensi III. latum in Rectores civitatum & alios, qui Ecclesias & Clericos collectis & exactio- nibus premunt. Si necessitas postulet, ut subsidium conferat Ecclesia, id fiat absque coactione, ubi facultates Laicorum non sufficiunt: consulto prius Romano Pontifice, cujus est communibus necessitatibus provide- re. (*Secus si scilicet speciali privilegio*)

c. 48. de  
sentent.  
excom.

47. Ne quis excommunicationis sententiam ferat, nisi communio- ne præmissa, præsentibus idoneis personis, & manifesta justaque de causa.

c. 61. de  
appellat.

48. Si quis Judicem velut suspectum recusaverit, coram eo causam re- cufationis proponat, ac simul cum Judice communiter arbitros eligat; causa coram arbitris non probata Judex utatur jurisdictione: Ea vero probata remittat negotium ad superiorem: vel cum consensu recusatoris tertio committat. Si vero crimen sit manifestum, nulla appellationis ha- beat ratio: quia appellationis remedium non ad defensionem iniquita- tis, sed ad præsidium innocentiae est inventum.

49. Nullus cupiditatis seu avaritiæ causa excommunicet, aut ex- communicatum absolvat.

c. 3. de  
consang.  
& affinit.

50. Prohibitio matrimonii inter consanguineos ad quartum gradum restringitur. (*Antea usque ad septimum gradum erat prohibitum*) tollitur etiam prohibitio matrimonii in secundo & tertio affinitatis genere.

c. 3. de  
clandest.  
despons.

51. Clandestina prohibentur matrimonia, & proles ex iis susceptæ cen- sentur illegitimæ. *Tridentinum deinde illa omnino irritavit.*

52. Cum olim consanguinitas usque ad septimum gradum dirimeret <sup>c. 47. de</sup> matrimonium, sufficiebant testes de auditu: jam vero cum ab hoc Con- <sup>testib.</sup> cilio hoc impedimentum sit restrictum ad quartum gradum, requiruntur testes de visu; qui deponant, se vidisse personas, saltem in uno ex prædictis quatuor gradibus haberi pro consanguineis. *Hoc præcipue requiritur, quando agitur de matrimonio dissolvendo.*
53. Domini prædiorum decimalium non committant illa excolenda <sup>c. 34. de</sup> hominibus, qui nullas decimas solvunt. <sup>decimis.</sup>
54. Cum in signum universalis domini, quasi quodam titulo spe- <sup>c. 33. ibid.</sup> ciali sibi Dominus decimas reservaverit, solvantur prius decimæ ex fructibus, quam census & tributa. Si autem hæc prius soluta fuerint, de ipsis etiam tributis solvi debent decimæ.
55. Regulares ex alienis terris (subjectis oneri decimarum) deinceps <sup>c. 34. ibid.</sup> acquirendis decimas persolvant Ecclesiis, licet eas propriis manibus & sumptibus excolant.
56. Pacta, quibus in præjudicium parochiarum locationes aut in- <sup>c. 7. de</sup> feudationes fiunt, ea lege, ut locatoribus decimæ solvantur, prohiben- <sup>pactis.</sup> tur, cum obligatione restitutionis.
57. Declarantur aliqua Privilegia Regularibus concessa, præsertim <sup>c. 24. de</sup> circa fraternitates restringendas, & apertionem unius tantum Ecclesiæ se- <sup>Privil.</sup> mel in anno tempore interdicti.
58. Quod nonnullis Regularibus est concessum, conceditur <sup>c. 25. ibid.</sup> etiam Episcopis, ut Divina officia possint celebrare tempore interdicti, sed exclusis excommunicatis, & interdictis, januis clausis, submissa voce, & non pulsatis campanis.
59. Vetatur, ne Religiosi fidejubeant absque Prælati & majoris partis <sup>c. 4. de</sup> capituli consensu, vel pecuniam mutuo accipiant, ultra summam commu- <sup>fidejuss.</sup> ni providentia constitutam. Alias non tenetur conventus pro his respon- dere, nisi forte manifeste constiterit, in bonum communis redundasse.
60. Abbates se non ingerant iis, quæ sunt Officii Episcopalis, circa <sup>c. 12. de</sup> causas matrimoniales, pœnitentias publicas, Indulgentias, nisi specialiter <sup>excess.</sup> eis fuerit concessum. <sup>Prælat.</sup>
61. Regulares non recipiant de manibus Laicorum Parochias aut de- <sup>c. 31. de</sup> cimas sine consensu Episcopi. Neque excommunicatos vel nominatim in- <sup>præbend.</sup> terdictos admittant ad Divina. Item in Parochiis, quæ ad ipsos non perti- nent pleno jure, Presbyteros idoneos Episcopo præsentent instituendos, qui eidem circa curam plebis & administrationem rationem reddant: nec institutos Presbyteros sine consensu Episcopi amoveant.
62. Sacræ Reliquiæ non sint venales, nec ostendantur extra capsam: in- <sup>c. 2. de</sup> ventas autem de novo nemo publice venerari præsumat, nisi prius authori- <sup>Reliquiis.</sup> tate



tata Romani Pontificis fuerint approbatæ. Evitentur omnes deceptiones, figmenta, & falsa documenta.

c. 14. de  
pœnit. &  
remiss.

Eleemosinarum quæstores non admittantur, nisi Papæ aut Diocesani litteras exhibeant: adhæc, quia per indiscretas & superfluas indulgentias claves Ecclesiæ contemnuntur, & pœnitentialis satisfactio enervatur, temperandæ sunt. Cum dedicatur Basilica, tantum unius anni indulgentia concedatur, in anniversario autem dedicationis tantum 40. dierum: nec plurium pro aliis etiam causis: quia etiam Papa hanc moderationem observare consuevit.

c. 39. simo-  
nia.

63. Nihil exigatur, quocunque prætextu, pro Episcoporum consecrationibus, Abbatum benedictionibus, & Clericorum ordinationibus. Consuetudo contraria magis est corruptela, penitus reprobata.

c. 40. ibid.

64. Quoniam simoniaca labes adeo plerasque Moniales infecit, ut vix aliquas sine pretio recipiant in sorores, paupertatis prætextu volentes hujusmodi vitium palliare, ne id de cætero fiat, penitus prohibetur sub gravi pœna. Idem aliis etiam Regularibus prohibetur. *Verum aliud est pro susceptione seu ingressu in Religionem aliquid petere, quod utique esset simoniacum; aliud, petere aliquid pro alimentacione, dote, aut legitima. Sicut aliud est aliquid petere pro Sacramento matrimonii: aliud facere conventiones dotales ad ferenda matrimonii onera temporalia.*

c. 41. ibid.

65. Episcopi nihil exigant pro concessione institutionis beneficalis, professionis religiosæ, aut sepulturæ.

c. 42. ibid.

66. Exequiæ mortuorum, benedictiones nuptiales, administrationes Sacramentorum fiant gratis; servata tamen laudabili locorum consuetudine.

c. 18. de  
usuris.

67. Si Judæi a Christianis immoderatas usuras extorserint, Christiani nullam cum illis communicationem habeant, donec satisfecerint. Compellendi etiam Judæi ad solvendas decimas ex possessionibus, antequam ad eos devenirent, huic oneri obnoxiiis.

c. 15. de  
Judæis.

68. Judæi a Christianis habitu ubique locorum debent esse distincti. In diebus autem Lamentationis & Dominica Passionis in publicum ne prodeant: Nec Christum crucifixum sinantur blasphemare.

c. 16. ibid.

69. Judæi aut Pagani ne præficiantur publicis officiis.

c. 4. de  
apostatis.

70. Judæi alique, ad Christianam fidem conversi, ne permittantur eandem cum veteribus eorum ritibus permiscere.

#### §. V.

Observatio circa errores in hoc Concilio damnatos.

35.  
Albigensium  
furor.

**D**amnati sunt in hoc etiam Concilio Albigenses. Hi in Gallia Tolosæ agroque finitimo fautore ac duce ipso Tolosatum comite Raymundo tantam

tantam multitudinem perverterant, ut necesse fuerit adversus eos crucem prædicare, signatorumque exercitum ad compescendos eorum tumultus colligere.

Cruciatu copii Dux præerat *Simon Comes Montisfortis*. Qui ea gefit, ut puderet Athenienses ostentare suos in Marathonii campis Miltiades, ac Spartanos in Thermopylis suos Leonides. Cum enim Comes Tolosæ, cui Rex Aragoniæ in auxilium venerat, Murellum castrum obsideret, Montfortius heros incomparabilis cum octingentis equitibus & mille peditibus Cruce signatorum, ut castrum obsidione liberaret, pugna prope incredibili conferta, centum millia Albigensum profligavit, casu in acie Rege Aragoniæ. Cumque pervicaces hæretici necdum arma ponerent, a superiore clade superstites ad internecionem prope delevit. Quare in Concilio hoc Lateranensi ditio Raymundi Tolosani hæretici Montfortio est adjudicata, tantæ fortitudinis & virtutis præmium.

Damnatus est etiam in Concilio isto libellus, quem contra Petrum Lombardum scripserat Joachim Abbas de mysterio SS. Trinitatis, cujus rei hæc fuit occasio.

Petrus nempe, quod Novaræ in Longobardia esset natus, dictus *Lombardus*, absolutis Bononiæ studiis, in Galliam profectus, inter Theologos brevi emiuit, ac creatus Parisiensis Archi-Episcopus, a libris sententiarum doctissimis, quos scripsit, dictus *Magister sententiarum*: in quas postea S. Thomas, Scotus, alique veteres Theologi Scholastici ultra 240. commentarios suos ediderunt.

Cum enim Lombardus cerneret, vanum quoddam nec satis dignum in Theologiam inductum esse philosophandi genus, cujus occasione plura ingenia, in cogitationibus suis evanescentia, cum Gilberto Porretano, Abailardo, Rosulino, aliisque in varios errores circa fidei mysteria fuerant abrepta: gravissimas de Religione quæstiones jacere neglectas, Scripturam Sacram, traditionem, Romanorum Pontificum & Conciliorum decreta, Patrum sententias, Historiam Ecclesiasticam (qui præcipui sunt loci Theologici) aut passim ignorari aut ex defectu genuinæ criticæ vel ex apogryphis hauriri, vel depravata allegari: Rationem vero naturalem, quæ in Theologicis circa fidei mysteria quæstionibus infimum locum obtinet, tanquam in suprema specula collocari, eaque judice inani quadam subtilitate, ac vocabulorum conflictu quæstiones gravissimas decidi, aut confundi potius: Cum, inquam, hunc abusum Disciplinæ Sanctissimæ scientiarumque facile Principis, Lombardus cerneret, Theologikum opus aggressus est, in quo tot trices eas opponeret auctoritates, quibus refractari homini Orthodoxo nefas esset.

Collectas itaque magna industria Patrum sententias in quatuor libros *Libri sententiarum*, diges-

36.  
Montfortius.

37.  
Petrus Lombardus.

38.  
Libri sententiarum,



digessit. In 1. tractatur de Trinitate Divinisque attributis. In 2. de creatione & opere sex dierum, de lapsu Adami, libero arbitrio & gratia, peccato originali & actuali. In 3. de Incarnatione, Christi perfectionibus, fide, spe, charitate, donis Spiritus Sancti, & præceptis Divinis. In 4. de Sacramentis in genere & in specie. Denique subnectit tractationem de resurrectione, extremo judicio, & statu Beatorum.

Quamvis autem hoc opus toto Christiano orbe haberetur celeberrimum, tantique æstimatum, ut plurimi, interque eos Theologorum Principes in illud commentarentur; attamen & sol suas habet maculas. Severa crisis reprehendit omillas quæstiones de scriptura, traditionibus, Ecclesia, Pontifice, Conciliis, & factis dogmaticis: Insertas quæstiones aliquas inutiles, allegoricas scripturarum expositiones, apocryphas aliquando allegationes, & probationes quandoque minus solidas: Atque quod gravissimum est, 26. ejus opiniones ab omnibus Catholicis merito reprobandas. Inter quas etiam ille est error, quod *Christus, secundum quoddam est homo, non sit aliquid*. Licet enim Lombardus videatur nihil aliud velle, quam quod Christus non habeat personalitatem seu subsistentiam humanam, attamen propositio prout jacet, male sonat, facileque in hæresin Eutychetis posset inducere,

Unde merito Alexander III. præcepit Archi. Episcopo Senonensi, ut pravam hanc doctrinam Petri abroget, omnesque eandem detestentur; contra vero doceant, Christum, sicut perfectum Deum, sic & perfectum ac verum hominem esse ex anima & corpore consistentem: ut patet ex epistola Alexandri III. quæ exstat in actis Concilii III. Lateranensis.

39.  
Joachimus  
Abbas contra  
Lombardum.

Atque hanc fuisse occasionem existimat Severinus Binius in notis ad Concilium Lateranense IV. cur Joachimus Abbas contra Lombardum libellum scripserit. Cum autem ejus errores refutaret, in alium incidit, ut habetur Can. 2. hujus Concilii, relato in cap. 2. de summa Trinitate. Ibi: *Damnamus & reprobamus libellum, quem Abbas Joachim edidit contra Magistrum Petrum Lombardum de unitate seu essentia Trinitatis appellans ipsum hæreticum & infanum, pro eo, quod in suis dixit sententiis: Quoniam quadam summa res est Pater, & Filius, & Spiritus Sanctus, & illa non est generans, neque genita, nec procedens.*

Ex quibus verbis Lombardi falso inferebat Joachimus, eum non tam Trinitatem quam quaternitatem adstruere, videlicet tres Personas, & illam communem essentiam quasi quartam. Asserebat ulterius Joachimus, nullam rem esse, quæ sit Pater, & Filius, & Spiritus Sanctus: Unitatem naturæ in tribus Personis non esse veram & propriam, sed quasi collectivam & similitudinariam, quemadmodum dicuntur multi homines unus populus, & multi fideles una Ecclesia. Ad quod probandum adduxit illud

Joan.

Joann. 17. Volo Pater, ut sint unum in nobis, sicut & nos unum sumus, ut sint consummati in unum.

Hanc Joachimi doctrinam reprobatur Concilium, probaturque sententiam Lombardi, quod scilicet una quadam summa res sit, quæ veraciter est Pater, & Filius, & Spiritus Sanctus: Et ideo Trinitatem esse in Deo, non quaternitatem: Quia quælibet trium Personarum est illa res, sive substantia, essentia, natura Divina: Et illa res non est generans, neque genita, nec procedens: Sed est Pater, qui generat, Filius, qui gignitur, & Spiritus S. qui procedit, ut distinctiones sint in Personis, & unitas in natura. Licet igitur alius sit Pater, alius Filius, alius Spiritus Sanctus, non tamen aliud: Sed id, quod est Pater, est Filius, & Spiritus Sanctus, ut secundum Catholicam fidem Consubstantiales esse credantur. Pater enim ab æterno generando Filium suam Substantiam ei dedit, sine diminutione; ut adeo in Patre, Filio, & Spiritu Sancto vere una indivisibilis sit Substantia, una res, una natura.

Quod vero Joachimus objiciebat, sic solvit Concilium: volo, ut ipsi fideles sint unum in nobis, (unione charitatis in gratia) sicut & nos unum sumus (in natura) quemadmodum veritas alibi dicit: Estote perfecti, sicut & Pater vester celestis perfectus est: Hoc est; estote perfecti perfectione gratiæ, sicut Pater vester celestis perfectus est perfectione naturæ: utraque videlicet suo modo: quia inter Creatorem & creaturam non potest tanta esse similitudo, ut non sit major dissimilitudo.

Non tamen damnata est a Concilio persona Joachimi; quia omnia a scripta Sedi Apostolicæ obtulit ejus judicio aut approbata aut corrigenda, cum protestatione propria manu subscripta, quod firmiter teneat eam fidem, quam Romana tenet Ecclesia. Et ideo Concilium etiam cautum vult Florenti Monasterio, cujus Institutor fuit, utpote in quo vigeat regularis disciplina & salutaris observantia.

Denique damnata ab eo Concilio sunt perversissima dogmata impii Almarici, cujus mentem sic pater mendacii excæcavit, ut ejus doctrina non tam hæretica censenda sit, quam insana.

Erat autem Almaricus Carnotensis Gallus, qui teste Genebrardo lib. 1. chronol. viginti errorum est convictus: quorum unus erat, Christi corpus non magis esse in pane, quam in qualibet alia re. Plures illius errores recenset Sanderus lib. 7. de visibili Monarchia, videlicet, nullam esse resurrectionem, nullum Paradysum, nullum infernum; thurificationem in Ecclesia esse idololatriam; stupra, adulteria, aliaque flagitia non esse peccata, si fiant ex charitate: & quæ sunt alia ejusmodi deliria absurdissima. Corpus ejus exhumatum & exustum est; ejus autem sectatores, quos inter erat aurifaber, qui se Prophetam dicebat, Parisiis vivi sunt concremati. Habeant sibi istos martyres, qui non habent alios.



42.  
S. Dominici  
& S. Franci-  
sci Ordo.

Hos inter turbines Ecclesia, palmæ instar eluſtantis in pondera, nova eaque immenſa aucta propagine, in Dominico & Francisco defenſores naſta eſt fortiffimos, adverſum circumſrementes, in agro præſertim Tolofatium, Albigenſes alioſque hæreticos. Et quidem B. Dominicus, quem merito facem fulgentiffimam, totum orbem virtutum & doctrinæ luce illustraturam dixeris, cum Fulcone Tolofano Epifcopo ad hoc Concilium profectus, ſuum Innocentio III. de inſtituendo Prædicatorum Ordine conſilium aperuit, ab Honorio deinde III. & Innocentio IV. ſub regula S. Auguſtini approbato. B. Franciſcus vero, ſolo cœlo dives, Seraphicum Ordinem FF. Minorum, nova ſub regula inſtitutum, Innocentio III. & Concilio confirmandum obtulit; meruitque votis potiri paupertatis cultrix præclara Religio, in novas deinceps frondes vel repullulans vel reſtoreſcens, propagines ſuas ſanctiffimas in ultimos terræ fines ævumque omne exſperrectura. Superis videlicet curæ eſt ſancta Mater Eccleſia, fœcundante illam rore cœleſti, ut in ſobolem ampliffimam, fructusque uberrimos ſeſe per orbem terrarum explicet.

## ARTICULUS V.

De Concilio Generali XIII. Lugdunenſi I.

Sub

*Innocentio IV. contra Fridericum II. Imperatorem anno 1245.  
celebrato.*

## SUMMARIUM.

### §. I.

#### Synopſis Hiſtorica.

1. Sicilia a Normannis ad Suevia Duces translata per Conſtantiam.
2. Diſcordiæ inter Pontificem & Henricum VI. Imperatorem, Conſtantia Conjugem.
3. Friderici II. initia.
4. Philippus contra Ottonem IV.
5. Turbæ inter Pontificem & Fridericum II.

6. Qui a pluribus Pontificibus excommunicatur.
7. Henricus Raſpo & Guilielmus Hollandia Comes electi contra Fridericum.
8. Filii Friderici ſe mutuo perimunt.
9. Carolus Andegavenſis, regno Sicilia inauguratus, contra Manſfredum Friderici Notbum,
10. Et Conradinum, Hujus cruenta tragedia.

11. *Perempto etiam Henrico Friderici Filio naturali.*

12. *Constantia, Manfredi filia, Siciliam in dotem offert Petro Aragonio.*

13. *Vesperæ Siculae.*

14. *Constantiæ Christianum facinus in Carolum Claudum Andegavensem.*

15. *Sicilia per tres fœminas Principes ad tres domos Principes translata.*

16. *Magnum Inter-regnum Imperii.*

17. *Melior orbis facies sub Rudolpho Habsburgico, & Augustissima Domo Austriaca.*

§. 2.

Acta Concilii.

18. *Quinam in eo præsentés.*

19. *Dictum anathema Friderico II.*

20. *Qui factiones Gibellinorum adversus Gwelpbos excitat per 200. annos Italiam laceraturas.*

§. 3.

Canones Concilii.

21. *Canones editi inserti sunt a Bonifacio VIII. libro sexto Decretalium, qui locis citatis referuntur.*

§. I.

Synopsis Historica discordiarum inter Pontifices & Fridericum II.

Exactis Italia Longobardis, & Exarchatu ad Pontificem translato Carolus M. Siciliam, Calabriam atque Apuliam Græcis adhuc Imperatori-  
bus reliquerat; quas tamen negligentius defensas Saraceni postmodum  
invasere. Hos Normanni expulere; disti primum Comites Apuliæ, tum  
Duces, denique Reges utriusque Siciliæ sub Rogerio II. Hujus filia Constantia  
nupsit Henrico VI. tunc adhuc dum Romanorum Regi: qui post extin-  
ctam legitimam Normannorum in Sicilia masculinam stirpem uxorio no-  
mine Regnum dotale adire conabatur, fortiter se opponente Tancredo,  
Normannicæ quidem stirpis, sed illegitimo thoro prognato. Quare bel-  
lum civile acerrimum conflatum est, aliis Henrico, Tancredo aliis adhæ-  
rentibus. Favit huic Clemens III. Papa, eique investituram regni imper-  
avit, Henrico re infecta in Germaniam redire coacto, ubi melior ei  
fortuna affulsit.

Mortuo namque in expeditione sacra patri suo Friderico I. Imperato-  
ri successit; eumque cum conjugē Constantia Romæ coronavit Cœlestinus  
II. non tan en in solenti eo modo, quem fingunt scribillatores quidam A-  
ntholici: quod videlicet Papa coronam, Henrici capiti impositam, mox  
pede decusserit, ut suam in Imperatorem potestatem ostenderet. Futilis  
hæc est fabula, qualem supra de Alexandro III. retulimus, quæ a nemine  
scri-

Sicilia a  
Normannis  
ad Sueviæ  
Duces per  
Constantiam.



scriptorum veterum fidem habet; quin ea Coelestinus erat in Imperatorem veneratione, eoque affectu, ut, cum Imperatrix Constantia, proditione Salerni intercepta, Tancredo captiva esset tradita, omni cura evicerit, ut captivitate liberata Cæsari restitueretur.

2.  
Discordiae  
inter Pon-  
tificem &  
Henricum  
VI. Impera-  
torem.

At cum idem Pontifex tandem effecisset, ut etiam Richardus Rex Angliæ, ob projectum ad obsidionem Ptolomaidis vexillum Austriacum, in reditu interceptus, atque ultra annum in captivitate detentus, liberaretur, pecuniam quoque, quam pro lytro dederat, reddi eidem postulabat; quod cum facere Henricus Cæsar recusasset, Pontifex eum excommunicavit, cumque mortuo Tancredo, rejectoque ejus filio Wilhelmo, ultimo Guiscardorum ac fortissimæ gentis Normanniæ furculo masculinæ stirpis, ad Regnum Siciliæ tandem pervenisset, acerbissima crudelitate in eos sævit, qui Tancredo paruerant, Jordano Comite, quod regno inhiasse argueretur, sellæ candenti imposito, ac ferrea corona clavis affixa capiti; dictus propterea *Henricus Asper*. Cum ab hac asperitate non desisteret, ipsa Imperatrix Constantia conspiratione cum Siciliæ Proceribus adversus eum inita, a propriis subditis pacem coëgit petere. Nec diuturnum fuit ejus imperium, septimo illius anno, dum de invadendo orientali imperio agitare consilia, extinctus, veneno, ut suspicio sparserat, ab ipsa Constantia conjuge sublatus anno 1198. obiit tamen reconciliatus Ecclesiæ, restitutus eidem quæ abstulerat, missisque in Palæstinam auxiliariis copiis.

3.  
Friderici II.  
initia.

Reliquit filium Fridericum, ex Constantia jam quinquagenaria susceptum, regni Siciliæ hæredem unicum, uberem Historiæ daturum materiam. Et licet supposititium non pauci dicerent (ut levis ad obtrechandam in hujusmodi rebus solet esse rumor) nihilominus Papa Coelestinus III. corona utriusque Siciliæ eum insignivit, postquam mater ejus Constantia, de crimine partus suppositi juramento se purgaverat.

4.  
Philippus  
contra O-  
thonem IV.

Imperium interea *Philippum* inter Barbarossæ filium natu minimum, Henrici VI. fratrem, & Othonem IV. Saxonem, distractum in partes ibat. Convenit denique, ut Philippus imperaret, Otho vero eidem succederet; quod factum, occiso Bambergæ Philippo a Comite Palatino. Cum autem Otho IV. ab Innocentio III. Romæ coronatus, Pontificii Juris territorium invasisset, ab eodem Pontifice a fidelium communione est motus, ac Fridericus Henrici VI. filius Rex Siciliæ, quem a teneris fovebat Papa, eique in bellis civilibus, quibus Siciliam ei adimere nitebantur, semper adfuerat auxilio, Germaniæ Proceribus commendatus, abdicato Othone, Imperator est renuntiatus.

5.  
Turbæ in-  
ter Ponti-

At Fridericus avum suum imitatus, beneficiorum immemor, perpetuum ferme cum Romana Ecclesia bellum gessit, a tribus Pontificibus quater sacro fulmine percussus. Et primo quidem, quod dudum sacra cruce ornatus,

ornatus, arma, quæ ex voto edito adversus Saracenos impendere tenebatur, in Pontificem convertisset: dein iterum a Gregorio IX. quod Saracenis faveret, & Joannem Jerosolymæ Regem exulem, omnesque in Asia bellantes Christianos, pace iniquissimis inita conditionibus, cum Barbaros vincere, & Palæstinam recuperare, si voluisset serio, facile potuisset, prodiderit. Tertio ab eodem, quod Ecclesiæ civitates invasisset, perniciosissimam *Guelphorum & Gibellinorum* factionem Italiam dilacerantem excitasset, Cardinales aliosque Prælatos in vinculis haberet, Concilium Generale congregare impediret, Episcopis interceptis, & in captivitate detentis, ipsoque Pontifice Gregorio per Gibellinos suos Roma pulso, atque in omnibus Ecclesiæ & Apostolicæ Sedis se hostem demonstraret; quare Papa crucem adversus eum prædicari jussit.

Denique, cum post Cœlestini IV. mortem Sedes Romana, ob detentos a Friderico Cardinales in carcere, per annum & octo menses vacasset, electus tandem est *Innocentius IV.* Hic tantis ut turbis finem imponeret, pristinamque, quam privatus cum Friderico habuerat, amicitiam renovaret, Legatos ad eum misit, quos ille ad laqueum condemnavit, tendens etiam Pontifici insidias; has ut declinaret, in Galliam ad S. Ludovicum Regem profugit, ubi collecto Lugdunensi hoc primo Concilio Fridericum ad dicendam causam citavit; cumque is nil nisi contemptum, minasque reponeret, quarto sacro anathemate est percussus, subditis sacramenti religione exsolutis.

Germani proin Principes *Henricum Rasponem* Thuringiæ Landgraviæ, S. Elisabethæ filium, Imperatorem dixere: eoque haud multo post in Ulmæ obsidione mortuo, *Guilielmum Hollandiæ Comitem*. At propterea non melior factus Fridericus, quin in dies efferatior, Italiam omnem factionibus, cædibus, ruinis miscuit: donec ad Parmam, duorum annorum obsidione pressam, facta tandem felici eruptione, accurrente altera ex parte cum exercitu Pontificio Legato, cruento prælio victus, & in fugam actus, vel animi mœrore contabuit, aut a Manfredo Notho suo veneno extinctus, vel, ut alii scribunt, pulvillo ori ingesto suffocatus, anno 1250. postquam 32. annos imperasset.

Sed neque in posteris suis fuit felicior; nam quatuor filios reliquit, duos legitimis ortos natalibus, Conradum & Henricum, duos ex concubinis, Hencium & Manfredum, violenta omnes morte abreptos.

*Henricum* quippe, Siciliæ aut Regem aut Proregem, Conradus frater interemit, *Conradum IV.* qui cum Guilielmo Batavo de Imperio contenderat, in Italiam ad capeffendum regnum utriusque Siciliæ profectum, Manfredus frater veneno sustulit, cum annis quatuor aut imperasset, aut de Imperio litigasset, anathemate adhucdum ligatus, *Manfredus*,

ficem &  
Frideri-  
cum II.

6.  
Pontifices  
plures ex-  
communi-  
cant Fri-  
dericum.

7.  
Henricus  
Raspo &  
Guilielmus  
Hollandus  
contra Fri-  
dericum.

8.  
Filiis Friderici  
parricidæ.



9.  
Carolus Andegaven-  
sis in Manfe-  
dmu,

10.  
Et Conra-  
dinum,

11.  
Et in Hen-  
cium.

12.  
Constantia.

tanquam scelus coronare oporteret, regnum utriusque Siciliae, Saraceno-  
rum etiam ope, invasit: sed Neapolitanis Pontificem appellantibus ex-  
communicatus ab Alexandro IV. patris exemplo persecutus est Ecclesi-  
am; cumque omnia misceret, ab Urbano IV. in Concilio, Orvieti cele-  
brato conclusum est, ut *Carolus Andegavenſis Comes* S. Ludovici Regis fra-  
ter, adversus Manfredi tyrannidem advocaretur in Italiam, cum titulo  
Regis utriusque Siciliae. Ad Beneventum praelio unico debellatum, oc-  
ciso Manfredo in pugna (relicta filia *Constantia*, Aragoniae Regi nupta, ex  
qua magnarum deinceps rerum series) Carolus victor inauguratus Re-  
gno a Pontifice Clemente IV. ea conditione, ut feudi titulo Ecclesiae  
Romanae quadraginta aureorum millia quot annis penderet.

Conradus IV. occisus in Italia anno 1254. reliquit in Germania filio-  
lum unicum *Conradinum*, Ducem Sueviae, duos duntaxat annos natum.  
Hic anno aetatis decimo septimo cum exercitu adversus Carolum Ande-  
gavensem movit in Italiam, avitum regnum ut vindicaret. Ad Fucinum  
lacum pugnatum est; factus ex victore victus Conradinus, & in fugam  
actus, ex fugiente nova calamitate captivus, ligatus vinculis. Altero subin-  
anno vidit Neapolis cruentum sane luctuosumque spectaculum, politas  
inter gentes auditum haud facile. Minutus Conradinus in aetatis flore, in  
urbe regia, publico in foro; expeditionis comite & fortis acerbæ *Friderico*  
*Badensi*, in spem veteris Austriae ex Gertrude *Friderici* Bellicosi filia pro-  
gnato; fuitque facinus atrox Caroli, si non jus summum, summa injuria,  
certes summa invidia, plusque moriens Carolo Conradinus nocuit, quam  
vivens; creditumque, jure gentium sacrosancta esse Regum capita, tan-  
tique non habenda regna, ut iis nati ea propter, praesertim exarmati, per-  
eant Principes. Falsum autem omnino est, nulloque teste idoneo com-  
probatum, consilio aut voluntate Clementis IV. Pontificis immanem hanc  
caedem esse patratam. Quin constat, hunc Pontificem, quem moderatio  
& pietas insignis ornaverant, vehementer id facinoris exprobrasse Ca-  
rolo.

Sed neque caelo probata crudelitas, Vesperis Siculis vindicantibus  
Purpuratum sanguinem; repetamus originem.

Occiso anno 1268. Conradino, unicus supererat Ducum Suevorum  
stirpis masculinae Surculus, *Hencius* videlicet, *Friderici* II. Filius, Conra-  
dini patruus, sed illegitimis ex concubina ortus natalibus. Qui post infe-  
licem Patris pugnam Parmensem captus a Bononiensibus, & cavea ferrea  
inclusus, post 29. annorum captivitatem in carcere obiit, anno a caede  
Conradini quarto, videlicet 1272.

Ad unicam igitur foeminam redacta est Magni illius *Aenobarbi* pro-  
genies, *Constantiam* videlicet, Manfredi supra memorati Filiam, quae  
*Petro*

Petro III. Aragoniæ Regi nupta, Regni utriusque Siciliæ titulum in dotem attulit. Quare 13. annis post Conradini cædem erupere tandem suppressa diu consilia; cum Galli omnes per Siciliam dispersi, ipso paschatis die, audito companæ signo, ad Vesperas convocantis (unde *Vesperæ Siculæ* dictæ) in singulis urbibus ab ipsis Siculis trucidati sunt. *Causa cædis Siculorum* in Gallos odium: *Instrumentum* Joannes Prochyta aliena veste tectus oppida Siciliæ circumcursans: *Socius* Michael Palæologus Byzantino Imperio timens a Carolo, qui Filiam suam Balduino II. a Constantinopolitano Throno depulso desponderat. Totius denique Tragœdiæ aut Auctor tacitus, aut Spectator remotus Petrus Aragonius. Qui, ne dotalis titulus esset otiosus, hac cæde regno potitus Siciliæ: jactaque diuturnæ Gallos inter Hispanosque discordiæ semina, pretiosis nimium odiis in posterum nutrienda, nimiumque multo humano sanguine ad gentis utriusque perniciem excretura.

Interea Carolus Andegavensis Divina humanaque ope vindictam spirans, Martini IV. in Petrum anathemate, & Gallorum armis se succingit. Sed infra iram erant vires: Alterum contemptu eludente Aragonio, alterum astu Indictio quippe ad Burdigalam cum Carolo singulari certamine amovit Petrus bellum a Sicilia: detrectans deinde duellum, cujus præmium jam teneret in manibus, translatum bellum in Aragoniam; sed utrique Regi fatale: Petro occumbente ex vulnere, Carolo contabescente ex tædio & dolore amissæ Siciliæ, filiique capti ab Hispanis.

Spectaculum videre tunc in Aragonia licuit, quod novo Neapolitanam lanienam pudore obrueret. Captus *Carolus Claudus* Caroli Andegavensis Filius; traditusque Aragoniis admotus neci, immolanda Conradini piis manibus victima: Sed donatus Christo crucifixo a Constantia Petri vidua, atque abdicata Sicilia libertati redditus. Nobile profecto vindictæ genus, quo Constantia Conradini patruelis sui sanguini litaret, ac femina virum mansuetudine superaret.

Nec tamen destitit Carolus Claudus, quibus vitam debebat, bellum facere. At fortiter resistere Aragoniis, eaque felicitate, ut tandem etiam Neapolitanum Regnum Gallis eriperent, utrumque felici connubio ad Augustissimam Domum Austriacam transmissuri.

Ubi tres notandæ veniunt feminae Principes, duæ Constantiæ & Joannæ, per primam Constantiam, Henrico VI. nuptam Regnum utriusque Siciliæ pervenit a Normannis ad Sueviæ Duces: Per alteram Constantiam desponsam Petro III. a Suevis ad Reges Aragoniæ: Per Joannam Ferdinandi Catholici Filiam, Philippo Austriaco junctam, ac Caroli V. & Ferdinan-

13.  
Vesperæ Si-  
culæ.

14.  
Carolus Clau-  
dus.

15.  
Sicilia per  
tres feminas  
translata.



16.  
Inter-re-  
gnum.

dinandi I. Matrem, ab Aragoniis ad Austriacos; donec hoc sæculo pila instar de manu ad manum jactaretur.

Cæterum post Friderici II. mortem tristis erat Imperii facies, magno illo viginti & ultra annorum *Interregno* capite vacui.

Licet enim & *Wilhelmi Batavi* & *Conradi IV.* & *Alphonfi sapientis Castiliæ Regis*, & *Richardi Angli* legamus nomina; nomina tamen sunt. Adeo enim vel electi turbide, vel in mutuam perniciem commissi atrociter: ut lacerasse potius Imperium, quam gubernasse dicendi sint. Certe rerum tunc omnium in Germania erat confusio. Corpus sine capite nervorum compage ac nexu dissolutum: Nullum Imperii tribunal; perpetuum Justitium, sublata publica privataque tranquillitas: Nullus Electorum, nullus Imperii Ordinum consensus: Jus suum in armis ferebant, inductis in ruinam minus potentium diffidationibus illis seu vindicationibus privatis, aut potius grassationibus & latrociniiis. Unde mutæ cædes, rapinæ, incendia, direptiones, populationes, aliæque Reipublicæ humanæ pestes.

17.  
Melior facies.

At fessis tandem rebus succurrit provida Numinis cura. Divinis auspiciis datus Imperator, par omnino tantæ rerum moli: qui Imperii ruinas sistat, abrupta reducat, disrupta consolidet, & distortam Rempublicam in ordinem suum reponat. Fuit is Magnus ille *Rudolphus Habsburgicus*, gloriosissimus Fundator Augustissimæ Domus Austriacæ, sub cujus auspiciatissimo Imperio parta Germaniæ salus, pax data Ecclesiæ, provecta in immensum Majestas Imperii, florentis domi, hostibus formidandi foris.

## §. II.

### Acta Concilii Lugdunensis I.

18.

Tot tantisque, quæ diximus Ecclesiæ malis ut remedium pararet Innocentius IV. ac præsertim ut contumacem Friderici II. animum flecteret, Concilium Generale indicendum existimavit. Cum autem in Italia Friderici armis, & Gibellinorum, eidem adhaerentium furore omnia essent turbata, Lugdunum in Gallia Concilio locum delegit.

Præsentēs.

Interfuere, præter multos Cardinales, duo Patriarchæ Majores, Constantinopolitanus nimirum & Antiochenus, Episcopi 140. Balduinus II. Imperator Byzantinus, Galliæ, Angliæ, aliorumque Principum Legati, imo etiam Imperatoris Friderici Orator, Thaddæus cameræ Imperialis Judex: qui rerum forensium usu exercitatus, magno animo pro Friderico in Concilio peroravit, crimina objecta alia inficiando, alia excusando, quædam etiam in Pontifices ipsos retorquendo. Sed visa est Patribus ejus oratio magis facunda & ornata, quam rationum pondere roborata: quare Fridericus, de multis ac gravibus criminibus, ac præsertim de

de violentia in Sedem Apostolicam, virosque Ordinis Ecclesiastici Principes, accusatus, & ad Concilium citatus cum contemptu monita sacri Senatus eluderet, sacro anathemate percussus, atque Imperii Regnique excommunicatæ Siciliae jure excidisse est proclamatus, exsolutis Sacramenti religione subditis.

In varias partes sensusque hæc sententia Europam distraxit, aliis aliter, ut sit, vel pro affectu vel veritate loquentibus. Certe face velut ventilata in majus ignis exarsit incendium, Friderici ira in furorem concitata, & sex annis, quibus supervixit, implacabili odio ac vexationibus statum Pontificium, & Guelphos Pontifici adhærentes, persequente. Nec morte Friderici desit cruentus ille Guelphorum, seu Pontificum, & Gibellinorum, seu Cæsaris partes sequentium, conflictus, adducentos usque annos a Friderico grandis Italiae calamitate exprorectus.

Prima equidem ac princeps causa indicendi Concilium fuit Fridericus: at morbis pluribus laborabat Ecclesia; qui tamen ipsi etiam magna ex parte Friderico sunt imputati, quod Advocatus, & Protector Ecclesiae non ad defensionem illius, tunc temporis adeo necessariam, sed ad quinam coronatas vires impenderet.

Unde in oratione ad Patres in Concilio habita Innocentius Papa doctores Ecclesiae quinque Christi vulneribus comparavit. Quorum Primus erat de Turcarum & Saracenorum in Christianorum terras irruptione; Secundus de Graecorum schismate; Tertius de hæresum grassantium labe; Quartus de terræ sanctæ amissione; Quintus de Friderici in Ecclesiam persecutione, qua se Italia expulsum in Galliam profugisse ingemuit.

Ut igitur reliquis etiam vulneribus obduceretur cicatrix, decreta est nova expeditio *cruciata* adversum Saracenos in terram sanctam: cujus dux designatus est S. Ludovicus Rex Galliae: variaque pro signata militia statuta privilegia.

### §. III.

#### Canones Concilii.

In Concilio isto Lugdunensi, quod tribus duntaxat sessionibus constabat, complures etiam pro more sunt editi Canones, ad disciplinam Ecclesiae spectantes, quos Bonifacius VIII. sexto Decretalium libro inseruit.

1. Quando Papa rescripto Judicem delegat, cum clausula, ut qui etiam alii etiam conveniri coram eo possint, tantum quatuor alii, qui in iudicio sunt nominandi, conveniri possunt.

2. Delegati Sedis Apostolicæ sint in dignitate constituti, ut Canonici Eodem vel Prælati, & tantum in civitatibus, ubi est copia Jurisconsultorum.

Pars III.

Aia.

3. Vota.



De elect. 3.  
in 6.

De judic. in  
6.

De litis con-  
test.

De rescript.

De eo, qui  
mittitur.

De appellat.

De sentent.  
excom.

c. 1 de offic.  
ord. in 6.

3. Vota conditionata, alternativa, dubia & incerta irritantur.
  4. Delegatus non potest compellere partes, ut personaliter coram se in judicio compareant, si ad hoc non habet speciale mandatum (extra causas tamen criminales.)
  5. Exceptio peremptoria non impedit litis contestationem, nisi si exceptio rei judicatae, aut transactae.
  6. Actor non comparens in termino per citationem praefixo condemnatur reo comparenti in expensas. Nec citatur ulterius ad ipsius petitionem reus, nisi actor caveat de judicio fisci.
  7. Si quis contra alium plures movere vult quaestiones, omnes illas coram iisdem Judicibus tractet. Nec valent rescripta aliter obtenantur processus etiam est nullus, teneturque parti ad diversos Judices tractae ad expensas.
  8. Quando quis litigat de beneficio obtinendo, non est mittendus in illius possessionem, licet possessor illius sit contumax: sed lite non contestata ad finalem sententiam est procedendum.
  9. Appellans ad Papam appellare debet in scripto, causam exprimere & Apostolos petere.
  10. Judex recusatus statuat arbitris certum terminum ad cognoscendum de causa recusandi Judicem: quo termino elapso recusatus procedat in causa principali.
  11. Excommunicatio in participantes cum excommunicatis lata non teneat, nisi praemissa sit monitio.
  12. Administrationem Ecclesiae adeuntes inventarium diligenter conficiant coram testibus, solvantque debita Ecclesiae: nihil autem alienent, neque debita contrahant, neque pignori obligent, sine debita solennitate, & evidenti Ecclesiae necessitate aut utilitate, singulisque annis administrationis rationem reddant.
  13. Decernitur subsidium pro Imperio Constantinopolitano, quod Graeci Schismatici jam totum fere in Europa a Latinis recuperaverant. Asiam Turcis diripientibus.
  14. Monentur Praelati, ut pro liberanda terra sancta subsidia conquirent.
  15. Statuuntur praesidia contra Tartarorum irruptiones.
  16. Decernitur expeditio in terram sanctam, eodem fere tenore, quo Concilium Lateranense IV. est usum.
- Præter ista capitula, a Binio edita, existant plura in sexto Decretalium, quæ huic Concilio ejusque Praesidi Innocentio IV. attribuuntur: videlicet
1. Archi-Episcopus non potest sibi constituere Officiales in Diocesis suis suorum Suffraganeorum, ne quidem pro futuris causis ad eum per appel-

appellationem devolvendis; quamvis post interpositam apud eum appellationem possit vices suas alicui in Dioecesi suffraganeo existenti delegare.

2. Qui fuit Advocatus vel Procurator in prima instantia, non potest in iudicio appellatorio esse testis. Neque indistincte appellanti deferatur iuramentum (quia præsumptio stat pro eo) nisi Judici ex circumstantiis aliud videatur. c. 3. de testibus.

3. Constituens, mandans, juvans, recipiens aut protegens Assassinum ipso facto est excommunicatus, depositus ab officio, & beneficio. Sit etiam cum bonis suis mundanis omnibus a toto Christiano populo perpetuo diffidatus, seu hostis declaratus, absque ulla alia excommunicationis, depositionis aut diffidationis sententia. c. 1. de homicidio.

4. Exempti ratione delicti, rei sitæ, aut contractus initii in loco non exempto, ratione horum conveniri possunt coram loci illius Ordinario; aliud, si delictum sit commissum, res litigiosa sita, aut contractus initus in loco exempto. Religiosi tamen exempti a loci Ordinario excommunicari, suspendi, aut interdici non possunt; nisi forsan sint in Prioratu, qui Ordinario subiectus est. c. 1. de privilegiis.

5. Episcopi, ipsique superiores Prælati nullam suspensionem aut interdictum incurrunt, nisi expresse nominentur. c. 4. de sententia excommunicat.

6. Archi-Episcopus non relaxet censuras, a subditis suorum Suffraganeorum latis: nisi hoc habeat ex consuetudine. Ejus sententia generalis ligat tantum ejus subditos. Censuræ absque competenti monitione præmissa sunt injustæ, sive in genere sive in specie illas promulgent. Non ferant censuras, nisi culpabiliter in mora satisfaciendi fuerint delinquentes. In integrum collegium vel universitatem non feratur sententia excommunicationis, ne innocentes irretiantur. c. 5. eod.

8. Cum omnes leges, omniaque jura vim vi repellere, cunctisque se defendere permittant, Prælatus contra injustum aggressorem suorum bonorum temporali & spirituali gladio se potest defendere. c. 6. eod.

9. Si quis electionem aut provisionem impugnans ad Papam appellat, intra mensem tam ipse, quam reus, quorumque interest, vel per se, vel per electum Procuratorem iter Romanum suscipiant. Si mense elapso parte una comparere pars altera per 20. dies absit, procedatur in negotio. Si actor tunc non plene probarit, quod contra formam electionis objicit, condemnandus est reo in expensas. Si autem non probet, quod contra personam objicit, a beneficiis triennio est suspensus: si autem interea in ea se ingesserit, ipso jure est iis perpetuo privatus. Hæc tamen pœna locum non habet, si manifestissimis constet documentis, quod ipsum a calumniæ vitio causa probabilis & sufficiens excuset.



c. r. de re-  
lit. spol.

10. In civilibus non admittitur exceptio spoliationis, facta ab alio, quam ab actore; in criminalibus vero etiam facta a tertio: in utroque autem casu exceptio probari debet intra 15. dies, alias excipiens actori condemnatur in expensas, quas interim propter hoc fecerit. Agenti autem super rebus Ecclesiasticis opponi non debet exceptio spoliationis in privatis rebus.

c. r. de  
except.

11. Si reus actori opponat exceptionem excommunicationis, hujus speciem ac nomen debet exprimere, atque intra octo dies apertissimis documentis probare; alias Judex procedens in causa condemnat eum in expensas, propter eam exceptionem factas. Si post rem judicatam talis exceptio opponatur, executionem impedit, licet sententia sit valida. Si autem actor publice esset excommunicatus, reo etiam non excipiente, repelli deberet a Judice.

c. r. de  
sentent. &  
re judic.

12. Si Judex contra conscientiam & contra justitiam in gravamen partis quidquam fecerit per gratiam, vel per sordes, ab executione officii per annum se noverit suspensum, ad æstimationem litis parti læsæ condemnandus. Si durante suspensione se ingesserit Divinis, sit irregularis: potestque a solo Papa cum eo dispensari. Salvis aliis constitutionibus, quæ alias insuper poenas injustis Judicibus statuunt.

## ARTICULUS IV.

### De Concilio Generali XIV. Lugunensi secundo

Sub

Gregorio X. & Rudolpho I. pro unione Græcorum cum Latina  
Ecclesia anno 1274.

## SUMMARIUM.

### §. I.

Schisma Græcorum per Photium  
inchoatum.

1. Patriarchatum distributio.
2. Omnes subsumunt summo Pontifici.
3. Ad quem cuilibet datur Appellatio.
4. Sæpe etiam Patriarchas judicavit.
5. Photius intrusus a Barda.
6. Legati Nicolai I. ab illo corrupti.
7. Nicolaus excommunicat Photium, &  
Photius Nicolaum.

8. Quos errores Latina Ecclesia obje-  
cerit.

9. Ingens in Oriente rerum mutatio,  
occiso Michaelle Imperatore & Barda,  
Basilio coronato, Photio dejecto, &  
restituto Ignatio.

10. Post mortem Ignatii restitutus Pho-  
tius a Basilio, præstigiis decepto.

11. Et quidem annuente Joanne VIII.  
Papa.

12. Sub

12. Sub certis tamen conditionibus: quas non implevit, sed in conciliabulo Constantinopolitano magno festu omnia contraria egit, corruptis iterum & contemptis legatis Romanis.
13. Unde excommunicatur a Joanne VIII. edocto a Marino legato suo.
14. Photius rursus reprehendit doctrinam Latinorum de processione Spiritus S. & vocis Filioque in symbolo additionem.
15. Antiquitas hujus doctrinae,
16. Et additionis in symbolo, jam in Concilio Toletano I. facta.
17. Mors Basilii, ejusque effigies.
18. Nota in Oriente scena, dum Leo Philosophus, Basilii filius, ex carcere ad thronum ascendit, Photius a throno ad custodiam descendit.
19. Excipiente etiam Sautabarenum praestigiatores condigna sceleribus poena.
20. Missis Romam legatis restaurata unio.
21. Colentibus illam probis Patriarchis, Stephano fratre Leonis Imp. Caulea, Euthymio &c.
22. Nicolaus Mysticus, Patriarcha, ingentes adversus Leonem Imperatorem pientissimum turbas excitat, propter illius quartas nuptias. Joannes IX. cum absolvit, substitutus Nicolao Euthymius.
23. Mors Leonis ejusque opera eruditissima.
24. Alexander, frater Leonis, dejecto Euthymio restituit Nicolaum Mysticum: quem pacis causa Papa approbavit: relicta Graecis sua consuetudine circa tertias & quartas nuptias prohibendas.

25. Constantinus Porphyrogenitus Leonis filius Imperii socium asciscit Romanum: qui filium suum Theophylactum adolescentem facit Patriarcham,
- 25 a Joanne XI. male confirmatum, quem tamen Orientales post hanc confirmationem agnoverunt: durante semper utriusque Ecclesiae unione,
26. Licet a Sisinnio & Sergio Patriarchis impugnata, Sedisque apostolicae Primatus semper agnitus.

S. II.

Schisma Graecorum per Cerularium instauratum.

27. Variis tragædiis prælusum schismati Graecorum: sursum deorsum euntibus omnibus: impiis hominibus, sub Patriarchis impiis per sanguinem antecessoris ad thronum Imperialem passim ascendentibus. Romani, Stephani, Constantini, Nicephori Phoca, Zimisceis, Romani Argyri, Michaëlis Papblagonis, Michaëlis Calaphatis, Imperatorum tragædiæ, Theophane & Zœe furore & libidine aulam miscentibus.
28. Theophylacti Patriarcha spurcissimi effigies.
29. Alii etiam Patriarchæ ad scelera omnia, abusus, morumque corruptionem connivent: imo promonent.
30. Hac rerum facie Cerularius, homo infirmi fastus, ad Rempublicam Ecclesiasticam accessit:
31. Eamque in schisma præcipitavit, omnibus ad ruinam vergentibus,
32. Usus opera Nicetæ Pectorati: qui librum scribit adversus usum panis azymi in Eucharistia.

A 22

33. Hunc



33. Hunc refutat Humbertus Cardina-  
lis, Leonis IX. Constantinopolis lega-  
tus, ipsumque Nicetam cum Impera-  
tore Constantino Monomacho conver-  
tit,  
34. Cerulario furorem continuante, ac  
schisma in alios etiam Patriarchatus  
spargente.  
35. Totus tamen Oriens jam passim ple-  
nus erat Hereticis, Turcis & Sarace-  
nis. Maronitæ Monothelitæ postea  
conversi, Nestoriani,  
36. Jacobitæ seu Copti Eutychiani,  
Armeni.  
37. Græcorum Religio toto cælo diversa  
a Religione Protestantium.  
38. Quæsitæ unio per Lotbarium Imper.  
& Græcos Imperatores: sed frustra:  
Stratiota, Andronico, Isacio & Ale-  
xio Angelo cruentas tragedias conti-  
nuantibus.

39. Schisma sopitum sub Latinis Con-  
stantinopoli Imperatoribus.  
40. Renovatum amissa rursus Constan-  
tinopoli.

## §. III.

Unio a Concilio Lugdunensi re-  
staurata.

41. Michæ Palæologus recuperato Im-  
perio unionem urget,  
42. Præsertim apud Gregorium X.  
43. Qui indicit Concilium Generale Lug-  
dunense, ad quod missi legati Græcorum.  
44. Fines hujus concilii.  
45. Sancita unio.  
46. Vetus, unus ex legatis, fuit Pa-  
triarcha, unionis defensor.

## §. IV.

Constitutiones Concilii Lugdu-  
nensis,

47. Insertæ pariter libro sexto Decreta-  
lium.

## §. I.

Schisma Græcorum per Photium inchoatum.

1.  
Patriar-  
chatus.

Una est Christi in terris Ecclesia; in varias tamen orbis terrarum diffusa  
provincias, sub uno visibili capite in unitate fidei congregata, in  
duas tamen magnas mundi partes divisa, alteram Orientalem; Occidentalem  
alteram, ab antiquissimo jam tempore. Occidentalis per potissimam Eu-  
ropam, Africamque, & nunc etiam Americam exporrecta, sub uno Pa-  
triarchatu Romano coaluit. Orientalis per Thraciam, Græciam, Asiam,  
& Ægyptum extensa, quatuor Patriarchatus est complexa, Constantino-  
politano videlicet, Alexandrino, Antiocheno, atque Hierosoly-  
mitano.

2.  
Omnes sub-  
sunt summo  
Pontifici.

Quamvis autem Patriarchæ isti Orientales magnam autoritatem in  
subiectos sibi Metropolitanos & Episcopos exercuerint, Romani tamen  
Pontificis, Petri Apostolorum Principis, cui peculiari omnino ratione  
Christi ovium suarum curam, & regni cælorum claves concredidit, Suc-  
cessoris Primatum summamque in Ecclesia autoritatem sunt venerati.

Hinc,

Hinc, licet Patriarchæ, præsertim Constantinopolitani, qui ex ultimis facti sunt in Oriente primi, Romæ novæ sedisque Imperatoriæ typho elati, non raro caput furrigerent, Romanus tamen Pontifex, quem antiquissima etiam Concilia Orientis *Papam Universalem* nuncupabant, ac specialis prærogativæ honore colebant, primas semper tenuit: Adeo quidem, ut ejus ad octo prima Concilia, in Oriente propter hæreses turbasque, ibidem exortas, celebrata legati, licet simplices quandoque tantum essent Presbyteri, primo semper loco federint, primi dixerint sententiam, primique in omnibus actis subscriberent ac nominarentur, ejusque epistolas, ut Cælestini, Leonis, Agathonis, Adriani velut oracula ex Petri ore prolata susciperent, imo in ipsos etiam Patriarchas Romæ novæ jurisdictionem semper exercuerint.

Demonstrant hoc manifesta profundæ etiam vetustatis exempla, quibus constat, viros sanctissimos atque multo doctissimos, Orientis Patriarchas, S. Athanasium, S. Flavianum, S. Joannem Chrysostomum, S. Ignatium, ab Orientalibus Conciliis damnatos, ad sedem *Apostolicam* (semper ita nuncupatam & æstimatam) Romam appellasse, tanquam ad superiorem, non tantum Patriarchis, sed etiam Conciliis.

Maxime autem & manifeste id comprobatur ab exemplis ipsorum Patriarcharum Constantinopolis, Anatolii, Acacii, Flavitæ, Euphemii, Epiphani, Mennæ, Eutychii, Cyriaci, Sergii, Pyrrhi, Pauli, Petri, Anastasii &c. quos judicatos esse novimus a Romanis Pontificibus, Leone, Simplicio, Felice, Gelasio, Hormisda, Agapeto, Vigilio, Gregorio, Theodoro, Martino, Eugenio, & Agathone; aliisque summis Ecclesiæ Romanæ Præsulibus ante & post sævam Iconoclastarum tyrannidem, qua capitis ac Judicis supremi unitate factum sane est, ut neque Patriarcharum quorundam fastus, atque ambitio, neque surgentes in Oriente novæ identidem hæreses, quas communi consilio, studio, vigilantia utraque Ecclesia semper damnaverat, fundatam illam in Christo, ejusque Vicario unionem potuerint scindere.

Unanimis ille consensus tenuit firmiter ad dimidium usque sæculi nostri, quo primum labefacti cepit. Mali origo, ut supra ad Concilium Generale octavum memoravimus, *Photius*, qui Bardæ artibus corrupto Michaelæ Imperatore, amota Theodora matre, & Theostifte Cancellario a gubernaculo, depulso Ignatio, Patriarchatum invaserat, licet adhuc Laicus: quem tamen se tueri non posse videbat, nisi Romani Pontificis, quem tunc ipse totaque Orientalis Ecclesia pro Papa universali agnoverat, assensu firmaretur.



6.  
Legati Nico-  
lai prævarica-  
tores.

Missis igitur Romam ad Nicolaum I. Pontificem tam suis quam Imperatoris Legatis, lupum sub ovina pelle tegens, fraudibus impetravit duos a Nicolao Legatos: qui tamen aliud mandatum non acceperant, nisi renovandi decreta, contra Iconoclastas lata, de causa vero Ignatii & Photii informationem tantum Romam mittendi, absque decisione controversiæ. Imo communionem iis cum Photio vetuit: sicut & ipse Romæ Legatos Photii ad suam aut Episcoporum communionem non admisit.

Legati Romani ubi Constantinopolim venere in arctam mox custodiam dati, atque ultra tres menses in ea detenti minis tandem ac spebus victi, in conciliabulo Constantinopolitano in depositionem Ignatii, sedem Apostolicam appellantis, perinde consenserunt. Nihilque intentatum reliquit Photius, quo suam in sententiam Nicolaum pertraheret.

At in virum consiliis suis minime opportunum incidit: condemnatus ab eo cum affectis suis Episcopis; Rhodoaldo & Zacharia Legatis propter prævaricationem excommunicatis atque depositis.

7.  
Photius ex-  
communicat  
Papam.

Quare Photius abjecta ovina pelle lupum jam palam ostentabat, insurgens adversus Romanam Ecclesiam, ejusque Antistites. Litteris confictis, ac si ab Orientalibus tribus Patriarchis essent scriptæ, falsisque adversus Nicolaum Pontificem testibus subornatis, in novo conciliabulo excommunicationis sententiam in eundem dicere attentavit: cohorescentibus ad inauditum facinus plerisque Episcopis, licet aliquin servili studio addictis Photio, qui per Principes, Michaellem & Bardam omnia poterat.

8.  
Errores ob-  
ijcit.

Insarunt magis adhuc illius arrogantiam duorum Archi-Episcoporum Germaniæ, Coloniensis videlicet & Trevirensis litteræ, qui a Nicolao Pontifice excommunicati atque depositi (quod in conciliabulo Aquisgranensi & Metensi in divortium *Lotharii Junioris*, Austrasiæ Regis, cum *Thietberga* Regina ac legitima conjugæ, atque in adulterinas cum *Valdrada* nuptias consenserint) communionem cum Photio petebant. Has ille litteras per totum Orientem, additis suis circularibus, quibus Patriarcham universalem se dixit, Episcopis misit: objiciens Latinis, quod sabbato jejurent; quod ova manducant in quadragesima; quod parvulos in baptismo chrysmate ungant; quod chryisma permisceant aqua; quod Clerici barbam radant; quod Diaconi sine ordine Presbyteratus transeant ad Episcopatum; quod dicant, Spiritum S. a Patre Filioque procedere; quod Patriarcha Constantinopolitanus non sineretur litteras Decretales ad omnes fideles mittere.

9.  
Fortis muta-  
tio.

Dum hac ratione Photius Orientalem niteretur Ecclesiam ab Occidentali avellere, subita in aula mutatio ejus consilia evertit. Occisus Bardas, columen Photii; assumptus in regni societatem Basilus, in Macedonia parentibus rusticis natus, sed virtute ac fortitudine per omnes honorum

gradus eo fastigii provectus, occisus a Basilio Michael, temporis sui Nero. Photius in monasterium relegatus, restitutus Ignatius, indicium Concilium Generale octavum: damnatus Photius, restitutio Ignatii confirmata, ubi notandum, quod Photius Patriarchatu dejectus, rursus supplices ad Papam litteras dederit, cum omni submissione tanquam universalem & supremum Ecclesiæ pontificem veneratus, quem ante, Bardæ & Michaelis favore turgens, iterato anathemate ferire non erubuit.

Quamquam autem Basilius omni honore ad Concilium illud accedentes Legatos Pontificios exceperit, magnoque componendæ pacis Ecclesiasticæ zelo flagrans Concilio in templo S. Sophiæ præsens adfuerit, non ea tamen veneratione legatos dimisit; tum quia obtinere non poterat, ut Ludovicus II. Imperatoris nomine abstineret; tum quia Episcopi Orientales conquererentur, Ecclesiam Constantinopolitanam tanquam famulam Romanæ in Concilio fuisse subiectam, tum quia causa Bulgarorum, de qua alias meminimus, animos Orientalium alienaret.

Hæc tamen tanta non erant, ut unionem utriusque Ecclesiæ scinderent: sed post mortem Ignatii, Basilius rursus a Joanne VIII. Legatos petiit, qui surrogationem Photii, per imposturas suas Imperatori interim reconciliati approbarent. Addidit etiam Photius preces suas ad eundem Romanum Pontificem, sine cujus communione se non posse firmiter Patriarchatum retinere cernebat: manifesto argumento, quod Orientales etiam, non obstantibus quibusdam dissidiis, auctoritatem supremam Patris adhuc sint venerati: & ipse etiam Photius non ob aliquam dissensionem in fide aut abusus Romanæ Ecclesiæ egisse, quæ contra eandem ageratur, agniturus lubenti animo ejus primatum, si ipse vicissim receptus in communionem Patriarcha Constantinopolitanus agnosceretur.

Joannes VIII. quamquam haud ignarus, quibus moribus esset Photius, quidquid contra eum varia statuissent Concilia, nihilominus, quia Saraceni undique vastabant Italiam, nullumque aliud videret præsidium, ut Basilium, fortissimum Saracenorum victorem, protectorem haberet, consensit in restitutionem Photii, sub conditione tamen humilis deprecationis, coram Concilio ab eo faciendæ, & Patriarchatui Romano restituendæ Bulgariæ.

Quas tamen ille, corruptis more suo Papæ litteris, non implevit, sed in conciliabulo, quod ipse synodum VIII. dixit, ante Legatos Pontificios omnia pro potestate magno cum fastu egit, nemine obluctari auso, causa vero Bulgarorum ad Imperatorem remissa. Ut vero suas preces magis firmaret, appellatione ad Papam sublata, quam Concilium Sardicense adstruxerat, statuit, ut neuter ab altero excommunicatos admitteret.

10.  
Mortuo Ignatio a Basilio restitutus Photius.

11.  
Annunte Joanne VIII.

12.  
Sub conditionibus tamen, quas non implevit.



13.  
Unde a Joanne excommunicatus.

Cum Papa rei iniquissime gesta seriemprehendit, damnata Legatorum suorum pusillanimitate & pravaricatione *Marinum*, virum infidelis animi misit Constantinopolim, in carcerem primum missum a Basilico deinde remissum Romam, a quo edoctus plenius Joannes de abolita per Photium Synodo VIII. de imposturis, & non impletis conditionibus, Photium rursus excommunicavit: sicque schisma recruduit. Restauravit sacrum fulmen idem Marinus Joannis Successor.

14.  
Photii objectionio.

Tum vero Photius recocta illa de processione Spiritus S. a Filio controversia, hæreseos Ecclesiam Romanam arguebat, Concilii Ephesini lato in eos, qui symbolum mutarent, fulmine prostratam. Quæ res cum plurimum a Græcis objiceretur nostris, operæ pretium fuerit, huiusmodi aliquid eandem repetere.

In primis quatuor Ecclesiæ sæculis nemo unquam adduxit in controversiam, an Spiritus S. a Patre Filioque procederet; nam in Synodo secunda ac Romana, contra Macedonium de Spiritu S. habitis id duntaxat est definitum, Spiritum S. verum esse Deum, ejusdem cum Patre & Filio substantiæ, neque dubitavit tunc quisquam, quin sicut unigenitus Deus Filius, qui est verbum & sapientia Patris, per intellectum a Patre procedit, ita Spiritus S. qui est mutus Amor Patris & Filii, per voluntatem ab utroque tanquam uno principio procedere: nemine unquam contradicente.

Primus sæculo quinto famosus ille *Theodoretus* Cyri Episcopus, Nestorii adhuc sectator, & Magistro suo Theodoro Mopsvesteno, male intellecto, negavit, Spiritum S. procedere a Filio, ut contradiceret S. Cyrillo cujus odio propter anathematismos in Nestorium latos flagrabat.

15.  
De processione Spiritus S.

Contra vero sicut jam ante sæculo IV. Damasus Papa, ut ex ejus confessione fidei ad Paulinum Antiochenum Patriarcham missa constat, sic etiam sæculo quinto S. Leo, rescriptis Turibio Asturiæ Episcopo, impium esse asserere, quod non sit alius, qui genuit: alius, qui generatus est: alius, qui ab utroque procedit. Hanc dein doctrinam ab Ecclesia Catholica omnitempore receptam ac traditam a Patribus Concilium Toletanum I. fidei definitioni inseruit, addens symbolo Constantinopolitano vocem *Filioque*, ad condemnandos Priscillianistas. Quo nihil contra Ephesini decreta est actum; per additionem enim illius vocis non mutatur symbolum, sed magis declaratur, sicut synodus Nicæna declaravit symbolum Apostolorum per additionem vocis *consubstantialis Patri*, ad condemnandum Arium, & synodus secunda symbolum Nicæni per additionem plurium vocum, ad condemnandum Macedonium.

16.  
Quando additio symboli.

Exemplum Concilii Toletani converso ad fidem Recaredo, Visigothorum Rege, tota Hispania est amplexa, subin etiam Gallia, ut patet ex professine fidei, quam Historiæ suæ præmisit Gregorius Turonensis, sæculi sexti

exti scriptor; eandem vocem *Filioque* fidei symbolo adjecit concilium Generale Nicanum secundum, prout antiquissimis exemplaribus Græcis est exhibitum. Idem definitum est a Paulino Patriarcha Aquilejensi in Concilio Foro-Julienſi. Testis etiam est Walfridus Strabo *de rebus Eccl.* c. 22. tempore Caroli M. symbolum cum ea additione in Gallia & Germania inter missarum solennia cantari solitum, cumque Joannes Monachus Jerosolymitanus hanc doctrinam impugnasset, Concilium Aquisgranense sub eodem Carolo M. eandem expresse definivit, multisque S. Scripturæ sanctorumque Patrum testimoniis confirmavit, & cum Carolus M. ista hujus concilii ad Leonem III. misisset, hanc veram fidem esse is decernit, contrariamque damnavit: noluit tamen, ut ea vox, ut ut Catholica, fidei symbolo inserta publice in Missa cantaretur in Italia, relicta in sua consuetudine Hispania, Gallia ac Germania, donec ad preces Imperatoris Henrici sancti Benedictus VIII. in Concilio Romano morem illum etiam in Italia introduxit.

Sed neque Orientales additionem illam moremque Ecclesiis occidentalibus unquam objiciebant: ne ipse quidem Photius, quamdiu promotionem suam ad Patriarchatum a Romanis Præsulibus confirmandam sperabat, repetitis autem fulminibus percussus a pluribus Pontificibus, hunc prætextum abstrahendi Orientales ab obedientia Romani Pontificis quæret, condemnans doctrinam de processione Spiritus S. a Filio: utque in Occidente etiam turbaret, Patriarcham Aquilejensem, quem alias a Pontifice alienum noverat, litteris, verbosa eloquentia fucatis, in erroris societatem pertraxit.

At diu furere ei non licuit, nam liberato ex carcere Leone Basiliensi filio, in quem Photii & Santabareni fraudibus fuerat conjectus, obiit <sup>17.</sup> Mors Basiliensis. Basilius, anno Imperii fortiter gesti vigesimo, hostium Domitor, Sarcenorum Terror, virtute, prudentia, regnandique artibus præstans: eo duntaxat infelix, quod duobus impostoribus Photio & Santabareno obnoxius, synodo octavæ, quam tanta cura procuraverat, renunciâns, Pontificibus nullo jure inſensus, schisma toverit, quod in temulento Antecessore suo damnaverat; in eo vero longe felicissimus, quod successorem reliquit Leonem filium, cætera patri similem, nisi quod Ecclesiæ pacem dederit, ad posteritatis memoriam insigni consilio.

Hic namque Princeps ab obsequio in Deum Imperium auspicandum cratus, lectis Stephani V. Pontificis ad Basiliam litteris, mox Photium, tur <sup>18.</sup> Leo filius deponit parum omnium dirique schismatis auctorem in arctum Monasterium abducere præcepit, substituto ei voluntate Pontificis, in Patriarchatu fratre suo Photio, Stephano, Principe integerrimo, sacris jam prius admoto. Periit in exilio



19.  
Santabareni  
pœna.

Photius: Santabarenius vero scelerum ejus minister, qui Leonem fraudibus suis patris iræ objecerat, adempto pingui Archi-Episcopatu, quem Photius dederat, majoribus pœnis servatus: fustibus cæsus, oculis orbatus, in perpetuum exilium deportatus: Orthodoxi vero Episcopi revocati ab exiliis, in quæ eos Photius ejecerat. Missi illico ab Imperatore & Episcopis Romam legati, qui recognita Romani Pontificis, Papæ Universalis, suprema in totam Ecclesiam autoritate, extincto schismate, unitatem reducerent.

Princeps legationis Stylianus, Metropolitanus Neo-Cæsareæ, nomine totius Cleri Constantinopolitani expositis actis Photii dixit, ad sanctam sedem pertinere eos corrigere, & ad gregem Ecclesiæ aberrantes reducere; cumque multi Episcopi non nisi vi ac metu compulsi, Photio adhæserint, æquissimum esse, impostorem illum omni rigore juris punire, Episcopos vero lapsos supplices ad pœnitentiam admitti, & Ordinum atque officii exercitio restitui: uti factum in quarta synodo cum Dioscori affectis, & in septima cum Iconoclastis.

20.  
Sopitum  
schisma

Pontifex igitur confirmato Stephani Patriarchatu, & receptis in gratiam lapsis Episcopis, reunita utraque Ecclesia, schisma illud aut extinxit, aut certe ita repressit, ut longo tempore nulla illius scintilla eruperit: manifestum documento, Græcos ad schisma illud conflandum non esse motos doctrina illa de processione Spiritus Sancti, aut abusu, Romanæ Ecclesiæ a Photio objectis, sed sola hujus tyrannide, terrore, violentia, imposturis.

21.  
Sub probis  
Patriarchis.

Plurimum autem ad schisma evellendum contulit Stephani Patriarchæ Zelus, virtus, morumque sanctimonia; quam Deus remuneraturus brevi eum ex humanæ vitæ fluctibus eripuit. Nec minus Sanctum successorem habuit *Antonium Cauleam*, sub quo unio cum Latina Ecclesia ex integro est confirmata, missis novis legatis ab Imperatore Leone ad Stephanum V. Pontificem: ad quas *Formosus Papa*, mortuo interim Stephano, respondit, data plena lapsis venia.

Antonio Patriarchæ successit *Nicolaus Mysticus*, tam exactæ vir disciplinæ, ut in rigorem nimium desisteret, quo, servata cum Ecclesia Occidentali concordia, non parum turbata est Ecclesia Constantinopolitana. Ecce fontem!

Quartæ Leo-  
nis nuptiæ.

Leo Imperator post mortem trium uxorum, ex quibus prolem nullam susceperat, transiit ad quartas nuptias cum Zœe (ex qua deinde Constantinum nactus est Porphyrogenitum) quia vero Canones Ecclesiæ Orientalis, (ut *can. 37. Concilii Neocæsarensis*) prohibent tertias & quartas nuptias (quod Leo ipse *Constitut. Novell. 90.* confirmavit) Nicolaus Patriarcha non tantum Benedictionem nuptialem ei negavit, sed etiam pres.

presbyterum, qui eam impertiverat, deposuit, & Imperatorem ab ingressu Ecclesiæ prohibuit, ac tandem excommunicavit; cumque absolutio- nem instantè peteret, constanter ei Patriarcha negavit, Episcopis id aliis probantibus, aliis improbantibus.

Quare Imperator ad Pontificem Joannem IX. pro impetranda abso- lutione ac dispensatione recurrit; qui missis legatis causaque discussa eum absolvit, ac matrimonium confirmavit. Nicolaum vero Patriarcham, pertinaciter adhuc obloquentem Imperator deponi & in monasterium de- trudi curavit, surrogato viro pientissimo *Euthymio*: qui mox Leonem a Papa absolutum in suam communionem recepit: multis tamen adhuc per- tinaciter Nicolao adhærentibus, ac schisma foventibus; cum quibus usque ad mortem moderatissimo Imperatori conflictandum fuit. Obiit autem anno 911. Imperii 25.

Edidit plures doctissimos ingenii partus; ab illo enim habemus 113. novellas Constitutiones, post Justiniani & Justinii constitutiones novellas in Corpore Juris collocari solitas: tractatum item de re militari: Epistolam ad Omarum Saracenorum Principem de veritate Religionis Christianæ contra errorem & Sectam Mahometis, ubi de mysterio SS. Trinitatis disse-rens, confitetur Spiritum S. a Patre & Filio procedere: 204. orationes disertissimas: 33. Panegyres in festa primaria totius anni: Epistolam cir- cularem ad omnes suos subditos, in qua docte adeo atque ferventer eos hortatur ad vitam Christiano homine dignam, ut Basilium aliquem aut Chrysostomum te putes legere, dignus sane Princeps, quem suspiciant, amentque litterati! dignus, cui ad posteritatis commendationem *Philoso- phi* ac *Sapientis* cognomen adhæreat.

Recruduit post ejus mortem Constantinopolitanæ Ecclesiæ secum ipsa diffidium; reliquit etenim Leo filium unicum *Constantinum Propbyrogenitum* in tenera adhuc ætate: dedit proin ei consortem Imperii *Alexandrum* fra- trem suum, quem jam Basilii Cæsarem dixerat, hominem stolide ferocem ac plane impium, patrique Basilio ac fratri Leoni per omnia dissimilem; hic, ut specimen daret, qua sit indole, restituit illico Nicolaum Mysticum, deposito sancto Euthymio, quem schismaticorum, Nicolao adhærentium, furori objecit, pugnis calcibusque contundendum. Denique inauditis contumeliis, ludibriisque affectum vix adhuc spirantem in exilium rele- gavit. Verum ultra annum furendi spatium mors ademit.

Nicolaus, hac ratione aut restitutus, aut intrusus, pristinam suam crudam atque inflexibilem severitatem necdum deposuit: sed nulla Impe- ratoris Constantini ratione habita matrimonium Leonis cum Zœe impro- bare perrexerit, epistola ad Joannem X. Romanum Pontificem data acerbè conquestus, injuste se judicatum: quartas nuptias in Ecclesia non esse



tolerandas. Tandem cum schisma invalesceret, aliis Nicolaum, aliis Euthymium agnoscentibus Patriarcham, imploratus Papa legatos in Thraciam misit, ubi in synodo, mortuo interea Euthymio, receptus Nicolaus: relicta Græcis sua circa tertias & quartas nuptias consuetudo: quæ a Constantino etiam edicto est firmata: consentientibus tamen omnibus, penes Pontificem tanquam caput Ecclesiæ potestatem esse in lege eorum & consuetudine dispensandi.

Reducta hoc pacto in Ecclesiam Byzantinam pace, floruit toto sæculo decimo unio cum Romana Ecclesia, licet per infandam tyrannidem scelerati etiam Pontifices essent intrusi, ac nunquam plures abusus irruerent, agnita semper Romanæ sedis auctoritate: id, quod sequens eventus comprobavit.

25.  
Romanus.

Constantinus Imperator Romanum Lecapenum Belliducem suum Imperii socium asciverat: qui spreta Constantini ætate & inertia, relicto solo ei titulo, omnia cum gubernaret, *Theophylactum* filium suum, sedecim duntaxat annorum adolescentem, moribusque corruptissimum, Patriarcham propria authoritate creavit contra SS. Canones. Cumque ea res vehementer offenderet Orientis Episcopos, Romanus Albericus comitem Tusculanum, qui simile facinus in Ecclesia occidentali patrarat, muneribus corruptum permovit, ut a Joanne XI. quem in potestate habebat, dispensationem pro Theophylacto impetraret.

25.  
Teophylactus.

Albericus igitur Joannem adegit, ut legatos in orientem mitteret ad confirmandum nomine suo Theophylactum, & conferendum Pallium, jure Pallii omnibus ejus successoribus tradito, licet a Papa illud non peterent.

Huic Pontificis voluntati acquieverunt Orientales Episcopi: licet Joannes XI. Marozie turpissimæ filius, tyrannide intrusus, acceptatus tamen ab Ecclesia, persona sua nihil dignum tanto Orientis consensu præferret, nisi sedis Apostolicæ authoritatem ac supremam in sacris per orbem jurisdictionem: manifesto rursus argumento, Græcos sæculo decimo, qua nulum fuit Ecclesiæ Romanæ luctuosius, sola veneratione sedis Romanæ, licet homines etiam indigni illam occuparent, summam Pontificum auctoritatem agnovisse, eidemque se subjecisse.

26.  
Sisinnius.

Tenuitque hæc Orientalis Ecclesiæ in Romanam reverentia ad annum usque 981. quo non quidem sublata, sed tamen tentata fuit a *Sisinnio* Patriarcha, homine impio, qui litteras encyclicas Photii, ad Patriarchas Orientis contra doctrinam & Disciplinam Latinorum olim scriptas, suo duntaxat nomine subscripto, iterum ad Patriarchas misit, invitans eos ad bellum indicendum Romanæ Ecclesiæ. Idem attentavit vehementius successor illius *Sergius*, additis pluribus calumniis: at irritum conatu. Patriarchæ enim Alexandrinus, Antiochenus & Jerosolymitanus fideles unionem cum Romana Ecclesia coluerunt.

Imo

Imo etiam *Eustathius* successor *Sergii* supremam Pontificis Auctoritatem agnovit. Quod vel ex ambitione illius perspicue elucet; induxit enim *Basilium* Imperatorem, ut an. 1024. communi utriusque nomine legatos ad Joannem XIX. mitterent, qui peterent, ut ejus auctoritate Patriarcha Constantinopolitanus diceretur *Oecumenicus* in toto Oriente, sicut ipse *Oecumenicus* esset Patriarcha per totum Occidentem, & Papa universalis per totum orbem. Quo facto liquide constat, sæculo adhuc undecimo persuasum fuisse non tantum toti Orienti, sed etiam Imperatori ac Patriarchæ Constantinopolitano, Ecclesiam Græcam Romanæ subiectam esse; cum arrogantem illum titulum *Oecumenici*, quem tot Patriarchæ Constantinopolitani frustra extorquere conati sunt, assumi ac retineri non posse censebat absque Romani Pontificis auctoritate. Qui tamen, non obstantibus magnis promissis, ac precibus, constanter illum negavit, redeuntibus re infecta Græcis.

## §. II.

Schisma Græcorum per Cerularium instauratum.

Quamquam titulus *Oecumenici* per Orientem Patriarchæ negatus a Pontifice ægre haberet Imperatorem ac Patriarcham *Eustathium*, tenuit tamen adhuc unio ad medium usque sæculi undecimi: Quo tandem fatale Græcorum schisma a *Photio* cœptum per *Michaelem* Cerularium est instauratum. 27.

Variis autem tragœdiis prælusum est a Græcis funestæ huic pesti. Cum enim Patriarchæ fæminarum Principum libidines, & virorum cruentos furores coronarent, Imperatores, ut scelerato obsequio præmium rependerent, patriarchis, quidquid illis ambitio, novandique cupiditas suggessit, concessere: sicque fursus deorsum euntibus sacris profanisque Græcorum rebus confusa sunt omnia. Græcorum res lapsæ,

Imprimis enim solum Imperatorium vix aliter turbulento illo tempore scandere contigit, nisi per strata antecessorum cruenta cadavera, mulierumque maritis suis exitiales libidines. *Constantinus* *Porphirogenitus*, ut dictum, Imperii socium Romanum asciverat. Hic a filio *Stephano* spoliatus diademate, & in exilium projectus. *Stephanus* a *Constantino* deportatus & suam & patris pœnam luit. *Theophylactus* frater *Stephani*, Patriarchatus propudium, equorum amator, ab equo in murum al- Et internec-  
latus interiit. *Constantinum* filius Romanus veneno sustulit. Romanus pariter veneno, a propria, ut creditum, conjuge *Theophane* Imperatrice misto, periit. Hæc *Medea* proprio etiam interfecto filio, *Nicephorum* *Phocam*, vix ad thalami & Imperii societatem admissum, per *Zimisken* occidit. *Zimisces* *Theophanem* a thoro, quem speraverat, in Insulam deporta-



portavit; veneno & ipse extinctus, a cubiculario suo propinato. Relictum tunc Imperium Basilio & Constantino IX. Romani & Theophanis filiis, jam ante a Zimesce in Imperii societatem assumptis. Uterque perit prole nulla relicta mascula. Romanus Argyrus, propria dimissa uxore legitima, Zöen Constantini filiam duxit, ut Imperium in adulterinam dotem acciperet. At Zöe Romanum conjugem Imperatorem, cum venenum ei propinatum spe pigrius esset, per Michaellem Paphlagonem strangulavit, ut amoribus hujus sicarii, quem deperibat, potiretur. Imperium, more Byzantii haud peregrino, mercedem sceleris Michael retulit, & Zöen Imperatricem conjugem: At brevi in insanam rabiem actus flagellante Nemese vindice interiit.

Zöe tot parricidiis superstes ad Michaellem Calaphaten & sui copiam, & diadema tot caedibus cruentatum attulit. At Calaphates, cum Zöen in Monasterium intrusisset, & Patriarcham impium, tot scelerum administrum, vellet deponere, orta seditione, a populo obsessus in suo palatio, cum in Monasterium Studitarum, tanquam in asylum profugisset, & Monachalem habitum induisset, oculis nihilominus est orbatus. Unde Zöe, scepro rursus admota, cum Constantinum quemdam, quamvis conjugatum, maritum peteret, Constantinus a sua uxore, ne Zöe illo potiretur, veneno est enecatus. Hac spe frustrata Zöe, in alium *Constantinum*, cognomento *Monomachum*, hominem spurcitiis corruptum, oculos jam aniles & amores convertit, eumque in thori ac throni consortem admisit.

28.  
Theophylacti  
effigies.

Hac erat aulae Augustalis facies, cum sub Imperio hujus Imperatoris Monomachi Græcorum schisma erupit. Sed nec Patriarcharum melior. Pudet memorare Theophylacti sordes, mores turpes, vitam infamem, propudiosas comessationes, lascivos saltus, sacrorum nundinationes, equorum numerum incredibilem, quos Mytratus hic stabuli præfectus unctis manibus exquisitissimis atque inauditis pabulis infarcire est solitus. Taceo ipsas etiam sacras aras contaminatas, dum hinnulum effusum audiens, cum die Jovis Sancto Divina in Ecclesia celebraret officia, his interruptis, stabulo accurrit: dignus, qui per equum periret equorum amator insanus.

29.  
Corruptio  
Græcorum.

Succesorem Polieucten habuit, qui non tantum secundas Theophanis cum Nicephoro nuptias approbavit, licet is Theophanis prolem sacro ex fonte Patrinus levasset, pronuntiante Jurisprudencia Græca, Principes non ligari impedimentis matrimonii sacrisque canonibus, Bigamiam statuentibus obicem. Basilius post eum Patriarcha scelere gravi infamis fuit. Nicolaus Chrysoberges Photii & Ignatii acta, contradictionem nempe multifariam, approbavit. Alexius cum Theologis suis ac Juris Consultis Romano Argyro potestatem fecit, ut abjecta uxore legitima Zöen ducat. Idem, grandi corruptus pecunia, Zöen Michaeli Paphlagoni adultero suo

suo junxit nuptiali fœdere, postquam communi opera Romanum Argyrum Imperatorem peremissent, & quidem eum in finem, ut matrimonii fūco adulterinas libidines obducerent. Cumque Episcopi eidem Nicolao objicerent præter alia, eum contra SS. Canones esse promotum ad Patriarchatum, adeoque deponendum, respondit: Si ita est, vos omnes oportet deponi. Idem tertium etiam quartumque matrimonium Zoës ratum habuit. En! Nicolai illius Mystici rigorem, quem in pietissimum Imperatorem Leonem exercuerat! tunc SS. Canonum Decretis, atque Imperatorum edictis vetitum erat tertium quartumque matrimonium, tunc neque summus Pontifex dispensare poterat. Jam vero post casus communi consilio ac ope maritos tertiæ quartæque nuptiæ omnino sunt licitæ. Et abusus.

Ex quibus plane videre est Græcorum ineptias. Quantas adversus Imperatorem Sanctissimum Leonem, quoad viveret, & post ejus etiam mortem excitarunt tempestates propter quartas initas nuptias, ut Imperii hæredem relinqueret? Jam vero agglomeratæ & Imperatorum & maritorum cædes, & multiplicatæ nuptiæ, & criminosæ, & Bigamia irritæ, & vivente adhuc legitima conjuge contra Divina humanaque jura cum altera inita, & consequenter dissolutum matrimonii jam consummati vinculum, pro nihilo habita Græculis istis levissimis, ad omnem Principum, etiam sceleratissimorum, auram se vertentibus. Veniant jam isti Canonum legumque custodes & Romanæ Ecclesiæ abusus exprobrent, suæque pravitate inde prætextum quærant, videntes festucam in oculo alieno, trabe in suo relicta, excoriantes culicem, camelum autem glutientes.

In hac rerum profanarum sacrarumque summa confusione Græca Ecclesia fuerat constituta, cum Michael Cerularius, homo projectæ audaciæ, ambitionis immensæ, inquieti, turbulentique omnino ingenii ad Sacram Patriarchatus Rempublicam accessit: qui jam prius conspirationis adversus Michaellem Paphlagonem inita reus, pro temporum illorum more, in Monasterium detrusus est. Sed versipellis genii cum esset auræque servire doctus, in Constantini Monomachi, Principis alloquin, ut diximus, corrupti gratiam adeo subdole blandeque se insinuare novit, ut Patriarcham illum tot scelerum reum, constituerit, aabiturus Sacerdotem sui genii, fibique quæ vellet, indulgentem.

Hic igitur homo talis cum esset, metuens, ne summus Pontifex intrusionem suam, contra SS. Canones factam, improbaret, iraque adversus Latinos, ob negatum quoddam, ut Allatius ait, Privilegium concepta, ambitione insuper stimulante, ut solus omnia posset, neminemque censorem formidare deberet, jugum statuit excutere, & bellum Romanæ Ecclesiæ aperte denunciare.

Hæc, ut vellet insanire, faciebant, ut posset, rerum in Oriente perturbatarum opportunitas: Constantinus Monomachus & Zoe nullius erant



Religionis, nisi quam mollis & projecta in voluptates vita inspirabat: Ecclesiasticus ordo a Cerulario fraudibus, mendaciis, calumniis tentatus, & alioquin jam in inertem vappam subsidens, & ab Imperatoribus, & Patriarcha Constantinopolitano, qui, cum omnia in aula posset, & favores & terrores distrubuit, servili pendebat obsequio.

32.  
Liber Ni-  
cetæ contra  
Azyma.

Accessit perniciosus, plenusque dolo, calumniis, & imposturis liber, Cerularii jussu a *Niceta Pectorato*, presbytero in magno Stuiditarum monasterio, scriptus adversus abusum, ut ferebat, Romanæ Ecclesiæ, reprehendens potissimum, quod in Missæ sacrificio pane *Azyma* uteretur. Quem usum, Christi Domini, in Azymo consecrantis, exemplo continuaque jam inde ab Apostolico tempore, traditione firmatum, neque Photius, omnia excutens, neque quisquam alius ad illam usque diem objecerat.

Seditiosum hoc scriptum encyclicis suis additum Cerularius misit ad Orientis Episcopos, Monachosque, alios minis, promissis alios flectens, quosque obfistentes invenerat, atque ad sanctam sedem provocantes, excommunicatione, verberibus, catenis, carcere fregit, ocellus, quas Latini Constantinopolitani habebant, Ecclesiis. Quin eo insaniam devenit, ut baptizatos a Latinis rebaptizari juberet: cum tamen secundum Concilii Nicæni primi decreta ne quidem Baptismus, ab Hæreticis collatus, iterari debuerit.

Missæ etiam in Apuliam, ubi Græci aliquas adhuc civitates habebant, litteræ, sollicitantes ad defectionem. Capita accusationis in Romanam Ecclesiam erant, quod judaizet, sabbatum & azyma observando, quod animalia suffocata manducet, quod tempore quadragesimæ a canendo *Alleluja* abstineat. Grandia enim vero momenta tantorum tumultuum!

33.  
Humbertus  
legatus

Hæc epistola incidit in manus *Humberti* Cardinalis & Episcopi Sylvæ Candidæ, viri doctissimi, qui eam latine versam obtulit *Leoni IX.* sancto omnino, doctrina, integritate, religione, zelo, omniumque virtutum ornamentis præstanti Pontifici. Is tanto Ecclesiæ vulneri ut mederetur, ad Cerularium scripsit epistolam, admodum prolixam, doctrina, eruditione, paterna gravitate & charitate plenam, ostendens concessum ab ipso Christo Domino Romanæ Ecclesiæ, ipsiusque Præsulibus, S. Petri Apostolorum Principis successoribus Primatum, a synodis Oecumenicis & Patriarchis perpetuo agnitum: a Patriarchis Constantinopolitanis plurimas inventas esse hæreses, quas semper Romani Pontifices represserint. Quæ obijcerentur, tanti non esse, ut luctuoso schismate Ecclesiam scinderent: Fidem illis non tangi; sed neque abusus esse: diversas diversis in Provinciis vigere consuetudines atque disciplinam, salva fidei unitate: intra ipsam Romam tolerari rites, quibus Græci a Latinis discreparent: quamdiu doctrina fidei sit una, unionem non esse scindendam.

Accepta hac epistola Cerularius simulans concordiae studiosum animum, legatos mitti petiit, qui pacem componerent. Missi a Leone tres, <sup>34.</sup> Fridericus Cardinalis, Ecclesiae Cancellarius, post triennium deinde electus Papa sub nomine Stephani X. Petrus Amalphis Archiepiscopus, & Legationis Princeps, quem dixi, Humbertus Cardinalis. Excepti pro dignitate ab Imperatore, qui eis exhibuit libellum Nicetae Pectorati adversus abusus Romanae Ecclesiae editum. Humbertus brevi tempore tam docte atque perspicue eundem confutavit, ut Imperator scriptum Nicetae iussit publice comburi, addito edicto, ne quis praesumat primatum Romanae Ecclesiae negare, aut doctrinam ejus, semper orthodoxam, impugnare: Ipse etiam Nicetae damnans suam temeritatem, a legatis in communione receptus est.

refutat Nicetam.

Cerularius contra legatos, quos ut excommunicatos & haereticos damnavat, ne quidem in conspectum admisit. Quare legati in Ecclesia S. Sophiae, enarratis coram populo ejus sceleribus & erroribus, excommunicationis sententiam in eum pronuntiarunt. Quia autem Constantino non multo post mortuo in Imperio successit Theodora soror Zoes, Patriarchae obnoxia, irritum fuit unionis negotium, dominante per Orientem Cerulario: Qui tandem etiam reliquos tres Patriarchas in schismatis communione machinis suis pertraxit, ad casum alioquin prono Oriente, quem immanis sectarum colluvies in varias jam dudum haereses abstraxerat.

Ibi enim jam tum dominabantur *Mahometani*, *Turcae* nempe & *Saraceni* innumeri: multi etiam erant *Maronitae* circa montem Libanum a Monothe- <sup>35.</sup> litis pridem infecti: sed deinde conversi, sub peculiari Patriarcha, qui Concilio Lateranensi IV. praesens fuit, constanter fidem Catholicam & unionem cum Romana Ecclesia retinuerunt, inter Mahometanorum & Schismaticorum persecutiones, velut rosa inter spinas florescentes. Quapropter Gregorius XIII. illis Romae sub directione Patrum Societatis JESU Collegium fundavit, in quo bonis artibus ac Theologiae praesertim studio imbuerentur, ut in patriam reduces Patriarchae & Episcopis utile in religionis & animarum cura obsequium praestent. Officia Divina peragunt lingua Chaldaica: Ritu autem utuntur ferme Graeco, nisi quod ab antiquissimis temporibus in Azymo consecrant; etiam, dum tempore Cerularii adhuc erant Monothelitae.

Maronitae.

Plurimi insuper erant *Nestoriani*, dicti etiam *Chaldaei*, cis Euphratem per Mesopotamiam aliasque Orientis provincias, & trans Tygrimumque in Indias, ipsosque Asiae fines magno numero diffusi Tartaris etiam multis ea peste infectis.

Nec pauciores forsitan erant *Eutyebiani*, per Asiam & Africam propagati;



36.  
Jacobitæ,

grati; & quamvis in varias sectas inter se essent divisi, sectæ tamen *Jacobitarum*, sic dictæ a *Jacobo* quodam Syro, Eutychetis & Dioscori discipulo, accesserunt, & numero & amplitudine, inter eas potiori. Duos habebant Patriarchas, alterum in Mesopotamia, qui se Antiochenum, alterum in Ægypto, qui se Alexandrinum dicebat: ut adeo duo essent Antiocheni, & duo Alexandrini Patriarchæ: quorum alter Græcus, alter Eutychianus. Post Schisma autem Cerularii *Cophti* seu Jacobitæ in Ægypto adeo prævaluerunt, ut ferme soli obtinuerint Patriarchalem sedem Alexandrinam, sub qua etiam est Patriarchatus Æthiopæ, ubi omnes ferme Christiani erant Jacobitæ seu Eutychiani, donec David Imperator Æthiopæ missis ad Clementem VII. legatis, impetravit, ut postea a Paulo IV. Andreas Oviedo Societatis Jesu missus eo Patriarcha, alique, sub Imperatore Claudio, Davidis filio, multos converterit; sed ob pertinaciam Cænobitarum Eutychianorum, tam pulchra sementis penitus ferme est extincta. Postea tempore Clementis VIII. etiam Gabriel Cophtorum seu Jacobitarum Patriarcha Legatos misit Romam ad renovandam unionem.

Mediam quandam inter Eutychianam & Nestorianam hæresin professi sunt *Armeni*, horum unio cum Ecclesia sæpe suscepta, hodieum ex parte viget.

Memorare hæc visum, ut pateat, operosum minime fuisse Patriarchis Constantinopolitanis, Orientis reliquias, tot ruinis circumseptas, convellere. Quanquam multi semper Ecclesiæ Romanæ adhæserint; nec est, cur sibi Lutherani aut Calvinistæ blandiantur, ac Græcorum Schismate numerum suum augeant: cum Schismatici isti omnes Protestantibus tanquam hæreticos execrentur, & integris convocatis Synodis sint detestati.

37.  
Græcorum  
Religio.

Profitentur illi Sanctorum cultum & invocationem, cultum item sacrarum Imaginum & Reliquiarum, vota Monastica, Purgatorium, suffragia pro mortuis, libertatem arbitrii, meritum bonorum operum, septem Sacramenta, Sacrificium Missæ, ac præsentiam veram & realem Christi in SS. altaris Sacramento; ut adeo Protestantium quidam aut omnino sint peregrini in rebus Græcorum, aut fallere velint, dum eos partibus suis conantur accensere. Azymorum usus ad disciplinam pertinet; Spiritum S. a Patre per Filium, imo etiam ex Patre Filioque, tanquam uno principio, procedere, non raro in Conciliis facti sunt Græci; cælibatus Sacerdotum, barbæ rasæ, modus non nihil diversus jejuniorum, tanti utique non erant, ut scindi debuerit unio. Adeoque ad quæstionem de primatu Papæ Schismatis causa videtur reduci, manifestis Scripturæ patrumque testimoniis asserto. Sed neque quoad hoc Græci cum Protestantibus conveniunt; agnoscunt enim illi Romanum Episcopum tanquam Patriarcham Occi-

Occidentis, cui in Ecclesiasticis omnes Occidentales Ecclesiæ sint sub-  
jectæ & parere debeant.

Vera igitur causa ambitio fuit, ex urbe Augusta ac Roma nova infla-  
ta, odiumque in Occidentales conceptum propter avulsam Imperium occi-  
dentale, & ad Germanos translaturum. Cerularii autem fastus eo proces-  
sit, ut ipsos Imperatores deponeret novosque constitueret; nam Michael-  
lem Stratiotam, post Theodoram, Zoes sororem, evedum ad Imperium <sup>32.</sup> Tentata  
abdica-  
vit, & Isaacium Comnenum coronavit; adversus eundem etiam Unio.  
superbissime postea insolescens.

Anno 1136. Lotharius II. Imperator Anselmum Episcopum Havel-  
bergensem Legatum misit Constantinopolim, qui cum Niceta Archi- Epi-  
scopo Nicomediensi, Græcorum Doctissimo, publicam de capitibus con-  
troverfis disputationem iniit. Passus est Nicetas, ea non esse tanti, ut  
seindi propterea Ecclesia debuerit; circa processionem Spiritus S. a Filio  
Græcos verbis potius, quam re ipsa differre. Unde indicto generali Con-  
cilio unionem facile restaurari posse. At, quia Comnenus in Oriente bel-  
lum Latinis intulit, frustra obsessa Antiochia, quam cruciati exercitus  
Saracenis eripuerant, totum negotium effectu caruit.

Manuel, ejus Successor, cum ipsis Turcis fœdus iniit contra Christia-  
nos Occidentales: simul tamen desiderium uniendi Ecclesias Romano  
Pontifici significavit. Andronicus, ejus patruelis, usurpato Imperio omnes  
Latinos crudeliter interemit Constantinopoli, quod Alexio Manuelis filio  
faverent: qui Ludovici VII Galliarum Regis filiam duxerat. At vastantibus  
propterea Latinis Græciam, a populo, in seditionem concitato, atrocissi-  
ma inter supplicia est enecatus: Isacio Angelo proclamato Imperatore.  
Qui a fratre suo Alexio Angelo, Latinorum hoste jurato, erutis oculis Im-  
perio est spoliatus. Sed cum intelligeret Alexium Isacii filium in Italiam  
elapsam ad conquirenda contra tyrannidem patrii auxilia, sceptro me-  
tuens, ab Innocentio III. Ecclesiarum unionem flagitavit.

Cum autem, ut supra memoratum, Constantinopolis esset a Latinis  
expugnata, ac Balduinus creatus Imperator, electus pariter est Patriarcha  
Latinus, reductaque in Thracia, Græcia & Bulgaria cum Ecclesia Romana  
unio. Verum cum diversi Græci Principes in Asia novos principatus eri-  
gerent, eo quoque schisma translaturum est, protegente illud <sup>39.</sup> Theodoro  
*Lasari*, quem Græci in Asia Imperatorem salutarunt; ejus Successor  
Joannes Ducas, dictus *Vatatus*, Princeps strenuus, totum ferme Imperium,  
Constantinopoli excepta, Latinis eripuit, Balduino II. ad imploranda au-  
xilia Europam percurrente, non tamen ab unione alienus fuit Ducas;  
quin ea bis sub ipso tentata, semper tamen evanuit. Quamvis *Nicepho-*  
*rus*



rus Blemmida, Græcorum Doctissimus, ac Religiosissimus, scriptis etiam pro Romana Ecclesia libris, vehementer illam suaderet.

40.  
Constantino-  
polis Lati-  
nis crepta.

Succesorem in Imperio Ducas habuit Theodorum Lascarium Junio-rem, qui magis alienum a concordia animum ostendit. Reliquit sceptrum Joanni Lascari, filio suo sexenni, qui a Michaeli Palæologo, Administratore Imperii, abductus in custodiam, oculisque privatus est. Interea vero Alexius Dux præclarus a Michaeli Cæsar jam dictus, Constantinopolim facili manu & unico expugnavit. Quam dein Imperator, imaginem Dei-para prælatam pedes secutus, subiit, redeuntibus Græcis pro levitate sua sub Græcis Imperatoribus ad schisma.

### §. III.

#### Unio a Concilio Lugdunensi restaurata.

41.  
Michael Palæologus.

Recuperata rursus a Græcis Constantinopoli, quam Latini ad 50. annos tenuerant, in id curam suam intendit Palæologus, ut Imperium suum ab hostili incurso tutum præstaret; timuit, ne cruciata aliqua expeditio rursus in provincias suas prorumperet. Præcipue vero metum ei incussit magnus belli apparatus, quem Carolus Andegavensis in utraque Sicilia instruebat.

42.  
Greg. X.

Quare, ut tempestatem a se averteret, æquosque sibi haberet Occidentis Principes, cum pluribus Romanis Pontificibus de unione tractare cœpit; ac tum maxime, cum, post duorum annorum & novem mensium vacationem Ecclesiæ, electus tandem per compromissum fuit Theobaldus, e nobilissima Vice-comitum prosapia ortus Placentiæ; qui cum Eduardo, Angliæ Principe, in Palæstinam profectus, Ptolomaidetunc versabatur, cum in Italia Pontifex ipse fuit electus; nomen assumpsit Gregorii X.

Cum insigni hoc Pontifice ferventius concordia negotium urgebat Imperator Græcus. At Patriarcham & alios quosdam Episcopos, fœminarum Principum patrocínio firmatos, plurimum in schismate obstinatos deprehendit. Primus contumaciam posuit Joannes Veccus, Græcorum eruditissimus, qui lectis SS. Patrum de processione Spiritus S. a Filio testimoniis, Orthodoxam veritatem professus, magna deinceps constantia propugnavit. Valuit viri tam præstantis exemplum ad plures convertendos, accedente præsertim Imperatoris industria: cui solus ferme Patriarcha restitit.

43.  
Legati ad  
Lugdun.  
Concil.

Missi proin Legati ab Imperatore ad Concilium Lugdunense II. erat hoc Concilium mille ferme Patrum. Summus illius Præses ipse Papa Gregorius: Cardinales aderant 15. Patriarchæ duo Latini, Constantinopolitanus & Antiochenus, Archi-Episcopi 60, Episcopi 500, plurimique Abbates

Abbates & inferiores Prælati: Legati utriusque Imperatoris, Rudolphi I. & Michaelis Palæologi, Regum Galliæ, Angliæ, utriusque Siciliæ, aliorumque Principum & Rerumpublicarum totius ferme Europæ: cum duobus Magnis Magistris Templi & Hospitalis, atque ipso Rege Aragoniæ Jacobo. S. Thomas Aquinas in itinere ad hoc Concilium obiit in Monasterio Fossæ-Novæ. S. Bonaventura vero, Cardinalis creatus, in ipso Concilio Lugduni est defunctus.

S. Thomas,  
& S. Bonaven-  
tura.

Sex autem Sessionibus, trium mensium spatio absolutis, constabat.

In prima Sessione Gregorius, habita ad Patres eleganti oratione, finem convocandi Generalis Concilii proposuit, videlicet, ad decernenda subsidia pro liberanda terra Sancta, ad uniendam Græcam Ecclesiam cum Romana, ad reparandam Ecclesiasticam disciplinam, ac nominatim ad præscribendum modum promptius eligendi summum Pontificem, ne amplius tanto tempore Sanctam Sedem vacare contingat.

In secunda & tertia Sessione editæ sunt variæ constitutiones ad fidem & disciplinam pertinentes. Definitum, Spiritum S. a Patre Filioque, tanquam uno principio, procedere, decreta in sex annos decimæ ex omnibus proventibus Ecclesiasticis in subsidium terræ Sanctæ.

In quarta Sessione recepti advenientes Legati Græcorum, quibus Episcopi & Proceres multi obviam processerant. Legati litteras Imperatoris & Metropolitanorum suorum offerunt, & tam suo, quam illorum nomine schisma ejurant, Romanæ Ecclesiæ fidem publice professi, agnito Papæ per universalem Ecclesiam Primatu, & jure appellationis ad S. Sedem: Addito insuper juramento, se nunquam amplius recessuros ab obedientia, Romano Pontifici debita; sicque instaurata unione, cantatus Hymnus Ambrosianus, symbolum item fidei cantatum primum latine; tum a Græcis græce cum additione *Filioque*, ter ab ipsis repetita.

44.  
Unio.

In quinta excepti sunt legati Tartarorum Principis, ad Concilium ab eo missi ad ineundum fœdus adversus Turcas. Latæ variæ constitutiones; habitæ solennes exequiæ S. Bonaventuræ, inter quartam & quintam Sessionem mortuo, incredibili Patrum luctu.

In sexta Sessione editi duo adhuc Canones, nempe *c. Religionum diversitatem* &c. &c. Cum *Sacro sancta* &c. tum Pontifex gratulatus Concilio felicem unionem utriusque Ecclesiæ, Prælatos ad zelum, vigilantiam ac disciplinam servandam cohortatus finem Synodo imposuit.

Legati Græcorum cum muneribus & epistolis ad Imperatorem & Metropolitanos dimissi, una cum Abbate Cassinensi, Pontificis Nuntio, ubi Constantinopolim venerunt, successumque Legationis & factæ unionis exposuerunt, magno Imperatorem gaudio affecerunt, præcipue ubi se



se a toto Concilio Imperatorem agnitum intellexit, curamque Pontificis, ne ab occidentalibus Principibus ejus Imperium invadatur.

Atque ut serio negotium hoc actum ostenderet, illudque in futurum firmaret, convocata Synodo Concilii Lugdunensis acta eidem communicavit; approbata fidei professio, agnitus Primatus Papæ, promissa eidem obedientia, nomenque ejus restitutum sacris Dyptichis, inter Divina officia primo loco memorandum sub hac formula: *Gregorium Summum Ecclesiæ Apostolicæ Pontificem, & Papam Oecumenicum.*

45.  
Veccus Patriarcha.

Quia autem Patriarcha Josephus, homo, quam doctrina vacuus, tam plenus contumacia, assentiri noluit, in Monasterium remissus, & in ejus locum electus est, quem supra laudavi, *Joannes Veccus*, qui unus e Legatis Imperatoris Concilio Lugdunensi interfuit, & propter magnam auctoritatem, quam virtute & doctrina eximia apud Græcos sibi comparaverat, ad unionem illam, toties frustra tentatam, consummandam plurimum contribuit. At tantæ molis substructio brevi concidet, ut dicemus ad Concilium Florentinum.

#### §. IV.

#### Constitutiones Concilii Lugdunensis II.

46.  
De summa  
Trinit. in 6.

Constitutiones hujus etiam Concilii Bonifacius VIII. libro sexto Decretalium inseruit; quarum hæc est epitome.

1. Fideli ac devota professione fatemur, quod Spiritus S. æternaliter ex Patre & Filio, non tanquam ex duobus principiis, sed tanquam ex uno principio, non duabus spirationibus, sed unica spiratione procedit. Hoc professæ est hactenus, prædicavit ac docuit, hoc firmiter tenet, prædicat, profitetur & docet Sacrosancta Romana Ecclesia, Mater omnium Fidelium & Magistra; hoc habet Orthodoxorum Patrum atque Doctorum, Latinorum pariter & Græcorum incommutabilis & vera sententia. Sed quia nonnulli ex ignorantia veritatis, in varios errores sunt prolapsi, sacro approbante Concilio damnamus omnes, qui negare præsumpserint Spiritum S. ex Patre & Filio procedere, aut temerario ausu asserere, quod ex iis tanquam ex duobus principiis, & non tanquam ex uno procedat.

c. 3. de elect.

2. Occasione sumpta ex diuturna vacatione Sedis Apostolicæ post obitum Clementis IV. edita est in hoc Concilio solennis constitutio *Ubi periculum*, de electione summi Pontificis; in qua decretum Concilii Lateran. III. renovatur, additurque, ut Cardinales in civitate, in qua Papa obiit, præsentibus, per decem tantum dies expectent absentes: Quibus elapsis præsentibus in palatio Pontificis conveniant, in uno omnes conclavi inclusi, nullo intermedio pariete vel velamine in communi habitantes; Singuli uno, vel ad summum duobus inservientibus contenti;

abscessio

abscisso omni cum externis commercio. Si intra tres dies post ingressum non fuerit Ecclesia provifum, per quinque subsequentes dies unum tantum ferculum iis detur tam in prandio, quam cœna; quibus lapsis absque electione absoluta, solo pane, vino & aqua deinceps sint contenti, donec fiat provifio.

3. Qui electionem vel postulationem Ecclesiasticam vult impugnare, vel contra illam appellare, omnia, quæ vel ratione formæ electionis, vel contra personam electi vult opponere, scripto instrumento expresse inferat, cum juramento, se credere vera, & posse probare, quæ expressit. Non audiendus super iis, quæ non sunt expressa: nisi juret, novas probationes primum postea esse detectas. c. 4. ib.

4. Electus in administrationem se non ingerat ante confirmationem. c. 5. ib. Alias jure quæfito ipso facto est privatus.

5. Electio quamprimum intimetur electo. Hic vero intra mensem consentiat; alias omni jure ipso facto est privatus. Si post consensum præstitum intra tres menses non petat confirmationem, electio viribus vacuetur. c. 6. ib.

6. Licet quis suffragium suum indigno scienter det, non privatur suffragio, si is, cui datum est, non fuit communiter electus. c. 7. ib.

7. Electione peracta, & consensu præstito, nemini licet amplius electionem impugnare, nisi juret, defectum primum postea innotuisse. c. 8.

8. Si quis per duplo majora suffragia sit electus, non potest amplius a minori parte impugnari prætextu minoris meriti, zeli, aut auctoritatis: nisi ostendatur votum fuisse nullum ipse jure. c. 9.

9. Temeraria appellantium audacia & frequentia prohibetur. c. 10.

10. Si quis eligendo defectum objiciat, ante omnia id examinandum erit. Si defectus non subsit, opponens puniatur, ac si in probatione omnium defecisset. c. 11.

11. Qui alios gravant propter negatum in electione suffragium, ipso facto sunt excommunicati. c. 12.

12. Usurpatores bonorum vel jurium Ecclesiasticorum, ipso facto subiacent excommunicationi. Qui vero ex fundatione vel antiqua consuetudine jus aliquod habent, eo non abutantur. c. 13.

13. Nullus fiat parochus ante 25. ætatis annum, (estque promotio irrita) & a scientia & moribus sit commendatus; resideat in parochia. Inter annum fiat Sacerdos: Quod si non fiat, nulla præmissa monitione Ecclesia est privatus. Circa residentiam vero potest Ordinarius ex rationabili causa ad tempus dispensare. c. 14.

14. Nemo Parochiam det in commendam, nisi in ætate legitima & Sacerdotio constituto, nec nisi unam uni, & propter evidentem Ecclesiæ c. 15.



utilitatem aut necessitatem : Et ad sex menses tantum. Secus facta sunt irrita ipso jure.

c. 2. de tem-  
por. ordin.

15. Scienter ordinans Clericum alienæ Ecclesiæ, per annum a collatione ordinum est suspensus. Et postquam ejus suspensio fuerit notoria, poterunt Clerici, absque ejus licentia, a vicinis Episcopis ordinari.

c. un. bigam.

16. Bigami omni privilegio Clericali sunt nudati : Et foro Laicali subiecti : Consuetudine contraria non obstante ; & sub anathemate ipsi prohibetur gestare tonsuram aut habitum Clericalem.

c. 2. de offic.  
Jud. ord.

17. Canonici non cessent a Divinis ; cessationis causam authentico instrumento expriment. Alias fructus non faciunt suos : Uti etiam, si causa expressa non fuerit inventa Canonica.

c. 3. ib.

18. Plures dignitates vel beneficia curata habentes, aut cum dignitate curatum beneficium, ad exhibendam dispensationem ab Ordinario compellantur. Si nullam habeant dispensationem, aliis conferantur, quæ sine dispensatione possident. Si de valore dispensationis dubitetur, consulatur Sedes Apostolica.

19. Advocati Ecclesiastici præstent juramentum, uti etiam Procuratores singulis annis.

c. un. de his  
quæ vi.

20. Absolutio a censuris, per vim aut metum extorta est irrita. Si quis extorquentes excommunicantur.

c. 2. de reb.  
Eccles.

21. Si Pontifex beneficia in curia Romana vacantia intra mensem non contulerit, ad ordinarios collatores jus fedit.

c. 2. de reb.  
Eccles.

22. Res Ecclesiasticæ non alienentur a Prælati absque capituli consensu, & Sedis Apostolicæ licentia speciali : Et ne quidem præscribendi conditionem ejusmodi alienatio parit.

c. un. de Re-  
lig. dom.

23. Ne quis novum ordinem Religiosum instituat. Ordinesque Mendicantium, post Concilium Lateranense IV. instituti, & necdum confirmati abrogantur.

c. 2. de cens.

24. Renovatur constitutio Innocentii IV. circa temperandas expensas in visitationibus Ecclesiarum. Non exigantur aut acceptentur pecuniæ.

25. Omnis profana negotiatio absit ab Ecclesiis. *C. 2. de Immunit. Eccles.*

c. 1. de usur.

26. Renovantur prohibitiones usurarum ; nemo usurariis habitationem concedat.

c. 2. ibid.

27. Usurarii sepultura Ecclesiastica arcentur, licet in testamento restitutionem mandarint : nisi restitutio re ipsa facta sit.

c. un. de in-  
jur.

28. Pignorationes, quas *Repressalias* vulgus dicit, omnino prohibentur, tanquam æquitati naturali & legibus etiam civilibus contrariæ, si iis unus præ altero gravetur.

29. Excommunicatio lata in communicantes cum excommunicatis c. 9. de non valet, si non prius fuerint canonice moniti: hoc est, aliquot die. sent. ex. cum intervallo. comm.
30. Relaxationis beneficium ad cautelam in generali interdicto loc. c. 10. cum non habet.
31. Fertur Sententia Excommunicationis in omnes, qui vel perso. c. 11. nas vel bona eorum gravant, a quibus, vel quorum opera aut consilio fuerunt excommunicati.

## ARTICULUS VII.

De Concilio Generali XV. Viennensi.

Sub

*Clemente V. & Henrico VII. pro extinguendo ordine Templariorum  
& damnandis Hæreticis Anno 1311.*

### S U M M A R I U M.

§. 1.

Synopsis Historico - Critica de Templariis.

- 1. Templariorum ordo primum bonus & Ecclesiæ utilis,
- 2. Tum ab Instituto suo desciscens immanium criminum accusatur,
- 3. Et testibus convictus excinditur.
- 4. Responderetur Protestantium querelis contra istam abolitionem.

§. 2.

Acta Concilii.

- 5. Damnata variae hæreses.
- 6. Fratricelli & Beguardi.
- 7. Quinam fuerint præsentés in Concilio?
- 8. Decreta Concilii de Templariis, & ferendo terræ Sanctæ auxilio.
- 9. Et Canones.
- 10. Diversæ Pontificum constitutiones circa Regularium Jus prædicandi, sepeliendi &c.

§. 1.

Synopsis Historico - Critica de Templariis.

Anno 1118. fundatus fuit Jerosolymis Ordo Equestris Templariorum sub primo illius Magistro Hugone de Paganis, qui cum octo aliis vota Boni. Religiosa emisit in manibus Patriarchæ Jerosolymitani; Et quia juxta templum habitabant in domo, a Balduino II. ipsis concessa, Templarium nomen ipsis adhæsit. Finis hujus instituti erat, Christianos, præcipue ad S. Christi Sepulchrum peregrinantes, a barbarorum, latronum, & piratarum incurfibus defendere; Quo in munere cum strenuam per plures annos operam posuissent, adeo, ut non pauci sanguinem etiam pro

D d 2

Christo



Mali.

Christo funderent, tandem a pio suo ac Religioso Instituto degeneres, immensis opibus aucti, eo malitiæ sunt prolapsi, ut Christum abnegarent ejusque imaginem conspuerent, occulta cum Saracenis & Turcis fœdera pangerent, seque nefandis impietatis ac libidinis flagitiis polluerent.

Accusati.

Horum aliorumque gravissimorum scelerum cum apud Clementem V. Pontificem accusati essent, is, an vera essent, diligenter tum per se tum per Cardinales & Episcopos inquisivit. Comprobata sunt omnia, per diversas Provincias Italiæ, Germaniæ, Galliæ, Hispaniæ, Angliæ institutis processibus, testium fere 2000. depositione, ac ipsa 72. Equitum confessione.

Non equidem ignoro, non defuisse, nec hodieum deesse, præsertim ex Protestantico genere, qui, licet immani odio Religiosos Ordines persequantur, omnesque excisos cuperent, majore tamen odio in summum Pontificem æstuant, eorum patrocinium suscipiant, dicantque, in favorem Philippi Pulchri Galliæ Regis, Templariorum opibus inhiantis, Clementem V. patria Gallum, Galloque Regi, cujus ope ad Pontificatum pervenisset, obnoxium, in extinctionem Ordinis consensisse. Ipsum Magistrum, licet objecta scelera fuerit ante passus, tamen, cum ad supplicium raperetur, confessionem suam revocasse, ac per omnes superos suam sui que ordinis innocentiam esse contestatum. Philippum brevi post ad Divinum tribunal abreptum in tribus filiis sterilem, pœnas luisse, Anglis postea Galliam occupantibus.

3.  
Et merito  
damnati.

Verum quis sibi persuadeat post tantam testium nubem, ex tot diversissimis Provinciis agglomeratam, post tot editos processus, post tot reorum confessiones, post examen ab universali totius orbis Concilio institutum, in præsentia duorum Patriarcharum, 300. Episcoporum, Regum Galliæ, Angliæ, Aragoniæ, aliorumque Principum, Legatorum, Doctorum, quorum haud exigua pars nobilissimis illis Equitibus sanguine vel affinitate erat juncta, ordinem illum illustrissimum, totoque orbe propagatum, non tantum unanimi omnium assensu per summum scelus fuisse abolitum, sed etiam innocentem ad atrocissima supplicia injustissime fuisse condemnatum? Quodnam tribunal absolvet deinceps judices, si hoc judicium, tot testibus, tam matura causæ cognitione, in orbis luce peractum eos condemnat?

Et extincti.

Fuerint sane aliqui innocentes: bona sua id erant indole, non amplius Professionis integritate; quæ hæresi, idololatria, nocturnis propudiosis conventiculis, infandisque spurcitiis perhibetur infecta: ipso Ordinis Magistro & duce & complice flagitiorum. Pudet meminisse, quæ plurimi testes deposuerant, scriptoresque Historici annotarunt. Fuerit arbor bo-

na; at jam fructibus vacua, umbras horto noxias projicit, vermesque nutrit: Excindenda est, ut quid enim terram occupat, fini inutilis, imo nociva.

At revocavit confessionem suam in morte Magister Ordinis: innocentiam per omnia Numina est contestatus. Hoc si sufficiat ad innocentiam probationem, nullus amplius erit in mundo homo tam nefarius, ut pena capitis plecti possit: modo rursus neget scelera, de quibus ante convictus & confessus est. Quot sceleratos annales memorant, qui pertinaci scelorum silentio obstinati, cœlum innocentiam testem, & Divini tribunal Judicis appellarunt. Dein revocavit Magister, quod absque tortura ante confessus est: at non revocarunt alii, ad extremum usque vitæ spiritum confessioni suæ inherentes.

Sed Philippus eorum opibus inhiabat: Divites fuisse erat ruinæ: Subornati falsi testes, corrupti Judices, ut innocentum adipe saginaretur avaritia. Quasi vero tota Europa, quin totus orbis Catholicus tot millenis oculis nihil viderit, aut ita faverit Gallo, ut ad cupiditatem ejus exsatiandam, tot viros innocentes, populares, consanguineos, affines suos, illustrissimos ortos profapiis, ex omni genere & natione unanimi consensu conspirantes adversum innocentiam ad atrocissima supplicia condemnarent. Ad duo millia falsorum testium: iniquissimi Judices innumeri ex toto orbe, provinciis regnisque omnibus: trecenti Episcopi, tres Reges, Principes plurimi, uno omnes assensu ad opprimendam inaudito scelere innocentiam conspirabant, ut unius Principis avaritia saturaretur: Quis hoc sanæ mentis credat? Quodnam in orbe tribunal, quod judicium a calumnia se tuebitur, si maligna hæc crisis locum habeat? Si vindicta Pontificem & regem rapuit, cur non statim? Cur tribus annis Concilio supervixerunt?

Mirum sane, eos potissimum Ecclesiasticorum bonorum sitim Principi Catholico objicere, qui ultimis istis temporibus instar immanis cujusdam charybdis & immensis vorticis patrimonium Christi, tot Episcopatus pinguis, tot abbatias pia vetustatis liberalitate fundatas, inaudita ab omni retro ætate usurpatione absorpserunt: Et fortassis Principum etiam Catholicorum animos pertentant, ut sequantur exemplum.

Deinde bona illa Templariorum non tam obvenirent Regi Philippo, quam Ordini Equitum S. Joannis Hierosolymitani (qui hodie Melitenenses dicuntur) saltem Clemens V. in Concilio Viennensi illis eadem addixit, non vero Philippo, ut patet ex *sententia de extinctione*, in Concilio lata.

## §. II.

### Acta Concilii.

Concilium istud principaliter congregatum fuit propter causam, quam diximus, nempe ad abolendum Ordinem Templariorum, propter



nimios abusus atque impietatem factum Ecclesiæ noxium. Quia enim ordo ille toto orbe erat propagatus, ex illusterrimis Europæ familiis collectus magnasque ante pro Ecclesia res gesserat, Synodo generali ad ejus suppressionem opus esse visum est: ut toti orbi pateat, quanta accurate & iustitia ea in re procedatur. Sublatus igitur est ordo ille non per modum definitivæ sententiæ, sed per viam *provisionis seu ordinationis Apostolicæ*, ut loquitur Pontifex; prohibitumque, ne quis pro Templario se gerere deinceps præsumat, sub excommunicatione ipso facto incurrenda.

*Altera Causa* Concilii fuerunt varii errores Petri- Joannis, Fratricellorum, Dulcinistarum, Beguardorum, & Beguinarum, tunc grassantes.

5.  
Variæ hæ-  
refes,

Erat autem *Petrus - Joannis* Discipulus Joachimi Abbatis; negabat is, animam rationalem esse formam humani corporis; item gratiam & virtutes in baptismo infundi. Contra vero asseruit, Christi latus adhuc viventis esse lancea percussum.

6.  
Fratricelli.

*Fratricelli* (dicti etiam *Dulciniste* a Dulcinio quodam, cujus concubinam de Spiritu Sancto concepisse impie delirabant) promiscuos concubitus in locis occultis exercebant: Visionem beatarum animarum usque ad novissimum iudicii diem differri asserbant.

Et Beguar-  
di.

*Beguardi*, & *Beguine* docebant, hominem in hac vita ad tantam perfectionem venire posse, ut reddatur penitus impeccabilis, & gratiam ulterius augere non possit, alias enim fore, ut perfectior fieret Christo. Hominem in hoc perfectionis gradu posse corpori concedere, quidquid lubet; nec amplius esse subiectum præceptis; talem jam in hac vita tenere finalem beatitudinem: Intellectualem naturam per se ipsam esse beatam, nec indigere lumine gloriæ, ipsam elevante ad Dei visionem beatificam. Virtutum actus exercere esse hominis adhuc imperfecti, non autem perfecti. Actum carnalem non esse peccatum, eo quod ad eum inclinet natura; Hominem perfectum contemplativum non debere Christo Eucharistico reverentiam exhibere, ne contemplatio turbetur.

Porro errores isti damnati sunt ab hoc Concilio Viennensi; nam, ut habetur *Clement. I. de Summa Trinit. & Fide Cathol.* definit, unicum Dei Filium in essentia Dei æternaliter subsistentem, verum corpus humanum assumpsisse de Virgine & in eo passum, & jam mortuum lancea perforatum. Deinde eum tanquam hæreticum damnat, qui dixerit, animam rationalem non esse formam humani corporis. Denique approbat tanquam probabiliorem, & dictis Sanctorum & Doctorum illius temporis Theologiæ magis consonam, illam opinionem, quæ dicit, *Tam parvulis, quam adultis conferri in baptismo informantem gratiam & virtutes, quoad habitum.*

Begu-

Beguardorum ( Virorum ) & *Beguinarum* ( mulierum ) errores damnati sunt in eodem Concilio, ut habetur *Clement. III. de Hæret.* mandaturque Ordinariis & Inquisitoribus, per Alemanniam, in qua hæc secta est orta, ut eos puniant.

*Tertia Causa* convocandi Concilium fuit, decernendum subsidium pro recuperatione terræ sanctæ. *Quarta*, restituenda Ecclesiæ disciplina.

Adfuerunt Clemens V. Præses Concilii, Cardinales multi, Patriarcha Alexandrinus & Antiochenus, 300. Episcopi, multique alii Prælati, *Pbi-Præsentes* <sup>7.</sup> *Philippus IV.* cognomento *Pulcher*, Rex Galliæ, cum tribus filiis, qui omnes successiffe facti sunt postea Galliæ Reges, videlicet *Ludovico X. Philippo V. & Carolo IV.* item, *Eduardus II.* Angliæ Rex, gener Philippi Pulchri: *Jacobus II.* Rex Aragoniæ.

Tenuit Concilium septem mensibus: tribus tantum sessionibus absolutum. In prima, post expositas a Papa Concilii causas, variasque deliberationes, & translationes de Templariis, Pontifex eorum ordinem extinxit in privato coram Cardinalibus Consistorio. <sup>8.</sup> *Decreta.*

In secunda deinde sessione approbata & confirmata est a Concilio pleno Templariorum abolitio, eorumque reddituum ad Equites Rhodios translatio.

In tertia Pontifex sermonem habuit de ferendo terræ sanctæ auxilio. Philippus Rex promisit sacram Expeditionem suscipere; quem in finem Galliæ Præsules in sexennium ei decimas Ecclesiasticorum provetuum addixerunt.

Edita sunt insuper in hoc Concilio multa alia decreta: quorum præcipua sunt:

1. Philippus Pulcher propter gravissima dissidia & collisiones cum Bonifacio VIII. ( quarum causas & seriem exposui in prima Apologia *Et Canones.* <sup>9.</sup> contra Præcones Tigurinos §. 10. pag. 404. ) petierat a Clemente V. ut acta, decreta, ac memoria omnis Bonifacii VIII. ( quem hæresis falso accusaverat ) aboleretur: Negavit Concilium, se unquam hoc facturum: Quin eundem Bonifacium tanquam probum, integrum ac vere Catholicum Pontificem contra Philippi calumnias strenue vindicavit, decrevit tamen, Philippi adversus Bonifacium acta nunquam ei ejusque filii ac hæredibus fraudi fore.

2. Gravissimam edidit constitutionem contra usuras; dum sub excommunicatione prohibet, ne ulla communitas vel officialis statutum condât, quo usuræ ut licitæ permittantur. Fœneratores etiam sub censuris compellendos esse decernit ad exhibendos rationum libros. <sup>Clement. 1. de usuris.</sup>

Addit deinde, si quis in illum errorem incideret, ut pertinaciter affirmare præsumat, exercere usuras non esse peccatum, velut hæreticum puniendum esse.



Clement. 1.  
de sepulturis.

c. 2. de se-  
pult. in ex-  
trav. comm.

ro.  
Circa Regu-  
larium prædi-  
cationem &  
sepulturam.

c. 1. de pri-  
vil. in extrav.  
comm.

3. Excommunicati sunt ipso facto, etiam exempti, qui extra casus sibi permisos, in suis cœmeteriis sepeliunt mortuos tempore interdicti, aut nominatim excommunicatos, vel interdictos, vel manifestos usurarios.

Bonifacius VIII. constitutionem *super cathedram* ( quæ habetur inter *extravag. comm. c. 2. de sepult.* ) ediderat, quæ FF. Prædicatoribus & Minoribus concessit prædicare in suis Ecclesiis, & plateis publicis, hora tamen illa excepta, quæ locorum Prælati vel per se vel per alios prædicare voluerint: nisi ipsi Prælati illa etiam hora prædicandi specialem licentiam ipsis dederint. Prohibuit etiam, ne prædicti Religiosi prædicent in parochiis, nisi invitati aut obtenta licentia ab Episcopo aut Prælato loci. Superiores Prædicatorum & Minorum a Prælato loci facultatem petant, exponendi suos Religiosos ad audiendas confessiones: quæ obtenta aptos deputent, & Prælato præsentent. Quod si Prælatus facultatem dare recusaverit, concedit illam ex plenitudine potestatis Apostolicæ ipse Pontifex.

Statuit deinde Bonifacius in eadem Constitutione, ut Fratres dictorum Ordinum in Ecclesiis, vel locis suis sepelire possint omnes, qui in iis sepulturam elegerint, soluta tamen Ecclesiæ Parochiali quarta, seu Canonica portione funeralium, omniumque, quæ ratione funeris & sepulture Fratribus obvenerunt, non obstantibus quibuscunque privilegiis, aut consuetudinibus contrariis.

Hanc Constitutionem Bonifacii quoad puncta, in quibus FF. Prædicatores & Minores videbantur gravati, abrogavit ejus Successor Benedictus XI. ex Ordine S. Dominici assumptus, ut videre est in *Extravag. comm. c. inter cunctas 1. de privileg.* ubi ipsis concedit licentiam non tantum absque facultate Diæcesani aut Prælati loci prædicandi in suis Ecclesiis, & plateis communibus ( excepta tamen hora, quæ in parochia esset concio ) sed etiam audiendi confessiones sæcularium. Superiores tamen Diæcesano significant, se Fratres ad confessiones audiendas deputasse, petantque licentiam: Quod si illam intra triduum non impetraverint, possint nihilominus confessoriorum officio fungi. Si autem a Diæcesano data fuerit licentia, tunc ea per mortem Diæcesani non extinguitur. Non tamen major potestas Fratribus prædictis conceditur, quam Sacerdotes Parochiales habeant: unde in casus Episcopo, aut Papæ reservatos se non immisceant. Concionatores vero populum adhortentur, ut saltem semel in anno suis Sacerdotibus confiteantur. Denique sublata quarta, ex omnibus, quæ fratribus a defuncto obveniunt, Ecclesiæ Parochiali juxta Constitutionem Bonifacii solvendis, statuit Benedictus, ut *medietas* ex solis funeralibus seu ex iis, quæ in funere ipso deferuntur, & in oblatione exequiarum offeruntur Religiosis, Parochiæ detur, nihil vero ex aliis.

Hanc

Hanc constitutionem Benedicti XI. iterum revocavit Clemens V. in *Cem. 2. de*  
 Concilio Viennensi; & observari præcepit Bullam Bonifacii VIII. in qua sepult.  
 proportionem Canonica, Ecclesiæ parochiali persolvenda, statuta est *quar-*  
*ta* pars omnium, quæ ratione funeris ac sepulturæ Monasterio obveniunt.  
 Restituit pariter eandem constitutionem quoad præscripta circa prædica-  
 tionem Verbi Divini, & administrationem Sacramenti pœnitentiæ; ut pa-  
 tet ex *Clement. Dudum 2. de Sepult.* ubi integra Constitutio Bonifacii VIII.  
 apponitur, & innovatur.

5. Prohibet Concilium sub pœna excommunicationis, ne Religiosi *Clem. 1. de*  
 Clericis aut Laicis Sacramentum extremæ unctionis, vel Eucharistiæ mini- *Privil.*  
 strent, aut matrimonia solennizent sine speciali Parochi licentia: præci-  
 pitque Religiosis venerationem erga Clerum Sæcularem.

6. Bonifacius VIII. excommunicationis sententiam tulit in Laicos, *Clem. un. de*  
 exigentes seu extorquentes ab Ecclesiis Ecclesiasticisque personis tallias *coñs. Eccles.*  
 seu collectas, aut exactiones quascunque, ac insuper etiam in Clericos  
 tallia solventes. *c. 2. de Immun. Eccles.* in 6. jam vero Clemens V. in Con-  
 cilio Viennensi, quoad secundam partem, nempe quoad excommuni-  
 cationem a Clericis solventibus incurrendam Canonem illum revocavit.

7. Exponitur Regula Fratrum Minorum S. Francisci, & variæ circa  
 illam elucidantur a Concilio Quæstiones, præsertim circa strictam pau-  
 pertatem; ut fuse habetur *Clement. 1. de verbor. signif.*

8. Statutum fuit, ut in scholis & universitatibus, Romæ, Parisiis, *Clem. 1. de*  
 Oxonii, Salmanticæ, & Bononiæ constituantur Catholici Magistri, qui *Magistris.*  
 publice doceant linguas, Hebraicam, Chaldaicam & Arabicam.

9. Instituta jam ab Urbano IV. sacra Corporis Christi festivitas de-  
 cernitur ab hoc celebranda feria 5. post octavam Pentecostes.

Multi præterea Canones in hoc Concilio sunt editi, qui cum aliis tum  
 ante tum post Concilium a se editis, in unum volumen congeffit Clemens  
 V. sed morte præventus promulgare eos non potuit. Promulgati au-  
 tem sunt ab ejus successore Joanne XXII. qui ab autore suo eas consti-  
 tutiones *Clementinas* appellavit: Habenturque post sextum Decretalium  
 in corpore Juris Canonici.





## ARTICULUS VIII.

De Concilio Pisano &amp; Constantiensi

Ad

*Tollendum schisma celebratis sub initium Sæculi XV.*

## SUMMARIUM.

## §. 1.

Synopsis Historica Concilii Pisani.

1. Pontifices Avenione residentes. Extravagantes Joannis XXII.
2. Gregorius XI. Sedem Pontificiam reducit Romam; inde occasio diuturni Schismatis. Nam
3. Non satis libere electus Urbanus VI.
4. Unde eidem oppositus Clemens VII.
5. Urbano Romæ subrogati, Bonifacius IX. Innocentius VII. & Gregorius XII. Clementi vero Avenione Petrus de Luna.
6. 7. Concilium Pisanum utrumque deposuit, & elegit Alexandrum V.
8. An Concilium fuerit legitimum?

## §. 2.

Synopsis Historica Concilii Constantiensis.

9. Alexandro mortuo electus est Joannes XXIII. ut adeo tres essent Pontifices.
10. Joannes, quem plerique pro vero habebant Pontifice, persuasus a Sigismundo Imperatore, indicit tandem Concilium Constantiense.
11. Ex quo, cum ad cessionem urgeretur, aufugit, capitur & deponitur, uti etiam Petrus de Luna: Gregorio XII. ultro se abdicante.
12. Eligitur Martinus V.

13. Petri de Luna character;

14. Ac pertinacia.

15. Extinctio Schismatis, quod dimidio Sæculo tenuit.

16. Altera causa Concilii Wicleffi &amp; Hussi bæresis.

## §. 3.

Summa Actorum in 45. Sessionibus.

17. Cum pro via tollendi Schismatis electa esset via ultroneæ cessionis, & Joannes ad eandem urgeretur,
18. Aufugit, cum magna perturbatione Concilii.
19. Unde Sessione quarta & quinta decisum, Concilium non esse dissolutum, cum sit supra Pontificem.
20. Quod de dubio Pontifice intelligendum, quales tunc erant tres illi.
21. Hieronymus Pragensis clam venit Constantiam, sed rursus aufugiens, captus reducitur.
22. Deposuit Joannes: Qui Concilii decretum ratum habet, seque abdicat.
13. Petrus Dresdensis & Jacobellus, necessitatem communionem sub utraque specie sumendi asserentes, damnantur.
24. Cessio Gregorii XII.
25. Huss exustus.
26. Sigismundus abijt in Hispaniam, ad impetrandam a Lunensi cessionem.
27. His-

27. Hieronymus Pragensis in Concilio ejurat hæresin.  
 28. A Concilio nihil actum contra fidem datam in salvo conductu: utpote qui non est datus illimitate: Ac jure alias excidissent.  
 29. Hieronymus Prag. exustus  
 30. Processus contra Lunensem.  
 31. Deposito.  
 32. Electio Martini V.
- §. 4.
- Errores Wicleffi & Hussi, a Concilio damnati.  
 33. Errores Wicleffi, præcipue circa sacramenta, & Potestatem gubernativam, Ecclesiasticam & Politicam.  
 34. Errores Joannis Hussi, præcipue circa caput & membra Ecclesie, statum Religiosum, & Potestatem Jurisdictionis.  
 35. Wicleffi Character.  
 36. Seditiones ab eo excitatæ in Angliâ.  
 37. Propositiones ejus quinque damnatæ in Concilio Londinensi.  
 38. Origo hæresis Hussitarum.  
 39. Mutatio Academiæ Pragensis, propter quam Teutones discedunt.  
 40. Artes Hussi pervertendi Bobemos.

Duo hæc Concilia, quamvis Generalia sint, atque rerum gestarum magnitudine celeberrima, quia tamen de Pisano dubium est, an fuerit legitimum, Constantiense vero tantum quoad decreta, fidem concernentia, & quoad ea, quæ contra Wicleffum, Hussum, ac Hieronymum Pragensem acta sunt, est approbatum, ideo a Cardinale Bellarmino aliisque, præsertim Italis, inter Generalia approbata non recensetur. Juvat tamen illorum acta brevi synopsi constringere: Cum magna gestorum copia hic se prodatur, multaque Jurisconsultis discutienda sint relicta, quæ hodie dum magna contentione agitantur.

§. I.

Synopsis Historica Concilii Pisani.

Cum translatio sedis Pontificiæ in Galliam schismati, atque Conciliis, ad hoc tollendum institutis, occasionem dederit, operæ pretium fuerit, rem istam ex altioribus aliquanto principiis deducere.

Post mortem Clementis V. sub quo Concilium Viennense est habitum, quique sedem Apostolicam Roma Avenionem transtulerat, sedes vacavit per duos annos; tum vero electus tandem Lugduni est Joannes XXII. natione Gallus, anno 1316. a quo habemus 20. Constitutiones, corpori Juris insertas; quæ Extravagantes Joannis XXII. nuncupantur.



Extravagan-  
tes Joannis  
XXII.

Memorabilis est constitutio *Execrabilis de praelend. & dignit.* in qua inflatur atque exasperat decreta Antecessorum, statuitque, ut qui plures Dignitates, Personatus, aut Beneficia curata obtinet, unico retento, reliqua intra mensem publice resignet (exceptis Cardinalibus & Regum filiis) alias utrumque perdit, & fit inhabilis ad sacros ordines suscipiendos, & ad quodcunque beneficium habendum.

*Cap. un. de voto & voti redempt.* dicitur, per votum solenne, ordinibus sacris annexum, dirimi matrimonium sequens, non tamen antecedens, licet necdum sit consummatum. Si quis autem durante matrimonio suscipiat sacrum ordinem, sit irregularis; & nisi religionem ingrediatur, matrimonium necdum consummato, compellitur ad matrimonii consummationem per excommunicationem, si uxor petierit.

In *cap. ad Conditorem 3. de Verborum signif.* contra Nicolai IV. aliorumque Pontificum sententiam, in materia ad fidem non pertinente, definit, in rebus usu consumptibilibus simplicem usum facti a dominio earundem rerum esse inseparabilem: adeoque non Ecclesiam Romanam, sed ipsos Fratres Minores habere dominium illarum rerum. In *cap. vero* sequente ut hæreticam reprobatur sententiam, quæ dicit, Christum ejusque Apostolos iis, quæ ipsos habuisse scriptura sacra testatur, utendi, vendendi, donandi non habuisse jus, aut ex ipsis alia acquirendi.

De animarum immortalitate impudenter mentitur Calvinus, eum perperam sensisse. Erroreum tamen aliquando privatim sententiam sustinuit, Lactantii, Irenæi, aliorumque quorundam Patrum fretus auctoritate, animas ante diem judicii non recipi in cælum. Cumque publico decreto opinionem suam vellet firmare, morte præventus, ut inquit ejus Successor Benedictus, perficere illud non potuit; argumento haud obscuro, promissam tot sacris eloquiis providentiam suæ assistere Ecclesiæ, in qua quis unquam Pontificum falsum ex Cathedra dogma proponat.

Imo paulo ante mortem revocavit aperte hanc sententiam, & asseruit, quod animæ purgatæ sint in cælo, & videant Deum facie ad faciem. Ut patet ex ejus epistola 1. quæ existat in *tom. 15. Concil. collect. Coleti*, quin ipse etiam *Ockamus*, propter aliquot errores excommunicatus a Papa, in quem propterea multa calumniose scripserat, aperte fatetur, Joannem esse protestatum, nunquam suæ intentionis fuisse, dicere aliquid contra fidem, &, si aliquid dixisset, se totum revocare. Ex quo apparet, neque ut prius

vatum hominem incidisse in hæresin : cum hæresis non detur sine perti-  
nacia. Taceo, tempore Joannis, quæstionem illam de animarum beati-  
tudine ante diem judicii necdum adeo clare fuisse definitam ab Ecclesia.

Porro Joannes XXII gravissimis discordiis collisus est cum Ludovico  
Barvaro Imperatore, mutuo fulmine tonante utroque, & *Petro Corbario* Mi-  
norita, sub Nicolai V. nomine Antipapa intruso. Qui tamen Cæsare cum  
exercitu ex Italia regresso captus, & ad Joannem Papam Avenionem  
abductus, pœnitens in carcere obiit.

Successor Joannis *Benedictus XII.* ex ordine Cisterciensi assumptus,  
omnium virtutum scientiarumque ornamentis decoratus, definivit, quod  
animæ Sanctorum post ascensionem Christi in cælum sint translatae, &  
transferantur etiamnum ad visionem beatificam, si satis sint purgatæ.  
Censuras in Imperatorem Ludovicum innovavit: ejus vero Successor  
*Clemens VI.* Electoribus persuasit, ut abdicato Ludovico Carolum Bo-  
hemie Regis filium eligerent. Hic Pontifex Avenionem emit a Joanna  
Sicilie Regina. Regem Gallie & Anglie frustra conciliare est conatus.  
Uti etiam Urbanus V.

Hujus denique Successor Gregorius XI. cum videret ditionem Eccle-  
siasticam in Italia undique discerpi, atque tyrannidem passim dominari, <sup>2.</sup> Sedes Ro-  
hortatu S. Catharinæ Senensis sedem Pontificiam, quam Clemens V. <sup>mam redu-</sup>  
Avenionem in Galliam transtulerat, Romam reduxit, postquam 70. <sup>sta.</sup>  
annos sub quinque Pontificibus, qui omnes natione erant Galli, & po-  
tissimum Lemovicenses, Avenione hæserat. Atque hæc res diuturno  
deinceps schismati occasionem dedit. Nam

Gregorio XI, anno 1378. Romæ mortuo, cum Cardinales, majori ex <sup>3.</sup> Electio Ur-  
parte Galli, conclave fuerant ingressi, populus timens, ne si Gallus elige- <sup>bani VI.</sup>  
retur, sedes Pontificia iterum in Galliam transferretur, tumultu per urbem  
concitato, in ipsum conclave violente irrupit, extrema minitans Car-  
dinalibus, nisi Italum eligerent.

Quare illimetu percussus Bartholomæum Prignanum, Neapolitanum, <sup>4.</sup> Electio  
Barrii in Apulia Episcopum, quamvis nec præsentem nec Cardinalem, con- <sup>Clementis.</sup>  
festim eligunt; qui ab Ecclesia acceptatus, & ab ipsis etiam Cardinalibus  
per plures menses ut verus Pontifex agnitus, assumpto *Urbani VI.* nomi-  
ne, ubi Romam venit, severiorem se, quam tempora ferebant, Cardina-  
lium Censorem ac Reformatorem opere ipso est professus: Quo rigore  
adeo sibi illos infensos reddidit, ut Anagninam primum deinde sub prote-  
ctione Joannæ Reginæ Fundos secederent; ubi electione Urbani, tanquam  
metu extorta, declarata irrita, Robertum Cardinalem Gebennensem  
sub nomine *Clementis VII.* elegerunt: Eumque Avenionem in Galliam  
abduxerunt.



5.  
Schisma.

Atque sic ortum est pertinacissimum illud Schisma, quod 50. annis usque ad Concilium Constantiense, & ultra, laceravit Ecclesiam: Pontifice uno Romæ sedente, altero Avenione. Gallis, Neapolitanis, Hispanisque Avenionensi, Italis, Germanis, Anglis, Romano adhærentibus, reliquo orbe in partes distracto: Ac Pontificibus ipsis inter se armis Ecclesiasticis & profanis acriter decertantibus. Docti pariter ibant in partes: Urbanum defendebat Baldus, celeberrimus Jctus, Clementem Abbas a S. Wasto &c. qua occasione cum Joanna I. Regina Neapolis partes Clementis acriter tueretur, Urbanus Regnum Carolo Dyrrachino Joannæ cognato clientelari jure concessit. Illa vero Ludovicum Andegavensem adoptavit, enecata propterea in carcere a Dyrrachino.

Duo Pontifices.

Urbano anno 1389. Romæ mortuo Cardinales Romani suffecerunt *Bonifacium IX.* Neapolitanum, qui *Annatarum* Author dicitur. Clementi vero Avenione defuncto Cardinales Avenionenses subrogarunt *Petrum de Luna*, Hispanum, qui nomen *Benedicti XIII.* assumpsit, & ultra 30. annos pertinacissime apud suos retinuit.

Porro post mortem Bonifacii IX. Cardinales singuli jurato promiserunt, se omnem operam impensuros, ut schisma tollatur, si ad Pontificatum promoverentur, deposituros etiam eundem, si opus fuerit, & Petrus de Luna idem faceret. Hoc igitur promisso obstricti suffecti sunt Bonifacio primo quidem Innocentius VII. & hoc brevi mortuo *Gregorius XII. Angelus Corbarius* antea dictus, Patriarcha Aquileiensis.

Verum cum negotium non procederet, neque *Antonius de Butrio* Jctus celeberrimus ultro citroque Legatus ad resignationem persuadere eos posset, veriti Cardinales, ne partium studiis, & novorum subrogatione in Italia & Gallia Pontificum, nullum Schisma finem acciperet, postquam Gregorium XII. & Benedictum XIII. sæpius sunt hortati, ut alteruter aut ambo Pontificatu se abdicarent, consulturi Ecclesiæ, Concilium Pisæ indixere.

6.  
Concilium  
Pisanum.

Fuerunt in hoc præsentis partis utriusque Cardinales 24. tres Patriarchæ, Alexandrinus, Antiochenus & Hierosolymitanus, 300. Episcopi, cum plurimis aliis Prælati, Religionum Superioribus, Doctoribus, Principum ac Civitatum Legatis, de indubitato capite Ecclesiæ provisuri anno 1409. Præside Cardinale Pisaviensi, Decano Sacri Collegii.

7.  
Alexander  
V.

Citati a Concilio fuere *Gregorius* & *Benedictus*, sed neuter comparuit. Quare tanquam contumaces, Schismatici, & perjuri, condemnati, & Pontificatu depositi sunt: Electusque est in eorum locum communibus suffragiis *Petrus Philaretus*, Mediolanensis Archi-Episcopus ac Cardinalis, ex Ordine FF. Minorum, ex Creta oriundus, vir magna virtute & doctrina (ut adeo immerito reprehendatur maledico calamo. Theodorici a Niem;

a Niem, eidem infenso, quod interdicta ei esset Sacrorum nundinatio, cui sub prioribus Pontificibus in hoc Schismate, tanquam eorum officialis, assueverat) Neo-Electus dictus est *Alexander V.* qui deinceps Concilio præfuit, ejusque decreta confirmavit, tanquam Concilii generalis.

De hoc Concilio disputant DD. an inter approbata aut reprobata sit censendum. Qui inter approbata illud recensent, ea ducuntur ratione, quod, ubi non constat in Schismate, quis verus sit Pontifex, ad Concilium pertineat, se ipsum congregare, & Ecclesiæ de certo capite providere. Atque hinc Alexandrum V. a Concilio electum, tanquam verum Pontificem esse agnitum; ut adeo sequentes ejusdem nominis Pontifices Alexandrum sextum, septimum & octavum se appellarint; majorque Ecclesiæ pars Alexandrum V. ejusque Successorem Joannem XXIII. tanquam veros Pontifices agnoverit. Atque ita fenserunt Ægidius Viterbiensis, Dominicus Jacobatus, Joannes Gerson, omnes Doctores Parisienses, omnesque ferme alii etiam Hispani. Et sane nisi hoc legitimum sit Concilium, & Alexander V. verus Pontifex, etiam Constantiense non erit legitimum, neque Martinus V. verus Pontifex; quod dici non potest.

Alii autem cum S. Antonino Concilium istud tanquam illegitimum rejudicant; eo quod non sit indictum a Gregorio XII. quem verum credunt Pontificem, neque sublatum per illud sit Schisma, sed potius auctum: cum pro duobus postea tres Ecclesia habuerit Pontifices, quolibet eorum Syria trahente sequacium, ut nunc declarabitur. Nam licet pleræque nationes Alexandrum V. agnoscerent, Gregorium tamen adhuc sequebatur Sicilia, cum aliquot urbibus Italiæ; Benedictum vero Aragonia, Castilia & Scotia.

## §. III.

## Synopsis Historica Concilii Constantiensis.

Alexandro V. post decimum Pontificatus mensem Bononiæ defuncto, omnium ferme Cardinalium consensu electus est *Balthasar Cossa*, Neapolitanus, dictus *Joannes XXIII.* qui Electoribus Imperii persuasit, ut *Sigismundum* Bohemiæ ac Hungariæ Regem, Caroli IV. filium ac fratrem *Wenceslai*, eligerent Imperatorem. Princeps iste pientissimus, incredibili pacis unionisque desiderio flagrans, Joannem permovit ad indicendum Generale Concilium Constantiam, ut per illud tolleretur tandem Schisma, & Bohemi Hussitæ ad unitatem Ecclesiæ reducerentur. Quare ut tantum negotium promoveretur, ipse Imperator *Sigismundus*, non tantum Italianam peragravit, litterasque ac Legatos in omnem partem dimisit, sed postea etiam ex Constantiensi Concilio profectus in Galliam, Hispaniam, Angliamque, ut Petri Lunensis pertinaciam frangat, aut saltem ipsi adhaerentes subtrahat, & ad Concilium Constantiam permoveat.

Con-



10.  
Concilium  
Constantien-  
se indicit.

II.  
Fugit,

Deponitur.

Gregor. XII.

Benedictus  
XIII.

12.  
Martinus V.

Convenerunt igitur Constantiæ anno 1414. Patres fere mille : ex quibus 4. Patriarchæ, 300. Episcopi, cum ipso Imperatore Sigismundo & Joanne Pontifice, qui primis duabus Sessionibus præsedit.

Cum autem Joannes videret, graves adversum se accusationes esse paratas, mutato habitu, clam se subtraxit, ope Friderici Archiducis : Quæ res cum Imperatorem in eum concitaret, magnas eidem molestias ac damna attulit.

At Joannes primum Schaffhusium profugus, inde Lauffenburgum, Friburgum, ac Brisacum, ab ipso Friderico & Concilii Legatis reductus, Cellæ, ad inferiorem lacum Acronium oppido, tribus circiter horis Constantia distante, de 60. & ultra criminibus accusatus, a Pontificatu est depositus : approbans ipse sententiam contra se latam ; traditus inde custodiendus Ludovico Electori Palatino, atque per tres annos captivus detentus, primo quidem Heidelbergæ, deinde vero in arce Manheimensi.

Citatus tum a Concilio Gregorius XII. qui comparere initio recusavit ; at dein persuasus a Sigismundo ; *Carolus Malatestam* Legatum misit, qui unanimi Concilii sententia percepta, nomine ipsius renunciavit Pontificatui : quam renuntiationem ipse Gregorius ratam habuit.

Petrus de Luna vero cum nulla ratione flecti posset, & citatus nec per se nec per Legatum compareret, sed pertinaciter tiaræ suæ inhæret, a Concilio est depositus.

In eodem Concilio damnati sunt errores Wicleffitarum, & Hussitarum, eorumque Principes Joannes Hûs & Hieronymus Pragensis exusti.

His omnibus peractis ad electionem novi Pontificis processum. Ut autem eo certius orbis Catholicus consentiret, & schisma penitus extingueretur, consentientibus Cardinalibus decretum a Concilio fuit, ut pro illa vice non soli Cardinales Papam eligerent, sed adjunctis 30. aliis, ita quidem, ut quælibet ex quinque Nationibus nempe Italica, Germanica, Gallica, Hispanica & Anglica, sex Legatos deligeret.

Hi ergo delecti una cum Cardinalibus Conclave ingressi, anno 1417. elegerunt Cardinalem *Columnam*, qui *Martini V.* nomen assumpsit ; quod ipsa die S. Martino sacra esset electus. Huic omnes se subjecerunt tanquam indubitato legitimo Potifici.

Nam Gregorius XII. constitutus a Concilio perpetuus Legatus in Marchia Anconitana, ante Concilii finem obiit. Joannes vero XXIII. e custodia, qua, ne quietem Ecclesiæ ulterius turbaret, detentus fuerat, elapsus, ad Martinum V. Florentiam confugit, atque ad pedes illius se abiecit ; clementissime exceptus : permessa illi Cardinalis dignitate, concessoque Episcopatu Tusculano, cum Decanatu Sacri Collegii : post sex menses mortuus.

Solus igitur Petrus de Luna, qui minimum juris habuerat, (quamvis <sup>13.</sup> S. Vincentius Ferrerius causam ejus justiore initio censuisset, eumque propterea Regi Aragoniæ commendavit) Concilii decretis pertinacissime obstricti perrexit. Is primo Avenione sedit; sed cum Gallia ab eo post Pisenum Concilium defecisset, in Aragoniam profugit ad Ferdinandum regem. Ad hunc ex Constantiensi Concilio usque in Aragoniam profectus Sigismundus. Ubi Lunensis ab utroque Principe multum rogatus, ut Ecclesiæ pacem daret, & exemplum Collegarum secutus judicio Constantiensis Concilii se subiceret, pertinacissime obstitit, sua identidem jura exaggerans.

Cum autem Rex Ferdinandus secessionem ab eo minaretur, clam dilapsus est in Peniscolam, arcem gentis suæ, munitam propugnaculis, militumque suorum præsidio. In hoc angulo reliquam vitæ exegit cum Pontificiis insignibus, septem adhuc annos a Concilio Constantiensi superstes; quamvis ab omnibus suis Cardinalibus, duobus exceptis, desertus.

Sed neque morte ejus omnino extinctum est schisma; nam duo <sup>14.</sup> Cardinales eo moriente adjurati, successorem elegerunt sub nomine Clementis VIII, cui ipse etiam Aragoniæ Rex Alphonsus adhæsit; insensus Martino V. quod is in Ludovicum Andegavensem (cum quo Alphonsus de Neapolitano Regno contendebat) videretur propensior; & Alphonsus Investituram negaret. At Clemens iste, quamvis ad novos creandos Cardinales ac schisma continuandum incitatus ab Aragonio, discordia tamen hunc inter & Martinum Papam composita, meliore usus consilio post aliquot annos se ultro Martino subiecit: Cardinalibus ejus, Othonem Columnam Martinum nempe V. eligentibus. Atque sic tandem schisma per 50. annos continuatum penitus extinctum est.

Altera causa hujus convocandi Concilii, Sigismundo comprimis Imperatori fuit, ut erroribus in Bohemia potissimum grassantibus, occurratur oportuno remedio. Cum enim Joannes Wicleffus, sacerdos Anglus, homo ambitiosus & turbulentus, varias hæreses disseminasset, pluribus libris easdem complexus, multi novandi libidine abrepti venenum hauserunt, præsertim Bohemi, ad quos pestiferi ejusdem libri fuerant delati. <sup>15.</sup> Extinctum schisma.

Pestem auxit Joannes Hus lingua promptus, Presbyter vaser ingenio; & toto corporis habitu ad fallendum opportunus; Qui libros Wicleffi miris encomiis ornat, additis non paucis ex sua penu hæresibus, quas in Synodo generali se defensurum jactabat. Cum igitur hæc lues in dies latius per Bohemiam serperet, invalescente insuper labe simonica, omnem Sigismundus operam impendit, ut collecto Constantiensi Concilio huic etiam Ecclesiæ malo remedium quæreretur.



Examinata in illo Bohemorum nova doctrina a viris multis & doctissimis; Qui apud Wicleffum 45. apud Hussum vero 30. propositiones comprimis perniciosas, notarunt. Wicleffus tanquam hæreticus a Concilio est damnatus, ejusque ossa e sepulchro erui, & concremari iussa. Hussus vero, cum jam sub initium Concilii Constantiam venisset, ut Wicleffi ac suas hæreses coram synodo propugnaret, atque initio Synodo se assensurum simulasset, tum vero ad ingenium rediens erroribus suis pertinaciter infisteret, primum Constantiæ in carcerem datus, dein Episcopo Constantiensi traditus, & in arce Gotliebeni custoditus, tandem a Concilio tanquam hæreticus damnatus, ac vivus exustus est.

Accessit ad idem Concilium *Hieronymus Pragensis*, Hussi socius, cui postulanti fidem publicam dedit Concilium, *salva tamen justitia*, ut aperte synodus addidit. Detestatus est ille quidem initio suam hæresin, ac fidei Catholicæ professionem edidit, sed postea fuga elapsus (qua salvi Conductus jure excidit) sed retractus, atque reversus ad vomitum, debitas sceleris poenas luit, ad rogum pariter condemnatus.

Concilium istud cœptum est 5. Novembr. Anno 1414. & tandem post 4. ferme annos anno 1418. 22. Apr. absolutum 45. sessionibus. Quo tempore Imperator Sigismundus Fridericum Comitem Castellanium seu Burggravium Norinbergensem, ex Domo Zollerana, tradita Brandeburgia, quam ipse prius possederat, Electorem creavit; Comitatus Cliviæ & Sabaudia in Ducatus evexit. Henricum ab Ulm Consulem Constantiensem solenniter *Equitem* dixit. Plures Principes solempni Investitura condecoravit. Cum Friderico Archiduce in gratiam rediit, cui bellum anteindixerat. Necem Præposito Lucernensi illatam est ultus &c.

### §. III.

#### Summa Actorum.

17.  
Via sessionis.

In 1. sessione, post orationem a Joanne XXIII. habitam, lecta est bulla convocationis Concilii. Monitusque Joannes de cedendo Papatu, quod se sponte facturum promisit. *Hæc sola sessio est habita anno 1414.*

In 2. sessione idem promisit cum juramento, si Benedictus & Gregorius idem facerent. Grates propterea egit ei Imperator, pedes ejus exosculatus.

18.  
fuga.

In 3. cum compertum esset, Joannem sub ipsis ludis Equestribus, quæ Fridericus Archidux instituerat, assumpto servili habitu, vesperi clam Schaffhusium, Austriacæ tunc ditionis urbem, profugisse, in Concilio, cui præsedit *Petrus de Alliaco*, Cardinalis Cameracensis, *Franciscus Zabarella*, Cardinalis Florentinus, Patres hortatus est ad perseverantiam: Atque ex decreto synodi promulgavit, Concilium legitime convocatum & inchoatum

choatum, per Papæ discessum non esse dissolutum, nec ab ipso posse dissolvi, aut alio transferri usque ad extinctionem schismatis. Neque licitum esse Prælati sine iusta causa a Concilio discedere. Causas autem a deputatis Nationum esse examinandas. Ipse etiam Sigismundus Imperator urbem obequitans, tumultus, ex fuga illa ortos, compressit. Impediri tamen non potuit, quin Cardinales aliqui, a Joanne evocati, Constantia profugerent: reversi tamen postmodum.

In 4. Præsidente Cardinale Ursino a Zabarella ex Concilii decreto est declaratum, Concilium Generale immediate a Christo habere potestatem, cui quilibet cujuscunque status, vel dignitatis, etiamsi Papalis existat, obedire teneatur in his, quæ pertinent ad fidem & extirpationem schismatum, & ad Generalem Ecclesiæ DEI reformationem in capite & in membris. 19. Concilium supra Pontificem.

Lectæ dein litteræ Joannis ad Imperatorem, in quibus excusat recessum suum a Concilio ob aëris infalubritatem, re ipsa autem, depositionem fugiens, Concilium dissolvere nitebatur.

In 5. Confirmatur decretum de superioritate Concilii supra Pontificem. Verum quoad hoc punctum concilium Constantiense, præterquam quod tunc necdum fuerit plenum, neque a Martino V. neque ab alio Pontifice est confirmatum. Potestque Concilium etiam intelligi de Pontifice dubio loqui, & pro tempore Schismatis, quale tunc erat. Nam pro tali casu dedit Deus Ecclesiæ suæ potestatem providendi de capite certo: Alias nunquam possent tolli Schismata; ut satis ex hoc ipso tam diuturno Schismate apparet.

Quod autem Concilium Constantiense sit locutum de tali casu Pontificis dubii, atque videtur partim ex ipsis circumstantiis temporis, quo tres erant Pontifices adeo dubii, ut sciri non potuerit, quis sit legitimus; partim ex circumstantiis fugæ. Nam Concilium timens ne Prælati dilaberentur, aut plures ad Joannem confugerent, (cum alioquin quidam in controversiam adducerent, an post discessum Joannis Concilium sit integrum) tantum voluit decidere, Synodum non obstante fuga Joannis, Papæ dubii, esse legitimam, habentem a Christo potestatem Ecclesiæ in tali casu & necessitate providendi. 20. Sermo erat de dubio Pontifice.

Quod autem addat, etiam Papam debere obedire Concilio in iis, quæ pertinent ad fidem, intelligi pariter potest de casu Papæ dubii; item de casu, quo Papa inderet in manifestam hæresin, tunc enim possent Cardinales & Episcopi se ipsos congregare in Concilio, & Papam hæreticum deponere, vel potius per hæresin suam excidisse, & a Christo depositum esse declarare, novumque eligere, ut Ecclesiæ necessitati consultatur.

Quod vero PP. Constantienses voluerint, etiam extra hos duos casus, neminem hæresis & Schismatis, Papam certum & indubitatum esse subiectum Concilio, 21. Concilium.



lio, non est credibile. Norant enim viri sapientissimi effata Evangelica, super Petrum edificatam Ecclesiam, non Petrum super Ecclesiam: Petro datas claves Regni Caelorum, cum independente potestate ligandi & solvendi: pro Petri fide specialiter Christum rogasse, Petro demandatum, ut confirmet fratres suos. Petro commissam curam ovilis Christi. Num Pastor oves regat, an oves Pastorem? An desinunt fideles in Concilio esse oves? An desinit Papa in Concilio esse Caput Ecclesie Universalis, Vicarius Christi, quibus eum titulis Oecumenica Concilia solenni definitione honorarunt?

Quis nescit, idem esse tribunal Principis & ejus Vicarii? Princeps Christus, Legitimus Papa ejus est Vicarius in terris: Idem ergo utriusque tribunal. Quodnam altius illo? Peregrina fuerat per 14. Sæcula in Ecclesia illa a Romano Pontifice appellatio, aut saltem a nemine Sanctorum hominum unquam attentata. At a Conciliis ad Papam provocasse quot Sanctos novimus, Athanasios, Flavianos, Chrysostomos, Ignatios &c. aliosque doctrina & sanctorum testimonia viros clarissimos!

Quæ vis unquam Conciliorum in Ecclesia fuit, frequentissimorum licet, quibus auctoritatem negavit Romanus Pontifex? Antiochenum, Mediolanense, Ariminense, Sirmienſe, Ephesinum secundum, Constantinopolitanum sub Copronymo, sat documento sunt. Conciliorum in Asia sub Firmiliano, in Africa sub S. Cypriano in causa baptismi, quæ vis unquam fuit in Ecclesia? Quanta vero veneratio particularium etiam Synodorum, quibus auctoritatem & confirmationem impertivit Sedes Apostolica!

Quot hæreses damnatae a solis Romanis Pontificibus! Nulla a Conciliis sine Pontifice, aut præſente per se vel legatos, aut volente, aut consentiente, aut approbante, vel confirmante.

Et quanta semper veneratio Generalium etiam Conciliorum erga Romanum Pontificem! Quanta Concilii Chalcedonensis erga epistolam Leonis Papæ! hac decernente decreta sunt omnia. Quanta sextæ Synodi erga epistolam Agathoni! Quanta octavæ erga epistolam Hadriani! Os Petri per eas locutum esse, tota acclamarunt Concilia. Præsidebant toti Concilio legati Papæ, licet quandoque nequidem essent Episcopi. Quot Conciliorum protestationes, primam sedem a nemine judicari! Concilium Generale Lateranense quintum diserte & ex professo Sess. II. docuit, solum Romanum Pontificem, tanquam super omnia Concilia auctoritatem habentem, Conciliorum indicendorum, transferendorum ac dissolvendorum, plenum jus & potestatem habere, ex S. Scriptura, dictis SS. PP. atque Pontificum, & ipsorum Conciliorum confessione manifeste constare. Quin in hoc ipso Constantiensi Concilio edita a Martino V. est Bulla, ipso approbante Concilio,

in qua videntur suspecti de hæresi interrogari, an non credant Romanum Pontificem habere supremam potestatem in Ecclesia Dei. At suprema est, qua nulla est major: Cui nulla aequalis. Et cum Poloni ad finem Concilii appellassent ad futurum Concilium, respondit eis Papa Martinus, hanc appellationem esse illicitam; quamvis Papæ contradixerit Joannes Gerson.

In 6. Sess. præside Cardinale Vivariensi, Episcopo Ostiensi; postquam priori Sessione declaratum est, Joannem illegitime Constantia decessisse, tenerique sub pœna depositionis stare promissis & Papatum abdicare, decreta ad eum honorifica legatio, quæ reditum suadeat. At nihil impetratum: Quin ab uno loco in alium profugit, evasurus in Burgundiam, cuius Dux ipsi favebat.

In 7. publicata est citatio Joannis ad Concilium ad novem dies; judicatum etiam de contumacia Hieronymi Pragensis, citati & non comparentis. Is clam Constantiam venerat; ubi intellecta Hussi Magistri sui captivitate schedam affixit Ecclesiæ Cathedrali, in qua se ad defendendam Wicleffi & Hussi doctrinam offerebat, cautione sibi data. Cum autem inde mox aufugiens in itinere Bohemiam versus indignis Concilium probris laceraret, captus Constantiam reductus est, & Hussio in carcere socius additus.

21.  
Hieronymus  
Prag.

In 8. promulgata damnatio 45. propositionum Wicleffi; cum mandato omnes ejus libros & ossa exhumata concremandi.

In 9. decreta rursus citatio Joannis.

In 10. præside Patriarcha Antiocheno Joannes, declaratur contumax. Examinatisque testibus de ejus simonia, aliisque criminibus lata est in eum sententia suspensionis ab omni administratione & functione Ecclesiastica.

In 11. Promotores Concilii ad 60. crimina cum testibus exhibuerunt Synodo. Cumque Joanni, qui interea Cellam erat reductus, essent transmissa, respondit, se illa non negare, quin potius judicio Concilii se totum subicere, cessionem voluntariam Papatus se iterum offerre.

In 12. pronuntiata in Joannem depositionis sententia; qui illico depositis Pontificis insignibus acquievit. Decretumque, ne quis e tribus istis dubiis Pontificibus eligeretur in Papam. Balthasarus Cossa, depositus.  
per Joannes XXIII. Cella Gotliebensis in Arcem, ne rursus elaboretur, & turbas moveret, ductus, donec Elefiori Palatino custodiendus est traditus.

22.

In 13. contra Petrum Dresdensis, & Jacobellum Misnensis, Hussi socios, communionem sub utraque specie, etiam non jejunis distribuere, docentesque communionem sub utraque specie esse necessariam, decretum.

23.

Communio  
sub utraque  
specie.



cretum est, erroneam & hæreticam esse sententiam, asserentem, quod communio sub utraque specie sit omnibus necessaria. Simulque sub excommunicatione prohibitum Sacerdotibus, communionem sub utraque specie populo distribuere. Hanc consuetudinem, tantum sub specie panis Eucharistiam distribuendi non fuisse quidem semper in Ecclesia usitatam; attamen ad multa evitanda scandala, & pericula rationabiliter esse introductam. *Hic ritus cum non ad fidem sed disciplinam tantum spectet, potuit pro variis temporum exigentiis variari in Ecclesia, absque ullo præjudicio doctrinae fidei.*

24.  
Cessio Greg.  
XII. In 14. Gregorius XII. degens Arimini, per Carolum Malatestam coram Concilio abdicavit ultro Papatum; unitique sunt & acceptati utriusque Pontificis Cardinales; vetiti tamen circa electionem novi Pontificis aliquid moliri circa consensum Concilii. Acta autem Gregorii habentur rata a Concilio.

25.  
Hufs exustus. In 15. Joannes Hufs e carcere Gotliebenfi, in quo sæpius examinatus fuerat, productus in Concilium, altoque sedili, ut ab omnibus conspici posset, collocatus, per Henricum de Piro de hæresi accusatus & convictus, cum libris suis & 30. Articulis est condemnatus. Degradatus, relictusque sæculari judicio cum maneret pertinax, cum libris suis ad rogam eductus, flammis est absumptus: cineribus ejus in Rhenum sparsis.

In 16. Actum de persuadendo Petro Lunensi, ut exemplo Cossæ & Corbarii pariter abdicet Papatum.

26.  
Sigismundus in Hispaniam.

In 17. Pientissimus Imperator Sigismundus cum Legatis Concilii ad Regem Aragoniæ, Lunensis fautorem, profecturus, publicis precibus commendatur. Cumque multis itineribus Perpinianum tandem pervenisset, nec Lunensem movere posset, Aragoniæ primum, dein etiam Castellæ, Navarræ ac Portugalliæ Reges ab eo abstraxit: Parisios quoque & Londinum profectus, tum ut Schisma ubique tolleretur, tum ut pacem etiam civilem inter Galliæ & Angliæ Reges componeret. Angelus Corbarius, quondam Benedictus XII. non tantum Cardinalis agnitus, verum etiam perpetuus Legatus a Latere in Provincia Marchiæ Anconitanæ est constitutus.

In 18. Constituti Judices delegati ad discutiendas alias causas ad Concilium pertinentes, reservata tamen Concilio definitiva sententia.

27.  
Pragensis ejurat hæresin.

In 19. Hieronymus Pragensis introductus in Concilium, de hæresi accusatus & convictus, Fidei Catholicæ professione emissâ, ejurat hæresin. Declaratum a Synodo, non obligari Patres per Salvum Conductum, a sæculari potestate hæreticis concessum, si in hæresi pertinaces persistant; quo

quo minus eos punire possint. *Non est hic decisum ( ut Novatores suggillant ) hæreticis non esse fidem datam servandam ab iis , qui eam dederunt , & quo modo dederunt. Concilium illam non aliter dedit , nisi , ut expresse addidit : Salva Jurisdicta , & quantum fides Orthodoxa exigit ; ut patet ex Sess. 6. Sigismundus vero Salvum Conductum dedit , in quantum ad ipsius Jurisdictionem & potestatem* <sup>128.</sup> *secularem pertinuit : præstititque , quantum potuit. Plus neque promisit , neque præstare tenebatur ; ut constat ex Sess. 19. deinde , totum jus Hieronymus amiserit per fugam perfidam , qua elapsus est : quamvis iterum retractus.* <sup>Salvus Conductus.</sup>

In 20. approbata sunt 12. capitula cum Hispanis Narbone constituta : in quibus Concilium promittit, Lunensis Acta habere rata, ipsiusque Cardinales agnoscere. Actum etiam de Controversiis inter Fridericum Archi-Ducem & Episcopum Tridentinum exortis. *Omnes prædictæ Sessiones , excepta prima , sunt habite anno 1415.*

In 21. anno 1416. 30. Maji celebrata Hieronymus Pragensis, relictus in hæresin, quam prius ejuraverat, convictus, & degradatus, relictus est judicio sæculari; a quo ad rogum condemnatus, combustus est, absente adhuc Cæsare. <sup>29.</sup> <sup>Exultus,</sup>

In Sess. 22. introducti Legati Regis Aragoniæ ; Cumque postea etiam Legati Regum Castellæ, Navarræ & Portugalliæ successive accederent , & uni-  
versæ Concilio, quinta Natio, nempe Hispanica, paria cum reliquis suffragia ob-  
tulit. *Quamvis non sine triccis.*

In 23. Lecti 12. Judices delegati in causa Petri de Luna.

In 24. approbata citatio Petri de Luna.

In 25. receptus in Concilium Comes Fuxensis.

In 26. receptus in unionem Rex Navarræ.

In 27. & 28. anno 1417. processum in causa Friderici Archi-Ducis, & Episcopi Tridentini. Magna solennitate exceptus Sigismundus Imperator, ex Hispania redux Constantiam.

In 29. declaratus contumax Petrus de Luna. Novæ nihilominus indultæ dilationes.

In 30. auditi Legati, qui Petrum de Luna convenerant. Laudatus-  
que Rex Aragoniæ, quod se ab illo subtraxerit.

Sessiones 31. 32. 33. 34. consumptæ in variis relationibus circa Lu-  
nensem, ejusque citationes, ac deliberationem circa sententiam definiti-  
vam.

In 35. in unionem receptus Rex Castellæ, cujus Legati tunc primum  
advenerant.

In 36. citatus Lunensis ad audiendam sententiam definitivam Con-  
cilii.



31.  
Deposito.

In 37. lata sententia definitiva in Petrum de Luna contumacem: qua a Papatu deponitur, omnesque fideles ab ejus obedientia absolvuntur.

In 38. absoluti, vel potius absolutione non indigentes declarati, quos Lunensis excommunicaverat.

In 39. statutum, ut post quinquennium rursus celebretur Concilium Generale; ab illo rursus aliud post septennium, ac deinceps singulis decenniis, ad evitanda Schismata &c. *Intentio bona Concilii, sed in praxi impossibilis.*

In 40. statuitur, in quibus Pontifex mox eligendus cum Concilio disciplinam reformare debeat. *Magnam hæc res in Concilio excitavit controversiam: Nationes enim, præsertim Germanica cum Cæsare magnopere contendebant, curiam Romanam, præsertim quoad reservatiores beneficiorum, Annatas &c. esse a Concilio reformandam ante electionem Papæ, Cardinalibus vehementer se opponentibus, eamque reformationem electo jam Pontifice suscipiendam contendentibus. Evicit tandem Cardinalium sententia. Zabarella Cardinalis Florentinus tanto astu pro Cardinalium causa certasse dicitur, ut brevi post in Concilio sit mortuus.*

32.  
Electio Martini V.

In 41. adhuc Præsidente Cardinale Offiensi, post lectam constitutionem Clementis VI. circa electionem Papæ, Cardinales præsentis 20. cum 30. aliis, e quinque Nationibus selectis, conclave sunt ingressi, & tertio post die, nempe 11. Nov. anni 1417. ab iis lectus est *Odo Columna*, dictus *Martinus V.* tunc Subdiaconus. *Qui altero die ordinatus est Diaconus, tertio Sacerdos, quarto Episcopus. Ludi Equestres celebrati.*

In 42. Præsidente jam Martino V. liberantur Sigismundus, & Ludovicus Elector ab onere custodiendi Bathasarum de Cossa, olim Joannem XXIII. quem Martinus ad se duci jubet.

In 43. anno 1418. editæ constitutiones, prout ante fuerat statutum, circa simoniam, dispensationes, decimas, vitam & honestatem Clericorum. *Quamvis plures majorem disciplinæ reformationem requirerent; sed dilata illa ad proximum Concilium.*

In 44. pro futuro post quinquennium celebrando Concilio designata est Pavia a Martino Papa.

In 45. & ultima, cum Pontifex omnia decreta Concilii ad fidem pertinentia confirmasset, finitum est Concilium, cuilibet abeundi concessa licentia. Poloni tamen, non nisi cum protestatione & provocatione ad futurum Concilium discessere, eo quod Pontifex non aperte damnasset libellum quemdam *Joannis Falckenbergii*, in quo plura Polonis eorumque Regi ac Principibus injuriosa scripsisset. Nec satis acquiescebant Petrus de Alliaco, Cardinalis Cameracensis, & Joannes Gerson Cancellarius Academiae Parisinæ (viri doctissimi, qui orationibus, scriptisque in Concilio variis

variis tractatibus magnum nomen sibi fecerant) eo quod, vehementer licet urgerent condemnationem libri *Joannis Parvi*, Theologi Burgundi, de tyrannicidio, obtinere tamen istud non potuerint. Sicut etiam Altiacensis non obtinuit, ut Calendarium a Concilio corrigeretur; quod edito hac super re tractatu urgebat.

## §. IV.

Præcipui errores Joannis Wicleffi, & Hussi, a Concilio damnati.

Wicleffus docuit, panem & vinum manere in Sacramento Altaris; accidentia non manere sine subiecto. Christum non esse realiter præsentem. Episcopum vel Sacerdotem in peccato mortali existentem, non ordinare, consecrare, baptizare valide; Non esse fundatum in Evangelio, Christum ordinasse Missam. Deum debere obedire diabolo: Si homo sit debite contritus, confessionem esse superfluum. Si Papa sit malus, nullam eum habere potestatem. Vivendum esse more Græcorum sine Papa; esse contra scripturam, quod Ecclesiastici habeant possessiones. Non esse excommunicandum Clericum, qui appellat ad Regem. Nullum esse Dominum civilem, nullum Episcopum, dum est in peccato mortali. Dominos temporales pro arbitrio posse auferre bona Ecclesiastica. Malis Prælati non deberi decimas. Speciales orationes uni applicatas non plus prodesse, quam generales; esse excommunicatum, qui Fratribus dat eleemosynam. Per Religionis ingressum fieri quem ineptiorem ad observanda Mandata Dei. Sanctos instituendo religiones peccasse. Religiosos non esse de Religione Christiana. Fratres non debere mendicare, sed labore manuum victum querere.

Simoniacos esse, qui se obligant orare pro aliis, qui eis in temporalibus subveniunt. Orationem præsciti nihil valere. Omnia evenire ex absoluta necessitate. Universitates, studia, Gradus & Magisteria tantum prodesse, quantum diabolus: Excommunicationem esse censuram Antichristi. Ingredients claustra esse viros diabolicos. Ditare Clerum esse contra regulam Christi: Hinc errasse Constantinum Imperatorem. Omnes de ordine Mendicantium esse hæreticos. Papam & omnes Clericos possessiones habentes esse hæreticos. Ecclesiam Romanam esse Synagoram Sathanæ. Decretales epistolas seducere a fide Christi, stultosque esse, qui eis student. Electionem Papæ a Cardinalibus faciendam a diabolo esse introductam; fatuum esse credere Indulgentias: Illicita esse iuramenta, quæ fiunt ad firmandos contractus. Augustinum, Benedictum, & Bernardum esse damnatos, quod habuerint possessiones, & instituerint, atque intraverint Religiones: Et sic a Papa ad ultimum Religiosum

33.  
Errores Wicleffi.



omnes esse hæreticos. Omnesque universim Religiones esse a Diabolo. *Et isti quidem sunt crudissimi errores Wicleffi, hominis ex asse impii.*

34.  
Wicli.

Joannis Hufs vero errores præcipui sunt: Ecclesiam esse universitatem prædestinatorum. Paulum nunquam fuisse membrum diaboli. Præscitos non esse partem Ecclesiæ. Duas naturas, Divinam & humanam esse unum Christum. (*Hæc propositio reprobatur, quia Filius Divinus subsistens in utraque natura est Christus*) Petrum non fuisse Caput Ecclesiæ. Sacerdotes criminosos hoc ipso esse infideles. Papæ dignitatem esse a Cæsare; eum non esse Caput Ecclesiæ: Tradentes Clericum puniendum sæculari potestati esse similes Phariseis tradentibus Christum Pilato. Obedientiam Ecclesiasticam esse inventum Sacerdotum; Vitiosum omnia agere vitiose: Virtuosum vero omnia virtuose. Licitum esse Sacerdoti cuivis prædicare, non obstante quacunque prohibitione. Censuras procedere ab Antichristo.

Papam malum, & præscitum esse diabolum, & ne quidem membrum Ecclesiæ. Papam non debere dici Sanctissimum, etiam secundum officium; alias etiam diabolum debere dici Sanctum; quia est Officiarius Dei. Damnationem 45. propositionum Wicleffi esse iniquam. Nec scintillam esse apparentiæ, quod oporteat esse unum Caput Ecclesiæ. Nullum esse Dominum civilem, nullum Prælatum, nullum Episcopum, dum est in peccato mortali.

Ex quibus apparet, Sectarios istos in pluribus convenire cum recentioribus novatoribus: In pluribus tamen iis esse contrarios, ut proin isti Sectæ suæ originem ad Wicleffitas & Hussitas referre nequeant: Nisi velint effrænem *libertinismum*, ac desperatum *scepticismum* in Religionem suam inducere.

#### §. V.

Origo hæresis Wicleffiticæ & Hussiticæ.

35.  
Imago Wi-  
cleffi.

Caterum Joannes Wicleffus erat Anglus Sacerdos, Doctor Oxoniensis, in qua Theologiam docuerat, homo quanti ingenii, tantæ ambitionis & audaciæ, novitatum amator ingens. Cum Papa ei negasset Episcopatum Vingorniensem, furere in S. Sedem cœpit, ejusque auctoritatem, quacunque ratione posset, extinguere. Occasionem dabat murmur Anglorum adversus nimias Legatorum Pontificiorum exactiones & effusam Cleri vivendi licentiam. Unde extollebat sæcularem potestatem, Ecclesiasticam vero deprimebat: Flabellum hoc esse ratus, quo Magnatum sibi afflaret favonios.

Utque Sanctitatis & severioris disciplinæ imagine magis deciperet, Apostolicum vivendi morem præferens, cum Discipulis suis Angliam nudi-

nudipes percurfabat, reformationem Cleri, purum Evangelium, primitivam Ecclesiam ubique clamans, atque hæresum suarum lolium disseminans.

Gregorius XI. opposuit se equidem surgenti contagio, sed quia Wicleffus haud ingratus melos quibusdam optimatibus cecinit, ipsamque adeo Oxoniensem Academiam peste afflaverat, simulque decipiendi artibus non leviter imbutus esset, curationem facile elusit: præsertim, ubi Gregorio mortuo, turbulento Ecclesiasticæ Reipublicæ statu electus est Urbanus VI. eique oppositus Clemens VII. excitato pernicioso & pertiaci Schismate.

Tum enim vero Wicleffus securus sui, plenas erroribus suis habenas permisit, & voce & calamo in sedem Pontificiam detonans, eo liberius, quo duo Pontifices magis in se ipsos collisos, Richardi vero Regis tenebram ætatem sistendis furoribus minus aptam videbat: eo denique insaniam ac temeritatis prolapsus, ut omnem humanam potestatem protritum iret.

Quo factum, ut plebs, alias ad jugum excutiendum prona, per totam Angliam concitata in seditionem ad ducenta millia adversus Regem & optimates concurreret, *libertatem* undique rebelli fremitu conclamans, Londinumque usque immani rabie grassata, Rege ipso vix furori subtraheretur. 36.  
Tumultus  
ab eo con-  
citati.

En! Pulchros novi Evangelii fructus, in funestum exemplum per Germaniam ituros post Sæculum.

Tandem Rex comparato exercitu rebelles domuit, confessos, dum quæstioni subjicerentur, se deletis Magistratibus, ac nobilitate instituta Democratia, omnes æquales facere intendisse. Wicleffus tamen, sicut postea Lutherus, videri noluit auctor tumultus rusticani. Quasi vero necesse sit inflare tubas, & pulsare tympana ad accendendum Martem plebej, & non sufficiant seditiosæ conciones, & scripta, ostentantia libertatis & effusæ licentiæ spes cupitas.

Reversus ad genium suum in omnem partem versatilem Wicleffus commendare rursus cepit potestatem politicam sacramque deprimere, spe ea fretus, fore, ut hoc pacto apud Regem & optimates gratiam iniret.

At spes eum sua fefellit; expertus enim ordo uterque, quo veteratoris conatus tenderent, ad convellendam videlicet utriusque potestatem, Archi-Episcopo Cantuariensi, totius Angliæ Primati, judicium commisit; qui collecta Londini Synodo Episcoporum, has potissimum quinque Wicleffi propositiones damnavit.

1. Substantia panis materialis & vini post consecrationem manet in Sacramento Altaris.

2. Accidentia in eo non sunt sine subiecto. *Docuerat namque, accidentia non distinguere a substantia.*



3. JESUS Christus in eo non est vere, realiter & corporaliter præsens.

4. Quando homo est contritus, confessio est superflua.

5. Post Urbanum VI. nullus agnoscendus est Papa. Sed exemplo Græcorum propriis vivendum legibus.

37.  
Damnatus in  
Anglia,

Cum autem Wicleffitæ urgerentur ad damnandas istas propositiones, haud aliter se torquebant in sensu illarum detorquendo, ac nostro tempore Jansenistæ in damnandis quinque propositionibus Jansenii: donec tandem utraque potestate conspirante inauspicata hæc lues Regno est exterminata. Wicleffus tamen fato suo obiit: ac nescio, qua ratione contingat, ut tantorum tumultuum ac hæresum auctores cum pace canos suos deducant ad inferos.

Postquam autem Wicleffitæ surrigere in Anglia caput non amplius audebant, Bohemus quidam nobilis, qui Oxonii litteris operam dederat, afflatus lue illa, eandem cum libris Wicleffi Patriæ suæ intulit: In quo adeo grassari coepit, ut pertinaci malo vix amplius remedium videretur reliquum.

38.  
Origo Hussi.  
hæresis.

Sectæ illius Bohemicæ caput se efferebat præcipue Joannes Huss, Sacerdos, acuto ingenio, facundiaque præditus, Regina Sophiae Confessarius, & Academiae Pragenfis Nationis Bohemicæ Procurator. Sed consilii ejus obicem initio posuit hæc ipsa Academia, quæ 45. propositiones Wicleffi damnaverat.

Huss, ut consensum Academiae turbaret, Nationem Germanicam exterminandam duxit, inversis statutis Academicis, quæ Carolus IV. Imperator ac Rex Bohemiæ sanciverat: Hic etenim Princeps Academiam illam ad imaginem Parisiensis a se fundatam constare volebat ex Natione Bohemica & Teutonica: Hæc vero in Polonicam, Saxoniam & Bavaricam est subdivisa: quarum singulæ suum dabant suffragium in omnibus electionibus, honoribus ac collationibus: ita, ut Natio Teutonica tribus gauderet suffragiis, Bohemica vero tantum uno.

39.  
Mutatio Aca-  
demiae Pra-  
genfis.

Hanc rem tanquam indignam Huss proposuit Wenceslao Regi, facileque ab homine inerte, ac Republicam negligente impetravit, ut inversis Parentis statutis, Nationi Bohemicæ tria decernerentur suffragia, uno duntaxat Teutonibus relicto.

Ingentes hæc mutatio turbas excitavit: cumque Wenceslaus Teutonum protestationes rejiceret, ingenti numero Academici discesserunt, tum Erfordiam, tum Lipsiam, ubi ex isto discessu Academia coaluit.

40.  
Artes Hussi.

Hussus votorum potitus, a Bohemis suis, jam solis dominantibus, electus Rector Universitatis, occasionem nactus est errores suos disseminandi: usus ad hoc opera Hieronymi Pragenfis, qui Philosophiam in Academia docebat cum plausu, & Jacobelli Misenfis, qui primus erro-  
rem

rem illum in Bohemiam invexit, necessarium esse, ut Eucharistia sumatur sub utraque specie.

His adjutoribus succinctus libros Wicleffi in Bohemicam Linguam convertit Hussus, uti etiam Sacra Biblia, neque tantum ejus lectionem, sed prædicationem quoque publicam omnibus etiam sæminis, communem esse voluit. Tum vero non serpere sed cursitare ac volitare cœpit error, per tot prædicantium, etiam muliebrium guttura publice proclamatus.

Archiepiscopus Swinko opposuit equidem auctoritatem suam esset licentiæ combustis Hussitarum libris, vetitisque concionibus. At eo paulo post demortuo, sub Albico ruptis repagulis pleno torrente selues effudit, dormitante ignavo Rege, Sophia autem Regina etiam aperte tutela sua protegente Hussum, cui conscientiam suam dirigendam commiserat. Quam alia hæc a prima Wenceslai conjuge! quam alius confessarius!

Atque hinc descenderunt incredibiles illi tumultus, illæ seditiones, cruenta illa bella, cum infanda Divinorum humanorumque confusione. Quæ tum maxime incrementum nata est, cum Joannes XXIII. adversus Ladislaum, Caroli Byrrachini filium, Regem Neapolis, propositis Indulgentiis crucem prædicari jussit. Tum enim tribus Hussitis, qui concionatori publice occlamaverant, Papam esse Antichristum, jussu Regis interfectis, ingens multitudo confluens tumultum concitavit, auctum postea plurimum, ubi Bohemi Joannem Huf Constantiæ combustum audierunt.

## ARTICULUS IX.

### De Concilio Basileensi

#### Pro

*Restauranda disciplina & Unione Bohemorum. Anno 1431.*

### SUMMARIUM.

1. Concilium indictum a Martino V. primo Papam, dein Senas,
2. Denique Basileam.
3. §. I. Synopsis Historica Concilii Basileensis.
4. Eugenius IV. primo ratam habuit indicationem Concilii Basileensis: Deinde
5. vero, cum in Pontificem insurgeret, Bononiam illud transferre decrevit.
6. At resistente Concilio cum Cæsare aliisque Principibus decretum revocavit.
7. Cum autem disceptaretur de loco Concilii pro unione Græcorum, ortum est Schisma.
8. Depositus a Schismaticis Eugenius. Eique oppositus Amedeus.
9. Bohemi ad Concilium.



## §. 2.

## Summa Sessionum.

8. *Basileenses definiunt, Concilium esse supra Pontificem.*
9. *Acta in Eugenium.*
10. *Qui decretum suum revocat.*
11. *Annata non sunt Simoniaca.*
12. *Basileenses nituntur reformare curiam Romanam.*
13. *Schisma inter Patres propter locum Concilii.*
14. *Eugenius transfert illud Ferrariam.*
15. *Acta in Eugenium Præsidente Cardinale Arelatensi.*
16. *Laudata sententia de Immaculata Conceptione B. V. M.*
17. *Amedeus Antipapa.*

## §. 3.

Observatio de Bohemorum Unione, facta in Concilio Basileensi.

18. *Hussitarum rebellio ac furor, duce Zizca, ac dein Procopio.*

19. *Postulata 4. Bohemorum in Concilio.*

20. *Responsum Concilii.*

21. *Argumenta contra usum calicis.*

22. *Concessus tamen Bohemis.*

23. *Disceptatio Bohemorum de Dominio Ecclesiasticorum, & Ecclesiarum.*

24. *Quid iis concesserit Concilium?*

## §. 4.

Observatio circa Sanctionem Pragmaticam Gallorum.

25. *Summa Articulorum hujus Sanctionis.*

26. *Abrogata per concordatum.*

## §. 5.

Crisis de Cardinale Arelatensi, Præsidente Conventu Basileensi.

27. *Si factum non potes, intentionem excusa.*

I.

Concilium Constantiense, ut paulo ante expositum, Sess. 39. decrevit, ut post quinquennium rursus celebretur Synodus Generalis, ad reformandam Ecclesiæ Disciplinam, motusque Bohemicos Hussitarum componendos.

Indictum  
primo Pa-  
pam, tum  
Senas,

Quod Synodale decretum ut executioni daret Martinus V. Papiam designavit in annum 1423. sed cum pestis urbem illam invasisset, Senas Concilium transtulit, ubi habita sessio, in qua Wicleffitarum & Hussitarum hæresis damnata est iterum: Cæptumque de restauranda unionem Græcorum tractari missis a Martino Papa Constantinopolim ad Patriarcham & Imperatorem Legatis.

Verum cum minus opportunum negotio tempus esse responderet Imperator, ac propter imminentes bellorum turbas, metumque ab Alphonso Aragoniæ Rege, Schisma renovante, exiguus Patrum numerus compareret, Martinus V. dissolvit Senense Concilium, aliudque septennio post, anno videlicet 1431, Basileæ celebrandum indixit, prout Constantiæ statutum fuerat.

Quia

Quia autem Concilium Basileense cum Florentino magnam connexionem habet, quin potius in Florentinum fuerit commutatum, haud abs re me facturum existimo, si prius illud breviter exponam.

Denique  
Basileam,

## §. I.

## Synopsis Historica Concilii Basileensis.

Exacto a dissoluta Senensi synodo septennio Martinus V. *Julianum Cesarinum* S. Angeli Cardinalem Diaconum, legatum suum a latere, Concilii Basileensis Praesidem nominavit. Mortuoque ante Concilii initium Martino V. *Eugenius IV.* ejusdem successor indictionem illam ratam habuit, confirmato Juliano Legato suo & Concilii Praeside.

Cum autem anno 1431. magna Praelatorum multitudine Basileam confluente, Concilium ceptum varia in praedictum Sedis Apostolicæ statuere, Eugenius decretum de revocando Juliano & dissolvendo Concilio Basileensi, atque Bononiam transferendo edidit, ut ibi sit commodior locus ineundæ cum Græcis concordiae, ut ferebat.

Huic Eugenii decreto vehementer se opposuerant Basileenses Patres cum ipso Concilii Praeside Juliano asserentes, Concilium legitime congregatum non posse invitum a Papa dissolvi, aut transferri.

Incredibile est, quantas hæc altercatio turbas excitavit; quot accusationes in Eugenium, citationes, condemnationes de contumacia, suspensionis ac depositionis minas, donec tandem anno 1434. Eugenius Papa, adnitente Sigismundo Imperatore, & Carolo VII. Galliarum Rege, decretum de Concilio dissolvendo revocavit, rescissis pariter a Concilio decretis apertius in Pontificem latis.

Cum ecce! triennio post, anno videlicet 1437. nova dissidiorum procella incubuit. Acriter nempe Sess. 25. inter Patres disceptatum fuerat, quis futuro Concilio pro unionem Græcorum designandus esset locus: Parte una, majore ac saniore, ducibus Legatis Apostolicis, Florentiam decernente, altera vero duce Ludovico Alemanno Cardinale Arelatensi, Basileam, vel Avinionem vel Sabaudiam aliquam civitatem, deposcente.

Pars utraque pro sententia sua decretum promulgavit. Ex quo nam inter ipsos Patres Basileenses Schisma: Parte altera se separante ab altera. Eugenius Papa Florentiam statuit, eo quod hæc aptior esset pro Græcis. Perpeffus propterea partis alterius indignissimas minas, citationes, suspensiones attentatas. Quas tamen anathemate in Basileenses reliquias lato retudit, Concilio Ferrariam primum, deinde Florentiam translatum. Unde plerique Episcopi Basilea discessere, remanentibus tantum septem Basileæ cum uno Cardinale.



Amedeus An-  
tipapa.

Ab eo tempore Basileense legitimum esse Concilium desit. Nihilominus tamen aliqui pertinaces per plures adhuc annos conciliabulum illud continuarunt, electo in Præsidentem *Ludovico Cardinale Arelatenſi*, & introductis contra morem Ecclesiæ ob paucitatem Episcoporum multis Presbyteris cum jure suffragii. Aususque est contumax iste manipulus Eugenium legitimum Pontificem deponere, electo, seu verius intruso, in ejus locum *Amedeo* (quem Sigismundus Imperator tempore Concilii Constantiensis primum Sabaudia Ducem creaverat) ex Eremita facto Antipapa, sub nomine *Feliciſ V.* Sess. 39. anno 1439. continuatis etiam eo Præsidente Sessionibus adhuc sex. Dum interim Ferrariæ, ac dein Florentiæ celebratur legitimum Concilium. Donec tandem suo se Felix infelici abdicavit Antipapatu, adnitentibus Friderico Imperatore, & Carolo Gallicæ Rege.

Ubi observare licet paradoxa Amedei fata; ex comite enim Sabaudia factus est Dux anno 1416. ex Duce, Marito, pluriumque liberorum Parente, Eremita 1434. ex Eremita Pontifex 1439. ex Pontifice Cardinalis 1449. ex Cardinale Monachus 1451. quo anno ad stabiliorem in altera vita statum abiit.

7-  
Bohemi.

Multum etiam Concilio huic Basileensi negotium fuit cum Bohemis, qui per Legatos suos præsentibus in omnibus Ecclesiæ se subjecerunt præter usum calicis, quem Concilium ipsis ac Moravis indulgendum censuit.

Licet autem hoc Concilium initio fuerit Generale ac legitimum, utpote ex ordine a Papa indictum & convocatum, cui etiam per Legatum suum præsedit. Evasis tamen Conciliabulum omnino reprobatur a Concilio Lateranensi V. a quo Sess. 11. vocatur *Conciliabulum Schismaticum, seditiosum, & nullius prorsus auctoritatis*: exceptis tamen quibusdam dispositionibus circa Beneficia, quas Pontifex Nicolaus V. amore pacis ratas habuit. Placet nihilominus eruditionis gratia summam Sessionum breviter adstruere.

## §. II.

### Summa Sessionum.

8.  
Concilium  
esse supra  
Pontificem.

In 1. Sessione anno 1431. lectis Bullis Martini V. & Eugenii IV. de Concilio Senis Basileam transferendo constituti Officiales Concilii.

In 2. anno 1432. definitum, Synodum esse legitime congregatam, ac habere majorem Pontifice auctoritatem immediate a Christo.

In 3. repetitur & confirmatur decretum Concilii Constantiensis de superioritate Concilii Generalis supra Papam. Monetur Eugenius, ut ab attentata dissolutione Concilii desistat; citantur etiam Cardinales, puniendi ut contumaces, nisi certum intra tempus compareant. *Ubi notandum*

*mandum, male a Basileensibus allegatum esse decretum Concilii Constantiensis, utpote quod non loquebatur de Pontifice certo ac legitimo, sed de dubio, pro tempore Schismatis, quales tunc erant, existente.*

In 4. prohibetur Papæ, ne extra Concilium novos Cardinales creare, aut eos a Concilio avocare præsumat. Cardinalibus vero vetatur, ne extra Concilium Papam eligant, si Eugenius decederet. Datus salvus conductus Bohemis.

9.  
Acta in Eugenium.

5. Ne præsentibus in Concilio ad curiam Romanam trahi se sinant.

6. Accusatur Eugenii, dissolutionem Concilii non revocantis, contumacia, uti etiam Cardinalium absentium.

7. & 8. Citatur Eugenius ad Concilium sub minis gravibus, nisi intra 60. dies compareat. Lata in eos excommunicatio, qui alio vellent transferre Concilium.

9. Anno 1433. Acta Eugenii adversus Concilium eique adhærentes declarantur irrita.

10. Accusata iterum contumacia Eugenii.

11. Decreta contra Pontificem varia.

12. Ad instantiam Sigismundi data iterum Eugenio dilatio 60. dierum: intra quos nisi obediat, Concilii dissolutionem revocet, & decreta in eo facta approbet, atque legitime inchoatum ac continuatum declaret, ipsum ut contumacem a Papatus administratione suspendunt.

13. Instante Wilhelmo Baviaræ Duce Concilii Protectore, data adhuc Eugenio dilatio 30. dierum.

24. Præscribitur formula, qua Eugenius acta Concilii confirmare, & quæ contra Concilium eique adhærentes dixit, constituitque, revocare & irritare debeat.

15. Quotannis celebretur Concilium Diocesæsanum, & singulis triennis Provinciale.

16. Anno 1434. Eugenius revocat decretum de dissolvendo Concilio, censuras item, suspensiones ac privationes, tribus bullis latas: quas Revocat Eugenius. pariter revocat. Concilium ab initio legitime continuatum, continuatumque porro declarat, ac si nullum unquam decretum dissolutionis manasset. Per hoc tamen nullatenus approbavit acta priora Concilii, neque quanta sit auctoritas illius definit.

17. Præsentibus 5. Legatis Pontificiis, Sigismundo Imperatore, multisque aliis Principibus statuta Sessio proxima. In hac Sessione Prælati, mitras albas in capite gestantes comparuerunt, & Sigismundus habitu Imperatorio.

18. Renovata rursus Constantientia Sess. 4. & 5. decreta (perpetuam intellectam) de superioritate Concilii; adduntque, etiam Papam esse

Pars III.

H h

punien-



puniendum, si non obediat Concilio. *Hoc attentatum rursus alienavit Eugenii animum.*

19. Actum de loco Concilii pro Græcorum unione. Vetita communicatio cum Judæis.

20. Anno 1435. Statutæ pœnæ in concubinos.

21. *Annatæ* pro Beneficiorum collatione, electionum confirmatione, postulationum admittance, aut pro præsentatione datæ reprehenduntur ut simoniacæ; & obrogantur.

II.  
An *Annatæ*  
Simoniacæ.

„ *Verum in hoc, sicut in multis aliis decepti sunt Patres Basileenses, ex zelo forte, sed non secundum scientiam, laborantes falso supposito: Non enim ex-*  
„ *iguntur Annatæ pro collatione, confirmatione aut provisione Benefi-*  
„ *ciali, aut tanquam pretium pro re spirituali, aut spirituali annexa,*  
„ *sed solvuntur ex fructibus Beneficialibus tum in recognitionem supre-*  
„ *mæ potestatis in Ecclesiasticis, quæ in Papa residet (quo sane titulo,*  
„ *supremi nempe dominii, Principibus tributa solvuntur) tum pro su-*  
„ *stentatione tot officialium; quibus summus Pontifex ad regendam uni-*  
„ *versalem Ecclesiam perpetuo indiget: Item ut indigentibus succurrere,*  
„ *fidem propagare, & contra hostes, e. g. Turcas, collato subsidio,*  
„ *possit defendere, atque exules pro fide sustentare. Et quot piæ fun-*  
„ *dationes Nosocomiorum, aliorumque Hospitalium, Seminariorum,*  
„ *Collegiorum, Convictuum, Romæ, in Germania, aliisque Provinciis*  
„ *liberalitate Pontificum erectorum, insigni sane commodo, præsertim*  
„ *Nationis Germanicæ, quæ gaudet suos, etiam Nobiles, in ejusmodi*  
„ *Collegiis gratis sustentari!* „

„ *Deinde Annatæ subrogatæ sunt decimis, quæ a Christianis olim*  
„ *Pontifici solvebantur, utpote cui non minus, quam aliis animarum*  
„ *pastoribus, a fidelibus debetur congrua sustentatio, cum iis omnibus,*  
„ *quæ ad regendam Ecclesiam ei sunt necessaria. Quid igitur sæculari-*  
„ *bus hominibus magis commodum, quam has veluti decimas non a se,*  
„ *sed ab Ecclesiasticis exigi?* „

„ *Neque hæc res nova est, sed Juri Divino etiam veteri confor-*  
„ *mis: Etenim Num. 18. Levitis & Sacerdotibus præcipitur, ut singulis*  
„ *annis decimam decimarum & primitiarum summo Sacerdoti persol-*  
„ *vant. Deinde jus istud annatarum plurimum jam sæculorum usu inva-*  
„ *luit, ut ignoretur ejus initium.* „

„ *Quamvis enim non legatur aperta illarum mentio in Jure Cano-*  
„ *nico ante c. cum nonnullæ in extrav. comm. de præbend. non tamen do-*  
„ *cet constitutio illa Joannis XXII. tunc primum esse impositas anna-*  
„ *tas. Et quidem Joannis tempore omnes fructus vacantium Bene-*  
„ *ficiorum primi anni exigebantur, Bonifacius autem IX. ad me-*  
„ *diam*

diam partem illas postea reduxit. Imo etiam de hac multum remisit Camera Apostolica, ut adeo ex Parochiis & Canonicatibus, licet pinguissimis in Germania nihil sit solvendum, teste Pichler in tit. de præbend.

„ Nulla igitur simoniæ apparentia in annatis illis deprehenditur, nisi dicere quis velit, omne beneficium Ecclesiasticum esse simoniacum, dum præbet fructus temporales pro functione spirituali: Cum beneficium detur propter officium: aut solvere decimas esse simoniacum, quia solvuntur, ut Parochus sustentetur in ordine ad Ecclesiasticas functiones peragendas. Accedit, quod annatæ non debeantur ex pacto, sed ex lege jam antecederet existente tanquam onus reale, fructibus primi anni impositum: quod tam parum est simoniacum, ac, si lex juberet, fructus primi anni Hospitali applicari: aut constituitur super Beneficio aliqua pensio pauperi Clerico, vel alteri Ecclesiæ singulis annis persolvenda. Aut si Episcopus subsidium charitativum, Cathedriticum aut synodaticum, vel Provisiones in Visitationibus exigat. Nempe, qui servit altari, de altari vivat: Et de Operariis Apostolicis Veritas dixit, dignos eos esse mercede sua, si tamen contingeret, ut aliqui officiales Pontificii hac in parte excederent, nequaquam id Pontificem approbare censendum est.“

In sess. 22. damnatus libellus *Augustini de Roma* ex Ord. Eremit. S. Aug. de Christo & Ecclesia; in quo inter alia dicebat, Christum quotidie peccare: *Quamvis de membris ejus, quos cum Capite unum Christum esse dicebat, intelligeret.*

23. Anno 1436. Decreta circa electionem Pontificis lata, variæque ei leges præscriptæ: e. g. ut curiam reformat: immunitatem Ecclesiasticam & Ecclesiæ ditiones protegat: nullum Consanguineum aut affinem, Ducem, aut Marchionem, aut Feudatarium, aut Provinciæ vel urbis gubernatorem constituat. (Hoc statutum occasione querelarum de Condelmerio Cardinale Eugenii nepote, qui gubernatione sua Italos offenderat) Numerum Cardinalium ad 24. redigat, qui sint Theologiæ aut SS. Canonum Doctores.

24. Pactum cum Imperatore & Patriarcha Græcorum per Legatos initum a 10. Episcopis & 23. Abbatibus de Concilio in Occidente celebrando. Datusque salvus conductus pro 700. Græcis. Promulgatæ etiam indulgentiæ plenariæ, pro iis, qui tantum Græcis darent, quantum ipsi una hebdomade absumerent. *Ecce! Indulgentias promulgatas in Concilio, a Protestantibus tot laudibus celebrato.*

25. Anno 1437. Ortum diffidium inter Patres de loco Concilii pro unione Græcorum, parte una cum legatis Pontificiis Florentiam decernente,



nente, parte altera cum Ludovico Cardinale Arelatenſi Baſileam, au Avenionem &c.

13.  
Schisma.

26. Cumque Eugenius pro Florentia pronuntiaſſet, de multis criminibus falſo a parte altera eſt accuſatus: & ad 60. dies cum Cardinalibus iterum citatus.

27. Interdiſta Eugenio Cardinalium electio, & venditio vel opprobratio urbis Avenionenſis, quam in ſubſidium Græcorum vendere eum velle erat ſuſpicio.

14.  
Translatio  
Concillii  
Ferrariam.

28. De contumacia accuſatur Eugenius. Qui Concilium Ferrariam transfert, quo maxima pars Præſulum ſe confert.

29. Pars Baſileæ remanens irritam declarat translationem Concillii, & ſub cenſuris vetat, ne quis Eugenio obediat &c.

30. Anno 1438. declaratur, non ſacrificantes non adſtringi ad Communionem ſub utraque ſpecie.

15.  
Acta in Eugenio præſide Cardinali Alemano.

31. Rejeſtæ appellationes frivolæ ad Romanam curiam. Ne Papa deinceps gratias exſpectativas concedat, nec Beneficia reſervet. Atque ut contumax Eugenius a Papatu ſuſpeditur, adminiſtrationem ad Baſileenſes devolutam decernunt.

Tum vero Cardinalis Julianus reliſto Baſileenſi Conciliabulo Ferrariam ad Pontificem ſe contulit, Præſidem vero Baſileæ agere cœpit Ludovicus Cardinalis Arelatenſis. Qui ſolus ex Cardinalibus contra Eugenium pugnabat, cœpta etiam Neutralitas Germaniæ, quæ ſex annis tenuit.

32. Damnatur Concilium Ferrarienſe cum Eugenio, omneſque, qui ei interſunt, excommunicantur a Baſileenſi ſynedrio.

33. Anno 1439. declarat ſynagoga Baſileenſis, hæreticum eſſe, qui negaverit, Concilium eſſe ſupra Pontificem; aut qui aſſereret, Papam poſſe Concilium, legitime congregatum diſſolvere, aut transferre.

34. Pronuntiatur ab eodem ſynodulo depositionis ſententia in Eugenium Papam, cum graviffimis calumniis.

35. Designata dies electioni novi Pontificis.

16.  
Immaculata  
conceptio.

36. Declaratur pia, ſancta, fidei Catholicæ, rectæ rationi & S. Scripturæ conſona, ſententia de Immaculata Conceptione. Contraria doceri vetita. Ita videlicet confeſſus iſte lucida intervalla inſaniæ ſuæ intercalabat.

37. & 38. Actum de electione novi Pontificis.

17.  
Amedeus.

39. A Cardinale Arelatenſi & 32. viris, ex diverſis Nationibus ad id deputatis, eligitur in Papam Amedeus, Sabaudia Dux.

40. Anno 1440 promulgatur, obtentus tandem, Amedei conſenſus. Cui Feliciſ V. nomen impoſitum.

41. Sententia Eugenii IV. contra Felicem ejuſque ſectarios damnatur.

42. Aſſi.

42. Assignata Felici quinta pars proventuum Ecclesiasticorum.

43. Anno 1441. decernitur festum *Visitationis B. V. Mariæ*.

44. Ab Eugenio privatos Beneficiis restituendos esse decernitur.

45. Anno 1442. Lugdunum decernitur pro futuro Concilio. Verum, ne pertinacia interim remitteret, translato Laufannam Conciliabulo, nihil actum memorabile, nisi quod Felix V. hortatu Friderici Cæsaris ad pacem dandam Ecclesiæ Antipapatu suo se abdicarit, in Ripalliæ suæ regressus solitudinem.

Atque hæc est series sessionum Basileensis turbulenti ac seditiosi conventiculi, monstrosi velut portenti, cujus caput pulchrum in deformem caudam desinebat, vel instar illius ominosæ statuæ in pedes luteos. Videre hic licet, quam difficile, imo impossibile foret, conservare unionem, unitatemque Ecclesiæ sine unitate visibilis capitis, cui membra sint subiecta, atque ad illius præscriptum semoveant. Quo sane ex defectu desperata est apud A catholicos fidei & Ecclesiæ unitas.

### §. III.

Observatio de Bohemorum unionem facta in Concilio Basileensi.

Cum in Concilio Constantiensi Joannes Hufs & Hieronymus Pragenfis essent exusti, Bohemi, quorum partem magnam hæresis infecerat, in iram concitati, anno 1419. sub Duce *Joanne Zisca* collecto 40000. exercitu Sigismundum Regem Bohemia pellunt, eamque immanitate incredibili diripiunt, hæresin Hussiticam late ferro propagantes; quamdiu scilicet Ziscæ superstit vita, quam deinceps quinque annis assiduis coronavit victoriis; *Tabor* urbe in monumentum gloriæ ædificata: Victoriæ tam certus, ut eam etiam cæcus inveniret. Nam utroque orbatus oculo pugnavit, & vicit. Peste tandem periit, patriæ ipse & Religionis pestis vel vincendo.

Sed neque morte ejus finitum bellum, *Procopio*, quamvis non æquo *Procopius*. passu, prosequente victorias; licet signato cruce Germanorum exercitu & Pontifex & Imperator in eos moveret.

Pacis artibus cum belligera fortique gente actum ire facilius rati Basileenses Patres, urgente præsertim Sigismundo Cæsare, ad Concilium mittitis primum, dein legatione etiam honore & charitate plena, Bohemos invitarunt.

Miserunt & ipsi Bohemi, accepta fide publica seu salvo Conductu, sub initium Concilii suos Legatos, pacem & unionem non respuentes: dummodo quatuor in rebus ac articulis ipsis satisfactum fuerit. 1. In concedendo calice. 2. In firmanda doctrina, quod *hominibus etiam privatis publi-*

18.  
Hussitæ res  
belles.  
Zisca.

19.  
Postulata  
Bohemo-  
rum.



*ca scelera plectere liceat. 3. In permittenda libertate cuius prædicandi. 4. In prohibitionem, ne clerici bona temporalia possideant.*

Pro calice peroravit in Concilio Basileensi Joannes Rokizana, Hussita Legationis Princeps, vir versipellis, magnique apud suos nominis, ac postea Pseudo-Archi-Episcopus Pragensis; pro privata punitione scelerum Wenceslaus Taborita; pro libertate prædicandi Widaricus Orphanita seu Orphanorum presbyter; contra Clericorum possessiones Petrus Payne Anglus, Wicleffita: ut adeo ex quatuor Bohemorum Sectis adessent Legati, ac perorarent, Joannem Wicleffum, & Hussum Doctores Evangelicos appellantes.

Responderunt istis totidem Orationibus, per plures dies continuatis, totidem Doctores Catholici; & quidem Rhokizanae de communione sub utraque specie respondit Joannes de Ragusio, Dominicanus: qui cum sæpius voce hæreticorum uteretur, surgens Procopius Doctor Hussitici exercitus, qui inter Legatos aderat, publice conquestus ac protestatus est: Vixque placari poterant.

Taboritam refutavit Ægydius Carlerius, Decanus Cameracensis: Orphanitam Henricus Kalteisen Dominicanus, Petrum Anglicum Joannes Polemarius, Auditor causarum Sacri palatii. Cumque replicantibus rursus Bohemis, præsertim Rhokizana, contra Ragusium sex diebus dicente, disputatio disputationem pareret, nullusque dicendi esset finis, visum est Wilhelmo Bavariae Duci, qui loco Sigismundi, in Italiam profecti, Concilii Protector aderat, unionem amice facilius, quam disputationum contentione iniri posse; frustra omnia. Nam in quatuor illis articulis pertinentes hærebant Bohemi. Et cum Julianus Cardinalis Præses Concilii ipsis diceret, compertum esse, quod in pluribus articulis ab Ecclesiae Catholicae doctrina recefferint, illos proin etiam esse proferendos & examinandos, responderunt, sibi a gente sua plus non esse commissum, quam ut de quatuor illis articulis in Concilio tractandum proponerent.

20.)  
Respon-  
sionis  
Concilii.

Cum igitur nihil cum illis ex sententia succederet, missi sunt cum Bohemis, abitu urgentibus, Legati a Concilio Pragæ, qui humaniter excepti, declarationem quatuor articulorum proposuerunt. Et quoad correptionem quidem scelerum, potestatem puniendi criminosos non ad privatas personas, sed ad eos tantummodo pertinere, qui jurisdictionem in eos habent fori, Juri & Justitiæ ordine observato.

De libertate prædicandi declaratum, quod verbum Dei a Sacerdotibus idoneis, & per Superiores, ad quos pertinet, approbatis & missis, libere, non tamen passim, sed ordinate & fideliter prædicetur, salva auctoritate Pontificis, qui est præordinator in cunctis, juxta SS. Patrum instituta.

3. Quoad possessiones Clericorum, declaratum, Clericos, nullo paupertatis voto obstrictos, posse acquirere & habere quævis bona temporalia, ex hæreditate, donatione, contractu &c. Ecclesias etiam posse habere & possidere bona mobilia & immobilia, Clericos vero horum bonorum fideles administratores esse debere: nec posse ab aliis sine Sacrilegio usurpari.

Bohemi, audita hac Legatorum declaratione dixerunt, se nolle ad eam respondere, nisi prius audirent, quid super articulo de communione sub utraque specie sibi concederetur.

Quare Legati super hoc etiam articulo, quid a Concilio commissum habeant, exponunt: videlicet, consuetudinem generalem Ecclesiæ, quam etiam Bohemi observarint, per longissima tempora hoc habuisse; & habere, quod non conficientes tantum sub specie panis communicent. Hanc consuetudinem ab Ecclesia & SS. PP. rationabiliter introductam non licere pro libitu mutare; Ecclesiam vero ex rationabilibus causis posse concedere, ut etiam Laici sub utraque specie Eucharistiam sumant.

Addiderunt deinde, consuetudinem tantum sub specie panis populo communicandi rationabiliter esse introductam propter duas potissimum causas: nimirum propter periculum erroris & irreverentiæ. Errorem namque fuisse Nestorii: quod sub specie panis sit sola Caro Christi, & sub specie vini solus Sanguis. Ut igitur huic errori obviaretur, & magis imprimeretur fidelium mentibus, sub qualibet specie esse totum Christum, visum fuisse sub una tantum specie ministrari.

Causam alteram fuisse *periculum irreverentiæ*; si enim ministraretur populo sub specie liquida, multa facile posse contingere, tam ex parte ministrantis, quam etiam ex parte suscipientis, quam etiam ex parte speciei vini (quæ ad alterationem magis est disposita) quæ in irreverentiam tanti Sacramenti cedant. Auditum esse, plures in Bohemia contigisse ejusmodi irreverentias, horrore plenas: nec illas in tanto fidelium numero satis caveri posse.

Nihilominus, si Bohemi petitioni calicis pergant insistere, in reliquis vero omnibus ritui universalis Ecclesiæ se conforment, fore, ut Consilium ipsorum Sacerdotibus det facultatem, Eucharistiam etiam sub specie vini populo ministrandi: dummodo sic communicantibus semper dicant, quod firmiter debeant credere, sub specie panis non tantum carnem, & sub specie vini non tantum sanguinem, sed sub qualibet specie integrum Christum esse, ac sumi.

Resumpti deinde a Bohemis sunt tres reliqui articuli. Et quidem pro privata scelerum punitione dicebant, Deum sæpius privatos excitasse ad puniendâ crimina. Responderunt Legati: quando punita fuerunt crimina Divi.

21.  
Contra usum  
calicis.

22.  
Concessus.



Divino mandato, jam non esse punita privata autoritate, sed Divina Verum rem fore plenam periculi, ne quis falso sibi persuadet, se esse constitutum a Deo scelerum vindicem, nisi autoritate publica polleat.

Pro libertate prædicandi objecerunt, quandoque Prælatus ex invidia & malitia prohibere prædicationem boni & idonei concionatoris, sine rationabili causa.

Responsum, pro tali casu prædicatori apertam esse viam appellandi ad superiorem, cujus sit disquirere, an inferior Prælatus juste an vero injuste prædicationem inhibuerit.

23.  
De Dominio  
Clericorum.

Circa quartum articulum interrogarunt Bohemi, an liceat Prælati Ecclesiasticis actus temporalis domini in propria persona exercere?

Responsum a Joanne Polemario, Jcto, uno ex Legatis, aliquos actus posse Prælatum exercere in propria persona, ut vendere, oppignorare, infeudare &c. alios, qui prohibentur sub rubrica, *ne Clerici secularibus negotiis se immisceant*, eos non posse in propria persona exercere; sed exercendos per Oeconomum, vice-dominum aut Procuratorem sæcularem.

Dumque instarent, an potestas disponendi, quæ exerceri debet per Procuratorem, sit apud Prælatum Ecclesiæ? Respondit Polemarius, hanc quæstionem dependere ab alia; penes quem scilicet sit dominium Ecclesiæ, item an actiones sint in persona tutoris vel procuratoris. Varias autem quoad hæc esse DD. sententias, quarum nulla ab Ecclesia sit definita: Relinquere proin se illis optionem, cui sententiæ velint accedere.

Cum tamen urgerent Polemarius, ut suam ipse hac de re sententiam dicat, respondit, suam opinionem esse, quod dominium rerum Ecclesiæ sit penes Christum, & Prælati Ecclesiastici ac Canonici sint tantum administratores, ac instar tutorum: ampliorem tamen eos habere potestatem quam tutores: Oeconomum vero vel Procuratorem constitutum a Prælato habere potestatem delegatam, & exercitium Jurisdictionis. Bohemi reposuerunt, suam pariter sententiam esse, Ecclesiasticos viros tantum esse administratores rerum temporalium Ecclesiæ, non vero dominos.

Ubi miror, nec Polemarius, nec Bohemos distinxisse inter bona, fundos, & res ipsius Ecclesiæ, Monasterii, vel Hospitalis, seu ad Ecclesiam ipsam aut aliam causam piam immediate pertinentes, & inter bona beneficialia, seu fructus, & redditus annuos, ex Ecclesiæ fundis provenientes. Posteriorum dominium pertinet ad ipsos Clericos; ut ad titulum de peculio Cleric. docetur ex Concil. Trid. ex communi sententia DD. persuasione & praxi, ex divisione reddituum Ecclesiasticorum, ex Bulla Cum sicut Julii III. &c.

Dominium vero bonorum ipsius Ecclesiæ, ut fundorum &c. vel est penes Ecclesiam, Monasterium, vel Hospitale, tanquam personam fictam (uti est penes ci-

vita-

ritatem &c.) vel penes totam communitatem Capituli, Collegii, Monasterii, nisi velis cum Palmerio, Innocent. Navar. Donat. &c. dicere, illud esse penes Christum: homines vero esse administratores.

Tandem post multos tractatus, Pragæ, Ratisbonæ, Egræ, Brunæ, ad Albam Regalem in Hungaria, coram Sigismundo Cæsare, denique Iglaviæ in Moravia, eodem Cæsare præsentem, anno 1438. inita est inter Legatos Concilii & Bohemos concordia; promiseruntque isti, se declarationem trium articulorum rezepturos, erecto concordie instrumento, quod *Compactata* vocant.

Missi deinde ad Concilium Basileense novi Oratores, qui confirmationem ab eodem peterent: Ac 1. petierunt pro Regno Bohemiæ, & <sup>24.</sup> Concessa a Marchionatu Moraviæ universim facultatem ministrandi populo Eucharistiam sub utraque specie. Rogant insuper, hoc sibi non concedi ad eum modum, quo olim Judæis propter duritiam cordis est concessus libellus repudii, sed, ut sine peccato, ad consolationem totius Regni, possint uti S. Calice. Concilio.

Respondit Concilium, se non obligari quidem ad compactata illa Legatorum confirmanda, ad pacem tamen & concordiam restaurandam, atque ad quietem Regni Bohemici, rata illa habere; adeoque concedere usum calicis illis, qui petiverint, & quidem tanquam licitum ex hac ipsa speciali concessione Ecclesiæ; sic tamen, ut ad eum invitatus nemo trahatur, aut cogatur. Hæc tamen omnia Concilium speciali Bulla & instrumento declaraturum.

Petunt 2. facultatem, etiam parvulis præbendi Eucharistiam: ut ipse quem usum Bohemia, magnorum SS. DD. Scripturis & exemplis mota, suscepit, & a multis annis exercuerit: alias magnum in populo scandalum atque perturbationem orituram.

Respondit Concilium, quod compactata expresse excludant communionem parvulorum.

Petunt 3. licentiam, Evangelium, Epistolam, & symbolum in Missa vulgari lingua coram populo legendi & cantandi in Ecclesia. Jam olim enim esse Bohemis & Moravis concessum, in lingua Sclavica ista exercere.

Respondit Concilium, etiam hanc petitionem esse expresse contra compactata, in quibus promississent, se excepto usu calicis, omnes ritus Ecclesiæ universalis esse observaturos. Neque in ipsa urbe Pragenfi ante motus istos Bohemicos hoc in usu fuisse.

Petunt 4. ut Concilium providere ipsis velit de Pastoribus animarum idoneis, atque acceptis, ut Joannem de Rokozana in Archiepiscopum Pragensem.



Respondit Concilium, hoc petatum esse æquissimum. Non esse tam consultum, ut Ecclesia Pragensis committatur Magistro Joanni de Rokozana: cum is conatus fuerit compactata convellere, & pacem rursus turbare.

Petunt §. ut ad modum aliarum Universitatum Academia Pragensis reformetur, atque Beneficia aliqua Ecclesiarum Cathedralium & Parochialium eidem annectantur.

Responsum, hoc Concilio curæ fore: aliquas videlicet præbendas designandi, ad quas Universitatis Pragensis Doctores assumi debeant.

## §. IV.

Observatio circa sanctionem Pragmaticam Gallorum.

25.

Sicut Provisiones Beneficiales in Germania, Anglia, aliisque Provinciis, magnas excitarunt controversias, ita etiam in Gallia, colliso non raro Regno cum Sacerdotio; jam anno videlicet 1267. tempore Clementis IV. deinde in Concilio Lugdunensi II. anno 1274. rursus in dissidiis Bonifacii VIII. & Philippi IV. circa annum 1303. denique in Concilio Basileensi.

Cum enim hoc varia decreta contra Romanos Pontifices, eorumque jura ac privilegia condidisset, 38. ejusdem Canones in Catalogum relati, Carolo VII. Francorum Regi fuerunt a Concilio missi. Rex in quodam Conventu Bituricensi anno 1438. eosdem Canones Concilii Basileensis recipit, ac famosa illa Gallorum *Sanctione Pragmatica* firmavit, in senatu Parisiensi promulgata. Cui deinceps Romani Pontifices acriter se opposuerunt. Juvat summatim illius articulos adducere.

26.  
Summa Articulorum.

1. Papa singulis decennis Concilium celebret. Si negligat, Patres suppleant.

2. Basileensis Concilii Autoritas sit perpetua.

3. Prælaturas electivas Papa non reservet, neque Canonicatus, nisi in casibus, in Jure scripto expressis.

4. Electiones sint omnino liberæ.

5. Electionis forma observetur; & electus a Prælatibus confirmetur.

6. Papa huic Sanctioni non deroget. Si faciat, deferatur ad Generale Concilium.

7. Si electio sit irrita, Electoribus altera relinquatur. Electus ab immediate Superiore confirmetur.

8. Generali Synodo etiam Papa obediat, quatenus fides & schismatum abolitio postulat.

9. Concilii decreta a Christo protinus auctoritatem obtinent.

10. Ecclesiis digni præficiantur.

11. Expectativis gratis non sit locus.

12. Be-

12. Beneficia vivo rectore nemini reserventur.
13. In qualibet Ecclesia Episcopali constituatur Theologus.
14. In Beneficiis conferendis præferantur Graduati.
15. Graduati nomina sua offerant.
16. Collatio prima, aliis facta, est nulla.
17. Nemo, quatuor dierum itinere Roma distans, in Jus vocetur Romam, nisi in majoribus causis.
18. Appellatio fiat ad immediate superiorem. Exemptorum vero causam Papa Judici regionis committat.
19. Qui inaniter ante sententiam appellat, 15. florenos pendat, præter litis expensas.
20. Triennalis possessio quæta non amplius turbetur, nisi impedimentum justum obstiterit, quo minus potuerit possessor impeti.
21. Cardinales, sint tantum 24. docti, 30. annorum, legitimis natalibus.
22. De dignitatibus ac beneficiis Ecclesiasticis nihil prorsus, neque annatam, neque primitias Pontifex exigat. Secus irrita est provisio: Et pœna simoniacis debita infligatur. Scribis tantum & Notariis merces solvatur.
23. Res Divina sancte ac devote peragatur.
24. Qui tantum in aliqua horarum est præsens, non fruatur distributione quotidiana.
25. Hoc etiam ad Decanum & Præpositum extendendum.
26. Idem de garrientibus aut deambulantibus in Ecclesia.
27. Insuper unius mensis stipendiis priventur.
28. Tabula officiorum hebdomadalium in Choro sit appensa.
29. Symbolum integrum canatur.
30. Camænæ vulgi in Ecclesia ne canantur.
31. Missa non celebretur sine Ministro, illaque alta voce legatur.
32. Canonici debita non solventes statuto tempore, interdicuntur Divinis, & trimestri stipendio Ecclesiæ.
33. Solennibus diebus nullum celebretur capitulum.
34. Profana facestant ab Ecclesia.
35. Clericus Concubinarius post secundam sanctionis istius promulgationem non respiscens, tribus mensibus fructibus beneficii careat.
36. Hæretici non denunciati non sunt vitandi.
37. Nulli communitati sacris interdicator, nisi per se ipsam, aut per Magistratus suos deliquerit.
38. Non credendum litteris, quibus scribitur, quempiam beneficio suo se abdicasse, nisi testibus id aut documentis idoneis comprobetur.



Hæc sunt capitula Sanctionis Pragmaticæ Gallicanæ, ex Concilio Basileensi prognata. Quamvis autem Rex Carolus ista reciperet ac promulgaret, quoad ea tamen, quæ Conciliabulum egit in deponendo Eugenio Pontifice, noluit consentire, quin imo ad disturbandum illud Conventiculum Ludovicum filium ad fines Basileensem misit, qui cruento prælio Helvetorum copias fudit.

Porro successor Caroli VII. Ludovicus XI. rescidit quidem anno 1462. Sanctionem istam Pragmaticam, (tanquam seditionis & schismatis tempore latam ad infringendam Sedis Apostolicæ authoritatem) urgente Pio II. cui Ludovicus illam rescissionem promiserat, si quiete ad Regnum perveniret. Verum cum Galli Sanctionem Regno admodum utilem dicerent, propter abolitionem appellationum, reservationum Beneficialium, gratiarum expectativarum, ac præsertim Annatarum, per quas multum pecuniæ e Regno esset exportatum, quoties minus ipsis cum Pontifice conveniebat, eandem rursus instaurarunt. Donec anno 1516. illa abrogata inter Leonem X. & Franciscum I. erectum est *Concordatum*; quo sublata electionum libertate concessum est Regi Jus Præsentandi ad Episcopatus & Prælaturas Galliæ, Pontifici vero reservatæ Annatæ, Controversiæ Ecclesiasticæ, ac Jus confirmandi Episcopos & Prælatos sibi a Rege legitime præsentatos.

27.  
Abrogata  
per Concór-  
datum.

Agre hoc concordatum Clerum Gallicanum habuit, eo quod per illud Capitulis sit adempta eligendi potestas, & electis impositum Annatarum onus. Unde Leonem Papam suggillabant, quod Regi coucesserit Spiritualia, sibi vero retinuerit temporalia.

Sed neque ipsi Reges concordatum, quantumcunque sibi favens, integrum semper reliquerunt: quin ultra Sanctionem Pragmaticam & Basileensis decreta est progressus Ludovicus XIV. dum cum Innocentio XI. collisus, anno 1675. Beneficiorum Ecclesiasticorum Collationem, ac perceptionem fructuum ex Beneficiis vacantibus, tanquam *Jus Regale* ac Majestaticum prætendit. Unde magnæ illæ *Regalium* controversiæ, quæ tandem sopitæ: restituto in integrum concordato; agnitumque jus præsentandi ab Ecclesiastica potestate esse cenceßsum: permissæque Pontifici Annatæ.

### §. V.

Crisis, de Cardinale Arelatenfi, Præsidente Conciliabuli Basileensis.

23.

Quæres, quid sentiendum de *Ludovico Alemanno* Cardinale Arelatenfi, Conciliabuli Basileensis post Julianum Cæsarinum Præsidente: qui solus post depositionem Eugenii ex Cardinalibus remansit, acerrimus illius defensor? Ratio dubitandi est, quod *Aneas Silvius*, qui Concilio

cilio Basileensi ipse interfuit, & initio cum eo adversus Eugenium sensit, factus postea Pontifex sub nomine Pii II. in *descriptione Europæ* cap. 42. de Alemanno jam Pontifex sic scribit: *In Arelate ad sepulchrum Ludovici Cardinalis S. Cecilia ejus urbis Episcopi, quem Basilea in consessu Patrum præsentem vidimus, magna miraculorum opinio orta est: Et invalidorum frequens undique concursus spe sanitatis factus.*

Imo Spondanus ad annum 1438. & Odoricus Raynaldus ad annum 1450. testantur, eum, sanctitate & miraculis illustrem, a Clemente VII. in Beatorum numerum esse relatum. Producitque Ciaconius diploma Pontificium de cultu illi deferendo.

Quomodo autem combinari hæc possunt cum iis, quæ Alemannus Basileæ gessit, tanta vehementia ac pertinacia in Eugenium Pontificem, atque ad continuandum tanto tempore Schisma?

3. Referre plurimum, imo unice, an quis bona vel mala fide agat. Sua enim quemque conscientia aut absolvit aut condemnat. Firmilianus in Asia, S. Cyprianus in Africa cum numerosis Conciliis se opposuerunt S. Stephano summo Pontifici in causa baptismi: Concilium Carthaginense 218. Episcoporum, inter quos erat S. Augustinus, Zosimo & Bonifacio Romanis Pontificibus in causa appellationum. Paschasius S. R. E. Diaconus Laurentii Schisma fovit, & tamen post mortem miraculis claruisse dicitur; in Purgatorio tamen errorem luisse, S. Gregorius scribit in Dialogis; & recentiori ætate, Vincentius Ferrerius & Petrus Lutsenburgus, viri sanctimonia celebres, partes Petri de Luna sectabantur: quas Catharina Senensis alique Sancti tanquam Schismaticas averfabantur; bona nempe fide agebant.

Eodem modo in Alemanno Cardinale si factum non potes, intentionem excusa. Alte vir iste animo impresserat sententiam de Superioritate Concilii Generalis supra Pontificem, quam non tantum a multis viris doctis tunc temporis teneri videbat, sed etiam a Concilio Constantiensi Sess. 4. & 5. definitam & a Martino V. confirmatam esse putabat. Cernebat eandem esse sententiam Patrum multorum Basileensium, eandemque bis a Concilio esse latam, atque Eugenium Bullas suas contra Concilium pro ejusdem dissolutione editas revocasse, propter quas rationes censebat, Pontificem etiam legitimum debere obedire Concilio, irritamque esse dissolutionem aut translationem Concilii, Papamque Concilio non parentem posse deponi.

Adhæc magno zelo ducebatur reformandi Ecclesiasticam disciplinam, quam existimabat a Romana curia labefactatam. Unde in ejus reformationem juxta Constantiensis Concilii decreta magna contentione incumbendum esse putabat: sicque fervore indiscreto ultra æquum abreptus, in auctoritatem, Juraque antiquissima Romanæ Ecclesiæ summique Sacro-



rum Antistitis est grassatus; assumpto etiam, cum Prælati dilaberentur, contra morem omnium temporum, magno numero simplicium Presbyterorum, qui sententiam dicerent.

Accedit, quod fortassis de pertinacia sua & male attentatis egerit pœnitentiam, præsertim ubi vidit Amedeum, quem Antipapam creaverat, respiscere, totumque mundum agnoscere Eugenium tanquam legitimum Pontificem. Certe Maimburgius de Magno Schismate Græcorum lib. 6. ad annum 1447. testatur, eum errorem suum pœnitentia eluisse.

## ARTICULUS X.

De Concilio Generali XVI. Florentino,

*Pro*

*Uniendis Græcis cum Ecclesia Latina sub Eugenio IV. & Alberto II. Anno 1438.*

### SUMMARIUM.

#### §. 1.

Synopsis Historica de Græco Schismate post Concilium Lugd. II. denuo instaurato.

1. Status Religionis sub Michæle Palæologo: Qui obit Catholicus.
2. Sub Filio ejus Andronico Seniore reductum antiquum Schisma.
3. Continuum sub Andronico Junior: At non impune, nam Græci a Turcis in majores semper rediguntur angustias.
4. Cantacuzeni infelix tutela.
5. Turcarum ingentes progressus.
6. Joannes Palæologus, Andronici Junioris Filius, frustra a Christianis petit auxilia.
7. At succurrit Tamerlanes:
8. Bajazetis Victor.
9. Manuël, Joannis filius, obit frustra aulas Principum Occidentium pro impetrandis auxiliis.

*Unio etiam religionis frustra tentata.*

10. Joannes Manuëlis Filius ardentius urget unionem cum Ecclesia Latina.
11. Eugenius Papa, & Basileenses, utrique ad se invitant Græcos, missa Legatione.
12. Græci præferunt Legatos Pontificis, atque una cum Imperatore & Patriarcha Ferrariam proficiscuntur.

#### §. 2.

*Acta Concilii Florentini.*

13. Initium Concilii Ferrarie.
14. Frustra expectantur Principes Occidentales propter Conciliabulum Basileense.
15. Græci vehementer impugnant additionem vocis Filioque in Symbolo.
16. Translatio Concilii Florentiam.
17. Dispu-

17. Disputationes de processione Spiritus S.
18. Definitiva sententia.
19. Obiit Florentiæ Patriarcha, omnino Catholicus.
18. Doctrina de Eucharistia,
19. De Purgatorio,
20. Et Primatu Romani Pontificis.
21. Decretum Unionis.
22. Græcorum regressus in patriam.

§. 3.

- Græcorum relapsus & suprema ruina.
23. Obstinatio Marci Ephesini, omnia turbantis,
  24. Et populum concitantis.
  25. Electus Theophanes Patriarcha sanctissimus,
  26. Excommunicatur a reliquis Patriarchis Orientalibus, a Marco circumventis.
  27. Russia etiam obstreperat Unioni.
  28. Cæsar Ladislao Hungariæ Rege, Joannes intepescit in fervore Unionis.
  29. Constantinus Palæologus ejus frater succedit in exilibus Imperii reliquiis.
  30. Contra eum assurgit Mahometes II. ingens belli fulmen.

31. Desperata Græcorum pertinacia.
32. Mahometes biennio obsidet Constantinopolim,
33. Eamque tandem expugnat ac diripit.

§ 4.

Decretum Eugenii IV. in Concilio Florentino pro Armenis unitis.

34. Summa hujus Decreti.
35. Doctrina celebris de Sacramentis.
36. De Baptismo.
37. De Confirmatione.
38. Præsertim de illius materia.
39. An simplex Sacerdos possit esse illius Minister.
40. De Eucharistia.
41. De Pœnitentia.
42. De extrema Unctione.
43. De Ordine.
44. De Contactu physico instrumentorum.
45. De Matrimonio.

§ 5.

De Decreto Eugenii IV. pro Unione Jacobitarum.

46. Summa hujus Decreti.
47. Unio cum Æthiopicis.
48. Concilium translatum Romam.
49. Obiit Eugenii Papæ.

§. I.

Synopsis Historica de Græco Schismate post Concilium Lugd. II. denuo instaurato.

Postquam magnis laboribus unio Græcorum cum Latina Ecclesia in Concilio Lugd. II sub Gregorio X. & Michaelæ Palæologo Orientis Imperatore est confecta, atque in Græcia promulgata, plurimi eandem favebant amplexi: verum cum Martinus IV. homo Gallus, Carolo Andegavensi utriusque Sicilia Regi, usque adeo faveret, ut eundem Michaelæm Imper-

I.  
Status vivente Palæologo.



Imperatorem, unione necdum satis firma, tempore sane importuno, per excommunicationem rursus ab Ecclesiæ societate, tum ante tum post Vesperas Siculas separasset, ejusque Legatos acerbè habuisset, (eo quod cum Rege Aragoniæ & Siculis conspirasse adversus Carolum diceretur) Græci irritati, in Schisma rursus propendebant; relabentibus etiam non paucis. Imperator vero commemorationem Pontificis in Missarum solemnibus equidem prohibuit, in Unione tamen cum Ecclesia Latina ad mortem usque permansit, diskitare solitus, Religionis veritatem agnitam majori sibi esse in pretio, quam ut propter similitudines suas cum Romano Pontifice ab illa deficeret. Imo quoad vixit, Græci non sunt ausi Unionem aperte rumpere. Digna sane constantia, quæ Henrico VIII. Regi Angliæ, aliisque Principibus esset exemplo.

2. SubAndronico seniore. Michaelē vero, præclaro Principe & Imperatore anno 1283. perceptis Ecclesiæ Sacramentis, pie defuncto anno vitæ 58. Imperii 24. successit *Andronicus Filius*, dissimilis omnino Patri juvenis stolidè ferrox, qui illico abjecta, quam Patris metu induerat, larva, Græcorum errores civitate denuo donavit, projecto etiam in profanam scrobem Patris inhonori funere, quod in hæresi Latinorum, ut ajebat, obisset.

Tum vero rupto velut aggere torrentis instar sese effudit Schismatis insania: dejectus Patriarchatu inflexibilis ille veritatis vindex *Joannes Vescus*, in cœnobium primum detrusus, dein in exilium, in quo Martyr pro fide obiit. Pari laude dignus *Manuel Calacas*, qui doctissimos quatuor libros contra errores Græcorum scripsit.

At impune non fuit genti levissimæ impietatis flagitium: Religionis quippe excidium reipublicæ etiam ruinam traxit: ab Occidente & Meridie Genuensibus, Venetis, Pisanis, Catalaunis; a Septentrione Tartaris & Scythiis; ab Oriente Saracenis; in Insulis & Oris maritimis prædonibus; undique vero Turcis incumbentibus, & Imperii decidui artus, nervis incisis, distrahentibus.

Ea enim infausta Andronici fuere tempora, quibus sub initium sæculi decimi quarti ad perniciem Christiani nominis enatum est formidandæ illud potentiæ Imperium Ottomanicum; super ruinas Græcorum fundatum ab Ottomanis seu *Osmanno I.* qui dispersos Turcas sub unam Monarchiam collegit, sub *Sultani*, hoc est, supremi imperantis nomine, & fufis Andronici copiis, ad Bosphorum usque Thracicum promovit victoriam.

3. Subjunior. Sed neque felicior *Andronicus Junior*. Hic etenim, postquam anno 1325. Andronicum seniore, Schismatis instauratorem, avum suum, oculis erutis in carcere coegit contabescere, ad eas a Turcis, ad Hellenum jam tumultuantibus, redactus est angustias, ut missis ad Romanum

num Pontificem ac Christianos Principes Legatis, oblata unione cum Ecclesia, rogarit subsidia. At negotium unionis *Nicephorus Gregoras*, famosus ille Historiæ Bizantinæ scriptor, fraude abruptit, Legatis, quos Pontifex miserat, re infesta redeuntibus.

Defunctus anno 1339. *Andronicus Palæologus Junior*, Filium reliquit *Joannem* novennem puerum, sub tutela *Joannis Catacuzeni*, in quo <sup>4.</sup> *Catacuzenus*. magnæ virtutes cum grandibus vitiis de palma certarent. Is ex tutore factus usurpator Imperii, nil, nisi cassum Collegæ nomen pupillo reliquit. Atque ut magna se parentela domi forisque firmaret, filiam alteram *Joanni Palæologo* pupillo suo, alteram *Orchani Sultano*, *Ottomanni* Filio ac successori, despondit.

Sed neutrum vinculum nexu sat stabili colligare potuit coronam, male usurpatam, quin ea deflueret: genero utroque poscente dotem, pretio grandi nimium staturam Socero. Quippe *Orchanes Hellepontus* <sup>5.</sup> *Turcarum* *progreffus*. trajecto in Europam atque in ipsam adeo *Thraciam* *Turcas* infudit, *Joannes vero Palæologus* anno 1355. gestæ tutelæ rationes deposcens, vitum imperium repetiit, tutore perfido Monasterio incluso, ubi sceptrum cum calamo commutato historias scriberet. Atque hoc pacto

*Joannes*, Princeps optimus, recepit quidem Imperium, aut nomen <sup>6.</sup> *Turcarum* *frustra petit* *auxilia*. *Orchani Filius*, tertius *Turcarum Sultanus* *Adrianopolim* aliasque *Thraciæ* *urbes*, cum *Macedonia & Græcia*, occupavit, *Romam* usque excurrit, exoraturus *Christianorum auxilia*. Verum, licet ejuratis *Romæ Græcorum* erroribus, *Catholicæ fidei* professionem ediderit, anno 1369. subsidiorum tamen nihil impetravit: *Christianis Principibus*, quæ perpetua nostra est calamitas, in se ipsos arma vertentibus, mutuisque cladi-  
bus aperientibus campum, in quo *Christiani nominis hostes* nova semper trophæa defigerent.

Sed cum *Christiani non succurrerent Christianis*, succurrit homo <sup>7.</sup> *Turcarum* *frustra petit* *auxilia*. *gentilis ac barbarus*, a cunis enutritus ad orbis terrarum victorias. *Tartarus* *merlanus* is est, *Scythia origine*, qui miles gregarius duratus inter aspera, ad summum imperium imbutus, subactis *Indis ac Parthis*, *Mesopotamia quoque & Ægypto* sub jugum missis, adversus *Bajazetem*, *Amurathis* *Filium*, quartum *Turcarum Sultanum*, in *Asia & Europa* victoriis lascivientem, movit: Eumque in *Cappadocia* sibi cum immani exercitu occurrentem inaudito prælio victum captumque, aureis vinculis oneratum, caveæ ferreæ inclusit, ac circumvexit; prostratæ superbiæ ingens trophæum; utente Numine hoc flagello in *Turcas*, ut amplius *Græcis* respiciendi spatium concederet.



8.  
Bajazeth.

9.  
Manuel.

10.  
Joannes ur-  
get unionem.

11.  
Duplex Le-  
gatio ad Græ-  
cos.

Hac enim ratione Bajazetes, qui toto Græcorum Imperio occupato, Constantinopolim obsederat, diraque fame jam ferme ad deditionem compulerat, advocatus a Tamerlane, Græcis respirandi tantisper tempus concessit. Quare *Manuel*, Joannis Filius & Successor, qui in Galliam, Angliamque, inter se bello collisas, suppetias impetraturus concesserat, Constantinopolim redux circa annum 1400. negotium unionis serio aggredi cœpit, missis ultro citroque Legatis, de loco Concilii deligendo disceptantibus. Quo tamen in puncto convenire non poterant, Græcis Constantinopolim designantibus, Latinis vero urbem in Occidente de- poscentibus.

Obiit inter istos conatus Manuel Palæologus circa annum 1418. Filius illius *Joannes VII.* Imperio admotus, vehementius urgebat unionem, primum quidem apud Martinum V. Pontificem anno 1430. qui voluit, ut Græci in Concilio, quod Basileam indixerat, comparerent. Cum autem mortuo Martino, Eugenium inter Pontificem, ac Basileense Concilium turbæ illæ, de quibus ante memoratum, essent ortæ, pars utraque Legatos Constantinopolim misit, ac Imperatorem cum Patriarcha, & Episcopis ad se invitavit.

Prævenērunt Legati Basileenses : quare Imperator Basileam Oratores suos misit. Cum quibus rursus de loco Concilii est disceptatum : pars minor, minusque sana, designavit Basileam, aut Avenionem, aut aliquam Sabaudia civitatem : utque sumptus pro itinere 700. Græcorum corrogaret, Indulgentias plenarias promulgavit pro omnibus, qui tantum contribuerent, quantum pro victu unius septimanæ infumendum esset.

Pars altera major & sanior, cum Legatis Sedis Apostolicæ decrevit Florentiam. Huic decreto acceſſerunt Græci, nolentes Alpes transcendere ; igitur Eugenio de necessariis itineris sumptibus providente, pars illa sanior sub nomine Concilii Basileensis misit iterum Constantinopolim Legatos suos, inter quos *Nicolaus Cusanus*, Leodiensis Archidiaconus, & *Joannes de Ragusa*, Generalis Dominicanorum, uterque postea Cardinalis : quibus etiam Papa suos adjunxit, cum triremibus advehendis Græcis destinatis.

Quamvis autem Ecclesia non soleat quæstiones jam definitas disputationi rursus subicere, datum tamen hoc est Græcorum infirmitati, ut promitteretur, ipsis locum & tempus concedendum proponendi in Concilio, quidquid placeret.

Legati tum Eugenii Pontificis, tum veri Concilii Basileensis, amicissime excepti ab Imperatore, qui repudiatis navibus, quas Basileensium pars contumax Avenione Constantinopolim pariter miserat, Eugenii Pontificis naves ingressus est cum Demetrio fratre suo, Patriarcha Josepho, Metro-

Metropolitanis & Episcopis, relicto ad Imperii gubernacula Constantino fratre altero.

Anno 1438. appulsi Venetias summo honore a Duce & Senatu sunt excepti. Ubi Legatus pariter Pontificis, & *Julianus Caesarinus* nomine <sup>12.</sup> Veniunt <sup>Ferrariam.</sup> veri Concilii, ad maiorem Græcorum commoditatem Basilea *Ferrariam* ab Eugenio translati, Imperatorem & Patriarcham salutarunt, Nicolao Estensi, Ferrariæ Marchione, urbem suam ditionemque eisdem offerente.

Digressi igitur Venetiis Ferrariam, omnes Cardinales, pluresque Principes extra urbem habuerunt obvios, a quibus solenni pompa in urbem ad Eugenium Pontificem deducti. Cumque Imperator ad osculum pedum se vellet dimittere, protinus humanissime eum Pontifex sublevatum tenerissimo affectu est amplexus. Peraestis que mutua salutationis officiis ad palatium præparatum Imperator solenni pompa est deductus.

Plus tricarum erat, quibus cæremoniis Patriarcha, qui serius aliquanto Venetiis advenerat, excipiendus esset. Quamvis enim olim omnes Patriarchæ Constantinopolitani, dum res Græcorum adhuc florent, Legatis etiam Pontificiis inferiorem locum ubique occuparent, postmodum tamen, accessit licet rebus, eo usque intumescere eorum animi, ut Romano Pontifici æquales vellent haberi.

Eugenius Pontifex, ne controversiæ ejusmodi cursum negotii sufflaminarent, deferendum, quantumcunque fieri posset, Patriarchæ ratus, quatuor Cardinales & 25. Episcopos cum quibusdam Principibus misit, qui eundem navi egredientem exciperent, atque ad palatium Pontificium deducerent. Quo delatus, ab Eugenio assurgente amplexu ac pacis osculo salutat, atque inde ad sinistram humiliori sede, quali Cardinales uterentur, collocatus.

Invitati a Pontifice petente Joanne Imperatore Christiani Principes; quos dum expectant, selecti interea sexdecim Doctores Latini totidemque Græci, qui in privatis cœtibus, exponendo doctrinam, ac disputando de quinque Articulis controversis, differerent, nimirum *de processione Spiritus S. de additione facta in Symbolo Latinorum. De Purgatorio, & statu animarum ante diem Judicii. De usu Azymorum in Consecratione panis. De primatu & suprema Romanæ Sedis autoritate.*

## §. II.

### Acta Concilii Florentini.

Auspice Deo convenit anno 1438. Ferrariæ Concilium Orbis Christiani, <sup>13.</sup> quale nulla retro ætas viderat, conflatum videlicet ex plurimis Epi. <sup>Initium</sup> scopis Occidentalis & Orientalis Ecclesiæ, cum jure Suffragii; cum in Sy. <sup>Concilii.</sup> nodis, quæ in Oriente fuerant celebrata, pauci adessent ex Occidente, &



in Occidentalibus pauci quidam ex Oriente. Sed & finis tanto Conventu dignus, uniendus videlicet Oriens cum Occidente, ut unum posthac sit ovile & unus Pastor. Præsidentem agebat Eugenius Papa, etiam antequam de Primatu ejusdem esset pronuntiatum ab hac Synodo.

Locus Concilio delectus Ecclesia Cathedralis S. Georgii; in dextro latere collocatus thronus Pontificis, & prope ipsum Thronus Alberti Austriaci (licet absentis) paulo ante in Imperatorem electi, ac deinceps ex illo latere Cardinales, Archi-Episcopi & Episcopi Occidentalis Ecclesiæ, cum Abbatibus, Generalibus Ordinum, ac Doctoribus, partem inferiorem templi complentibus.

Ex parte vero sinistra Græci erant collocati, & quidem primus in Throno, e regione Throni Occidentalis Imperatoris positi, sedebat Joannes Palæologus Orientis Imperator, post eum Josephus Patriarcha, ac deinceps Metropolitæ & Episcopi Græci. Aderant insuper Legati Alexandrinæ, Antiochenæ, & Jerosolymitanæ Ecclesiæ: ut adeo manifeste pateret, a tanto orbis senatu universam repræsentari Ecclesiam: Dum ex una parte viscebantur Eugenius in habitu Papali, Archi-Episcopi & Episcopi, cum ornamentis Pontificalibus & mytris in capite, ex altera parte Imperator cum Patriarcha atque Prælati Græcis diverso omnino habitu ornatis.

In 1. Sessione declaratum est, hanc Synodum esse Oecumenicam, legitime congregatam. Habita Oratio eloquentissima a *Bessarione*, Archi-Episcopo Nicæno, Græcorum doctissimo.

14.  
Exspectantur Principes.

Ab hac Sessione per sex menses expectati sunt Principes aut eorum Legati. At nullus ferme illorum advenit; quia nimirum Imperator Albertus, ac Germaniæ Principes, Reges Galliæ, Castiliæ, Lusitanæ, Navarræ, Dux Mediolani, &c. licet omnes Eugenium ut legitimum Pontificem agnoscerent, putabant non esse Episcopos suos & Legatos Ferrariam mittendos, donec ad concordiam reducerent residuos Basileæ Patres, qui magno æstu ac strepitu adversus Eugenium ac Ferrariensem Synodum tonare ac fulminare perrexerunt.

Altera Sessio, uti etiam subsequentes, non est habita in Ecclesia Cathedrali, sed in magno sacello palatii Pontificii, eo quod Eugenius morbo quodam pedum laboraret. Ordo tamen sedendi, idem. Electi ad disputandum sex ex parte Latinorum, videlicet Julianus Casarinus Cardinalis S. Angeli, qui antea Præfes erat Concilii Basileensis: Andreas Archi-Episcopus Latinus Rhodensis seu Colossensis, ex Ordine S. Dominici: Ludovicus Foroliviensis ex Ordine S. Francisci: Joannes a S. Thoma ex Ordine Eremit. S. August. &c. sex item ex Græcis, tres nempe Metropolitæ, Marcus Ephesinus, Isidorus Rutenus, & Bessarion Nicænus, cum Theodoro Xantopulo Custode S. Sophiæ, Michaële Balsamon, Bibliothecario, & Georgio

Georgio Gemisto. Tum vero Andreas Colossensis Orationem habuit de audibus Papæ, Imperatoris, Patriarchæ totiusque Concilii.

In 3. decretum, Græcos in disputatione habituros partes oppugnandum, ut ipsi petebant, Latinos vero respondentium.

In 4. & 12. sequentibus Sessionibus, Marcus Ephesinus & Bessarion Nicænus vehementer impugnabant additionem illius vocis *Filioque* in Symbolo, omnem additionem a Conciliis & Patribus esse vetitam.

Responderunt Latini, præsertim Andreas Rhodius, qui Marco Ephesino opponeretur, nullam esse proprie loquendo additionem aut mutationem, sed solum explicationem Articuli. Veritatem vero processionis Spiritus Sancti a Patre & Filio probabant etiam ex Patribus Græcis: maxime ex S. Chrysostomi Homil. 38. in Joan. ubi dicit, totum, quod habet Pater, habere Filium, excepta paternitate: afferente ipso Dei Filio Joan. 16. *Omnia quæcunque habet Pater, mea sunt.* Idem ergo Patri & Filio commune est principium Spiritus S.

Explicationes autem seu declarationes Symboli nequaquam esse prohibitas, quo minus autoritate Ecclesiæ eidem inserantur, quando id necessarium videtur ad instructionem fidelium contra exurgentem novam hæresin. Id solum esse vetitum, proponere aliquid Symbolo contrarium, prout Nestoriani tempore Concilii Ephesini inseruerant non autem implicite jam contentum magis declarare. Contineri autem in Symbolo Nicæno implicite processionem Spiritus S. a Filio, dum ait, eum a Patre procedere, cum omnia, quæ habet Pater, habeat etiam Filius, excepta æternitate.

Ab ipsis etiam Conciliis præteritis Nicæno Symbolo complura verba esse addita, ad melius exprimendas contra novos hæreticos veritates fidei, maxime a Synodo II. quæ integras lineas addidit eidem Symbolo, licet Nicænum Concilium prohibuerit Symbolum mutari: in Ephesino etiam adversus Nestorium, aliisque, quin tamen Nicænum Symbolum dictum propterea fuerit mutatum, aut contra prohibitionem priorum Synodorum fecisse posteriores. Solum ergo prohiberi additionem Symbolo contrariam. Imo a Synodo Ephesina appellatum esse Symbolum Nicænum, licet illud recitarit, prout a Constantinopolitano pluribus insertis lineis ad majorem declarationem auctum fuerat. Sicut ergo in Oriente ad extinguendas hæreses ibidem exortas addi potuerit clarior Symboli explicatio, sic etiam in Occidente ad clarius instruendos fideles adversus hæreses ibidem exortas. Neque ignorasse Græcos in pluribus posterioribus Conciliis atque post agitatam etiam a Photio eam controversiam, additionem illam in Symbolo, & tamen Romanæ Ecclesiæ tanquam



matri mansisse unitos: non causam proin Schismatis eam additionem fuisse, sed merum prætextum.

Cum autem Græci allegassent Synodum septimam, contra Iconoclastas celebratam, in cujus Symbolo additio illa necdum contineatur, produxit Julianus Cardinalis vetustissimum manuscriptum Concilii VII. in quo additio illa ab ipsa illa Synodo inserta esse monstrabatur. Et quid neget, posteriori Synodo tantam esse potestatem, quanta est priori?

Dum per 12. Sessiones de hac una additione vocis *Filioque* prolixè disputatur, invasit Ferrariam pestis. Quare partis utriusque consensus in Sess. 16. promulgata est translatio Concilii Florentiam.

16.  
Translatio  
Florentiam.

Igitur anno 1439. Papa, Imperator, Patriarcha omnesque Prælati Florentiam se contulerunt: & quia ibi Concilium istud finitum est, potius Florentinum, quam Ferrariense dicitur.

In Sessione igitur 17. Florentina I. conventum est, ut, cum disputatum Ferrariæ hætenus sit de additione in Symbolo, nunc Florentiæ de ipsa veritate processionis Spiritus S. disceptetur, permissumque Græcis, ut privatam deliberationem & consultationem præmittant.

17.  
Processio  
Spiritus S.

In Sess. 18. inter Marcum Ephesinum, & Joannem Theologum Dominicanum Provincialem Longobardiæ, inchoata est disputatio de processione Spiritus S. a Filio; & per alias quinque sequentes Sessiones continuata. Ubi Joannes Marcum solidissime confutavit, adducto præsertim testimonio S. Basilii ex antiquissimo manuscripto Constantinopoli apportato, quo S. Doctor asserit, Spiritum S. non tantum ex Patre, sed etiam Filio procedere. Ubi simul detecta est perfidia Schismaticorum, qui in suis exemplaribus, quæ producebant, vocem *Filioque* expunxerant.

Tandem cum videret Imperator, Marcum Ephesinum convictum sola amplius pertinacia repugnare, Græcos suos in domum Patriarchæ egrotantis convocavit, proposuitque; cum Latini fateantur, unam tantum esse causam Spiritus S. (ita enim loquebantur Græci, fumentes causam in sensu latiore, nihilque aliud per illam intelligentes, quam nos nomine *principii*) cum putarint ipsi, quod Latini duo distincta statuunt Spiritus S. principia, ideoque in doctrina fidei videantur convenire, id solum esse reliquum, ut una adhuc Sessione argumenta sua proponant, altera dein doctrinam Ecclesiæ Latinæ perciperent, tum vero ad plura Suffragia concluderent.

18.  
Decisio.

Sessione igitur 24. & 25. hoc præstitum. At Marcus Ephesinus, toties in angustias redactus, vel causæ diffusus, vel morbo vero detentus, vel consilio Imperatoris, non amplius comparuit. Quare Joannes Theologus veritatem Catholicam magnis rursus rationum momentis firmavit,

ex S. Scriptura, atque SS. Patrum Orientalium & Occidentalium testimoniis.

Græci post plures deliberationes & consultationes privatas in eam tandem plerique concessere sententiam; cum Latini doceant, Spiritum S. ex Patre & Filio tanquam *uno principio* atque per *unam productionem seu spirationem*, procedere, nihilque aliud intelligant, quam ii Patres, qui dicunt, Spiritum S. a Patre *per Filium* procedere, eorum doctrinam omnino esse orthodoxam; ac proin nihil esse, quod unionem ultra retardet.

Hujus sententia authores, ac fervidi promotores fuerunt *Isidorus*, Metropolita Russiæ, *Bessarion* Metropolita Nicænus, qui postea in Cardinalium numerum ab Eugenio Papa sunt relati. At pertinaciter se opposuit Marcus Metropolita Ephesinus, usque adeo, ut Latinorum de processione Spiritus S. doctrinam hæreticam diceret.

Facta igitur a parte utraque definitio, quod Spiritus S. a Patre & Filio procedat, tanquam unico principio & unica spiratione: & additio *et Filioque*, necessitate tunc in Occidente exigente, rationabiliter sit facta: relicta tamen Græcis libertas, vocem illam symbolo suo inferendi, modo processionem Spiritus S. etiam a Filio credant.

Ad salvandum autem honorem Græcorum declaratum fuit, eos, cum dicerent, Spiritum S. a Patre procedere, non exclusisse processionem a Filio, sed ita locutos, quia existimaverint, Latinos docere, Spiritum S. a duobus principiis distinctis emanare. Latini vero sunt contenti, se nunquam asseruisse duo principia; tum vero mutuo amplexu unionem magno cum gaudio confirmarunt, anno 1439.

*Josephus Patriarcha* paulo ante Florentiæ obierat; scripta tamen in ultimo morbo Fidei Catholicæ professione, se omnia credere, quæ *Catholica & Apostolica Ecclesia Romæ veteris credit: Beatissimum autem Patrum Patrem, summum Pontificem, Romæque veteris Papam, Domini nostri JEsu Christi Vicarium esse.*

Ex dictis hætenus, omnibusque Actis Concilii patet, totam ferme disputationem ac controversiam Græcorum cum Latinis fuisse de processione Spiritus Sancti; de reliquis enim articulis facile conventum. Et quidem de *Primatu* Pontificis peroravit idem Joannes Provincialis Longobardiæ, de *azymis* vero & verbis consecrationis Joannes de *Turrecremata*, Doctor pariter celeberrimus ex Illustrissimo Ordine Prædicatorum.

Circa *Eucharistiam* declararunt Græci, conversionem panis & vini in Corpus & Sanguinem JEsu Christi fieri vi verborum Domini. Quatuor. *Eucharistia*, que ad valorem Sacramenti istius Divinissimi esse necessaria, materiam *eu* panem triticeum, sive *fermentatum*, sive *azymum*: Formam seu verba Christi; Ministrum, rite ordinatum Sacerdotem; Et intentionem Ministri;



stri: hæc Græcos credere, semper credidisse, semperque credituros, additumque, quamlibet Ecclesiam debere juxta consuetudinem suam consecrare; Latinos in *Azymo* pane, Græcos vero in fermentato.

19. **Purgatorium.** Definitum insuper, animas in gratia Dei decedentium, antequam pro peccatis per fructus dignos pœnitentiæ satisfaciant, purgari pœnis *Purgatorii* (non tamen determinando, quales sint pœnæ illæ, aut quis locus) quodque suffragiis fidelium, Missæ sacrificiis, orationibus, eleemosynis, aliisque pietatis operibus juvari possint. Sin autem post baptismum homo decedat absque reatu culpæ & pœnæ, aut a reatu pœnæ sive in corpore, sive extra corpus fuerit sufficienter expurgatus, animam illius illico recipi in cœlum ad visionem beatificam, & gloriam, diversam tamen pro meritis; in peccato mortali vero decedentes damnari ad æternas inferni pœnas, pariter diversas.

20. **Primatus Pontificis.** Decisum denique, quod Sancta Sedes Apostolica & Romanus Pontifex primatu gaudeat in universo orbe; sitque Successor S. Petri Apostolorum Principis, & verus Jesu Christi in terris Vicarius, Pater & Doctor omnium Christianorum, eique plena potestas pascendi, regendique Ecclesiam Universalem sit collata in persona S. Petri a Christo Domino. Secundum a summo Pontifice esse Patriarcham Constantinopolitanum, tertium Alexandrinum, quartum Antiochenum, quintum Jerusalemitanum.

Articuli isti 4. scilicet de processione Spiritus S. a Filio & rationabili additione in Symbolo; de Azymis, de purgatorio, & de primatu Papæ, subscripti sunt a toto Concilio, non tantum Patrum Latinorum, sed etiam Græcorum, & ab ipso Imperatore: solo Marco Ephesino in contumacia persistente.

21. **Decretum Unionis.** Promulgatum deinde decretum unionis ab Eugenio Papa per Bullam, quæ incipit: *Latentur Cæli & exultet terra: sublatus est enim de medio paries, qui Occidentalem Orientalemque dividebat Ecclesiam, & pax atque concordia rediit.*

22. **Reditus Græcorum.** Tum vero Imperator cum Prælati suis reditum in Orientem apparavit, multoque plura beneficia Eugenius eis præstitit, quam promiserat. Nam præter sumptus itineris & triremes ad eos devehendos, trecentos milites eisdem dedit, servituros Imperatori, quamdiu Eugenius viveret, cum duabus triremibus probe instructis & armatis pro defensione Constantinopolis: naves item peregrinos in Terram Sanctam deportaturas Constantinopolim in transitu venturas promisit, quibus uti posset: si indigeret, se missurum 20. naves bellicas ad sex menses, vel 10. ad annum: hortaturum etiam Christianos Principes ad ferenda itinere terrestri subsidia,

Qui-

Quibus recreatus Imperator comitantibus tribus Cardinalibus, magnoque Prælatorum numero anno 1439. finiente Venetias venit, ibique paratas triremes conscendens initio anni 1440. felici navigatione Constantinopolim attigit.

## §. III.

## Græcorum relapsus &amp; suprema ruina.

Eugenius ante abitum Græcorum proposuit, qua ratione agendum cum Marco Ephesino, qui solus frontem obduratam adversus Concilii Obstinatio  
Decumenicid definitiones ostentaret: ejusmodi pertinaciam in nulla toleratam Synodo; in Nicæna Eusebium Nicomediensem a Concilio depositum & a Constantino relegatum, quod Arii condemnationi nollet subscribere. Idem in aliis facitatum. Rem mali fore exempli, si unus, 25.  
oties convictus, omnibus impune insultaret. Marci Ephesini.

Quibus Patres Græci permoti citarunt hominem, ut perviciaciam suam rationem reddat. At ille depositionem veritus, ad Imperatorem con-  
gigit, eumque obsecravit, ne senectutem suam coram Latinis confundi-  
ciatur: se moram tantum rogare, donec in Patriam rediissent.

Assensit Imperator versipellis petitioni, at suo malo. Nam Con- 24.  
stantinopolim redux obstinatus querelis, mendaciisque concitare popu-  
lum non desit adversus Concilium. Habuitque Monachos & Clericos Con-  
citat po-  
pulum.  
træsertim faventes, qui Prælatos Græcos, ad Concilium profectos, tan-  
quam Latinorum mancipia, apostatas, & fidei proditores infectati, unum  
Marcum in cælum laudibus efferebant, tanquam Heroem & Propugna-  
torem invictissimum Græcæ Ecclesiæ.

Restitere initio tumultui, qui Concilio subscripserant, Patres: Ali-  
ui tamen sensim defecere. Inter quos *Antonius Heracleæ* Metropolitæ,  
am Florentiæ a Synodo alienior, *Michael Balsamon*, & *Sylvester Syropulus*,  
qui postea historiam scripsit Concilii Florentini, aut potius Satyram,  
mendaciis, imposturis & calumniis plenam: quam tamen Robertus Creig-  
on Anglus dignam duxit versione Latina & sutelis suis.

Has equidem aliasque calumnias scriptores Græci celeberrimi, qui  
Concilio interfuerant, refutabant, ut *Bessarion*, Gregorius *Protophilax*, &  
Georgius *Scholarius*, postea sub nomine Gennadii Patriarcha: at prava-  
vit apud imperitum vulgus Marci favor, eo usque Clericos concitantis,  
eos, qui unioni subscripserant, tanquam excommunicatos vitarent.

Imperator tamen Concilii decretis insistens ut unionem ubique in- 25.  
duceret, in Patriarcham eligi curavit *Theophanem* Metropolitanum Cyzici, Theophanes  
Patriarcha.  
irum apprimè Catholicum, qui Florentiæ ordine sextus subscripserat.



Hic igitur Patriarcha, munitus & sua & Imperatoris autoritate, omnes ad unionem reduceret, obstinatos Episcopos & Clericos locum movit, eisque Catholicos Pastores surrogavit.

At refrixit Imperatoris fervor; sive quod suos subditos, aut Amurathem Sultanum timeret, qui obliquo oculo unionem illam cum Occidentaliibus initam intuebatur, sive quod mortuo Alberto Imperatore qui bellum adversus Turcas inchoaverat, parum subsidii a Christiani Principibus sperare posset. Quare lenioribus morbo usus remediis, ad disputationes rediit, commisso Bartholomæo Florentino cum Marco Ephesino, non alio operæ pretio, quam ut iste contentionis æstu sanguine effervescente paucos intra dies digno se fato obierit, quia Ariæ æmulo, cui vitam similem duxerat.

26.  
Excommuni-  
catus ab Ori-  
entalibus.

Verum sicut Ariana perfidia cum Parente suo non potuit inferri tumulo, sic neque schisma cum Marci funere. Quin potius vehementius recrudit: dum Patriarchæ, Alexandrinus, Antiochenus & Jerosolymitanus, qui per Legatos suos unioni Florentiæ subscripserant, a Marco aliisque Schismaticis mendaciis, calumniisque decepti, coacto Jerosolymis Synedrio, Metrophanem Patriarcham tanquam hæresis Latinorum fautorem excommunicarunt, atque Synodum Florentinam velut excreandum Conciliabulum condemnarunt, intentata etiam Imperatori excommunicatione, nisi ab unionem desisteret.

Quo metu, Imperatore adhuc magis refrigescente, tam bene cœpta ubique rediere in antiquum chaos, illa duntaxat Cleri Constantinopolitani parte excepta, quæ suum adhuc Patriarcham sequebatur.

27.  
Turbæ in  
Russia.

At non contenti Græci Schismatici, populares suos pervertere, in Moscoviam etiam seditionem propagarunt. Russi etenim, ubi *Isidorus* Kiowæ Archi-Episcopus, ac totius Russiæ Metropolitæ, creatus jam Cardinalis, ac Legatus Apostolicus Decretum unionis promulgare voluit, tanquam fidei proditor, qui Latinis eos vendiderit, a populo captus & in carcerem detrusus est: e quo tamen elapsus, ad majora servandus certamina.

28.  
Cæso Ladis-  
lao.

Quin imo Græci missa etiam ad Hussitas in Bohemiam epistola, eos ad fœdus secum adversus Ecclesiam Romanam ineundum invitarunt. Habent hoc nempe hæreses; diversissimis viis iisque contrariis recedendo a centro veritatis, unionem tamen quærunt, non alio impellente, nisi quia & alii a centro deviant. Catholicorum pro unionem stantium partes adhuc magis sunt accisæ post infaustum illud ad Varnam prælium, in quo ab Amurathe cæso occubuit Ladislaus Rex Hungariæ unacum Juliano Cæsario Cardinale Legato Pontificio, strenuo illo veritatis Catholici Concilio Florentino defensore: Anno 1444.

Tum

Tum enim Imperator, desperatis subsidiis Occidentalium, pacem Joannes cum Amurathe Sultano iniit. Et ne unio cum Latinis alienos Turcas rediret, dissimulavit deinceps omnia, & quoad Religionem Græcos arbitrio suo permisit. Ultimo tamen actu vitæ suæ, curas inter innumeras transactas, Catholicum se probavit, dum paulo ante mortem Metrophani Patriarchæ pientissime demortuo substituit *Gregorium Hierononachum*, qui ipsi a sacris fuerat confessionibus, virum Sanctitatis consummatæ, doctrinæ eminentis, ac pro veritate Catholica, ac decretis Concilii Florentini, quibus ipse etiam Florentiæ præfens subscripserat, adversus Schismaticos ac maxime Marcum Ephesinum, propugnandis zeli singularis. Qui tamen postea insolescente adversus eum Schismate, cum majus cerneret malum remedio, more Apostolico excussio calcibus pulvere, Romam abiit, sancte, ut vixit, obiit.

Devenimus jam ad ultimum Græcorum Imperatorem *Constantinum Palæologum*, Joannis sine prole defuncti fratrem natu proximum. Cui negotium ac bellum domesticum faceffivit *Demetrius* Peloponesi Princeps, frater ætate quidem minor, sed Jure *Porphyrogenitura*, quod nempe patre jam imperatore natus esset, Imperium undique lacarum sibi vendicans. Hoc scilicet malum adhuc deerat fatiscientibus Græcorum rebus, ut certarent fratres, quis prior illas in scopulum fatalem impelleret & altiori ex apice dejectus ruinas cadentis Imperii cumlaret. Quodque adhuc calamitosum magis, ad Amurathem deferendum erat arbitrium, quemnam ex duobus filiis ejus Mahometes Throno deturbaret. Pro Constantino Amurathes *Laudum* tulit: Anno 1449.

At rapuit quinquennio post Filius, quod Pater dederat. Defuncto quippe Amurathe Filius ejus *Mahometes II.* Imperium Ottomannicum occupavit, ingentium spirituum Princeps; in quo natura, industria & fortuna collaborasse sunt visæ, ut humani generis tyrannum formarent. Natura indolem dedit capacem magnarum rerum, audacem, & immensa gloriæ cupiditate tumidam, industria militem, Mathematicum, Historicum, & quinque linguarum peritum fecit. His juncta fortuna duo evertit Imperia, duodecim Regna & ultra ducentas urbes illi subjecit.

Vix folio admotus fuerat anno 1450. cum oculos suos in Imperatoriam Urbem Constantinopolim convertit, hanc unam vastis suis consiliis præ reliquis dignam ratus. Et quamvis fœdus renovaret cum Constantino, non ita tamen perfidos apparatus tegere poterat, quin inter pacis fucata officia tralucerent.

Imparem se videbat tam immani toto pondere incumbenti procellæ Imperator. Unde Sacram ad aram antecessorum suorum more confugiens, auxilia, a Christianis Principibus per Pontificem impetranda, imploravit.



ploravit, prolixè restitutionem unionis pollicitus, si a Turcarum jugo subtraheretur, sibi & Imperio relinqueretur.

*Nicolaus V.* qui Eugenio Papæ successerat, vaticinio calamo rescriptis, post tot violata unionis pacisque fœdera, post tot perfidias, post tot labores, sumptus, culturas steriles, satis esse illud Numini, securim ad radicem positam, excidendam post triennium infructuosam ficulneam, nisi toties speratos, totiesque promissos fructus proferat. Vaticinium eventus comprobavit.

31.  
Pecunia  
Græcorum.

Nam velut olim infelices mortales infami vitæ orbis terrarum diluvio præluserant, & Judæi Jerosolymæ excidio, ita Græculi. Nunquam enim majori insolentia errori suo inhæserant, quam fatali hoc triennio; quo Divina eos expectabat indulgentia. Ex uno facinore discamus reliqua.

Venerat Constantinopolim Isidorus Cardinalis, Legatus Pontificis, deferens decretum unionis, quod Imperator recepit. At cum deinde Isidorus in templo S. Sophiæ Sacris operatus, Papæ & Gregorii Patriarchæ exulis memoriam insereret, instigante Gennadio Pseudo-Patriarcha, una voce civitas impia anathema in Latinos, eisque adhærentes fulminavit: Sophiæ templum profanum habitum: Liturgiæ præsentis communione moti, dirisque omnibus devoti: facessere jussi *Azymitarum*, ut vocabantur, ritus: feminis pariter in furoris partem non segniter venientibus. Accita igitur tanto scelere vindicta invenit urbem maturam excidio. Mahometes namque Sultanus, devicto in Asia Curamane, cum Joanne Hunniade in Hungaria pactus inducias, ad expugnandam Constantinopolim cum valido exercitu se accinxit, eoque gemino, terrestri uno, altero navali, anno 1252.

32.  
Obsidio  
Constanti-  
nopolis.

Longum esset, nec nostri instituti, urbis illius obsidionem, atque expugnationem describere. Biennio ferme illa tenuit, Venetis & Genuensibus Duce Justiniano torpentes Græcorum animos ad strenuam defensionem excitantibus, & fortitudinis memorandæ exemplo præeuntibus. Imperator ipse Princeps plane optimus, & melioribus subditis dignus, nihil omisit in suprema illa calamitate, quod aut ab Imperatore, aut milite posset requiri: donec a Turcis in urbem irrumpentibus est occisus anno 1453. sicque cecidit in manus barbaras urbs Augustalis, nova Roma, tot Imperatorum per undecim & ultra sæcula superba Sedes; a Constantino ædificata, in Constantino sepeliens Majestatem Orientalis Imperii; disponente ita vindice Numine, ut sicut ante annos sexcentos Græci propter Iconoclastarum hæresin amiserunt Occidentale Imperium, ita etiam, propter propudiosum ac pertinax Schisma, Orientale amitterent; suspiraturi deinceps sub jugo barbaræ tyrannidis; ad eam ferme modum, quo Judæi, excisa Jerosolyma, alienis sub Imperiis dispersi squalent.

Con-

Constantinopolis capta triduo direptioni data. Quo tempore nihil crudelitatis barbaræ, furoris, spurcitæ, ac scelerum infandorum omis-<sup>383</sup> Directio. sum est. Tum vero Sultanus, ut pro Imperatore Constantinopolitano se gereret, quietem imperavit, & incolas a laniena superstites, in domos suas edire iussit. Quin etiam Patriarcham more veteri constitui voluit: Obatusque est ei *Georgius Scholarius*, doctissimus Græcorum, ac pientissimus, qui magno fervore Florentiæ pro Unione laboraverat, atque in ea constanter perseveravit, assumpto *Gennadii* nomine, ut dedecus Pseudo-Gennadii, qui ante Patriarchatum invaserat, aboleret.

Magnos illi Sultanus honores detulit; cumque templum S. Sophiæ Turcæ in fanum Mahometanum jam commutassent, assignatum ipsi est templum SS. Apostolorum. Postquam autem quinquennio gentis suæ, Turco jugo pressæ, atque post tot inflicta verbera a Deo perfidiæ vindictæ, adhuc obduratæ, salutis & Unioni cum Sancta Christi Ecclesia, frustra infudasset, abdicato Patriarchatu Monasterium ingressus sancto fine quievit.

## §. IV.

## De Decreto Eugenii IV. pro Armenis.

Græcis anno 1439. Florentia discedentibus, necdum finitum est Concilium Florentinum, sed triennium adhuc tenuit; nam paulo ante discessum Græcorum advenerunt Legati Patriarchæ *Armenorum*, petentes & ipsi unionem cum Romana Ecclesia. <sup>34</sup>

Cumque fidem suam diligenter exposuissent, variis disputationibus, collationibus, mutuisque congressibus probati, decreta tandem est felicitæ eorum unio. Atque ut firmi deinceps in ea persisterent, tradidit eis Eugenius, ut perennem haberent instructionem, fidei velut Synopsin, quam Armeno populo, late per Orientem & Septentrionem diffuso exhiberent. Quod factum sub finem anni 1439. ut adeo illo ipso anno, quo Basileense conventiculum Eugenium Papam deponere attentans ab unione per Schisma se separavit, duæ vastissimæ Nationes, Græcorum & Armenorum ad unionem redierint.

Quamquam autem Instructio illa Armenis data appellari soleat *Decretum Eugenii pro Armenis*: non tamen solus illud confecit, sed ut ipse in eodem Decreto testatur, *Sacro approbante Florentino Concilio*. Nam Græci quoque, qui abitum in Patriam urgebant, hanc unionem cum Armenis approbarunt.

Decreti autem hujus celeberrimi hæc sunt capita, dignissima omnino, quæ hic inferantur, cum clarissime explicant Religionis nostræ, præsertim Sacramentorum, mysteria.



**Summa.**

1. Datur eis fidei Symbolum a 150. Patribus in Oecumenico Concilio Constantinopolitano I. editum, cum additione vocis *Filioque*, declaranda veritatis gratia & urgente necessitate, rationabiliter apposita. Jusque singulis saltem Dominicis & majoribus festivitatis illud in Ecclesiis suis cantare vel legere.

2. Quia Armeni in Eutychianam hæresin erant prolapsi, data fuit eis definitio Concilii Chalcedonenfis, in quinta & sexta deinde Synodo renovata, de duabus naturis in una Christi persona.

3. Definitio de duabus Christi voluntatibus, ac duabus operationibus, in sexto Concilio adversus Monothelitas promulgata.

4. Quia Armeni tanquam Eutychiani tantum tres primas Synodos susceperant, nempe Nicænam, Constantinopol. & Ephesinam, existimantes, Chalcedonensem Synodum cum sequentibus in hæresim Nestorii incidisse, junctum ipsis fuit, ut Chalcedonensem Synodum, contra Nestorii & Eutychis errores habitam, suscipiant, ac reliquas omnes auctoritate Romani Pontificis legitime celebratas.

35.  
Doctrina  
de Sacra-  
mentis.

5. Traditur ipsis doctrina de Sacramentis: videlicet, septem esse novæ legis Sacramenta; quæ multum differant a Sacramentis antiquæ legis. Illa enim non causasse gratiam, sed eam solum per Passionem Christi dandam figurasse: Hæc vero nostra & continere gratiam, eamque digne summentibus conferre. Prima quinque ad spiritualem cujusque perfectionem, ultima duo vero ad Ecclesiæ regimen, & multiplicationem ordinata esse.

Et quidem per baptismum spiritualiter nos renasci; per confirmationem augeri in gratia, & roborari in fide; per Eucharistiæ Divina alimonia nutriri: per Pœnitentiam sanari ab ægritudine animæ per peccatum contracta: spiritualiter etiam aut corporaliter, prout animæ expedit, per extremam unctionem: per ordinem vero gubernari Ecclesiam, & spiritualiter multiplicari; & per matrimonium corporaliter.

Hæc omnia Sacramenta tribus perfici, videlicet rebus tanquam materia, verbis tanquam forma, & persona Ministri, conferentis Sacramentum cum intentione faciendi, quod facit Ecclesia. Quorum si aliquid desit, Sacramentum non perficitur.

Tria ex istis, nempe baptismum, confirmationem & ordinem, quia characterem seu signum quoddam distinctivum indelebile imprimunt animæ, non reiterari, bene vero reliqua quatuor, quæ characterem non imprimunt.

36.  
Baptismus.

Primum omnium esse baptismum, ad salutem necessarium, tanquam vitæ spiritualis januam, per quem membra Christi, ac de corpore Ecclesiæ efficiamur. *Materiam* ejus esse aquam veram ac naturalem, nec inter-

interesse an frigida sit an calida : *Formam vero : Ego te baptizo in nomine Patris & Filii & Spiritus Sancti.* Non tamen negatur, valere etiam istam : *Baptizetur Servus Christi in nomine Patris &c.* Cum enim principalis causa, ex qua virtutem habet, sit SS. Trinitas, Instrumentalis autem Minister, sufficere, si is cum invocatione SS. Trinitatis exprimat actum, quem exercet. *Ministrum* autem Ordinarium esse Sacerdotem, in casu autem necessitatis quemlibet posse baptizare, dummodo servet formam, & facere intendat, quod facit Ecclesia. *Effectum* hujus Sacramenti esse remissionem omnis culpæ originalis & actualis, omnisque pænæ. Propterea nullam Satisfactionem baptizatis imponi, eosque, antequam peccant, morientes, statim ad Regnum Cælorum & visionem Dei pervenire.

Alterum esse *Confirmationem*, cujus *materia Chryisma*, ex Oleo & Balsamo confectum, & ab Episcopo benedictum. *Forma : Signo te signo crucis, & confirmo te Chrysmate salutis, in nomine Patris &c.* *Minister Ordinarius* Episcopus : & cum cæteras unctiones simplex Sacerdos valeat adhibere, hanc non nisi Episcopum debere conferre. Aliquando tamen per Apostolicæ Sedis dispensationem, ex rationabili & urgente admodum causa simplicem Sacerdotem, Chrysmate per Episcopum confecto administrasse confirmationis Sacramentum. *Effectum* illius esse robur Spiritus S. ad constituendum Christi nomen.

## §. V.

## Observatio in hunc Canonem.

Nota, ex hac doctrina Eugenii ortam esse triplicem quæstionem. 1. An Chryisma sit materia necessaria confirmationis, an vero sufficeret etiam oleum simplex sine admixtione balsami ? 2. An Chryisma aut oleum necessario debeat esse benedictum ab Episcopo ? 3. An hoc Sacramentum conferri etiam possit a simplici Sacerdote ?

Ad 1. Respondent Suarez 3. p. D. 34. S. 1. Layman, Bonac, Pirring, alique magni nominis DD. admixtionem Balsami adeoque Chryisma esse omnino necessariam materiam confirmationis, consequenter non sufficere ad valorem simplex oleum. Rationem desumunt ex hoc ipso Decreto Eugenii, in quo dicit materiam confirmationis esse *Chryisma ex Balsamo & Oleo confectum* : Item ex forma : *Confirmo te Chrysmate salutis.* Ad- dunt traditionem & usum Ecclesiæ, ab ipso Apostolorum tempore semper continuatum.

Oppositam tamen sententiam defendunt, Cajetanus p. 3. q. 72. a. 2. Navar. *Man. c. 22. n. 8.* Sotus in 4. dist. 7. q. 1. a. 2. S. v. *confirmatio.* Bar- ros. *De offic. Episc. alleg. 3. n. 3.* ac recentiores Canonistæ cum Schmalz- grue-

37.  
Confirmatio.



38.  
Illius mate-  
ria.

grueber, Pichler &c. ad tit. de Sacra unctione communius. Probantque ex c. *Pastoralis* 1. de Sacram. non iterand. ubi Innocentius III. rescribit, in casu, quo confirmandus non Chrysmate sed oleo tantum inunctus est, non esse aliquid iterandum, sed caute supplendum, quod incaute fuerat prætermisum. Atqui si admixtio balsami esset materia ad valorem necessaria, sicque ad essentiam Sacramenti pertineret, iterari hoc debuisset in dato casu. Sic ut iterari, aut potius vere conferri deberet baptismus, si non fuisset adhibita aqua vera. Confirmant autoritate S. Cypriani epist. 70. S. Basilii de Spirit. S. epist. 27. S. August. l. 5. de bapt. c. 20. & aliorum PP. Chryisma appellantium oleum benedictum, sine balsami mentione.

Ad rationem allatam ex Decreto Eugenii respondent, in eo non tantum contineri ea, quæ sunt de necessitate Sacramenti, sed etiam (ad meliorem Armenorum instructionem) quæ sunt adhibenda ex præcepto. Nomine *Chrysinatis* autem intelligi a PP. etiam oleum benedictum; traditionem autem illam non arguere institutionem Divinam, sed præceptum tantum Apostolicum.

Ad secundam quæstionem, an Chryisma necessario debeat esse ab Episcopo benedictum, respondent affirmative Laym. l. 5. tr. c. 2. n. 3. Conink, D. 2. a. 3. dub. 1. Conclus. 4. Barbos. alleg. 30. n. 6. Henric. l. 3. c. 2. Schmalzgruber ad tit. de Sacra Unct. n. 5. alique. Moventur ex cit. Decreto Eugenii, quod dicit, materiam confirmationis esse Chryisma ab Episcopo benedictum. Confirmant ex usu & praxi Ecclesiæ: quæ nunquam simplici Sacerdoti commisit potestatem conficiendi Sacrum Chryisma, licet dederit potestatem administrandi ipsum Sacramentum confirmationis, ut Gregorius XIII. concessit Patribus Societatis JESU pro Indiis.

Contrariam tamen sententiam tenent, Cajetanus p. 3. q. 72. a. 2. Victoria in Summ. de confirmat. §. 43. Gobat. *Experient. tr.* 2. n. 745. Pichler, ad tit. de Sacra Unct. n. 7. alique. Probantque ex eo, quod possit a Papa delegari simplici Sacerdoti benedictio olei pro extrema unctione, collatio ipsius Sacramenti confirmationis, collatio etiam Minorum Ordinum, quam potestatem multi habent Abbates mitrati, imo etiam Subdiaconatus, & Diaconatus; ut concessum est Abbatibus Cisterciensibus. Schmalzgr. ad tit. de temp. Ordin. n. 35. quare ergo non etiam confectio Chrysmatis, quod videtur esse aliquid minus? Confirmant ex Concil. Tolet. 1. n. 2. ubi prohibetur quidem simplici Sacerdoti confectio Chrysmatis, non tamen pronuntiatur irrita.

Ad rationem allatam ex Decreto Eugenii respondent eodem modo, illud scilicet non tantum assignare ea, quæ pertinent ad valorem, sed etiam

etiam ea, quæ vi præcepti fieri debent. Ulro autem fatentur Authores isti, grave esse præceptum non adhibendi Chryisma, nisi ab Episcopo consecratum: atque in eo præcepto neminem nisi summum Pontificem dispensare posse; nec mala est hic observatio P. Pichler, adversus P. Schmalzgrueber, qui in quæstione priore, an necessario requiratur admixtio balsami, dicit, ex Decreto Eugenii id non probari, quia Eugenius ibi ea etiam enumerat, quæ ex præcepto tantum sunt necessaria: in hac posteriore vero quæstione, an necessario debeat esse benedictum ab Episcopo, eam doctrinam paulo ante traditam subruere; cum responsio ipsius eodem modo pro secunda quæstione pugnet.

Ad usum & praxin objectionem respondent, hoc argumentum mere negativum bonum esse, si de facto sit quæstio, non si quaratur de jure & possibilitate. Multa enim fieri possent; licet non habeantur exempla actorum; certe plures dispensationes non leguntur esse datæ, non tamen sequitur, eas absolute dari non posse. Deinde cum Episcopi non tam facile in remotissimas infidelium solitudines possint transferri, sicut sacrum Chryisma, ab Episcopo benedictum, fuit necessitas dispensandi in eo; ut simplex etiam Sacerdos Sacramentum confirmationis possit conferre, non autem in eo, ut possit uti Chrysmate, ab Episcopo non consecrato.

Ad tertiam quæstionem ratio dubitandi est: quia in Decreto Eugenii dicitur, cæteras unctiones simplicem etiam Sacerdotem posse exercere, hanc autem in confirmatione adhibendam, non nisi Episcopum debere conferre: *Quia de solis Apostolis legitur, quorum vicem tenent Episcopi, quod per manus impositionem Spiritum S. dabant. Loco autem illius manus impositionis in Ecclesia datur confirmatio* (hoc est, quod tunc dicebatur manus impositio, postea appellatum est confirmatio: ita, ut non alius fuerit ritus, sed alius modus loquendi.)

Sed respondetur: Decretum sufficienter se ipsum declarat, dum addidit: *legitur tamen, aliquando per Sedis Apostolicæ dispensationem ex rationabili & urgente admodum causa, simplicem Sacerdotem Chrysmate, per Episcopum consecrato, hoc administrasse confirmationis Sacramentum.* Unde quando dicit, quod hanc unctionem non nisi Episcopus debeat conferre, id intelligitur de necessitate præcepti, non autem Sacramenti.

39.  
An simplex  
Sacerdos Mi-  
nister?

## §. VI.

## Continuatio Decreti.

Oergit deinde Decretum Eugenii ad tertium Sacramentum, nempe Eucharistiæ, cujus materia est panis triticeus, & vinum de vite, cui ante consecrationem modicissima aqua admisceri debet. (Ecce! Hic

40.  
Eucharistia.

Pars III.

M m

rursus.



turnus Decretum assignat aliquid, quod non est necessarium ad valorem Sacramenti nempe aquam, sed tantum præcepto præscribitur; ut adeo sine admixtione aquæ consecratio sit illicita, non tamen invalida) addit autem, aquam admisceri, quia Christus eam admiscuisse creditur ex PP. testimonio. Et quia conveniens Passionis Dominicæ repræsentationi: quia sanguis & aqua ex Christi latere profluxit: tum etiam ad ostendendum effectum, nempe unionem populi Christiani cum Christo: nam per aquam populum intelligi, per vinum Sanguinem Christi. Denique allegat usum perpetuum Latine & Græcæ Ecclesiæ, allato etiam testimonio S. Alexandri Papæ & Julii quare etiam Armenis Sacerdotibus deinceps hunc ritum observandum esse.

*Forma hujus Sacramenti sunt verba Salvatoris: Sacerdos enim in personam Christi hoc conficit Sacramentum. Nam ipsorum verborum virtute, substantia Panis in Corpus Christi, & substantia Vini in Sanguinem convertuntur: ita tamen quod totus Christus sub specie Panis, & totus sub specie Vini: sub qualibet quoque parte Hostiæ consecrata, & Vini consecrati, separatione facta, totus est Christus. Nota: Christus equidem jam ante separationem partium est in qualibet parte Hostiæ consecrata, hoc tamen Eugenius noluit definire: unde ait: separatione facta.*

*Effectum hujus Sacramenti ait esse unionem cum Christo per augmentum gratiæ, omnemque effectum, quem materialis cibus & potus quoad vitam agunt corporalem, Divinum illum cibum animæ operari quoad vitam spiritualem.*

41.  
Pœnitentia.

Quartum Sacramentum est Pœnitentia: Cujus quasi materia sunt tres *Actus Pœnitentis, cordis nempe contritio, qua doleat de peccato commissum, proposito non peccandi de cætero; deinde oris confessio, qua peccata tor omnia peccata, quorum memoriam habet, Sacerdoti confiteatur integraliter. Denique satisfactio pro peccatis secundum arbitrium Sacerdotis: quæ præcipue fit per Orationem, jejunium & eleemosynam. (Et iterum partem integram Sacramenti assignatam, nempe Satisfactionem, quæ ad valorem non requiritur.)*

*Forma hujus Sacramenti sunt verba Absolutionis: Ego te absolvo &c. Minister est Sacerdos, habens auctoritatem absolvendi, vel ordinariam, vel ex commissione Superioris. Effectus absolutio a peccatis.*

42.  
Extrema  
Unctio.

Quintum Sacramentum est *Extrema Unctio, cujus materia est oleum olivæ, per Episcopum benedictum. Nulli tamen conferri debet, nisi infirmo, de cujus morte timetur; qui ungendus est in oculis, auribus, naribus, ore, manibus, pedibus & renibus. (Neque hic unctio omnium præ-*

radictarum partium pertinet ad substantiam Sacramenti. Ino renum inundatio in  
eminiis consultius omittitur.)

Forma est hæc: *Per istam unctionem & suam piissimam misericordiam in-  
ulgeat tibi Dominus, quidquid per visum &c. Minister est Sacerdos. Effe-  
tus mentis sanatio, & in quantum expedit, etiam corporis. Prout  
romulgavit Jacobus c. 5.*

Nota. *Etiam oleum infirmorum ex commissione Pontificis posse a simplici  
acerdote benedici.*

Sextum Sacramentum est *Ordinis*, cujus materia est illud, per cujus  
traditionem confertur Ordo: Sicut *Presbyteratus* traditur per calicis cum 43.  
ino, & patenæ cum paneporrectionem. *Diaconatus* per dationem libri Ordo.  
vangeliorum. *Subdiaconatus* per traditionem calicis vacui, cum patena  
acua superposita: Et sic alii Ordines per rerum ad ministeria sua perti-  
entium assignationem.

„ Nota. *Quæri hic solet, an requiratur contactus physicus horum in- 44.  
strumentorum*: Certum autem est 1. Graviter peccari omittendo con- De contactu  
tactum physicum. 2. Non requiri, ut ordinandus tangat Hostiam physico.  
aut Vinum immediate. 3. Non requiri contactum eo momento,  
quo Episcopus ordinans profert formam: quia sufficit, si morali-  
ter conjungantur. 4. Non requiritur ad valorem contactus mate-  
riæ immediatus, sed sufficit mediatus, ut si quis calicem tangat, & sic  
mediate tantum patenam: quia in æstimatione morali etiam hanc  
tangere censetur.

„ Solum igitur disputatur, an ad valorem Sacramenti requiratur,  
ut ordinandus physice tangat ipsa instrumenta, quæ ipsi porriguntur  
ab ordinante? Respondent Laymann *Theol. Moral. l. 5. tr. 9. c. 5.*  
*n. 4.* Vasquez *disp. 246. cap. 2.* Albertus, Cajet, Sot, Zambr. Hen-  
riq. Armilla, apud P. Laym. l. c. & post eum Diana tract. 4. de Sa-  
cram. n. 185. Pichler ad tit. de temp. ordin. n. 8. alique, contra  
S. Thomam & communioem, probabilius non requiri ad valorem  
contactum physicum; tum quod talis necessitas non probetur, tum  
quod potestas, jurisdictio, ac dominium rei traditæ acquiri possint  
sine physico contactu, per ostensionem rei factam præsentem & acce-  
ptantem. At hinc, ut notat Laym. l. c. ne quidem ad ipsum matrimo-  
nium, quo traditur potestas in corpora, requiritur contactus physi-  
cus corporum, cum per alia signa traditio illius juris & acceptatio  
fieri possit, quanto igitur magis traditio spiritualis potestatis fieri  
potest sine reali contactu per solam exhibitionem Symboli factam præ-  
sentem ordinando? Quo in sensu sufficienter videntur salvari verba  
formæ; *accipe potestatem &c.* Imo ad valorem ordinis ne quidem



„ requiritur semper acceptatio ordinandi, alias parvuli incapaces ejus  
 „ modi acceptationis non possent valide ordinari.

„ Accedit, quod, ut testatur Sannig. *de temp. Ordin. c. 2. n. 11. in*  
 „ Ecclesia Græca tantum soleat ostendi & exhiberi calix cum vino, & pa-  
 „ tena cum Hostia sine ullo contactu physico ordinandi. Taceo, quod  
 „ juxta communem sententiam non requiratur contactus physicus o-  
 „ mnium, quæ exhibentur, e. g. Vini, Hostiæ, &c.

„ Verum licet speculative hæc sententia videatur probabilior, in  
 „ praxi tamen non licet cauti: tum quia datur grave præceptum phy-  
 „ sice ac realiter tangendi instrumenta ab ordinante porrecta, tum quod  
 „ non liceat Sacramentum exponere periculo nullitatis. Unde Cle-  
 „ mens VIII. dicitur jussisse reordinari eos, sub conditione, qui a Sa-  
 „ gienſi Episcopo, ostensa tantum sibi materia fuerant ordinati. Kö-  
 „ nig. *de temp. ordin. n. 33.* atque hinc est illa praxis & consuetudo  
 „ Ecclesiæ, illa item Ordinandorum & Ordinantium sollicitudo de con-  
 „ tactu physico præstando. Licet enim probabile sit, illum conta-  
 „ ctum ad valorem non requiri, non est tamen probabile, quod liceat  
 „ illum omittere.

„ Nota 2. Licet Papa ungatur Chrysmate in capite, Episcopus in  
 „ capite & manibus, Sacerdos vero oleo Catechumenorum in ambabus  
 „ manibus conjunctis: nulla tamen ex istis unctionibus est de substan-  
 „ tia consecrationis. De Papali est certum: nam per illam non con-  
 „ fertur aliquis ordo, imo neque potestas, cum illam jam ante habeat.  
 „ Videtur id etiam esse certum de unctione Sacerdotali; nam licet hæc  
 „ caeremonia sit antiquissima, materia tamen Ordinis presbyteratus  
 „ sufficienter habetur quoad potestatem in Corpus Christi verum signi-  
 „ ficandam per traditionem patenæ cum Hostia, & calicis cum vino:  
 „ quoad potestatem vero in Corpus Christi mysticum per impositionem  
 „ manuum Episcopi.

„ Sed neque in consecratione Episcopali (in quo aliqui dissentiunt  
 „ cum Medin. Sylvio &c.) unctio pertinet ad substantiam. Quia habe-  
 „ tur alia sufficiens materia consecrationis Episcopalis, nempe impositio  
 „ manuum Episcopaliū; quam solam cum impositione pallii adhibet  
 „ Orientalis Ecclesia; deinde, ut habetur c. un. de Sacra unct. Inno-  
 „ cent. III. unctionem in consecratione Episcopali omisſam jussit *sup-*  
 „ *pleri*, non vero reiterari ipsam consecrationem: atqui non suffice-  
 „ ret, eam suppleri, si esset de substantia. Unde unctio illa in nova  
 „ lege est tantum præcepta Jure Ecclesiastico, quamvis in veteri fuerit  
 „ Juris Divini.

Porro forma Ordinis Sacerdotalis secundum Decretum Eugenii est :  
*Accipe potestatem offerendi Sacrificium in Ecclesia pro vivis & mortuis. In nomine Patris &c. Ordinarius Minister* hujus Sacramenti est Episcopus. *Effectus* augmentum gratiæ ad digne exercenda Sacra ministeria.

Septimum est *Sacramentum Matrimonii*, quod est signum conjunctionis Christi & Ecclesiæ. Causa illius efficiens est mutuus consensus, regulariter per verba de præsentī expressus. Assignatur autem triplex bonum Matrimonii. Primum est proles suscipienda, & educanda ad cultum Dei; Secundum est fides, quam conjuges mutuam servare debent. Tertium indivisibilitas matrimonii, quia significat indivisibilem conjunctionem Christi & Ecclesiæ; quamvis autem ex causa fornicationis liceat thori separationem facere, non tamen aliud Matrimonium contrahere, cum vinculum sit perpetuum.

„ Nota. Matrimonii materiam & formam determinate non assignat Eugenius, sicut aliorum Sacramentorum, sed tantum ait, causam efficientem esse mutuum consensum. Dicit tamen potest, materiam illius remotam esse, ipsa corpora contrahentium, ad generationem habilia: Materiam proximam traditionem mutuam juris in corpora: Formam vero verba, vel alia signa, quibus hæc mutua traditio juris significatur. Sicut in reliquis Sacramentis plerisque materia remota est aliqua res, ut in baptismo aqua, in confirmatione Chryisma, in extrema Unctione oleum, in ordine instrumentum aliquod significativum potestatis collatæ, e. g. calix &c. materia proxima vero applicatio materiæ remotæ, seu actio ministri, per quam materiam applicat: puta ablutio, inunctio, traditio instrumenti: forma vero verba Ministri, quæ actionem illam significant.

„ In Sacramento autem Eucharistiæ materia remota est panis & vinum, proxima vero Corpus & Sanguis Christi cum accidentibus eucharisticis. Sacramenti poenitiæ vero materia remota sunt peccata: proxima materia, vel quasi materia tres actus poenitentis, ut dictum.

6. Eugenius in suo decreto tradit Armenis compendiosam fidei regulam contentam in Symbolo S. Athanasii: *Quicumque vult salvus esse.*

7. Datur ipsis decretum unionis, cum Græcis initæ, cujus initium *Latentur celi &c.* in quo 5. supra memorata puncta continentur, de processione Spiritus S. a Filio, de rationabili hujus vocis additione in Symbolo, de pane sive azymo sive fermentato tanquam materia valida, de purgatorio, & de Primatu Papæ.

8. Decernitur, ut Armeni festa eodem die celebrent, quo Ecclesia Romana & Orientalis ea celebrare consueverunt; ut etiam in hoc sit conformitas.



Hoc Synodale Decretum, in publica Concilii Sessione datum, Armeni receperunt suo & Patriarchæ sui nomine: seque in omnibus prorsus cum Romana Ecclesia univerunt anno 1439.

## §. VII.

De Decreto Eugenii IV. pro Unione *Jacobitarum* promulgato.

46.  
Summa  
Decreti.

Post initam cum Græcis & Armenis Unionem Florentiam ad Eugenium & Concilium adhuc continuatum anno 1441. venerunt Legati Patriarchæ Orientalium *Jacobitarum*, hoc nomine appellatorum a *Jacobo Zanselo*, Natione Syro, Eutychetis & Dioscori sectatore. Petierunt etiam isti Legati suo & *Jacobitarum* omnium nomine Unionem cum Romana Ecclesia, traditis Patriarchæ sui ad Eugenium litteris, in quibus se scribit *Ministrum Sedis S. Marci, magnæ Alexandriae, & totius Egypti, Libyæ, Æthiopiæ, Pentapoleos Occidentalis, Africae, totiusque prædicationis Apostoli Marci &c.* Eugenium vero appellat *Omnium Ecclesiarum Christianarum Apostolicum Pastorem, Patrum ac Sacerdotum Principem.*

Edidit proin Eugenius Papa in Concilio Florentino Bullam, quæ incipit: *Cantate Domino, & communiter appellatur Decretum Eugenii IV. pro Jacobitis.* In hoc imprimis DEum laudat, quod intra triennium in hac Sancta Oecumenica Synodo saluberrimam trium magnarum Nationum unionem ad commune totius Christianitatis gaudium tam copiose effecerit: Ut adeo totus fere Oriens, qui gloriosum Christi nomen adorat, ac non parva Septentrionis portio post longa dissidia cum Sancta Romana Ecclesia in eodem fidei & charitatis vinculo convenerit: Primum quidem Græci, & qui subsunt quatuor Patriarchatibus Sedibus, multas gentes, nationesque & idiomatica continentibus; Deinde Armeni, multorum populorum gens: Nunc vero Jacobiti, magni etiam per Egyptum populi.

Deinde exponit Christianam fidem. Damnat Sabellium, distinctionem Divinarum Personarum inficiantem, Arianos, Eunomianos, Macedonianos, Filium & Spiritum Sanctum in creaturarum ordine collocantes. Enumerat libros Veteris ac Novi Testamenti.

Damnat Ebionem, Cerinthum, Marcionem, Paulum Samosatenum, Photinum, qui Christum DEum esse negarunt: item Manichæum, somniantem, Christum non verum, sed phantasticum tantum corpus assumpsisse: Valentinum, qui dixit, Christum non esse natum de Maria, sed corpus cœleste attulisse: *Actium*, dicentem, Corpus ex Virgine assumptum anima caruisse, voluitque loco animæ fuisse Deitatem. *Apollinarem*, qui

qui corpori ex virgine nato solam animam sensitivam concessit, loco animæ rationalis autem fuisse Deitatem.

*Theodorum Mopsuestenum & Nestorium*, asserentes, humanitatem Filio Dei tantum unitam esse per gratiam, ac propterea duas esse in Christo Personas. *Eutychem*, qui unam tantum in Christo naturam adstruxit. *Macarium Antiochenum*, qui unam tantum duarum naturarum voluntatem & operationem admisit.

Profitetur Romana Ecclesia, legalia veteris Testamenti, ut cæremonias, Sacrificia, Sacramenta, (quia significandi alicujus futuri gratia fuerant instituta) licet Divino cultui illa ætate congruerent, significato per illa Christo adveniente cessasse, & Novi Testamenti Sacramenta cœpisse: Atque illis (veteribus) velut ad salutem necessariis se subdentem peccare mortaliter. Per hoc tamen non negatur illa a Passione Christi usque ad promulgationem potuisse servari: modo non crederentur ad salutem necessaria. Post promulgatum vero Evangelium sine salutis æternæ dispensatio servari non possunt, ut circumcisio, Sabbatum, ciborum mundorum & immundorum differentia, cessante etiam illa Apostolorum prohibitione abstinendi ab immolatis simulacrorum, a sanguine & suffocato, quia causa cessavit, nempe necessitas convivendi cum Judæis. Ex virtute tamen & observantia regularis disciplinæ a multis posse abstineri, dicente Apostolo, multa licere, sed non omnia expedire.

Profitetur ac firmiter credit, neminem extra Ecclesiam Catholicam posse salvari: licet pro Christi nomine sanguinem funderet.

Recipit Concilium Nicænum 318. Patrum: Constantinopolitanum 50 Patrum: Primum Ephesinum 200. Patrum: Chalcedonense 630. Patrum: Constantinopolitanum II. Constantinopolitanum III. aliaque Romanæ Pontificis autoritate legitime congregata, celebrata & confirmata, præsertim hanc Sanctam Florentinam.

Inferuntur deinde per extensum huic Jacobitarum instructioni decreta pro Græcis, & alterum pro Armenis promulgatum. Explicat formam Sacramenti Eucharistiæ. Quartas & ulteriores etiam nuptias licitas esse declarat: quamvis, sicut Virginitas viduitati, sic viduitas nuptiis sit præferenda.

Tum vero Andreas Abbas S. Antonii in Ægypto Legatus Joannis Patriarchæ Jacobitarum, suo suorumque nomine omnia in hoc Decreto contenta recepit, anno 1441.

Hoc eodem anno Nicodemus, Abbas Æthiopum, Jerosolymis degens, ad Eugenium Papam oratorem misit cum litteris: qui multum de-<sup>47.</sup> Unio cum  
Abyssinis,  
prædicat, quanta vigeat in Æthiopiæ Imperio amplissimo reverentia in Romanum Pontificem, impenſeque optare Imperatorem uniri Imperium suum



suum cum Romana Ecclesia, a qua non recesserint ex perfidia, ut alii sed propter distantiam locorum, & negligentiam Romanorum Pontificum, nunquam de eis curantium.

Verum non tantum per suos Jerosolymæ degentes egit Constantinus Imperator Æthiopiæ, sed ipse etiam scripsit ad Eugenium Papam, Unionem flagitavit, misso pariter Legato Petro Diacono, anno 1442.

48.  
Concilium  
translatum  
Romam.

Interim Eugenius, ut Conciliabulo Basileensi, pervicaciter obstrictus resisteret, utque major rerum agendarum esset commoditas, Concilium Florentinum Romam transtulit, ibique per plures adhuc Sessiones continuavit.

In hoc igitur Concilio unionem perfecit Eugenius non tantum cum Æthiopiæ Imperatore, sed etiam cum Syriæ, & Mesopotamiæ populis inter Tigrim & Euphratem habitantibus: qui suos quoque Legatos miserant, inter quos Abdala, Archi-Episcopus Edeffenus. Anno 1444. anno sequenti Decretum Unionis in eodem Romano Concilio confectum est pro Unione cum Nestorianis Orientalibus, qui *Chaldaei* vocabantur & cum *Maronitis*, qui Macarii Antiocheni hæresin de una in Christo voluntate festabantur. Nam & hi per Legatos Unionem petiverant.

49.  
Obitus Eugenii.

Post tantam denique rerum gestarum immortalem gloriam anno 1447. ad capeffendam Cœlestem Coronam abiit Eugenius Papa, ortus ex familia Veneta de Candelmeris, quæ post ejus electionem in Patritiorum seu Nobilium Venetorum dignitatem est relata.

## ARTICULUS XI.

De Concilio Generali XVII. Lateranensi V.

Sub

*Julio II. & Leone X. ac Maximiliano I. Imperatore ad tollendum Schisma Pisarum, & reformandam Disciplinam anno 1512.*

### SUMMARIUM.

§. I.

Causæ Concilii ejusque convocatio.

1. *Bella cruenta Italice ineunte Sæculo XVI.*

2. *Sunt Occasio tetri Schismatis:*

3. *Et Pisani Conciliabuli.*

4. *Cui a Julio II. oppositum fuit Concilium Lateranense V.*

§. II.

*Acta Concilii.*

7. *Causæ Concilii proposita.*

6. *Irritata Acta Conciliabuli Pisani.*

7. *Maximilianus I. Cesar favet & adhaeret Synodo Lateranensi.*

8. *Electio Papæ Simoniaca declaratur irrita: quo sensu.*

9. *Julii II. obitus & gesta bellica.*

10. *Leo X. prosequitur Concilium.*

11. *Pisani Patres respiciunt, uti etiam*

*Rex Gallia.*

12. *De-*

12. *Definita anima immortalitas.*  
 13. *Enumerantur Decreta Reformationis.*  
 14. *Statuitur, Papam esse supra Concilium.*

§. III.

De Concordatis Gallicis, a Concilio isto approbatis.

15. *Abrogata Sanctione Pragmatica*

- Gallia approbatur concordatum, a Leone X. cum Francisco I. initum.*  
 16. *In hoc conceditur Regi Gallie Jus nominandi seu presentandi Episcopos & Prælatos Gallie, reservatis Pontifici Annatis.*  
 17. *Enumerantur Articuli hujus concordati.*  
 18. *Appellatio ad immediate superiorem decernitur.*  
 19. *Crisis Brietii de istis concordatis.*

§. I.

Causa Concilii ejusque convocatio.

Semper equidem cruentam Martis scenam Italia aperuit, nunquam tamen forsan magis, quam sub initium Sæculi decimi sexti: quo a Germanis, Gallis, Hispanis, Helvetis, ipsisque suis incolis fuit discepta. Quanto partium studio certatum de Neapoli, Gallos inter & Hispanos distracta; hoc uno clades suas solantibus Francis, quod a Gonsalvo Mar. Cordubensi sint victi: quo majorem ætas illa heroem non vidit! Quot procos potentes Insubria habuit, extincta Vice-Comitum familia! Quot alternantis fortunæ casus exercuerunt Sfortianos Duces! Quot exercitus sub Ludovico XII. & Francisco I. immissi in Mediolanensem Ducatum! Quoties victores! Quoties victi, ac tota ejecti Italia! Quot, & quanta cum Venetis bella, quanta Fortunæ rerumque varietate! Maximilianus Germanus, Ferdinandus Hispanus, Ludovicus Gallus, Julius status, modo omnes in Venetos, modo in se ipsos conversi, hostes ex sociis! Veneti ipsi jam victores adversus Maximilianum Imperatorem inimici, jam ad Ghiaradam a fœderatis cæsi, demisse eidem supplices, at a ruina vindicetur respublica: jam Julio & Ferdinando in partes suas distractis, animum urbesque recipientes!

Bella Italica.

Julius II. Papa, qui pacem inter Filios conciliare debuerat, militibus spiritibus ardens, accendere bellum magis est visus: dum modo Helvetos armat in Ludovicum, eorumque opera Gallos Mediolano ejicit; modo Gallis junctus in Venetos irruit: modo recepta Romandiola Venetis conciliatus, iterum in Ludovicum vires irasque colligit: modo inito cum Venetis & Italis Principibus fœdere, de ipso etiam Maximiliano Cæsare Italia submovendo consilia agitat, modo cum Italicis Principibus collisus:

Pars III.

N n

Tur.



Turca interim ex discordiis Christianorum Principum incrementum, pluresque semper Christianas Provincias depascente.

2. Quæ sane res deploranda gravibus Ecclesiæ turbis ac Schismati per-  
 occasio Schi-  
 smatis, nicioso occasionem dedit. Cum enim Julius, dum in Pontificem elige-  
 retur, jurasset, se intra biennium convocaturum Generale Concilium, ad  
 reformandos Ecclesiæ mores, & conciliandam inter Principes Christianos  
 pacem, armaque convertenda in communem hostem Christiani nominis,  
 fidem datam non liberavit: vel quia noluit, vel quia non potuit, bellis  
 profanis implicitus.

3. Urgetur promissis stare, atque juramento satisfacere: at de anno in  
 Et Pisani  
 Conciliabuli. annum differt Concilium. Quare cum aliunde Maximilianus Imperator  
 non admodum amico esset in Julium animo, Ludovicus vero etiam ho-  
 stili, anno 1511. primum Turonem in Gallia, dein eodem anno Car-  
 dinales Ducibus Bernardino Caravagio, Guilielmo Brissoneto, Renato  
 Priano, & Federico San-Severino, Pisas indixerunt Generale Con-  
 cilium, contra voluntatem Julii; ex voluntate autem Ludovici XII. Gal-  
 liæ Regis: qui licet parum tribueret huic Synedrio, terrendum tamen  
 per illud Julium dicebat, tanquam per larvam, ut mitiora inerat consilia.

Julius, ut Pisani hoc Conciliabulum (quod postea Mediolanum,  
 Taurinum, ac Lugdunum etiam fuerat translatus) efficacius dissolveret,  
 & Schismati jam jam inundanti aggerem objiceret, indixit Concilium Ge-  
 nerale Lateranense V. pro restauranda Ecclesiæ disciplina, armisque in  
 Turcam convertendis, composita inter Christianos pace. Quam eo ma-  
 gis exoptabat Papa, quo majorem a Gallis ad Ravennam cladem acce-  
 perat: ubi ipsius Julii ac Ferdinandi Catholici exercitus a Gallis ingenti  
 prælio fusus est.

4. Interfuerunt huic Concilio, præter Julium Pontificem, ac deinde  
 Cui opposi-  
 tum Latera-  
 nense. Leonem X. 18. Cardinales, 2. Patriarchæ Alexandrinus nempe & Antio-  
 chenus: Episcopi fere 100. Abbates, & Generales Ordinum, Patres  
 universim ad 114. inter quos Thomas de Vio Cajetanus, Generalis Prædica-  
 torum, ac postea Cardinalis. Angelus, Sac. Ord. B. M. V. Servorum  
 Generalis: Egidius Ord. Eremitarum S. Augustini, viri celeberrimi:  
 cum Oratoribus Hispaniæ, & Venetiarum.

Inchoatum autem est Concilium anno 1512. finitum vero anno 1517.  
 constans 12. Sessionibus. Primis quatuor præfedit Julius II. quintæ Ra-  
 phael Cardinalis Ostiensis, reliquis septem Leo X. infrequens tamen fuit  
 hæc Synodus, tum propter Schisma Conciliabulo Pisano adhærentium,  
 qui potissimum fuere Galli: tum quia Episcopi non satis secure accedere  
 poterant Romam, propter exercitum Gallicum, post victoriam Raven-  
 natensem in Italia circumvolitantem.

## §. II.

## Acta Concilii.

In Sessione I. 10. Maji 1512. Julius Oratione ad Patres aperuit Concilium, <sup>6.</sup> ejusque fines explicavit, nempe disciplinæ reformationem, Schisma <sup>Fines Con-</sup> tis extinctionem, pacem componendam, & arma in Turcas convertenda, refutat etiam Conciliabuli Pisani objectiones contra se promulgatas. Ostendit, se semper Concilii celebrandi fuisse cupidissimum, sed non potuisse, donec bella, jam sub Alexandro VI. cœpta, essent finita, & sua Ecclesiæ restituta.

*Re ipsa maturandi nunc Concilium causa præcipua fuit clades Ravennatensis, ne illius occasione, ex longiori mora Conciliabulum Pisanum, cui Ludovicus XII. cavebat, vires suas augetet: ut satis indicat Ægydii Viterbiensis in pulcherrima Oratione, ante Concilii initium habita: In qua ait, Ecclesiam plus proficere Spiritualibus armis, Conciliorum nempe autoritate, quam profanis.*

In Sess. II. legitur Bulla, in qua damnatur Conciliabulum Pisanum <sup>6.</sup> a quo Julius contumaciæ accusatus, & a Pontificatu fuerat suspensus. Irrita Acta <sup>Pisani.</sup> omniaque in eo gesta declarantur irrita. Lateranense vero hoc Concilium definitur esse legitime & in Spiritu Sancto congregatum. Habita Oratio Thomæ de Vio Cajetani, Generali Prædicatorum: in qua explicans verba illa Apocalypsis: *Vidi civitatem, Sanctam, Jerusalem, novam, descendentem de Cælo*, ostendit, quinque conditiones hic insinuat inveniri in Concilio Lateranensi Ecclesiam repræsentante, nullam vero earum in Conciliabulo Pisano.

In Sess. III. lectum est Mandatum Maximiliani I. Imperatoris, quo <sup>7.</sup> Episcopum Gurcensem Procuratorem suum cum pleno jure mittit ad Concilium, data etiam potestate, nomine Cæsaris consentiendi in abolitio- <sup>Cæsar favet</sup> nem concilii primum a Gallis Turonibus, deinde Pisis coacti. <sup>Lateranensi.</sup>

Igitur Procurator Cæsareus revocat quodcunque mandatum concessum Conciliabulo Pisano, omniaque illius acta irrita declarat. Ampletur vero Synodum Lateranensem tanquam legitime congregatam, & Universalem Ecclesiam repræsentantem. Denique declarat, Cæsarem nunquam dedisse mandatum ad Conciliabulum Pisanum.

*Si hoc verum est, impostores fuerunt, qui in illo Conciliabulo pro Cæsareis Procuratoribus se venditabant. Fuit quidem initio Cæsar non omnino alienus a Pisanis Patribus, utpote offensus a Julio, quod is societate sua desertam privatam Venetis pacem sedusque inierit, non sine magno Maximiliani damno.*



*At Princeps sane optimus & apprime Catholicus plus virtuti & Religioni, quam ira, ut ut iusta, dedit. Unde privatis offensionibus posthabitis, misso cum plena potestate Legato omnem operam impendit, ut Schisma tollatur, ac Romano Pontifici sua constet auctoritas.*

In eadem Sess. Julius Galliam ac præsertim Lugdunum, quo Conciliabulum Pisanum se receperat, interdicto subicit: damnatque rursus Acta.

Habita denique Oratio ab Episcopo Malfetano; in qua inter alia conqueritur, plures tanta contentione expetiisse Synodum, nunc vero ad illam invitatos non comparere.

In Sess. IV. lecta est epistola Ludovici XI. ad Pium II. data anno 1461. in qua revocavit, adhortante Pio, Sanctionem Pragmaticam Gallie.

Quæ Sanctio, tanquam præjudiciosa Sedi Apostolicæ, a nullo Pontifice approbata, a nullo legitimo Concilio lata, sed tempore Schismatis fabricata, & per abusum in Gallia invalescens reprobanda decernitur, citatis Gallis, si qui vellent illam defendere.

In Sess. V. habita anno 1513 præsedit Raphaël Cardinalis Episcopus Ostiensis, ægrotante Julio Pontifice. In hac recepta fuit Julii II. Bulla, qua irritavit electionem summi Pontificis per Simoniam obtentam: Cardinales vero sic eligentes omni dignitate, officio, & beneficio ipso facto privatos voluit. *Salubris equidem constitutio, sed in praxi difficilis, & majorum forte turbarum ac Schismatum fomitem datura. Licet igitur Ecclesia electionem Simoniacam irritet, censuit tamen non raro, satius esse acceptare Pontificem, etiam illegitime electum, imo etiam intrusum, quam Schismati occasionem præbere. Est igitur tunc acceptatio populi altera quasi electio, supplens omnes defectus, qui sunt juris humani.*

8.  
Electio Si-  
moniacæ  
irrita.

9.  
Faktus II.

Quatriduo post Sessionem V. obiit Julius II. Pontifex anno 1513. postquam novem annis rexit Ecclesiam, sacris & profanis tonans fulminibus. Cæsarem Borgia, (Alexandri VI. Filium, abjecta, quam Pater dederat, purpura, hominem nefarium, multarumque tragœdiarum in Italia auctorem & actorem, a Rege Gallie creatum Ducem Valentinum) quem Pius III. custodiæ mandaverat, ea conditione dimisit, ut Castrum Cæsena & Fori Livii Ecclesiæ restituat. Cum pluribus Principibus contra Venetos, Ravennam & Ariminum detinentes, foedus iniit; receptaque Romandiola, foederatos suos Maximilianum Cæsarem, & Ludovicum Gallie Regem reliquit, ac novum foedus cum Venetis iniit: cæso ejus postea exercitu ad Ravennam, Ducem Ferrariæ propter occupatas Salinas excommunicatum armis profigavit. Mutinam ac Mirandolam Gallis eripuit. Indicto ea de causa ab his Pisano Conciliabulo, Cardinales Schismaticos cum Rege Ludovico & Florentinis anathemate percudit: implorato & obtento Hispanorum

norum & Anglorum auxilio; horum ac præcipue Venetorum & Helvetiorum ope, fractus licet Ravennensi clade, Gallos tota Italia ejecit, restituto Mediolano Maximiliano Sfortiæ per Helvetos, quos *Propugnatores* & *Defensores Pontificia Dignitatis* appellavit Julius, Leo X. vero *Ecclesiæ Defensores*, postquam iterato Gallos Italia expulerant. Porro Julius Bononiam a Bentivoliis occupatam recuperavit. Denique hoc Generali Concilio molitiones Schismaticorum fregit. Basilicam Vaticanam, orbis miraculum, ædificare aggressus.

Post ejus mortem pacifice & unanimiter electus est Joannes Medicæus; <sup>10.</sup> Leo X. annorum 37. dictus Leo X. qui deinceps per Sessiones adhuc septem Concilium continuavit: Pontifex insigni virtute, fide, mansuetudine, constantia; litteratorum amator eximius; nam Doctos complures invitavit Romam, inter quos fuerunt *Bembus* & *Sadoletus*, qui humaniore litteratura conspicui ipsi erant ab Epistolis, a Paulo III. deinde creati Cardinales.

In Sess. VI. deputati Patrum aliqui ad agendum de pace inter Christianos Principes componenda: alii de reformatione disciplinæ, alii de abroganda Sanctione Pragmatica: alii de fide Catholica contra Turcas defendenda. Habita Oratio ab Episcopo Modrusiensi de Schismate & Turcarum immanitate.

In Sess. VII. comparuit etiam Legatus Regis Poloniæ, & Ducis Mediolanensis. Bernardinus Carvalius & Fridericus de S. Severino Cardinales, oblati supplici libello, Concilio Pisano renuntiantes, veniam rogant, atque a Leone X. pristinae dignitati restituantur. <sup>11.</sup> Pisani restituantur.

In Sess. VIII. tres Oratores Ludovici XII. Regis Galliæ ad Concilium Et Galli. Lateranense missi, Pisano renuntiant Regis nomine, & Lateranense tantquam legitimum agnoscunt, uti etiam Legati Electoris Brandenburgici, & Marchionis Montisferrati, accusata Gallorum in Provincia contumacia.

Definitum hominis animam esse immortalem, atque in singulis hominibus existere singulas, non vero unam tantum in omnibus. Manda- <sup>12.</sup> Animæ immortalitas. tum insuper Philosophiæ Professoribus, ut gentilium errores diligenter confutent.

*Dicebant quidam animam aut esse mortalem aut unam tantum in pluribus, saltem secundum Philosophiam. Quos inter erant Pomponatius, Latus, Phædrus, Politianus, Calderinus, mundana sapientia celebres.*

Actum pariter de reducendis Bohemis.

In Sess. IX. anno 15 14. præsentē etiam oratore Regis Lusitaniæ, actum <sup>13.</sup> Decreta reformationis. de Reformatione curiæ Romanæ, decretumque.

1. Tantum idonei promoveantur.
2. Episcopus aut Abbas non judicetur, nisi auditus.
3. Monasteria deinceps nulla dentur in commendam.

N D 3

4. Unio



4. Uniones perpetuæ ne fiant, extra casus in Jure expressos, & rationabilem causam.

5. Ne dispensetur in possidendis pluribus quam duobus beneficiis incompatilibus, nisi magna & urgens necessitas exigit.

6. Cardinales, (quos declarat Synodus summo Pontifici proximos esse dignitate) non resideant extra curiam Romanam.

7. Magistri pueros in virtute & doctrinâ diligenter instruant.

8. Renovantur Constitutiones contra Simoniacos.

9. Si quis post sex menses ab obtento beneficio Divinum officium non dixerit, non tantum teneatur restituere fructus pro rata temporis, sed etiam, si contumaciter pergat omittere, monitione prævia, privetur beneficio. Pius V. postea hoc decretum adhuc magis asperavit, restitutionem singulis diebus, imo etiam omissioni singularum horarum respondentium fructuum decernens.

In Sess. X. anno 1515. approbantur *Montes Pietatis*, & sub excommunicatione prohibentur impugnari. Nullus prodeat liber, nisi ab Ordinario vel Inquisitore approbatus. Causæ in prima instantia extra Romanam decidentur.

14.  
Papa supra  
Concilium.

In Sess. XI. anno 1516. promulgata celebris Bulla *Pastor æternus*; in qua abrogatur Sanctio Pragmatica Gallicana; assertumque, quod Pontifex super omnia Concilia potestatem habeat, ac plenum jus illa indicendi, transferendi, ac dissolvendi: Idque probatur multis exemplis.

Approbatum concordatum a Leone X. cum Francisco Galliarum Rege initum Bononiæ.

Edita constitutio de prædicatione verbi Divini. *Ad hanc Sessionem venit etiam Legatus Patriarchæ Maronitarum.*

In Sess. XII. anno 1517, celebrata excommunicantur, qui tempore electionis novi Pontificis Cardinalium domos invadunt.

Hæc Concilii Acta Leo X. speciali Bulla confirmavit.

### §. III.

De Concordatis Gallicis a Concilio isto approbatis.

15.  
Abrogata  
Pragmatica.

Quinam Ortus, progressus, & indoles fuerit Sanctionis Pragmaticæ Gallicanæ, dictum alias: Jam vero in hoc Concilio antiquata illa fuit & abrogata substitutis in illius locum *Concordatis*, cum Francisco I. initis Bononiæ a Leone X. Per ista in Cathedralibus & Abbatialibus Ecclesiis adempta est Capitulis Galliarum potestas electionum. Nam

16.  
Jus Patronatus.

1. Conceditur Regi jus nominandi, seu præsentandi ad Ecclesias Cathedralis & Abbatiales intra sex menses idoneum, qui gradu Theologiæ vel Juris Canonici sit insignitus in celebri aliqua Academia, prævio rigoroso examine & saltem 27. annos ætatis habentem.

Quodsi

Quodsi autem Rex inidoneum Pontifici nominaret aut præsentaret instituendum, poterit Rex intra tres menses, a die recusationis numerandos nominare Pontifici alium. Quo tempore finito pertinet ad Sedem Apostolicam Ecclesiæ providere.

Reservantur etiam Pontifici vacantia apud S. Sedem.

Aliter factæ provisiones sunt irritæ: exceptis tamen personis Regil sanguinis & Religiosis mendicantibus, in quibus nominandis non requiruntur omnia prædicta.

2. Pariter in Monasteriis, & Prioratibus Conventualibus, & vere electivis secundum formam Capituli *quia propter*, deinceps nominatio Abbatibus, Prioris, aut Prælati ad Regem pertineat. Qui intra sex menses Pontifici præsentabit idoneum ejusdem ordinis, ad minimum 23. annorum. Alias recusari poterit.

3. Salvis tamen Privilegiis, a Sede Apostolica specialiter concessis alicui Ecclesiæ eligendi proprium Prælatum.

4. Tolluntur gratiæ expectativæ, & speciales vel generales reservationes ad vacatura beneficia.

5. Si Statuta requirant, ut obtenturus dignitatem, sit Canonicus, observandum est.

6. Unus Canonicatus detur Theologo docenti.

7. Tertia pars Beneficiorum detur graduatis ab Ordinariis Collatoribus & Patronis Ecclesiasticis. Unde statuuntur menses pro graduatis præsentandis, & alii menses pro aliis.

8. Decernuntur multa circa personas graduatas, tempus studii, testimonia Academica, ordinem dignitatis &c.

9. Parochiæ Urbicæ solis conferantur graduatis ex Theologia vel Jure Canonico.

10. Quilibet Pontifex semel in vita sua possit litteras in forma mandati dare; ita, ut collatorem 10. beneficiorum in uno tantum beneficio, collatorem vero 50. beneficiorum in duobus tantum beneficiis gravare possit.

11. Causæ omnes (exceptis majoribus, in Jure expresse Pontifici reservatis) a Judicibus, qui de Jure, vel consuetudine, vel Privilegio, aut præscriptione cognitionem habent, terminari debent.

12. Appellationes justæ fiant ad immediate Superiorem, ita, ut ne quidem ad S. Sedem fieri possint, præteritis Judicibus mediis. Ante Sententiam vero definitivam absolute non potest appellari; nisi gravamen tale esset illatum, quod in definitiva sanari non posset; & tali etiam casu non nisi ad immediatum Superiorem potest appellari.

13. Si exempti a Jurisdictione Judicum Ordinariorum, seu immediate subiecti Sedi Apostolicæ, ad eandem duxerint appellandum, per reservationem

17.  
Articuli.

18.  
Appellatio  
ad immediat  
re Superio  
rem,



ptum Papa committat causam Judicibus delegatis in Gallia : a quibus appellari non possit, nisi in casu denegatæ Justitiæ, aut metus injuste incussi. Cardinales tamen & Officiales Pontificii in hoc non comprehenduntur.

14. Lites beneficiales intra biennium terminentur.

15. A duabus Sententiis interlocutoriis, & tribus definitivis conformibus ulterius non appelletur : sed mox ad executionem procedatur.

16. Qui per triennium possedit Beneficium pacifice & cum titulo colorato, neque in petitorio neque possessorio amplius molestetur, nequidem ratione instrumenti noviter reperti ; nisi violentus fuerit ingressus aut pars altera justum impedimentum reclamandi doceat. Nullum tamen tempus illum juvat, qui sine titulo Beneficium possidet.

17. Concubinatus, tanquam Divino præcepto vetitus omnibus, ac præsertim Clericis, severe prohibetur.

18. Interdicta localia non ferantur propter culpam privatæ personæ.

19. Hæc concordata vim habeant veri Contractus, utrinque obligantis. *Suntque voluntate Regis publicata, ac registrata in Senatu Parisiensi.*

Hæc concordata jam anno 1515. iniri cœpta sunt ; sed cum multæ difficultates occurrerent, & præsertim quia Prælati Ecclesiæ Gallicanæ, utpote quibus electionum potestas ablata fuerat, & in Regem translatum Jus Nominationis, consentire nolebant, præsertim in Delphinatu ; tum etiam quia Pontifex in his concordatis *Annatas*, Cameræ Apostolicæ solvendas, sibi reservabat, ad annum usque 1518. multas hæc res turbas in Gallia excitavit.

19.  
Crisis Brietii.

Acerba tamen nimium videtur esse Crisis *Philippi Brietii* : qui in *Annalibus mundi* ad annum 1517. sic scribit : *Hic (Bononiæ) factum concordatum, abolita Pragmatica Sanctione, male matris Soboles pejor, qua, ut pinguior res Annatas, & pecuniæ plus acciperet Pontifex, spirituale Francisco dedit, ejusque Successoribus ; videlicet ad Ecclesias Cathedrales, & Abbatis nominationem, Rege ipso sub initium repudiante gratiam, quasi nocituram conscientia suæ ; quam tamen deinceps & ipse, ejusque Successores, sine scrupulo concoxere, potissimum ex quo Sessione XI. Concilii Lateranensis V. hoc concordatum probatum est ; ad cujus tamen cogitationem boni balteus omnes Theologi, ambitionis expertes, intremuerunt.*



# CAPUT IV.

## De Jure Novissimo Tridentino.

Nihil celebrius Canonibus & Decretis Tridentini Concilii, quod ex hactenus celebratis est Generale ultimum, omniumque lo-  
upletissimum, sive doctrinam Fidei, sive Decreta Disciplinæ spe-  
temus. Celebratum est circa medium Sæculi XVI. contra Luthe-  
ri, aliorumque Novatorum errores sub Paulo III. Julio III. Pio IV.  
ummis Pontificibus, & Carolo V. ac Ferdinando I. Imperatori-  
us. Juvat materiam multo utilissimam & quotidiani usus partim  
istorice, partim dogmatice proponere, ut, quæ per vastos to-  
mos sunt dispersa, brevi Synopsi sub aspectum cadant. Inquiramus  
primo in Synodi causas.

## SUMMARIUM.

### §. I.

#### Origo Lutheranismi.

- Indulgentiarum salubris usus in Ec-  
clesia,
- Abusibus permixtus,
- Sub Leone X. Tezelio prædicante,  
Ingentium turbarum originem dedit.
- Dum Lutherus, urante invidia, non  
tantum contra abusum tonat, sed etiam  
contra ipsas Indulgentias,  
Quas propugnans Tezelius, Eckius,  
Prieras.
- Lutheri Congressus Augustæ cum Car-  
dinale Cajetano.
- Appellat ad Concilium, deluso Militio.
- Disputatio Lipsiaca Eckii cum Car-  
ladio & Lutbero.
- Leo X. damnat 45. Propositiones.

Quare furens Lutherus comburit li-  
bros Juris Canonici.

- 11. Fautores Lutheri Saxo, Palatinus,  
Hutenus &c.
- 12. Erasmo modo amico, modo inimico.
- 13. Lutherus edicto Imperiali proscribitus  
Wormatiæ.
- 14. In Warthburgensi arce latet, emissis  
tamen pluribus libris pestiferis.
- 15. Damnatus ab Academicis, & a Re-  
ge Angliæ refutatus.
- 16. Insurgit contra Carlstadium propter  
Imagines. Carlstadii fata.
- 17. Lutherus corrumpit S. Scripturam.
- 18. Meliorem versionem opponunt Em-  
serus, alique.
- 19. Lutherani Norimbergæ centum Gra-  
vamina proponunt.



## §. 2.

## Progressus Lutheranismi.

20. Lutheranismus inductus in Sueciam: spoliis Ecclesiasticorum cupiditate Rege perverso:
21. Et in Daniam per Pomeranum.
22. Campegius in Comitibus Norimbergensibus urget executionem edicti Wormatiensis; at frustra: Lutheranis appellantis ad Concilium.
23. Catholici Ordines vero aliud decretum Ratisbonæ faciunt.
24. Boreales Provinciae passim pervertuntur.
25. Quomodo Prussia & Livonia.

## §. 3.

## De Bello Rustico, variis Comitibus, &amp; Confessione Augustana.

26. Lutherus accendit bellum Rusticum.
27. Postulata Insolentia Rebellium Rusticorum,
28. Et immanis foror.
29. Ubique ingenti clade caesi, cum Münzero.
30. Sacrilegæ Lutheri nuptiæ in communi Germaniæ luctu.
31. Hassum pervertit.
32. Hungariæ clades, negantibus Lutheranis auxilia.
33. Roma capta & direpta.
34. Protestatio Lutheranorum in Comitibus Spirensibus contra Edictum Imperiale.
35. Unde Protestantium nomen.
36. Vienna liberata.

37. Marburgense colloquium inter Lutherum & Zwinglium.
38. Initia fœderis Smalcaldici.
39. Cusa Augustana confessio a Melancthone,
40. Et Cæsari oblata in Comitibus Augustanis,
41. Consultata a Catholicis.
42. Recessus Imperii Augustanus.
43. Cur Protestantes ad Concilium appellarint?
44. Fœdus Smalcaldicum.
45. Sensus Edicti Wormatiensis & Augustani.

## §. 4.

## Consilium de convocanda Synodo.

46. Conditiones celebrandi Concilii a Pontifice & Cæsare propositæ,
47. Rejectæ a Lutheranis,
48. Qui alias proponunt, in Ecclesia Dei inauditas.
49. Paulus III. tamen urget Concilium,
50. Illudque indicit primo Mantuam, deinde Vicentiam,
51. Protestantibus Lutheranis.
52. Unio Catholicorum.
53. Papa Niceam usque profectus, ut Reges conciliet.
54. Post obitum Georgii Saxonis, & Joachimi Brandeburgensis Septemviri, Principum apprime Catholicorum, res in deterius lapsæ.
55. Disputatio Ratisbonensis frustranea.
56. Tridentum pro Concilio propositum.
57. Amisdorffius intrusus dejecto Pflugio.

58. Con.

58. Concilium Tridentinum indictum.  
59. Sed propter bella dilatatum.  
60. Hermannii Colonienſis lapſus.  
61. Facilitas in Lutheranos.  
62. Pax Creſpiaca.

75. Sefſio VIII. *Actum de Concilio transferendo Bononiam.*  
76. Sefſio IX. & X. *Decreta Bononiæ prorogatio Concilii ad opportuniora tempora.*

§. 5.

§. 6.

Concilium Tridentinum inchoatum ſub Paulo III.

Bellum Smalcaldicum, translatio, & ſuſpenſio Concilii.

63. Sefſio I. *Propoſita cauſa celebrandi Concilii.*  
Sefſio II. *Statutus modus vivendi in Concilio.*  
Sefſio III. *Leſtum Symbolum Nicænum.*  
64. Sefſio IV. *De libris S. Scripturæ, verſione vulgata, editione librorum.*  
65. Sefſio V. *De peccato Originali.*  
66. *De Immaculata Conceptione B. V.*  
67. *De prælectione S. Scripturæ, inſtructione & prædicatione.*  
68. Sefſio VI. *Doctrina de Juſtificatione.*  
69. *Canones ſeu anathematiſini de Juſtificatione.*  
70. *Quinque Capita de Reformatione circa Reſidentiam Episcoporum, aliorumque Beneficiatorum &c. &c.*  
71. Sefſio VII. *Canones de Sacramentis in genere.*  
72. *Canones de Baptiſmo.*  
73. *Canones de Confirmatione.*  
74. *Decreta Reformationis de Clericis, Beneficiis Eccleſiaſticis, Ordinationibus, &c.*

77. *Smalcaldorum apparatus belli.*  
78. *Diſputatio in Comitibus Ratiſbonenſibus.*  
79. *Mors Lutheri, & elogium.*  
80. *Cæſar fœdus init contra Smalcaldos.*  
81. *Publicat belli cauſas.*  
82. *Smalcaldi fruſtra tentata Tyrolis, haud procul Ingolſtadio caſtra locant, ac bellum Cæſari denuntiant.*  
83. *Cumque fruſtra tormentis impetiſſent caſtra Cæſarea,*  
84. *Arte & Virtute Cæſaris attriti,*  
85. *Plerique ejus gratiam implo-rant.*  
86. *Cæſar decernit bellum Saxonicum per ſe ipſum gerere.*  
87. *Memorabilis trajectio Albis.*  
88. *Mühlbergensis victoria, capto Electore;*  
89. *Et Landgravio, indignantibus Mauritio & Brandeburgo.*  
90. *Criſis de Landgravii captivitate.*  
91. *Cæſar fidem non violavit, nec clementiam, aut æquitatem.*



92. In Comitibus Augustanis etiam Lutherani decernunt, parendum esse Concilio Tridentino.
93. Diffidia circa translationem Concilii Bononiav.
94. Urget Caesar, ut revocetur Tridentum.
95. At suspenditur Concilium tempore omnino importuno.

## §. 7.

## De Constitutione Interim &amp; Reductione Concilii Tridentum.

96. Cum disceptatur, an Tridenti, an vero Bononia continuandum sit Concilium, Caesar Constitutionem Interim confici curat.
97. In qua, cateroquin Catholica, concessa Protestantibus communicatio sub utraque specie, & presbyteris communia.
98. Neutri parti satis placuit hoc Interim.
99. Urgente tamen ejus observationem Imperatore.
100. Unde nova Lutheranorum divisio in Rigidos & Molles &c.
101. Obitus Pauli III. & electio Montani, primi Concilii Præsidis, qui Julius III. est dictus.
102. Hic, quamvis mordicus Bononiensium partes prius defenderit, jam facile in reductionem Concilii Tridentum consentit, Crescentio nominato Præside.
103. Sessio XI. & XII. Decreta Reassumptio Concilii Tridentini, & Sessio XIII. dies.

## §. 8.

## Continuatio Concilii Tridentina sub Julio III.

104. Digresso in Belgium Cesare Protestantes Fidem datam frangunt, & tam Constitutionem Interim, quam Concilium sperzunt.
105. Mittunt tamen ad Concilium quosdam, sed potius ad exposcendum.
106. Insolentia postulorum.
107. Sessio XIII. Doctrina dogmatica de Sacramento Eucharistiae.
108. Canones de eodem.
109. Decreta Reformationis, de Judiciis & Appellationibus &c.
110. Sessio XIV. Doctrina dogmatica de Sacramento Pœnitentiae.
111. Observatio de Sacramento pœnitentiae valido & informi.
112. De Contritione & attritione.
113. De Confessione peccatorum.
114. De Circumstantiis peccatorum.
115. De Jurisdictione Ministri, & Casuum Reservatione.
116. De Satisfactione.
117. Canones de Sacramento Pœnitentiae.
118. Doctrina dogmatica de Sacramento Extremæ Unctionis.
119. Canones de eodem.
120. Decreta Reformationis, de Sacris Ordinationibus.
121. De pœna non gestantium habitum clericalem.
122. Observatio de Irregularitate ex homicidio &c.

§. 9.

De Suspensione Concilii propter bellum Mauritianum.

133. Sessio XV. Prorogata Sessio, quia expectabantur adhuc Protestantes. Quibus novus atque amplissimus datus Salmus Conductus.

134. Cur Mauritius a Cesare Patrono suo defecerit.

135. Magdeburgum dat ei occasionem apparandi bellum.

136. Mauritiu fœdera cum Protestantibus & Rege Gallia.

137. Bellum inferi Casari inopinatum.

138. Quem, irrumpens in Tyrolim, inermem intercipere cogitat.

139. Transactio Passaviensis calamitosa.

140. Reservatum Ecclesiasticum.

141. Henricus II. tres Lotharingia urbes occupat.

142. Albertus Brandenburgicus, fax Germaniæ, proscriptus: ac victus a Mauritio: cadente victore.

143. Sessio XVI. Hos inter bellorum turbines suspensum fuit Concilium, mortuo Crescentio Præside. Tenuitque ad decennium suspensio, ob varias causas.

144. Abdicatio Caroli V. ejus elogium.

145. Pax Cameracensis, confirmata nuptiis;

146. Sed Henrico II. lethiferis.

147. Ferdinandus I. Imperator.

148. Colloquium Wormatiense, cum Lutheranorum dedecore abruptum.

139. Desperata apud Acatolicos unitas Fidei.

140. Pius IV. Pontifex jubet continuari Concilium Tridentinum.

141. Centuria Magdeburgica.

142. Pius IV. mittit Legatos ad Conventum Protestantium Principum Naumburgensem, qui ad Concilium eos invitant.

143. Errores Baji confixi.

144. Præsides Concilii Tridentini sub Pio IV.

§. 10.

Absolutio Concilii sub Pio IV.

145. Sessio XVII. Decreta Concilii celebratio.

146. Sessio XVIII. Decretum, sciendum esse Indicem librorum prohibitorum.

147. Sessio XIX. Postulatum, ne dicatur Concilium continuari, sed de novo inchoandum.

148. Sessio XX. Decreta iterum prorogatio; propter varias molestias ab Oratoribus causatas.

149. Postulatus usus calicis.

150. Sessio XXI. Doctrina dogmatica de Communionem sub utraque specie.

151. Canones de eadem.

152. An aliquando concedendus usus calicis, in aliud tempus remissum, ac denique Pontifici permissum.

153. Decreta Reformationis, de Ordinationibus gratis faciendis: de titulo mensa &c.

154. De distributionibus quotidianis.

155. De novis Parochiis erigendis.

○ ○ ○

156. De



156. De Unione Beneficiorum.

157. De Ecclesiis collapsis.

158. Quæstiones, eleemosynarii abrogati.

159. Sessio XXII. De Sacrificio Missæ. Dogmata de potestate, fructu, Latria, Canone, Ceremoniis, Missa privata, aqua vino miscenda &c.

160. Canones de Sacrificio Missæ.

161. Decretum de Missa devote ac reverenter celebranda.

162. Decreta Reformationis, de Canonicis, distributionibus promovendis, Rescriptis, Commutationibus, Visitationibus, rationibus reddendis, Notariis, usurpatoribus honorum Ecclesiasticorum.

163. Sessio XXIII. De Sacramento Ordinis. De reformanda Romana curia.

164. Lis inter Oratores Gallie & Hispania de Loci prærogativa.

165. Doctrina de Sacramento Ordinis.

166. Canones de eodem.

167. Decreta Reformationis circa Residentiam Episcoporum, & aliorum Curatorum.

168. Circa consecrationem Episcoporum.

169. De Ordinandis, eorumque qualitatibus &c.

170. Statuitur necessaria approbatio Confessariorum.

171. Erigenda Seminaria & Scholæ.

172. Sessio XXIV. De Sacramento Matrimonii.

173. Canones de polygamia, impedimento consanguinitatis & affinitatis potestate statuendi impedimenta divinitia, de divortii, statu conjugali, Virginali &c.

174. Decreta de Reformatione Matrimonii.

175. Præmittenda trina denuntiatio.

176. Claustrinitas impedimentum dirimens.

177. Benedictio nuptialis a quo impertienda.

178. Cognatio Spiritualis inter quos.

179. Impedimentum publicæ honestatis restrictum.

180. Item Affinitatis ortum ex copula illicita.

181. Impedimentum Raptus. Pæna.

182. Quid circa vagabundos?

183. Et Concupinosos?

184. Magistratus cogentes?

185. Viginti alia capita de Reformatione.

186. De electione Episcoporum, & Cardinalium.

187. Synodi Particulares.

188. Visitationes.

189. Prædicationes frequentes sint, & a quibus?

190. Causæ criminales majores Episcoporum ad Pontificem.

191. Amplia potestas Episcoporum dispensandi in irregularitatibus, suspensionibus, & casibus occultis.

192. Pœnitentiarius in Cathedrali.

193. De ætate & qualitatibus Præficiendorum.

194. Sede vacante sit Oeconomus & Vicarius.

195. Unum Beneficium uni.

196. Con-

196. *Concurfus in collativis & electivis. Quid in Patronatis?*  
 197. *Gratiæ expectativæ sublata.*  
 198. *Prima Instantia coram Ordinario. Limitatio.*  
 199. *Acta primæ Instantiæ ab appellante ad Judicem appellatum ferenda.*

Sessio XXV.

De Purgatorio, Veneratione Sanctorum, Sacris Reliquiis & Imaginibus.

200. *Doctrina dogmatica de Purgatorio,*  
 201. *Invocatione Sanctorum, ac sacris Reliquiis,*  
 202. *De cultu sacrarum Imaginum.*  
 203. *Tollendi circa hæc omnes abusus.*

De Reformatione Regularium.

204. *De paupertate Religiosa: Bonis immobilibus: Receptu ex Monasterio: Clausura: Electionibus &c.*  
 205. *De Visitationibus; de Monialibus &c.*  
 206. *Jura Episcoporum in Regulares.*  
 207. *Ætas 16. annorum ad Professionem requisita.*  
 208. *Abdicatio bonorum.*  
 209. *Quinquennium ad agendum de nullo.*

Alia Capita de Reformatione,  
 Ac finis Concilii.

210. *Quinam emittere debeant Professionem Fidei. Moderatio censurarum. Reductio Misarum.*

211. *De Beneficiis & Judiciis Ecclesiasticis.*  
 212. *Pæna duellantium &c.*  
 213. *Servanda immunitas Ecclesiastica.*  
 214. *Concilium protestatur se nolle derogare potestati Sedis Apostolicæ.*  
 215. *De Indulgentiarum usu.*  
 216. *Index librorum prohibitorum, a Deputatis Concilii confici captus, ad Pontificem remissus.*  
 217. *Decretum petendi confirmationem Concilii a Pontifice.*  
 218. *Numerus subscribentium Concilio.*  
 219. *Pius IV. approbat Concilium, prohibetque ejus interpretationem: ac derogat Privilegiis contrariis.*  
 220. *Bulla de initio obligationis Concilii.*  
 221. *Promulgatio ejusdem.*  
 222. *Pius IV. edit formulam Professionis Fidei.*

§. II.

An Protestantes justam excusationem habeant, cur in Concilio non comparuerint, eique obedire detractarint?

223. *Quamvis Protestantes sæpius ad Concilium appellarint, comparere tamen detractarunt,*  
 224. *At sine justa causa. Nam*  
 225. *Concilium convocatum est legitime.*  
 226. *Suffragium concessum, quibus debebatur.*  
 227. *Præsidere debuit Pontifex.*  
 228. *Libertas Concilio plena est permissa.*

229. *Ne.*



229. Neque propter dissidia possunt illud rejicere:

230. Neque propter locum.

231. Aut propter viros congregatos.

232. Quoad dogmata receptum ubique a Catholicis.

233. An, & quomodo receptum in Gallia?

234. Pallavicini de hac re testimonium.

235. Epitome Actorum.

236. Nihil ultra requirere possunt Protestantes.

§. 12.

De Congregatione Cardinalium Concilii Tridentini Interpretum.

237. A quibus instituta ista Congregatio, & ad quem finem?

238. Declarationes Comprehensivæ habent vim legis. Probatur.

239. Solvuntur objectiones.

240. Tria requisita, ut sint authenticæ nempe 1. ut sint comprehensivæ, 2. in debita forma productæ, 3. & consulto prius Pontifice, ejusque nomine literis expresso.

241. Extensivæ tantum sunt Dogmaticales.

§. I.

Origo Lutheranismi.

1.  
Indulgentiarum  
usum.

Res non minus salutaris quam antiqua in Christi Ecclesia est usus Sacramentorum Indulgentiarum; quibus ex meritis Christi Sanctorumque applicationibus, remissa per Sacramentum poenitentiae culpa lethali, remittitur poena adhuc residua culpæ debita.

Prout S. Paulus 2. Cor. 2. incestuoso illi Corinthio remisit poenam sceleri debitam. Et Episcopi primitivæ Ecclesiæ ad intercessionem Martyrum temperabant poenitentiae Canonicae spatium apostatis ad Ecclesiam reversis.

Hunc usum approbarunt non tantum SS. Patres, Pontifices, & Concilia, sed semper in Ecclesia viguit, ut Polemici nostri solent ostendere. Præcipue vero ejusmodi Indulgentiæ publice promulgatae sunt, cum Sacrae in Palæstinam expeditiones sunt adornatae: ut constat ex Concilio Claromontano, Lateranensibus, Lugdunensibus, &c.

2.  
Et abusus.

Verum nihil tam sanctum piumque est, quod abusibus non possit esse obnoxium. S. Cyprianus jam suo ævo est conquestus, quod Martyres absque discrimine sceleratis dent libellos, & Episcopi nimis frequenter, aut nimis facile indulgentias impertiantur.

Qua occasione arrepta Novatiani cum Tertulliano, jam a se ipso degener, non tantum abusus, sed ipsam doctrinam, sanctam, & puram impugnavit. Idem evenit plura post Sæcula.

Nam

Nam Leo X. cum Basilicam S. Petri, ab antecessore suo Julio II. <sup>3.</sup>  
ceptam, ob pecuniæ penuriam non posset absolvere, per *Albertum Bran-* Sub Leone X.  
*deburgicum*, Archi-Episcopum Moguntinum & Brandeburgensem, Joachi-  
mi I. Electoris fratrem ac postea Cardinalem, in Germania indulgentias  
promulgari iussit pro iis, qui ad fabricam illam aliquid contribuerent.

Albertus hanc provinciam demandavit *Joanni Tezelio* ex Ordine Præ-  
dicatorum Inquisitori Fidei, qui jam ante prædicando Indulgentias non  
exiguam pecuniam pro bello adversus Moscos gerendo Equitibus Teuto-  
nicis comparaverat.

Verum hæc res non sine abusibus, & nimis fortassis exaggerationibus <sup>4.</sup>  
acta est; satisque compertum est, pecuniarum collectores aliquos se immi- Torbarum  
scuisse, qui nullum mandatum habebant, vel certe illius limites fuerunt occasio.  
transgressi. Qui plane excessus ingentium deinde turbarum fontes erant.

Cum enim alias Patribus Augustinianis munus ejusmodi prædicatio-  
nis fuisset impositum, *Staupitius* eorum per Germaniam Generalis Vicarius,  
urente invidia, non solum contra illos abusus, sed etiam contra prædi-  
catores prædicare cœpit.

Adhibuit in hanc rem suos in Academia Wittembergenfi Doctores,  
interque eos primo loco *Martinum Lutherum*, hominem, quam præclaris  
corporis ingenique dotibus instructum, tam male iis abusum.

Natus is erat anno 1483. prope Islebiam in Saxonia obscuro genere.  
Litteras Humaniores didicit Isenaci, Philosophiam Erfordiæ, Magister  
artium creatus: ac subin relicto Studio Juridico sanctissimum Ordinem  
Eremitarum S. Augustini ibidem ingressus anno 1505. alteroque post an-  
no Sacerdos ordinatus: ac dein Wittenbergæ ab Andrea Carlstadio Theo-  
logiæ Doctor inauguratus.

Hunc ergo potissimum hominem contra Indulgentiarum Prædicato- <sup>5.</sup>  
res suscitandum Staupitius putavit, ætate, gutture, lacertis, eloquen- Lutherus  
tia, ingenio, audacia, conspicuum. Nec ille segniter negotium aggress- contra Indul-  
sus, spem de se conceptam superavit. Nam magna contentione, non tan- gentias,  
tum contra abusus, nec tantum contra Prædicatores, sed etiam contra  
ipsas Indulgentias altum tonare cœpit: plus eas detrimenti in Ecclesia,  
quam utilitatis afferre; ignaviæ illas blandiri, bonorumque operum stu-  
dium ac salutis curam enervare: melius in pauperes quam in superbam  
fabricam aurum distribui: simulque 97. propositiones, potissimum erro-  
neas, foribus templi Wittembergæ affixit. Docebat in illis, per Indulgen-  
tias pœnam non remitti; quidquid circa liberandas animas e purgatorio  
potest Pontifex, hoc etiam Parochum posse. Ecclesiæ thesaurum, ex quo  
Pontifex Indulgentias exprobat, non constare ex meritis Christi ac Sancto-  
rum, Pontificem non posse absolvere, sed tantum declarare absolutionem.

*Pars III.*

P p

His



6.  
Quas Teze-  
las defendit.

Hic *Tezelius* Francofordiæ ad Oderam 106. alias Theses opposuit, eo ardore, ut alter alterius propositiones publice comburi curaverit. Scripseruntque mox contra Lutheri propositiones *Joannes Ticius*, Professor Ingolstadtii, & *Sylvester Prieras* Dominicanus Sacri palatii Magister. Quibus Lutherus respondit: atque ad Leonem X. misit litteras obsequii & obedientiæ plenas, quibus se doctrinam ejus velut oraculum recepturum promissit: Germanis vero potestatem Pontificiam invisam reddere omni conatu laboravit.

7.  
Colloquium  
cum Cajeta-  
no.

Citatus proin anno 1518. Romam, ubi Theses ejus declaratae fuerant hæreticæ, ad dicendam causam, per Fridericum Electorem Saxonie & Academiam Wittembergensem impetravit, ut causa sua Augustæ coram Thoma de Vio Cardinale Cajetano, Pontificio ad Imperii comitia ibidem Legato, judicaretur. Hic se rursus Romanæ submisit Ecclesiæ: si quid ab illa alienum scripserit, dixeritve, nolle se illud ratum habere.

Cum autem Cardinalis eum urgeret, ut citra disputationem propositiones suas absolute retractet, affixa appellatione ad Pontificem noctu Augustæ aufugit Wittembergam: sparsis in Cardinalem probris, quod argumentis suis nihil reposuerit, sed inhumaniter secum agens veritatem retractare imperarit. Unde audacior factus antiquis hæresibus novas addidit, detrectans Sedem Apostolicam pro Judice controversiarum agnoscere: alium non esse judicem nisi verbum Dei.

8.  
Appellat ad  
Concilium.

Insolentius autem prorupit, cum per Staupitium, & Georgium Spalatinum, Electoris Friderici Secretarium hujus favorem & protectionem sibi comparavit. Tum enim a Pontifice, qui errare posset, ut S. Petrus, quando a S. Paulo fuit reprehensus, appellavit ad Generale Concilium, more omnium Novatorum Rebellium. Crevitque hominis insolentia, cum anno 1519. Maximilianus I. Imperator, invictissimus Ecclesiæ Defensor, est mortuus, & Saxo Septemvir tempore interregni Vicarii munere fungeretur.

9.  
Disputatio  
Lipsiaca.

Tum enim & *Militium* Apostolicum Nuntium, mitius ac blandius agentem Lutherus delusit, & pertinacius errores suos publice disseminavit. Cumque Carlstadius Lutheri Theses scripto propugnandas suscepisset, atque ad Disputationem publicam provocasset, condixit ad illam Eckius conventumque, ut Lipsiæ, urbe ad Georgium Ducem, Electoris patruelem, spectante, institueretur. Quamvis autem Carlstadius ad eam provocasset, diffidens tamen Lutherus & causæ & illius patrono, ipse interesse ac personam agere suam voluit.

Disputatum de libero arbitrio, de hominis cooperatione ad bonum, de bonis operibus, & an homo in omni bono opere peccet (ut Lutherus dicebat) de purgatorio, indulgentiis, remissione peccatorum &c. Constatque

que ex Actis authenticis, victoriam penes Eckium aperte stetisse. Certe Georgius Dux, in cuius presentia concertatio illa fuerat suscepta, ingenti posthac zelo & invicto prorsus animo novella Lutheri commenta ab eo tempore prosligavit, nulloque in ditione sua loco est passus consistere.

Interea Lutherus licet a Superioribus Ordinis sui monitus, ut resipisceret, qua voce, qua scriptis pluribus libellis Sedem Apostolicam invisam reddere, plenamque vitæ licentiam invehere est conatus, Nobilitatem præcipue Germanicam exstimulans, ut tandem evigilet, & tyrannidem intolerabilem excutiat.

Qui furor ac rabies in immensum augebatur, ubi anno 1520. Leo X. 10. Lutheri furor.  
45. propositiones, ex Lutheri libris collectas damnavit, intentato anatemathe, nisi intra 60. dies easdem retractaret: tum enim combusto Wittembergæ publice Jure Canonico, Romanum Pontificem velut Anti-Christum, & Diabolis omnibus pejorem ore ac calamo maledico calumniabatur, ac proscindebat, pluresque in dies libertatis & effrænæ licentiæ avidos sectatores est nactus.

Tanto igitur hominis unius furori, animarumque multarum damno ut occurreretur, Pontifex a Carolo V. electo nuper Imperatore per Hieronymum Alexandrum, Nuntium suum Apostolicum petiit, ut cremari Lutheri pestiferos libros edicto jubeat, eumque ex Imperii finibus ejiciat, ne tabes ulterius serpat, malumque mora increfcens superius evadat remedium. Primum obtentum facile: nam & in Belgio & in pluribus Germaniæ locis Lutheri libri sunt exusti: alterum vero Cæsar ad Imperii comitia differendum censebat. Timendum siquidem fuerat, ne homo refractarius obsequium detrectet, confusus potentiæ suorum fautorum.

Non enim solum Electorem Saxonie sed etiam Palatinum cum grandi hominum multitudine, in partes suas pertraxerat: attamen alios inter 11. Huttenus studio & amore in Lutherum facile eminebat Ulricus *Huttenus*, Nobilis Franco, tam expertus profanæ litteraturæ, quam experts Sacræ, hostis Pontificis juratus.

Quid multum? Principibus ac Nobilitati dabat Lutherus opima Ecclesiarum spolia, plebi effrænem libertatem, Ecclesiasticis, jam alias corruptis, ac monachis connubia; sicque facile Septentrionem, jam alias ad casum primum, in ruinam præcipitavit.

Neque nihil initio authoritati Lutheri addidit *Erasmus Roterodamus*, 12. *Erasmus*. homo ut obscuri generis, sic ingenio, eruditione, sermonis Latini Græcique nitore clarus. Hic ingressus Gaudæ Ordinem Canonicorum Regulæ S. Augustini, post novem Religionis annos elapsus, præcipuas Europæ Universitates percurrit, tantamque eruditionis famam sibi comparavit, ut præcipui ætatis illius viri, etiam Episcopi, Cardinales, ipsique adeo summi Pontifices litterarum commercio eum honorarint.



Sed quia in cœnobitas præcipue quodam flagrabat odio, Lutherum initio laudavit, interrogatusque a Friderico Electore Saxonie, quid de libris Lutheri sentiret, respondit, bonos videri, sylum tamen nimis asperum esse & violentum. Postmodum tamen etiam ipse in Lutherum calumum strinxit, amicus modo, modo adversarius: Ut adeo hodie dum dubitent eruditi, plusne Catholici sanguinis, an vero Lutherani habuerit.

13.  
Lutherus  
proscriptus.

Anno 1521. indicta sunt Wormatiam Imperii comitia, in quibus Alexander contra Lutherum perorans ostendit, eum fidem Orthodoxam penitus niti convellere; everti potestatem Ecclesiasticam a Christo constitutam, liberum arbitrium, meritum bonorum operum, efficaciam Sacramentorum, Sacra profanaque omnia confundi: eo jam prævestum mali contagium, ut lenibus remediis irritetur potius quam consanetur: efficacius nihil videri quam edictum Imperiale Ordinum consensu firmatum, quod nova hæresis cum authore suo funesto penitus proscribatur.

Magno consensu a Statibus itum in hanc sententiam, excipiente Electore Saxonie, audiendum ipsum etiam Lutherum, priusquam damnetur. Igitur Cæsar data securitatis cautione Lutherum Wormatiam deduci imperat, addito tamen interdicto, ne in itinere ad populum verba faciat, aut turbare quidquam moliat. Quo tamen mandato non stetit, sed Erfordie ad concionem dixit: sicque jure salvi conductus excidisset.

Adductus ad comitia, atque interrogatus, an libros suos agnoscat proprios, & an eos retractare velit, respondit, esse suos, retractare vero se eos non posse, nisi verbum Dei velit retractare. Cumque pertinax huic responso insisteret, dimissus est, & post lapsum mensis edicto Imperiali ex toto Imperio proscriptus tanquam hæreticus.

14.  
Ex Wart-  
burgensi  
arce tenet.

Verum Fridericus Elector, ut securitati Lutheri consulere, eum clam per larvatos equites interceptum, in arcem Wartburgensem abduci iussit: ubi novem menses moratus, consilium de Missa privata abolenda ab Alastore didicit: pluraque scripta emisit virulenta contra Doctores Lovanienses, & præcipue contra *Latomum*: quibus docebat, Missam non esse Sacrificium, non prodesse defunctis: nullum esse purgatorium, nullam conversionem eucharisticam, sed corpus & sanguinem Christi una cum pane & vino esse præsentia: omnes Christianos posse consecrare, prædicare, administrare Sacramenta, absque status laicalis aut Ecclesiastici discrimine: nullum Mandatum legemque nullam obligare, nisi existeret in Evangelio &c. Atque ut plenam in Ecclesiasticum ordinem licentiam invehere, contra vota monastica, & coelibatum Sacerdotum tonare cepit. Quo factum est, ut multi desertis Monasteriis sacrilegas nuptias contraherent, prout ipse etiam Lutherus postmodum fecit, eductis monialibus ex asce-

Hos inter insanos furores Lutheri non defuerant, qui eisdem sese opponerent; nam præter Universitates, Coloniensem, Lovaniensem, atque ipsam etiam Parisiensem, ad cujus iudicium toties provocaverat, ipsius doctrinam tanquam hæreticam condemnantes, Henricus VIII. Rex Angliæ eruditum opus polemicum pro defensione Sacramentorum scripsit contra & rege titulum *Defensoris Ecclesiæ*: quem utinam semper esset meritis, nec infanis amoribus æstuans a se ipso degenerasset.

Lutherus Academiis Regique Angliæ inhumana prorsus & plane scurrilia probra reposuit. Imo etiam in sectarios suos horrendum detonuit, si quid præter ejus intentionem procedebat.

Expertus id est *Carlstadius*, qui cum primus Sacerdotum approbante Luthero uxorem duxisset, adversus sacras Imagines furorem exerens, atque cum globo insolentium juvenum in templum Wittenbergæ irrumpens, Cruces, Imagines, atque Altaria subvertit. Quo audito Lutherus e latebris suis contra Elestoris voluntatem prorumpens, in Carlstadium rabiem exprompsit, indignatus, Discipulum velle supra Magistrum sapere: retinendasque sacras in templis Imagines contendit.

Carlstadius interea, ut verbis illius S. Scripturæ in *sudore vultus tui vesceris pane*, satisfaceret, agricolam induit, pertracto in eandem ineptiam Melanchtone, qui pistorem agere cœpit.

Cum autem Carlstadius novam induceret hæresin, insiciendo realem præsentiam Christi in eucharistia, rupta omnino est hos inter hæresiarchas amicitia. Nunquam enim Lutherus adduci potuit, ut articulum illum fidei sicut reliquos extereret, distitans, verba scripturæ nimium circa hoc esse clara. Unde Carlstadium primum Wittembergæ, deinde etiam Orlamunda exegit. Tota denique Saxonia proscriptus, Tigurum in Helvetiam ad Zwinglium se contulit, cumque illo Sacramentarium hæresin elaboravit: quamvis, ut Novatorum mos est, neque hi duo fabri convenire potuerint, quolibet systema ad phantasticam suam ideam procudente. Cumque Zwinglius novi inventi gloriam solus deinde prensaret, Carlstadius omnium egenus Wittembergam rediit, ubi tantus Doctor & antea Archidiaconus, ab omnibus contemptus, & rustico labore se ægre sustentans, tandem Basileam abiit, ubi præconis munere aliquamdiu perfunctus, misere periit, suffocatus a Diabolo, si Lutheranis scriptoribus fides est. Filius vero ejus, sapientior Patre, ad Ecclesiam rediit.

Ut vero Lutherus verbi Divini prætextu homines magis deciperet, sacra Biblia, varie mutata, truncata & mutilata, in germanicam linguam transtulit; quo sane effecit, ut etiam fœminæ passim disputarent.



18.  
Emserus.

Hæc res complures viros Catholicos excitavit, ut ostensis Lutheri depravationibus, majori fide Biblia in linguam Germanicam verterent. Hos inter eminuit Hieronymus *Emserus*, Lipsiensis Doctor, Consiliarius Georgii Ducis Saxonie, insignis Lutheri oppugnator, cujus ostensis plurimis prævaricationibus Biblia vertit, ejus postea exemplum alii sunt secuti, ut Eckius, Ulebergius, Dietenbergius &c.

19.  
Gravamina  
Norim.

Anno 1523. Legatus Adriani VI. Pontificis in comitiis Norimbergensibus urgebat executionem Bullæ Leonis X. & edicti Wormatiensis contra Lutherum. Verum prævalente ibidem factione Lutherana, responsum est Legato, hoc postulatum jam non amplius esse de tempore. Reformandum prius per Concilium Generale, in aliqua Germaniæ Civitate instituendum, curiam Romanam. Atque ut Lutherani eandem exosam redderent, crepando abusus, *centum Gravamina* (quæ exinde *Norimbergensia* dicta sunt) consarcinabant.

## §. II.

### Progreßus Lutheranismi.

20.  
Lutheran-  
ismus in  
Sueciam,

Postquam lues Lutherana Saxoniam, aliasque nonnullas Germaniæ Provincias corripuerat, in extremum Septentrionem pervasit, anno 1523. nam Olaus quidam, postquam in Academia Wittenbergenfi pestem contraxerat, eandem in Sueciam Patriam suam intulit, afflato primum Laurentio Archi-Diacono, ac ipso etiam Regis *Gustavi Ericsonis* Secretario.

Hic Regi de mediis inquirenti, qua ratione ærarium bellis exhaustum reparari, contraſtaque debita dilui possent, novæ Sectæ libertatem ostendebat; hanc Ecclesiasticorum bonorum copiam facere; ex iis fisco illatiæ Reipublicæ posse consuli: plures Germaniæ Principes hanc viam jam iniisse, magno ærarii publicarumque necessitatum levamine. Nec operosum fore ad novam Religionem Regnum pertrahere: relinquendam conscientiæ libertatem, Lutheranis Ministris prædicationem, Sacerdotibus uxores, optimatibus portionem Ecclesiastici Spolii, maxima Regi reservata.

Rege per-  
verso Spo-  
riorum cu-  
piditate.

Hac esca illectus Rex liberum primo reliquit hæreseos exercitium, tum vero toto pectore venenum hauriens aperte ab Ecclesia descivit, pertracta exempli verborumque vi majori parte Regni, ut adeo in comitiis abolita veteri Religione novella decerneretur, additumque, bona Ecclesiarum inferenda esse Regni ærario. Sicque retentis plerisque externis ritibus ac caeremoniis quatuor ferme intra annos nobilissimum Sueciæ Regnum Lutheranæ hæresis procella raptum est.

Ea-

Eadem lues incubuit Daniæ, in qua *Fridericus I.* tantum libertatem  
ocendi ſentiendique indulſit: ejus vero Filius Chriſtianus III. coronatus  
*Joanne Bugenbaggio* ſeu *Pomerano*, quem Lutherus ad eum ex integro per-  
ertendum ſubmiſerat, ſtabilita Oldenburgica ſua ſtirpe in Regno, decre-  
o ſoleni Episcopatus abrogavit, plenoque alveo Lutherum admifit.

Interea etiam in Germania majores latius proſperendo vires accepit  
ontagium, præſertim poſt altera comitia Norimbergenſia, anno 1524.  
elebrata. Miſit ad iſta Clemens VII, qui Adriano VI. ſucceſſerat, Le-  
atum Cardinalem *Campegium*: quem Principes magna quidem honoris  
gnificatione exceperunt: ſed cum plures Lutherum animo jam imbibif-  
ent, fruſtra *Campegius* inſtitit executioni ediſti Wormatienſis, urgen-  
ibus Lutheranis, ut prius tollantur centum Gravamina Norimbergenſia  
ontra curiam Romanam atque Ordinem Eccleſiaſticum ſuperioribus co-  
nitiis propoſita. Editum tamen urgentibus Lutheranis decretum de con-  
ocando Concilio, ut interea profundas hæreſis radices poſſit agere.

Catholici Principes cum Legato Pontificio hoc ipſum metuentes Ra-  
isbonæ aliud decretum formarunt, ut videlicet ediſtum imperiale con-  
ra Lutherum editum exaſte obſervetur: in ritibus Eccleſiæ nihil mute-  
ur: Eccleſiaſtici uxorati & Monachi Apoſtata ſevere puniantur: Evan-  
gelium prædicetur juxta interpretationem Patrum & Doctorem in Eccle-  
ia receptorum: Subditi Catholicorum Wittembergæ ſtudentes revocen-  
ur: Lutheranus proſcriptus a Catholico Principe, ab altero in ditione  
ua non toleretur. Si quis ob hoc fœdus infeſtetur, cæteri ſint auxilio.

Lutherani ac præſertim urbes Imperiales, quarum jam multæ ad Lu-  
theri caſtra deſciverant, ægre ferentes conventum illum Catholicorum  
Ratisbonæ, & ipſi talem indixerunt Spiram, ubi Confeſſio Fidei Luthe-  
ranæ cuderetur, cui omnes ſubſcriberent. Interceſſit Carolus Cæſar lit-  
teris ex Hiſpania miſſis, quibus ſevere vetabat Congreſſum Spirenſem,  
ediſtumque Wormatienſe ruſus imperavit quantocius executioni dari.

Omiſſum quidem Spirenſe conventiculum, ediſtum vero obſerva-  
tum nunquam: Luthero ſui ſecuro Wittembergæ debachante, & inde  
novos Apoſtolos ſuos ad diſſeminandum novum Evangelium emittente.  
Quippe hoc tempore lues Wittembergica in Ducatum Luneburgicum, &  
Mechlenburgicum, in Pomeraniam, Holfatiam, in Pruſſiam & Livoniam  
eſt propagata.

Utraque hæc Provincia ad Ordinem Teutonicum pertinuerat. At  
*Albertus Brandeburgicus*, Ordinis Magiſter, Eccleſia Catholica, quam de-  
ſendere voto fuerat obſtriſtus, deſerta, Lutherum ſecutus eſt; utque  
alterum etiam votum Religioſum ſolenne frangeret, uxorem duxit Filiam  
Regis

21.  
Et in Daniam  
per Pomer-  
anum.

22.  
*Campegius*  
urget edi-  
ſtum Worm-  
atienſe.

23.  
Decretum  
Ratisbonenſe  
Catholico-  
rum.

24.  
Provincia  
Boreales per  
verſæ.

25.  
Pruſſia.



Regis Daniæ. Submisit se deinde Sigismundo I. Regi Poloniæ, a quo Prussiam Orientalem sub nomine *Prussie Ducalis* in feudum accepit.

Lutherus his adeo prospere gestis monachalem habitum, quem hactenus gestaverat, abiecit, dicique voluit *Doctor Martinus Lutherus*. Tædium tamen aliquod sensit a pristino suo amico Erasmo: qui anno 1524. Diatribam suam edidit de *libero Arbitrio* contra Lutherum; ab Emsero deinde in Germanicum versam. Opposuit tandem Lutherus tractatum de *seruo Arbitrio*, more suo crassum & petulantem, omnia fato quodam & necessitate ineluctabili fieri dictitans.

## §. III.

## De Bello Rusticorum, variis comitiis, &amp; Confessione Augustana.

26.  
Origo Belli  
Rustici.

Anno 1525. Lutherus seditiosis scriptis classicum ad arma Rusticana cecinit abusus verbis Domini, non venisse se, ut pacem mitteret, sed gladium. Doctrinam istam gnaviter sibi impresserant quidam ejus Discipuli, fortassis ultra Magistri votum dociles.

Hos inter eminebant *Thomas Mincerus* & *Nicolaus Storckius*, qui libertatem Christianam, toties a Luthero laudibus celebratam, per Germaniam discurrantes prædicabant; omnes inter se pares esse debere; nullas Leges, nulla præcepta, onera nulla esse imponenda. Hæc erat illa tuba, quæ Martem plebejum accenderat, Rusticorum undique turba adversus Dominos suos insurgente, & ad arma consuente.

27.  
Postulata Ru-  
sticorum,

Initium factum in Suevia: ubi Rustici 12. Articulos Principibus & Magistratibus suis proposuerunt: quibus postulabant, ut pro arbitrio liceat sibi Ministros eligere, qui prædicent purum verbum DEI, sine mixtura humanarum inventionum. Ut ex solo frumento petantur decimæ; ut sylvæ sint communes; ut in iis tantum teneantur obedire, quæ ipsis justa & honesta videbuntur. Ut aboleantur omnia, quæ libertati pugnant.

28.  
Ac furor.

Cum autem Nobiles in has passionibus ire nollent, innumera Rusticorum examina per Sueviam, Franconiam, Alsatiæ, Thuringiam ac Rhenanas Provincias direptionibus, rapinis, incendiis, arcium everfione, cædibusque, furore inaudito sunt grassati, Helfensteinio Comite cum multis aliis de Nobilitate barbæ trucidatis.

29.  
Rusticorum  
clades,

Quare Principes isto fœdere adversus Rebelles subditos arma corripere coacti sunt; atque in Suevia a Fürstenbergio & Truchsesio, ad Rhenum a Palatino & Trevirensi, in Lotharingia & Alsatiâ ab Antonio & fratre ejus Duce Guisio multa Rusticorum millia cæsa sunt. In Thuringia adhuc restabat bellum, ubi *Mincerus* ipse Propheta Victoriæ Rusticos ducebat. At etiam ibidem a Joanne Electore Saxonie, qui Friderico Fra-

Et Minceris.

Fra-

fratri nuper successerat, a Georgio Duce, Philippo Hasso, & Henrico Brunsvicensi facile fusi sunt, capto Mincero, & manu carnificis interfecto; attamen, ut fertur, poenitente. Atque sic finitum est Bellum Rusticum; in quo intra trimestre spatium ultra centena rusticorum millia occubuisse perhibetur.

Lutherus, cum videret rusticos passim vinci, cædique, contra eos calamum convertit; ne tot seditionum, cædium, atque ruinarum Auditor esse videretur. Quam parum tamen Germaniæ ingementis cladibus tangatur, satis prodidit: dum hoc ipso luctuoso tempore sacrilegas nuptias contraxit cum Catharina Bore, una ex illis, quas biennio ante Leonardus Koppen e monasterio Wittembergam Luthero adduxerat. Valuitque perniciosum exemplum ad multorum ruinam. Frustra tamen Alberto Cardinali Brandenburgico has tædas admoveere est conatus, quem sollicitare non erubuit proxenata propudiosus, ut cognati sui Magni Prussiæ Magistri exemplum secutus, uxorem ducat, & Archi-Episcopus Moguntinum & Magdeburgensem Filiis suis hæreditarios relinquat. At Cardinalis impudentem & carnalem rabulam nec responso dignatus est. Rex Angliæ & Georgius Dux Saxonæ responderunt quidem ad novas Lutheri incantationes, quibus in suas eos partes trahere nitebatur; sed quia solide ejus errores confutabant, nil nisi olida sputa & scurriles contumelias ab eo deinceps reportarunt.

Feliciores autem fuit (quin infeliciores) in pervertendo Philippo Hassio Landgravio, potenti deinceps Sectæ novellæ Patrono, qui primus in comitiis Spirensibus, anno 1526. habitis, rei Divinæ veteri more celebrata interesse noluit: cum hætenus quoad externos ritus nihil admodum mutatum vellent heterodoxi Principes.

Proposuit in his comitiis Ferdinandus Archi-Dux nomine Cæsaris Fratris sui executionem decreti Wormatiensis, & suppetias ferendas Ludovico Hungariæ Regi, adversus Solimannum eas enixe flagitanti. Neutrum impetratum, Luthericolis ad mutua adversus Catholicos fœdera se jam parantibus. Sicque Ludovicus destitutus auxiliis ad Mohatium cæsus, vernanti in ætate occubuit, & cum eo flos exercitus, omnisque ferme Hungaria, magnis deinceps adversus Turcas bellis, magnaue variantis fortunæ vicissitudine, reparanda ab Augustissima Domo Austriaca, perenni aggere, ne in Germaniam se effundant fluctus Ottomannici.

Sed neque intra Germaniam se continuit furor Lutheri; Romam usque, quod unice concupierat, pervasit, cum incredibili urbis ruina anno 1527. cum enim Clemens VII. consilio præcipiti adversus Carolum V. Cæsarem fœdus cum quibusdam iniisset, Carolus Borbonius Cæsarei Dux exercitus transitum per urbem Romanam copiis petebat: quo ne-

30.  
Lutheri antipathia.

31.  
Hassus seductus.

32.  
Hungariæ clades.

33.  
Ac Roma.



gato urbem oppugnavit, & expugnavit, in ipso tamen affultu globo trajectus occumbens, irrupente in urbem, leviter defensam, Cæsareo milite. Tum vero distu incredibile, qua rabie Lutherani, quorum multi erant in exercitu, urbem sint deprædati. Nulli parsum sexui aut ætati, ne quidem iis, qui Cæsarearum erant partium: tam sanctum nihil, quod non pollutum, inhorrescente ipso Cæsare, cum tristi Nuntio barbaram crudelitatem accepit. Errant profecto, qui militum excessus Principi tribuunt, præsertim absenti: sæpe nec Duces præsentem comescere possunt ferocientem licentiam. Per hæc Capitum nostrorum jurgia & Turcis & Lutheranis crescendi spatium est concessum: quare remedium paraturus

34.  
In comitiis  
Spirensibus  
protestantur  
Lutherani.

Anno 1528. Carolus Cæsar comitia Ratisbonam indixit, consultura de Religionis negotio, & bello adversus Turcas apparando. Verum propter falsas Lutheranorum suspiciones in annum sequentem differri oportuit. Igitur anno 1529. comitia *Spire* sunt habita. Ubi Miranda Pontificis nomine subsidia contra Turcas obtulit; licet urbs a direptione necdum se collegisset. Circa Religionem decretum denique, nullum amplius Catholicum a Religione posse deficere, sed expectandum usque ad decisionem Concilii: Ubi vero nova sit recepta, posse illam interim ibi persistere: non impedito tamen Catholicæ Religionis exercitio: Missam aboleri non posse: Sacramentarios ex Imperio proscribendos: Anabaptistas vero morte plectendos: Evangelium prædicandum in sensu ab Ecclesia recepto.

35.  
Unde Protestan-  
tium no-  
men.

Contra hoc Decretum protestati sunt sex Principes Lutherani, Saxo nempe, Onolsbacensis, duo Luneburgici, Hassus & Anhaltinus cum 14. Urbibus Imperialibus. Unde ortum famosum illud nomen *Protestantium*, quod sub in alii etiam Novatores usurparunt.

36.  
Vienna libe-  
ratis

Circa subsidia adversus Turcas mittenda nihil a Protestantibus istis obtineri potuit, unde Solimannus direpta Hungaria ad ipsam Viennam ingentem admovit exercitum. Verum strenue illam propugnante Philippo Palatino Principe Catholico, Electoris Lutherani nepote, Turca amissis sexaginta suorum millibus, qua cæsis, qua fame, frigore, morbisque confectis, turpi fuga Constantinopolim se recipere coactus est: ringente Luthero, Catholicos non fuisse proritos.

Hac tempestate missi a Lutheranis Legati Placentiam ad Carolum Cæsarem, qui protestationem suam contra Decretum Spirense apud eundem interponerent, ac liberum Religionis exercitium per Germaniam usque ad decisionem Concilii, in Germania celebrandi, deposcerent. Reposuit Augustus, pessime factum, quod pauci Status contra Decretum sint protestati: In comitiis Imperii valere majorem partem suffragiorum: Hoc nisi observetur, bases ac fundamentales ejusdem leges subversum iri.

Philip.

Philippus interim Haſſus, ut majori numero adverſus Catholicos pugnaret, omnem operam intendit, ut Zwinglianos uniret cum Lutheranis; convenerunt proin Marburgi, evocati cum Luthero Wittemberga Melanchton, & Juſtus Jonas, Norimberga Oſiander, Brentius Hala Suevorum, & Stephanus Agricola Auguſta; cum Zwinglio, Sacramentariorum Duce, Oecolampadius, Bucerus, & Hedio. Diſputatum triduo de Eu-<sup>37.</sup> chariſtiæ Sacramento: at irritò conatu, Luthero veram ac realem præſentiam Chriſti ex Evangelio comprobante, Zwinglio ex eodem Evangelio probante oppoſitum: ita videlicet novis his prophetis Spiritus contrarias omnino veritates inſpiravit: & Evangelium utrique clarum erat pro ſua ſententia. Unde factum, ut pars utraque triumphum caneret; cæptumque Lutheranos inter & Zwinglianos bellum illud Sacramentarium, quo ſe mutuo acerbiffimis ſcriptis tanquam teterrimos hæreticos proſciderunt.

Marburgenſe colloquium.

Haſſus in colloquio Marburgenſi ſine ſuo fruſtratus, alio vertit conſilia, ut hæreſi jus civitatis in Imperio extorqueret. Unde jacta Smalcaldici fæderis ſemina, in ingentem bellorum ſegetem excretura.

<sup>38.</sup> Initia fæderis Smalcaldici.

Cæſar collato Bononiæ cum Pontifice conſilio, poſtquam bellum Gallicum & Italicum conſecit, anno 1530. Comitiam totius Imperii Auguſtam indixit, per ſe ipſum iisdem præfuturus.

Interea Proteſtantes cudebant famoſam ſuam *Confessionem Auguſtanam* 28. articulis comprehenſam: præerat huic novo operi *Philippus Melanchton*, quam obſcuro in Palatinatu ad Rhenum genere, tam illuſtri ingenio, atque humaniore litteratura ac Philoſophicis diſciplinis egregie exculto. Commotus fama juvenis Fridericus Eleſtor Saxoniz ad Academiam ſuam Wittembergenſem eundem accivit. Ubi præcipua quadam cum Luthero, quamvis indole diſſimili, familiaritate & amicitia junctus, aſperos illius mores doctrinamque, licet diſcipulus, moderari ac temperare quandoque ſatagebat; homo ſcepticus, dubitans, varians, vacillans; de quo hodie-<sup>39.</sup> dum diſceptatur, cujus fidei fuerit, Lutheranis illum ſibi vendicantibus, repoſcentibus Calviniſtis, Ariani ſuum eſſe dicentibus.

Melanchton cudit *Confessionem Auguſtanam*.

Imperator Carolus magnifica pompa ingreſſus Auguſtam die altero, in quem feſtum Corporis Chriſti incidebat, deductionem SS. Sacramenti ſolemniffimo apparatu celebrari voluit; cui dein ipſe cum omnibus Principibus Catholicis interfuit: Lutheranis comparere detrectantibus. Inhibitz iſtis a Cæſare ſunt conciones & Miſſæ; ac orationi, quam Campegius, legatus Pontificius, habuerat, aſeſſe compulſi ſunt.

<sup>40.</sup> In Comitio Auguſtani Cæſari oblata.



41.  
Ac solide  
refutata.

Oblata postea Imperatori a sex illis Principibus, quos ante memoravimus, & duabus civitatibus, Norimbergensi nimirum & Reutlingana, Confessio Augustana, ac publice lecta. Cæsar illam Catholicis Doctoribus examinandam dedit: qui illam adeo solide confutarunt, ut multo majori suffragiorum numero fuerit rejecta, confutatio autem illius approbatione roborata: Philippo Landgravio indignante, & ne quidem salutato Cæsare, discedente.

42.  
Decretum  
Cæsareum.

Ad reliquos Principes Protestantes Joachimus I. Elector Brandeburgicus, apprime Catholicus, facundam Orationem habuit, qua eos adhortabatur ad abjiciendam Confessionem suam, tam solide S. Scripturæ Patrumque Autoritate refutata, deputati ex utraque parte, qui eandem rursus examini subjicerent, Præsilibus Eckio & Melanchtone. Et quamvis hic multa remitteret, temperaret, variaret, quia tamen Lutherus, ad quem in propinquo Coburgi hærentem omnia deferebantur, contumaciter resistebat, quin hoc ipso tempore complures seditiosos libellos adversus Imperatorem, & Episcopos spargebat, unio constitui non poterat.

Quare Imperator Decretum edidit, quo Protestantibus tempore ad deliberandum præfixo, an rejecta sua confessione sequi in omnibus velint doctrinam Ecclesiæ Catholicæ, vetuit, ne interim scripta ederent, aut quemquam ad sectam suam pertraherent, aut Catholicos ab exercitio suæ religionis impedirent: contra vero ad exterminandos Sacramentarios & Anabaptistas collaborent: se operam daturum, ut propediem a Pontifice generale indicatur Concilium.

Principes accepto hoc decreto, apologiam pro Confessione Augustana a Melanchtone compositam offerunt Cæsari: qui eandem abjecit, ac decreto suo morem geri voluit. At illi parere recusantes discesserunt, nec quidquam in subsidium adversus Turcam conferre voluerant. Unde Cæsar ad finem comitiorum novum decretum publicavit, quo sanxit, solam religionem Catholicam in Imperio exercendam, omniaque in statum pristinum reducenda: vetita severe omni contraria doctrina, consuetudine, ac ritu, usque ad decisionem Concilii.

43.  
Cur petierint  
Concilium.

Ubi notandum venit, Protestantes, licet sæpius ad Concilium generale appellarint, nihil tamen minus optasse, quam Concilium, ut postea etiam apparuit; cum ad illud invitati comparere noluerint. Sed petebant Concilium, quod videbant propter bellorum tumultus aliasque difficultates tam brevi haberi non posse, ut interea impune sectam suam viresque augere possint.

44.  
Fœdus  
Smalcaldicum.

Nam paulo post Smalcaldiæ in Hassia convenerunt, ac fœdus inierunt in mutuam sui defensionem contra quoscunque, qui in religionis suæ exerci-

exercitio turbare eos vellent; pertractis etiam in fœderis societatem civitatibus Imperialibus.

Quin Reges etiam Gallia & Angliæ, quibus invisam esse norant Caroli V. vastam potentiam, sollicitarunt: at illi negato novæ fœcæ patrocínio, pro juribus tantum imperii Ordinum conservandis, & libertate Germaniæ auxilia addixere.

Cum autem anno 1531. Solimannus cum innumerabili exercitu Germaniæ finibus immineret, atque Protestantes isto fœdere Smalcaldico tumultuarentur, quin & Catholici etiam quidam Principes subsidia Turcica negarent, offensi, quod Carolus Cæsar Ferdinandum fratrem suum Colonia eligi curarit in Regem Romanorum; ideo cedendum aliquantum temporis, missis Norimbergam, ubi Smalcaldici fœderis socii congregati erant, legatis, edictum Wormatiense & Augustanum suspendit usque ad futurum Concilium: permisso interim Lutheranis religionis suæ exercitio, protestante licet legato Apostolico.

Facta hac Norimbergenfi pace Cæsar magno cum exercitu Solimanno obviam processit, anno 1532. at ille Caroli virtutem & fortunam nolens experiri, expilata Hungaria in Thraciam se retraxit.

§. IV.

Confilia de convocanda Synodo.

Cum Protestantes sæpius simulata Concilii spe illud expeterent, & Imperator etiam in memorato paulo ante tractatu Norimbergenfi religionis libertatem illis indulsisset usque ad illius decisionem, convenerunt anno 1533. Pontifex & Imperator Bononiæ, de Concilio inituri consilium.

Consensit facile Pontifex, modo Protestantes his starent conditionibus: ut scilicet Concilium sit liberum & universale pro more omnium temporum: ut eligatur commodus pro eo locus, Bononia, vel Mantua, vel Placentia: ut Principes in eo vel per se vel per Legatos compareant: ut omnes se subjiciant Concilii Decretis: alias frustra convocatum iri. Quod si non fieret, Cæsar ac Principes Ecclesiam defendere teneantur. Si articuli isti acceptentur, Pontifex intra sex menses Concilium indicat, post annum ab indictione celebrandum.

Hi articuli a Pontifice & Cæsare missi ad Joannem Fridericum, Electorem Saxoniam, qui Joanni nuper mortuo successerat: ille communi Rejectione a cato cum sociis Smalcaldicis consilio respondit: nullum admitti posse Concilium cum ejusmodi conditionibus: elucere ex illis Pontificis tyrannidem; everti libertatem. Postulari Concilium, in Germania celebrandum: in quo Pontifex neque præsideat, neque Judicem agat: cum

45.  
Suspendio  
Decreti  
Wormatiensis & Augustani.

46.  
Conditiones celebrandi Concilii.

47.  
Rejectione a Lutheranis.



48.  
qui alias  
proponunt.

49.  
Paulus III.  
urget Con-  
cilium,

parsit, contra quam agendum : tale item Concilium, cujus sententiam nemo teneatur amplecti, nisi quæ Verbo Dei conformis reperitur.

Anno 1534. mortuo Clementi VII. successit Cardinalis Alexander Farnesius assumpto nomine Pauli III. qui illico magnopere urgebat Religionis & Concilii convocandi negotium. Atque ut prætextibus Lutheranorum obviaret, delegavit quosdam cum plena potestate corrigendi abusus, qui in curiam Romanam aut Ecclesiasticum Ordinem irrepsissent: creatis etiam ad hoc Cardinalibus, viris, doctrina & vita præstantibus, Simoneta, Contareno, Jacobatio, Montano, Sadoletto, Bembo, Fischero, Schombergio, Caraffa &c.

Anno igitur 1535. Paulus III. legatum ad omnes misit Principes Paulum Vergerium (qui postea factus Episcopus Justinopolitanus in Istria, cum fratre suo infelix apostata, ad Grifones profugit) Protestantes Smalcaldicæ erant congregati, ubi novum inter se fœdus in decennium inierunt, pertracto etiam (diversis licet ex finibus) in societatem Regibus Galliæ & Angliæ. Hic ultimus, licet a Romana Ecclesia schismate se absciderit, Lutheranos tamen in Anglia non est passus.

Smalcaldici dein fœderati Pontificio ad se Nuntio acerbè respondent, atque eas Concilii conditiones præscribunt, quas acceptari non posse satis norant. Constare debere synodum ex illis, quos Imperator, Reges & Principes deligerent, laicos juxta & Ecclesiasticos, qui causam religionis ex verbo Dei definirent. Atque hoc erat, cur Clemens VII. quoad viveret, a Concilio alienior sit visus, satis prospiciens, Protestantes in nullo legitimo comparituros; quod Paulus III. deinde expertus est.

50.  
Mudque  
indicit  
Mantuanam

Is anno 1536 Concilium indixit, urgente Cæsare, a gloriosa expeditione Africana reduce, in qua expugnata Galatha & Tuneto Barbarossam Algerii Regem devicit, liberatis 20000. Christianorum mancipiorum.

Protestantes interea Wittembergæ congregati in cudenda Unione cum Zwinglianis rursus laborabant, ut per eorum accessum potentiam suam augerent. At frustra: quia Lutherus immobilis erat in asserenda reali præsentia Christi in Eucharistiæ Sacramento. Solus Bucerus Præconum Argentinesium primipilus admissa tandem Christi præsentia in ipso usu Sacramenti, Lutheranis unitus est: postquam errores Zwinglii ejuravit. Bucerum deinde secuta est ipsa Argentina, cum præcipuis Ministrellis, uti Musculo, Capitone &c.

51.  
Protestan-  
tibus Lu-  
theranis.

Anno 1537. crescente Smalcaldico fœdere ex accessione Regum Daniæ, & Sueciæ, Ducis Wirtembergici aliorumque Principum, convocati sunt Lutherus, Melanchton, Pomeranus, Bucerus, Osiander, alique  
Luthe.

Lutheranorum Mystagogi ad examinandam Bullam indictionis Concilii, quam Protestantibus obtulerant Vorsius Legatus Pontificis & Heldenus Orator Cæsaris. Sed viribus suis confisi cum fastidio responderunt, se nunquam consensuros in Concilium extra Germaniam celebrandum: indicendum illud esse ab Imperatore, Regibus & Principibus, Pontifice vero comparandum tanquam parti litiganti & accusatæ. Scriptum denique per omnem Europam vulgabant, in quo momenta sua proponebant, cur Concilium Mantuam indictum rejicerent. Rex Gallia ab illis rursus sollicitatus, protectionem quidem suam adversus Cæsarem, cum quo bellum rursus instauraverat, ipsis addixit, Concilium tamen celebrandum secundum consuetudinem antiquam respondit.

Cum autem Catholicos ex ditionibus suis expellerent, atque ad Sectam Lutheranam adigerent, Principes Catholici Norimbergæ congregati, fœdus & ipsi inter se inierunt, adversus omnes, qui exercitium Catholicæ Religionis impedire præsumerent. *Unionis* istius Protectores ac Duces declarati Carolus Imperator, & Ferdinandus Rex. Pontifex autem cum Dux Mantuæ urbem suam Concilio cunctaret concedere, Vicentiam illud convocavit, ratus, urbem ditionis Venetæ gratiorem Germanis futuram.

Igitur anno 1538. ut ut senio jam confectus Niceam usque profectus est, ut ibidem pace inita Cæsarem inter & Regem Gallia, ( quorum uterque præsens erat ) Concilium congregari posset. At ultra inducias in decennium obtinere nil potuit. Principibus vero istis alio distractis, cum pauci Vicentiæ comparerent, in aliud tempus Concilium prorogare coactus est, non sine magno suo dolore, quem in Bulla indictionis testatur.

Annus 1539. & 1540. inter varia colloquia utriusque fœderis, Francfurti, Hagenaë & Wormatiæ instituta, est transactus: at omnia incassum. Nec Concilio Generali locus, fociis Smalcaldicis Concilium more veteri celebrari nolentibus; Gallia vero Rege Mediolanum deposcente, bellumque rursus minitante, ac dein etiam inferente. Obiit hoc tempore Georgius Dux Saxonie Catholicæ Religionis defensor eximius, quem propterea Lutherus petulantissimis scriptis invasit. Post ejus autem mortem Lipsia, omnesque aliæ ejusdem urbes & ditiones in Saxonia, Misnia & Thuringia a Luthero perversæ sunt. Idem contigit in Marchia Brandenburgica anno 1535. post mortem Joachimi I. ferventissimi Electoris Catholici. Imo ipse etiam Cardinalis Albertus, Joachimi Frater, in Diocesi Magdeburgensi & Halberstadiensi novitiam Sectam tolerare coactus est.

Anno 1541. indictus est a Cæsare novus Conventus Ratisbonam: cui præsens etiam fuit Cardinalis Contarenius Pontificis Legatus. Articulis a Bucero, Apostata Dominicano, compositos, xix est 21.

52.  
Unio Catho-  
licorum.

53.  
Papa Niceam  
profectus.

54.  
Obitus Geor-  
gii Saxonis &  
Brandeburgi.

55.  
Disputatio  
Ratisbonensis  
delecti  
dein



dein tres Theologi ex utraque parte a Cæsare, nempe ex parte Catholicorum Julius Pflugius, Joannes Gropperus, & Joannes Eckius: ex Protestantibus Melanchthon, Bucerus, & Pistorius. Sed post mensem, disputationi impensum, nihil actum erat. Ostendit profecto experientia, per ejusmodi tractatus circa Religionem malum irritari potius quam sanari: sicut enim Zenonis Henoticon, Heraclii Ectesis & Constantis typus auxerunt potius discordiam, ita ejusmodi Tractatus cum Lutheranis.

56.  
Negata Vi-  
centia Tri-  
dentum pro-  
positum.

Re igitur infecta Cæsar in Italiam discessit; ubi de necessitate maturandi Concilium cum Pontifice collocutus, ad alteram Africanam expeditionem se accinxit. Qua tempestatum injuria frustrata in Hispaniam reversus est. Pontifex autem, cum Veneti, ne Solimanno suspicionem aliquam moverent, Vicentiam ægre concederent, *Tridentum* indicere Concilium statuit: idque per Nuntium suum *Moronum* Statibus Imperii Spiræ congregatis proponi curavit anno 1542.

57.  
Pflugius.

Acceptatus illico locus fuit a Ferdinando Rege, omnibusque Catholicis, protestantibus rursus Lutheranis: *Tridentum* urbem esse magis Italicam, quam Germanicam: Pontificem non debere convocare Concilium, imo ne nomen quidem ejus in litteris convocationis exstare. Fastique conniventia audaciores, in dies magis adversus Catholicos insolecebant. Sic dum Julius Pflugius a Capitulo Naumburgensi electus esset Episcopus, Fridericus Elector Saxonie electionem illam irritam declaravit, eo quod Pflugius non esset Confessionis Augustanæ, atque Nicolaum Amsdorfium, ex Lutherii triarii hominem, intrusit: quem Lutherus manibus impositis consecravit.

58.  
Indictio Con-  
cili Triden-  
tini.

Pontifex tamen Paulus incredibili ardens desiderio uniendi Ecclesiam, Concilium indicit Tridentinum Bulla hac super re edita: In qua narratis Ecclesiæ totiusque Christianæ Reipublicæ calamitatibus, a Turca illatis in Hungaria, Germania, atque Italia, dum interim Christiani Principes inter se armis & animis dissentirent. Quo factum, ut omnes conatus sui hactenus fuerint frustranei, quos adhibuerit in convocando Concilio: malum jam in dies ulterius serpens exposcere, ut etiam non expectato Principum consensu medicina adhibeatur. Se proin Concilium Oecumenicum indicare in 1. Nov. anni 1542. invitatis ad id omnium nationum Episcopis.

59.  
Dilatatio illius.

Verum erumpente rursus bello Carolum inter Cæsarem & Franciscum Regem, ac Turca etiam Hungariam depopulante, advenire ad Concilium Prælati Nationum non poterant: qua propter Legatis Pontificiis per sex menses Tridenti frustra expectantibus, in aliud iterum tempus Concilium differri debuit.

Accidit hoc tempore *Hermanni* Comitis de Weiden, Archi-Episcopi & Electoris Colonienſis infelix lapſus. Is enim, rudis omnino doctrinæ, <sup>62.</sup> Hermannus que expers, a Lutheranis, in ejus aulam ſe inſinuantibus, perſuaſus eſt, <sup>lapſus.</sup> ut Martinum Bucerum, qui Eccleſiam Argentinenſem reformaffet ac poſtmodum etiam Melanchthonem, & Piſtorium advocaret, quibus ſe totum pervertendum obtulit: opponente ſe Clero Colonienſi, præcipue *Groppero*, Eccleſiæ illius Archi-Diacono, ac poſtmodum Cardinale a Paulo IV. creato: cujus præſtanti doctrinæ, cum inſigni probitate & Religionis conſtanti zelo conjunctæ, Colonienſis Eccleſia a procella illa conſervata plurimum fane debet.

Cum autem *Hermannus*, in Lutheranam hæreſin prolapſus, contumaciter in ea perfeveraret, a Pontifice excommunicatus eſt, atque de-poſitus, ſurrogato in ejus locum Adolpho Schauenburgio: qui provin-cia ſua a ſæcibus expurgata, exactis Novatoribus, rem Catholicam reſtituit. Infelix vero *Hermannus*, devictis a Cæſare atque diſſipatis Smal-caldjei fœderis ſociis, ab Electoratu pariter deſiſtus, in hæreſi obſtina-tus in comitatu ſuo Weidenſi octogenarius interiit.

Anno 1543. *Franciſcus* Rex Galliæ Carolum Imperatorem ſuis & <sup>61.</sup> Turcarum viribus invaſit, Cliviæ etiam Duce in partes ſuas pertracto; <sup>Facilitas in</sup> quem Cæſar primo aggreſſus fœderi Gallico renuntiare coegit. <sup>Lutheranos.</sup>

Utque hoſti ab Oriente & Occidente incumbenti unitis Germaniæ viribus occurreret Carolus, anno 1544. *Spiræ* Imperii Comitia ſunt habita. In quibus, excluſo Legato Pontificis, multa Lutheranis conceſſa, re-duſtaque ferme ad æqualitatem Jurium Catholica & Lutheranæ Religio.

Ingemuere Catholici, ſummos Eccleſiæ Catholicæ Principes pertina-cibus adeo bellis ſe mutuo ad ea conſilia impellere, quæ ipſismet ingrata, & Religioni Orthodoxæ, utrique communi, plurimum detrimenti affe-rant. Quare Pontifex prolixam ad Cæſarem dedit epiſtolam, in qua ad-verſus decretum Spirenſe conqueſtus eſt. Reſpondit Carolus, meliora expectanda eſſe tempora.

Et proſecto meliora affuſerunt, cum hoc eodem anno 1544. pacem <sup>62.</sup> *Creſpiacam* Carolus & *Franciſcus* inierunt, a toto Orbe Catholico & præ- <sup>Pax Creſpia-</sup> fertim a Pontifice tantopere exoptatam. Majus adhuc gaudium allatum <sup>ca.</sup> eſt, ubi innotuit, utrumque Principem ſe obligaffe ad agendam commu-ni conſilio & opera cauſam Religionis, curandumque, ut quamprimum Concilium Tridentinum convocetur a Pontifice.

Anno igitur 1545. in Comitibus Wormatienſibus *Ferdinandus* Rex, & Cardinalis *Otho Truchſeſius*, Episcopus *Auguſtanus*, indicabant, Cæſarem ac Regem Galliæ procuraffe convocationem Concilii, toties deſiderati: ſtandumque illius decretis. Deinde urgenda ſubſidia pro bello Turcico,



ad quod etiam Rex Gallia promiserit auxilia. Protestantes inhærebant suo responso, in Germania celebrandum Concilium, cui Pontifex nec per se nec per Legatos præsit. Alias nulla ab ipsis sperari posse adversus Turcam subsidia.

Cernens igitur Imperator Protestantes spreta autoritate sua adversus omnia edicta obstinatos, neque aliter, nisi armis, compesci posse, dissolutis comitiis Wormatiensibus, alia Ratisbonam indixit. Quod ægre ferebant Catholici, ignari taciti Imperatoris consilii.

### §. V.

Concilium Tridentinum inchoatum sub Paulo III.

#### Primæ IV. Sessiones.

63.  
Sessio I.

Interea Pontifex Legatos suos, Cardinalem *de Monte & Cervinum*, cum *Reginaldo Polo* Tridentum misit ad inchoandum Concilium. Habita- que prima Sessio 13. Decembris: in qua propositæ causæ celebrandi Concilii, videlicet extirpatio hæresum, pax & unio Ecclesiæ, reformatio Cleri & populi Christiani: ac depressio Hostium Christiani nominis; præsentibus duntaxat præter Legatos quatuor Archi-Episcopis, 22. Episcopis, & 6. Generalibus Ordinum cum Legato Ferdinandi Regis. Legati autem Gallia propter dilationem Concilii revocati fuerant.

Sessio II.

Anno 1546. die 7. Jan. celebrata est altera Sessio, in qua statutus est modus pie, & modeste se gerendi in Concilio. Addita protestatio, quod ordo sedendi in Concilio nemini debeat præjudicare, aut novum Jus tribuere.

Sessio III.

In tertia 4. Febr. lectum est Symbolum Nicænum.

64.  
Sessio IV. de  
libris S. Scri-  
pturæ, Ver-  
sione vulgata  
&c.

In quarta 8. April. præsentibus jam 5. Cardinalibus, 9. Archi-Episcopis, & 41. Episcopis, statutus numerus *librorum S. Scripturæ* secundum antiqua Concilia, & perpetuam Ecclesiæ traditionem. Tenendam *versionem vulgatam* pro authentica: eoque sensu intelligendam, quem tenuit & tenet S. Mater Ecclesia, cujus est judicare de vero sensu & interpretatione SS. Scripturarum: Libros non esse edendos sine approbatione & Facultate debita; nec sine addito nomine Auctoris. Verba Scripturæ non adhibenda ad facetias, jocos, incantationes &c.

#### Sessio V.

##### *De Peccato originali.*

In quinta 17. Junii editum decretum de peccato Originali: Adamum per peccatum amisisse justitiam, & secundum corpus & animam in deterius esse mutatum: Origine unicum, propagatione transfusum omnibus inesse cuilibet proprium: atque solum tolli per merita Christi nobis applica-

plicata per baptismum: per quem admittitur, etiam parvulis, quidquid propriam rationem peccati habet: remanente concupiscentia, quæ non est verum peccatum: quamvis aliquando peccatum vocetur, quia est ex peccato & ad peccatum inclinatur. *Lutherus docebat, peccatum non tolli per baptismum, sed tantum non imputari: & concupiscentiam esse peccatum.*

Ubi autem definit Concilium, peccatum Originale omnibus inesse, addit, non esse suæ intentionis comprehendere in hoc decreto *Beatam & Immaculatam Virginem Mariam*: sed observandas Constitutiones Sixti IV. quæ habentur in *extravag. commun. c. 1. & 2. de Reliquiis & venerat. Sancti.*

66.  
De Immaculata Conceptione.

In his Capitulis Sixtus IV. Missam & Officium de Conceptione Immaculatæ Virginis instituit, insignesque Indulgentias hoc festum & Officium devote celebrantibus impertitur: statuitque, eos ipso facto incurrere excommunicationem, qui alterutram sententiam de Immaculata Conceptione hæresis aut peccati mortalis condemnant.

Postmodum vero Paulus V. Gregorius XV. & Alexander VII. adhuc pressius prohibuerunt sententiam de Immaculata Conceptione quovis modo improbare, aut refutare.

Addita fuerunt duo decreta de *Reformatione*. Primum est de constituendo Theologiæ Professore in Cathedralibus Ecclesiis & insignibus collegiatis pro lectione S. Scripturæ, eique comparando congruo stipendio: item de constituendo Magistro inferiorum Scholarum in minoribus Ecclesiis, qui gratis doceat Clericos & pauperes Grammaticam.

67.  
De prælezione S. Scripturæ & prædicatione.

Alterum Caput declarat, omnes Episcopos, Archi-Episcopos & Ecclesiarum Prælatos teneri per se ipsos, si non sint impediti, prædicare Evangelium: si vero impediti fuerint, viros idoneos ad hoc munus eligere.

In Monasteriis quoque habeatur lectio S. Scripturæ: nec possint Regulares extra suas Ecclesias prædicare sine facultate Episcopi. Si scandala aut hæreses disseminent, poterit Episcopus tanquam delegatus Sedis Apostolicæ contra eos procedere secundum Juris dispositionem.

## | Sessio VI.

### *De Justificatione.*

In sexta Sessione celebrata 13. Jan. 1547. editum est decretum de *Justificatione*: quo statuitur

68.

1. Perveniri non posse ad Justificationem per vires naturæ, aut Legem Mosaicam,
2. Propterea misit Pater Divinus Filium suum.



3. Per cujus merita tribuitur nobis gratia, qua iusti efficiuntur. Licet autem Christus pro omnibus sit mortuus, tamen illi solum mortis ejus beneficium recipiunt, quibus passionis ejus meritum applicatur.

4. Justificatio autem fieri non potest sine baptismo, aut ejus voto.

5. In adultis preparatio ad justificationem fit per gratiam excitantem & adjuvantem, eidem libere assentiendo & cooperando, cum illam abicere possent.

6. Unde disponimur per fidem, timorem Divinae Justitiæ, & spem, incipiendo Deum diligere tanquam omnis Justitiæ fontem.

7. Dispositionem sequitur ipsa Justificatio, quæ non est sola peccatorum remissio, sed sanctificatio per susceptionem gratiæ. Justificationis autem causæ sunt: *Finalis gloria Dei & Christi, ac vita æterna. Efficiens Deus. Meritoria Christus. Instrumentalis Baptismus. Formalis Justitia Dei:* non qua ipse justus est, sed qua nos justos facit, Justitiam in nobis recipientes secundum propriam dispositionem. Simulque infunditur Fides, Spes & Charitas: sine quibus Fides mortua est.

8. Dicimur tamen *per Fidem* justificari: quia Fides est humanæ salutis initium, fundamentum & radix omnis Justificationis, sine qua impossibile placere Deo. *Gratis* autem justificamur, quia gratiam justificationis non meremur per nostram preparationem.

9. Nemo autem scire valet certitudine Fidei, cui non potest subesse falsum, se gratiam Dei esse consecutum.

10. Augetur autem gratia justificans per bona opera, & observantiam Mandatorum:

11. Quæ non sunt impossibilia, & quamvis etiam iusti in levia & quotidiana peccata quandoque cadant, non desinunt tamen esse iusti. Neque iustus in quolibet opere peccat.

12. Citra specialem revelationem nemo pro certo scire potest, an sit prædestinatus.

13. Similiter de perseverantiæ munere nemo certo aliquid sibi pollicetur absoluta certitudine: tamen in Dei auxilio firmissimam spem collocare omnes debeant.

14. Justificatio post baptismum lapsi fit per Sacramentum Pœnitentiæ, distinctum omnino a baptismo. Neque tantum est cessatio a peccatis, aut peccatorum detestatio, sed insuper continetur etiam eorum confessionem, saltem in voto, & absolutionem, item satisfactionem per jejunia, eleemosinas, Orationes, & alia bona opera, pro pœna temporali, quæ non tota semper, ut in baptismo, statim remittitur justificatis per Sacramentum Pœnitentiæ.

15. Per omne peccatum mortale amittitur gratia Justificationis, non tamen Fides, nisi sit peccatum infidelitatis.

16. Justificato exercenda sunt bona opera, quæ per gratiam Christi peracta sunt meritoria vitæ æternæ, quæ tanquam merces & corona Justitiæ a Deo promissa est operibus bonis. Nemo tamen in se ipso confidat aut gloriatur, sed in Domino, cujus erga nos tanta est bonitas, ut nostra velit esse merita, quæ sunt ipsius dona.

*Canones de Justificatione.*

Post 16. ista Capita de Justificatione editi sunt de eadem 33. Canones contra Lutherum & Calvinum. In quibus dicitur anathema

69.

1. Illi, qui dixerit, absque gratia Christi posse hominem justificari.
2. Per gratiam tantum facilius posse hominem juste vivere, & mereri vitam æternam.
3. Sine gratia posse hominem credere, sperare, diligere aut pœnitere, prout oportet.
4. Liberum hominis arbitrium nihil cooperari, neque posse dissentire, si velit: sed nihil omnino agere, mereque passive se habere.
5. Post Adæ peccatum esse extinctum.
6. Proditionem Judæ non minus esse opus Dei, quam vocationem Pauli.

7. Omnia opera, ante Justificationem facta, vere esse peccata.
8. Gehennæ metum, propter quem peccata detestamur, esse peccatum.

9. Sola Fide impium justificari.
10. Nos sine Christi Justitia justificari, aut per eam ipsam formaliter justificari
11. Nos justificari vel sola imputatione Justitiæ, vel sola peccatorum remissione, exclusa gratia inherente.

12. Per solam fiduciam nos justificari.
13. Ad obtinendam remissionem peccatorum opus esse, ut quis credat, ea sibi esse remissa.
14. Justificationem consistere in fide, qua quis credat, se esse justum.
15. Justum teneri ad certo credendum, se esse in numero prædestinatorum.

16. Si quis finalem perseverantiam absoluta & infallibili certitudine sibi promittat, citra specialem revelationem.

17. Justificationis gratiam tantum prædestinatis conferri.
18. Dei præcepta homini gratia instructo esse impossibilia.
19. Nihil esse præceptum in Evangelio præter Fidem.



20 Evangelium esse nudam promissionem vitæ æternæ, sine conditione observationis Mandatorum.

21. Christum non esse legislatorem.

22. Justum sine speciali gratia posse perseverare, vel cum ea non posse.

23. Justificatum non posse amplius peccare, aut gratiam amittere, aut posse in tota vita peccata omnia, etiam venialia, vitare, sine speciali Dei Privilegio, ut de B. V. tenet Ecclesia.

24. Justitiam non augeri per bona opera: sed hæc tantum fructus esse aut signa Justificationis acceptæ.

25. In quolibet bono opere peccari.

26. Justam non debere expectare aut sperare æternam retributionem pro bonis operibus.

27. Nullum peccatum esse mortale, nisi sit infidelitas.

28. Amissa gratia semper etiam amitti Fidem.

29. Post baptismum lapsum sola Fide sine Sacramento Pœnitentiæ justificari: aut per gratiam non posse resurgere.

30. Cuilibet peccatori post acceptam gratiam Justificationis ita culpam remitti & reatum pœnæ æternæ, ut nullus remaneat reatus pœnæ temporalis, vel in hoc Sæculo vel in purgatorio exsolvendæ.

31. Justum peccare, si intuitu æternæ mercedis operetur bene.

32. Bona opera justî ita esse dona Dei, ut non sint etiam bona ipsius justî merita: aut justum per ea non mereri augmentum gratiæ, ac vitam æternam.

33. Per doctrinam de Justificatione derogari meritis Christi.

70.  
Quinque  
Capita Re-  
formationis  
circa Resi-  
dentiam &c.

Addita sunt 5. Capita de Reformatione. In primo obligantur Episcopi ad *Residentiam*: ut, si per 6. continuos menses fuerint absentes, absque legitima causa, a suis Ecclesiis, multentur quarta fructuum parte unius anni, Ecclesiæ & pauperibus loci applicanda.

Hæc pœna *Sess. 23. Cap. 1.* adhuc magis asperata fuit: ut Episcopus, ultra tres menses, sive continuos sive interpolatos absque urgente causa absens, præter reatum peccati mortalis, pro rata absentiae fructus non faciat suos, sed teneatur eos fabricæ, aut pauperibus erogare.

Alterum Caput Beneficiatorum etiam inferiorum *Residentiam* decernit: si eam beneficia requirant. *Sess. vero 23. c. 1.* fructibus privat etiam.

Cap. 3. Regulares extra Monasterium degentes quoad crimina Ordinariis subjiuntur, tanquam Apostolicæ Sedis delegatis.

Cap. 4. Visitare possunt Episcopi, quoties opus fore videtur.

Cap. 5. Episcopi in aliena Diœcesi Pontificalia non exercent, sine expressa Ordinarii licentia: neque ordines conferant.

Sessio

## Sessio VII.

*De Sacramentis.*

In Sessione VII. celebrata 3. Martii 1547. actum primo de Sacramen-  
tis in genere, editique contra Novatores 13. Canones: ac

71.

1. Anathema dicitur illi, qui dixerit, Sacramenta novæ legis non  
fuisse omnia a Christo instituta, aut esse plura vel pauciora, quam septem.

2. Illa non differre a Sacramentis antiquæ legis, nisi quatenus sint  
aliæ caremoniæ, ac ritus.

3. Nullum esse altero dignius.

4. Illa esse superflua.

5. Propter solam fidem nutriendam esse instituta.

6. Ea non conferre gratiam, sed signa tantum esse externa acceptæ  
gratiæ, & notas Christianæ professionis.

7. Non semper per illa conferri gratiam, licet rite & sine obice  
suscipiantur.

8. Non conferri per ea gratiam ex opere operato: sed sufficere so-  
lam fidem Divinæ promissionis ad gratiam consequendam.

9. In Baptismo, Confirmatione, & Ordine non imprimi caracte-  
rem, unde iterari non possint.

10. Christianos omnes habere potestatem Sacramenta administrandi.

11. In Ministris, dum Sacramenta conficiunt & conferunt, non re-  
quiri intentionem saltem faciendi, quod facit Ecclesia.

12. Ministrum in mortali constitutum non conficere aut conferre Sa-  
cramentum, licet omnia faciat, quæ ad rationem Sacramenti pertinent.

13. Ecclesiæ ritus in solenni Sacramentorum administratione a quo-  
cunque Pastore posse omitti aut mutari.

*De Baptismo & Confirmatione.*

Post istos in eadem Sessione cõditi sunt 14. Canones de Baptismo,  
seu potius totidem anathematismi. Nam

72.

1. Dicitur anathema illi, qui dixerit, Baptismum Joannis habuisse  
eandem vim cum Baptismo Christi.

2. Aquam veram & naturalem non esse de necessitate Baptismi.

3. In Ecclesia Romana non esse veram de Baptismo doctrinam.

4. Baptismum collatum ab hæreticis non esse verum Baptismum.

5. Eum non esse necessarium ad salutem.

6. Baptizatum non posse gratiam amittere.

7. Per Baptismum solius Fidei debitores fieri, non autem totius Le-  
gis Christi servandæ.

1. Ba-



8. Baptizatos liberos esse ab omnibus Ecclesiæ Præceptis.
  9. Vota omnia post Baptismum facta esse irrita.
  10. Peccata omnia, post Baptismum commissa, sola recordatione & Fide suscepti Baptismi dimitti, aut fieri venialia.
  11. Baptismum rite susceptum iterandum esse ab eo, qui ab apostasia ad poenitentiam convertitur.
  12. Neminem esse baptizandum, nisi in ea ætate, qua Christus baptizatus est, vel in ipso mortis articulo.
  13. Parvulos, qui actum Fidei non eliciunt, suscepto baptismo, non esse inter fideles computandos, ac proin rebaptizandos, cum ad annos discretionis pervenerint: aut præstare omittere Baptismum, quam baptizare actu non credentes.
  14. Parvulos baptizatos, si postea ratum habere nolint, quod patini nomine illorum promiserunt, suo arbitrio esse relinquendos.
- Denique additi sunt tres Canones de Confirmatione. In quibus anathematizantur, qui dixerint,
1. Confirmationem otiosam esse cæremoniam, aut olim non fuisse aliud quam catechesin quandam, qua Fidei suæ rationem exponebant.
  2. Injurius esse Spiritui S. qui confirmationis Chrysmati virtutem aliquam tribuunt.
  3. Confirmationis Ordinarium Ministrum non esse Episcopum, sed quemvis simplicem Sacerdotem.

73.  
De Confirmatione.

#### Decreta Reformationis.

74.  
De Clericis,  
Beneficiis  
Ecclesiasticis.

- Adjuncta fuerunt 15. Capita de Reformatione.
1. Ad Regimen Cathedralium Ecclesiarum assumantur legitime nati, probi ac docti.
  2. Tenentes plures Episcopatus omnes dimittant, uno excepto. Alias ipso jure omnes vacant, excepto ultimo.
  3. Inferiora Beneficia, præsertim curata, conferantur dignis, & qui per se ipsos residere & curam exercere possint.
  4. Plurium Beneficiorum contra SS. Canones detentor, ipso jure illis privatus existat,
  4. Nisi dispensationem Ordinario exhibeat. Et tunc de idoneo Vicario provideatur.
  6. Uniones Beneficiorum examinentur ab Ordinariis.
  7. Unita visitentur ab Ordinario singulis annis. Constituantur Vicarii cum tertia parte fructuum.
  8. Reparandæ Ecclesiæ: & cura animarum sollicitè exercenda.

9. Ad

9. Ad majores Ecclesias promoti ultra 6. menses consecrationem non differant.

10. Sede vacante Capitulum intra annum a die vacationis nulli con-Ordinatione cedat licentiam ordinandi, aut litteras dimissoriales, nisi occasione bene-bus. ficii obtinendi, vel jam obtenti arctato. Si Capitulum contraveniat, sub-jaceat interdicto: & sic ordinati ab executione Ordinum Jure ipso sint sus-pensi, ad beneplacitum futuri Prælati.

11. In litteris dimissoriis exprimenda causa, ob quam a proprio Epi-scopo ordinari non possint. Nec ordinandi sine prævio examine.

12. Facultas de non promovendo annum non excedat.

13. Electi, præsentati, aut nominati ad beneficium non instituuntur sine prævio examine: Exceptis iis, qui præsentantur ab Academia.

14. Causæ civiles exemptorum extra locum exemptum ab Episcopo cognoscantur.

15. Curent Ordinarii, ut hospitalia accurate administrantur.

### Sessio VIII.

#### *De Concilio transferendo Bononiam.*

In Sessione VIII. habita XI. Martii 1547. a majori parte Prælatorum decreta est translatio Concilii Bononiam, propter morbum quendam Tri-denti grassantem. Jam alias sæpius de hac translatione actum est, urgen-tibus etiam Legatis Apostolicis, tum propter tumultus Belli Smalcaldici, in propinquo tonantis, tum fortassis ex privatis rationibus, ut sint Romæ propiores, si Pontificem Octogenarium mori contingeret.

Evicit tandem major numerus migrationem, protestantibus ex vo-luntate Cæsaris Hispanis Episcopis, atque Tridenti remanentibus cum Cardinale Pacieco.

Cum Bononiæ 21. Aprilis in Sessione IX. pauci Prælati convenissent, prorogata est Sessio in secundam Junii. Et quia idem contigit in Sessione Prorogata X. dies 15. Septembris Sessioni XI. est destinata: ubi materia Sacramen-Sessiones Bo-tonia. torum tractaretur. Verum propter varia impedimenta Concilium per qua-tuor annos suspendi, atque ad annum usque 1551. differri debuit, ut nunc breviter exponemus.

### §. VI.

Bellum Smalcaldicum: Translatio, & suspensio Concilii.

Cum Smalcaldici federati cernerent Concilium Tridentinum inchoatum, Smalcaldico-Veriti, ne Cæsar eos ad illud amplectendum cogeret, Francofurti rumConatus. ad Mænum convenerunt anno 1546. renovaturi fœdus Smalcaldicum, ut unitis viribus Concilio Tridentino se opponerent, plenam Reli-



gionis suæ libertatem extorquerent, atque ex contribulibus suis aliquos Judices in Cameram Imperialem intruderent.

78.  
Disputatio  
Ratisbo-  
nenfis.

Indixit interea Cæsar colloquium Ratisbonam; ad quod delecti ex utraque parte rursus Theologi, qui de Religionis Controversiis disceptarent: & quidem ex Catholicis Petrus Malvenda Dominicanus, Erardus Bilichius Carmelita, Joannes Hoffmeisterus Augustinianus cum celeberrimo Doctore & Antagonista Lutheri Joanne Cochläo; ex Protestantibus Martinus Bucerus, Joannes Brentius, Georgius Major, & Erardus Schneppius. Cumque in Disputatione de Justificatione Bucerus varia concedere coactus esset contra voluntatem Protestantium, quatuor illi disputatores ignominiosa fuga ex campo contentionis se subtraxerunt.

79.  
Mors Lu-  
theri, &  
elogium.

Territi fortassis etiam sunt morte Lutheri, quæ in hoc tempus incidit: quia sine illius consilio ab ejus Sectatoribus nihil agebatur. Is ultima vitæ ætate, cum audiret, congregatum esse Tridenti concilium, furem, rabiem, & apparatus omnem, quo probe erat instructus, maledicæ eloquentiæ exprompsit adversus illud atque Romanum Pontificem, edito libro, quem inscripsit: *contra Pontificatum a Satana institutum*: additis etiam picturis se auctore dignis, quibus propudiose proponebat Pontificem, auribus asininis horrentem, atque a dæmonibus coronatum. Vindicare fortasse sic voluit ignominiam, quam incurrit, dum ex puella diabolum niteretur expellere, ab illo foribus oclusis in olidas redactus angustias. Obiit autem Islebii, quo a Comitibus Mansfeldicis ad Controversias quasdam componendas Wittemberga evocatus fuerat: ubi 17. Februarii anno 1546. postquam lauto convivio inter solitos jocos & facetias bene passus & potus ad quietem se composuisset, die altero mortuus inventus est anno ætatis clymaisterico 63.

Orbi inclaruit, ut Herostratus quondam incenso Dianæ templo: homo levis, spurcus, petulans, & inauditæ maledicentiæ: qua scripta sua vitamque implevit. Dignum tamen censuere Wittembergenfes Mausolæo marmoreo 12. Apostolorum statuis coronato.

Venerat inter hæc Ratisbonam ad Comitia Cæsar, in quibus nullum ex Principibus fœderatis invenit: nec iterato citati comparuerunt, in privatos inter se conventus abstracti. Habita nihilominus comitia, statutumque, ut omnes Tridentini Decretis morem gerant: protestantibus more suo legis Lutheranis.

80.  
Fœdus Cæ-  
saris contra  
Smalcaldi-  
cum.

Tum vero cernens Cæsar, omnia Comitia, edita, omnesque amice componendæ pacis vias eludi a Lutheranis, fœderi suo Smalcaldico mordicus inhærentibus ac consis, armis ad officium revocandos existimans, cum Pontifice, Principibus Catholicis, & nonnullis etiam Lutheranis, ut Mauritio & Augusto Saxonæ Ducibus, item Alberto & Joanne Marchio-  
nibus

nibus Brandeburgensibus, foedus init. Cumque Smalcaldici per Legatos quærerent, quo armorum ille apparatus pertineret? Ad compescendos Rebelles subditos, respondit Cæsar.

Non enim Bellum Religionis causa paratum videri voluit, ut quosdam ex Lutheranis etiam ad se pertraheret: sed in læsæ Majestatis Divinæ & humanæ reos se moturum, qui falso Religionis prætextu incisis nervis ac nexibus Rempublicam, totamque Imperii molem conentur evertere, despecta potestate Cæsarea, omnibusque viis pacem in Germania per tot Comitia stabiliendi proterve abjectis: contra Imperatorem Conventus cogi, & cum exteris Principibus pangi fœdera: relicto judiciorum ordine privata illa atque truculenta diffidationum Jura suscitari denuo, in perniciem quietis & tranquillitatis publicæ. Subditos Imperii impune jam toties armis invasos, atque vi injusta Principes etiam Provinciis suis dejectos: Henricum Brunsvicensem a Landgravio urbibus suis spoliatum, adhucdum vinctum teneri, & in carcere squalescere: ipsas Imperii bases propediem eversum iri, ni Caput invigilet, & turbulentis conatibus obviam eat.

81.  
Cæsar p  
blicat Belli  
causas.

His Belli causis ad urbes Imperii liberas dimissis, sola Argentina Cæsaris scriptum refutare est ausa.

Joannes Fridericus Septemvir, & Philippus Landgravius, Smalcaldici fœderis Duces, responderunt Cæsari (editis dein etiam litteris publicis) non alia quam Religionis causa Bellum in se parari, ut vis inferatur conscientiis, & sub jugum Pontificis ac Concilii mittantur. Simulque non tantum principes & civitates socias, sed Regem etiam Galliæ ac Angliæ in Imperatorem suum concitant. At illi, pace nuper cum eodem composita, domesticis Germaniæ turbis immiscere se nolebant. Cumque initæ cum Solimanno induciæ etiam tenerent, liberum Cæsar nactus est spatium, cum pace non posset, armorum virtute constituendi Rempublicam.

Cum autem Legiones suas ex diffitis Provinciis, Hispania, Italia, Belgio, Hungaria accire deberet, fœderati autem Smalcaldici suas in propinquo haberent, multo hi viribus superiores erant. Octo enim tantum millia Cæsar Ratisbonæ collegerat.

Primi autem Wirtembergici cum civitatibus Sueviæ Lutheranis, collecto viginti millium exercitu ductore Sebastiano Schertelio Augustano in campum armati prodeunt, atque ut copias, quas Pontifex ex fœdere Cæsari mittebat, transitu prohiberent, expugnato Ehrenbergensi propugnaculo, Oeniponto imminebant. Verum Schertelius, ubi compertit, duodecim millia Tyrolensium Duce Castelato Comite ad arma confluxisse, territus, viam, qua venerat, repetiit, & fœderatorum copiis,

82.  
Smalcaldici  
frustra tenta Tyrolis,



ad Ulmam collectis, se conjunxit. Atque inde fœderatus iste exercitus Donawerdam movit, ubi se Elector & Landgravius cum copiis, quas per Franconiâ adduxerant, junxit.

Octoginta millibus peditum & decem millibus equitum constabat iste exercitus, centum & triginta tormentis bellicis instructus. Opprimi multitudinē Cæsarem facile potuisse creditur, si recta Ratisbonam movissent, ubi illius exercitus, nec decimam hostium partem æquans, stabat: atque inde digressus prope Landishutum castra communiit.

Prope Ingol-  
stadium ca-  
stra locant,  
ac Bellum  
Cæsari de-  
nuntiant:

Verum Smalcaldici, dum lente Rainam ac Neoburgum intercipiunt, atque inde progressi Ingolstadium inter & Monachium castra locant, spatium Imperatori dederunt suas operiendi copias. Ne autem fœderati nihil egisse videantur, missa tubicine Bellum *Carolo Gandaveni*, ut loquebantur, denuntiant. Dux Albanus supremus post Cæsarem copiarum Dux, remisso tubicine, proscriptionem Imperialem eis promulgat.

Venerant interea, Smalcaldico tam grandi exercitu in castris otiose desidente, memorabiles Cæsari suppetiæ, nemine se opponente; duodecim nimirum millia peditum & sex millia Equitum, quæ Pontifex miserat, ducē Octavio Farnesio Parmensi Duce, Cæsaris genero, ac patre Alexandri Farnesii, incomparabilis postea herois, ac Belgii Salvatoris. Italicis hisce copiis accessere tria Hispanorum millia, a Principe Sulmensi Neapoli adducta: quatuor item Germanorum millia, ex Brisgoia a Schaumburgio Tribuno collecta.

83.  
Frustra Cæ-  
sar's castra  
tormentis  
impetunt:

Cum his copiis, quamvis adhuc multo inferioribus hostium numero, Carolus Cæsar Neostadii trajecto Danubio ad Ingolstadium castra posuit: Cumque necdum ea satis muniisset, fœderati omnibus tormentis explosis ingenti vi Cæsareos impetebant. Tenuitque ad novem omnino horas illa globorum grando, mira Cæsaris ejusque copiarum constantia. Nam cernens Landgravius ordines ubique servari integros, hostem aggredi non ausus, retrocessit Neoburgum atque inde Donawerdam, intercepturus Comitem Burensem 12000. peditum & 3000. equitum ex Belgio adducen- tem. At ille declinatis caute insidiis felici itinere ad Imperatorem pervenit.

84.  
Arte & vir-  
tute Cæsaris  
attriti.

His ille copiis auctus hostem aggredi statuit. Egressus igitur Ingolstadianis castris, occupatisque in transitu Neoburgo, Donawerda, Nordlinga, aliisque civitatibus, mira bellandi arte hostilem exercitum ita circumduxit, pressit, attrivitque, ut in rerum omnium penuriam ac desperationem eundem conjecerit. Crevitque calamitas, cum Elector, accepto tristi nuntio, Saxoniam ferme omnem a propinquo suo Mauritio, Albertinæ stirpis Principe, esse occupatam, a Landgravio se separavit, & ad restinguendum domi incendium accurrit.

Tum

Tum enim etiam Landgravius re desperata campo excessit, cumque paucis suis residuis copiis in Hassiam rediit, fœderatis se passim deditibus & Imperatoris gratiam implorantibus. Horum primus erat Fridericus Elector Palatinus, quamdiu fuerat Catholicus, Cæsari fidissimus; durioribus conditionibus gratiam impetravit Ulricus Dux Wirtembergicus.

Secutæ sunt urbes; quibus imperata pecunia, & tormentis bellicis, 85.  
Augustam, Ulmam, Memmingam, Campidunum, Lindavium, Biberacum, Plerique  
Ravenspurgum, Francofurtum & Argentoratum in deditionem accepit: ejus gratiam  
Adeptus hoc pacto subsidia ad solvenda militi stipendia & bellum porro implorant.  
prosequendum.

Reliquum hyemis ordinandæ Germaniæ impensum. Cum autem 86.  
Imperator Ulmæ anno 1547. moraretur, nuntium accepit, Electorem Saxoniæ non tantum sua recuperasse, sed etiam Mauritio pleraque ademisse. Decernit  
cæso Alberto Brandeburgico, quem Cæsar ei auxilio miserat. Quare Saxonicum. Bellum Sa-  
xonicum.  
xonicum bellum, licet laboraret arthritide, per se ipsum gerere statuens, sub initium Martii Ulma discessit Nordlingam, ubi Albanus exercitum, quamvis multum accisum, collegerat. Cum hoc Egram processit, Ferdinando Fratri & Duci Mauritio se conjuncturus.

Inde movens in Misniam, perruptis claustris transitum impredientibus, 87.  
ad Albim castra metatus est, Electore trans Albim ad Mühlbergam cum Trajectio  
exercitu stante, ac transitum fluvii prohibente. Ardua profecto erat tra-  
Albis.  
jectio tam lati tamque profundi fluminis, obstante in adversa ripa arma-  
to exercitu cum tormentis bellicis, undique in Cæsareanos dispositis.

At aperuit illa dies, quantum virtus cordata possit; dum Carolus 88.  
heroica vetustatis supergressus facinora, incomparabili fortitudine & flu- Mühlber-  
vium vicit & hostem. Nam elector territus recessit, Wittembergam, mu-  
genis vi-  
nitam urbem, se recepturus. Verum cum levioris armaturæ Equites ac-  
toria,  
dein etiam Albanus cum Equitum turma eundem affecuti, prælio initium  
dederant, superveniens Cæsar insignem ad posteritatis memoriam victo-  
riam reportavit, deletio ferme ad internecionem Saxonico exercitu, &  
quod rei caput est, Elector ipso Joanne Friderico per Albanum capto.

Imperator mortis sententiam tulit in captivum; verum deprecanti-  
bus ei vitæ veniam pluribus Principibus; consensit Imperator, cum his Capto Ele-  
ctore,  
tamen conditionibus, ut Wittenberga se dedat Cæsari: Electoratus Duci  
Mauritio cedat; Elector vero exauthoratus ad arbitrium Cæsaris captivus  
maneant.

Præcipuo hoc Smalcaldici fœderis autore bellicque Principe debel-  
lato, trepidi per Germaniam Protestantes accurrerunt, Cæsarisque ar-  
bitrio se permisere.



89.  
Et Land-  
gravio in-  
dignante  
Mauritio.

Solus supererat Philippus Landgravius, qui, licet ferocia esset inflexibili, tamen cum Dux Mauritius eius gener & Elector Brandenburgicus, vitæ, libertatis ac bonorum ipsi spem fecissent, si Cæsaris se permetteret arbitrio, Halæ Saxonum Cæsari Throno insidenti supplex accidit. Qui ei per Consiliarium quendam respondit, quamvis læsæ Majestatis reus necem esset commeritus, quia tamen crimen fateretur, veniamque supplex peteret, atque Principes etiam pro eo intercederent, vitam ei donari, nec bonis omnibus spoliandum, neque *perpetuo carcere* plectendum.

90.  
Causa Land-  
gravii.

Cum autem abduceretur captivus, Dux Mauritius & Elector Brandenburgicus apud Cæsarem vehementer conquesti sunt: infringi sic pactiōnem cum Landgravio a se initam: nunquam eum compariturum fuisse, nisi fidem dedissent, libertatem, ac ditiones ei servatum iri: neque se unquam suafuros fuisse, ut compareret, si carceris oriri potuisset suspicio; agi de fide sua publice data: obtestari se, ut Cæsar fidem ipsorum liberet a honori consulat, nec patiatur, ut proclamentur per orbem tantam perfidi proditores, qui turpissime decepissent Principem amicum & cognatum, eumque falsis promissis in carcerem coniecissent.

Respondit Imperator, ex genio Albani Ducis ad asperitatem semper declinantis, vera quidem, sed fortasse temporum rationi non omnino consentanea: existare Articulos Landgravio proponendos, ac dein propósitos: id unum in iis contineri, eum non esse multandum carcere *perpetuo*: Si quid ultra ipsi promississent, excessisse limites suæ potestatis. En originem perniciosi deinceps belli, & cladis rei Catholicæ! Nam responso hoc Cæsaris irritati Principes jam tum ad ultionem animum intenderunt; quamvis tunc res eorum necdum ferrent, ut eandem expromerent, eruptionem, ubi opportunior occasio tulerit.

Aucta fuit indignatio, cum geminos Principes captos velut in Triumpho per Germaniam duci cernerent, magnamque tormentorum vim ex Saxonia, Hassia, & Civitatibus Imperii liberis alio avectam. Aversum tamen a Cæsare animum dissimulantes, iram interim corde tegebant.

91.  
Cæsar Fidem  
non violavit,  
nec clemen-  
tiam.

Quamvis autem sint, qui magnanimam Cæsaris clementiam hic requirant; nihil tamen ille egit, quo Fidem datam læserit, aut limites iustitiæ fuerit transgressus. Nullum enim Mauritius aut Brandenburgus mandatum habebant, ut Landgravio libertatem ac ditionum securitatem adpromitterent: suo id sensu ac voluntate fecerunt, quam ratam habere Imperator non tenebatur. Considerare etiam oportet, quanta a viginti jam annis a Principibus istis, Smalcaldici contra se fœderis Ducibus, fuerit perpeffus; quanto ardore Principes, civitates & Germaniam ferme omnem adversus eum concitarent; quo fastu atque ferocia abjudicata ei Imperatoria dignitate, *Caroli Gandavensis* nomine obscurare, & contemnere eum præ-

præsumperint: quantum denique in discrimen bello gravissimo eundem conjecerint. Hæc enim aliaque quâ animo limato atque a præjudiciis libero perpenderit, non multum, credo, Cæsaris iram accusabit, sed justam omnino dicet. Accedit prudens ac providus timor, ne Principes isti, si dimitterentur liberi, turbarent rursus Imperium. Sunt enim beneficia quædam, quorum haud æquo animo recordantur Principes, præsertim ubi iræ, ad tempus pressæ, potentes habent socios. Expertus fuit ipse Carolus Cæsar, quam noxium sibi fuerit beneficium, quo Franciscum I. Regem Galliæ liberum dimisit, ruptis dein pactis bello ab eodem impetitus.

Imo tantum abest, ut Imperator inclementiæ arguendus videatur, ut haud pauci sint Scriptores, qui Mühlbergensi victoria mitius usum existiment, totumque Lutheranismum excindi potuisse, si severitatem præhabuisset clementiæ. Vix enim fuisse putant, qui debellatis Principibus, sociisque eorum dissipatis, tanto Victori Victoriâ prosequenti resistere voluisset aut potuisset.

Interim ille, ut laceram Rempubicam per pacem constituat, lenibusque remediis ejusdem morbos sanet, Comitia Imperii Augustam indixit. In his Ordinibus proposuit, quantopere semper optarit quietem & tranquillitatem Germaniæ; eam constantem esse non posse, nisi Religionis discordiæ per Concilium generale, cui omnes se subijciant, radice evulsa, extirpentur. Convocatum superioribus jam annis esse Tridenti, urbe ad Germaniam spectante, Concilium, pluresque ibidem jam celebratas Sessiones: Decernendum jam esse a Statibus, illius decretis omnibus esse parendum.

Assensere Cæsari tres Electores Ecclesiastici: Palatinus, Saxo, & Brandenburgus recipiendum quidem censebant Concilium, sed cum conditionibus, quas Lutherani essent adjecturi; alii Principes omnes statuerunt, Concilio parere esse Concilio, postquam etiam Protestantes in eo fuerint auditi. Cum autem Imperator petiisset, hoc negotium curæ suæ ac fidei committi, omnes assenserunt, solo excepto captivo Duce Saxonie. Urbes Imperiales Cæsarem veritæ, pariteriverunt in Principum sententiam. Sancitumque denique fuit, parendum omnibus esse Concilii Tridentini decretis.

Hoc durante Bello Smalcaldico continuatum fuerat; non tamen sine molestis controversiis. Nam cum Schertelius per claustra Tyroleos circa trans-irrupisset, trepidi Patres quidam cum ipsis Præsidibus, Montano, & Cer-vino, de transferendo Concilio cogitabant: opponentibus se Legatis Cæsareis, & Episcopis Hispanis. Neque Pontifex adduci tunc potuit, ut in translationem consentiret. At postea morbo quodam Tridenti aliquantum grassante in Sessione VIII. majori Suffragiorum numero decretum est, ut

Con-



Concilium transferatur Bononiam, consentiente etiam Pontifice. Illuc se major pars contulit, 14. Prælati cum Cardinale Pacieco Tridenti remanentibus, ex voluntate Cæsaris; qui tunc ad Bellum Saxonicum se accingebat.

Ex hac divisione Schisma timendum erat, quale Basileæ contigit, nisi providus Cæsar prohibuisset Tridenti celebrari Sessiones, quod idem Pontifex Bononiensibus inhibuit, cum cerneret, ferme non nisi Italos eo convenire. Unde meræ prorogationes Concilii ibi Sess. 9. & 10. fuerunt decretæ.

94.  
Urget Cæsar  
ut revocetur  
Tridentum.

Cum dein Cæsar confecto Bello Saxonico in Augustanis Comitibus impetrasset, ut Status decernerent, se parituros Tridentino Concilio, non dubitavit, se apud Pontificem facile effecturum, ut Concilium Tridentum revocetur, ne fructus tanto labore partus intereat.

Aliter præparatum invenit Pontificem a Bononiensibus jam præventum. Quare summopere commotus Cæsar, per Legatos suos Bononiæ & Romæ publice est protestatus contra omnia, quæ in Bononiensi Conciliabulo, ut loquebantur, essent agenda. Concilium Tridentum esse indictum: promississe Patres, cum Bononiam secederent, sublato morborum periculo se redituros, Protestantes in aliam urbem non venturos: facilem iis fore excusationem, cum tantum Concilio Tridentino obedientiam promiserint: si Ecclesiæ paci consulere negligant, se pro Officio Advocati Ecclesiæ provisorum.

95.  
Suspensio  
Concilii in-  
opportuna.

Pontifex accepta hac protestatione, in neutram partem decidit: suspensumque fuit Concilium per quatuor annos, quo tempore quam maxime expeditisset, illud Tridenti proseguere, ut florenti illo rerum Cæsarearum statu Protestantes efficaciter potuissent adigi ad standum promissis & decretis Concilii Tridentini. Cum econtra ex illa Concilii translatione & suspensione, mutato Germaniæ statu non exigua Ecclesiæ mala emanarint: ut nunc narratum imus.

#### S. VII.

De Constitutione *Interim* & reductione Concilii Tridentum.

96.  
Cum viger  
disceptatio,  
an Tridenti,  
vel Bononiæ  
continuan-  
dum esset  
Concilium,

Cum Cæsar Pontificem & Bononienses Patres persuadere non posset, ut Concilium tunc Tridentum reducerent, neque Generali Concilio necdum dissoluto, Nationale in Germania posset institui, Theologis committendum censuit, ut formulam aliquam confessionis communi opera conciperent, quæ *Interim* ab omnibus observaretur, donec a Concilio Generali dogmata Fidei definita fuerint.

Selesti ex Catholicis ad hanc formulam conscribendam, Julius Pflugius, Episcopatus Naumburgensi postea restitutus, & Michael Haldingus Pro-Episcopus Moguntinus, ac Merseburgensis postea Episcopus: ex  
Pro.

Protestantibus Joannes Agricola, Concionator Joachimi II. Electoris Brandenburgici. Petitque Imperator, ut etiam Pontifex suum Legatum mittat, qui cum tribus istis Theologis formam Confessionis, ab omnibus interim acceptandam, componat.

Verum quo minus hoc fieret, præter alia, obstabat Henricus II. Rex Galliarum, qui Parenti suo Francisco I. nuper successerat. Hic enim Princeps, veritus magnam Caroli V. potentiam, in animum suum induxerat, quacunque posset via eidem se se opponere. Quare Concilium Bononiæ, non autem Tridenti continuari voluit, missis eo suis Episcopis, Cardinalibus autem Gallis ad Pontificem, cauturis, ne Pontifex Cæsaris postulatis annuat: eo tendere istius consilia, ut non tantum in politicis Italiæ atque Europæ se Dominum constituat, sed etiam in Sacris & Religionis negotio supremum arbitrum.

At Cæsar cognita Romanæ curiæ cunctatione tam in decernendo loco Concilii, quam mittendo legato ad Augustana comitia, instituendamque in iis Theologis inter conventionem, Anno 1548. formulam a tribus illis Theologis conceptam Statibus approbandam obtulit, atque dein Imperiali edicto fauixit. Et quia tantum interim servanda erat, donec conclusio fieret generalis Concilii, dicta est hæc constitutio vulgari vocabulo *Interim*.

In hoc Schemate Fidei 26. visebantur Articuli, circa statum Adami ante & post peccatum, redemptionem per Christum & Justificationem peccatoris, bona opera, Ecclesiam ejusque notas, potestatem, Pontificem, Episcopos, Sacramenta, Missam, Invocationem Sanctorum, preces pro defunctis, ritus in administrandis Sacramentis. Omniaque in iis erant Orthodoxa, præsertim si bono sensu acciperentur, quæ ad Fidei doctrinam pertinent. Duo tamen Lutheranis concessa sunt interim capita, matrimonium nempe Presbyterorum & Communio sub utraque specie: quæ capita non ad Fidem, sed disciplinam spectant.

Neutri parti hæc confessio ex integro placuit. Pontifex eam a Cæsare submissam tum ipse examinavit Romæ tum etiam Bononiensibus examinandam dedit. Hæreticum in ea inventum nihil: jussit tamen Imperatori per Cardinalem Sfondratum nuntiari: neque pertinere ad Cæsarem negotia Religionis disponere, neque permittenda esse duo illa capita: matrimonium Presbyterorum pugnare cum traditione Apostolica, usum calicis cum more jam dudum recepto. Persuasus tamen Pontifex a Cardinale Morono fuit, ne apertius constitutioni *Interim* se opponat; tolerari duntaxat ab eo interim ex necessitate minimam particulam Lutheranismi, qui alias ex integro tolerandus foret. Quare etiam Cæsar ad evitanda majora mala interim toleranda illa duo existimavit in Lutheranis, mo-

Cæsar constitutionem Interim confici curat.

97.

In qua cæteroquin Catholica concessa Lutheranis communio sub utraque specie & matrimonium Presbyteris.

98.

Neutri parti satis placuit.



do in reliquis omnibus, ac præsertim quæ ad Fidem pertinent, cum Ecclesia Catholica conveniant.

Varia deinde scripta tum pro tum contra constitutionem istam prodierunt. Nimisque acerbe scripserunt, qui eandem cum Henotico Zenonis, Ecthesi Heraclii, & Constantis Typo compararunt. Certe Nicolaus Bobadilla, cum obdista scriptaque contra illam formulam a Cæsare in Italiam fuisset remissus, ne quidem in conspectum a S. Ignatio fuit admissus.

Præsertim vero eidem se opposuerunt complures Præcones Protestantici. Bucerus, cum ab Electore Brandenburgico, ut subscribat, urgeretur, Argentinam profugit, asserens, constitutione illa firmari potestatem Pontificiam. Ita etiam Musculus Augustanus Præco, Brentius Halensis, Osian-der Norimbergensis, Calvinus Genevensis, & præsertim Joannes Fridericus exauthoratus Elector Saxonie contra eandem tonabant: confutante Coch- læo libellos Protestanticos.

99.  
Cæsar illam  
urget.

Efficacius autem Cæsar ipse constitutionem suam executioni dabat; cumque Magdeburgum, & Constantia reliquis pertinacius sese opponerent, Imperiali *banno* seu publicæ proscriptioni sunt subjectæ.

100.  
Divise Lu-  
theranorum.

Orta etiam est occasione constitutionis Cæsareæ nova Lutheranorum divisio: alii enim, qui contumacius cum Illyrico & Amsdorfio eidem ob- luctabantur, nullam admittentes in doctrina Lutheri mutationem, Lutherani *rigidi* dicebantur: alii vero, qui cum Melanchtone tempori servien- dum putabant, Lutherani *molles*, *Adiaphoristæ*, & *Indifferentes* sunt appellati; Alii rursus *Interimistæ Imperiales*, alii *Interimistæ Lipsienses*: ut adeo Lutheranismus, qui tempore conditoris sui in 34. Sectas jam fuerat divisus, post ejus mortem in plures quam centenas sit dissectus.

Imperator compositis hoc pacto utcumque Germaniæ rebus in Belgium discessit, Ducem Saxonie & Landgravium captivos secum abducens. Episcopi vero, prout desiderabat Imperator, Diœcesanos conventus cele- brabant pro instauranda secundum SS. Canones Ecclesiastica disciplina, de- claratumque, conjugium Presbyterorum & usum calicis per Constitutio- nem *Interim* nemini permitti, nisi illis, qui ex Lutheranismò convertuntur ad Ecclesiam. Pontifex pariter requisitus Episcopis Germaniæ potestatem dedit concedendi usum calicis humiliter dispensationem petentibus, & fatentibus, Ecclesiam posse usum calicis interdicere.

101.  
Obitus  
Pauli III.  
electio Ju-  
lii III.

Anno 1549. obiit Paulus III. electusque Cardinalis *de Monte*, primus in Concilio Tridentino Legatus Pontificius, assumpto Julii III. nomine. Et quidem, quod mirum, etiam Cardinales Cæsarearum partium cum Farnesia- nis juncti, eidem dederunt suffragium, licet offenderit Cæsarem, quod trans- lationem Concilii Tridento Bononiam summopere promoverit, noluerit- que illud Bononia amoveri, Cardinalis Polus, vir integerrimus, in suspicio- nem

nem nescio cujus propensionis in Lutheranismum vocatus, rejectus est. At restituendo postmodum in Anglia Religionem Catholicam satis ostendit qua Fide esset.

Julius, qui antea Legatus pro Concilio Bononiæ continuando mordicus steterat, jam ex altiori prospiciens specula facile consensit, ut Tridentum reduceretur, obtento consensu non tantum Cardinalium Patrumque Bononiensium, sed etiam Regis Galliæ, modo in illa urbe, Imperatori obnoxia, nihil concluderetur contra Jura Galliæ, & immunitatem Ecclesiæ Gallicanæ.

Igitur Pontifex edita Bulla re assumptionis Concilii Præsides nominavit Cardinalem *Crescentium* cum duobus Episcopis. Atque die prima Maji anno 1551. celebrata est Sessio XI. in qua decreta est re assumptionis Concilii Tridentini.

In Sessione XII. prima Septembris habita præcise decretum est, ut Sessio XIII. celebraretur die undecima Octobris; quia scilicet, paucis adhuc præsentibus, expectabatur major Prælatorum, præertim ex Germania, numerus.

## §. VIII.

Continuatio Concilii Tridentini sub Julio III.

Postquam Imperator cum plerisque copiis militaribus ex Germania discesserat, cessante timore, non diuturno Officii Magistro, plerique Protestantæ constitutionem *Interim* rejecerunt. Cumque Cæsar certior de hoc factus anno 1550. in Comitibus Augustanis conquereretur, responderunt Principes, non posse populos tam cito adduci ad Fidem priori contrariam: vi vero eos velle compellere periculosum esse.

Legati autem Mauritiæ aperte declararunt, intentionis suæ non fuisse, subjicere se Concilio Tridentino, nisi sub conditione, quod Theologi Confessionis Augustanæ gaudeant ibi Jure suffragii, Pontifex non præfideat, omniaque hætenus Acta tanquam irrita declarentur, ac Concilium de novo incheotur.

Quia tamen per majorem Suffragiorum numerum conclusa fuerat subjectionis, præstanda Concilio Tridentino, & Imperator urgebat Protestantæ, ut suos ad illud mittant Theologos, doctrinæ suæ rationes proposituros, men aliquos advenirent tandem Tridentum deputati præcipuorum Principum & alii Legatos. quarum Civitatum: nempe initio Octobris 1551. Joachimi II. Electoris Brandenburgici, Ducis inde Wirtembergici, ac nomine Argentinæ aliarumque civitatum Joannes *Sleidanus*, famosus ille ac mendax Historiæ Lutheranae scriptor, cum nonnullis Ministris: ac demum etiam Legati Mauritiæ.

Brandenburgici per Slavium Juris Consultum obedientiam deferabant Concilio, ac Julium III. appellant *Summum Pontificem Sanctæ Ecclesiæ Romanæ*

T t 2

&amp; Uni.

102.  
Restauratio  
Tridentini  
decreta

Sessio XI.

103.  
Sessio XII.  
indicta  
Sessio proxima.104.  
Protestantes  
nec Interim  
nec Concilium  
accipiant.105.  
Mittunt tam  
aliquos  
Legatos.106.  
Insolentia  
postulata.



¶ *Universalis.* Aliter multo se gesserunt reliquorum Legati, præsertim Saxones. Auditi illi sunt 24. Jan. 1552. petebant autem, contra promissa & conclusa in binis Comitibus Augustanis, ut statim declaretur, an Pontifex sit supra Concilium, ut Pontifex, contra quem graves habeant accusationes, non ut Judex, sed ut reus adfit in Concilio, ut episcopi a Juramento Pontifici præstito absolvantur. Ut Theologi Protestantium Jure Suffragii gaudeant, atque ut omnia hætenus in Concilio acta irritentur. Spiritus credo tantos arrogantiae eis suggererant Mauriti, novi Saxoniae Electoris, turbulenta consilia, hætenus pressa, sed brevi in apertum eruptura: ut §. sequenti referemus: postquam ea, quæ Sessione 13. & 14. gesta sunt, exposita fuerint.

## Sessio XIII.

*Decreta de SS. Eucharistia.*

197.

In Sessione XIII. Præsidente nomine Julii III. Cardinalis Crescentio, cum Pighio Archi-Episcopo Sipontino, Aloysio Lipomano Episcopo Veronensi, & Cardinale Madrucio Episcopo Tridentino, præsentibus etiam tribus Electoribus Ecclesiasticis, & Oratoribus Cæsaris & Regis Romanorum, celebrata 11. Oct. 1551. editum fuit decretum de SS. Eucharistiæ Sacramento, octo Capitibus comprehensum.

In 1. decernit, Christum vere, realiter & substantialiter sub specie earum rerum sensibilibus contineri.

2. Institutum esse hoc Sacramentum a Christo in sui memoriam, in Spiritualem animarum cibum, in antidotum, quo liberemur a culpis quotidianis, & a peccatis mortalibus præservemur: atque in pignus futuræ gloriæ, & in Symbolum unitatis.

3. Christum statim post consecrationem etiam ante usum esse præsentem; Corpus quidem sub specie panis, Sanguinem vero sub specie vini, *vi verborum*: Corpus autem sub specie vini, & Sanguinem sub specie panis, animamque sub utraque vi naturalis illius connexionis, qua partes Christi inter se copulantur: Divinitatem autem propter unionem hypostaticam cum corpore & anima. Unde tantundem esse sub una specie, quantum sub utraque: cum totus & integer Christus sub qualibet specie, & sub quavis illius parte existat.

3. Per consecrationem fieri conversionem totius substantiæ panis in Corpus Christi & vini in Sanguinem: quam conversionem Catholica Ecclesia *transubstantiationem* appellat.

5. Cultum latriæ huic SS. Sacramento esse exhibendum, cum Deus ipse sit præsens. Ideoque convenienter institutum Festum solenne.

6. Consuetudinem antiquissimam Eucharistiam in Sacratio asservandi, & ad ægros deportandi retinendam.

7. Eam

7. Eam probationem esse necessariam, ut nullus sibi conscius peccati mortalis, quantumvis sibi contritus videatur, absque præmissa Sacramentali confessione accedat, idque de Sacerdotibus etiam intelligendum, si adsit copia confessorii. Si autem necessitate urgente absque prævia confessione celebraverit, quam primum confiteatur.

8. Triplici modo posse sumi: *Sacramentaliter tantum*, a peccatoribus. *Spiritualiter tantum*, per votum seu desiderium. *Sacramentaliter & Spiritualiter simul*, cum scilicet Sacramentum vere & cum augmento gratiæ suscipitur. Communionem a Sacerdote accipiendam.

*Canones de Eucharistia.*

Undecim dein editi sunt Canones seu anathematismi contra hæreticos, hoc Sanctissimum Sacramentum impugnantes. Nam anathema dicitur illi, qui dixerit:

1. In SS. Eucharistiæ Sacramento non contineri vere, realiter, & substantialiter Corpus & Sanguinem cum anima & Divinitate Christi, ac proinde totum Christum, sed tantum esse in eo tanquam signo vel figura aut virtute.

2. Qui dixerit remanere substantiam panis & vini, negaveritque conversionem totius substantiæ panis in Corpus, & totius substantiæ vini in Sanguinem, manentibus duntaxat speciebus panis & vini.

3. Qui negaverit, sub unaquaque specie, & sub singulis cujusque speciei partibus, separatione facta, totum Christum contineri.

4. Qui dixerit, Christum tantum in ipso actuali usu esse præsentem; non autem ante vel post.

5. Qui dixerit, unicum aut præcipuum fructum esse remissionem peccatorum.

6. Christum in hoc Sacramento non esse adorandum cultu latriæ vel solenni processione circum gestandum.

7. Non licere Eucharistiam in Sacratio asservare, sed statim post consecrationem esse distribuendam, aut: non licere illam ad agros deferre.

8. Christum Spiritualiter tantum manducari, & non etiam Sacramentaliter & realiter.

9. Si quis negaverit obligationem Communionis Paschalis.

10. Qui dixerit, non licere Sacerdoti celebrantiseipsum communicare.

11. Qui dixerit, solam fidem esse sufficientem præparationem ad sumendam Eucharistiam.

Subjuncta denique sunt octo Capita de reformatione.

In 1. præscribitur forma, qua Episcopi subditos regere & corrigere debeant; prohibetur appellatio a sententia interlocutoria Episcopi aut Vicarii ante sententiam definitivam.

T t 3

2. Quan-

109.  
Decreta  
Reforma-  
tionis.



De Judiciis  
& appella-  
tionibus.

2. Quando appellatur a sententia Episcopi ad Papam, isque causam appellationis alicui in partibus vult committere seu delegare, Metropolitano committatur, aut, si is suspectus, vel ultra duas diatas distet, vicini-  
oribus Episcopis, aut illorum Vicariis, non vero inferioribus iudicibus.

3. Acta primæ instantiæ intra 30. dies dentur gratis appellanti; alias absque illis Iudex ad quem potest procedere.

4. Si determinatus a SS. Canonibus Episcoporum numerus non potest depositioni ac degradationi Clerici assistere, assistant Abbates, aut his deficientibus aliæ personæ in dignitate constitutæ.

5. Gratia remissionis pænæ, ob vel subreptitæ obtenta revoce-  
tur a concedente.

6. Episcopus non citetur personaliter, nisi depositionis causa.

7. Testes contra Episcopum non admittantur, nisi idonei & graves.

8. Graves Episcoporum causæ a summo Pontifice cognoscantur.

Data deinde cautio seu Fides publica, quam *Salvum Conductum* appel-  
lant, Protestantibus.

#### Sessio XIV.

##### *Doctrina de Sacramento Pœnitentiæ.*

210.

In Sessione XIV. celebrata 25. Nov. 1551. tractatum est de Sacramento Pœnitentiæ & Extremæ Unctionis. De illo novem Capita sunt proposita.

1. Pœnitentiam semper peccatoribus fuisse necessariam: elevatam autem ad rationem Sacramenti a Christo, dum post resurrectionem insufflavit in Discipulos dicens: *Accipite Spiritum Sanctum, quorum remiseritis peccata &c.*

2. Differre Pœnitentiam a baptismo, quoad materiam, formam, Mini-  
strum, effectum: omnibusque post baptismum lapsis esse necessariam, sicut  
nondum regeneratis ipse Baptismus.

De materia  
& forma.

3. *Formam*, in qua præcipua vis sita est, esse verba Ministri: *Ego te ab-  
solvo &c.* quibus ex more preces addantur, non tamen pertinere ad essen-  
tiam formæ, neque esse necessarias. *Quasi-materiam* esse actus ipsius pœni-  
tentis, nempe contritionem, confessionem & satisfactionem: qui quate-  
nus in pœnitente ad integritatem Sacramenti, ad plenamque & perfectam  
peccatorum remissionem ex Dei institutione requiruntur, hac ratione  
partes Pœnitentiæ dicuntur.

III.  
Observatio  
de Sacramen-  
to Pœniten-  
tiæ valido  
& informi.

*Videtur hic Concilium tantum definiisse, quænam sint partes integrales, requisite  
ad fructum Sacramenti, abstrahendo, quænam ex iis sint essentielles, adeoque pertine-  
ant ad valorem: relinquendo scilicet disputationi Theologorum, an universalitas dolo-  
ris, quatenus cadit etiam in peccata, quorum non amplius exstat memoria, pertineat ad  
valorem, vel tantum ad fructum. Ex quo principio præstantissimi Theologi, etiam post  
Tridentinum defenderunt, Sacramentum quoque Pœnitentiæ posse esse validum & in-  
forme: quia scilicet universalitas doloris, ut & adens etiam in peccata memoriæ non oc-  
curren.*

*currentia*, juxta Tridentinum tantum videtur requiri ad integritatem & fructum; non autem ad essentiam & valorem, sicut satisfactio: de qua eodem modo loquitur.

4. Agitur de Contritione: quæ est animi dolor ac detestatio de peccato commisso, cum proposito non peccandi de cætero: fuitque omni tempore necessaria ad veniam peccatorum. Quare non solum est cessatio a peccatis, sed etiam veteris vitæ odium ac detestatio. Et quamvis ista contritio aliquando charitate sit perfecta, adeo ut peccatorem justificet ante actualem confessionem: hoc tamen non contingit sine voto seu desiderio & proposito serio suscipiendi ipsum Sacramentum: cum hoc votum sit inclusum contritioni perfectæ. Contritio vero imperfecta, quæ attritio dicitur, quoniam vel ex turpitudinis peccati consideratione, vel ex gehennæ & penarum metu communiter concipitur, si voluntatem peccati excludat, cum spe veniæ, non solum non facit hominem hypocritam & magis peccatorem, verum etiam Dei donum est, & Spiritus S. mōnentis impulsus: & quamvis sine Sacramento Pœnitentiæ ad Justificationem perducere peccatorem nequeat, tamen eum ad Dei gratiam in Sacramento Pœnitentiæ impetrandam disponit.

*Non obscure hic Concilium declarat, attritionem cum Sacramento conjunctam sufficere ad Justificationem.*

5. Tractatur de Confessione, a Domino instituta, omnibusque post baptismum lapsis Jure Divino necessaria: quia Christus Sacerdotes sui ipsius Vicarios constituit, tanquam Præsides & Judices, ad quos omnia peccata mortalia deferantur: non enim possunt Judicium hoc incognita causa exercere, neque æquitatem in pœnis injungendis observare, si tantum in genere, & non potius in specie ac singillatim sua ipsi peccata declarassent. Unde oportet a pœnitentibus omnia mortalia, quorum post diligentem sui discussionem conscientiam habent, in Confessione recenserī, etiamsi occultissima illa sint. Venialia autem, licet recte & utiliter exponantur, taceri tamen possunt, multisque aliis remediis expiari.

*Circumstantiæ autem eæ sunt exponendæ, quæ speciem peccati mutant: quia sine illis peccata non possunt integre exponi, nec de peccatorum gravitate Confessarius rectum judicium ferre potest, nec Pœnitentiam proportionatam injungere.*

*Hic Concilium tantum exigit, ut Confessarius habeat notitiam de numero & specie peccatorum, possitque imponere Pœnitentiam proportionatam numero peccatorum & gravitati specificæ. Unde non exigit, ut exponantur circumstantiæ intra eandem speciem aggravantes.*

Porro peccata, quæ diligenter cogitanti non occurrunt, in universum eadem Confessione inclusa esse intelliguntur.

*Nempe*

112.  
De Contritione.

113.  
De Confessione.

114.  
De Circumstantiis.



*Nempe in Confessione fructuosa, ad quam requiritur dolor universalis, qui ratione motivi universalis, cadat etiam supra peccata gravia, memoria non occurrentia. Vel si Concilium loquatur etiam de Confessione valida, possunt esse inclusa in proposito universalis non peccandi de cetero.*

6. Minister hujus Sacramenti est solus Sacerdos; qui non tantum declarat, peccata esse remissa, sed tanquam iudex pronuntiat sententiam absolutionis.

115.  
De Jurisdic-  
tione, & ca-  
sum Refer-  
vatione.

7. Quæ tamen ferri debet in subditum: cum omnis iudicii ratio & natura id exposcat. Unde nullius momenti est illa absolutio, quam Sacerdos profert in eum, in quem ordinariam aut delegatam non habet jurisdictionem. Quia autem ad disciplinam magnopere confert, ut atrociora quædam crimina non a quibusvis, sed summis tantum Sacerdotibus remittantur, locum habet *Casum Reservatio*: non tamen in Articulo mortis, in quo quilibet Sacerdos quoslibet pœnitentes a quibusvis peccatis & censuris potest absolvere.

116.  
De Satisfac-  
tione.

8. Quia falsum omnino est, & a verbo Dei alienum, culpam a Domino nunquam remitti, quin universa etiam pœna condonetur, imponenda pœnitenti a Confessario est *Satisfactio*, quæ medeatur peccatorum reliquiis, & quasi fræno a peccato coerceantur cautioresque efficiantur pœnitentes. Quare Sacerdotes, quantum Spiritus & prudentia suggererit, pro qualitate criminum, & pœnitentium facultate, salutare, & convenientes satisfactiones debent injungere.

9. Non autem solum pœnis, sponte a nobis in vindictam & castigationem peccatorum susceptis, aut a Sacerdote pro delicti mensura impositis, sed etiam temporalibus flagellis, a Deo inflictis, & a nobis patienter toleratis, apud Deum patrem per Jesum Christum satisfacere valeamus. Additi sunt deinde

15. Canones de Sacramento Pœnitentiæ.

117.

1. Anathema sit, qui dixerit, Pœnitentiam non esse vere & proprie Sacramentum reconciliationis a Christo institutum.

2. Pœnitentiam non esse distinctam a Baptismo: nec recte appellari secundam post naufragium tabulam.

3. Verba Christi: *Accipite Spiritum Sanctum, quorum remiseritis peccata &c.* non esse intelligenda de Sacramento Pœnitentiæ, sed de authoritate prædicandi Evangelium.

3. Ad integram & perfectam peccatorum remissionem non requiruntur tres actus Pœnitentis, Contritionem, Confessionem & Satisfactionem.

5. Attritionem non esse verum, & utilem dolorem, nec præparare ad gratiam, aut esse dolorem coactum, & non liberum ac voluntarium.

6. Confessionem Sacramentalem non esse institutam a Christo: nec ad salutem necessariam jure Divino, aut, modum confitendi secrete ab initio Eccle-

**Ecclesiæ constanter observatum, alienum esse ab institutione & mandato Christi, aut inventum humanum.**

7. Non esse necessarium jure Divino confiteri omnia & singula peccata mortalia, quorum memoria habetur, etiam occulta, & quæ sunt contra ultimam duo præcepta Decalogi, & circumstantias, quæ peccati speciem mutant.

8. Aut qui dixerit, Confessionem esse impossibilem, & traditionem humanam, aut non esse obligationem semel in anno confitendi.

9. Aut, Absolutionem Sacerdotis non esse actum judiciale, sed nudum ministerium declarandi, remissa esse peccata: modo tantum credat, se esse absolutum, aut Sacerdos joco absolvat.

10. Vel, Sacerdotem, qui est in peccato mortali, non haberi solvendi ac ligandi potestatem: aut, non solos Sacerdotes esse Ministros absolutionis.

11. Aut, Episcopos non habere jus reservandi sibi peccata, nisi quoad externam politiam.

12. Aut, totam poenam semper simul cum culpa remitti a Deo: neque Satisfactionem esse aliam, quam Fidem de Satisfactione Christi.

13. Aut, quoad poenam temporalem Deo non satisfieri per Christi merita, penis ab eo inflictis, & patienter toleratis, vel a Sacerdote injunctis, aut sponte susceptis, ut jejuniis, orationibus & eleemosynis, vel aliis etiam pietatis operibus.

14. Satisfactiones pro peccatis non esse cultum Dei, sed traditiones hominum, quæ doctrinam de gratia obscurant, ipsumque beneficium mortis Christi.

15. Aut, claves Ecclesiæ tantum datas ad solvendum, non autem ad ligandum: & propterea impositionem poenæ esse contra finem clavium, & institutionem Christi.

#### Doctrina de extrema Unctione.

In eadem Sessione XIV. edita sunt tria Capita, & quatuor Canones de Sacramento *Extremæ Unctionis*.

118.

In 1. Cap. Concilium declarat hoc Sacramentum a Christo *Marc. 8.* insinuat, per Jacobum autem Apostolum fidelibus commendatum ac promulgatum, dum dixit: *Infirmatur quis in vobis? Inducat Presbyteros &c.* Ex quibus intellexit Ecclesia, materiam esse oleum ab Episcopo benedictum; formam vero illa verba: *Per istam Unctionem &c.*

In 2. effectum hujus Sacramenti esse gratiam ad peccati ejusque reliquias abstergendas: utque infirmus morbum levius ferat, & tentationibus demonis fortius resistat, & sanitatem corporis, si salutem animæ expedit, interdum consequatur.

In 3. Ministrum esse Sacerdotem, qui tunc illud debet administrare, quando infirmus ita periculose decumbit, ut in exitu vitæ constitutus videatur: quotiesque in simile vitæ discrimen devenerit.



119.  
Canones.

In Canone autem 1. dicitur anathema illi, qui dixerit, Extremam unctionem non esse vere ac proprie Sacramentum, a Christo institutum, & a Jacobo promulgatum.

In 2. dicenti, illam non conferre gratiam, nec remittere peccata, nec alleviare infirmos, sed jam cessasse.

In 3. dicenti, hunc ritum repugnare S. Jacobo, ideoque mutandum, ac posse sine peccato contemni.

In 4. dicenti, Presbyteros Ecclesiæ, quos S. Jacobus ad infirmum adducendos esse monet, non esse Sacerdotes, sed Seniores in quavis communitate; adeoque proprium extremæ unctionis Ministrum non esse solum Sacerdotem.

#### Decrèta 14. de Reformatione.

120.  
Decrèta Re-  
formationis.

1. Prohibiti, interdicti, aut suspensi ascendentes ad Sacros Ordines, puniantur.

2. Episcopus ordinans alienum subditum sine proprii Prælati consensu, ipso jure uno anno ab exercitio Pontificalium sit suspensus, ordinatus vero ab executione ordinum sic susceptorum, quamdiu proprio Prælati placuerit.

De Sacris or-  
dinationibus.

3. Episcopus ab alio ordinatus, absque suo examine prævio & litteris dimissoriis, potest ab exercitio ordinum suspendere, si minus idoneos invenerit.

4. Episcopi tanquam Sedis Apostolicæ delegati possunt corrigere quoscunque Clericos sæculares, quantumcunque exemptos, etiam extra visitationem.

5. Conservatorum potestas ad certos limites restringitur.

121.  
Pœna non  
gestantium  
habitum.

6. Clerici, qui sunt in sacris aut beneficium possident, concedentem gestent habitum clericalem, si autem moniti ab Episcopo non pareant, suspendantur ab ordinibus, officio & beneficio: si necdum se emendent, beneficiis & Officiis priventur.

122.  
De irregulari-  
tate ex ho-  
micidio.

7. Homicida voluntarius, licet occultus, est irregularis. Casualis autem, aut vim vi repellens, cognita & probata causa dispensetur.

*Nota. Congregatio Cardinalium anno 1588. & 1599. declaravit: Concilium loqui de eo, qui fuit in aliqua culpa, & ideo indigeat aliqua dispensatione. Eum vero, qui casu mere fortuito, aut vim injustam cum moderamine inculpatae tutelæ repellendo, alterum occiderit, non esse irregularem, adeoque non indigere dispensatione.*

8. Episcopus, cui ex privilegio licet alienos subditos punire, Clericos tamen alienos non puniat, nisi interventu eorum Episcopi, aut personæ ab eo deputatæ.

9. Beneficia unius Diocesis sub nullo prætextu uniantur Beneficiis alterius Diocesis.

10. Regularia Beneficia conferantur Regularibus.

11. Regulares translati ad alium ordinem in clauistro sub obedientia vivant, & Beneficiorum sæcularium incapaces existant.

12. Jus

12. Jus Patronatus nemo obtineat, nisi ex fundatione aut dotatione; Institutione præsentati reservata Episcopo.

*Hoc intelligendum de tempore post Concilium, seu de Jure Patronatus post illud æquiendo: nam circa anteriora Jura quoad hoc nihil mutatum est.*

13. Præsentatio fiat Ordinario, alias Institutio sit nulla.

14. Indicitur Sessio proxima, in qua tractandum de Missa, Ordine & Reformatione.

### §. IX.

De suspensione Concilii propter Bellum Mauritianum.

Sessio XV. celebrata est 25. Jan. 1552. in hac duo Decreta fuerunt condita; alterum de prorogatione Sessionis usque ad diem 19. Martii, quod tempus deinde usque ad 1. Maji est extensum, propter Protestantes, quorum Theologi semper expectabantur: unde alterum etiam editum De-  
 cretum de Salvo Conductu in uberiori forma, prout Hussitis a Concilio Basileensi datus fuerat, iisdem impertiendo. Verum, surgentibus novis iisque improvisis omnino turbis atque Belli tumultibus, Concilium suspendendum rursus fuit, & quidem in integrum decennium, usque ad annum videlicet 1562. quod qua ratione contigerit, haud abs re erit, breviter enarrare.

Carolo V. Imperatori anno 1552. Bellum subito gravissimum illatum est ab eo, quem inter primos amicos suos censebat, grandibus & recentibus adhuc Beneficiis sibi devinctum: a Mauritio videlicet, quem post confectum Bellum Smalcaldicum, capto & exauthorato Joanne Friderico, Saxonie Electorem constituerat, translata ab Ernestina stirpe ad Albertinam dignitate, cum potissimis Saxonie ditionibus.

Hic Princeps, fidus in Bello Smalcaldico Cæsari, quin & Socius, Protestantium odium incurrerat, non obscuro murmure perstreptantium, quod Joannem Fridericum captivum in Cæsaris manibus relinquat, ut spoliis ejus impinguescat. Ut igitur eorum in se amorem ac studium transferret, ducem adversus Cæsarem constituere se jam pridem tacite meditabatur, ut Lutheranos ab obedientia, Concilio Tridentino præstanda, vi illata exsolveret, sectamque Novatorum in Romano Imperio donaret civitate; quod votis omnibus exoptabant.

Causa altera defectionis erat Philippus Landgravius Hassiæ ipsius focer, quem libertati restitui frustra sæpius a Cæsare petierat: jam ab eo tempore ultionem tacite excoquens, quo Cæsar eundem captivum abduxit.

Opportunum consiliis locum dedit ipsa provincia, quam Imperator ei demandaverat, compellendi videlicet armis ad deditionem, & obsequium Magdeburgum, quod acceptandæ Constitutioni Interim pertinaciter repugnaret, & Sacerdotium juribus suis vi dejiceret. Validas ad hunc finem a Carolo acceperat copias; quas hoc furore testas identidem auxit, protracta

123.  
Sessio XV.  
Prorogatio  
Sessionis.  
Salvus Con-  
ductus.

124.  
Cur Mau-  
ritius a  
Cæsare  
Patrono  
defecerit.

125.  
Magdebur-  
gum occasi-  
apparatus  
Bellici.



de industria in annum obsidione. Quo tempore Protestantium Principes, Brandeburgum, Palatinum, Wirtembergicum, Bipontinum, Mechlenburgos, Badensem cum Guilielmo Hassio, captivi Filio, tacito fœdere in partes suas pertraxit.

126.  
Fœdera  
Mauritii.

Utque illas magis adhuc firmaret, externa etiam respexit auxilia, pertracto in armorum societatem Henrico II. Rege Galliarum: qui ad vindicandam, ut ferebat, Germaniarum libertatem, numerofo cum exercitu vere ingruente venturum se promissit, Cammeracum, Tullum, Metas, Virodunum pro se pactus. Hæcque tanta fœdera tam secreto fuerant conflata, ut Cæsar prius viderit Bellum, quam crediderit. Adeo namque fidebat Mauritio, tot nominibus, ut rebatur, suo, ut Moguntini aliorumque sincera monita tanquam vana & importuna abjiceret: etiam tunc, cum Mauritianæ copiarum Electorum Ecclesiasticorum terras jam devastarent, ipsique Tridento ad propria defendenda recedendi facultatem a Cæsare frustra peterent. Mauritius rebus suis cum Protestantibus & Galliarum Rege clam compositis, dedito per collusionem velut in Cæsaris potestatem Magdeburgo, adjectoque copiis suis, qui urbi præsidio impositus fuerat, milite, scripto publico se vindicem obtulit libertatis conscientiarum, ac Lutheranismi in Imperio stabilendi, atque sub finem Martii exercitum Augustæ admovet, intra quadriduum ad deditionem vel compulsam, vel compelli se simulanti. Inde vero ad Ulmam obsidendam progreditur.

127.  
Bellum in-  
fert Cæsari  
imparato.

Carolus Imperator Bello Parmensi implicitus, præter eas legiones, quæ sub signis Mauritii militabant, vix aliquas in Germania, quam undique pacatam crediderat, habebat copias. Quare cum se proditum ab amico, & inermem Oeniponti, ubi tunc degebat, videret, per Ferdinandum Fratrem pacis conditiones iniri posse sperabat.

128.  
Irumpit in  
Tyrolum.

Convenerunt proin Lincii Ferdinandus Rex & Mauritius, qui fœderatos suos consulendos dicebat, ut Passavii deinde pax iniri possit: Pactusque 15. dierum inducias, ad suum ad Ulmam exercitum accurrit. Atque ut Cæsarem inermem Oeniponti interciperet, cum toto suo exercitu movit Abundiacum, urbem ad Licum amnem & alpium pedem sitam, eaque intra biduum occupata, depulsisque, qui claustrorum aditus obsidebant, Ehrenbergensem arcem, & situ & opere munitam, cepit.

Carolus Imperator, percepto tristi hoc nuntio, cum Ferdinando Fratrem, qui expositurus, quid cum Mauritio Lincii egisset, quidque ulterius agendum, cum Cæsare consulturus, Oenipontum advenerat, Villacum in Carinthiam profugit, comitante eum etiam Joanne Friderico Saxone, licet ab Imperatore liber esset dimissus.

129.  
Transactio  
Passaviensis.

Mauritius autem Oenipontum ingressus, ea, quæ Cæsaris erant, militum licentiæ permittit, intactis iis, quæ ad Regem Ferdinandum aut cives pertinebant. Cumque induciæ Lincii sanctæ pro ineunda pace appropinquarent,

quarent, Passavium se recepit. Ubi famosa illa *Transactio Passaviensis* (quam *Pacem Religiosam* appellant) est inita, anno 1555. Augusta postea confirmata.

In hac pactioe vi armata extorta, & 12. Articulis comprehensa decernitur libertas Landgravi, & Religionis Lutheranae secundum Confessionem Augustanam, cum jure Emigrandi cum suis bonis, si cui lubeat; & quamvis bona Ecclesiastica, eo usque a Lutheranis direpta, iis sint permessa, si tamen Episcopus aut alius Prælati a Religione Catholica deinceps deficeret, bona Episcopatus Capitulo extradenda fore, statutum est.

Hic quartus Articulus (qui *Reservatum Ecclesiasticum* dicitur) magnos deinde motus excitavit, Lutheranis eum expunctum volentibus, & pinguißimos Episcopatus adseripientibus. Quod Bello postea Suecico occasionem dedit.

Henricus II. Gallia Rex interea Tullum, Virodunum, & Metas in Lotharingia occupaverat: adversus quem, facta Passaviensi pace Carolus Imperator processit, & Metas, quas propugnavit Franciscus Guisus, Lotharingia Dux, obsedit. Sed quia annus in hyemem jam inclinaverat, imbribus, nive, frigore ac morbis acciso exercitu, soluta obsidione, in Belgium abcessit.

Albertus Brandenburgicus transactioni Passaviensi nolens acquiescere, viginti millium circumtulit prædonem exercitum, ut alienas Provincias, præsertim Moguntini & Trevirensis posset depascere, permessa omni licentia militi. Atque primo Gallorum partes secutus, deinde Cæsaris, post obsidionem Metensem, se ipso non melior, in obvios quosque, præsertim Ecclesiasticos irruit, immuni ubique grassatus latrocinio.

Quare Imperialis Camera tanquam hostem Imperii, & turbatorem quietis publicæ, Mauritio Saxoni, veteri ejus amico, eundem debellandum ac compescendum dedit. Qui felici pugna ad Vüßurgim in ditione Lunenburgica cum eo commissa, totum ferme ejusdem delevit exercitum, ut adeo in exilium ejectus, & ab omnibus desertus, tertio post anno apud Badensem obscuro fine quieverit.

Mauritius vero, Bellidux memorabilis, at Cæsari, a quo summa acceperat beneficia, perfidus, allata Germaniæ miserrima pereundi facultate, jam ante ex vulnere, quod in pugna, cum Alberto conferta acceperat, improlis oblit. Et quamquam Joannes Fridericus post ejus mortem consequi rursus Electoratum Saxoniam omni ope allaboraret, cessit tamen ille Fratri Mauriti *Augusto*, in cujus glorioso sanguine hodie dum floret, emendaturis posteris nimia in Lutherum studia.

Cæterum hos inter Bellorum tumultus, cum Mauritius perfractis alpium claustris in Tyrolim irrumperet, vehementer perculsi Tridentini Patres diffugere, *Marcello Crescentio* Cardinale, primo Pontificis Legato, quod æger decumberet, Veronam deportato, ibique intra triduum demortuo.



Quare Julius Papa ex Cardinalium consilio 15. Aprilis suspensionem Concilii decrevit.

133.  
Sessio XVI.  
suspensio  
Concilii in  
decennium  
ob varias  
causas.

Eadem suspensio decreta est a Concilio Sess. 16. celebrata 28. Aprilis 1552. protestantibus contra illam duodecim Prælati Hispanis, qui Concilium continuari volebant.

Opinione diutius tenuit hæc Concilii suspensio, propter Bellum Cæsarem inter Carolum & Henricum II. continuatum tum in Italia, cum etiam in Belgio. Interveniente quoque anno 1555. morte Julii III. successit Marcellus Cervinus, Pauli III. Legatus ad Concilium Tridentinum, retento proprio nomine *Marcelli II.* quem laude omni superiorem terris tantum ostenderunt fata, ut loquitur de eo Brietius, post 22. dies illatum tumulo. Cui Cardinales successorem dederunt Petrum Caraffa, Neapolitanum Episcopum Theatinum, Confundatorem Ordinis Theatini, sub nomine *Pauli IV.* austerioris animi virum, & ab Austriacis alieni. Quare cum Henrico II. fœdus iniit, ac consilia contulit de occupando Regno Neapolitano.

134.  
Abdicato  
Caroli V.

Hæc inter Carolus V. post signatum orbem terrarum victoriis, ut ad ultimam expeditionem se rite præpararet, seque ipsum solum regeret, Bruxellis in Belgio tot Regnis suis se ultro abdicavit, relicto Imperio terrisque Austriacis Ferdinando Fratri, Hispania, Italia, Belgio & Transmarinis Provinciis Philippo Filio. Profectusque in extremam Hispaniam in Monasterio S. Iusti vivum quodammodo se ipsum sepelivit, per biennium adhuc pientissimæ huic morti suæ superstes. Sicque in terræ angulum se collegit immensus ille gigas, cujus vastitatem mundus capere non poterat: heros profecto, cui parem nulla ætas vidit: nulla re tamen major, quam quod post devictas quatuor mundi plagas se ipsum vicerit: quia majus nihil erat, quod vinceret.

135.  
Pax Cameracensis.

Post hujus Principum Principis mortem, terra marique continuatum est bellum Philippum inter II. & Henricum II. transeuntibus in Filios parentum animis. Verum Galli Sanguinino & Gravelingano prælio fracti anno 1559. pacem iniere *Cameraci*, sibi acerbam, gloriosam Philippo, sequestro Mommorantio, ut liberetur carcere Hispano. Accessit complementum pacis, matrimonium Philippi Regis cum Elisabetha Henrici II. Filia. Qua in solennitate hastiludio se exercens Henricus Rex a Mongomerio Comite hasta transfixus occubuit. Relicto Regno sub pupillis, ab Hugonotis deinceps per 40. annos dilacerando, præsertim a Coliniis Fratribus, Gaspare, Andelotto, & Odetto Cardinale, a Diana Piétaviensi vipersa in sinu Henrici male antea protectis.

136.  
Mors Henrici II. in nuptiali latio.

137.  
Ferdinandus Imperator.

Francofordiæ interea Ferdinandus agnitus tandem Imperator ab Ordinibus, nunquam tamen a Paulo IV. quod favere nimium crederetur Lutheranis; at falso. Nam Tractatum Passaviensem inire necessitas compulit. De cætero in omnem erat occasionem intentus, qua sublati dissidiis Religioni consuleret. Et quamquam experientia docente comperisset, partis utriusque Theologorum Congressu ac Disputatione animos potius incalescere

ac irritari, quam malo remedium parari, ne tamen quidquam intentatum <sup>139.</sup> relinqueret, anno 1557. *Wormatiæ* novum colloquium instituit, 12. Ca. Colloquium  
tholicis Theologis ( quos inter Petrus Canisius ) todidemque Protestantibus  
bus ad hoc delectis, Julio Pflugio Præsidente. Wormatiense

Quo in conventu id ridiculum & Lutheranis probrosum accidit, ut Cum Luth.  
potius inter se, quam cum Catholicis decertarent. Quinque enim ex illis ranorum de-  
Confessione Augustanæ præcise inhærendum putabant : sex alii, quos in-  
ter Illyricus, Brentius, Bullingerus, ac tres Saxones, magna contentione il-  
lis se opponebant, Melanchtone more suo partem inter utramque medio.  
Dumque sic tanquam hæreticos & Augustanæ Confessionis desertores ac  
corruptores se mutuo proclamarent, ultra clamores nihil est actum.

Et profecto ubi deserto controversiarum Iudice a Christo constituto <sup>139.</sup>  
quilibet S. Scripturæ verba pro arbitrio suo interpretatur atque in priva-  
tum phantasie suæ sensum detorquet : quæ doctrinæ ac Fidei unitas at-  
que concordia sperari poterit ? quot sunt capita, tot ferme Religionis  
Systemata prodire necesse est. Hinc tot illæ in Palatinatu, Saxonia,  
Wirtembergia, aliisque Provinciis & civitatibus Protestantibus Fidei muta-  
tiones : hinc *liber concordia* tot discordiarum fomes : hinc ipsa Confessio  
Augustana toties mutata ac reformata.

Remedium tot discordiis certum fuisset, si Concilio Oecumenico,  
eo modo, qui semper in Ecclesia viguit, celebrato voluissent acquiescere.  
Verum quam importune illud ante expetierant, dum celebrari non pos-  
se cernebant, ita contumaciter celebrato resistere : nec celebrari illud  
volebant, nisi inaudita methodo, contra morem totius antiquitatis.

Novem jam annis propter Bella erat suspensum Concilium Tridenti-  
num, nec tempore, quo Marcellus II. & Paulus IV. erant Pontifices, reas-  
sumi poterat. At hoc anno 1559. mortuo eique suffecto Pio IV. major <sup>140.</sup>  
spes affulsit. Nam per pacem Cameracensem composita erant Europæ jur-  
gia, & Ferdinandus Imperator cum Gallia & Hispania Regibus resumptio-  
nem Concilii expetebant. Accedebat, quod Galli post conspiracyonem Am-  
bosianam in Guisios & Regiam Familiam detestam in Comitibus Bella queen-  
sibus statuerint, ut, si Concilium Generale obtineri non posset, institue-  
retur in Gallia Concilium Nationale pro turbis Calvinistarum sedandis. Tridentinum.

Publicavit proin anno 1560. Pius IV. Pontifex Bullam continuationis <sup>141.</sup>  
Concilii Tridentini, contra quod, ut se præmunirent Protestantes, vulga-  
re cœperunt Magdeburgi Historiam suam Ecclesiasticam, innumeris refer-  
tam erroribus ac mendaciis, in *Centurias* distributam ; unde quatuor ejus  
Auctores ( plures alii fabri postmodum accefferunt ) dicti *Centuriatores*  
*Magdeburgici*. His postea Cardinalis Baronius opposuit 12. suos tomos  
Annalium Ecclesiasticorum. Ipseque Schlüsselburgius, famosus Præco  
Luthericus, Matthiam Illyricum Principem centuriarum Architectum tan-  
quam hæreticum catalogo suo inseruit. An-



142.  
Conventus  
Naumbur-  
gensis Prote-  
stantium.

Pontificis ad  
eundem Le-  
gati invitavit  
ad Conci-  
lium.

143.  
Errores Baji.

144.  
Præfides  
Concilii.

Anno 1561. Principes Protestantes Naumburgi in Saxonia conven-  
rant, consulturi, quid agendum, si Concilium Tridentinum reassumen-  
dum foret. Erant aliqui in ea sententia, ut Confessione Augustanæ, prout  
ea an. 1530. Carolo V. erat porrecta, omnes subscriberent, ne propter  
suas diffensiones contemptui Catholicorum se ulterius exponerent. At op-  
ponentibus se aliis, in Calvinismum declinantibus, concludi nihil poterat.

Misit tamen Pontifex ad conventum illum Naumburgensem duos  
Legatos Delphinum & Commendonum, cum Legatis Ferdinandi Cæsaris,  
ut omnes ad Concilium Generale invitarent. At Nuntii præter re-  
verentiam in prima exceptione nihil obtinuerunt. Singulas deinde Princi-  
pum Protestantium aulas accefferunt, humaniter excepti, præsertim ab  
Augusto Electore Saxonix, & Joachimo II. Electore Brandenburgico.

Commendonus ex Germania in Belgium se contulit, ubi comperit,  
periculosas quasdam & in Lutheranismum declinantes propositiones doceri  
a Michaelæ Baji, celebri Professore Lovaniensi, de gratia & libero arbi-  
trio. Pontifex a Commendono certior factus Cardinalem Granvellannum  
monuit, ut disputationes illas inhiheret. Cum autem post absolutum Triden-  
tinum Concilium propositiones Baji adhuc publice propugnarentur, Pius V.  
79. ex illis condemnavit per Bullam, quam Gregorius XIII. deinde pro-  
mulgavit per Franciscum Toletum, postea Cardinalem, qui doctrina ac  
prudencia Bajum ad retractationem & sanio rem mentem reduxit. Sed pro-  
positiones illas postmodum Janfenius Iprensis periculosius instauravit, sub  
ficta S. Augustini doctrina incautis mentibus propinatas.

Pergere deinde Commendonus volebat in Daniam & Sueciam, sed  
non admissus, sperante Dano, se in Regem Romanorum a Protestanti-  
bus Electoribus eligendum, prout spem ipsi fecerant. At unanimi suffra-  
gio lectus est Maximilianus Ferdinandi Cæsaris Filius.

Pontifex munere suo se sanctum ratus, ad Concilium Tridentinum  
continuandum præstantissimos doctissimosque quatuor Cardinales, suos  
Legatos, misit, *Herculem Gonzagum*, Episcopum Mantuanum, *Hieronymum*  
*Scipionem*, ex Generali Eremitarum S. Augustini factum Episcopum Sa-  
lernitanum & Cardinalem: *Stanislaum Hosium*, Episcopum Warmiensem, a  
preclaris libris suis gestisque orbi notissimum: & *Ludovicum Simonetam*.

### § X.

Absolutio Concilii Tridentini sub Pio IV.

Anno 1561. pauci tantum Episcopi Tridentum venerant; unde Sessio  
prima sub Pio IV. quæ ab inchoato Concilio erat decima septima, in  
18. Januarii anni 1562. differenda erat.

145.  
Sessio XVII. In Sessione XVII. igitur lectum decretum, quo declaratum fuit, sub  
lata esse impedimenta, celebrandumque Concilium ad componendas Re-  
ligio-

ligionis controversias, reformandam disciplinam morum, firmandamque Ecclesie pacem; surgente interim etiam Calvinii heresi magis perturbatam. c.lli celebratio.

Sessio XVIII. celebrata est 26. Februarii anno 1562. in qua lectum decretum, a deputatis conficiendum esse *Indicem librorum prohibitorum*: qui tamen tempore Concilii publicatus non fuit, ne irritentur Protestantes: qui hoc eodem decreto rursus ad Concilium invitabantur, datis eis plenae securitatis litteris.

Sessio XIX. habita 14. Maji, in qua decreta prorogatio Sessionis ad diem 4. Junii. Uti per litteras petierant Legati Gallici. Cumque hi advenissent, petierunt, non esse *continuandum*, sed de novo inchoandum Concilium. Quod idem etiam Casareani Oratores postulabant: ne Lutherani voce illa *continuationis* offendantur, & absterreantur a Concilio. Contrarium censuere Itali, & Hispani praecipue; abstrahendum interim ab ea voce censebat Pontifex, ac nihilominus inde incipiendum tractari, ubi Sessiones sub Julio III. desierant.

In Sessione XX. decreta est prorogatio ad 16. Julii, propter diversas difficultates, & impedimenta, ab Oratoribus praesertim Principum obiecta; in quibus componendis magnae Legatis Pontificis molestiae fuerunt perferendae. Ut enim taceam varias lites de ceremoniis & honoris sessionisque prerogativa, instanter ab Oratoribus Casareis, Bohemicis, Suis, & Gallicis petita est, ut communicio sub utraque specie concederetur: hoc enim reducendis haereticis fore opportunum: Benignam matrem oportere esse Ecclesiam, quae condescendat infirmitati filiorum, quantum potest: posse autem; & alias jam variis temporibus in hac parte condescendisse: aliquibus saltem populis ad solatium hanc gratiam indulgendam, ne inflexibilis severitas obijci possit Concilio.

Facile conventum est in eo, usum calicis non esse necessarium iis, qui non consecrant, cum utraque species pro sacrificio, non autem pro Sacramento requiratur: ac proin Ecclesiam iustis de causis posse Laicis calicis usum prohibere: cum certum omnino sit, totum Christum sub singulis speciebus contineri. In eo igitur solum est disceptatum, an pro statu rerum praesenti videretur, aliquibus saltem populis id indulgendum, cum instanter adeo petant.

Plerisque, praesertim Hispanis ea stabat sententia, nihil in hac parte esse permittendum: pugnare adhuc rationes, propter quas ritus ille sit interdictus: non alia de causa illius restitutionem peti a Protestantibus, quam ut Ecclesiam arguere possint erroris, in illius prohibitionem commissi; nec tamen ideo reversuros, sed alia quoque mutari, abrogari, everti petituros: adeoque ex concessione illa boni nihil, mali autem quam plurimum oriturum.

decreta Con-  
cilio celebra-  
tio.

146.  
Sessio XVIII.  
decretus In-  
dex librorum  
prohibito-  
rum.

147.  
Sessio XIX.  
prorogatio  
Sessionis. Po-  
stulata Cas-  
sareorum &  
Gallorum.

148.  
Sessio XX.  
Decreta ite-  
rum proroga-  
tio, propter  
varias mole-  
stias factas ab  
Oratoribus.

149.  
Postulatum  
circa commu-  
nicationem sub  
utraque spe-  
cie.



Sessio XXI. *Doctrina dogmatica de communione sub utraque specie.*

150.

In Sessione igitur XXI. 16. Julii celebrata frequenti Patrum senatus conventum est in 4. hæc de communione sub utraque specie & parvulorum capita.

1. Decernitur, illos, qui non conficiunt, nullo Divino præcepto urgeri ad Eucharistiæ Sacramentum sub utraque specie sumendum, nec dubitari posse, quin sumptio sub una specie ad salutem sufficiat.

2. Eam perpetuo in Ecclesia fuisse potestatem, ut in Sacramentorum dispensatione, salva eorum substantia, ea statueret vel mutaret, quæ suscipientium utilitati, & Sacramentorum venerationi, pro rerum, temporum, & locorum varietate, magis expedire judicaret. Hinc licet sub initium Ecclesiæ non infrequens fuerit usus utriusque speciei, progressu tamen temporis gravibus & iustis de causis mutatam illam consuetudinem, hancque sub una tantum specie communicandi approbatam & pro lege habendam decrevisse: quam mutare sine auctoritate Ecclesiæ non liceat.

3. Quamvis autem Christus in ultima cœna hoc Sacramentum sub utraque specie instituerit & Apostolis tradiderit, fatendum tamen, totum & integrum Christum sub altera tantum specie contineri, verumque Sacramentum sumi: ac proin nulla eos gratia ad salutem necessaria defraudari, qui speciem unam solam accipiunt.

4. Parvulos usu rationis carentes non obligari hoc Sacramentum sumere: nec tamen damnandam antiquitatem, quæ aliquando morem illum servavit.

Additi sunt 4. Canones, quibus anathematizantur;

151.

Canones.

1. Si quis dixerit, ex Dei præcepto seu necessitate salutis omnes fideles utramque speciem sumere debere.

2. Aut Ecclesiam non iustis de causis communicare Laicos sub una tantum specie.

3. Qui negaverit, sub una specie totum & integrum Christum sumi.

4. Qui dixerit, parvulis, antequam ad usum rationis perveniant, necessariam esse communionem.

152.

An concedendus, remissum ad Pontificem.

An autem re ipsa usus calicis aliquando sit permittendus Laicis, & quales causæ hunc concedendi sint iustæ, Concilium in aliud tempus decidendum reservavit, quod tamen in hoc Concilio fieri non potuit, eo quod multi illud absolvi citius desiderarint. Remissum igitur est hoc negotium ad Pontificem: qui aliquibus Episcopis indulget facultatem eum usum concedendi. At absque fructu, ut postea patuit. Quare personalem tantum esse eam facultatem declaravit; consequenter non transire ad successores.

153.

Decreta Reformationis.

## Decreta de Reformatione.

1. Episcopi, eorumque Ministri nihil accipiant, quocunque prætextu, & etiam sponte oblatum, pro collatione ordinum, litteris dimissoriis, aut sigil:

gillo, sed gratis ista omnia fiant. Omnesque contrariæ consuetudines, ac statuta, tanquam simoniacæ pravitati faventia, penitus cassantur & interdicuntur. Notarii vero, ubi viget consuetudo pro dimissoriis, aut testimonialibus litteris aliquid accipiendi, decimam tantum unius aurei partem possunt accipere: dummodo eis nullum salarium sit constitutum pro Officio exercendo.

2. Nullus, licet alias idoneus ad majores Ordines admittatur, nisi habeat beneficium, ad congruam sustentationem sufficiens. Nec illud resignare possit, nisi constet, eum ad illius titulum esse ordinatum, & aliunde vivere possit. Patrimonium vero vel pensionem etiam sufficientem pro sustentatione possidentes ordinari non possint, nisi, quos Episcopus pro necessitate vel utilitate Ecclesiarum suarum ordinandos esse judicaverit; neque illa deinceps sine licentia Episcopi alienari possint.

3. Pars tertia proventuum & fructuum in Cathedralibus & Collegiatis Ecclesiis separatur in distributiones quotidianas, (ubi tales vel nullæ vel tenues sunt) folisque præsentibus in Divinis Officiis distribuatur proportionaliter juxta divisionem Episcopi. Salva tamen consuetudine Ecclesiarum, in quibus non residentes, vel non interessentes nihil vel minus tertia parte accipiunt.

4. Ubi unus Rector non sufficit, cogatur ab Episcopo plures Sacerdotes assumere. Ubi vero ob locorum distantiam, aut difficultatem Parochiani sine magno incommodo ad percipiendâ Sacramenta, & Divina officia audienda accedere non possunt, novas Parochias, etiam invititis Rectoribus Episcopi possunt constituere, assignata pro arbitrio Episcopi portione ex matrici Ecclesia. Hac autem non sufficiente compellendus ad suppeditanda necessaria.

5. Propter paupertatem Ecclesiarum, & in cæteris casibus a Jure expressis, possunt Episcopi facere Uniones quarumcunque Ecclesiarum parochialium, & aliorum beneficiorum curatorum, vel non curatorum cum curatis.

6. Imperitis Rectoribus, honeste tamen viventibus, Vicarii aut Coadjutores pro tempore deputentur, cum parte fructuum assignanda. In malitia autem & scandalo pertinaciter viventes, priventur beneficiis, juxta SS. Canonum constitutiones, exemptione & appellatione remota.

7. Ecclesia, vetustate vel alias collapsæ, restaurentur ex fructibus ad eas pertinentibus: qui si non fuerint sufficientes, Patroni, & alii, qui fructus aliquos ex Ecclesiis illis percipiunt, & in horum defectum Parochiani contribuant. Si nimia egestate omnes laborent, ad matrices, aut viciniores Ecclesias transferantur beneficia. Ecclesia vero diruta in profanos usus (non tamen fordidos) convertatur, erecta ibidem cruce.



8. Monasteria commendata, in quibus non viget regularis disciplina, & beneficia, qualitercunque commendata, singulis annis visitent Episcopi.

158.  
Quatuor  
sublati

9. Quattuor elemosynarum nomen & usus penitus tollitur. Indulgentias vero & spirituales gratias Ordinarius publicet adhibitis duobus de Capitulo, qui elemosynas recipiant absque omni mercede, ut tandem cœlestes hœ Ecclesiæ thesauros non ad quæstum, sed ad pietatem exerceri omnes vere intelligant.

### Sessio XXII. *Doctrina de Sacrificio Missæ.*

159.  
Dogmat.

Celebrata est hæc Sessio 17. Sept. 1562, editaque novem Capita de Sacrificio Missæ: de quo per tres horas ex sublimiori suggestu peroravit P. Jacobus Laynez Societatis Jesu Generalis.

De potestate.

1. Christus in cœna Apostolis, quos tunc Sacerdotes constituit, dedit *potestatem & præceptum* offerendi Corpus & Sanguinem suum sub speciebus panis, & vini, tanquam jure sacrificium visibile relinquens Ecclesiæ suæ, per quod virtus sacrificii in cruce peracti, nobis applicatur in remissionem peccatorum.

Fructu.

2. Et quoniam in hoc sacrificio Christus incruente immolatur, qui in ara crucis semel se ipsum cruento obtulit, vere est *propitiatorium* pro vivis & defunctis.

Latria.

3. Licet autem in Missa fiat commemoratio Sanctorum, ipsum tamen sacrificium *Soli DEO* offertur, non autem Sanctis, quorum duntaxat patrocinia imploramus.

Canone.

4. *Canon Missæ*, cum constet verbis Domini, Apostolorum traditionibus, & Sanctorum Pontificum institutis, nihil omnino vitiosum continet.

Ceremoniis.

5. Per *Ceremonias* externas, vestes, lumina &c. mens erigitur & præparatur ad rerum altissimarum, quæ in hoc sacrificio latent, æstimationem & contemplationem.

Missæ privata.

6. Licet optaret sacra Synodus, ut in Missa præsentibus Sacramentali etiam Eucharistiæ perceptione communicarent: missæ tamen illæ, in quibus solus Sacerdos communicat, vere communes censeri debent, tum quod in eis populus spiritualiter communicet, tum quod a publico Ecclesiæ Ministro non pro se tantum, sed pro omnibus fidelibus, qui ad Corpus Christi pertinent, celebrentur.

Aqua miscenda.

7. Vinum aqua miscendum, tum quod Christus ita fecisse credatur, tum quod e latere Christi exierit sanguis & aqua, quod hac mixtione recolitur: tum etiam quod aqua populum cum Christo capite unitum significet.

8. Missa non est equidem dicenda lingua vulgari, sed more antiquo, in Romana Ecclesia, omnium Ecclesiarum Matre & Magistra usitato, ejus tamen mysteria frequenter populo sunt explananda.

9. Demum Synodus errores sequentibus 9. Canonibus damnat.

Cano.

## Canones de sacrificio Missæ.

1. Dicitur anathema illi, qui dixerit, in Missa non offerri Deo verum  
& proprium sacrificium. 160.  
Canones,
2. Verbis illis: *Hoc facite in meam commemorationem*, Christum non in-  
stituisse Apostolos Sacerdotes.
3. Non esse sacrificium propitiatorium, vel soli prodesse sumenti :  
neque pro vivis & defunctis, pro peccatis, pœnis, satisfactionibus &  
aliis necessitatibus offerri debere.
4. Derogari sacrificio Christi in cruce peracto.
5. Non esse licitum Missas celebrare in honorem Sanctorum, ad  
impetrandam eorum intercessionem.
6. Canonem Missæ continere errores.
7. Ceremonias, vestes, & externa signa, irritabula potius esse  
impietatis, quam officia pietatis.
8. Missas, in quibus solus Sacerdos communicat, esse illicitas.
9. Ritus, quo submissa voce pars Canonis, & verba consecratio-  
nis proferuntur, damnandum esse. Aut lingua tantum vulgari Missam  
dicendam esse. Aut aquam non miscendam.

Conditum dein decretum de Missa reverenter celebranda. Quare 161.  
De Missæ  
reverentia  
prohibetur omnis simonia & turpis quæstus. Vagi & ignoti ne sinantur  
celebrare. Neque in privatis domibus, aut extra Ecclesiam, & Ora-  
toria, ad Divinum tantum cultum dedicata, a quoquam celebretur.  
Moneatur populus, ut frequenter ad suas Parochias, saltem diebus  
Dominicis & Festis majoribus accedant.

## Decreta Reformationis.

1. Clerici modeste, graviter ac sancte se gerant, ut aliis sint exemplo. 162
2. Ad Ecclesiam Cathedralē assumendus natalibus, ætate, moribus, De Cano-  
nics.  
doctrina, a SS. Canonibus requisitis, sit præditus, Doctor aut Licentiatu-  
Theologiæ vel Juris Canonici, aut publico Academiæ testimonio instru-  
ctus, & saltem sex mensium spatio antea in sacro ordine constitutus.
- Distributiones quotidianæ constituendæ ex tertia parte quorum. Distribu-  
cunque fructuum. Absentium portio cedat fabricæ, aut alteri pio loco tionibus.
- arbitrio Episcopi. Qui tamen extra civitatem in Ecclesia curata ministrat,  
habeatur pro præsentē.
4. In Cathedrali vel collegiata, etiam Regulari vocem in Capitulo non Promoven-  
dis.  
habeat, qui non est Subdiaconus. Intra annum suscipiendi ordines ad Mini-  
sterium requisiti. Provisio fiat solum iis, qui habent ætatem aliaque requisita.
5. Dispensationes extra curiam Romanam committantur Ordinariis Rescriptis.  
eorum, qui eas impetrarunt. Nec rescripta gratiæ sortiantur effectum, nisi  
ab iisdem, tanquam Sedis Apostolicæ delegatis summarie, & extrajudiciali-  
ter fuerint cognita, nulli illa sub - vel obreptionis vitio subiacere.



Commuta-  
tionibus.

6. In commutationibus ultimarum voluntatum, quæ non nisi ex iusta & necessaria causa fieri debent, Episcopi tanquam Sedis Apostolicæ delegati, summarie & extrajudicialiter cognoscant, preces nec sub-nec obreptionis vitio esse obnoxias.

Visitationi-  
bus.

7. In appellationibus servetur *cap. Romana de appellat. in 6.*

8. Omnium piarum dispositionum executores sint Episcopi: Habeantque Jus visitandi Hospitalia, Collegia, ac confraternitates Laicorum, ac Scholas, iis exceptis, quæ sunt sub immediata protectione Regum.

Rationibus.

9. Administratores piorum locorum singulis annis reddant rationem Ordinario, nisi aliter in fundatione sit cautum.

Notariis.

10. Notariorum sufficientiam scrutentur Ordinarii, & non sufficientes aut delinquentes a Causis Ecclesiasticis arceant.

Usurpatori-  
bus.

11. Bonorum Ecclesiasticorum aut proventuum occupatores, & usurpatores anathemati subiaceant, quamdiu ea detinent vel impediunt, quominus ab iis percipiantur, ad quos pertinent, & absolutionem a summo Pontifice obtineant, quodsi usurpator ejusdem Ecclesiæ Patronus sit, etiam Jurapatronatus privetur; uti etiam Clericus beneficiis Ecclesiasticis, cum inhabilitate ad alia, & suspensione ab executione ordinum, si ejusmodi usurpationum fuerit particeps.

Denique Synodus resumens quæstionem, an aliquibus Provinciis petentibus usus calicis sit permittendus, ad summum Pontificem refert negotium. Ut supra memoratum est.

#### Sessio XXIII. De Sacramento Ordinis.

163.  
De refor-  
manda Ro-  
mana curia.

Sessionem hanc ultra decem menses differre oportuit, propter duas controversias molestissimas. Nam Imperator Ferdinandus & Rex Galliæ cernentes, Lutheranos & Calvinistas sub prætextu Romanæ tyrannidis nunquam Concilio acquieturos, nisi reformarentur abusus Romanæ curiæ, in id maxime incumbabant. At Pontifex constanter respondit, ad se pertinere, ea, quæ Romæ corrigenda viderentur, emendare: atque abunde se id jam præstitisse, constitutione novissime edita, qua omnia, quæ jure objici possent, emendarit in omnibus tribunalibus Romanis, Cancellaria, Rota, Palatio Apostolico, circa distributiones gratiarum, Privilegorum, Indulgentiarum: facturumque se porro omnia, quæ possint desiderari: ut proin nullum omnino ex iis prætextum pertinaciæ Protestantes possint objicere.

164.  
Lis inter  
Oratores.

Altera controversia, quæ non parum rerum cursum morabatur, erat de loci prærogativa *Lunensem* inter comitem Legatum Hispanum, & Galliæ Oratores, minitantes istis, se cum omnibus Gallis abituros, si Hispanus præponeretur. Ad litem sopiendam datus huic locus extra ordinem Legatorum.

His compositis celebrata est Sessio 23. 15. Julii anno 1563. præsidibus Legatis Sedis Apostolicæ, Hosio, Simonetta, Morono, & Navagiero, Car-  
dina-

dinalibus ( nam Cardinalis Mantuanus, Legatorum primus, & Scripandus Tridenti interea obierant, Altempsius vero Cardinalis, Pontificis nepos, qui quintus Legatus advenerat, Constantiam ad Episcopatum suum jam discesserat ) advenitque etiam cum Gallis Episcopis ad Sessionem istam Carolus Guisus Cardinalis Lotharingus.

Edita 4. capita de *Sacramento Ordinis*.

1. Christus Apostolis, eorumque in Sacerdotio successoribus dedit potestatem consecrandi & offerendi visibile sacrificium, atque remittendi & retinendi peccata. 165.  
Doctrina de  
Sacramento  
Ordinis.

2. Ad venerationem tanti sacrificii ab ipso Ecclesie initio fuerunt in usu septem ordines, tres majores seu sacri, & quatuor minores.

3. Ordo est vere ac proprie Sacramentum, cum conferat gratiam, ut habetur 2. Tim. 1.

4. Soli illi sunt Sacerdotes, qui legitime sunt ordinati ab Episcopis. Hi sunt majores Presbyteris, & confirmationis ac ordinis Sacramentum conferunt: neque ad hoc requiritur Magistratus aut populi consensus. Ordinatis imprimitur character indelebilis, propter quem nunquam amplius effici possunt Laici.

Contraria autem his capitibus doctrina damnata est pro more octo Canonibus.

1. Damnatur, qui dixerit, in Novo Testamento non esse Sacerdotium visibile, aut potestatem consecrandi & peccata remittendi, sed Officium tantum & nudum Ministerium predicandi Evangelium. 166.  
Canones de  
eodem.

2. Præter Sacerdotium nullos alios esse ordines, per quos velut per gradus ascendatur ad Sacerdotium.

3. Ordinationem non esse vere ac proprie Sacramentum, a Christo institutum, sed tantum esse ritum eligendi Ministros verbi Dei.

4. Per eam non imprimi characterem, vel eum, qui Sacerdos semel fuit, Laicum rursus fieri posse.

5. Sacramentum in ordinatione usitatum non requiri.

6. In Ecclesia non esse Hierarchiam, Divina ordinatione institutam, quæ constet ex Episcopis, Presbyteris, & Ministris.

7. Episcopos non esse Presbyteris superiores, vel non habere potestatem confirmandi, ordinandi &c. vel eam ipsi esse cum Presbyteris communem: vel ordines absque populi, vel potestatis secularis consensu esse irritos: Aut eos, qui ab Ecclesiastica potestate non sunt ordinati & missi, legitimos esse verbi & Sacramentorum Ministros.

8. Episcopos, qui auctoritate Romani Pontificis assumuntur, non esse legitimos & veros Episcopos. *Hic multum disputabatur, an Episcopi potestatem jurisdictionis immediate habeant a Christo, an vero mediante Pontifice. Placuit tandem ab ea questione controversa abstrahere.*

His



His Capitibus & Canonibus in eadem Sessione subjuncta sunt 18. Decreta  
De Reformatione.

167. Decreta circa  
Residentiam  
Episcopo-  
rum,
1. Quia jure Divino Rectoribus Ecclesiarum præceptum est, gregem suum pascere ac regere, Episcopus ac superiores Prælati nunquam absint a sua Diœcesi, nisi ad summum per tres menses, continuos vel interruptos: si urgente causa ultra abesse velint, causam eam Pontifici aut Metropolitanæ in scriptis approbandam offerant. Nisi incidat peragendum officium Reipublicæ aut Episcopatus annexum; atque notorium, aut repentinum. Ita tamen pro tempore absentia Ecclesiæ suæ provideant, ut nullum inde detrimentum patiatur. Alias fructus non faciunt suos, sed tenentur eos pro rata absentia aut fabricæ, aut pauperibus loci erogare, etiam alia monitione non secuta.
- Idem decernitur de inferioribus Curatis: in quorum absentia constituendi idonei Vicarii, ab Ordinario approbandi. Discedendi autem licentiam, in scriptis ac gratis concedendam, ultra bimestre, nisi ex gravi causa, non obtineant.
168. Consecratio  
Episcopo-  
rum.
2. Episcopi, ultra tres menses consecrationem differentes, fructus teneantur restituere. Si rursus per tres menses consecrationem negligant, Ecclesiis ipso jure sint privati. Consecratio autem fiat in Ecclesia, ad quam sunt promoti, aut in Provincia, si commode fieri potest.
3. Episcopi per semet ipsos ordines conferant. Si ægritudine impediti fuerint, subditos suos non aliter, quam jam examinatos & probatos ad alium Episcopum ordinandos dimittant.
169. De ordinan-  
dis.
4. Prima tonsura non initientur, qui Sacramentum confirmationis necdum receperunt, aut Fidei rudimenta, item legere & scribere nesciunt: & de quibus non sit probabilis conjectura, eos non ad subterfugiendum sæculare judicium id genus vitæ elegisse.
- Qualitates.
5. Ad minores ordines promovendi bonum testimonium habeant a Parocho & Magistro Scholæ. Omniaque ante ordinationem circa nates, ætatem, mores &c. diligenter inquirentur.
6. Nullus prima licet tonsura aut etiam minoribus initiatus, obtineat Beneficium ante 14. ætatis annum. Neque privilegio fori gaudeat, nisi habeat Beneficium, aut clericalem habitum ac tonsuram gestet, alicui Ecclesiæ ex mandato Episcopi inserviens, aut in Seminario Clericorum vel Academia de licentia Episcopi versetur.
7. Episcopus ordinandorum omnes qualitates diligenter investiget & examinet, ascitis viris peritis.
8. A proprio Episcopo quilibet ordinandus: vel ab alio cum proprii licentia & testimonio, & in Cathedrali Ecclesia, vel si Episcopus sit in alio loco suæ Diœcesis, in digniore Ecclesia loci, quantum fieri potest, instituatur ordinatio, ac publice, præsentem Clero.
9. Episcopus familiarem suum ordinare non potest, nisi per triennium fue-  
rit

rit cum eo commoratus : tunc autem statim ei Beneficium conferre debet.

10. Abbates nulli sæculari, vel Regulari, sibi non subdito, consuetudinem aut ordines minores conferant, aut dimissorias quæcunque Capitula concedant : ne quidem Sede vacante.

11. Etiam minores Ordines per interstitia conferantur, nisi Episcopo aliter videatur. Tum vero nonnisi post annum ad sacros Ordines promoveantur, nisi necessitas aut utilitas Ecclesiæ iudicio Episcopi aliud exigat. Tempore autem interstitiorum diligenter se exercent in virtute & doctrina, ac munere ab Episcopo sibi commisso, ut digni inveniuntur ascensu ad altiores ordines.

12. Nullus promoveatur ad Subdiaconatum ante ætatis annum 22. Diaconatus 23. & Presbyteratus 25. Regulares quoque nec in minori ætate, nec sine diligenti examine Episcopi ordinentur, quibuscunque Privilegiis quoad hoc penitus exclusis. (*Intelligendum de Privilegiis ante Concilium Tridentinum acquisitis.*)

13. Subdiaconi & Diaconi ordinentur in minoribus jam probati, ac scientia, quæ ad officium exercendum requiritur, probe instructi, continentes &c. diebus Festis solennibus & Dominicis maxime decet, ut communificent. Per annum interstitia servant, nisi aliter visum Episcopo, ob Ecclesiæ necessitatem vel utilitatem. Duo sacri ordines nulli eodem die conferantur.

14. Qui pie & fideliter in prioribus ordinibus ac Ministeriis se gesserint, ad Presbyteratum ascensuri, iis sint imbuti litteris, ut populum docere possint ea, quæ scire omnibus ad salutem necessarium est, & ad ministranda Sacramenta. Vitæ bono exemplo præluceant. Diebus saltem Dominicis & Festis solennibus celebrent : &, si curam animarum habuerint, quoties hoc munus exigit. Cum promotis per saltum potest Episcopus dispensare, si non ministraverint.

15. Quamvis Presbyteri absolvendi potestatem in ipsa ordinatione accipiant, ut tamen sæcularium, etiam Sacerdotum, Confessiones audire possint, debent omnes, etiam Regulares (nisi Parochiale Beneficium habeant) ab Episcopo *approbari*, seu idonei judicari, prævio examine, nisi aliunde constet. *Approbario autem gratis fiat.*

179.  
Approbatio  
Confessarius.  
rui.

16. Singuli ordinandi adscribantur illi Ecclesiæ, pro cuius necessitate aut utilitate assumuntur, ubi suo munere fungantur, nec vagentur incertis sedibus. Qui inconsulto Episcopo locum deseruerit, ei sacrorum exercitio interdicitur. Nullus peregrinus sine litteris commendatitiis sui Ordinaris ad celebrandum, aut ministranda Sacramenta admittatur.

17. Functiones minorum Ordinum restituendæ, assignatione facta fructuum ex simplicibus Beneficiis vel fabrica ; ne ab hæreticis tanquam otiosi traducantur. Deficientibus tamen minoristis calibatum colentibus sufficiantur conjugati, monogami tamen, tonsurati, & induti clericaliter in Ecclesia.



171.  
Erigenda Se-  
minaria &  
Scholæ.

18. In Cathedralibus pro ratione facultatum erigantur seminaria Clericorum, in quæ præcipue pauperes assumendi, & ad sacra Ministeria præparandi, itemque Scholæ erigantur communibus Ecclesiasticorum sumptibus &c.

Sessio XXIV. De Sacramento Matrimonii.

172.

Indicta fuerat Sessio in diem 16. Sept. sed proroganda fuit in 11. Nov. 1563. in qua exposita fuit doctrina de matrimonio, quod Christus in novo Testamento ad rationem Sacramenti elevavit, testante ipso Apostolo, Sacramentum hoc magnum esse in Christo & Ecclesia. Quia autem Novatores hæretici etiam in hoc Sacramentum sunt grassati, Synodus sequentibus 12. Canonibus eorum errores condemnavit.

173.  
Canones

1. Anathema sit, qui dixerit, Matrimonium non esse vere ac proprie Sacramentum, a Christo institutum, neque gratiam conferre.

2. Licere Christianis plures habere uxores simul: hoc nulla lege Divina esse prohibitum.

3. Eos tantum consanguinitatis & affinitatis gradus, qui Levitico exprimuntur, impedire posse Matrimonium contrahendum & dirimere contractum; nec posse Ecclesiam in nonnullis eorum dispensare, aut constituere, ut plures impediunt & dirimant.

4. Ecclesiam non potuisse statuere impedimenta, Matrimonium dirimentia.

5. Propter hæresin, aut molestem cohabitationem, aut absentiam conjugis, dissolvi posse matrimonii vinculum.

6. Matrimonium ratum tantum, per solennem Religionis professionem alterius conjugum non dirimi.

7. Errare Ecclesiam, dum docet, propter adulterium alterius conjugum matrimonii vinculum non dissolvi: nec posse, etiam innocentem aliud Matrimonium contrahere, quamdiu vivit alter conjugum, maharique eum, qui dimissa adultera aliam ducit.

8. Errare Ecclesiam, dum decernit, ob multas causas fieri posse separationem conjugum quoad thorum, seu cohabitationem, ad certum tempus, aut incertum.

9. Clericos in sacris Ordinibus constitutos, vel Regulares castitatem solenniter professos posse Matrimonium contrahere: contractumque validum esse non obstante lege Ecclesiastica, vel voto.

10. Statum conjugalem præponendum esse virginali, vel coelibati, huncque non esse meliorem illo.

11. Prohibitionem solennitatis nuptiarum certis temporibus, benedictionem, aliasque ceremonias, esse superstitionem.

12. Causas Matrimoniales non spectare ad iudices Ecclesiasticos.  
Edita dein sunt decem Capita

## De Reformatione Matrimonii.

1. Quamvis Matrimonia *clandestina* fuerint valida, quamdiu Ecclesia ea non irritavit, sintque damnandi, qui affirmant, sine Parentum consensu contracta esse invalida, aut Parentes ea rata vel irrita reddere posse; Ecclesia tamen ea semper prohibuit. Quia autem sola prohibitio non sufficit ad coercenda scelera & abusus, præsertim eorum, qui ad alias nuptias transeunt vivente priori conjugē, & sic in adulterio vivunt, ideo Synodus præcipit, ut antequam Matrimonium contrahatur, ter a proprio contrahentium Parocho tribus continuis diebus festivis, in Ecclesia, inter Missarum solennia publice *denuntietur*, inter quos Matrimonium sit contrahendum. Tum, si nullum impedimentum opponatur, Matrimonium in facie Ecclesiæ celebretur, Parocho intellecto consensu eos conjungente.

Si probabilis fuerit suspicio, Matrimonium malitiose impediendum propter tot denuntiationes, tunc vel una tantum fiat, vel saltem Parocho & duobus vel tribus testibus præsentibus matrimonium celebretur. Qui vero aliter quam præsentē Parocho, vel alio Sacerdote, de ipsius Parocho seu Ordinarii licentia, & duobus vel tribus testibus Matrimonium contrahere attentabunt, eos S. Synodus ad sic contrahendum omnino inhabiles reddit: atque hujusmodi contractus irritos facit, & annullat: gravibus insuper pœnis ab Ordinario mulcandi, qui aliter fecerint.

Ante Benedictionem autem Sacerdotalem, a proprio Parocho in templo impertiendam (nisi alius Sacerdos a Parocho vel Ordinario licentiam habeat) in eadem domo non cohabitent conjugēs.

Si autem Parochus, vel alius Sacerdos, alterius Parochiæ Sponsos, sine illorum Parochi licentia, Matrimonio jungeret, aut benediceret, ipse tamdiu suspensus maneat, donec absolvatur ab Ordinario ejus Parochi, ad quem pertinebat Sponsos conjungere & benedicere.

Habeat Parochus librum, in quo conjugum & testium nomina, diemque & locum contracti Matrimonii describat.

Monendi etiam Sponsi, ut ante Matrimonium *confiteantur*, & Eucharistiam sumant. Aliis etiam piis consuetudinibus in suo vigore permanfuris.

Hoc Decretum promulgetur sæpius in singulis Parochiis, præsertim primo anno: post 30. autem dies a promulgatione facta robur suum habeat.

2. Unus tantum patrinus, vel una, aut ad summum unus & una baptizatum de Baptismo suscipiant. Impedimentum autem *cognitionis Spiritualis* solum contrahunt patrinus, & baptizans cum baptizato, ejusque Patre & cognatio Matre. Unde horum nomina diligenter scribenda sunt a Parocho in libro Baptismali. Si alii, præter designatos infantem tetigerint, non contrahitur cognatio. Similiter ex Confirmationis Sacramento eadem tantum contrahitur a Patrino cum confirmato ejusque Patre & Matre.

3. Impedimentum *publicæ honestatis* non oritur ex sponsalibus, quacunque,

174.  
Decreta de  
Reformatio-  
ne Matrimo-  
nii.

175.  
Trina De-  
nuntiatio.

176.  
Statuitur  
Impedimen-  
tum clande-  
stinitatis.

177.  
Benedictio  
nuptialis.

178.  
Patrini  
& cognatio  
Spiritualis.

179.  
Publicæ  
honestatis.



que ratione invalidis. Si autem valida fuerint, primum gradum non excedat.

180.  
Affinitas.

4. Impedimentum *affinitatis*, ortum ex fornicatione, ad primum tantum & secundum gradum refringitur

5. Si quis scienter intra gradus prohibitos Matrimonium contrahit, separetur, & spe dispensationis careat. Idem statuitur, si neglectis solennitatibus ignoranter cum impedimento contraxerit. In contrahendis Matrimoniis vel nulla omnino detur dispensatio, vel raro, idque ex causa, & gratis concedatur. In secundo gradu nunquam dispensetur, nisi inter magnos Principes, & publicam ob causam.

181.  
Raptus.

6. Inter raptorem & raptam, quandiu rapta in potestate raptoris manserit, non potest consistere Matrimonium. Raptor & omnes adjuutores sint ipso jure excommunicati, & perpetuo infames: & si Clerici fuerint, de proprio gradu decident. Si rapta a raptoe separata, & in loco tuto ac libero constituta, in Matrimonium cum illo libere consenserit, potest eam raptor ducere. Tenetur tamen eam dotare, siue duxerit, siue non.

182.  
Vagabundi.

7. *Vagabundi* non facile ad Matrimonium admittendi. Magistratus secularis eos severe coërceat. Parochi non intersint eorum Matrimoniis, nisi prius diligenter inquisierint, & re ad Ordinarium delata, ab eo licentiam obtinuerint.

183.  
Concubinarii.

8. *Concubinarii* post trinam Ordinarii monitionem excommunicentur. Si contumaces ultra annum permanerint, severius puniantur. Concubinae post trinam monitionem graviter puniantur & extra Diocesim ejiciantur, invocato etiam, si opus, brachio seculari. Aliis poenis in suo robore permanentibus.

184.  
Cogentes.

9. Domini ac Magistratus directe vel indirecte *cogentes* subditos suos contrahere Matrimonium cum certis personis ipso facto incurrunt excommunicationem.

10. Ab Adventu usque ad Epiphaniam, & a feria quarta cinerum usque ad octavam Paschatis inclusive, antiquæ prohibitiones solennium nuptiarum diligenter observentur.

Superaddita sunt deinde alia viginti Capita.

Alia Decreta de Reformatione.

185.  
De Electione  
Episcopo-  
rum,

1. Traditur norma creandi Episcopum & Cardinales. Nempe ut post mortem Episcopi indicantur publicæ preces ad impetrandum a Deo bonum Pastorem. Declaratque Synodus, eos mortaliter peccare, qui non promoverint eos, quos digniores, & Ecclesiæ magis utiles ipsi judicaverint, seposito omni humano affectu, legitime natos, vita, ætate, doctrina, atque omnibus aliis qualitatibus, a SS. Canonibus requisitis, præditos. Hæcque omnia in publicum instrumentum redacta, una cum forma electionis, & professione Fidei, a promovendo facta, quam primum ad summum Pontificem mittantur. Ubi per quatuor Cardinales omnia diligenter examinentur; tum

per

per unum ex ipsis in Consistorio referantur: ac deinde Judicium feratur.

Eadem qualitates exigendæ in creatione Cardinalium, qui ex omni Et Cardibus Christianis Nationibus, quantum commodè fieri potest, assumuntur naliū.  
a summo Pontifice, qui lectissimos tantum sibi asciscet, & bonos maxime atque idoneos Pastores singulis Ecclesiis perficiet.

2. Quolibet triennio celebrentur Concilia Provincialia per Metropolitanum, aut, eo impedito, per Coëpiscopum antiquiorem. Ad ea Synodi Provinciales &c. 187.  
convenient, quicumque de jure vel consuetudine interesse debent. Episcopi autem, qui nulli Archi - Episcopo sunt subiecti, ad Synodum Provinciale alicujus vicini Metropolitanus accedant; & quæ ibi ordinata fuerint, observent: in reliquis omnibus eorum Privilegiis & exemptione falvis. Synodi vero Diocesanæ quot annis celebrentur.

3. Episcopi &c. per se ipsos, aut, si legitime impediti fuerint, per suum Generalem Vicarium, aut Visitatorem, si quot annis totam Diocesis, 188.  
propter ejus latitudinem, visitare nequeunt, saltem majorem ejus partem visitent, ita, ut intra biennium visitationem absolvant. Metropolitanus vero non visitent Dioceses suorum Comprovincialium, nisi causa cognita & probata in Concilio Provinciali. Visitatores inutilibus sumptibus non sint molesti, nec quidquam accipiant, nisi quod jure debetur, nempe victualia necessaria. Patroni vero administrationi Sacramentorum se non immisceant, neque proventuum visitationi, nisi quatenus eis ex institutione & fundatione competat.

4. Prædicationis munus in Ecclesia sua Episcopi diligenter exerçant, 189.  
vel se, vel si impediti fuerint, per eos, quos ad id assumunt: in aliis autem Ecclesiis per Parochos, vel iis impeditis, per alios, ab Episcopo deputandos, saltem omnibus Dominicis & Festis solennibus. Episcopus populum moneat, teneri quemque Parochiæ suæ interesse, ubi commode id fieri potest, ad audiendum verbum Dei. Nullus autem secularis aut Regularis etiam in Ecclesia suorum ordinum contradicente Episcopo prædicare præsumat. Curent Episcopi pueros saltem Dominicis & Festis in Fidei rudimentis instrui.

5. Causæ criminales graviiores Episcoporum a solo summo Pontifice cognoscantur & terminentur. Si autem causa sit talis, ut extra curiam Romanam sit committenda, nemini committatur, nisi Metropolitanis, 190.  
aut Episcopis, & quidem propria manu Pontificis, atque quoad solam facti cognitionem, definitiva sententia Pontifici reservata. Minores vero causæ criminales Episcoporum in Concilio tantum Provinciali cognoscantur & terminentur. Causæ criminales Episcoporum.

6. Possunt Episcopi dispensare in irregularitatibus omnibus, & suspensionibus, ex delicto occulto provenientibus (excepta ea quæ oritur ex homicidio voluntario, & exceptis aliis, ad forum contentiosum deductis) 191.  
possunt Potestas Episcoporum.



rum dispen-  
sandi.

192.  
Pœnitenti-  
arius.

193.  
De ætate &  
qualitatibus  
Præficienti-  
derum.

possunt etiam in quibuscunque casibus occultis, etiam Sedi Apostolicæ reservatis, delinquentes quoscunque sibi subditos in Diœcesi sua per se ipsos, aut per Vicarium, ad id specialiter deputandum, in foro conscientiæ gratis absolvere. Idem possunt in crimine hæresis in eodem foro conscientiæ, non autem eorum Vicarii.

7. Explicanda diligenter populo doctrina de Sacramentis etiam lingua vernacula; item salutis monita singulis festis explananda, omissis inutilibus quæstionibus.

8. Publicis & scandalosis sceleribus publica injungenda pœnitentia, nisi Episcopo aliter fuerit visum. Pœnitentiarius in qualibet Cathedrali collocandus; qui sit Doctor Theologiæ aut Juris Canonici, vel Licentiatius, & annorum 40. Vel qui alias aptior pro loci qualitate reperitur.

9. Ecclesia sæcularis, quæ nullius est Diœcesis, ab Episcopo proximior visitetur.

10. Subditi Episcoporum suspendere non possunt per appellationem executionem eorum, quæ in visitatione sunt decreta circa morum emendationem &c.

11. Honorarii tituli, aliquibus concessi, non derogant Juri Episcoporum.

12. Nemo ad dignitatem, cui animarum cura est annexa, promoveatur, nisi saltem 25. ætatis annum attigerit. In clericali munere versatus, doctrina & moribus conspicuus, Archidiaconi, qui oculi dicuntur Episcopi, sint Doctores aut Licentiatii in Theologia aut Jure Canonico. Ad cæteras dignitates aut personatus, nullam curam habentes annexam, requiruntur saltem 22. anni ætatis, Provisus beneficio curato tenetur intra duos Menses ab adepta possessione professionem Fidei emittere in manibus Episcopi, vel, eo impedito, coram Vicario Generali. Provisi de Canonicatu vel dignitate tenentur idem facere etiam in Capitulo. Alias prædicti omnes fructus non faciant suos, nec illis possessio suffragetur. Canonici sint Presbyteri, vel Diaconi, vel Subdiaconi: ita tamen, ut dimidia saltem pars sint Presbyteri. Si commodè fieri potest, dignitates omnes, & saltem dimidia pars Canonicatum conferantur tantum Doctoribus vel Licentiatii Theologiæ vel Juris Canonici. Non absint Canonici &c. ultra tres menses, alias primo anno priventur dimidia parte fructuum: altero omnibus. Tenentur autem omnes Divina per se ipsos, & non per substitutos, obire officia. Ab illicitis venationibus, aucupis, choreis, tabernis, lussibus abstineant.

13. Ecclesiis Cathedralibus tenuibus succurrendum unione Ecclesiarum, aut aliis proventibus. Providendum etiam paupertati Parochialium Ecclesiarum. Beneficia tenuia non graventur pensionibus aut aliis oneribus. Omnes pertineant ad aliquam Parochiam, cujus Rectorem suum Pastorem agnoscant.

14. In provisionibus, aut admissione in possessionem beneficii, nulli fructus detrahantur, aut convertantur in usus non pios.

15. Tenuitati Eccleſiarum & beneficiorum ſubveniatur vel unitio-  
plurium ſimplicium, vel aliquorum ſuppreſſione, de conſenſu patronorum.

16. Sede vacante Capitulum conſtituat Oeconomum, qui rerum ac  
proventuum curam gerat: item Vicarium infra oſto dies a morte Epi-  
ſcopi. Qui ſaltem in jure Canonico ſit Doctor vel Licentiatus, vel alias  
idoneus. Uterque Epiſcopo dein electo geſtorum rationem reddat.

17. Unum tantum beneficium uni conferatur. Si unum non ſuffi-  
ciat ſuſtentationi, addatur aliud ſimplex, dummodo non utrumque re-  
quirat perſonalem reſidentiam. Qui vero plures habet Parochiales Ec-  
cleſias, vel unam Parochialem & alteram Cathedralem, cogatur, reten-  
ta una, alteram intra ſex meſes dimittere. Alias utraque vacare cen-  
ſeatur ipſo jure, & aliis conferantur.

18. Dum vacat Parochia, Epiſcopus ſtatim conſtituat Vicarium, cum  
portione congrua. Tum concurſu publicato, venientes gratis exami-  
nentur ab Epiſcopo vel Vicario, & tribus aliis, Magiſtris aut Licentia-  
tis, vel aliis, Clericis aut Regularibus. Peracto examine, qui idonei  
ſunt inventi, renuntientur Epiſcopo, qui eum debet ex his eligere, quem  
ceteris digniore judicaverit: illique conferri debet Eccleſia.

Si vero ſit juris patronatus Eccleſiaſtici, & inſtitutio pertineat ad  
Epiſcopum, a patrono ex approbatis ab examineribus iſ præſentandus  
eſt, quem ipſe digniorem judicaverit. Si vero inſtitutio non pertinet ad  
Epiſcopum, tunc Epiſcopus ſolus ex dignis eligat digniorem, quem pa-  
tronus præſentare debet ei, cujus eſt inſtituere. Quod ſi Eccleſia ſit ju-  
ris patronatus laici, debet iſ, qui præſentatus fuerit a deputatis, exami-  
nari, & non, niſi idoneus inventus fuerit, inſtitui.

19. Mandatis proviſionis & gratiis expectativis, hætenus conceſſis,  
nulli fas ſit uti; ſed nec reſervationes mentales, nec ullæ gratiæ ad vaca-  
tura, aut indulta ad alienas Eccleſias vel Monafteria ulli concedantur,  
& hætenus conceſſa abrogata eſſe cenſeantur.

20. Cauſæ omnes ad forum Eccleſiaſticum pertinentes in prima inſtan-  
tia coram Ordinario loci cognoscantur, & ſaltem intra biennium a die mo-  
tæ litis terminentur; ultra quod tempus lite protecta integrum eſt parti-  
bus ſuperiores iudices adire, qui cauſam in eo ſtatu, in quo fuerat, aſſumant,  
& quam primum terminari curent: nec antea aliis committantur, aut avo-  
centur, neque appellationes ab eiſdem interpoſitæ per ſuperiores quoscun-  
que recipiantur, niſi appellatum fuerit a definitiva aut definitiva vim ha-  
bente, & cujus gravamen per appellationem a definitiva reparari nequeat.

Excipiuntur cauſæ juxta SS. Canones coram ſede Apoſtolica ſpecia-  
liter tractandæ vel quas ex urgenti & rationabili cauſa Pontifex per ſpe-  
ciale ſcriptum ſuæ ſignaturæ, manu propria ſubſcriptum, judicaverit  
committendas aut advocandas.

Cau.



Causæ matrimoniales & criminales, non inferiorum judicum sed Episcopi jurisdictioni relinquuntur: neque a Nuntiis Apostolicis impediuntur, aut turbentur. Qui neque contra Clericos debent procedere, nisi Episcopo prius requisito & negligente. Alias eorum processus sint irriti.

199.  
Appellatio.

Appellans ab Episcopo tenetur acta omnia primæ instantiæ ad judicem appellationis suis impensis deferre, admonito prius eodem Episcopo. Copiam actorum autem tenetur Notarius intra mensem appellanti extradere. Secus puniendus una cum iudice a quo, si is tergiversationis particeps fuerit.

Subjunxit denique Synodus protestationem, quod per verba illa: *Quæ proponentibus Legatis ac præsentibus &c.* nolit, ut solita ratio tractandi negotia in Generalibus Conciliis ulla ex parte mutetur. Tum indicta Sessio in nonam Decembris.

Sessio XXV. De Purgatorio, veneratione Sanctorum &c.

200.  
Doctrina dogmatica de Purgatorio,

Celebrata est hæc Sessio ultima 4. Dec. 1563. editumque primo decretum de Purgatorio; esse videlicet Purgatorium, animasque ibi detentatas fideliū suffragiis, potissimum vero sacrificio Missæ, juvari. Doctrinam de Purgatorio populo diligenter explicandam, omisiss subtilioribus, incertis, curiosisque quæstionibus, iisque omnibus, quæ superstitionem aut turpe lucrum sapiunt.

201.  
Invocatione Sanctorum,

Letum deinde Decretum de Invocatione, veneratione & Reliquiis Sanctorum, & sacris Imaginibus: mandatque S. Synodus fideles circa ista diligenter instrui: Sanctos orationes pro hominibus Deo offerre: bonum atque utile esse suppliciter eos invocare; contrariumque dicentes imple sentire.

Et Reliquiis.

Sanctorum quoque corpora veneranda esse, per quæ multa beneficia a Deo hominibus præstantur: damnandos proin, qui dicunt, Sanctorum Reliquiis non deberi venerationem.

202.  
De cultu Imaginum.

Imagines porro Christi, Deiparæ, & Sanctorum in templis præsertim habendas & retinendas, eisque debitum honorem impertiendum: non quod credatur inesse iis aliqua Divinitas, vel virtus, propter quam sint colendæ: vel quod ab eis sit aliquid petendum, vel quod fiducia in Imaginibus sit figenda, ut olim fiebat a gentibus, quæ in Idolis spem collocabant: Sed quia honos, qui eis exhibetur, refertur ad prototypa, quæ ab Imaginibus representantur, ita, ut per Imagines, quas osculamur, & coram quibus caput aperimus & procumbimus, Christum adoremus & Sanctos veneremur.

Insuper per picturas populum erudiri & confirmari in Articulis Fidei commemorandis & recolendis: Monerique intuentes Beneficiorum, acceptorum a Christo, Miraculorum, & exemplorum, ad imitationem propositorum. Qui autem his contraria docuerit, sit anathema.

203.  
Abusus tolerantis.

Abusus autem omnes aboleantur, si qui irreperant, omnisque superstitio,

no, quæstus, lascivia tollatur. Unde nulla insolita proponatur Imago, nisi ab Episcopo approbata fuerit. Sicut nec nova Miracula, aut novæ Reliquiæ recipiendæ, nisi eodem recognoscante & approbante. Si gravior quæstio incidat, Provincialis Synodus de ea cognoscat: nihil tamen novum aut in Ecclesia hætenus inusitatum decernatur inconsulto Pontifice.

Quod si aliquando historias aut narrationes S. Scripturæ figurari contigerit, doceatur populus, non propterea Divinitatem figurari, quasi corporeis oculis conspici, vel coloribus aut figuris exprimi possit.

Dogmaticæ huic doctrinæ addita sunt 22. Capita

De Reformatione Regularium.

1. Regulares vivant secundum regulam, servantes exactam disciplinam.

2. Regulares nulla re tanquam propria utantur. Acquisita statim <sup>204.</sup> superiori tradantur & incorporentur Conventui. De paupertate.

3. Omnia Monasteria ac domus Regularium possidere possint bona immobilia, exceptis Franciscanis de Observantia & Capucinis. Non recipiantur plures, quam honeste sustentari possint ex redditibus vel elemosynis consuetis. Deinceps Monasteria non erigantur sine Episcopi licentia.

4. Non licet a Monasterio recedere, etiam prætextu pii operis aut accedendi ad superiores, nisi ab eis missi aut vocati fuerint. Qui sine prædicto mandato, in scriptis obtento, reperitur, tanquam delictor puniatur ab Episcopo. Studentes in Universitate, in Conventibus tantum habitent, alias subjacent Ordinario. Recessu.

5. Curent Episcopi, servari exacte clausuram. Moniali ne quidem ad breve tempus licet egredi sine rationabili causa, ab Episcopo approbanda. Ingredi autem intra septa nemini omnino est licitum, sine Episcopi aut Superioris licentia, in scriptis obtenta, sub pœna excommunicationis, ipso facto incurrenda: licentia autem tantum danda in casibus necessariis. Clausura.

6. Omnes Superiores virorum & mulierum eligantur votis secretis, nunquam publicandis. Absentium vota non suppleantur. Alias electio erit nulla. Electione.

7. Abbatissa, vel quæcunque Præfecta eligenda, 40. annos habere, & octo saltem annis post professionem laudabiliter vixisse debet. Alias eligatur ex alio Monasterio ejusdem Ordinis. Si hoc incommodum præfidi electionis videatur, 30. saltem annos habeat, & 5. annos professionis. Duobus vero Monasteriis nulla præficiatur. Episcopus autem vel alius Præses electionis non ingrediatur claustra Monasterii, sed ante cancellorum fenestellam singularum vota excipiat. In reliquis servantur constitutiones Ordinis vel Monasterii.

8. Monasteria, quæ non habent ordinarios Visitatores Regulares, neque subdita sunt Episcopo, sed immediate sub protectione Sedis Apostolicæ, Congregationem ex una vel pluribus Provinciis constituent, singulis <sup>205.</sup> De Visitationibus.



triennii convocanda: si deputati non visitent, Monasteria Episcopo tanquam Sedis Apostolicæ Legato jus esto visitandi.

De Monialibus.

9. Monasteria Monialium, immediate subiecta Se. i Apostolicæ, gubernentur ab Episcopis.

10. Moniales singulis mensibus confiteantur & communiceant. Bis autem in anno confessarius extraordinarius iis dandus, qui omnium confessiones audire debeat. Eucharistia tantum in publica Ecclesia asservetur.

206.  
Iura Episcoporum  
in Regularibus.

11. Etiam Regulares quoad curam animarum in sæculares exercent, dam & administrationem Sacramentorum subsint visitationi & correctioni Episcopi. Excepta cura in eos, qui sunt de familia Monasteriorum, exercenda. Excipiuntur etiam loca, in quibus Abbates, Generales, & capita Ordinum Sedem Ordinariam Principalem habent: item, in quibus Regulares jurisdictionem Episcopalem & temporalem in Parochos & Parochianos exercent.

12. Censuræ etiam Episcopales a Regularibus servantur; item festa Diocesana.

13. Controversias de præcedentia illico componat Episcopus. Etiam exempti in publicis processionibus compareant: iis tantum exceptis, qui in strictiori clausura perpetuo vivunt.

14. Regularis extra Monasterium dans scandalum a Superiore suo puniatur: alias puniendus ab Episcopo.

207.  
Ætas 16. annorum.

15. Professio non fiat ante annum 16. expletum: & postquam a suscepto habitu per annum in probatione stetit. Professio autem antea facta sit nulla.

208.  
Abdicatio  
honorum.

16. Renuntiatio etiam jurata & in favorem piæ causæ facta ante duos ultimos menses Novitiatus est nulla. Neque est efficax, si professio re ipsa non sequatur. Finito Novitiatu admittantur aut rejiciantur. Per hæc tamen nihil derogatur pio Instituto Clericorum Societatis Jesu.

17. Virgines non assumant habitum Religiosum ante annum ætatis 12. nec Professionem emittant, nisi prius Episcopus earum voluntatem &c. exploraverit.

18. Excommunicantur omnes, qui cogunt sæminam ad ingressum Monasterii: item, qui sine iusta causa ab ingressu impediunt.

209.  
Quinquennium.

19. Post quinquennium ab emissâ professione non amplius audiendus volens agere de nullitate suæ professionis. Nullus transferatur ad laxiorem Religionem.

20. Superiores diligenter visitent Monasteria sibi subiecta.

21. Monasteria reformentur: iisque non nisi Regulares Superiores ejusdem ordinis præficiantur.

22. Hæc Decreta diligenter servantur.

Alia 21. Capita de Reformatione.

210.

1. Episcopi exemplo bono præluceant Ex redditibus Ecclesiasticis ne dicant consanguineos aut familiares suos.

2. Epi-

2. Episcopi emittant Professionem Fidei in prima Synodo Provincia. *Professio*  
 N: item obtinentes Beneficium Ecclesiasticum, & docentes in Univer- *Fidei.*  
 sitate, singulis annis.

3. Censuræ non facile ferendæ: præsertim si alias executio realis vel *Temperan-*  
 personalis fieri potest: nec nisi bina saltem monitione præmissa, qui per *dæ censuræ.*  
 annum inforduerit, tanquam de hæresi suspectus tractandus.

4. Episcopi, Abbates & Generales Ordinum, possunt Missas nimis *Reductio*  
 numerosas reducere. *Missarum.*

5. Onera Beneficiis annexa diligenter præstentur.

6. Episcopo adjungantur duo Canonici in judiciabilibus. Si ambo *211.*  
 discordent ab Episcopo, eligatur tertius &c. *De Benefi-*  
*ciis & Judi-*

7. Prohibetur regressus ad Beneficia. Coadjutor cum jure successio- *ciis.*  
 nis Prælato non detur, nisi causa prius a Papa fuerit cognita.

8. Commendatur hospitalitas &c.

9. Jus patronatus probandum &c.

10. Præter locorum Ordinarios alia quædæm personæ idoneæ depu-  
 tentur tanquam Judices, quibus causæ delegentur, ac breviter terminentur.

11. Bona & Jura Ecclesiastica non elocentur.

12. Jubentur solvi decimæ, etiam sub censura.

13. Quarta funeralium solvatur Pærochialis Ecclesiæ.

14. Statuuntur poenæ in concubinariorum.

15. Filius Clerici non habeat Beneficium in Ecclesia, in qua Pater  
 aliquod habet aut habuit.

16. Beneficia curata non convertendæ in simplicia. Vicario assigne-  
 tur congrua portio.

17. Episcopi vivant secundum statum suum tanquam Patres & Pa-  
 stores: nec indecore se demittant coram sæcularibus.

18. SS. Canones ab omnibus servandi. Si urgens ac gravis ratio  
 postulet dispensari, id causa cognita atque gratis fiat.

19. Qui locum concedant duellantibus, sunt excommunicati: uti *212.*  
 etiam ipsi duellantes eorumque patrini. Et si nullo consensu decesserint, In duellan-  
 perpetuo careant Ecclesiastica sepultura: Item suadentes & spectatores res.  
 excommunicationis vinculo teneantur.

20. Nemo violet Ecclesiasticarum personarum immunitatem; Dei *213.*  
 ordinatione, & Canonicis sanctionibus constitutam. *Immunitas*  
*Ecclesiastica.*

21. SS Synodus omnia Decreta de Reformatione ita facta esse decla- *214.*  
 rat, ut in his semper salva sit & esse intelligatur auctoritas Sedis Apostolicæ. *Nihil dero-*  
*garum pote-*

*Absolutio Concilii.*

Continuata dein est Sessio hæc ultima eadem die 4. Decembris: Promul-  
 gatumque Decretum de *Indulgentiis*, potestatem nempe illas concedendi a  
 Christo esse collatam Ecclesiæ, & ab antiquissimis temporibus eorum usum, *215.*  
 Z. z. 2. *De Indul-*  
*gentiis.*



Christiano populo maxime salutarem viguisse, conciliorum auctoritate probatum, atque retinendum in Ecclesia, moderationem tamen adhibendam, ne disciplina enervetur. Abusus omnes, pravos quæstus & omnino abolendos.

Servandi delectus ciborum, jejunia, dies Festi.

216.  
De Indice  
librorum  
prohibito-  
rum.

Synodus quosdam ex Patribus deputaverat ad conficiendum *Indicem librorum* noxiorum: quia tamen non potuit distincte & commode de singulis dijudicari, præcipit, ut deputati illi, quidquid ab iis in hac re est præstitum, summo Pontifici exhibeant, ut ejus judicio & auctoritate terminetur & evulgetur. Idemque Synodus mandat deputatis de Catechismo, Missali, & Breviario.

217.  
Decretum  
petendi  
confirma-  
tionem  
Concilii a  
Pontifice.

Quoniam spes nulla affulgebat, comparituros hæreticos, & Patres ad Ecclesias suas properabant, decretum est, finem esse imponendum Concilio, ejusque confirmationem petendam a summo Pontifice. Postque acclamationes, præeunte Cardinale Lotharingo, factas subscripserunt 255. nempe 4. Legati Pontificis, 2. alii Cardinales, 3. Patriarchæ, 25. Archiepiscopi, 168. Episcopi, 7. Abbates, 7. Generales Ordinum, 38. Procuratores absentium; qui ultimi tamen non subscripserunt definiendo, cum illis nunquam suffragii Jus fuerit concessum.

218.  
Numerus  
subscriben-  
tium.

219.  
Pius IV.  
approbat  
Concilium.  
Prohibetque  
interpretationes.

Pius IV. Pontifex edita dein Bulla *Benedictus Deus* Concilium Tridentinum confirmavit, & observari præcepit, prohibuitque, ne quis audeat commentarios, glossas, annotationes, scholia, ullumve omnino interpretationis genus super ipsius Concilii decretis quocunque modo edere. Si quid vero obscurius dictum & statutum, eamque ob causam interpretatione aut decisione egere cuipiam visum fuerit, Sedem Apostolicam, omnium fidelium Magistrum, consulat, cujus auctoritatem etiam ipsa sancta Synodus tam reverenter agnovit.

220.  
De initio  
obligationis.

Alia dein Bulla idem Pontifex statuit, ut Decreta Tridentini, quæ sunt Juris mere positivi, licet in secreto Consistorio jam mense Januario anni 1564. sint confirmata, tamen primum a Calendis Maji ejusdem anni observari debeant: eo quod non parum temporis impendendum fuerit iis emendate imprimendis. Præcipit insuper, ut officiales sui Romani Concilium Tridentinum, & reformationem a se factam diligenter observent.

221.  
Promulgatio  
Concilii.

Speciali etiam Bulla derogavit omnibus Privilegiis, gratis & immunitatibus, quomodocunque concessis, quæ sunt contraria Concilii Decretis. Porro Concilium Tridentinum promulgatum ac receptum mox fuit in tota Italia, atque in omnibus Regnis & Provinciis Hispaniarum Regis, uti etiam in Lusitania, Polonia, & multis Germaniæ locis, ac successu temporis in aliis etiam Regionibus Catholicis cum variis tamen limitationibus quoad Decreta reformationis, disciplinam spectantia. Nam quoad Dogmata ab omnibus Catholicis cum summa veneratione statim ubique est receptum.

Anno

Anno deinde post absolutum Concilium altero, nempe 1564. Pius IV. juxta mentem Tridentini edidit formam Professionis Fidei, quam hodie dum emitimus, & quia frequens est illius usus, ac velut Synopsin Dogmaticam continet, eam hic subjungendam duxi.

222.  
Pius IV. edidit  
formulam  
Professionis  
Fidei.

## §. XI.

## Forma Professionis Fidei.

Ego N. firma fide credo, & confiteor omnia & singula, quæ continentur in symbolo fidei, quo sancta Romana Ecclesia utitur, videlicet: credo in unum Deum Patrem omnipotentem, factorem cæli & terræ, visibilibus omnium & invisibilibus, & in unum Dominum Jesum Christum, Filium Dei Unigenitum, & ex Patre natum ante omnia sæcula, Deum de Deo, Lumen de Lumine, Deum verum de Deo vero, genitum non factum, Consubstantialem Patri, per quem omnia facta sunt. Qui propter nos homines, & propter nostram salutem descendit de cælis: & incarnatus est de Spiritu Sancto ex Maria Virgine, & homo factus est, Crucifixus etiam pro nobis sub Pontio Pilato, passus & sepultus est, & resurrexit tertia die secundum scripturas, & ascendit in cælum, sedet ad Dexteram Patris, & iterum venturus est cum gloria judicare vivos & mortuos, cujus Regni non erit finis. Et in Spiritum Sanctum, Dominum & Vivificantem, qui ex Patre Filioque procedit; qui cum Patre & Filio simul adoratur, & conglorificatur; qui locutus est per Prophetas: & Unam, Sanctam, Catholicam, & Apostolicam Ecclesiam. Confiteor unum Baptisma in remissionem peccatorum; & expecto Resurrectionem mortuorum, & vitam venturi sæculi. Amen.

Apostolicas & Ecclesiasticas Traditiones, reliquasque ejusdem Ecclesiæ Observationes, & Constitutiones firmissime admitto & amplector. Item sacram scripturam juxta eum sensum, quem tenuit, & tenet sancta Mater Ecclesia, cujus est judicare de vero sensu & interpretatione sacrarum scripturarum, admitto, nec eam unquam, nisi juxta unanimem consensum Patrum accipiam, & interpretabor.

Profiteor quoque, septem esse vere & proprie Sacramenta novæ legis, a Jesu Christo Domino Nostro instituta, atque ad salutem humani generis, licet non omnia singulis necessaria, scilicet Baptismum, Confirmationem, Eucharistiam, Pœnitentiam, Extremam Unctionem, Ordinem, & Matrimonium; Illaque gratiam conferre, & ex his Baptismum, Confirmationem, & Ordinem sine sacrilegio reiterari non posse. Receptos quoque & approbatos Ecclesiæ Catholicæ ritus in supra dictorum omnium Sacramentorum solenni Administratione recipio, & admitto: Omnia & singula, quæ de peccato originali, & de Justificatione in Sacrosancta Tridentina Synodo definita, & declarata fuerunt, amplector & recipio. Profiteor pariter, in Missa offerri Deo verum, proprium, & pro-



„ pitiatorium Sacrificium pro vivis & defunctis, atque in sanctissimo  
 „ Eucharistiæ Sacramento esse vere realiter & substantialiter Corpus &  
 „ Sanguinem, una cum anima & Divinitate Domini Nostri Jesu Christi,  
 „ fierique conversionem totius substantiæ panis in Corpus, & totius sub-  
 „ stantiæ vini in Sanguinem, quam conversionem Catholica Ecclesia  
 „ Trans-Substantiationem appellat. Fateor etiam, sub altera tantum  
 „ specie totum atque integrum Christum, verumque Sacramentum sumi.  
 „ Constanter teneo, Purgatorium esse, animasque ibi detentas Fidelium  
 „ Suffragiis juvari. Similiter & Sanctos una cum Christo regnantes, ve-  
 „ nerandos atque invocandos esse, eosque orationes Deo pro nobis  
 „ offerre, atque eorum Reliquias esse venerandas. Firmissime assero,  
 „ Imagines Christi, ac Deiparæ semper Virginis, nec non aliorum San-  
 „ ctorum, habendas & retinendas esse, atque eis debitum honorem  
 „ ac venerationem impertiendam. Indulgentiarum etiam potestatem a  
 „ Christo in Ecclesia relictam fuisse, illarumque usum Christiano popu-  
 „ lo maxime salutarem esse affirmo. Sanctam, Catholicam, & Apo-  
 „ stolicam Romanam Ecclesiam, omnium Ecclesiarum Matrem & Ma-  
 „ gistrum agnosco: Romanoque Pontifici, Beati Petri, Apostolorum  
 „ Principis, Successori, ac Jesu Christi Vicario veram obedientiam  
 „ spondeo ac juro. Cætera item omnia a Sacris Canonibus, & Oecu-  
 „ menicis Conciliis, ac præcipue a Sacrosancta Tridentina Synodo  
 „ tradita, definita, & declarata, indubitanter recipio, atque pro-  
 „ fiteor; simulque contraria omnia, atque hæreses quasunque, ab  
 „ Ecclesia damnatas, rejectas, & anathematizatas, ego pariter damno,  
 „ rejicio, & anathematizo.

„ Hanc veram Catholicam Fidem, extra quam nemo salvus esse po-  
 „ test, quam in præsentī sponte profiteor, & veraciter teneo, eandem  
 „ integram, & inviolatam, usque ad extremum vitæ spiritum constan-  
 „ tissime (Deo adjuvante) retinere, & confiteri, atque a meis subditis, vel  
 „ illis, quorum cura ad me in munere meo spectabit, teneri, doceri, &  
 „ prædicari, quantum in me erit, curaturum. Ita spondeo, voveo ac  
 „ juro: sic me Deus adjuvet & hæc sancta Dei Evangelia.

*Si plures sint, qui simul Professionem fidei emittunt, tunc unus ex illis præ-*  
*dictam formulam devote prælegit, reliquis simul genu flectentibus, ac post illam sig-*  
*guli accedunt, & tactis duobus digitis, (Indice & medio), sacris Evangeliiis, sub-*  
*jungunt:*

„ Ego N. idem spondeo, voveo, ac juro: sic me Deus adjuvet,  
 „ & hæc sancta Dei Evangelia.

Hanc autem Professionem fidei tenentur emittere 1. omnes provisi  
 de Beneficio curato, coram Episcopo vel Vicario Generali, & quidem  
 intra duos menses a die adeptæ possessionis. *Trid. 24. c. 12. de Ref.*

2. Provisi

2. Provisi de Canonicatu aut Dignitate in Ecclesia Cathedrali, pariter intra duos menses, coram Episcopo & Capitulo. *Trid. ibid.*

3. Promoti ad Episcopatum vel Archi-Episcopatum, in prima Synodo Provinciali. *Trid. s. 25. c. 2. de Ref.* quia autem ejusmodi Synodi Provinciales his temporibus rarius celebrantur, solent Episcopi Professionem emittere in manibus Nuntii Apostolici, aut alicujus Episcopi. Illa autem Romam mittitur scripta, ac Instrumento Electionis inserta.

4. Promoti ad Prælaturam Monasterii, Conventus, aut alterius Domus Religiosæ. Uti statuit Pius IV. *Const. Injunctum.* Quæ tamen Constitutio non ubique in usum est deducta.

5. Professores, ac Magistri, quamcunque liberalem Disciplinam publice docentes, & quidem initio cujuslibet anni. *Trid. s. 25. c. 2. de Ref.*

6. Promovendi ad Gradus Litterarios in Academiis. *Pius IV. in Constit. Sacrosancta 1564.*

Cæterum ne tam salubris instituti neglectus irrepat, Tridentinum S. 24. c. 12. statuit, ut si provisi de Beneficio curato, Dignitate, aut Canoniatu Cathedrali, intra duos menses, a die adeptæ possessionis, professionem fidei non emittant, postea fructus non faciant suos, nec illis possessio suffragetur.

Unde probabilius fructus postea perceptos tenentur restituere, seu ad Ecclesiæ fabricam vel in pauperes expendere, ante omnem sententiam Judicis. Ratio est: quia fructus, post bimestre percepti, non sunt in dominio Beneficiati, sed sunt res aliena: cum Tridentinum noluerit, ut fructus faciant suos pro casu, quo Professionem culpabiliter omittunt. At vero res aliena ante omnem sententiam debet restitui.

Neque obstat, quod lex Tridentini, utpote privans Beneficiatum jure jam quæsito, sit pœnalis. Nam hæc lex, quomodocunque appellatur, re ipsa impedit, ne fructus faciat suos. Ergo hoc ipso Beneficiatus tenetur jure naturali illos, tanquam rem non suam, sed alienam, restituere Ecclesiæ, ad causas pias applicandam.

Deinde hæc pœna videtur esse mere negativa, quæ non privat jure jam quæsito, (cum Beneficiatus ad illos fructus nunquam jus absolutum habuerit) pœna autem mere negativa, quæ non aufert jus jam prius habitum, sed tantum impedit acquisitionem juris, incurritur ante omnem sententiam judicis: ut parte prima de lege pœnali diximus.

Unde non obstat lex 19. de Hæreticis in 6. ubi bona Hæreticorum ipso jure decernuntur confiscata, nihilominus tamen executionem hujus pœnæ præcedere debet sententia Judicis Ecclesiastici, criminis declaratoria. Nam hæc pœna non est mere negativa, sed privativa juris jam quæsiti, & dominii bonorum, jam prius habiti. Ad quam incurrendam requiritur sententia declaratoria criminis. In nostro vero casu, ut dictum, pœna est mere negativa, non privans jure aut dominio, jam prius habito. Nam

Bene.



Beneficiatus curatus ( idem de Canonico ) qui per duos menses neglexit professionem fidei, nunquam habuit jus ad illos fructus, quos post lapsum duorum mensium percepit, multo minus illorum dominium. Adeoque lex tantum impedit acquisitionem juris & dominii.

Disputari hic etiam solet, an quis per Procuratorem possit emittere professionem Fidei? videtur autem probabilius, id fieri posse, nisi statutum speciale professionem personalem exigit. Nam, quod quis facere potest per se ipsum, facere etiam potest per alium. A qua regula juris hic casus non videtur excipiendus.

## §. XII.

Differtatio : an Protestantes justam excusationem habeant, cur in Concilio Tridentino non comparuerint, eique obedire detrectarint?

223.  
Sæpius ap-  
pellantes ad  
Concilium,

Comparare  
detraçant.

Protestantes Germaniæ frequenter ad Generale Concilium appellaverant, non, quod illud celebrari cuperent, sed quod moram interea quærent, qua errores ipsorum possint radices agere. Cum enim illud tandem, magnis superatis difficultatibus, esset congregatum, & quidem præcipue in eorum gratiam, ne ullam contumaciæ suæ possint excusationem prætexere, comparere in illo detrectarunt, licet a Pontifice & Synodo sæpius invitati, ab Imperatoribus jussi, ipsique Carolo V. in Augustanis Comitibus promiserint accessum, & obsequium. Dico, detraçisse eos comparere; nam quod Mauritijs, Cæsaris favore Septemvir, alique pauci Legatos aliquando miserint, non ad veritatem quærendam, sed ad expostulandum, protestandum, & tegenda Belli seditiosi consilia factum constat. Quæstio igitur magni momenti hic se offert, an jure negarint Concilio præsentiam & obsequium?

224.  
At sine causa.

225.  
Convocatum  
legitime.

Dico absolute & cum omni veritate, nullam excusationem idoneam eos contumaciæ suæ posse prætere. Nam Concilium fuit *Generale & legitimum*, cui omnes Christianæ mentes debent obsequium. Vel quid tandem illi deesse potuit? Indictum fuit per totum orbem Christianum, & quidem ab eo, ad quem de jure & consuetudine perpetua id muneris pertinet, nempe a Romano Pontifice, cui in persona Petri Christus Oves suas tanquam supremo in terris Pastori pascendas tradidit, cum potestate solvendi & ligandi, ac clavibus, evidentibus potestatis argumentis. Neque alia in Ecclesia Dei consuetudo unquam fuit, ut *cap. 1. quæst. 2.* demonstratum dedimus: ubi decisam, *ad quem pertineat convocare Concilia Generalia*. Et, si requirant Novatores, ut ab Imperatore indicatur, (quod tamen ibidem ostendimus non requiri) summa voluntate Imperatorum est indictum continuatumque.

Vocati sunt omnes, qui vocari debent cum jure suffragii, omnes videlicet per orbem Christianum Episcopi, quos tanquam majores Pastores Apostolus monet attendere universo gregi, quosque Spiritus S. posuit tanquam Præsides regere Ecclesiam Dei. Vide hanc quæstionem decisam atque probatam

cap. 1. quæst. 4. ubi expensum, quinam sint vocandi ad Concilium Generale.

Et, si Protestantes prætendant, etiam se debuisse vocari, vocati sunt: & quidem sæpe, missis tot litteris, tot quaqua versum Legatis, data fide publica plenæ securitatis & libertatis, eo modo & tenore, quo ipsi voluerant.

At suffragium etiam decisivum dandum fuerat Doctoribus Protestantibus. Quo Jure? Nunquam id datum Parochis & Doctoribus privatis. An non omnes Hæretici, a primis etiam Conciliis damnati, potuissent istud objicere? An propterea non fuerunt legitima Concilia? Jure Divino, more & instituto Majorum Concilium Episcoporum est, horum nemini negatum suffragium. An novum & in Ecclesia Dei inauditum Concilium celebrandum fuit? Quid hoc aliud est, quam formam omnium Conciliorum tollere? Vide Cap. 1. quæst. 4.

226.  
Lutheranis  
nullum debe-  
batur suffra-  
gium.

Sed Pontifex, inquit, præsidere non debuit, cum ipse de Ecclesiæ corruptela fuerit accusatus. Sedere neminem oportet ut partem litigantem simul & ut judicem. Subsistamus paulisper. Hoc idem dicere potuisset Arius, cum in Concilio Nicæno federet Alexander Episcopus Alexandrinus, & quidem ut Judex, cum quo de fide litigabat. Hoc dicere posset Nestorius contra Synodum Ephesinam, cui præsidet Cyrillus, licet altera litigantium pars esset. Hoc dicere potuissent eodem jure Eutyches & Dioscorus contra Synodum Chalcedonensem, cui per Legatos præsidet Leo I. Pontifex: cum tota causa inter Leonem & Dioscorum versaretur. An non hoc idem dicere possunt omnes ab omni retro ætate in Conciliis, quibus semper vel per se vel per alios præfuerunt summi Pontifices, damnati hæretici, qui semper Ecclesiam ejusque antistites postularunt corruptelæ? An propterea nullum legitimum celebratum Concilium? An a possessione sua, & sacris asserta litteris, & tot sæculorum usu firmata, Papa deturbandus? Neque verum est, agendum tunc fuisse de privata Pontificis causa. De fide, de Religione & publica Ecclesiæ causa tractandum fuit. Quod vero dicunt, non debere eundem Judicem esse & partem, locum habet in privatis hominibus, non vero in Principe supremo; quamdiu non declaratur vel legitime judicatur potestate sua excidisse. Hic enim non desinit esse judex, quamvis cum ipso litigetur. Et hinc a Principe male informato ad eundem melius informandum appellari quandoque solet. Certe cum Sixtus III. de adulterio fuisset accusatus, in Concilio, quod Imperator indixerat, nemo ausus est ipsius causam discutere, donec ipse Pontifex jussit. In Concilio vero Romano sub Symmacho omnes Episcopi dixerunt, Concilium non potuisse indici, nisi a Pontifice, licet ipse sit accusatus. Deinde orbe toto notæ erant Protestantium accusationes, tot Præconum clamoribus, tot famosis libellis in publicum sparæ. Judicavit de his non tantum Papa sed fenatus universæ Ecclesiæ, & quidem omnino libere.

227.  
Præsidere de-  
buit Papa.

228.  
Libertas  
Concilii.

Libere, inquam; falsum quippe prorsus est, Concilium non fuisse libere.  
Pars III. A a a rum



rum. Quisquis Historiam Concilii legerit, quam Pallavicinus edidit, fide summa, & eruditione singulari, passim oculis subjiciet, quanta libertate Patres sint locuti, quæcunque visa sunt, ac sententias suas atque suffragia tulerint, ne quidem aulæ Romanæ parcentes, sed Pontificum gratias restringentes: Data a Paulo III. Concilio libertate, tribunalia etiam Romana curiamque reformandi, statuendique, quæ ad communem Ecclesiæ statum opportuna viderentur. Certe nec unicum dogma, neque unica lex disciplinæ in privatam rem Pontificum est firmata. Argumento vel illud sit, quod, licet ex decem Patrum partibus novem convenirent in statuenda prærogativa Romani Pontificis supra Concilium, quia tamen pauci Galli cum affectu modicissimo numero reclamarunt, Pontifex minime instituerit, ut ea decisio firmaretur. Ipsa urbs, qua Concilium est celebratum, non Pontifici, sed Imperatori erat obnoxia, oratoribus omnium Nationum Orthodoxorum, quæcunque libuit, proponentibus & objicientibus.

229.  
Diffidia non  
obsunt Con-  
cilio.

Orta quidem est ex hac ipsa tot Legatorum Nationumque frequentia & libertate non raro dissensio, non quidem quoad Fidei dogmata, sed quoad sedendi prærogativas, titulos, ac etiam disciplinæ reformationes, quas Principes sæpius juribus suis atque Privilegiis pugnantes crediderant. Sed qui ejusmodi diffidia a tanto orbis senatu exclusa voluerit, mundo exeat necesse est, ut Angelorum intersit Synodo. Sique, propter incidentes in tanto loquendi proponendique libertate discordias, quis hoc Concilium minus æstimandum existimet, prima etiam Oecumenica Ecclesiæ Concilia abjiciat; cum erudito cuivis sit exploratum, ne sextam quidem discordiarum rixarumque partem contigisse in Concil. Trid. quæ vel in sola Synodo Ephesina aut Chalcedonensi exarserant. Diffidia illa sunt testimonia plenæ libertatis.

Sed ex sola Sacra Scriptura, inquirunt, ferendæ erant sententiæ, non ex traditionibus & Canonibus, neque ad pluralitatem suffragiorum. *Resp.* Concilium, antequam ad alia progredieretur, definivit, quænam Scripturæ pro verbo Dei sint habendæ: atque ex iis conclusiones suas deduxit dogmaticas. Ut vero *Traditiones* Divinæ, Apostolicæ & Ecclesiasticæ, etiam antiquissimæ, abjiciantur, postulatum est iniquissimum, & plane impium, atque ipsi etiam Sacræ Scripturæ, veteris ac novi Testamenti contrarium: utpote quæ patentibus adeo verbis nobis præcipit, tenere traditiones. An totam antiquitatem, Concilia, Patres, ipsumque Divinissimum Domini verbum abjiciamus? Audiant Sæctarii, qui sacra spernunt oracula, quid jus civile *Leg. nemo* 4. *C. de summa Trinit. & Fide Cath.* Imperiali edicto fanciat: *Injuriam facit Reverendissimæ Synodi judicio, si quis semel judicata, ac recte disposita revolvere & publice disputare contenderit.* Constat autem, Concilia Oecumenica frequenter usa esse sacris traditionibus, & in Synodo Generali VII. definitum esse, traditiones non scriptas esse recipiendas. Idem dicendum de Sacris Canonibus. Cur enim veneranda Patrum decreta repudiemus? Quod vero exigant

exigant non ad pluralitatem suffragiorum ferri sententias, non tantum est contra morem Majorum & consuetudinem totius antiquitatis, omniumque Conciliorum, sed etiam contra finem eorundem. Quomodo enim fieri potest, ut deveniatur aliquando ad finem controversiarum (qui est finis Conciliorum) nisi valeant plura suffragia? Cum enim utraque pars porferat scripturarum testimonia, quomodo potest cognosci, quæ sit Concilii sententia, nisi colligantur suffragia, & plurium sententia valeat?

At in Germania oportuit cogi Synodum, ut, docente Cypriano, *illic lites judicentur, ubi exortæ sunt.* Audio: & audio vocem toti antiquitati peregrinam. Erravit vetustas: Errarunt prima Ecclesiæ Orthodoxæ Concilia. Alexandria in Ægypto enata est Ariana hæresis, cur Nicææ in Bithynia est damnata? Constantinopoli prorupit Nestoriana impietas: cur Ephesi proscripta? In Europa exorta est causa Eutychis: cur in Asia judicata? Africam afflavit Donati virus: ut quid Romæ a Melchiade quæsitum, remedium? In Thracia exortus Iconoclastarum furor: cur non ibidem, sed Romæ & Nicææ profigatus? Ipsi errarunt Apostoli, dum controversiam de legalibus, Antiochiæ exortam, non Antiochiæ, sed in Concilio Jerosolymis congregato, judicarunt. Deinde Tridentum, Nationum comœatui opportunum, urbs est Germaniæ, Germani Juris, pars Tyrolis, quæ utique Provincia est Germaniæ. Nunquid? Wittembergæ celebrari debuit Concilium, cui Lutherus præsideret? Quod idem fuisset, ac, si Ariani postulasset, Synodum congregari Alexandria, cui Arius præsideret. Voluit Cyprianus, ut *privatæ lites judicentur, ubi exortæ sunt*, non vero publicæ, ad Fidem pertinentes, & Ecclesiam totam concernentes.

Sed neque dici potest, ex hominibus ignorantibus Concilium illud esse conflatum, aut causam leviter duntaxat, minus perpenſis rerum momentis, discussam. Nam viri erant, doctrina, eruditione, prudentia, iudicio, toto orbe clarissimi, ex omnibus Nationibus Orthodoxis selecti. Neque leviter duntaxat librata sunt rerum pondera, sed summa accuratione, industria, studio: adeo quidem, ut sæpe de uno vel altero vocabulo addendo, demendo, immutando, tempore haud modico fuerit deliberatum. Neque quis dixerit, decisiones non esse conformes Verbo Dei. Nam hoc gratis omnino & absque omni probatione obijcitur. Quæ tandem, quæso! cum Verbo Dei contrarietas? An non hoc ipsum eodem jure, hoc est, nullo, dicere potuissent omnes Hæretici, ab omnibus retro Conciliis damnati? Nullum dogma definitum, quod Verbo Dei non sit revelatum, assistente illo ipso Spiritu, qui secundum promissiones Evangelicas Ecclesiæ suæ suggerit omnia, omnemque docet veritatem. Venissent Protestantes (ut ter invitati fuerant a Concilio cum plenissima Fide publica omnis securitatis, nominatim Sessione 13. 15. & 18.) venissent, inquam, & proposuissent sua, si quæ habent, scripturæ testimonia. Cur lucem fugerunt? Cur Legati illi, qui

230.  
Neque propter locum possunt Concilium rejicere.

231.  
Neque propter viros congregatos.



ante Bellum Mauritianum Tridentum advenerant, non prodixerunt textus Scripturæ? Cur tantum ad exprobrandum & expostulandum accesserunt? Non est, non est profecto hæc indoles mentis, veritatem querentis, sed averfantis, turbulenti, pervicaciam suam, ex malignis præjudiciis conceptam, nimium amantis.

232.  
Quoad dogmata ubique a Catholicis receptum.

Opponent fortassis adhuc, Conc. Trid. nequidem in omnibus Catholicis Regnis ac Provinciis esse receptum, ut in Gallia, Helvetia &c. Quis ergo vitio vertet Lutheranae aut Calvinianæ professionis hominibus, si nihil sibi cum illo commune esse velint? R. Tridentinum quoad doctrinam & dogmata Fidei ab omnibus Catholicis ubique gentium esse receptum. Protestantes vero quoad ista potissimum eidem contradicunt. Deinde etiam quoad reformationem disciplinæ plerisque in provinciis Catholicis est receptum, ut supra memoravimus: Deberetque (seclusa speciali ac gravi causa) ab omnibus recipi & observari, si Legislator absolute urgeret: neque enim in potestate est subditorum, legem acceptare vel recusare pro arbitrio. Sed indulgendum quandoque aliquid infirmitati Filiorum prudenter censet pia Mater Ecclesia, ne, quod remedium esse debuerat, magis irriter morbum, stomacho debili non concoquente solidiorem cibum.

233.  
An & quo modo receptum in Gallia.

Ex Gallia cum Cardinale Lotharingo & Oratoribus Regis successive Concilio interfuerunt Prælati 26. omnesque, qui sub finem aderant, subscripsere. Neque ullus ex Catholicis Gallis ullum unquam dogma, in Tridentino assertum, vocavit in dubium. Ut autem quoad correctionem etiam disciplinæ universim induceretur, a Catharina Medicæa Caroli IX. tutelam tunc gerente, impetrari non potuit: tum quod Hugonottos metueret, nolletque irritare: tum quod vetuisset Concilium, ne Regularium sacerdotia in commendas traderentur: qua ratione Rex plurimos viros primarios sibi devineiebat, quorum opera in illis maxime Hugonotticis procellis indigebat. Quam ob causam Cancellarius non est veritus Pontificis Nuntio dicere, Cardinalem Lotharingum, postquam sibi ventrem oppleverat, velle aliis jejuniū præscribere. Querebatur etiam Ferrerius Galliæ ad Concilium Legatus, in Sessione XXIV. sancitum fuisse, ut Episcoporum causæ cognoscerentur Romæ; quod pugnare dicebat cum Privilegiis Galliæ de non evocandis causis e Regno. Certum nihilominus est, magnam etiam in Gallia de Concilio conceptam estimationem. Audiri hac super re meretur Sfortia Pallavicinus, scriptorum Histor. Conc. Trid. facile Princeps.

234.  
Pallavicini testimonium.

*Satis incomperto mihi est, ait ille lib. 24. Cap. 10. n. 15. per universam Christianam Rempublicam, per Galliam præsertim, summam de illo (Concilio) existimationem fuisse diffusam: & primo quidem Decreta doctrinæ adorata illic fuisse tanquam Sacro-sancta ab universis Catholicis: dein, quanquam disciplinæ Decreta in difficultatem offenderent, propterea quod aliqui ex concilio & ex Senatu ea quasi detrimentosa Privilegiis Regis & Ecclesiæ Gallicanæ depinxerant, tamen Episcopi in Synodis Pro-*

*vincialibus illa pro virili sunt imitati; & per hanc imitationem Ecclesia in Gallia ultra modum meliorem in formam redacta est. Et multis post Concilium annis elapsis magnus Gallie Rex Henricus IV. jure jurando spondit Clementi VIII. Pont. Max. omnem a se operam navatum iri, ut Concilium suis in Regnis integre reciperetur: ad quod animum non induxisset generosus & tunc victor Princeps, si eas Synodi sanctiones injustas, aut noxias existimasset. Addit deinde, Ossatum Cardinalem Galliarum Regis Ministrum scripsisse eidem Regi, Tridentinam Synodum displicere in Gallia duobus hominum generibus, ac primo quidem cunctis hæreticis, qui ab omni Concilio abhorreant, deinde iis, quibus grave accidebat, interdici sibi Sacerdotia, natura sua infociabilia, cum abusus vetitis a Concilio: nihil a se repertum, quod authoritati Regiæ adversaretur; plurimum in eo esse, quod faveret, nihil, quod officeret Ecclesiæ Gallicanæ: Nisi quis fortasse crederet, simonias, aliaque vitia & corruptelas esse Ecclesiæ Gallicanæ Privilegia. Eundemque sensum fuisse Cardinalium Perronii & Richelii, acceptationem Concilii in publicis Galliæ conventibus urgentium.*

At sit, quædam disciplinæ Decreta visa fuisse severa nimium infirmioribus quibusdam animis, quid inde aliud conficitur, nisi valide os obstrui Protestantibus, de disciplinæ laxitate & corruptela non raro querelantibus? Non quod severiorem ipsi ament disciplinam, aut eandem exoptent, sed ut Catholicis exprobrent. Cæterum, ut sæpius memoratum, nullus Orthodoxorum in toto orbe fuit, qui doctrinam dogmaticam, a Tridentino traditam, non illico cum summa veneratione exceperit. Cur non idem consilium iniere Acatolici? Quam tantæ contumaciæ excusationem possunt obtendere?

Dicere non possunt, tractatas non fuisse in Concilio illas materias, 235.  
quas tractari oportuit, aut quæ cum illis fuerant controversæ. Nam Epitome  
more M. jorum edita principio a Synodo professione Fidei, tanquam actorum in  
basis & fundamen agendorum proposita est Sacra Scriptura: enumerati, Concilio.  
profundæ vetustatis exemplo, libri Veteris ac Novi Testamenti singuli.  
Atque ut ne quidem de verbis, propter varias editiones, posset esse contentio, approbata, communi usu jam prius recepta, e Græcis & Hebraicis translatio. Tum de originali peccato, & naturæ corruptæ miseriis demonstrata Orthodoxa veritas. Ad justificationis naturam, causas, effectus ac proprietates exponendas promota Divina prorsus doctrina, ad confusionem veterum recentiumque hæresum.

De SS. Sacramentis tractatum deinceps, ac primo quidem de omnibus, tum vero de singulis, distincte, ordinate, Christiane, divinissime. Ostensa institutio, indoles, materia, forma, vis atque efficacia SS. horum Mysteriorum, cœlestiumque charismatum. De SS. Missæ sacrificio, & communione sub utraque specie, parvulorumque, proposita dein opportune doctrina, discussa diligenter, definita orthodoxe. Subjuncta denique saluberrima do-



gmata de Indulgentiis, Purgatorio, veneratione & invocatione Sanctorum, sacris Imaginibus & reliquiis. Hæcque omnia tam sapienter, dilucide, sancteque ad verbi Divini amussim sunt acta, ut ex Divino promisso a Spiritu S. omnem docente veritatem, suggesta atque dictata esse nemini sapientum possit esse dubium.

Sed non tantum digito Dei demonstrata sunt dogmata sanctæ Fidei, cultusque Divini Religio, sed abusus etiam sublati: eliminata omnis superstitio, quæstus turpis irreverentia, Sacratissimum Missæ sacrificium a privatis, profanisque domibus ad Domini sacraria revocatum, interdictumque vagis ac criminosis Mystis. Exesse jussi e domo Domini molliores cantus, garritus, profana commercial, abolitis quibusdam, quæ scandalo potius erant, Matrimonii impedimentis; novum sancitum saluberrimum, maximeque ad tollendos gravissimos abusus necessarium, quo videlicet clandestina connubia sunt irritata.

Quot alia ad vindicandam revocandamque disciplinam concepta decreta! Eligendi ad Ecclesiastica Officia, non ambitione aut avaritia turgidi, sed probitate, virtute, doctrina præstantes, prodesse magis dilectis oviculis, quam præesse fatigantes, præbito iisdem frequentius & curatius verbi Divini salubri pabulo. Episcopi alique animarum Pastores, interdicta evangelii licentia, gregi suo adesse atque cura vigili jussi attendere. Quid salubrius? Quid æquius? Quid Pastorum muneri, quid Ovium securitati, integritati, saluti convenientius?

Circumscripta Privilegia, quæ in abusum aut male vivendi, aut male docendi alicubi degeneraverant. Ab avaritiæ ac Simoniacæ sordibus expurgatum Sacerdotium: Sacramenta gratis conferri jussa: omnis sacrorum nundinatio severe damnata: propulsati penitus ab Ecclesia circulatores, injussi Indulgentiarum diribitores, & sordidi eleemosynarum quæstores; Ut proin nihil amplius sit, quod in hac parte Protestantes possint conqueri, aut desiderare ab Ecclesia.

Et quot alia ad Divini Numinis cultum, ad animarum proventum, ad nitorem sacrorum, ad immortale Ecclesiæ decus decreta sunt condita? Divino prope consilio proscripta perniciofa illa Beneficiorum coacervatio, ut & avaritia coërceatur, & suis Pastores Ovibus adesse queant. Provinciales in stata tempora restitutæ Synodi; Visitatorum dilatata diligentia, & restricta cupiditas, Vel invito etiam Restore matricis Ecclesiæ erigi jussa curata sacerdotia, ubi populi exposcit salus. Traditæ Minoris Ecclesiæ vivendi, pascendique leges. Atque ut a prima mox ætate virtute imbuantur & doctrina, qui in sortem Domini vocantur, commenuata Episcopis virtutum scientiarumque seminaria, in florentes satus, amplamque sementem surrectura.

Quid amplius? desiderare quid amplius potestis, quicumque supremo huic sanctissimoque Ecclesiæ Senatui negatis obsequium? Censuris Ecclesiasticis,

sticis, ac præsertim excommunicationibus modum poni? Est positus. Pri-  
mæ judiciorum instantiæ eum locum designari, ubi lites sunt ortæ? Est de-  
signatus. Reformari Clerum, tolli concubinatus, quæsturas, negotiationes,  
profana commercia, scandala? Sunt sublata. Dirimi controversias Fidei,  
recens exortas? Sunt diremptæ, judicio maturo, diligentia magna, Fide in-  
tegerima: & a quot quantisque viris ex omni genere & natione! a Ger-  
manis, Italis, Gallis, Hispanis, Hungaris, Bohemis, Anglis, Hibernis, Lusit-  
anis, Polonis, Suecis, Belgis, Moravis, Croatis, Illyricis, Græcis; a Cardi-  
nalibus, Patriarchis, Archi-Episcopis, Episcopis, Oratoribus, Abbatibus,  
Generalibus Ordinum, Procuratoribus, Theologis, Jurisconsultis ac Do-  
ctoribus, doctrina eruditissimis, ingenio perspicacissimis, pietate religiosissi-  
mis, vita integerrimis, usu rerum & experientia peritissimis.

Quid ergo desideratis amplius? Concilium indixit, eique per Legatos  
præfedit, qui, suffragante sacra pagina, atque ex usu & instituto Majorum  
indicere ac præsidere debuit. Convocati sunt, cum jure suffragii, ex omni  
orbe Christiano, quos *Spiritus Sanctus posuit Episcopos regere Ecclesiam Dei*,  
omnium etiam vetustissimarum in Ecclesia Synodorum exemplo. Discuf-  
sa omnia summa industria, librata Protestantium argumenta, dictæ senten-  
tiæ maxima libertate, nihil dissimulatum, singula omnium vulnera detecta,  
summa contentione certatum, ut robustiores veritatis nervi studiosius  
atque accuratius explorarentur. Quid igitur concludendum aliud, nisi  
inanes omnino & frivolas esse excusationes illas, quas obtendunt Prote-  
stantes, quod ad Concilium venire noluerint, ejusque saluberrimis San-  
ctionibus parere adhucdum detreſcent?

§. XIII.

De Congregatione Cardinalium Concilii Tridentini Interpretum.

Pius IV. Pontifex maximus severe, ut supra memoratum, prohibuerat,  
ne quis glossas, aut interpretationes Concilii Tridentini facere præ-  
sumat, sibi soli reservata interpretationis potestate. Postea tamen, cum  
varia dubia inciderent, idem Pontifex instituit Congregationem octo Car-  
dinalium, quibus eam curam committebat, ut observantiæ decretorum in-  
tenderent, & si dubium aliquod aut difficultas occurreret, ad Pontificem  
referrent. Pius V. deinde Sixtusque V. eidem congregationi potestatem  
fecerant, decidendi controversias, Synodumque interpretandi quoad de-  
creta morum, sibi reservatis iis, quæ spectant ad dogmata.

Quæri autem hic solet, quam authoritatem habeant *Declarationes*  
Congregationis Cardinalium, an scilicet sint interpretationes *authenticae*,  
& sic habeant vim legis Ecclesiasticæ? Negant auctores non pauci, cum  
Sanchez *libr. 8. de Matrim. disp. 2. n. 10.* Laymann *l. 1. tr. 4. c. 7.* Diana,  
Bonacinna, Vega, Pelliz &c. Affirmant vero Barbosa *l. 1. Jur. Eccles. c. 4.*  
*n. 8.* Pignatelli *tom. 1. consult. 86. n. 19.* Fagnanus, Lezana, Salas, multique  
alii.

Ter-



239.  
Declaratio-  
nes Cardina-  
lium Com-  
prehensivæ  
habent vim  
legis.

Tertia ac melior sententia, inter utramque quasi media, discrimen facit inter declarationes *Comprehensivas* & *Extensivas*. *Comprehensivæ* dicuntur, quæ comprehenduntur in verbis Concilii proprie intellectis, seu, sunt secundum propriam & communi usu receptam significationem, quam habent verba Concilii. Et de his declarationibus docent cum Cardinale de Luca in *annot. ad Concil. Trid. disc. 1. n. 17.* Gobat, Engel, Wiestner, Reiffenstuel, Schmalzgrueber, Pichler &c. quod sint interpretationes authenticæ, adeoque habeant vim legis.

Probatur.

Ratio est 1. Quia ab ipso Papa Congregationi data est potestas interpretandi Concilium. Quod autem quis facit per alium, perinde est, ac si faciat per se ipsum. 2. Quia juxta Constitutionem Sixti V. declarationes istæ in rebus dubiis non fiunt, nisi consulto prius Pontifice, &, ut Gregorius XIV. statuit, litteris expresso nomine Pontificis. Ergo non minus habent auctoritatem Legalem, quam responsa Jurisconsultorum, quibus Justinianus dedit olim auctoritatem interpretandi Leges. Atque hinc Rota Romana has declarationes accurate observat, relictis etiam propriis Rotæ decisionibus, si sint contrariæ, ut testantur Barbosa l. 1. *Jur. Eccles. c. 4. n. 8.* Fagnanus, de Luca &c. & plane per se patere videtur, Cardinalibus illis majorem potestatem esse concessam, quam privatis tantum Doctoribus, quorum interpretatio non est authentica, sed doctrinalis tantum.

240.  
Solvuntur  
objectiones.

Neque dicas, quod illæ declarationes non fiant modo præceptivo vel prohibitivo, neque debito modo promulgentur. Nam verbum *consentiendi*, quo Cardinales uti solent, (*consuit congregatio*) juridice hic idem significat, ac authentice declarare. Neque opus est, ut interpretationes specialiter promulgentur: cum enim non faciant jus novum, sed tantum declarent jus antiquum Concilii Tridentini, retrotrahuntur ad tempus latæ legis, seu habiti Concilii: Unde decreta Concilii sic accipiuntur, ac si jam initio cum hac declaratione essent lata & promulgata. Unde neque requiritur, ut tempus & locus factæ declarationis exprimatur. Sed tantum opus est, ut sint *comprehensivæ*, & in *forma debita* exhibeantur, hoc est Sigillo Congregationis munitæ, & a Cardinale Præfecto ac Secretario subscriptæ, ut ordinavit Urbanus VIII. ac insuper nomen Pontificis exprimentes, ut voluit Gregorius XIV. *Card. de Luca l. c.* propter defectum harum trium conditionum multæ non sunt authenticæ, adeoque vim legalem non habent.

241.  
Tria requisi-  
ta, ut sint au-  
thenticæ.

242.  
Extensivæ  
sunt tantum  
doctrinales.

Sic declarationes *Extensivæ*, quæ nempe ultra id, quod verba Concilii propriæ ac secundum sensum communem accepta significant, egrediuntur, aliquid concedendo, dispensando, disponendo, non sunt *authentice*, sed tantum *doctrinales*, quæ vim legis non habent; quia non ad extensionem instituta est Congregatio, sed ad interpretationem. Aliud esset, si fierent ex speciali mandato Papæ, & legitime promulgarentur: ut quandoque factum est.

Ex quo cadit etiam objectio, quam hic aliqui formant, quod scilicet Ec-  
clesia

clesia perturbaretur nimia legum multitudinem, si declarationes illæ, sæpe inter se contrariæ, aut revocatæ, vim legis haberent. Nam *comprehensiva*, in forma debita consulto prius Pontifice emanantes, non sunt nimis multæ, neque inter se re ipsa contrariæ, aut revocatæ. Si tamen aliquando re ipsa ita essent contrariæ, ut combinari non possent, posteriores derogarent prioribus, sicut in aliis legibus contrariis aut revocatis contingit.

Cæterum ista Congregatio, quæ ex meris constat Cardinalibus, excepto Secretario, qui est Prælatus inferior, ut olim fuit Fagnanus, habetur singulis hebdomadis, aut saltem bis in mense prout negotia exigunt, & quidem die Sabbati in palatio Apostolico, & aliquando etiam coram ipso Pontifice.

## APPENDIX.

*De Conciliis Generalibus Reprobatis, & partim Approbatis, partim Reprobatis.*

### SUMMARIUM.

#### Generalia Reprobata.

1. Antiochenum Arianorum.
2. Mediolanense Arianorum.
3. Ariminense Arianorum.
4. Ephesinum II. Eutychianorum.
5. Constantinopolitanum sub Leone Isaurico Iconoclastarum.
6. Constantinopolitanum sub Copronymo Iconoclastarum.
7. Pisanum II. Schismaticorum.
8. Wittembergenſe Lutheranorum, cui addi potest Dorſracenſe Calvinistarum.

#### Generalia partim Approbata partim Reprobata.

9. Sardicenſe, Catholicorum & Arianorum.
10. Sirmienſe Arianorum. Exhibita duplex formula, quarum uni ſubſcripſit Liberius.
11. Trullanum Græcorum.
12. Francofordienſe Germanorum & Galiorum.
13. Conſtantieneſe.
14. Baſileenſe.
15. Piſanum I. nec manifeſte probatum, nec manifeſte improbatum.

De his equidem ſparſim jam tractatum eſt, & de aliquibus, ut Conſtantieneſi, Baſileenſi &c. ex profeſſo; non ingratum tamen lectori fore exiſtimo, ſi hic illa breviffime ſub unum velut aſpectum ponam: licet aliqua alias jam dicta ſit neceſſe repetere.

Igitur Cardinalis Bellarminus de Concil. & Eccleſ. l. 1. Concilia Generalia dividit in approbata, reprobata, partim approbata, partim reprobata.

Inter reprobata ponit octo: nempe Antiochenum, in quo tempore Conſtantii Imperatoris Ariani anno 345. damnatus & deſcriptus eſt ab Episcopato Alexandrino S. Athanaſius, & via pateſacta ad everſionem Concilii Nicæni. In Editione Veneta Coleti ponitur hoc Conciliabulum ad annum 341.

Pars III.

Bbb

Alte

I.  
Generalis Re-  
probata.  
Antioche-  
num.



2. **Mediolanense.** Alterum est *Mediolanense* plus quam 300. Episcoporum sub eodem Imperatore Constantio, in quo omnia per vim Arianorum, ac præsertim Ursacii & Valentis, relapsorum, ipsiusque Constantii, præsentis, acta sunt; damnatusque rursus Athanasius. Cui damnationi cum subscribere nollet Liberius Papa, in exilium pulsus est, anno 355. una cum Eusebio Vercellensi, Lucifero Calaritano, aliisque Episcopis.
3. **Ariminense.** Tertium ejusdem tempore anno 363. *Ariminense*: in quo 600. Episcopi ex Oriente & Occidente convenerant. Ac vox *ὁμοούσιος* seu *consubstantialis* ex Symbolo Nicæno expuncta fuit, stupente mundo & ingemiscente, ut ait S. Hieronymus, se Arianum esse. Reprobatur autem hoc Conciliabulum a Damaso, summo Pontifice. Bene autem distinguendum est hoc Secundum Ariminense Concilium a Primo Ariminensi, quatuor annis prius habito a 400. Episcopis, quod Catholicum fuit, & explosa Sirmienfis Ariani Conciliabuli confessione, Arianos cum Ursacio & Valente præsentibus condemnavit. Hoc tamen Ariminense Concilium Catholicum fraude Arianorum obscuratum est, dum Conciliabulum suum hæreticum sub nomine Ariminensis Concilii ubique divulgavit; sicut ante cum Sardicensi fecerant.
4. **Ephesinum II.** Quartum *Ephesinum Secundum* anno 449. tempore Theodosii Junioris: in quo dominabatur impius Dioscorus Patriarcha Alexandrinus, hæresis Eutychianæ Patronus. Et quia Eutychianorum factione in hac Synodo occisus est S. Flavianus Patriarcha Constantinopolitanus, Legati Romani Pontificis pulsi, omniaque perturbata ac per vim agebantur; veteres hanc Synodum *prædatoriam* appellarunt.
5. **Constantinopolitanum sub Leone Isaurico.** Quintum est Concilium Constantinopolitanum, sub Leone Isaurico contra sacras Imagines anno 730. habitum, nullo præsentis Patriarcha, excepto S. Germano, qui sede Constantinopolitana pulsus est, quia impiis Iconomachorum decretis consentire noluit.
6. **Sub Copronymo.** Sextum est Constantinopolitanum, sub Constantino Copronymo, Leonis Filio, anno 755. in quo 338. Episcopi statuerunt, abolendas esse sacras Christi & Sanctorum Imagines. Ex Patriarchis autem nullus aderat, excepto Pseudo-Episcopo Constantinopolitano. Hoc Synedrium sub nomine Concilii Generalis sæpe citant hodierni hæretici, quando contra sacras Imagines insurgunt, illudque multum dilaudant; non attendentes, in pluribus aliis ipsis esse contrarium: dum e. g. anathema dicit omnibus, qui rejecerint intercessionem B. V. & aliorum Sanctorum.
7. **Pisanum II.** Septimum Generale, sed reprobatur a Concilio Lateranensi sub Julio II. Bellarminus ponit *Concilium Pisanum II.* anno. 1511. congregatum ab Imperatore & Rege Galliarum ac aliquot Cardinalibus.
8. **Wittenbergense.** Octavum denique in hac classe ponit *Wittenbergense*, in quo 300. Pastores Præside Luthero convenerant, anno 1536. cui addi posset Synodus *Dordracena* anno 1618. a Calvinistis celebrata, ad componenda dissidia inter Gomaristas & Arminianos in Hollandia exorta. Ve-

Verum hæc non sunt nominanda Concilia, sed Conciliabula: utpote quæ a Sede Apostolica neque indicta, neque congregata, neque gubernata neque approbata, sed ex integro reprobata fuerunt. Neque proprie dici possunt *Generalia*, utpote quibus, præter alia, Caput deerat.

*Partim approbata, partim reprobata*, numerantur a Bellarmino sex. Primum est *Sardicense* anno 351. tempore Julii I. & Constantii celebratum: In quo 300. Episcopi Occidentales Fidem Catholicam & Concilium Nicænum confirmarunt (unde hoc Concilium Sardicense tanquam complementum Nicæni est consideratum, & etiam aliquando sub Nicæni nomine citabatur) Episcopi vero Orientales 76. cum nollent communicare cum Athanasio, Sardica digressi Fidei formulam Semi-Arianam conscripserunt: In qua Christum Deum, ante omnia sæcula ex Patre genitum professi sunt, non tamen *consubstantialem*. Quia autem Arianum hoc Conciliabulum non Sardicæ, sed Philippis in Thracia est habitum, ideo fortè melius ab aliis Concilium Sardicense inter Generalia ex integro approbata collocatur, nempe ut omnino distinctum ab illo Semi-Ariano, quod falso Sardicensis Concilii nomen assumpsit.

Alterum est *Sirmiese*, Sirmii nempe in Pannonia celebratum, quinquennio post Sardicense. In illo ab Arianis Episcopis duplex Fidei formula est conscripta: una, quæ positive nihil contra Fidem continebat. Et huic subscripsit Liberius Papa, ærumnis & calamitatibus Exilii pressus, atque cum aliquibus Arianis Episcopis, Catholicos se simulantibus, communicavit, consensitque etiam in depositionem Athanasii, gravium criminum accusati. Altera formula plane Ariana fuit, asserens, Patrem Majorem esse Filio, honore, dignitate ac Deitate: a voce vero *Consubstantialis* abstinendum esse, eo quod de illa nihil scriptum sit in sacris litteris (*Ecce dogma Arianum, nihil credendum, quod non sit expressum in S. Scriptura*) In hoc Conciliabulo Sirmienti succubuit ille tot palmarum heros, totque Conciliorum Præses fortissimus, magnus Osius, Cordubensis in Hispania Episcopus, prope jam centenarius, dum infelix, per vim & tormenta ab Arianis impulsus, secundæ eorum formulæ, plane impiæ, subscripsit, & Arianis Episcopis Sacrorum communionē sociatus est. Resipuit tamen ante mortem, damnata Ariana hæresi, de plagis ac vi sibi illata conquestus. Ut tamen Athanasium dampnaret, neque in lapsu illo suo adduci potuit.

Tertium est Concilium *Trullanum*, quod Balsamon *quini-sexum* appellat: quia nec est quintum nec sextum, sed ex utroque Canones (ante non editos) collegit, & plures ex suo addidit; ut adeo 102. Canones Trullani prodirent. Dictum est autem *Trullanum*: quia aliquot annis post sextam Synodum Generalem aliqui Episcopi in palatio, quod *Trullum* vocabatur, Constantinopoli convenerant, & dictos Canones ediderunt, nec Pontifice nec ejus Legatis præsentibus. Unde etiam Sergius Papa tanquam errat-



ticam Synodum reprobavit. Quare Canones isti per se non habent vim legis. Aliqui tamen postea approbati & recepti sunt a Pontifice aut legitimis Conciliis: sic Canon 82. de pingendis sacris Imaginibus receptus est ab Adriano I. & Synodo VII.

12.  
Francofordiense.

Quartum est *Francofordiense* anno 794. celebratum sub Carolo M. Hoc Concilium, in quantum ex errore damnavit septimam Synodum reprobavit Adrianus I. in quantum vero definivit, Christum non esse Filium Dei adoptivum, illud approbavit.

13.  
Constantiense.

Quintum in hac Classe Bellarminus collocat *Constantiense*, Patrum ferme 1000, & inter eos Episcoporum ultra 300. frequentia celebratum ab anno 1414. usque ad 1418. adnitente maxime Sigismundo Imperatore, ad tollendum Schisma inter Gregorium XII. Benedictum XIII., & Joannem XXIII. eorumque adherentes exortum. Unde, his abdicantibus aut abdicatis, a Concilio electus est Martinus V. Hoc igitur Concilium recipitur a tota Ecclesia quoad Sessiones ultimas, quibus præfuit Martinus V. & quoad ea decreta, quibus damnati sunt Wiclephitæ & Hussitæ. Quoad ea vero, quibus Concilii authoritatem supra Pontificem extollere visum est, reprobatum fuit a Concilio Lateranensi ultimo.

14.  
Basileense.

Ultimum in hac Classe a Bellarmino ponitur *Basileense*, ab anno 1431. usque ad 1449. tum Basileæ, tum Lausannæ continuatum, magnas interurbas & discordias. Nam, ut supra dictum, legitime quidem cœptum est, sed cum in Eugenium IV. summum Pontificem insurgeret, transfugit hic Concilium primum Ferrariam, deinde Florentiam, septem Episcopis cum uno Cardinale pertinaciter Basileæ ac Lausannæ hærentibus, imo Eugenium deponentibus, ac Amadæum Sabaudia Ducem, sub nomine Felicis V. eligentibus. Tandem Nicolao V. Eugenii Successori, tam Concilium illud, quam ipsius Pseudo-Papa, se subjecerunt. Conciliabulum hoc reprobatum fuit in Concilio Lateranensi sub Leone X. Sess. XI. exceptis quibusdam dispositionibus circa Beneficia Ecclesiastica, quas Nicolaus V. approbavit.

15.  
Pisanum  
dubium.

De Concilio *Pisano I.* in quo anno 1409. depositi sunt Gregorius XII. & Petrus de Luna (qui sub nomine Benedicti XIII. Pontificatum inuaserat) electusque Alexander V. dubium est, an sit Generale approbatum, an vero reprobatum. Ratio dubitandi est, quia ex una parte communis ferme est opinio Alexandrum V. in hoc Concilio electum, & Joannem XXIII. qui Alexandro successit (viventibus adhuc Gregorio XII. & Benedicto XIII. in hoc Concilio depositis) fuisse veros Pontifices: alias Borgia non Alexandrum Sextum, sed Quintum se nominasset. Contra vero S. Antoninus cum aliis Concilium Pisanum pro illegitimo habet: in quo non sublatum Schisma, sed auctum est. Propter quas causas Bellarminus hoc Concilium vocat, nec manifeste probatum, nec manifeste improbatum.







T-VI.

(1)

720/R

J767

B612a

v.1











